

*image
not
available*



27. Ø.



JOANNIS LAURENTII BERTI
FLORENTINI
FRATRIS EREMITAE AUGUSTINIANI
LIBRORUM
DE THEOLOGICIS
DISCIPLINIS
TOMUS VII.

In quo plura traduntur, quæ ad CONFIRMATIONIS,
EUCHARISTIAE, & POENITENTIAE
pertinent sacramenta.



ROMÆ APUD PANTHEON ANNO D. MDCCXLIII.
EXCEDEBAT ANTONIUS DE RUBEIS

SUPERIORUM PERMISSU.

THE



DE THEOLOGICIS DISCIPLINIS LIBER TRIGESIMUS SECUNDUS

*In quo de Sacramento CONFIRMATIONIS
instituitur Dogmatica, Polemica,
& Scholastica Dissertatio.*



QUUM perdifficile sit de argumento quolibet Theologico accurate & exquisitè differere; difficilius est de re Sacramentaria excultos edere commentarios: pertractare autem de Sacramento CONFIRMATIONIS, ut par est, atque pro dignitate, laboriosum magis, ac difficillimum. In pluribus enim Theologiæ quæstionibus, modo polleas ingenii acumine, & arte ratiocinandi, videberis insignis Scholasticus, & a multis quoque appellaberis acutissimus disputator; at dum versaberis postrema hac in parte, in qua agitur de Sacramentis, nisi ad mentis aciem, usumque Dialecticæ accefferit assiduus labor, apparatus eruditionis, Ecclesiasticorum Rituum cognitio, nec parva notitia novæ, ac veteris disciplinæ, honestissima nomenclatione Theologi censendus eris indignus: quod sane tibi accidet præsertim differenti de Confirmationis Mystério; in quo intelliges optimè quanta sit cum Orthodoxis, & cum hæreticis altercandi materies, si tantum arripias manu Sirmondi, Petri Aurelii, & Calvinistæ Dalleri, (ut mittam alios mille) lu-

cubratas atque expolitas commentationes. Versatur propterea in proloquio apud viros doctissimos, dijudicari in hujusmodi controversiis Theologicarum scientiarum cultores, num sint a Sophistarum grege secreti. Ego itaque, etsi dedi operam, ut alii quoque tractatus rerum varietate, & eruditionis ornatu redderentur venustiores, ac præter antiquorum subtilitatem referrent doctrinam & gravitatem recentiorum, & insuper, si fieri posset, frequentissime novi aliquid exhiberent; quod an fuerim assecutus, judicabit Lector sapientissimus, atque humanissimus: ego, inquam, libros istos exornans in id studium incumbo, ut ea, quæ præstantissimi viri convenientia arbitrantur, non videantur a me penitus prætermissa. Quamquam verò de Confirmationis Sacramento post Scholasticos fere innumeros, & post Bellarminum ceterosque Controversiarum Scriptores, prolixè ac diligenter pertractarunt Basilius Poncius Instituti nostri vir celebris, Guilielmus Beyer, Joannes Morinus, & posterioris ætatis quamplurimi, inter quos aliorum industriam superasse creditur Anonymus Continuator Witassii; in spem tamen inducor eos, qui benignè legerint hunc tricesimum secundum librum, nisi probaverint laborem meum, rationem, diligentiam, sedulitatem, quæ omnia cum in me tenuissima sint, promerentur commiserationem, non laudem, percepturos saltem aliquam divinarum rerum, notitiam uberiolem; neque in gravissimis quæstionibus suspensuros esse judicium, uti fortassis eveniet pervolutanti elaboratum egregiumque opus nuperrime commemoratum: sed illas inventuros fore definitas, confirmatas, atque ad fidem, doctrinam, traditionem, disciplinamque Romanæ Ecclesiæ propugnandam aptissimas. Quæ utique spes nequaquam innisa est riganti mihi & plantanti, sed ei primum, qui incrementum dat, Summo Deo; castissimæ deinde Virgini, inclyto Davidicæ stirpis Germini, quæ divinam nobis peperit Sapientiam; tum Augustino piissimo dulcissimoque Parenti, ac postremo amicorum gratiæ, & facilitati: quibus præsidis suffultus ad inceptum opus perficiendum libentissimus appello animum.

C A P U T I.

Traditur Sacramenti CONFIRMATIONIS multiplex nomen, ac definitio, varique Impositionis manuum genera distinguuntur; tum hostes, cum quibus decertandum est, summatim connumerantur.

CONFIRMATIONEM hac, aut æquivalenti definitione Theologi omnes circumscribunt: *Confirmatio est Sacramentum novæ legis, quo*

quo baptizatis Spiritus sancti robor & firmitudo confertur , ut Christianam fidem firmiter teneant , animoque invictio profiteantur . De qua definitione , ubi absolutæ fuerint libri hujus quæstiones , nulla dubitatio poterit superesse . Interim constat priora verba , *Sacramentum nova legis* , ceteris invisibilis gratiæ signaculis esse communia , & *generis* , ut inquirunt , stare loco ; reliqua mysterii hujus significare proprietatem , seu potius efficientiam . Nam quemadmodum per baptismi gratiam homines in novam creaturam generantur ; ita per *Confirmationem* augeſcunt , animique robore perficiuntur : & idcirco sicut generationem incrementum , ita baptisma consequitur Confirmatio . Eam itaque definitionem tradiderunt Theologi ipsa re , signorumque sacrorum ordine diligenter spectatis . Arbitror temperanter , prudenterque se gerere qui hujusmodi definitionem arripiunt , nec per *materiam* , & *formam* Sacramenti hujus essentiam explicant ; congruum enim est , ut in rerum definitionibus prætermittamus , quæ etiam inter nos maximè controvertuntur ; cujus generis est quæstio de *materia* Confirmationis . Video recentiorum quosdam Sacramentum istud definientes ordinarii quoque ministri , idest , *Episcopi* meminisse , quod tamen ad explicandam rei naturam minime est necessarium . Tenebimus ergo allatam definitionem devitantes interim contentiones Scholasticas , minutasque dialecticorum præceptiones haud pluris hac in re facientes .

Nam uno autem nomine Veteres Sacramentum istud appellaverunt . Dixerunt *Confirmationem* , ut nuper animadvertimus , ab effectu : idemque nomen occurrit in 3. libro Constitut. Apost. cap. 17. in priori canone Concilii primi Arauxicani , & in 2. Concilii III. Arelatenſis , in Epist. 79. Leonis Magni ad Nicetam , in Florentino Concilio , & Decreto Eugenii , in Tridentino sess. 7. & est modo vocabulum istud in univèrsa Ecclesia receptum atque usurpatum . Appellatum quoque est *Perfèctio* , seu *Consummatio* , a Cypriano Epist. 73. ad Iubajanum , a canone 38. Illiberitano , & libro III. de Sacram. cap. 2. inter Opera Ambrosii ; cujus nominis eadem est ratio , quòd perficit baptizatum , eumque pleniori gratiâ roborat , & confirmat . Ab *unctione* autem dicitur ab Augustino libro 2. contra lit. Petilian cap. 104. *Sacramentum Chrismat* , & lib. v. de Baptismo cap. 2. *Oleum sanctificatum* ; a Græcis pariter *Chrisma* , aut *Unguentum* , sive absolute , sive cum addito , *Chrisma spiritale* , *Chrisma sanctum* , *Chrisma supercæleste* . Græcorum quidam appellaverunt Confirmationem *Unguentum perenne* , suadentes Bulgaris Chrisma in illorum oriri patria , & ab illis per totum mundum distribui : quod Nicolaus I. rescribens ad Consulta Bulgarorum cap. 94. apertæ falsitatis revincit . Ab inungendi ritu , sive potius a *Chrismatere* , dicitur Confirmatio *sigillam* atque *signaculum* , apud Eu-

Eusebium lib. 111. H. E. cap. 17. & lib. vi. cap. 35. ubi Clementis Alexandrini, & Cornelii Romani Pontificis verba afferuntur: idemque *signaculi* vocabulum in laudata Cypriani ad Iubajanum Epistola, & in libro Ambrosii de mysteriis cap. 7. aliisque in locis compluribus significat Confirmationem. Postremo Sacramentum istud vocatur *Impositio manus*, non solum a Rabano, Hugone Victorino, & Isidoro, verum etiam a D. Parente Augustino lib. 111. de Bapt. cap. 16. ut mittam canones *Omnes fideles, De his vero, & Manus quoque*, depromptos ex veterum Pontificum decretalibus, de Consecr. dist. 1v. n. 1. 3. & 4. Pertractarunt de his vocabulis Estius, Poncius, Farvacquesius, ceterique Theologi: exquisitè autem, & luculenter Lindanus in altera parte Apologiæ, & lib. 1v. Panopl. cap. 6. Durantius de Ritibus Eccles. Catholicæ lib. 1. c. 20. & Joannes Molanus lib. 1. Theolog. Pract. cap. 6.

Sunt tamen quæ his addamus nec pervulgata, nec inutilia. Et quod spectat ad nomen *Confirmationis*, nihil ad rem facit nostram illius apud Rhétores, & Jurisconsultos significatio: nam illis *Confirmatio* est orationis pars, per quam argumentando adiungitur causæ fides, auctoritas, & firmamentum, ut in primo de Inventione tradidit Cicero: hi vero, legum scilicet tractatores, *confirmari* asserunt quæ a testamentis tabulisque vim accipiunt; unde usitata apud illos phrasis, *Confirmati codicilli, confirmata libertas, confirmatio adoptionis, confirmare accepti lationem*, idest, solutionem imaginariam. Hæc, inquam, nil ad institutum nostrum; eaque leviter attigisse sat est. At nequaquam prætereundum silentio, apud rerum divinarum Scriptores dici etiam de Diaconis, *confirmari* ab his fideles, dum post porrectam a Sacerdote *sub specie panis* Euchariæstiam, præbebant Dominici sanguinis poculum. Hinc de Diaconis habet Ordo Romanus: *Presbyteri jussu Pontificis communicant populum, & ipsi vicissim confirmant*, & passim legitur eo loci vox *Confirmare* sub hac eadem notione. Observarunt id Amalarius in Eclogis, Rabanus de institut. Clericorum, & in Glossario mediæ, & infimæ Latinitatis Du-Cangius.

Quantum ad *Chrismatis* & *unctionis* vocabula, acutè observavit in primo Myrothecio vir eruditissimus Fortunatus Scacchus hoc discrimen inter *ἀλείψματα*, & *χρίσματα* Græcorum; quod priori voce significentur unguenta voluptariorum ac mollium, altera ea quibus utuntur sobrii, & ex virtute viventes: idque vir eximius demonstrat ex Clemente Alexandrino, qui lib. 2. Pædag. scribit *femineum* esse *ἀλείψμα*, *χρίσμα* autem *utile atque honestum*. Significat verò utrumque verbum *liniri unguento*. Insert inde Scacchus *Chrismate* Sacramentum Confirmationis, aut iunctionem Spiritus sancti significari, ut Joannis Epist. 1. cap. 2. καὶ ὁ πνεῦς χρίσμα ἵκεται

ἔχει ἀπὸ τοῦ ἀγίου, *Et vos Christum habetis a Sancto*; & Lucæ iv. πνίμα κυρίου ἐστὶ ἐπὶ ἐμένα ἔχειν με, *Spiritus Domini super me*, propter quod unxit me: ἀλείψω vero idem esse, ac unguento linire faciem, ut apud Matth. vi. οὐ δὲ κεφαλὴν ἀλείψω τὴν κεφαλὴν, *Tu autem jejunians unge caput tuum*. Verum nimis ingeniose ex observationibus Casauboni ista proferuntur: nam *Confirmare* promiscuè a Græcis dicitur τῷ θείῳ χρίμα ἀλείψαι, *divino linire unguento*; ἀλείψω τῷ ἁγίῳ ἑλαίῳ, *perungere sacro oleo*; τῷ μύρῳ σφραγίζειν, *unguento consignare*; ut liquet ex Euchologiis, aliisque scriptis Græcorum. Rectè itaque dictum supra, Confirmationem indiscriminatim appellari *Sacramentum Chrismatis, unguenti, olei*.

Impositio autem manus non semper *Sacramentalis* est, atque *Confirmatoria*; quamquam Confirmatio frequentissime hujusmodi vocabulo designetur. Adhibetur enim manuum impositio ad faciendum Catechumenum, ut ait Augustinus lib. 2. de peccat. meritis cap. 26. ad dæmones expellendos, ut colligitur ex Rit. Rom. tit. de Exorcizandis: ad sanandos ægros, ut legimus capite postremo Marci. Præterea alia est manus impositio, quæ adhiberi solet in Diaconatus, Presbyteratus, & Episcopatus collatione; alia, quæ in reconciliatione pœnitentium, & receptione hæreticorum; alia demum, quæ baptizatis, ut confirmentur in fide, impenditur ab Episcopo. Ac de priori manus impositione, quæ est sacrarum ordinationum materia, aperta sunt divinarum litterarum testimonia, Act. vi. 6. in priori ad Timoth. iv. 14. & in 2. cap. 1. 6. aliæque in disputatione de Sacramento Ordinis producenda. De altera verò impositione manus dicturi præmittimus quatuor, aut quinque fuisse olim. Pœnitentium gradus, qui erant isti, *πρὸς λαὸν, stetus*, cum pœnitentes extra templorum portas consisterent: *ἀκρόασις, auditio*, cum intra portam cum Catechumenis starent sacras audientes conciones: *ὑπὸ πτερόν, substratio*, cum se substernerent, & illis Episcopi manus imponent: *ὄρασις, conspectus*, dum orarent cum fidelibus, postquam Catechumeni abiissent; & *μυστήριον ἢ ἐκμυστήριον, communicatio divinarum Sacramentorum*, cum absolutione obtenta accederent ad sacra mysteria. Atque hanc *μυστήριον, communicationem*, potius pœnitentiæ exitum, quam gradum appellandam censet lib. 2. Observat. pag. 367. doctissimus Albaspinæus. In tertio itaque gradu *substrationis* pœnitentibus manus imponebantur: unde legimus in Concilio iv. Carthag. can. 8. *Omni tempore jejuniis manus pœnitentibus a Sacerdotibus imponantur*: & in Laodicæno can. 19. fieri fidelium preces, *cum pœnitentes sub manum accesserint, & recesserint*. Atque hanc manuum impositionem non fuisse *Sacramentalem*, inde constat, quod pœnitentes in quinto duntaxat gradu, sive, ut placet Albaspinæo, in exitu pœnitentiæ perciperent absolutionem. Et ritu etiam

etiam hæretici excipiebantur ad Catholicam venientes; nam Stephanus in decreto, de quo prolixè egimus pertractantes de Anabaptismo, *Si quis ergo* (inquit) *a quacunque hæresi venerit ad nos nihil innovetur, nisi quod traditum est, ut manus illi imponatur in penitentiam.* Ex vetusta itaque traditione hæretici per impositionem manus recipiebantur. Hinc S. Gregorius lib. xi. epist. 67. scribit: *Et quidem ab antiqua Patrum traditione didicimus, ut quilibet apud hæresim in Trinitatis nomine baptizantur, cum ad sanctam Ecclesiam redeant, aut unctione Chrismatis, aut impositione manus, aut sola professione fidei, ad sinum matris Ecclesie revocentur.* Unde Arianos per impositionem manus Occident, per unctionem verò sancti Chrismatis ad ingressum sanctæ Ecclesie Catholice Oriens reformat. Quod de Occidente scribit Gregorius Magnus, de Romana Ecclesia, conterminisque provinciis esse accipiendum, non de Occidente universo, apparet ex quo in Galliis, atque Hispaniis Ariani ad Catholicam redeuntes Chrismate fuerint consignati, ut constat ex Concilio 2. Arelat. can. 17. Araux. 1. canone 2. & Gregorio Turonensi lib. 2. Hist. cap. 31. & lib. iv. cap. 27. Num hæc impositio manus, & Chrismatis unctio, qua recipiebantur olim hæretici, fuerint *Confirmatoria*, gravis est controversia, de qua infra: modò *Confirmatoriam* non esse supponimus. De impositione manuum, quæ ad Sacramentum hoc attinet, habetur in Ordine Romano, in Ponticali Romano, & in Scripturis postmodum laudandis Episcopum super capita confirmandorum manus elevare & extendere, illorum frontem signare, eisque largiri Spiritum Sanctum, sive potius *Spiritum Sanctum advocare, & invitare*, ut in libro de Baptismo loquitur Tertullianus. Non enim dant homines Spiritum Sanctum, sed orant, ut veniat in eos, quibus manus imponunt; quod & de Christi Discipulis ait lib. xv. de Trinit. cap. 26. præstantissimus Augustinus.

Inter hæreticos, qui Sacramentum Confirmationis repudiaverunt, connumerant quidam Arianos, præsertim Orientales, quos supra diximus reformatos fuisse per *Unctionem*; at si Ariani hac de causa dicendi sunt negasse Confirmationem, idem professò asserendum erit de Macedonianis, Tesseradecatistis, Apollinaristis, & aliis, quos *unctione* recipiendos præcipit Constantinopolitana 1. Synodus, canone septimo. Verum *unctionem* illam *Confirmatoriam* non esse, sententia videtur nobis probabilior. Recensentur præterea Donatistæ, qui ex Optato lib. 11. num. 12. *Ampullam Chrismatis per sevestram, ut frangerent, jactaverunt.* Verum & Donatistas adhibuisse Chrisma liquet ex eodem Optato lib. vii. num. 4. pag. 103. nec alia de causa projecterunt sacri Chrismatis ampullam, nisi in execrationem Sacramentorum, quæ extra Ecclesiam suam confere-

bant.

bantur : qua impietate etiam Eucharistiam dedisse canibus , a quibus lacerati fuerint , narrat eodem loco Antistes Milevitanus . Sequuntur Novatiani , de quibus Theodoretus lib. 3. H. Fab. cap. 5. inquit : *his , quos baptizant , sanctissimum Chrīsmā non prābent* . Sed videntur potius Novatiani Sacramentum istud neglexisse , quam denegasse exemplo Novati , qui baptizatus in lecto , in quo decumbebat , *neque cetera , quibus post baptismam secundum Ecclesiā canonem imbuti oportuerat , acquisivit , nec Domini sigillo ab Episcopo obsignatus fuit* ; ut ad Fabium scripsit Cornelius Papa , apud Eusebium lib. vi. H. E. cap. 35. Accedunt Valenses , quos reprobasse Sacramentum Confirmationis affirmat Aeneas Sylvius in libro de Origine Bohemorum c. 35. Guillemus Beyer in Appendice ad Tract. de hoc Sacram. Bellarminus c. 1. Estius dist. vii. §. 3. alique permulti ; idque constare ex Raynero scribit lib. 3. de Sacram. Confirmat. cap. 17. Calvinista Dallæus . Ex Raynero tamen hoc unum habemus , Valenses mirari , *quare solis Episcopis liceat confirmare* , ut animadvertit Jacobus Bossuet lib. xi. Variat. num. 107. Immo ex Confessione Valdensium oblata Uladislao Hungariæ Regi , quam proferunt Witasse , ac Tournelius , apparet illos agnovisse *septem numero Sacramenta* ; unde arbitramur Valenses de ministro potius , quam de existentia hujusce Sacramenti hæsitasse . Numerantur deinceps Wiclefistæ , seu Lollardi , a Basilio Poncio , ab Estio , a Bellarmino , ab aliis ; eo quod Joannes Wiclefus lib. 4. Trialogi asserat hoc Sacramentum non probari ex Scripturis , & quibusdam videri a diabolo inductam cum ritibus suis Confirmationem Episcoporum : in libro autem altero , qui forte periit , apertè Sacramentum ipsum rejiciat . Attamen & hæc ambigua sunt , quoniam in Trialogo aliorum quidem , sed non ejusdem Wiclefi pronuntiatur sententia ; nec in Synodo Constantiensis sess. 8. istud inter cetera hæretici hujus portenta damnatur ; sed illud duntaxat num. 28. *Confirmatio juvenum , Clericorum ordinatio , locorum consecratio reservantur Papa & Episcopis propter cupiditatem lucri temporalis & honoris* . De Ruthenis quoque affirmat Suarezius disput. 32. sacramentum Confirmationis negavisse ; at contra Poncius , & Beyer contendunt Ruthenos caruisse utique aliquando Confirmatione , quòd in illa balsamum non adhiberent , sed *oleum infirmorum* , non autem ipsam Confirmationem negasse . Qui ergo de his , ceterisque hætenus commemoratis sentit Confirmationem de Sacramentorum expunxisse numero , aut errat , aut saltem in ambiguo versatur .

At extra dubitationem positum est , post duo Novatorum Capitula , Lutherum & Calvinum , quotquot in horum abiectæ partes Confirmationem abjecisse , secutos doctrinam istorum pestilentissimam . Lutherus enim in libro de Captivitate Babylonica Confirmationem

ritum quemdam Ecclesiasticum, seu ceremoniam Sacramentalem esse, concedit, esse *Sacramentum* præfactè negat: immo Melanchthon in Locis Commun. ceremoniam illam censet hoc temporis prorsus *inutilem*; nec aliter sentiunt ceteri hujus sectæ Theologi, tametsi Lipsienses & Withembergenses in Confessione anni 1568. receperint Sacramenta septem, ac nominatim ipsam Confirmationem. In qua tamen Confessione, ut moris est tergiversantium omnium hæresum, minimè perstiterè. Calvinus autem in Antidoto Concilii Trid. sess. VII. can. 2. mendaciter scribit, Olei neminem veterum, immo nec eorum qui media ætate floruerunt, fecisse mentionem: & lib. IV. Inst. cap. 14. & 19. plura adversus Catholicam fidem comminiscens pronuntiare audet, a nobis justificationis causam, virtutemque Spiritus sancti vasculis, aut plaustris includi; nullam promissionem baptismati, gratiam vero omnem unctioni attribui; aquam nullo jam numero haberi, & oleum unum magnificè extolli; aliaque temeritatis mendaciorumque plenissima, abunde ex dictis de virtute baptismatis, atque ex producendis hoc in libro penitus refutata. Pari, nisi audaciori temeritate in Confirmationem acuit veneno tinctum, impudentissimumque stilum Kemnitius 2. p. Examinis, ubi & illud affirmat, unctionem Chrismatis prodiisse è schola Montani, hujusque pice non Tertullianum solum, verum etiam Cyprianum fuisse illitum, quoddam unctionis aliquando meminerint; tametsi nec Epiphanius, nec Philastrius, nec Augustinus, nec aliquis eorum, qui hærescon conscripserunt historiam, recensuerint inter Montani dogmata, Chrismatis, Oleique mysterium. His subcinuere protestantium reliqui, inter quos Theodorus Beza in Responsione ad Franciscum Balduinum, M. Antonius de Dominis lib. V. de Republ. Eccles. cap. 5. Joannes Dallæus in Opere de Confirmatione tres in libros distributo. Mitto Confessionem Saxonicam ann. 1551. Magdeburgenses Cent. IV. c. 6. aliosque permultos capite proximo refellendos.

C A P U T II.

*Demonstratur Confirmationem esse verum, propriumque
Sacramentum novæ legis.*

HÆc præsertim duo sunt, quibus hæreticorum frangitur pervicacia, divinarum nempe Scripturarum auctoritas, ac perpetuæ Traditionis firmitudo. Scripturis ergo comprobari Sacramentum Confirmationis tenent ferè omnes Theologi, idque peracutè demonstrant ante recentiores Iodocus Ravesteyn Tiletanus parte 2. Apologiz, Tapperus ad art. 12. Confessionis Lovaniensis, Joannes Hesselius

lius in Explicat. Sacram. cap. 14. Bellarminus lib. 2. de Sacram. cap. 2. Basilius Poncius de Confirmat. P. 1. cap. 3. Guilelmus Beyer p. prima, Estius in 1v. dist. 7. §. 3. ne commemorentur recentiores, Habert, Le-Droin, Tournelius, Witasse. Scribunt hi duo, oppositum sentire Scholasticos illos, qui de Institutione Confirmationis perplexe locuti sunt, aut auctores illius fecerunt Apostolos, iisdemque Scholasticis accensent Scotum in 1v. dist. 7. At revera nunquam Scotus docuit Confirmationem non posse è Scripturis probari; sed aperte docuit in 1v. dist. vii. q. 1. hoc Sacramentum institutum a Domino, licet tempus & modus hujus institutionis in Scriptura non legatur: nec de veritate Sacramenti disputat Scotus, sed de ejus institutione, ut animadvertit Mastrius disput. 2. de Sacram. q. viii. Commemorandus potius erat Hieremias Patriarcha Constantinopolitanus, qui in Censura Confess. Augustanæ c. 7. scribit, *ὅτι δι τῶ θειοῦ μυστῆτος ἡ ἐκείνου ἐκ τῶ θειοῦ ἡ ἀποστολὴ, Divini unguenti mysterium non extat in sacris litteris*: quod avidè arripuerunt Lutherani, inde inferentes Confirmationem esse *ἐκ τῶ θειοῦ τῆς ἐκείνου, adinventio- nem Ecclesie*. Vide Poncium pag. 12. Arcudium pag. 62. Nos, quicquid Hieremias, aut alii quipiam sint opinati, arbitramur Novatores utroque ex capite, Scriptura scilicet, ac Traditione revinci; cum sola sacra Scriptura non sit, quod sæpe monuimus, regula, dijudicandorum dogmatum, infirmumque sit Lutheranorum illud ex confessione Hieremiæ confectarium.

PROP. I. Catholica veritas firmatur divinarum Scripturarum auctoritate.

Actorum enim Apostolicorum cap. viii. 14. & cap. xix. 6. describitur Confirmatio tanquam signum sensibile significandi & efficiendi gratiam ac virtutem Spiritus sancti vim habens. Hujus autem generis signa sunt verum propriumque Sacramentum. Acta, ergo Apostolica Confirmationem tanquam Sacramentum proprie dictum delineant. Majorem probant quæ eo loci leguntur: *Cum autem audisset Apostoli* (ita extat viii. cap.) *qui erant Jerusalem, quod recepisset Samaria verbum Dei, miserunt ad eos Petrum & Joannem, qui cum venissent oraverunt pro ipsis ut acciperent Spiritum sanctum; nondum enim in quemquam illorum venerat, sed baptizati tantum erant in nomine Domini Jesu. Tunc imponebant manus super illos, & accipiebant Spiritum sanctum*. Et cap. xix. de Baptizatis habetur: *Et cum imposuisset illis manus Paulus, venit Spiritus sanctus super eos*. Quibus in locis habemus rem sensui subiectam, sive visibile signum, idest, manuum impositionem; nec non invisibilem gratiam, virtutem scilicet Spiritus sancti. Habemus itaque quicquid constituit verum ac proprium novæ legis Sacramentum.

Hoc argumentum labefactare conati sunt Calvinus, & Kemn-
B 2
tius,

tius, reponentes deesse primum in hac manuum impositione *promissionem gratiæ ac mandatum*; cum nullibi inveniat Christum præcipisse Apostolis, ut hac ceremonia uterentur, ac multo minus ad illam promississe collaturum se beneficia gratiarum. Addit Kemnitius, singulare fuisse privilegium Apostolicum, non Sacramentum diuturnum & permanens, per impositionem manuum largiri gratiarum dona; idque ex eo patefieri, quod modò imposita ab Episcopis manu confirmati non loquantur linguis, nec miracula perpetrent, qualia Apostolicis temporibus contingebant. Regerunt præterea, Spiritum sanctum, quem Apostoli conferebant manus imponendo, fuisse linguarum donum, virtutemque mirabilia patrandi, non gratiam sanctitatis, quâ baptizati per regenerationis lavacrum fuerant cumulatè exornati. Affirmant insuper illam manuum impositionem fuisse oblationem quamdam, per quam initiati Deo externa hac ceremonia consecrarentur. Præter hæc, inquit Dallæus, nullum in his locis oleum fentiri, nullum odorari balsamum, verba etiam deesse, quæ nisi ad elementum accedant, nequit coalescere Sacramentum rebus, verbisque constans.

Sed hæc omnia facillè refutantur. Ac primum quidem; nam temere asseritur præter mandatum, & institutionem Domini Apostolos ea ceremonia usos fuisse, & excogitasse quod tam eximia virtus, qualis est largitio Spiritus sancti, inesset ceremoniæ a se pro libito, & absque Magistri præscripto usurpatæ. Gratiæ verò non solum promissio, sed etiam collatio productis in locis exprimitur. Neque vero, ut ad alterum progrediar, *impositio manuum* ad gratiam miraculorum pertinens fuit privilegium Apostolorum singulare; id enim Ananiæ datum legimus Act. ix. 17. immò unicuique credentium, Marci ult. 18. Quod ergo peculiari titulo Apostolis concessum fuit, eorumque successoribus Episcopis, est baptizatos perficere, & illis signo sensibili conferre Spiritus sancti virtutem. Quam si elargiri potuisset Philippus, qui baptizaverat Samaritanos; non opus fuisset ut Samariani adirent Joannes & Petrus. Philippus itaque, utpote discipulus, tantum baptizat (inquit in Acta pag. 77. Oecumenius) gratiam verò perficiunt Apostoli, quibus hujus doni concessa erat auctoritas, *ὡς καὶ τῶν μαθητῶν οὐκ ἔστιν ἐξουσία, ἀλλὰ τῶν ἀποστόλων*. Utiq; Apostolis, (reponunt hæretici) sed non Episcopis. At mentiuntur plane. *Quem morem in suis præpositis etiam nunc servat Ecclesia*, ait Augustinus de impositione manuum, qua Apostoli conferebant Spiritum sanctum, lib. xv. de Trinit. c. 26. Similia Patres alii paulo infra laudandi: Nec officit, quod modo visibilia signa ad impositionem manuum Episcoporum minimè consequantur: ea namque signa divinæ virtutis argumentum sunt ab initio incredulis exhibendum, non spiritus interiori

rioni

riori gratia animum exornans atque perficiens. Rectè prælaudatus Augustinus Tract. vi. in Epist. Joannis num. 10. *Primis temporibus eadebat super credentes Spiritus sanctus, & loquebantur linguis, quas non didicerant, quomodo Spiritus dabat eis pronuntiare. Signa erant temporis opportuna. Oportebat enim ita significari in omnibus linguis Spiritum sanctum, quia Evangelium Dei per omnes linguas cursum erat toto orbe terrarum. Significatum est illud, & transiit. Namquid modò quibus imponitur manus, ut accipiant Spiritum sanctum, hoc expectatur ut linguis loquantur? aut quando imposuimus manum istis infantibus, adtendis unusquisque vestrum utrum linguis loquerentur, & cum videret eos linguis non loqui, ita perverso corde aliquis vestrum fuit, ut diceret, Non acceperunt isti Spiritum sanctum, nam si acceperunt, linguis loquerentur quemadmodum tunc factum est? Hoc Augustini testimonio conversionis suæ rationes confirmavit in Epistola ad Georgium Calixtum pag. 40. Christophorus Ranzovius. Diluitur iisdem verbis commentum subsequens hæreticorum. Testatur enim Augustinus baptizatos per impositionem manuum Spiritum sanctum accipere, etiam si linguis non loquantur: ideoque distinguit Spiritum sanctum a dono ipso linguarum. Inversum simile præterea est, inquit in loca difficiliora Script. pag. 585. Guil. Estius, omnes, quibus Apostoli manus imponebant, linguis fuisse locutos, scribente Paulo 1. ad Corinth. xii. 30. *Namquid omnes linguis loquuntur?* Accedit gratias gratis datas, inter quas connumerantur linguæ, etiam improbis aliquando conferri, ut apparet ex Matth. vii. 22. in improbis verò habitare *Spiritum sanctum* res nova est, repugnatque divino eloquio, Sapient. i. 5. At enim, inquit hæretici, nonne baptizati receperunt sanctitatis & gratiæ dona? Respondemus recepisse quidem ad renascentiam & adoptionem, non ad virtutis robur, ac firmitudinem. Varia sunt enim Spiritus charismata ac munera: ipsique Apostoli, iusti utique, & gratia sanctificationis ornati, post Domini ascensionem acceperunt *virtutem ex alto*, ut Christus promiserat, Lucæ xxiv. 49. & Act. i. 8. Hunc ergo *Spiritum*, non solum linguarum dona impertientem, verum etiam fidelium animos interno illapsu corroborantem, quem Apostoli singulari eventu, & absque visibili Sacramento fuisse consecuti, hunc eundem Spiritum olim quoad utrumque effectum, interioris scilicet roboris, & linguarum, postmodum quoad primum, atque præcipuum, contulerunt, conferuntque Antistites Ecclesiarum. Atque hinc dispellitur commentatio altera Calviniana, videlicet, impositionem illam manuum fuisse oblationem quamdam, non autem Confirmationem. Ut enim mittam, etiam apud Judæos idem esse *ἔχειν ἐν ὀνόματι*, *manum extendere*, ac deprecari divinæ potentiæ efficaciam, spiritusque augmenta, ut permultis Scripturarum exemplis ostendit in*

caput 9. Matth. Acatholicus Grotius, poterat sane Philippus, ut Samaritas baptizare, ipsorum quoque oblationes excipere, neque ad hoc necessum erat, discederent Jerosolymis duo Apostolorum. Quamquam & illud perspicuum est, baptisma ipsum esse personarum initiationem & oblationem; & si oblatio alia requiritur, hanc esse non regeneratorum, sed potius Catechumenorum ad baptisma accedentium. Quod tandem addunt de Chrismate, & de verbis, ad illam questionem attinet, in qua disputatur *de materia, & forma Confirmationis*; ac modo sat est reponere, nostratum plures hujus Sacramenti *formam* constituere in oratione, quam conjunctam impositioni manuum colligimus ex eodem cap. v111. vers. 5. alios eandem *formam* assignare ex Apostolica traditione: de Chrismate etiam Inter Scholasticos disceptari; nec aliud inquiri in præsentia, nisi, num in *Confirmatione* deprehendatur signum sensibile gratiæ, seu ratio veri Sacramenti, idque ex Apostolicis Actibus evincatur.

In sua adhuc pervicacia persistunt hæretici, ac duce Dallæo in Apostolicis Actibus de solo linguarum dono, spirituque visibili institui sermonem, hisce momentis ulterius jactitant. Principio, inquit, Act. v111. 16. ubi, legunt Latini, *Nondum enim in quemquam illorum venerat*, idest, Spiritus sanctus, extat in autographo Græco, *ὅτι γὰρ ἔτι ἐν αὐτοῖς οὐκ ἐπιστάτο*: Est autem *ἐπιστάτο* idem, ac *irruere*, *illabi*, exprimitque prophetici spiritus energiam. Deinde ille spiritus ab Apostolis conferebatur, de quo Joelis 11. 28. *Effundam de spiritu meo super omnem carnem, & prophetabunt filii vestri, & filia vestra, &c.* Vide Act. 11. 17. & Marci ult. 17. Hunc autem spiritum esse spiritum propheticum satis constat. Præterea Apostoli illum conferebant *spiritum*, quem Simon oblata pecunia expetebat dicens: *Date & mihi hunc potestatem, ut cuicumque imposuero manus, accipiat Spiritum sanctum*, Act. v111. 19. At Simon eum duntaxat spiritum cupiebat, quo sibi *quæstus*, & *pecuniarum occasio fieret*, inquit pag. 79. Oecumenius: *οὐκ ἐπεὶ οὐκ αὐτῷ χρίσται, ὡς ἀποστόλων γινώσκοντων*, donum videlicet miraculorum, non robur animi. Postremò Apostoli dederunt *spiritum*, quem dare non poterat Philippus discipulus & diaconus. Atqui spiritum sanctificantis gratiæ etiam Philippus conferre poterat, quemadmodum illum contulit Ananias, Act. 1x. 17. Igitur Apostoli per manuum impositionem dabant dona linguarum & miraculorum, non spiritalem atque invisibilem gratiam. Hinc in cap. v111. Act. Apost. agi de adventu Spiritus sancti secundum externam aliquam & aspectabilem formam, quæque splendenti illustraret igne, & donum conferret linguarum, permulti quoque Catholici Interpretes tradiderunt, ut Gaspar Sanctius, Gagnæus, Menochius, & alii.

Verum neque ista roboris habent aliquid; fatemur enim exter-

na specie apparuisse Spiritum sanctum, negamus non corroborasse interiori gratia cor, animumque baptizatorum. Non solum enim Spiritu sancto repleti prophetabant, loquebanturque linguis; verum etiam timore omni deposito annuntiabant Christi nomen, patiebantur lubenti animo contumelias, Evangelium apud incredulos contestabantur, nec quidlibet erubescunt, sed spiritu interius movente promebant magnalia Dei. Duæ ergo diversæ res sunt, accipere Spiritum sanctum, & linguis loqui; seu virtute corroborari, & patrari miracula: quamvis istud præsentia spiritus, ejusque efficientia fuerit manifestum invictumque argumentum. Jam verò hæreticorum cavilla dispungamus. *Ἐπιπνεύματος* est participium verbi *ἐπιπνέω*, quod non est tantum *irruo*, & *cado*, sed etiam *supervenio*: nam Aristoteles in 3. Animalium *supervenientes* vocat *ἐπιπνεύματας*, ut animadvertit Budæus tom. 1. pag. 706. Est ergo idem sensus hujus vocabuli *ἐπιπνεύματος*, ac alterius quod occurrit Act. 1. 8., *ἐπιπνεύματος*, *supervenientis*: ubi legimus, *ἀλλὰ δύναμη τοῦ ἁγίου πνεύματος, Ἀccipietis virtutem supervenientis Spiritus sancti*, sive, ut habet Arabicus, Tom. v. Bibl. Polyglot. pag. 517. *Accipietis robur per adventum Spiritus sancti*. Quare merito *τὸ ἐπιπνεύματος* redditur a Latino Interprete, *venerat*; ab aliis, *aderat*, *descenderat*. Immo variant lectiones Græcæ: habeturque in Codicibus optimæ notæ pro *ἐπιπνεύματος* imperfectum *ἐπιπνέων*, *aderat*, *existerat*. Vide Variantes lectiones Græcæ N. Test. ad Calcem v. 1. Voluminis Polyglottarum, pag. 22. Corruit ergo prior argutatio ex verbo *ἐπιπνεύματος* petita: quamquam nec illud a nobis negatur, illapsum Spiritum *sub visibili forma*, quæ commonstraret gratiam inaspectabilem. Hæc verò proximū quoque argumentum elidunt & frangunt. Ad tertium responderi posset cum Tirino, Simonem ambliis quoque Episcopatum; sed præligenda est responsio Augustini scribentis Enarrat. 3. in Psalm. xxx. num. 14. *Admiratus est ille (Simon) & obsufofactus tanto divino miraculo, quod ad impositionem humanarum manuum venit Spiritus sanctus & implevit homines, & desideravit istam, non gratiam, sed potentiam, non unde liberaretur, sed unde extolleretur.* Et in Psal. cxxx. num. 5. *Plus illum delectavit potentia Apostolorum, quam justitia Christianorum. Ubi vidit per manus impositionem Apostolorum, & per orationes eorum Deum dare fidelibus Spiritum sanctum, & quia tunc per miraculum demonstrabatur adventus Spiritus sancti: (nec ideo modò non datur Spiritus sanctus, quia linguis non loquuntur qui credunt. Ideo enim tunc oportebat, ut linguis loquerentur, ut significarent omnes linguas Christo credituras. Ubi impletum est quod significabatur, miraculum ablatum est.) Cum ergo hoc videret Simon, voluit talia facere, non talis esse.* En aperte Augustinus distinguit Spiritum sanctum a dono linguarum, sive

sive potentiam miraculorum a gratia, traditque Apostolos utrumque dedisse, Simonem verò *potentiam* qua extolleretur, non *Spiritus sancti gratiam* postulasse. Atque hac distinctione supposita conrunt quæcumque produci ab hæreticis possunt ex Patribus, sacrisque Interpretibus, asserentibus collatum Sammaritanis *spiritum*, *domumque signorum*; cum donum istud gratiam minime excluderet, sed illam comprobaret sensibili testimonio. Id verò scribunt præcitati Sanctius, Menochius, Tirinus, alique plurimi, qui etiam doceant designari his in locis sacramentum Confirmationis. Ad ultimum sunt, qui cum Luca Holstenio dissert. 1. de Ministr. Confirmat. respondent Ananiam unum fuisse ex LXX. discipulis, discipulos autem Apostolorum collegas, illisque ad prædicandum Evangelium succenturiatos, non solum fuisse presbyteros, sed etiam Episcopos, cum ab iisdem LXX. fundatæ fuerint præcipuæ sedes Episcopales, ut Do-rotheus, alique Ecclesiasticæ historiæ Scriptores litteris consignarunt. Quod si placet Ananiam meris presbyteris accenseri, illud tantum, inquit, consequetur, presbyteros accepta ab Apostolis facultate contulisse *Chrisma*; maximum verò esse Ananiam inter, & Philippum discrimen, cum is fuerit unus ex septem diaconis, *mensarum viduarumque ministris*. At nos arbitramur Ananiam per manus impositionem nequaquam dedisse Spiritum sanctum, sed cæcitatem avertisse, ut legitur versu 12. *Et vidit virum Ananiam nomine introeuntem, & imponentem sibi manus, ut visum recipiat*. Quare impositio hæc manus non fuit *Confirmatoria*, & qualis describitur Act. viii. 17. sed ejusdem generis, ac illa, de qua Marci ultimo, *Super agros manus imponent, & bene habebunt*. Et quidem hæc baptismum Pauli præcessit; illa baptismum Sammaritanorum est consecuta. Dum ergo ait Ananias, *Saule frater, Dominus misit me Jesus, ut videas & implearis Spiritu sancto*, significavit missum se, ut per impositionem manuum sanaret cæcum, ac deinde illum baptizaret in remissionem peccatorum. Hinc sequitur versu proximo, *Visum recepit, & surgens baptizatus est*. Quod si in Paulo propter insignem animi præparationem adstruere velimus quamdam sanctificantis gratiæ anticipationem, ut in Cornelio Act. x. 44. (de quo plura Volumine vi. pag. 553.) neque id juvare poterit heterodoxos.

Hi ergo prædictis Scripturæ locis refutantur; quibus Basilii Poncius de Confirmat. cap. 3. Estius dist. vii. & Auctor de Re Sacram. lib. 2. cap. 2. addunt quæ Paulus scribit ad Ephesios 1. 13. *In quo & credentes signati estis spiritu promissionis sancto*; in 11. ad Corinth. 1. 21. *Qui confirmat nos vobiscum in Christo, & qui unxit nos Deus, qui & signavit nos, & dedit pignus spiritus in cordibus nostris*; atque ad Hebræos vi. 1. 2. *Non rursum jacentes fundamentum*
pæni-

pœnitentia ab operibus mortuis, & fidei ad Deum, baptismatum doctrina, impositionis manuum, &c. Plura de primis duobus Pauli locis scripsi præcedenti vol. pag. 255. ubi ostendi Apostolum loqui de charactere Confirmationis; tamen non desint Theologi, qui accipienda hæc asserant de variis Spiritus sancti charismatibus: ut vidit idem Estius tom. 1. in Paulum pag. 424. Tertius autem locus proculdubio de *Confirmatione* est accipiendus, cum baptizati per impositionem manuum confirmantur, ut supra diximus; Calvinus verbò qui hunc locum detorquet *ad fidei professionem*, nulla auctoritate, nullaque ratione ducatur. Quippe non ad probandam fidem baptizatorum, sed ad conferendum Spiritum sanctum Apostolos imposuisse manus declarant Scripturæ, de quarum sensu hætenus cum hæreticis pugnatum est.

PROPOSITIO II. Eadem catholica veritas firmatur perpetua, atque exploratissima traditione.

Hujus traditionis argumentum sunt Summorum Pontificum testimonia, canones Conciliorum, scripta Patrum, universa denique Ecclesiæ Christi consensus. Et quantum ad primum attines; extat apud Eusebium lib. vi. H. Ec. cap. 43. epistola ad Fabium Antiochenis Ecclesiæ Præsulem scripta a Cornelio ad Pontificatum eveſto anno 250., sive, ut censent alii, 254. in qua de Novatiano aqua baptismatis perſuso legimus, *ὃ μὴ εἰς τὸ λατρεῖν ἔτυχεν, διαφυγὼν τὸ νόσην, & ἔχον καταλαμβάνον κατὰ τὸν τοῦ ἁγίου πνεύματος νόμον. τὸ τι σφραγισθῆναι ὑπὸ τοῦ Ἐπισκόπου: Neque postquam liberatus est a morbo, reliqua percipit, quæ juxta Ecclesiasticam regulam percipi debent, neque ab Episcopo consignatus est.* Quo sanè in loco soli offundunt tenebras qui ajunt Cornelium de baptismi ritibus fuisse locutum; tum quia nullibi ceremonias compleri dicitur *σφραγισθῆναι*, *consignari*, tum etiam, quia necessum non erat ritus baptismi ab Episcopo perfici, tum postremo, quoniam Cornelius attribuit huic signaculo Spiritum sanctum, e vestigio subjiciens: *ὅτι οὐ μὴ τυχόν, πῶς αὖ τὸ τοῦ ἁγίου πνεύματος ἔτυχεν; Hoc autem signaculo minime percepto, quo tandem modo Spiritum sanctum potuit accipere?* II. Innocentius I. Epistola ad Consultationes Decentii, data anno 416. cap. 3. inquit: *De consignandis autem infantibus manifestum est non ab alio, quam ab Episcopo fieri licere. Nam presbyteri licet sint Sacerdotes, Pontificatus tamen apicem non habent. Hæc autem Pontificibus solis deberi, ut vel consignent, vel Paracletum Spiritum tradant, non solum consuetudo Ecclesiastica demonstrat, verum & illa lectio Actuum Apostolorum, quæ asserit Petrum & Joannem esse directos, qui jam baptizatis traderent Spiritum sanctum.* Quibus in verbis agi de Confirmationis sacramento, inde manifesto colligitur, quod ceremonialis unctio etiam Presbyteris a Silvestri saltim ætate fuerit concessa; ac præterea,

To. VII.

C

signa-

signaculo facto ab Episcopis adscribat Innocentius collationem Spiritus sancti: quod proximis verbis idem Pontifex expressius insinuat: *Nam presbyteris, seu extra Episcopum, seu presente Episcopo baptizent, chrismate baptizatos ungere licet, sed quod ab Episcopo fuerit consecratum, non tamen frontem ex eodem oleo signare, quod solis debetur Episcopis, cum tradunt Spiritum Paracletum.* Atque hæc verba in canonem cap. *Presbyteris*, de Consecrat. dist. iv. n. 119. fuerunt relata. III. S. Leo Epistola 88. ad Germaniæ, & Galliæ Episcopos scripta circa annum 444. inter ea, quæ prohibentur Corepiscopis, enumerat *Chrisma conficere, & Chrismate baptizatorum frontem signare.* Et serm. 10. de Nativit. *Renati*, inquit, *per aquam & Spiritum sanctum accepistis Chrisma salutis, & signaculum vite æternæ.* IV. Sanctus Gregorius Epist. ad Januarium 9. lib. iv. *Presbyteri* (inquit) *baptizandos ungant in pectore, ut Episcopi postmodum ungere debeant in fronte.* Eadem Gregorius epist. 26. ejusdem libri repetens, indulget, ut, ubi Episcopi defunt, *Presbyteri etiam in frontibus baptizandos Chrismate tangere debeant*: sed quoniam, baptizandos ait, non baptizatos, sunt qui negant Gregorium Sardis presbyteris jus Episcopale confirmandi post baptismum infantes concessisse: unde agam rursus de hoc testimonio infra cap. vii. Præterea Gregorius Epist. 45. lib. x. mandat Clusino Episcopo, *ut officium visitationis impendat, ut ii, qui illic Deo propitio baptizantur, in consignati non debeant remanere.* Hinc liquet ob hunc præsertim finem consignandi regeneratos, ab Episcopis diæcesim lustrari; quod ex Dialogo Hieronymi adversus Luciferianos, de quo infra, recte monuit in vi. Notificat. sapientissimus Pontifex BENEDICTUS. In Sacramentario autem Tom. 111. pag. 73. distinguit Gregorius unctionem chrismatis, quam presbyter facit in vertice, & illam, qua Pontifex, *levata manu super capita baptizatorum*, præmissa oratione, *& tincto pollice in chrismate facit crucem in fronte.* Laudat Carolus Vitasse, seu potius qui Auctoris hujus prosequutus est Tractatus Theologicos, ea Gregorii verba in caput 1. Cantic. *In Engaddi balsamum gignitur, quod cum oleo Pontificali benedictione chrisma efficitur, quo dona sancti Spiritus exprimuntur.* Sed expuncta hæc sunt ab editoribus Benedictinis eodem Volum. 3. pag. 415. utpote spuria, ac deprompta ex Beda lib. 2. in Cantica. Satis nihilominus ex dictis constat, Gregorium Chrismatis sacramentum adstruere, & unctionem frontis a verticali sejunctam, ut diximus cap. ultimo de Baptismo. IV. Innocentius III. cap. *Cum venisset*, de sacra unctione, seu tit. xv. lib. 1. decretal. hæc habet: *Per frontis Chrismationem manus impositio designatur, quæ alio nomine dicitur Confirmatio; quia per eam Spiritus sanctus ad augmentum datur & robor; unde cum ceteras unctiones simplex Sacerdos, idest, presbyter*

valeat exhibere, hanc nonnisi summus Sacerdos, idest, Episcopus, debet conferre: quia de solis Apostolis legitur, quorum Vicarii sunt Episcopi, quod per manus impositionem Spiritum sanctum dabant, quem admodum Actuum Apostolorum lectio manifestat. Exscripta hæc sunt ex Epistola Innocentii ad Archiepiscopum Trinonitanum, de qua Raynaldus Tom. xlii. Annal. pag. 126., scripta anno 1204. Prætermitto Epistolas Urbani Primi, & Melchiadis in Collect. Isidoriana, & tom. x. Conciliorum, ex quibus conflata sunt cap. Omnes fideles, Spiritus sanctus, De his verò, 1. 2. & 3. de Consecrat. dist. 1v. ne certa permisceantur ambiguis.

Ut veniamus ad Synodorum canones; Illiberitanum Concilium celebratum, ut fertur, anno 305. sive potius 315. canone 38. ita statuit: *Peregre navigantes, aut si Ecclesia in proximo non fuerit, posse fidelem, qui lavacrum suum integrum habet, nec sit bigamus, baptizare in necessitate, ita ut si supervixerit ad Episcopum eum perducant, ut per manus impositionem perfici possit*: ubi manus impositionem intelligendam illam esse, quæ dicitur Confirmatio, pluribus argumentis demonstrat Ferdinandus de Mendoza lib. 3. pag. 569. Sat est illud modò animadvertere, baptismum a laico datum integrum esse, adeoque perfectionem ab Episcopo requirendam, esse Confirmationem. Sanè quid significet hoc in canone *in lavacrum integrum*, non repetam, cum dixerim tomo vi. pag. 410. Vide ejusdem Illiberitani Concilii canonem 77. quem Alphonfus Pisanus inter Canones Arabicos, Burchardus verò inter decreta Concilii Turonici falsò recensuerunt. II. Concilium Laodicenum, quod alii celebratum tradunt anno 364. alii 367. edidit hunc canonem, n. 48. *Ὅτι τοῖς φωτισμένοις κατὰ τὸ βάπτισμα ἔχοντες χρίσματος ἱερουργίαν, ὃ μυστήριον τοῦ Θεοῦ*, quem ita ad litteram vertit Gentianus Hervetus; *Oportet eos, qui illuminantur, post baptismum inungi supercælesti Chrismate, & esse regni Christi participes*. In hoc canone tum participium *φωτισμένοις*, cùm præsertim quæ sequuntur *κατὰ τὸ βάπτισμα, post baptismum*, invicte revincunt Dalcæum canonem de baptizandis, & de unctione catechumeni, quæ baptismum præcedit, ineptè, imperitè, ac nugatorè exponentem. III. Concilium Arelatense 111. anno 455. decrevit, *ut clerici, atque altaris ministri, a nullo nisi ab ipso (Episcopo), vel cui ipse injunxerit, ordinentur: Chrisma nonnisi ab ipso speretur: neophyti si fuerint, ab eodem confirmentur*. IV. Florentinum & Oecumenicum, sive Eugenius IV. in decreto pro Armeniis an. 1439. hæc protulit: *Secundum sacramentum est Confirmatio; cujus materia est chrisma confectum ex oleo, quod nitorem significat conscientie, & balsamo, quod odorem significat bonæ famæ, per Episcopum benedicto. Forma autem est, Signo te signo crucis, & confirmo te chrismate salutis, &c.* V. Tridentinum.

denique sess. vii. de Confirmat. anno 1547. hunc priorem canonem edidit : *Si quis dixerit confirmationem baptizatorum otiosam ceremoniam esse, & non potius verum, & proprium Sacramentum, aut olim nihil aliud fuisse, quam catechesim quamdam, qua adolescentia proximi fidei sua rationem epram Ecclesia exponebant, anathema sit.* Et canonem 2. *Si quis dixerit injurios esse Spiritui sancto eos, qui sacro Confirmationis chrismati virtutem aliquam tribuunt, anathema sit.*

Recentiores Theologi magnam vim inesse putant canonibus vii. primæ Nicænæ Synodi, ubi statuitur, *De his qui se nominant Catharos, idest mundos, si aliquando venerint ad Ecclesiam Catholicam, ut impositionem manus accipientes, sic in Clero permaneant.* Tournelius inquit agi hoc in canone de sacramento Confirmationis, quoniam Novatiani, auctore Theodoretto lib. 3. hæret. fabul. cap. 5. Chrismate non utebantur. Vitasse autem idem sentiens oppugnat Gratianum, & Morinum, qui censent Novatianos ad Ecclesiam redeuntes repetita ordinatione fuisse receptos. Gratiano tamen, ac Morino videtur favere versio canonis in collect. Concil. pag. 4. tom. 1. *Si qui voluerint venire ad Ecclesiam Catholicam ex Novatianis, placuit sancto Concilio, ut ordinentur, & sic maneant in Clero.* At Lupus tom. 1. pag. 49. ita canonem illum interpretatur, ut nec de Confirmatione sit accipiendus, nec de iterata ordinatione, sed sensum reddat, *Novatiani jam ordinati, si ad Ecclesiam redeant, in Clero permaneant:* quod vir eximius comprobat testimonio Hieronymi, Innocentii I., Ferrandi, aliorumque. Potest & canon ille sic accipi, ut Novatiani in Clero maneant, *si ordinentur*, sive ut possint adfiscii inter Clericos; nam & hunc sensum patitur editio Græca: *οἱ δὲ ἑτοιμασθέντες πρὸς τὸν καθαρὸν κατὰ ἀποκατάστασιν διὰ τὴν καθολικὴν ἐκκλησίαν, ἵδοτε τὴν ἁγίαν καὶ μεγάλην συνόδον, ὥστε χειροτονησόμενοι αὐτοὺς, μὴν αὐτοὺς ἐν τῷ κλήρῳ.* De his, qui se cognominant Catharos, idest, mundos, si aliquando venerint ad Ecclesiam Catholicam, placuit sancto & magno Concilio, ut impositionem manus accipientes, sic in Clero permaneant. Vide tom. 1. Conc. Harduini pag. 326. Hunc itaque canonem ad rem nostram non arbitror esse invictissimum. Idem censet Lupus de canone vii. Concilii primi Constantinopolitani, affirmans in eo, sermonem fieri de impositione manuum *reconciliatoria*, non *Confirmatoria*. Verum de hoc infra, ubi pertractabo de Confirmatione non repetenda. Sufficiat modò hæc præmonuisse.

Veniamus ad Patres. Ac primò prætermittendus minimè est Auctor Constitut. Apost. qui, etsi fortasse non sit Clem. Romanus, antiquissimus est tamen, priorumque sæculorum fidem commonstrat. Is ergo lib. 3. cap. 16. pag. 288. de baptizatis inquit: καὶ μετὰ τὴν ἐπίστασιν χρίστω πάλιν βαπτισθέντες τῷ κύρῳ, *Et postea Episcopus baptiza-*

τοις unguat chrismate: atque seq. cap. eadem pag. τὸ μίρον (inquit) *βεβαίωσις τῆς ἐμμελίας*, *Chrisma confirmatio est confessionis*. Quis hic non rideat Dallæum asserentem his in locis pertractari de *simplici oleo*, non de *chrismate*, cum *μίρον* Auctor dicat, *unguentum*, distinguatque ab τῷ ἁγίῳ ἐλαίῳ, a *sacro oleo*, quo catechumeni inunguntur ante lavacrum? Illud etiam quod sequitur, *βεβαίωσις τῆς ἐμμελίας*, *confirmatio confessionis*, nonne exprimit Confirmationis effectum de quo in Rituali Græcorum p. 368. τὸ χρίσμα τῷ μίρῳ βεβαίῳ τὴν πίστιν, *Unguenti chrisma confirmat fidem*? Habes de eodem unguento in eodem Opere lib. vii. cap. 44. pag. 381. hanc deprecationem: εὐ εἰς τὸ τοῦτο τὸ μίρον δις ὑπὲρ χειρῶν ἐπὶ τῷ βαπτίζοντι, ὅτι βεβαίῳ τὸ πάρος ἐν αὐτῷ τῇ ἐνοχίᾳ μὴ αὐτὸ τὸ χρίσμα εἶ, *Tu & nunc presta ut hoc unguentum efficax fiat in baptizato, quo firma & stabilis maneat in ipso fragrantia Christi tui*. II. Nec omitam Dionysium, sive Auctorem operis de Ecclesiastica Hierarchia, tametsi de hoc quoque discrepent eruditorum sententiæ. Decretoria enim sunt quæ habet c. 2. pag. edit. Plantin. 28. *Unguenti illa consummans unctio eum, qui initiatur, odoris suavitate perfundit: & dicitur τῷ μίρῳ τελειοῦναι χρίμα, ἐνὶ δὲ τῷ τελείῳ αὐτῷ*. Vide & caput iv. pag. 339. ubi plura de Chrismate, inter quæ habentur ista, *Quin etiam ei, qui sanctissimo divina regenerationis sacro initiatus est, consummans illa unctio divini Spiritus illapsum elargitur*, Ἀλλὰ μὴ εἰς αὐτῷ τῷ τελειῷ τὸ ἱερὸν τῆς ζωοποιίας τῶν ἁγίων, τὴν τῷ θεοῦ πνεύματι ἐπιποίησιν, & τῷ μίρῳ δαριταί τελειοῦναι χρίμα. III. Sequitur Irenæus 2. sæculi scriptor eximius, & auditor Polycarpi, qui lib. i. contra hæreses cap. 18. ex distinct. Massueti 21. num. 4. inter errores Gnosticorum depravantium Ecclesiæ Catholicæ ritus, illud connumerat quod in baptismate aqua utantur quidem, sed profanas dictiones addant, & ipsi quoque adhibeant unctionem: *Atque ipsi quoque* (ait) *balsamum adhibent*, μυρίζουσι δὲ καὶ αὐτοὶ τῷ βαπτίζοντι. Notandum hoc in loco nomen, καὶ αὐτοὶ, *Et ipsi*, quo demonstratur, uti in aqua, ita in unctione neophytorum post baptismum Gnosticos Ecclesiæ consuetudinem æmulatos. Vide Not. pag. 96. In lib. autem iv. cap. 38. num. 2. disertè scribit: οἱ δὲ γὰρ ὅς ἐκτίθηται χρίμα (ἀπὸ τοῦ) ἐλάμματος πνεύματος ἁγίου, & ἐν ἁγίῳ ζῶντι, *Quibuscumque enim imponebant Apostoli manus, & accipiebant Spiritum sanctum, qui est esca vite*. IV. Tertullianus, qui floruit sæculo tertio ineunte, in libro de Baptismo cap. vii. ait: *Exinde egressi de lavacro perungimur benedicta unctione de pristina disciplina, qua ungui oleo de cornu in Sacerdotio solebant: & cap. proximo: Debinc manus imponitur, per benedictionem advocans, & invitans Spiritum sanctum*. Eo loci tribuit unctioni etiam spiritalem effectum, scribens: *Sic & in nobis carnaliter currit unctio, sed spiritaliter proficit; quomodo & ipsius baptismi carnalis ætus* quod



quod in aqua mergimur, spiritualis effectus quod a delictis liberamur. Habes ergo ex Tertulliano utramque Confirmationis materiam, chrismata scilicet, & manus impositionem, nec non sensibilis signi sacramentalem effectum. Legas & de Præscript. cap. 48. & de Resurrectione. carnis cap. 8. & c. V. Clementis Alexandrini servavit nobis præclarum testimonium Eusebius lib. 111. H. E. cap. 23. ubi de quodam Episcopo, qui baptizaverat juvenem sibi a Joanne Apostolo commendatum, inquit Clemens *ὡς τὸ τῶν αὐτῶν φυλακτῆριον ἐπέκεινται τὸν σφραγίσαντα τὸ κρῖον, cum perfecta illum custodia objunxisset, idest, signaculo Domini, sive, cum illi perfectam custodiam addidisset, signaculum Domini.* Porro signaculum additum baptismati est confirmatio, ut ostendit in notis ad Sacramentarium Gregorii Menardus ex Ecloga Vitæ Athanasii in Biblioth. Photii cod. 258. *τίς τις ἐπιχρίσας δὴ τῷ ἐκ Χριστοῦ σφραγίδος ἱερειῶντι, idest, Qui cum eos inunxisset, Christi signaculo confirmasset.* Utitur his locis vir Cl. Franciscus Blanchinus in notis ad Anast. tom. 2. pag. 297. ad demonstrandum, Constantinum Nicomediæ confirmatum quidem fuisse, non baptizatum; propterea quod Eusebius lib. 1v. de Vita Constantini cap. 62. scribat ibidem accepisse *δύναμις σφραγίδος, ἢ τῆς αὐτῶν φυλακτῆριον, divinum signaculum, & perfectum animi tutamentum.* At non videntur probationes istæ proorsus invictæ; olim quippe baptismus, & confirmatio simul conferebantur. Eusebius præterea utrumque commemorat, scribens pag. edit. Vales. 558. *Χριστὸν μαρτυρίῃς ἀπαγορεύοντες ἰσχυροῦς, δύναντες σφραγίδος ἀξιωμακοῦ, In Christi Martyriis renatus consummatus est, divinoque donatus signaculo.* Aliunde ergo, quam ex hoc loco, ad probandum baptismum a Constantino Romæ susceptum, petenda sunt argumenta: sed iste tamen locus commonstrat signaculum superinductum baptismum esse revera Confirmationem. VI. Cyprianus, qui martyr occubuit Valeriano & Gallieno Imperatoribus anno 258., non, ut Vitassius ait, 261. in Epist. 73. ad Jubajanum pag. 281. *Illic, inquit, qui in Samaria crediderant, fide vera crediderant, & intus in Ecclesia, quæ una est, & cui sola gratiam baptismi dare, & peccata solvere permissum est, a Philippo Diacono, quem iidem Apostoli miserant, baptizati erant. Es ideo quia legitimum & Ecclesiasticum baptismum consecuti fuerant, baptizari eos ultra non oportebat, sed tantummodo quod deerat, id a Petro & Joanne factum est, ut oratione pro eis habita & manu imposita, invocaretur, & infunderetur Spiritus sanctus. Quod nunc quoque apud nos geritur, ut qui in Ecclesia baptizantur, præpositis Ecclesiæ offerantur, & per nostram orationem, ac manus impositionem Spiritum sanctum consequantur, & signaculo dominico consanmentur.* Quis ex his non percipiat (ut verbis utar Auct. Præf. num. 7.) Confirmationem non esse appendiculam quamdam baptismi, sed verum & distinctum a baptis-

ptismo Sacramentum, quod a Diaconis administrari non possit, quodque non ad exteriora tantum dona pertineat, sed maxime ad augendum & intensius roborandam baptismi gratiam? Scripserat supra Cyprianus cum aliis Episcopis Epist. lxx. ad Numidas, pag. 269. *Ungi quoque necesse est eum, qui baptizatus sit, ut accepto chrismate, idest, unctioe, esse unctus Dei, & habere in se gratiam Christi possit.* Nec aliquid moveat, quod eo loci addit Cyprianus, Porro autem Eucharistia est unde baptizati unguntur, oleo in altari sanctificato. Non enim Eucharistia est proprie oleum, ut visum Rigaltio, & Fello, deceptis mendosa editione, quæ habet, *oleum in altari sanctificatum*, sed Eucharistia est id, unde oleum sanctificatur, idest, in Altari & inter sacrificii preces: quare Cyprianus sequitur, *Sanctificare autem non potuit olei creaturam, qui nec altare habuit, nec Ecclesiam.* Unde nec unctio spiritalis apud hæreticos potest esse, quando constat oleum sanctificari, & Eucharistiam fieri apud illos omnino non posse. VII. Cyrillus Jerosolym. catech. 3. mystag. p. 523. *Et vobis (inquit) postquam ex aquis sacri lavacri ascendistis, datum est chrisma, quod imaginem gerit illius, quo unctus est Christus; hoc autem est Spiritus sanctus: & ὁ ὡς ἑμῶν ἀναβιβασίαν ἀπὸ τῆς κοινῆς θύρας ἡς ἱερὸν ναὸν τὸν ἰδὲν χρίσμα τὸ ἀντίτυπον ἔχει τὸν Χριστὸν, τὸν δὲ ἱερὸν τὸ ὅλον πνεῦμα.* Et pag. 257. *Ut enim Salvator per baptismum, & illum sancti Spiritus adventum egressus in prælium devicit adversariam: sic & vos post sacrum baptismum & chrisma mysticum induti armis sancti Spiritus, adversus oppositam vobis potestatem consistitis, & præliamini, dicentes: Omnia possum in eo, qui me confortat, Christo.* ὡς γὰρ Χριστὸς μετὰ τὸ βάπτισμα, & τὸν τῷ ὅλῳ πνεύματι ἐκρίσθη, ἔκδοσιν καταποιῶσα τὸ ἀντίτυπον. ὡς & ὡς μετὰ τὸ ἵπὸν βάπτισμα, & τὸ μυστικὸν χρίσμα ἰνδιδύμει τὴν παντὶν τοῦ ὅλου πνεύματος, ἵσαδι ὡς τὸν ἀντίτυπον δυνάμει, & ταῦτα καταποιῶσιν δύναμις, πάντα ἰσχύειν ἐν τῷ ἰνδυνάμει μὴ χρίσμι. Plura in ista Catechesi leguntur adeo aperta, ut Kemnitius Sacramentum Confirmationis appellaverit *Chrisma Cyrillianum*. VIII. Ambrosius de Myst. cap. 6. num. 29. hæc habet: *Post hæc atiquæ ascendisti ad Sacerdotem: considera quid sequuntur sit. Nunc illud quod ait David: Sicut anguentum in capite, quod descendit in barbam, barbam Aaron? Lib. 2. de Sacram. cap. 7. num. 14. Ergo misisti, venisti ad Sacerdotem: quid tibi dixit? Deus, inquit, Pater omnipotens, qui te regeneravit ex aqua & Spiritu sancto, concessitque tibi peccata tua, ipse te unget in vitam æternam.* Et lib. 111. cap. 1. *Accipis autem ὡς, hoc est, anguentum supra caput, &c.* Nolo hic rem agere cum Sirmondo, qui confirmationem primis sæculis datam putat sola manuum impositione: adversus heterodoxos nunc decerto tam exquisitis testimoniis me communicans. Istic enim *Sacerdotem* Ambrosius appellat Episcopum, quod constat

sim.

simplici locorum inspectione, in quibus aliquando legitur *summus Sacerdos*, ut cit. cap. lib. 2. paullo post verba præciata. Alucinatur ergo Dallæus scribens loqui Ambrosium de unctione, quæ sit a presbytero. Errat etiam, dum consignationem illam recenset inter ceremonias baptismi, quum de ea ita prosequatur Ambrosius lib. 3. cap. 2. num. 8. *Sequitur spiritale signaculum, quod audistis hodie legi; quia post fontem superest, ut perfectio fiat; quando ad invocationem Sacerdotis Spiritus sanctus infunditur*. IX. Hieronymus Luciferiano dicenti, *An nescis etiam Ecclesiarum hunc esse morem, ut baptizatis manus imponantur, & ita invocetur Spiritus sanctus?* Respondet 2. p. tom. iv. pag. 295. *Non quidem annuo, hæc esse Ecclesiarum consuetudinem, ut ad eos, qui longe in minoribus urbibus per presbyteros & diaconos baptizati sunt, Episcopus ad invocationem sancti Spiritus excurvat. Addit baptizatos in Ecclesia, nisi per manus Episcoporum, non accipere Spiritum sanctum*. Quod pariter demonstrat ex cap. viii. Act. Apost. S. P. Augustini testimonia plurima collegerunt Hieronymus Torrensis in Confess. Augustin. lib. 3. cap. 5. & Augustinus a Monte Ilcino, cujus egregium contra hæreticos Opus ante annum 1560. improbo labore conscriptum inter inedita delitescit. Lib. 2. contra lit. Petiliani cap. 104. num. 239. ita Augustinus loquitur: *Es in hoc unguento* (de quo Lucæ xxiv. 47.) *Sacramentum chrismatis vultis interpretari: quod quidem in genere visibilibus signaculorum sacrosanctum est, sicut ipse baptismus, sed potest esse & in hominibus pessimis, idest, quantum ad characterem*. Vide lib. 111. de Baptismo cap. 16. num. 21. lib. xv. de Trinit. cap. 26. num. 46. in Pf. cxi. num. 9. & quæ produximus precedenti prop. 1. Denique Theodoretus (hos enim collegisse sufficiat) in Cantica tom. 1. pag. 1002. exponens ea verba, *Unguentum effusum nomen tantum*, inquit: *Si magis etiam mystice vis intelligere, sacri baptismatis mysterium recordare, in quo qui initiantur, post tyranni abnegationem, & regis confessionem, veluti signo & nota quadam regia, spiritualis unguenti chrismate inuncti sub ea visibili unguenti specie invisibilem sanctissimi Spiritus gratiam suscipiunt*. Εἰ δὲ βούλῃς καὶ μυστικῶς νοῦσαι, ἀναμνησθὲν τοῦ ἱεροῦ μυστηρίου, ὅτι ὁ οὐρανὸς, μετὰ τὴν ἀρτίαν τὴν τυράντην, καὶ τὴν τοῦ βασιλέως ὁμολογίαν, οἱ αὖτε σφραγίσαντες τὰς βαπτισμῶν δὶχτάδας, τὸ πνευματικὸν μυστήριον ὁ χρίσμα. ὅς ἐστι τυπὸς τῆς μυστ. & οὐρανοῦ τοῦ παραγίνεσθαι πνεύματος χάριος ὑποδύχασθαι. Ergo Patres, ut ex accurata horum testimoniorum ponderatione facile quisque deprehendet, in manus impositione & in Chrismate, quo baptizati per Ecclesiæ Antistites linuntur, agnoscunt divinum signaculum, invisibilis gratiæ typum, subministrationem virtutis ad dæmonem propulsandum, unctionem Dei & gratiam Christi, fidei confirmationem, ac donum Spiritus sancti. Certe qui tam amplis magnificisque notis delineant Confir-

matio-

mationem, atque in ea describunt visibilia signa gratiarum, connumerant illam inter Catholicæ Ecclesiæ sacrosancta signacula . Non ergo otiosa ceremonia est, non ritus aut appendix baptismi, non inventum Melchiadis, alteriusve Pontificis, non denique commentum scholasticum, aut posteriorum sæculorum figmentum .

Facit denique ad confutationem hæreticorum, quod ostendimus lib. xxx. cap. 5. Ecclesias omnes, Romanam matrem ceterarum, Africanam, Græcam, Aethiopicam, Coptam, aliasque omnes cum Occidentis, tum Orientis, immo & plerosque Novatorum conventus, nobiscum in Sacramentis enumerandis convenire; & quod hostes veritatis nequeant ostendere quis inter mortalium primus Sacramentum istud ceteris accensuerit. At juxta saluberrimam Augustini regulam lib. 2. de Bapt. cap. vii. num. 12. quod universa tenet Ecclesia, nonnisi ab Apostolis creditur traditum & commendatum. Apostoli ergo nobis sacramentum Confirmationis commendaverunt: Apostoli tradiderunt doctrinam, quam propugnamus: atque, ut agebat Tertullianus de Præscript. cap. 21. *Constat omnem doctrinam, quæ cum illis Ecclesiis Apostolicis matricibus & originalibus fidei conspiret, veritatis deputandam, sine dubio tenentem quod Ecclesiæ ab Apostolis, a Christo, Christus a Deo accepit: omnem verò doctrinam de mendacio præjudicandam, quæ sapiat contra veritatem Ecclesiarum, & Apostolorum, & Christi, & Dei.*

REFELLUNTUR OBJECTIONES.

Quoniam præcipua hæreticorum argumenta aut præcitato capite 5. libri tricesimi fuerunt refutata, aut præoccupata in hoc ipso; erunt summam & quambrevissimè perstringenda. Contendunt itaque primò, argumenta a nobis allata esse fracta prorsus & imbecillima: quæ proferuntur ex Scriptura, quoniam ibi de dono linguarum fit sermo; cumque istud modò cessaverit, consequitur impositionem manuum otiosam jam esse, & quæ nulli usui sit, ceremoniam. Addunt nullam ibi *chrismatis* mentionem fieri, ideoque frustra nos inde confingere Chrismatis sacramentum. Quæ verò ex Patribus depromuntur, torqueri a nobis, falsò intelligi, & pluris quædam, quam sit opus, æstimari. Enimverò permulti Confirmationem describunt tanquam ceremoniam baptismatis, cum ajunt neophytos statim post lavacrum unctione obliniri; ipsique unctioni tribuant baptismatis effecta, gratiam, animæ signaculum, & spiritum sanctitatis. Alii autem Patres, maxime Apostolicis temporibus proximiores, de sacro chrismate ne *quid* quidem; ut Justinus, Athenagoras, Tatianus. Nonnulli è cœnolis rivulis errorem biberunt, ut Tertullianus in Montani deliramenta prolapsus, & Cyprianus, ut baptis-

To. VII.

D

num

rum hæreticorum, ita illorum unctiorem reprobandis. Quidam denique sub falsis nominibus a nobis ad plebem decipiendam celebrantur, dum Opus de Ecclesiastica Hierarchia Dionysio Areopagitæ, Constitutiones Apostolicas Clementi Romano, librum de Initiandis, seu de Mysteriis, & alios sex de Sacramentis Ambrosio adscribimus, nostram ostentantes in pervolutandis, dijudicandisque veterum scriptis, sive fidem malam, sive oscitantiam. Hoc ergo præcipuum adversariorum momentum, quod contentione urgent, ornantque amplificatione verborum. Præterea hæretici negant Ecclesias hac in parte nobiscum consentire, immo & nos invicem pugnare dicunt; quandoquidem sacramentum Confirmationis expunxerunt Novatiani, Albigenes, Valdenses, Hussitæ, & ne isti tanquam hæretici contemnantur, non recipit sacramentum istud Ecclesia Græca, ut constat ex Confessione Cyrilli Lucar, cusa an. 1633. typis Genevensibus: nec Aethiopica, ut affirmat in suo Itinerario Alvares Monachus; nec Armenica, teste Guidone Carmelita. Latini quoque Theologi hac in re non conveniunt: nam quidam hoc Sacramentum a Christo, quidam ab Apostolis, quidam in Concilio Meldensi institutum definiunt, ac de materia pariter, & de forma necesse litigiosas abstrusasque disputationes. Addunt postremò ratiocinationes quasdam; quarum prior est, Confirmationem derogare virtuti & efficaciam baptismatis, cum baptismo adimat Spiritum sanctum, & hunc sibi vindicet. Sequitur affinis altera, fore Sacramentum Confirmationis præstantius & excellentius baptismo, si illi donum Spiritus sancti sit adscribendum. Tertia parum absimilis, cum in baptismo Spiritus sancti gratia, Dei adoptio, & pignus hereditatis conferatur, sacramentum Chrismatis videri supervacaneum.

His ad hunc modum respondemus. Visibilis illapsus Spiritus sancti argumentum erat virtutis baptizatos corroborantis, ac disseminandi per linguas universas Evangelii; ideoque cessavit, dum Evangelium ubique diffusum non egebat ulterius approbatione miraculorum, deinceps Spiritu sancto absque aspectabili forma per sacrosancta signacula descendente, ut Augustinus docet Tract. vi. in Epistolam Joannis, & in Psalmum 130. Non est ergo impositio manus Episcoporum inutilis, & otiosa; sed adhuc efficax, & invisibilis gratiæ operatrix: alioqui etiam baptismus nunc suo careret effectu, cum Apostolorum ætate ad ejus virtutem demonstrandam, Act. x. 44. Spiritus sanctus visibili forma descenderit. Alia est enim virtus spiritus interius vivificans, & confirmans, quovis tempore Christi fidelibus cum adversario luctantibus necessaria; alia exterius effulgens, & ad fidem pertrahens manifestatione signorum, necessaria duntaxat ad fidei primordia, & ad institutionem ac propagationem Ecclesiæ. Ac de primo argumento, quoniam de Chrismate dicendum est infra,

hæc

hæc tantum. Quod sequitur ad elevandam Patrum auctoritatem, singulis suis partibus labefit, ac perfringitur. Cum enim Patres Confirmationi gratiam conferendi vim tribuunt, illamque Augustinus in genere visibilibus signaculorum appellat sacrosanctam, comparatque baptismati, non utique inter ritus ac variabiles ceremonias ipsam confirmationem connumerant: nec talis censenda est, quod olim neophyti statim post baptismum confirmarentur; siquidem & aliquando eis porrigebatur Eucharistia, quam tamen esse ritum baptismi neque Calvinus, neque Kemnitius, neque Dallæus, neque hæreticorum quispiam concedet. Confirmabantur verò neophyti statim post baptismum, si Episcopi aderant: nam quos baptizavit Philippus, nisi post adventum Petri, & Joannis, non fuerunt consignati; sicuti modò in minoribus urbibus illi, quos baptizant presbyteri, confirmantur in Episcoporum visitatione, quemadmodum scribunt Hieronymus & Gregorius. Cur autem nunc differatur Confirmatio, dicendum infra. De Justino, aliisque, sicuti de arcani disciplina, plura diximus Volum. v. pag. 72. Si argumentum istud probaret aliquid, nec Sacramenta forent Baptismus, & Eucharistia, de quibus nec ^{pro}, nec ^{pro}, sive apud Athenagoram, sive apud Tatianum: hi nimirum pro Christianis ediderunt apologias, calumnias, falsaque crimina propulsarunt, nec religionis mysteria Ethnicis exposuerunt. Quod si his inter mortales degentibus nec audiebatur nomen Confirmationis aut Chrismatis, unde illud accepit Irenæus, Tertullianus, Cyprianus, qui ex majorum traditione, & Ecclesiastica disciplina illius meminerunt? At, inquit, Tertullianus Montanista fuit, ac Cyprianus erravit. Quid verò inde? Nec ullus veterum inter Montanistarum portenta connumeravit Chrismatis sacramentum; nec Tertullianus defecerat ad Montanistas, quando scripsit librum de Baptismo adversus Quintillam: quod non solum animadverterunt Petrus Alix in dissert. de vita & scriptis Tertulliani; Dupinius in nova Bibliot. tom. 1. pag. 138. & Guilelmus Cave in sæculo Gnostico pag. 57. verum etiam probatur ex quo eo in libro cap. 17. damnet ministerium mulierum in solemnibus baptismis, quod Cataphrygum, & Montanistarum opponitur disciplinæ. In Cypriano damnant quidem omnes anabaptismus, chrismatis unctionem nequaquam: immo si hanc factam ab hæreticis tradidisset repetendam, quod inquireretur posthac, non illam tamen denegasset; sicuti nec denegavit sacramentum baptismi, dum propugnavit esse iterandum. Scripta verò supposita non alio fine laudavimus, nisi ad stabiliendam communem, receptamque temporum, quibus prodierunt, traditionem. Quamquam ergo concedamus Apostolicas Constitutiones falsò inscriptas Clementi; nemo tamen inficias ibit, præcelsisse illas quartum sæculum, nec invictè ostendit non esse idem opus, quod ab Eusebio lib. 111. H. E.

cap. 25. appellatur *ἡ ἀποστολικὴ διδασκαλία*, *Apostolorum doctrina*, ut sentiunt Nicephorus, Zonaras, & Blastares. Idem affirmo de operibus Dionysii, dato etiam prodidisse illa quarto exeunte sæculo; tametsi quæstio de scriptis Dionysianis in utramque partem magnis animorum contentionibus agitur. Saltim ergo ex libris Constitutionum, & de Hierarchia Ecclesiastica istud inferas, Sacramentum Confirmationis ante v. sæculum probatum omnibus, quum nemo id reprehenderit iisdem in scriptis, alias plurimum exagitatis; five fœtura germana fuerint, five spuria. Liber tamen de Mysteriis, five *de iniciandis*, tantum abest, quod non sit auctoris optimi, iudicii-que emunctissimi, ut aiebat in litteris ad Joachimum Vadianum, Henricus Bullingerus, aut mangonis cujuscumque opus, ut visum, Roberto Coco, & Dallæo: quin magno Scriptorum consensu adtribuit Ambrosio, nulloque jure ipsum abjudicatur, ut in Præf. tom. 2. pag. 320. demonstraverunt eximii Benedictini Editores. Qui etiam Præf. altera in libros de Sacramentis, pag. 342. adversus Cœcum, Rivetum, Albertinum, aliosque perspicuè commonstrant hæreticos frustra opus illud contumeliis, probrisque laceffire: complures scriptionem agnoscere tanquam Ambrosianam; partem negantem haud magis esse probabilem, quàm affirmantem; quacunquẽ tandem ætate prodierit (quod evenisse ante sæculum septimum, liquet ex codice ante annos mille exarato apud illustrem Mabillonium p. 7. Musæi Italici) refertum Ambrosii sententiis, ac plerumque etiam verbis: dignum denique, quod sancti Doctoris laudetur nomine, & quod in ordine suo & possessione servetur. Atque his objectionem ex Patrum auctoritate fabricatam dissolvimus & contrivimus. Nam quam addunt proximo loco, elidit consensus Ecclesiarum circa numerum Sacramentorum, comprobatus sexto Volumine pag. 63. & si Ecclesiæ quædam aut schismate, aut hæresi a nobis sejunctæ numerum illum decurtant, meminerint Refractorii juxta monitum Tertulliani, investigandam esse doctrinam Catholicam *in Ecclesiis Apostolicis, matricibus, & originalibus*. Addam modo *Confessionem* Cyrilli Lucar fuisse refutatam ab Ecclesia Constantinopolitana anno 1635. in Synodo Beræensi 1638. in Synodo Leucosæ 1668. in Jerosolymitana 1672. eique opponi Simeonem Theffalonicensem Episcopum, Gregorium Protosyncellum, Hieremiam Patriarcham Constantinopolitanum, aliosque; de quibus adeas Witalium pag. 229. & Scriptorem de Re Sacramentaria pag. tom. 1. 288. Fidem quoque Armeniorum asseruerunt Uscanus Episcopus Erivanensis, Jacobus Armeniorum Patriarcha, Onufrius Archiepiscopus Ametensis, superiori sæculo contra Novatorum mendacia, ut post Auctorem Operis de *Perpetuitate fidei*, scribunt præclari, accurateque Theologi, quos nuper commemoravimus. Mitto quæ de Novatianis;

Val-

Valdensibus , & Wiclefistis priori capite sunt prænotata . Ad postremas denique ratiocinationes respondeo cum Petro Damiano ferm. 1. in Dedicat. Eccl. *In baptismo Spiritus sanctus datur ad veniam, hic ad pugnam: ibi mundamur ab iniquitatibus, hic virtutibus præmuni-mur.* Profectò si derogaret baptismo Sacramentum , quod confert novam perfectionem divinorum donorum , nec Eucharistia esset recipienda . Si hæc nutrit & mentem faginat ; Confirmatio addit vires , animumque corroborat . Stat ergo sua cuique sacramento virtus , & efficientia , ut diximus lib. xxx. cap. 5. ubi etiam ex humanæ vitæ adminiculis comprobatus est numerus septem Sacramentorum .

C A P U T III.

Quando Sacramentum Confirmationis fuerit a Christo institutum.

OBJICIENTIBUS hæreticis dissidia Scholasticorum circa institutionem , ac materiam Sacramenti Confirmationis nec verbum duximus reponendum , quòd fidei decreta referri nequaquam debeant ad hominum opiniones , & placita . Nunc de hac re inquirentibus brevi satisfaciendum est , de institutione temperanter , & summatim dicendo . Ac primò Sacramentum istud fuisse institutum a Christo , nec posse oppositum teneri post Synodum Tridentinam absque nota hæresis , fideique jactura , videri etiam certum , positumque extra dubitationem , quod præfata Synodus canone primo sess. viii. de institutione propria , & immediata loquatur , demonstratum est cap. viii. libri tricesimi . Itaque errarunt , (ut dixi ibidem) qui scripserunt sacramentum chrismatis in Concilio Meldensi fuisse institutum . Hoc enim Concilium sedente Sergio II. anno Christi 845. coadunatum est ; quando scilicet de Sacramento isto scriptores quamplurimi pertractaverant . Deinde inter lxxx. ejusdem Concilii canones , & capitula , nihil extat ad institutionem hanc pertinens . Animadverto insuper supponi ab eodem Concilio sacramentum hoc institutum . can. 44. quo vetat , ne Chorepiscopus *sanctum chrisma, sanctumque paraclitum Spiritum, solis Episcopis juxta decreta Innocentii,* (sedit Innocentius , cujus decreta supra produxi ab anno 402. ad an. 417.) *tribuere debitum, tradere tentet, nec Ecclesias consecret,* &c. & canone proximo 45. quo jubet , *ut nemo Episcoporum, vel quilibet minister Ecclesiasticus propter sacrum chrisma aliquid muneris accipiat.* Videtis Burchardi decreta lib. iv. & tom. viii. Concil. coll. Labb. p. 1833. Verum est , in eodem Concilio præcipi canone 46. *ut nemo sacrum chrisma, nisi in V. Feria majoris septimanæ consecrare præsumat.*

sumat. At si hoc Alensi, aliisque perpaucis occasionem præbuit erroris, apparet hos oscitanter canones pervolutasse, cum nihil novi ibidem præcipiatur, nec exiret vestigium aliquod pristinae institutionis. Hanc etiam ad Apostolos quidam immerito reculerunt, cum institutor Sacramentorum omnium sit Christus, eaque partitio *immediata*, ac *mediata* institutionis nata videatur in scholis; sitque propriè *institutor*, idem, ac qui incipit, statuit decernit, & *institueret* *ἐκχλῆδα, ιερὰ ἱερόα, ut dixi tom. 6. pag. 95.* Accedit, quod Concilium Tridentinum institutionem a promulgatione distinguit, sess. xiv. can. 1. & Vavrense celebratum anno 1368. a Petro Narbonensi, & Gaffredo Tolosano Archiepiscopis, ac generali Vicario Arnaldi Archiepiscopi Auxitani, cap. 2. de Fide Catholica ita loquitur: *Porro sacramenta institueret, quæ ex sui institutione, & sanctificatione contineant invisibilem gratiam, competit soli Christo: qui solus potestatem excellentiam sibi retinuit, potestatem ministerii Apostolis, & ceteris succedentibus dedit. Quæ igitur instituta sunt ab Apostolis & successoribus eorumdem, ut benedictio aquæ & panis, consecrationes virginum & altarium, & cetera hujusmodi: non Sacramenta propria, sed sacramentalia dici debent.* Omnia ergo sacramenta novæ legis Christus per semetipsum immediate instituit. *Aliqua tamen, præcipue Confirmationem, & extremam Unionem per Apostolos promulgavit: sicut de Confirmatione patet in Actibus Apostolorum, xxi. capitulo, & de extrema Unionem Jacobi quinto.* Vide 2. p. tom. xi. Concil. pag. 1980. Atque hunc locum exscripsi, quoniam quæ præcedenti libro disserui de Institutione Sacramentorum, concordissima definitione comprehendit. Certissimum ergo est a nulla simplici creatura, cujus potestatem excedit gratiæ efficientiam alligare signaculis sensibilibus, sed ab eo, cui *data est omnis potestas in celo, & in terra,* Deo & homine Christo Jesu Confirmationem originem habere suam, ut jam Theologi omnes fatentur, hæc dissentiente BENEDICTO XIV. Notif. vi. pag. edit. Bonon. 52.

Illud potius investigandum foret, quo tempore contigerit hæc institutio, nisi in re admodum obscura tot adinvenirentur *sententia*, ut est in proloquio, *quot capita.* Imitandi consilium erat Farvacqueum nostrum, & Vanroy, qui quæstione 2. hujus Tract. fatentur id a se ignorari, de quo neque per verbum Dei scriptum aut traditum, neque per Romanorum Pontificum, & Conciliorum constitutiones, neque per Patrum munimenta possit certi aliquid affulgere; maxime quod a sententia dicenda ob causam eandem abstinuerit præcitatus eximius Theologus, & Pontifex clementissimus. Verum cum is de hac quæstione legendos moneat rerum Theologicarum Tractatores, nec opus sit in ejusmodi dubitationibus, quemadmodum in dogmatibus Ecclesiasticis, proferre momenta roboris, & auctoritatis

tatis plenissima; dico institutum hoc sacramentum eo temporis intervallo, quo Christus a mortuis redivivus per dies quadraginta cum Apostolis permanisset *loquens de regno Dei*, ut habetur Act. 1. 3. Tenent hanc sententiam Estius in 1v. dist. 7. sub finem §. 4. Merbesius Summæ Christ. P. 3. dissert. 2. q. 4. Witasse pag. 406. & , ni fallor, magis in eam propendet BENEDICTUS XIV. ac si velimus tempus magis coarctare, ad illud nempe, quando Christus ait Apostolis Joann. xx. 22. *Accipite Spiritum sanctum, quorum remiseritis peccata, &c.* huic opinioni subscribunt Suarez, Henriquez, Layman, Faber, & quos laudat Theologus oculatissimus Basiliius Ponceus, de Confirmat. P. 1. cap. 4. pag. 26. Trahor verò in hanc sententiam, seu potius opinionem, ob hoc momentum. Existimandum quidem est eo temporis Christum nonnulla Sacramenta, atque inter hæc Confirmationem instituisse, quando promisit Apostolis virtutem supervenientis Spiritus sancti, eis plenam in mysticum Ecclesiæ corpus contulit potestatem, pluraque illis revelavit mysteria, & de Ecclesia magna, occulta, divinaque referavit; præsertim si aliud hujus institutionis tempus nequeat congrua, ac probabili ratione assignari. Atqui diebus illis quadraginta, quibus Redemptor cum Apostolis conversatus est, illam eis gratiam, virtutemque promisit, quam in nobis operatur per sacrosanctum Confirmationis signaculum, ut constat ex Lucæ xxiv. 49. Act. 1. 8. omnem illis in Ecclesiam dedit auctoritatem, ut liquet ex Joan. xx. 21. atque iis diebus, ut inquit ferm. 1. de Asc. cap. 2. sanctus Leo, *magna in eis confirmata sacramenta, magna sunt revelata mysteria*; ad alia autem tempora nequit talis institutio referri. Eo itaque labente tempore sacramentum Chrismatismis fuit institutum. Revera si institutum est alio tempore, istud, quæso, designent nobis Theologi. Institutum inquit complures apud Henriquez lib. 111. cap. 1. num. 5. & Basilium Legionensem p. 22. cum Dominus Matth. xix. 13. parvulis manus imponeret; quoniam impositio manus est ipsum chrismatismis sacramentum. Sed imbecilliss est ista ratio, quia nec omnis impositio manus *confirmatoria* est, ut dixi cap. 1. nec decebat aliquem confirmari ante Apostolos, & ante adventum Spiritus sancti, nec fortasse illi parvuli erant regenerati baptismo, atque hujus proinde Sacramenti capaces. Sanè nullus, quem legerim, aliam hic impositionem manus accepit, quam consuetam apud Hebræos, penes quos adolescentuli exemplo Ephraim & Manasse Gen. xlviii. 14. a majoribus imposita capiti manu benedicebantur: ideoque Chrysostomus apud Possinum in symbolis pag. 265. ait parvulos illos Domino fuisse oblatos, *ἵνα ἐκκλησιασθῶσι διὰ τὴν ἐπαφὴν τοῦ Χριστοῦ τῷ Στήθει, ut benedicerentur contactu manuum Salvatoris*. Vix ergo Matth. xix. Confirmatio designata est *typo*, ac *symbolo*, non institutione, aut mandato. Quidam putant confirmationem in-

institutam ante passionem, cum ait Dominus Joannis xvi. 7. *Si enim non abiero, Paraclitus non veniet ad vos; si autem abiero, mittam eum ad vos*: in qua sententia videtur S. Thomas q. 72. art. 1. Puteanus noster in eandem q. dub. 2. concl. ult. Dominicus Soto in 1v. dist. 7. art. 2. At nil aliud ibi apparet, quam promissio gratiæ, repetita cap. xiv. 26. xv. 26. & post passionem, Lucæ xxiv. 49. nec aliud ibi docet revera Angelicus, dum ait Dominum tunc instituisse hoc Sacramentum *non exhibendo, sed promittendo*; quod eximius Estius putat ita esse accipiendum, ut Christus præsentia sua minimè exhibuerit Confirmationem, sicut exhibuit baptismum & Eucharistiam. Sequeretur quoque ex ea sententia, quod sicut promissio illa Jo. xvi. in die Pentecostes completa est; ita tunc temporis exhibitione Spiritus sancti foret instituta Confirmatio. Promissionem autem ad institutionem Sacramentorum non sufficere inde constat, quod promissio multiplex sit, institutio una; quod hanc eandem promissionem in Prophetis inveniamus, maximè Is. xlii. 3. & Joelis ii. 28. quod etiam gratiam baptismatis expresserit Christus, Joan. iii. 5. alloquens Nicodemum, nec tamen tunc institutus fuerit baptismus, quem ipsemet D. Thomas q. 66. art. 2. in Jordane institutum esse pronuntiat. Quidam præterea hanc institutionem factam putant in ultima cœna, ut Suarez disput. 32. sect. 2. Maurus tract. xvi. q. 114. Mastrius disput. 2. q. 8. Gavardi de Confirmat. q. 1. art. 1. atque hi præsertim ducuntur auctoritate Fabiani Epist. 2. cap. 1. ubi legitur: *In illa die Dominus Jesus, postquam cœnavit cum discipulis suis, & lavit eorum pedes, sicut a sanctis Apostolis prædecessores nostri acceperunt, nobisque reliquerunt, chrisma consecrare docuit*. At primum a criticis Fabiani Epistola amandatur inter apocrypha. Deinde in hoc decreto nihil apparet aliud, quàm chrismatis confectio & consecratio, quæ & nostra ætate, atque ex perantiqua disciplina fit quinta feria majoris hebdomadæ, collocato Corpore Domini super altare; propterea quod, ut supra animadverti ex Epistola lxx. Cyprianica, visum veteribus Chrisma in altari, coram Eucharistia, ac inter sacrificii preces esse benedicendum. Quem verò in finem benedictio & consecratio chrismatis traderetur postrema cœna, necessum non erat statim manifestare discipulis, quibus plura post resurrectionem erant revelanda; præsertim cum chrismatis usus sit multiplex, puta in Episcopis inungendis, in consecrandis altaribus, in consignandis neophitis. Nec probabilitate caret Ecclesiam, ad quam diximus spectare institutionem sacramentalium, in cœna Domini perficiendam statuisset consecrationem illam chrismatis, aut spectantem figuras veteres, idest, oblationem ostii, & superliminaris domorum, factam in esu agni; ut lib. v. de Divinis Officiis cap. 17. scribit Tuitiensis Abbas Rupertus, aut memorem *auguenti*, quod

quod ante biduum Paschæ Maria ad caput , pedesque Salvatoris profudit , ut censent Isidorus , Rabanus , & Alcuinus in Collectione Romana de divinis Officiis pag. 10. 47. & 292. aut denique memoria repetendo , Dominum peracta cœna digressum *in montem olivaram* , ad præsignandum quod chrismate confirmandi essent , qui in morte ejus baptizarentur , ut scripsit Venerabilis Beda lib. vi. in Lucam cap. 6. Thomas Valdensis lib. 2. de Sacram. cap. 113. & Dominicus Soto in 1v. dist. vii. quæst. unica , art. 2. Postremò retulerunt nonnulli institutionem hanc ad diem Pentecostes ; sed prorsus immeritò , primum quia Apostoli eo die , non *per visibile signaculum* , sed singulari miraculo receperunt Spiritum sanctum ; deinde quia tunc apparuit potius Confirmationis effectus , quam institutio ; tandem quia decebat sacramenta , quæ Redemptionis nostræ , & novi Testamenti sunt pars præcipua , a Christo institui , priusquam cœlum conscenderet . Refutatis itaque opinionibus ceteris , ea præferenda est , quam studui hæcenus propugnare .

Videntur duo tantum argumenta militare ex opposito . Primum , quia Joannis xx. 22. illis verbis , *Accipite Spiritum sanctum , quorum remisistis peccata , &c.* dedit Christus Apostolis potestatem absolvendi a peccatis , non consignandi neophytos . Alterum , quod Concilium Senonense celebratum adversus Lutheranos anno 1528. Parisiis ab Antonio a Prato S. R. E. Cardinali , Senonensi Archiepiscopo , & Germaniæ , Galliarumque Primæ , decreto x. inquit : *Nec obscurius quidem Sacramentum Confirmationis Christus instituit , cum parvulis manus imponeret* . His tamen facile occurritur . Non enim nos ex cap. Joannis xx. produximus versum 22. *Accipite Spiritum sanctum* , &c. sed indicavimus tantummodò versum præcedentem , *Sicut misit me Pater , & ego mitto vos* ; atque hunc ad hoc tantum , ut appareret collatam Apostolis post resurrectionem Domini plenam Episcopalis muneris potestatem : cujus tamen argumentum est illa quoque retinendi absolvendique peccata facultas . Institutionem verò Confirmationis factam eo temporis arbitramur , quòd videatur illud magis idoneum , simulque in eo inveniamus revelationem mysteriorum , auctoritatem Antistitum , promissumque Spiritus sancti munimen ; opiniones denique aliorum innitantur enervatis magis , & infirmioribus conjecturis . A sententia autem Synodi Senonenfis , eodem jure fas nobis erit discedere , quo illi adversantur , qui aut in cœna Domini , aut in die Pentecostes , aut alio ante passionem tempore hanc institutionem constituunt , tamen erga omnes obsequentiissimi respondemus ea in Synodo dici Confirmationem *institutam* Matth. xix. designatione quadam , ac symbolo . Excipiemus eadem reverentia Doctorem Angelicum idem , quod Senonenfis Synodus , scribentem in 1v. dist. vii. q. i. art. i. maxime quod sententiam hanc refel-

To. VII.

E

lunt

Iunt doctissimi Thomistarum, Dominicus Soto eadem diff. pag. 356. Gonet disput. vi. de Sacram. art. 1. §. 3. Contentonius dissert. iv. capite 2. speculat. 1. aliique asserentes Sacramentum Confirmationis institutum in nocte Cœnæ: immo Cardinalis Gotti tom. xiii. num. 8. pag. 90. sententiam illam amplectitur, quam nos defenditendo ad exitum quæstionem istam perduximus.

C A P U T IV.

*An impositio manus, & chrisma sint hujus Sacramenti
essentialis materia?*

GRAVIOR præcedenti est quæstio de materia Confirmationis, quamvis Theologi concordissimè teneant, eam esse sive manus impositionem, sive chrisma, sive utrumque simul; atque id fides Catholica profiteatur adversus Lutherum, Kemnitium, Calvinum, Dallæum, aliosque hæreticos, unum, idest, *impositionem manus*, posteaquam cessavit visibilis illapsus Spiritus sancti, tanquam ceremoniam inutilem reprobantes; alterum, nempe *unctionem Chrismatis*, appellantes oleum Diaboli mendacio pollutum, pinguedinem, foetore anhelitus inquinatum, & perungendis calceis (tanta est perditissimorum hominum impudentia) absque labe sacrilegii addicendam. In sola itaque impositione manuum constituunt hujus Sacramenti materiam Petrus Aureolus, Isaacius Habert, Jacobus Sirmondus, Sambovius, Nicolaus L' Herminier: qui tamen fatentur unctionem esse antiquissimam, nec ullo pacto prætermittendam. Statuunt è contra materiam ipsam in Chrismate S. Thomas, cui subscribit haud exiguus numerus Scholasticorum, inter quos nostratum, omnes, Poncius, Farvaquesius, Vanroy, Gibbon, Gavardi, aliique; nec non Bellarminus, Maldonatus, Ysambertus, Petrus Aurelius, Beyer, Arcudius; quorum plures Chrisma receptum censent loco impositionis manus, ut videntur innuere Oecumenius, & Synodus Moguntina. Quidam utramque materiam disjunctivè existimant essentialem, adeo ut sufficiat unam, vel alteram adhibere, ut Ruardus Tapperus, & Joannes Morinus, qui in Opere posthumo de Confirmat. contendit a Græcis solum chrisma, a Latinis verò chrisma cum impositione manus fuisse semper adhibitum. Permulti denique adæquatam confirmationis materiam statuunt simul in impositione manus, atque in chrismate; in quam sententiam conspirant recentiorum doctissimi, Merbesius p. 3. dissert. 2. q. 5. Natalis Alexander de Sacram. Conf. cap. 1. art. 2. Gaspar Juenin dissert. 3. q. 2. cap. 3. Ludovicus Habert cap. 3. §. 1. & 2. Cardinalis Gotti q. 1. dub. 1. Honoratus

ratus Tournely q. 1. art. 3. Carolus Vitasse, aut qui hujus Tractatus profectur q. 2. art. 3. sect. 5. & 6. Auctor Operis de Re Sacramentaria q. 3. cap. 1. & 2. Angelus Maria Canali q. 2. cap. 2. Antonius Boucat differt. 2. Concl. 1. quos commonstratis locis recensco, ut sententiæ, cui arbitror adhærendum, quisque facilius adinveniat rationum munimenta, atque auctoritatis præsidia.

PROPOSITIO I. Manus impositio est sacramenti hujus *materia* essentialis.

Demonstratur primò: Illa est in sacramento Confirmationis *essentialis materia*, per quam confirmatis confertur gratia Spiritus sancti, qua muniuntur ad pugnam, & in fidei confessione corroborantur. At *per impositionem manus* obsignatis hujusmodi gratia confertur. Ergo manus impositio in Sacramento Confirmationis est *essentialis materia*. Propositio prior est certa; quid enim *materia* nomine intelligimus, nisi rem subjectam sensibus, quam ex præscriptione Domini, Apostolica traditione, & Ecclesiæ consuetudine adhibemus in sacramentis conficiendis, ad gratiam spiritalem suscipientibus conferendam? Probatur itaque minor: Apostoli per manus impositionem dabant *Spiritum sanctum*, non donum linguarum duntaxat ad Evangelii testimonium, & ædificationem credentium, sed virtutem quoque supervenientem regeneratis, ac interius illos perficientem, ut fidem palam profiterentur, pluraque incommoda, atque dispendia invictè subirent: quod demonstrari verbis illis Act. viii. 17. *Tunc imponebant manus super illos, & accipiebant Spiritum sanctum*, constat ex præcedenti secundo capite. II. Dici nequit Apostolos quidem, at non illorum successores Episcopos eam gratiam dedisse *per manus impositionem*; siquidem veteres, quorum testimonia ibidem produximus, expressæ, planè, & perspicuè testantur, ut olim Apostolos, ita Episcopos omnes, dum baptizatis manus imponunt, conferre illis *Spiritum sanctum*. Ita nimirum docent Cyprianus Epist. 73. ad Jubajanum: *Quod nunc quoque apud nos geritur, ut qui in Ecclesia baptizantur, præpositis Ecclesiæ offerantur, & per nostram orationem, ac manus impositionem Spiritum sanctum consequantur, & signaculo dominico consummentur*. Ita Hieronymus adversus Luciferianos: *In Ecclesia baptizatus, nisi per manus Episcopi, non accipit Spiritum sanctum*. Ita Augustinus lib. xv. de Trin. cap. 26. *Quem morem in suis præpositis etiam nunc servat Ecclesia*. Ita Innoc. III. cap. Cum venisset, &c. III. Idem ex aliorum Patrum traditione deducitur. Tertullianus initio viii. capitis de baptismo, *Debitæ* (ait) *manus inponitur, per benedictionem advocans & invitans Spiritum sanctum*: & de Resurrect. carnis cap. 8. *Caro signatur, ut & anima muniatur; caro manus impositione adunbratur, ut & anima spiritus illuminetur*. Eusebius Gallicanus Episcopus hom. in die Pentecostes, quam

quam alii adscribunt Eucherio, alii Hilario Arelatensi, qui ambo sæculo v. floruerunt, allatis Isaïæ verbis, *Effundam de spiritu meo super omnem carnem*, inquit: *Advertamus summæ divitiæ bonitatis: quod nunc in confirmandis neophytis manus impositio tribuit singulis, hoc tunc Spiritus sancti descensio in credentium populo donavit universis*. Extat tom. vi. Bibl. PP. pag. 649. Primasius Adrumetinus in Bizacena provincia Episcopus, Commem. in Epist. ad Hebræos cap. vi. in ea verba, *baptismatum doctrinæ, impositionis quoque manuum*, hæc habet Bibl. PP. tom. x. pag. 259. *Impositionem manuum appellat, per quam plenissimè creditum accipi donum Spiritus sancti, quod post baptismum ad confirmationem unitatis in Ecclesia a Pontificibus fieri solet*. Gregorius Magnus in Evangelia tom. i. pag. 1502. de manus impositione inquit, *Per quam Spiritus sanctus accipitur*. Isidorus Hispalensis lib. 2. de Eccles. Officiis cap. 26. pag. 31. *Post baptismum*, inquit, *per Episcopos datur Spiritus sanctus cum manuum impositione*. Prætermitto Theodulphum Aurelianensem, Albinum Flaccum, Amalarium Fortunatum, Rabanum Maurum, Ivonem Carnotensem, alioque plures a Samborio in Tract. de Confirmat. collectos, & apud omnes recentiores disputationi, in qua versamur, insertos. IV. Eadem est doctrina Conciliorum. Illiberitanum quippe, de quo supra, can. 38. docet baptizatos ab Episcopo *perfici per manus impositionem*. Arelatense i. canone 8. præcipit, ut venientibus ex hæresi, & baptizatis in nomine Trinitatis *manus imponatur, ut accipiant Spiritum sanctum*; quem canonem accipiendum de Confirmatione scribit Sirmondus, productis quoque verbis magni Leonis Epist. ad Nicetam cap. 7. *Qui baptismum ab hæreticis receperunt, sola sancti Spiritus invocatione per impositionem manuum confirmandi sunt*. Vid. tom. i. Conc. pag. 1567. Sed quæ ad hæreticos spectant, peculiarem postulant tractationem. Colonienſe autem Concilium an. 1536. p. viii. cap. 8. hæc habet: *Itidem dum Sacramentum Confirmationis confertur, docebunt vicarii nostri in Pontificalibus, quid agatur, nempe quod illis ambiatur gratia Spiritus sancti, qua confirmatur tyro adversus Satana tentationes, roboraturque, ut quod corde creditur ad iustitiam, ore quoque palam confiteatur ad salutem*. *Omnes fideles (inquit Urbanus Pontifex Romanus) per manus impositionem Episcoporum Spiritum sanctum post baptismum accipere debent, ut pleni Christiani inveniantur: quia cum Spiritus sanctus infunditur, cor fidele ad prudentiam, & constantiam roboratur*. Tom. xiv. Concil. pa. 532. Concilium Moguntinum, celebratum an. 1549. non ut Witallius, & Auctor librorum de Re Sacram. scribunt, an. 1547. eodem Volum. xiv. pag. 676. postquam plura de Sacramento Confirmationis, ejusque gratia decrevit, illam *transfundi* differè aſſeruit *per manuum impositionem*. Concilium Rhemenſe an. 1583.

Volum. Conc. xv. pag. 891. ita de Confirmatione loquitur : *Quemadmodum humana militia tyrones, etsi jam adscripti sint in numerum militum, nondum tamen illis summa belli committitur, nisi fuerint exercitiorum; sic quamvis unusquisque per baptismum catalogo fidelium sit adscriptus, ad diaboli tamen, carnis, mundi que tentationes perferendas ac superandas, nonnisi per impositionem manuum. Episcopi plas roboris, & gratia recipit.* Hujus Synodi decreta confirmata fuere die 30. Julii an. 1584. a Gregorio XIII. Pontifice Maximo. V. Quoniam vero Joannes Morinus de Confirmat. inter Opera posthuma, cap. 4. & 5. pag. 13. & seq. ex Græcis PP. eorumque Euchologiis putat invictè demonstrari, Græcos solum *chrismā*, non *manuum impositionem* confirmando neophytos adhibere, propositio comprobanda erit ipsorum Græcorum auctoritate. Firmilianus Cæsarensis Episcopus Epistola 75. inter Cyprianicas pag. 304. supposebat utique Confirmationem fieri *per manus impositionem*, quando ex falsa opinione, quod hæreticus non possit valide confirmare, & ordinare, inferebat errorem alterum, nempe quod nec valeat baptizare, scribens: *Sed & ceteri quique hæretici, si se ab Ecclesia Dei secederint, nihil habere potestatis, aut gratia possunt, quando omnis potestas & gratia in Ecclesia constituta sit, ubi præsentent majores natu, qui & baptizandi, & manum imponendi, & ordinandi possident potestatem.* Loquitur autem de illa manuum impositione, per quam Paulus Act. 19. contulit baptizatis Spiritum sanctum: unde infra pag. 308. sic Firmilianus ratiocinatur: *Si in nomine Christi valuit foris baptismus ad hominem purgandum, in ejusdem Christi nomine valere illis potuit & manus impositio ad accipiendum Spiritum sanctum.* Chrysostomus hom. xviii. in Act. Apostol. pag. 580. ex quo Philippus per impositionem manus non dedit a se regeneratis Spiritum sanctum, infert hanc fuisse peculiarem facultatem Apostolorum, & idcirco idem nunc præstari ab Ecclesiæ præsulibus, non a ceteris baptizantium: *Igitur (inquit) hoc erat in Apostolis singulare: unde præcipuos, & non alios videmus hoc facere: οὐκ ἦν ἡ ἀποστολικὴ ἐξουσία. οὐκ ἐπὶ τοῖς κληρικοῖς, ἢ ἀλλοῖς τοῖς ἰδίῃ τῷ πνεύματι. Αἰετα ergo Chrysostomi Antislites Ecclesiarum per manus impositionem conferbant Spiritum sanctum, quem etiam Doctor egregius distinguit eo loci a virtute patranda signa. Theodoreus pariter in Epistolam ad Hebræos cap. 6. de iis, qui crediderunt, ait: *Accedunt ad divinum baptismum, & per manum sacram accipiunt gratiam Spiritus sancti, ἀφιστάμενοι τῷ δυνάμει βαπτίσματος, ὃ διὰ τῆς ἱερατικῆς ἀρχῆς ὑποτίθεται τῷ χάριτι τοῦ πνεύματος.* Ita tom. 111. pag. 418. Joannes Morinus pag. 23. Theodoreum explicat de impositione manuum, quæ præcedit baptismum: sed quis non videt, Theodoreum huic manuum impositioni Spiritum sanctum adscribere, ideoque de materia Sacramen-*

tali,

tali, non de ceremonia, rituque accessorio instituere sermonem? Excipit Morinus eadem falsa interpretatione Oecumenium scribentem in Comment. Epist. ad Hebr. pag. 354. *Alio modo aggregatur sermonem (Paulus) vocans quidem principium baptismi, & manuum impositionem & signaculum, quæ in eo sunt.* ἀλλ' ἰτίως παθεῖται τὸ λέγειν, ἡρχὴ μὲν τὸ πᾶσιμα καλῶν, καὶ τὰν ἐν αὐτῷ ἔσ' ἡμῶν ἐπίθεσιν ἢ σημάδιον. At quemadmodum *signaculum*, ita *manuum impositionem* notat hoc in loco Oecumenius, quorum utrumque baptismati subsequitur, quamvis juxta veterem consuetudinem simul cum baptismate conferrentur. Atque id eo vel maximè, quod Photius tria ibidem ex Apostolica doctrina distinguit, *credere in Deum, baptizari, & accipere Spiritum sanctum*, τὸ πιστεῖν ἐν Θεῷ, τὸ βαπτίζεσθαι, τὸ λαβεῖν πνεῦμα ἅγιον, quorum postremum tribuit manuum impositioni. Expressius loquitur ibidem Gennadius, scribens sequenti pag. 355. *Vult autem dicere (Paulus) ut a mortiferis operibus respiciantur, respicientes autem in Deum credant, credentes verò baptizentur, baptizati autem seipsos subficient impositioni manuum Sacerdotum ad participationem spiritus*: βούλεται δὲ εἰπεῖν, ἵτις μετανοῶν μὲν ἀπὸ τῶν νεκρωτικῶν ἔργων ἰαυτὸς ὁμῶς αὐτοῖς προσερχόμενοι, μετανοήσας δὲ πιστεῖν ἐν τῷ Θεῷ, πιστεύσας δὲ βαπτίζεσθαι, βαπτίζομεναι δὲ τῷ ᾧ ἱερατικῷ χειρὶ ὑπάρχει ἰαυτοῖς ἐπίθεσιν πρὸς μετανοίαν τοῦ πνεύματος. Quibus sanè verbis de *manus impositione* subsequente baptismum, *Sacramentali*, & qua participatur Spiritus sanctus, loquitur infertus Oecumenio Gennadius. Accedit Simeon Thessalonicensis, qui in Commentariolo ad Cretenfes, edito a Jacobo Pontano, & in Bibl. PP. tom. XXI. pag. 768. ait Deum gratiam impertiri regeneratis mysterio baptismatis, *per manuum impositionem, & insufflationem arguenti*. Nota Simeonem hunc floruisse sæculo XII. post exortum schisma Græcorum, sub Comnenis Imperatoribus. Postremò Michael Palæologus Græcorum Imperator anno 1274. misit ad Gregorium X. huius professionem, firmatam a Georgio Acropolitæ & magno Logothetæ, ibique hæc leguntur: *Aliud est Sacramentum Confirmationis, quod per manuum impositionem Episcopi, conferunt Chrysmando renatos.* ἄλλο ἐστὶ μυστήριον βεβαιώσεως, ὃ διὰ τῆς ἐπίθεσιν τῶν χειρῶν οἱ ἐκκλησιαστικοὶ βίβουσι χρίστας τοὺς ἀναγεννημένους. VI. Hæc omnia suppetant theologiam quoque rationem. Ea enim est *essentialis materia* Confirmationis, saltim inadæquata, quam talem esse agnoverunt duodecim sæculorum decursu Latini, Græcique Patres. Atqui tam Græci, quam Latini Patres per duodecim Ecclesiæ sæcula agnoverunt manuum impositionem, tanquam *materiam* Sacramenti Confirmationis. Est igitur manus impositio sacramenti Confirmationis *essentialis materia*.

PROPOSITIO II. Etiam unctio est hujus Sacramenti *essentialis materia*, haud secus, quàm sit manuum impositio.

Pro-

Probatur primò ex Romanorum Pontificum definitionibus. Etenim Innoc. I. in Epistola ad Decentium ait, solos Episcopos *frontem ex oleo signare, cum tradunt spiritum Paracletum*. S. Leo epist. 88. ad Episcopos pariter spectare affirmat, *chrismate baptizatorum frontem signare*: quod chrisma serm. 1v. de Nativit. appellat *Chrisma salutis & signaculum vite eterne*. Item Gregorius Magnus in Sacramentario ait neophytos confirmari, dum Pontifex *tincto pollice in chrismate facit crucem in fronte*. Innoc. III. cap. *Cum venisset*, ait: *Per frontis chrismationem manus impositio designatur, qua alio nomine dicitur confirmatio*. De his vide cap. 2. prop. 2. II. Deinde probatur traditione Occidentalis Ecclesiæ: nam Tertullianus de baptismo cap. 7. *Egressi* (inquit) *de lavacro perungimur benedicta unctio*: & infra, *In nobis carnaliter currit unctio, sed spiritualiter proficit*, Cyprianus Epistola ad Numidas: *Ungi quoque necesse est eum, qui baptizatus sit, ut accepto Chrismate, idest, unctio*ne, *esse unctus Dei, & habere in se gratiam Christi possit*. Ambrosius de Myst. cap. 6. de Confirmatione exponit hæc Scripturarum loca, Psalm. 132. 2. *Sicut unguentum in capite, quod descendit in barbam, barbam Aaron*, Cant. 1. 2. *Unguentum exinanitum est nomen tuum*, & ibid. 3. *Trabe nos post te, in odorem vestimentarum tuorum currimus*; quia nempe per inunctionem, Episcopi omnes *in regnum Dei, & in Sacerdotium unguimur gratia spiritali*. S. P. Augustinus lib. 2. contra Petilianum sacramentum chrismatis significatum docet *in unguento*, de quo Lucæ xxiv. 47. & serm. 227. alias 83. de diversis num. 1. ait: *Accessit baptismus, & aqua quasi conspersi estis, ut ad formam panis veniretis. Sed nondum est panis sine igne. Quid ergo significat ignis? Hoc est Chrisma. Oleum etenim ignis nostri, Spiritus sancti est sacramentum*. Idem tract. 111. in Epist. Joannis num. 5. *Unctio spiritalis ipse Spiritus sanctus est, cujus Sacramentum est in unctio visibili*. Et enarrat. 2. in Psalm. xxvi. num. 2. *Unctio ista perficiet nos spiritualiter in illa vita, qua nobis promittitur. Unguimur enim modo in Sacramento, & Sacramento ipso prefiguratur quiddam, quod futuri sumus*. Theodulphus denique Aurelianensis de Ord. baptismi pag. edit. Sirmond. 52. de baptizatis ait: *Quibus etiam septiformis gratia Spiritus per chrismatis unctionem conceditur*. III. Consentiant præterea Græci PP. quorum testimonia produximus 2. capite, Dionysius, Irenæus, Cyrillus Hierosolymitanus, Theodoretus, quibus accedit Auctor ibi laudatus Constant. Apostolicarum. Addo modo Cyrillum Alexandrinum, qui in Joëlem ad ea verba, *Redundabunt torcularia vino & oleo*, inquit tom. 111. pag. 224. *Data est nobis cœn in pluvia aqua vivens sacri baptismatis, & tanquam in frumento panis vivus, & tanquam in vino sanguis. Accessit item usus olei, qui per sacrum baptismum in Christo*

justificatis ad consummationem conferret. *Ἰδεται γὰρ ἡμῖν ὅτι ἐν αὐτῷ τὸ ὕδωρ καὶ τὸ αἶμα τοῦ ἁγίου βαπτίσματος, ὡς δ' ἐν αὐτῷ ἡ ἀρετὴ τῆς ζωῆς, καὶ ὡς ἐν αὐτῷ τὸ ἄμα. ἀντιπαρατίθεται δὲ καὶ ἡ τοῦ ἁγίου χρίσματος, ἐντυπωσθέντος τοῦ βαπτισμένου ἐν χρίστῳ διὰ τοῦ ἁγίου βαπτίσματος.* IV. Adhæc probatur thesibus definitionibus Conciliorum. Florentinum quippe in decreto unionis hæc habet: *Secundum Sacramentum est Confirmatio, cujus materia est chrisma confectum ex oleo, quod nitorem significat conscientia, & balsamo, quod odorem significat bonæ fidei, per Episcopum benedictio.* Et Tridentinum sess. VII. canone 2. *Si quis dixerit injuriosum esse Spiritui sancto, qui sacro Confirmationis chrismati virtutem aliquam tribuunt, anathema sit.* An autem ex definitionibus istis consequatur sententiam hanc nostram pertinere ad fidem, dicendum est paullo infra. Synodus denique Rituricensis celebrata anno 1584. & anno proximo confirmata a Sixto V. tit. 20. hæc habet: *Nos autem pro igne visibili, qui die Pentecostes super Apostolos apparuit, oleum sanctum, materiam nempe ignis ex Apostolorum traditione ad confirmandum adhibemus, eoque frontes Confirmandorum signantur, ne pudeat eos crucem Christi palam, & aperte profiteri, & in fronte, sicut in corde gestare.* Et canone 2. *Nemo dicat chrismatis consecrationem ab alio, quam a Christo, institutam esse.* V. Ex quibus ita ratiocinamur: Ea res spectat ad materiam hujus sacramenti essentialem, quæ est symbolum, & causa spiritalis gratiæ, qua inungimur participatione Spiritus sancti, & quam Concilia & Patres appellant signaculum salutis, justitiæ consummationem, & id, per quod septiformem gratiam consequimur. Hujusmodi est sacrum chrisma. Ipsum itaque sacrum chrisma est Sacramenti Confirmationis essentialis materia.

PROPR. III. In utroque constitui debet *adequata* hujus sacramenti materia, id est, in manus impositione, & in chrismate.

Sequitur ex dictis, ac brevi probatur. Tam manuum impositioni, quam chrismati Patres indiscriminatim tribuunt gratiæ spiritalis effectum. Utrumque itaque spectant tanquam rem sensibilem, ad cujus exhibitionem, accedente verbo, id est forma, sacramentum istud perficiatur. Insuper nonnulli meminere simul materiæ utriusque, quemadmodum Tertullianus de Resurrect. carnis cap. VIII. scribens: *Caro ungitur, ut anima consecratur, caro signatur, ut & anima muniatur: caro manus impositione adumbratur, ut & anima spiritu illuminetur.* Et Cyprianus ad Iubajanum, *Nunc quoque apud nos geritur, ut qui in Ecclesia baptizantur, Propositis Ecclesia offerantur, & per nostram orationem & manus impositionem Spiritum sanctum consequantur, & signaculo dominico consummentur.* Quo in loco signaculum ab impositione manuum distinctum est chrisma, quo in crucis figuram frons illinitur. Mitto Ildorum lib. 2. de

divinis officiis cap. 26. Amalarium Fortunatum lib. 1. cap. 27. & Walafridum Strabonem cap. 26. Tandem etiam ratio (si tamen ratio hisce in rebus valet aliquid,) assertum confirmat nostrum. Cum enim sacramenta, desinente Augustino cap. 26. de Catechiz. rudibus, sint *signacula rerum divinarum visibilia*, illud magna probabilitate creditur ad Sacramentorum *essentiam* pertinere, quod cum immemorabili institutione expressius significat gratiæ proprietatem. At habemus tam in chrismate, quam in manus impositione, cum institutione divina vim quamdam significandi eam gratiam, quæ per Confirmationem confertur. Relucet in manus impositione Christi institutio; nam ut supra diximus temere asseritur, Apostolos præter mandatum & institutionem Domini externo hoc signo usos fuisse, ut Spiritum sanctum darent baptizatis; apparetque eadem institutio in usu chrismatis, ut definit Synodus Bituricensis, quoniam chrismate neophytos confirmant Ecclesiæ omnes *matrices*, & *Apostolicæ*; atque juxta Tertulliani præceptionem id, in quo Ecclesiæ ipsæ conspirant, ab Apostolis acceperunt, Apostolis verò Christus tradidit. Extat insuper in impositione manuum symbolum gratiæ, qua præmunimur ad pugnam: nam in sacris litteris *manum imponere* idem est, ac regere, auxiliumque præstare; unde ait David Ps. LXXXV. 11. 22. *Manus enim mea auxiliabitur ei, & brachium meum confortabit eum*; & Isaias L1. 16. *In umbra manus meæ protexi te*. Oleum quoque gratiæ ac fortitudinis typus est; & hinc D. Thomas q. LXXI. 1. art. 2. probat chrisma convenienter assignari pro hujus Sacramenti *materia*. Athletas olim perunctos in signum fortitudinis, scribit Isidorus: ac de monte Gelboe, ubi cecidit Saul, ait 2. Regum, 1. 21. sanctus David: *Ibi abjectus est clypeus sortium, clypeus Saul, quasi non esset unctus oleo*. Est ergo militiæ qua Christiani dicimur, ac virtutis per quam sumus *bonus Christi odor, chrisma* typus ac symbolum; quod etiam tradidit in Psychomachia pag. edit. Hanoviae 240. Aurelius Prudentius. Hujus autem carminibus, quoniam vulgatissima sunt, & asseruntur in hac controversia a Bellarmino, a Coccio, a Witassio, & a Menardo nota 334. in Sacramentarium Gregorii, addam versus ex veteri carmine de Bebiano, qui nondum in Theologicis scriptis apparuerit:

*Credidit oranti, & sitientem flumina vite
Præcinctus puro perfudit Episcopus amni.
Quo peragente pios solito mox ordine ritus,
Et divale sacrum libans, & chrismate fragrans
Attonitum mira se majestate fatetur.
Sed quis odor quaris, quem sentiat in sua labi
Pellera prædulci medicantem neclare fibras.
Sedula tunc conjunx omen de nomine Christi*

Tb.VII.

F

Un:

Unguentum spirare docet.

Perquiret, cui lubeat, hosce versus apud Brissonium de Spectaculis tom. VIII. Antiqu. Græcarum pag. 2412.

AD EA, QUÆ OPPONUNTUR, RESPONSIO.

Opp. 1. adversus 1. propositionem: Ecclesia validam ratamque habet confirmationem Græcorum, qui *chrisma* duntaxat absque *manus impositione* ad illam administrandam usurpant. Non est ergo *impositio manus* hujus mysterii *essentialis materia*. Probatur ant. a Joanne Morino ex Euchologio Græcorum edito Venetiis an. 1638. in quo nulla impositionis manus habetur mentio: ex Ms. Vaticano Simeonis Thessalonicensis pag. 129. ex Nicolao Cabasila Orat. 3. de Vita Christi: ex Dionysio cap. 2. Hierarch. Eccl. Cyrillo Jerosolymitano catech. 3. & Damasceno libro 1v. de fide Orthodoxa cap. 10. aliisque præcitatis prop. 2. num. 3. qui hoc mysterium appellant *μύρον, unguentum, σμαγδα, signaculum, τίλμα, σφραγίδα, perfectum munimentum*, sive, *custodiam, σύμματις ἡ ψυχῆς σωτηρία, corporis animique vim servatricem*, numquam verò *χειρουργία, manus impositionem*. II. Neque modo apud Latinos per manus impositionem neophyti confirmantur, sed supplet *chrisma* illius vices, ut inquit Eugenius IV. in decreto pro Armeniis, *Loco illius manus impositionis* (de qua Act. v. 111.) *datur in Ecclesia confirmatio*. Et Innocentius III. cap. *Cum venisset, Per frontis chrismationem manus impositio designatur, quæ alio modo dicitur Confirmatio*. Habentur similia in Synodo Moguntina celebrata anno 1549. cap. 18. *Hoc sacramentum ab initio sola manuum impositione exhibitum, mox sub ipsis temporibus Apostolorum ex eorumdem traditione adhibita chrismatis unctione cæpi conferrî*. Non est autem *essentialis materia*, quæ in aliam, salva sacramentorum substantia, potest commutari. III. S. Thomas, aliique à Schola Theologi pro *materia Confirmationis* assignant *chrisma*, nulla commemoratione facta impositionis manuum. Hanc ergo *essentialiam materiam* nequaquam existimant.

Resp. complures Græcorum Patres, & quosdam etiam post exortum schisma, meminisse *impositionis manuum Confirmatoria*. Produxî illos paullo supra prop. 1. num. 5. Quemadmodum ergo hi non excludunt unctionem; ita qui unctionem commemorant, non excludunt manuum impositionem, ac infirma proinde sunt argumenta petita ex aliquorum silentio. Receptis deinde Græcorum Euchologiis (quæ tamen edita post tot dissidia, Græcorumque scissuras non sunt ad faciendam fidem aptissima) dicimus *unctionem* ipsam absque *manus impositione* non fieri, ita, ut qui unius meminit, alterum simul commonstret. Nam auctor Constit. Apost., quem laudat Mo-

rinus

rinus ad sententiam firmandam suam, lib. vii. cap. 44. pag. 381. recitata Oratione Episcopi in consignandis neophytis, inquit: *Nunc hæc est potestas impositionis manuum unicuique facta: τὰς τῶν ἱερῶν τῆς χερσὶν τοῦ ἐπίσκοπου ἐστὶν αὐτῶν*. Scripserat & supra lib. 111. cap. 15. pag. 288. *In manus impositione caput ipsius unget Episcopus, ὡς τῇ χερσὶν τοῦ παραλήντος αὐτῶν χεῖρι ἐπίσκοπος*. Vidit hunc locum etiam Morinus pag. 22. & accipiendum putavit de baptizandis, quibus ab Episcopo manus imponebatur. Sed fallitur Morinus: ibi enim describitur baptismus mulierum, quorum frontem ante baptismum inungebat Diaconus, non Episcopus; & fit mentio non unctionis cuiuslibet, sed illius, *qua baptizati sunt a Christo Christiani, hoc est unktionis cognomines, regale sacerdotium, gens sancta, Ecclesia Dei, columna & firmamentum presentis luminis*. Simeon quoque Thessalonicensis in lib. de Templo inquit de Episcopo neophytos confirmante, *Per manuum impositionem & inspirationem auguenti gratiam infert*: τῷ ἐπίσκοπῳ δὲ χεῖρας, ὃ ἁγίον τὸν τοῦ κυρίου χάρις ἐκρίνουν: quem in locum Jacobus Goarius in notis ad Euchologium Græcorum pag. 367. inquit, *Simeonem Thessalonicensem scripturæ loquendi modum fuisse imitatum, nec se a vocibus a Patribus Græcis usurpatis reddidisse alienum, immo potius Theologorum nostrorum mentem & verba, ubi manuum impositionem cum unctione confundunt, fuisse sequutum*. Hoc idem eruitur ex Eugenii, & Innocentii Pontificum verbis paulo supra productis. In ipsa ergo unctione manus impositio comprehenditur: atque hæc testimonii revincitur vis præclarissimus Jac. Sirmondus, contendens tactum pollicis in fronte inungenda non posse dici manus impositionem. His diluitur obiectio secunda: etenim si modò Episcopi neophytum consignantes eum manu tanguunt & ungunt, est una cum frontis chrismatione impositio manus: nec video cur in Eugenii IV. & Innocentii III. verbis explicandis tantum infumant operis, ac sese torqueant Scholastici. Horum quippe neuter affirmat chrismationem inductam pro impositione manuum, hæc sublata. Eugenius tantum affirmat *loco impositionis manus dari confirmationem*. Confirmationem, inquit, non chrismationem. Sicut ergo ex his verbis nequit inferri, impositionem manuum non fuisse olim vream confirmationem: ita non inferitur, in-chrismatione nequam nunc esse manuum impositionem. Illorum ergo verborum sensus est, appellari modò *confirmationem*, quod Apostolicis temporibus dicebatur *manus impositio*. Atque hunc sensum præferunt verba Innocentii, maxime quod eo loci probat pertinere ad solum Episcopum chrismationem frontis, *quia de solis Apostolis legitur (quorum Vicarii sunt Episcopi) quod per manus impositionem Spirituum sanctorum dabant*. Est itaque in chrismatione idem ritus Apostolicus, manuum videlicet impositio. Idem est sensus Concilii Mogun-

tini, quod præcedenti cap. 17. ait etiãmnun *per manus Episcoporum tradi fidelibus Spiritum sanctum*, & hanc *normam* accepisse Ecclesiam ab ipsis Apostolis, qui in alios transfundebant dona Spiritus *per manus impositionem*. Ergo ex mente Moguntinæ Synodi confirmatio nunc quoque per manus impositionem confertur. Quod verb eadem Synodus tradit seq. capite, initio non fuisse adhibitam unctionem chrismatis, paullo infra expeditur. Ex quo præterea Apostoli, juxta probabilem sententiam, aliquando non adhieverint chrismata, eruitur responsio alia perspicua & plana, nec opposita præcedenti, Innocentium scilicet, Eugenium, & Moguntinos Patres asserere chrismationem stare loco impositionis manuum, non quod in ipsa chrismatione non sit manus impositio, sed quod manus impositio fuerit aliquando absque chrismate, atque unctio pro simplici manus impositione fuerit substituta. Potest & responderi, nunc etiam adhiberi impositionem manuum, quoniam Episcopus antequam consignet baptizatos, recitat quamdam orationem, *levata manu super capita omnium*: ut habetur in Sacrament. Gregorii, tom. 3. pag. 73. Quam orationem, in qua nonnulli constituunt Confirmationis *formam*, recitandam esse *manibus extensis*, & *elevatis versus confirmandos*, præcipit etiam Antiquus Ordo Romanus, & Pontificale Romanum, tit. 1. §. 13. unde nonnulli redarguunt Andream Pescaram Castaldum, quod ritum hunc *extensionis manuum* prætermiserit in Cereemoniali Episcoporum lib. 2. sect. 15. Ego tamen probò quidem eundem ritum, quoniam manuum extensio est quædam invocatio Spiritus sancti; sed non credo extensionem ipsam esse *materiam* Confirmationis *essentialem*, quemadmodum illa oratio, ut ostendam cap. 6. non est *forma*, quæ *materia* applicatur: ideoque appello *materiam* hujus sacramenti impositionem illam manuum, quæ comitatur chrismatis inunctionem. Ad tertium constat ex dictis, Doctores Scholasticos, dum chrismationem commemorant, innuere simul impositionem manus, & unum exprimentes alterum supponere; maxime quod ceterorum princeps Aquinas lect. 1. in cap. vi. ad Hebræos tom. xvi. pag. 212. agnoscit *impositionem manus sacramentalem*, per quam in *Confirmatione datur Spiritus sanctus ad robur*, ut *scilicet audacter homo confiteatur nomen Christi coram hominibus*.

Opp. 2. contra alteram propositionem: Unctio chrismatis pertinet ad hujus mundi elementa, de quibus Apostolus ad Coloss. 2. 20. *Mortui estis* (inquit) *cum Christo ab elementis hujus mundi*. Non ergo in sacris mysteriis est usurpanda. II. Tertullianus de Baptismo cap. 7. ait nos perungi *benedicta unctione ex pristina disciplina*. Dionysius de Eccl. Hier. cap. 2. morem inungendi derivasse scribit ex Athleticis unctionibus; & Basilius de Spiritu sancto ait, *in nullo scripto nos habere chrismata, ejusque consecrationem*. Non est ergo *essentialis*.

tialis materia, quod non habet divinam institutionem, sed humanam, atque ad summum Ecclesiasticam, atque Apostolicam. III. S. Lucas in Actis describens Confirmationem datam in Samaria ab Apostolis, nullam facit mentionem Chrismatis, etiam si impositionem manus, & orationem silentio non prætermiserit, ac totum descriperit hujus mysterii ritum. IV. Prælaudatæ Synodi, Moguntina, & Bituricensis, nec non Eugenius IV. & Innocentius III. & S. Thomas quæst. 72. art. 2. ad 1. docent hoc sacramentum ab initio fuisse exhibitum *sola manus impositione*. Non est ergo chrisma *essentialis materia*, si aliquando sine chrismate data est Confirmatio: siquidem *essentialis materia*, si fuit a Christo præscripta, non potuit ab Apostolis aut prætermitti, aut commutari in aliam, neque est in Ecclesiæ potestate illam apponere, vel omittere. Atque hoc argumento fulcitur etiam opinio Estii, qui ait Apostolos aliquando sola impositione manus, aliquando etiam chrismate confirmasse. V. Canon. 2. Concilii primi Arauxicani celebrati anno 441. definit *chrismationem* esse puram ceremoniam, non *materiam essentialem*. Inquit enim: *Nullus ministrorum, qui baptizandi recipit officium, sine chrismate usquam debet progredi, quia inter nos placuit semel chrismari*. De eo autem, qui in baptismo, quacunque necessitate faciente non chrismatus fuerit, in Confirmatione Sacerdos commonebitur. Nam inter quoslibet chrismatis ipsius nonnisi una benedictio est: non ut præjudicans quidquam, sed ut non necessaria habeatur repetita chrismatio. VI. Nihil aliud ex oppositis probationibus deducitur, nisi chrisma esse *materiam integram*, non verò necessariam; primum, quia Eugenius IV. etiam pro *materia* calicis assignavit *vinum de vite, & aquam*; & tamen aqua non est *essentialis materia*: ac etiam sacramenti Ordinis materiam dixit illud, *per ejus traditionem confertur Ordo*; & nihilominus *essentialis* Ordinis *materia* non est instrumentorum porrectio. Ita ergo dum ait *materiam* Confirmationis esse chrisma, *de materia integrante* locutus est, docens Armenios, ut omnino cum Romana Ecclesia etiam in accessoriis ritibus convenirent. Deinde *chrismatio* non semper, neque ratione eadem obtinuit; primis enim sæculis unctio impositioni manuum præmittebatur, ut inquit de Bapt. c. 7. Tertullianus, postea fiebat a presbytero baptizante in ipso actu baptismatis, nunc post baptismum peragitur ab Episcopo: & cum olim fuerit una, nunc duplex unctio est, in vertice nempe, & in fronte. Demonstrat ergo tanta rituum variatio, unctionem chrismatis non ad essentiam sacramenti spectare, sed ad ceremoniam, & ad variabilem disciplinam.

Resp. ad 1. dici ab Apostolo Judaicos ritus *elementa mundi*, quoniam, etsi erant rudimenta religionis, carnalia erant tamen, prænuntiativa futurorum, nec *per se* gratiarum spiritualium efficientia; a qui;

a quibus propterea completis, abrogatisque monet Apostolus Colossenses ut abstineant. Cum itaque non sint hujus generis res sensibiles, quibus utimur in Sacramentis, sed ex Christo institutione salutares sint, antitypi veterum, fructuumque peractæ redemptionis afferant ubertatem; frustra Calvinus, & Kemnitiuss Pauli testimonio abutentes student oleum, chrisma, aliaque hujusmodi eliminare; nec advertunt, semel probata argumentationum suarum ratione, etiam aquam baptismatis, panem, vinumque Eucharisticum, & quicquid elementare est, ac sensibus subiectum, explosum iri. Respondet Calvinus lib. iv. Instit. §. 4. n. 7. *Quatenus substantiam suam retinent panis, & aqua, quæ aspectui nostro in Sacramentis offeruntur, valet semper illud Pauli, Esca ventri, & venter eseis: Deus utrumque destruet. Prætereunt enim, & evanescent cum figura hujus mundi. Quatenus autem verbo Dei sanctificentur, ut sacramenta sint, non in carne nos retinent, sed vere & spiritualiter docent.* Cur idem non dicit de chrismate per Dei verbum sanctificato? In altero argumento nihil est aliud, quam verbositas, lusus, rixandique libido. Non enim ait Tertullianus unctionem pertinere ad disciplinam, sed nos perungi ex pristina disciplina, quæ ungui oleo de cornu in sacerdotum solebant; significans chrisma nostrum, unde Salvator Christus, nos Christiani appellamur, præsignatum in oleo, quo Aaron a Moyse unctus est: in nobis tamen unctionem, quemadmodum baptismi lavacrum, præseere spiritualiter: quæ responsio si cui videatur paullulum diversa a communi, adeat lector librum ipsum Tertulliani. At Basilii eo in capite hostibus Apostolicarum Traditionum nimis molesto, docet *chrisma*, quamvis è verbo scripto non probetur, firmitatem habere suam ex verbo tradito: neque ex Traditione repetit Basilii ritus tantum, & ceremonias, ut consecrare aquam baptismatis, renuntiare satanæ, aliaque hujusce generis: verum etiam complura spectantia ad essentiam divinorum Sacramentorum, omniaque dogmata & instituta, quæ in Ecclesia prædicantur, & quæ non ex doctrina scripto prodita acceperimus, sed ex Apostolorum traditione in mysterio, idest, in occulto tradita nobis fuerunt. Dionysius autem plura, quam vellent hæretici, de chrismate magnificè, & ornate scribit Ecclesiasticæ Hierarchiæ iv. in capite. Appellat §. 2. mysterium patens solum arcanis spiritualis rei spectatoribus: ait §. 3. commendari a divinis præceptoribus nostris, tanquam ejusdem ordinis, & operationis cum sacrosancto Synaxeos sacramento: inquit §. 111. unctionem illam illapsam divini Spiritus elargiri: & ipsomet cap. 2. §. 6. ubi meminit pugilum, docet ipsam unctionem debellare mortis & corruptionis imperium, & adhiberi pro libertate atque victoria. Non ergo institutam docet ex pugilum moribus; sed pugilum utitur comparatione, ut significet chrismatis usum

uſum ad ſpiritualia certamina : immo in eo paragrapho ait ſe *μυστικῶς*
εἰρῶν, *myſticè loqui*, leſtorem commonefaciens , ut Sacramentorum
 effectus in tropica locutione perpendat . Atque id etiam advertit
 S. Maximus in Scholiis pag. 270. & Pachymeres in Paraphraſi pag.
 279. Illud præterea memoria repetendum eſt , quod ſæpe monui,
dæmonem amulatorem divinatorum Sacramentorum, ut de Præſcript.
 cap. 40. ajebat Tertullianus , *ſignare in frontibus milites ſuos*, alia-
 que religionis noſtræ imitari myſteria ; ideoque non ex profanis ri-
 tibus Sacramenta Eccleſiæ , ſed ex Sacramentis Eccleſiæ profanos ri-
 tus originem , veritate labefaſcata , duxiſſe . Ad argumentum ter-
 tium , quod videtur in hac quæſtione præcipuum , non una eſt Theo-
 logorum reſponſio . Negant plurimi Apoſtolos *chrifmate* uſos ne-
 quaquam fuiſſe : cum enim hujus chrifmatis mentionem fecerint Pa-
 tres omnium ſæculorum , nec inſtitutio prima in aliquo Concilio ,
 aut Eccleſiaſtica definitione inveniatur , neceſſum eſt repetere illud a
 Chriſto , qui ſolus determinavit *materiam* , *formamque* sacramen-
 torum . Nec obſtat ſilentium Lucæ ; noſtrorum quippe dogmatum
 quædam è ſacris litteris , quædam ex traditione accepimus , ut nuper
 dictum eſt cum Baſilio . Atque ut ex ipſo libro Actuum Apoſtol. pro-
 feratur exemplum aliquod ; numquid Apoſtoli non baptizavunt in
nomine Trinitatis , quia id Lucas minime expreſſit ? Numquid Phi-
 lippus Eunuchum de ſola fide in Chriſtum interrogavit , quoniam
 idem Lucas interrogationem hanc ſolam mandavit litteris ? Num-
 quid de ſola fide , non de præceptis vitæ in melius mutandæ , Apo-
 ſtoli egerunt cum baptizatis , quod in Actibus hæc præcepta non re-
 periuntur inſinuata ? *Si ergo Scriptura tacuit , & intelligenda dimiſ-
 ſit cetera* (inquit cum Auguſtino lib. de Fide & Operibus cap. 1x.
 num. 14.) *intelligi tamen voluit impleta omnia , quæ licet taceantur in*
*Scripturis gratia brevitatis , tamen ſerie traditionis ſcimus im-
 plenda* . Addunt quidam chrifmatis mentionem fieri in 11. ad Corin-
 thios cap. 1. 21. & in 1. Epift. Joannis cap. 11. 27. ubi ſignificari Sa-
 cramentum Confirmationis docet etiam Auguſtinus ſupra prop. 2.
 num. 2. laudatus . Addunt Lucam nomine *impoſitionis manuum*
 intellexiſſe etiam *unctionem* ; quemadmodum Patres , licet *unctionem*
 expreſſè tradant , ſæpè tamen Confirmationem explicant per ſolam
manuum impoſitionem . Addunt denique nihil ex argumento negan-
 te , cujus generis præſens eſt , poſſe concludi . Vide Baſilium Pon-
 tium P. 2. cap. 6. pag. 76. Reſpondent alii cum D. Thoma cit. q. 72.
 art. 2. ad 1. Apoſtolos *ſine chrifmate* confirmari baptizatos *per ſolam*
manuum impoſitionem , quando Spiritus ſanctus viſibiliter deſcende-
 bat in ſpecie ignis ; *Non enim erat neceſſaria ſenſibilis materia ſa-
 cramentalis , ubi ſenſibilia ſigna miraculoſe exhibebantur divinitus :*
ceterum uſos communiter chrifmate in exhibitione Sacramenti , quando
preſent.

huiusmodi visibilia signa non exhibebantur. Atque hæc est sententia Synodi Moguntinæ, & Bituricensis, nec non Theologorum complurium. Ex qua sententia nequaquam sequitur, mutatam fuisse *materiam Sacramentalem*; primum, quia in multorum opinione Apostoli sola impositione manuum dantes Spiritum sanctum non conferebant Sacramentum Confirmationis, sed absque sacramento rem, sive effectum ipsius, modo quodam excellentiori; & ideo, inquit, Innoc. III. ait, *manus impositionem designari per frontis chrismationem*, & Eugenius IV. *dari confirmationem loco illius manus impositionis*. Deinde, quia potuit Christus ita præscribere *materiam*, idest, impositionem manuum, & chrisma, ut ista uterentur quando sensibilia signa cessassent; propterea quod descendente Spiritu sancto in forma ignis, aderat symbolum ejusdem effectus, quem significat oleum, & chrisma: atque hæc mihi videtur sententia S. Thomæ ibidem scribentis: *Quod enim sensibilibiter Spiritus sanctus descendit in specie ignis, ad eandem significationem refertur, ad quam refertur oleum*; necnon Synodi Bituricensis, cujus hæc sunt verba, *Nos autem pro igne visibili oleum sanctum, materiam nempe ignis, ex Apostolorum traditione ad confirmandam adhibemus*: quæ tamen Synodus postea definit, *chrismatis consecrationem non ab alio, quam a Christo institutam esse*. Utraque responsio optima est, nec temerè unam præferrem alteri. In ultima tamen non probo, quod ajunt Apostolos per impositionem manuum *rem sacramenti*, non *sacramentum* exhibuisse. Principio enim, quid ad *materiam* sacramenti requiritur, præter rem sensibilem, qualis est impositio manus? Deinde, si Apostoli manuum impositione *sacramentum* non conferebant; quo jure ex Actibus Apostolicis sacramentum ipsum adversus hæreticos vindicamus? Quomodo etiam inde concludimus, illius ministerium spectare ad Episcopos successores Apostolorum? Scio respondere nonnullos, hæc omnia inferri ex Actibus Apostolicis, *ob identitatem effectus*; quia scilicet robor Spiritus sancti, quod Apostoli conferebant *impositione manus*, Episcopi conferunt *chrismate*. Sed hoc negant hæretici: hoc demonstrandum est, eundem haberi effectum, etiamsi idem non sit Sacramentum. Sed de tertio argumento tam multa diximus, ut etiam ad quarti solutionem sufficiant. Quantum est illud, de quo acerrima contentione pugnaruat duo præstantissimi viri, Jacobus Sirmondus, & Petrus Aurelius; ac decertatum inter illos tam de verbis, quam de sensu canonis Arauxicani. Aurelius in postrema periodi parte redundare contendebat particulam *non*, adeo, ut sit legendum, *ut necessaria habeatur chrismatio*: Sirmondus pro illa retinenda particula digladiabatur. Aurelius de unctione in vertice, Sirmondus de unctione in fronte interpretabatur eundem causam. Multum temporis & operæ postularet dissensionis hujus exa-

men.

men . De appositione particulæ *non* pendet adhuc causa : illam namque omittunt Jacobus Merlinus , Binius , Surius , Fronto , Gratianus , Antonius Augustinus , Turrecremata : nescio , quomodo Harduinus tom. 1. Concil. pag. 1784. contra fidem omnium exemplarium aliter adnotavit de Gratiano . Extat particula *Non* in Collect. Regia , Isidoriana , Crabbiana , in quatuor MSS. Parisiensibus , & in MS. Henrici Justelli . Petrus tamen Crabbe in postrema editione anni 1551. negantem particulam supplevit in margine . Isidoriani etiam Codices varii sunt ; nam carent illa particula Codices Vaticanæ , & S. Mariæ supra Minervam , laudati in Præfatione ad Romanam editionem Gratiani an. 1582. eandemque variationem notavit Glossa in cap. *Nullus ministrorum* , de Consecr. dist. 1v. num. 225. At quantum ad sensum canonis , nulla inest vis argumento , sive apponatur particula *Non* , sive removeatur . Verum enim verò de unctione chrismatis in vertice , non de chrismatione frontis , idest , de cerimonia baptismatis , non de sacramento Confirmationis ibidem fit sermo . Primò quia , ut dictum supra , jam ab anno 416. Innocentius I. statuerat , ne presbyter baptizans signaret frontem chrismate , sed ungeret tantum in vertice ; dum ergo canone Arauxicano decernitur , ut quando prætermissa est unctio chrismatis in baptismo , communeatur in Confirmatione *Sacerdos* , idest , Episcopus , nihil aliud statuitur , nisi ut ante Confirmationem suppleatur ceremonia . neglecta , aut omissa , scilicet inunctio verticis : ideoque si legas , *ut necessaria babeatur chrismatio* , sensus erit , ut suppleatur ritus omissus : & si legas , *ut non necessaria babeatur repetita chrismatio* ; erit sensus , nullum præjudicium afferri si ommissa fuerit unctio verticis , cum suppleri possit per unctionem in fronte , sive per Confirmationem Episcopi ; atque è contra addendam chrismationem frontis , etiamsi a presbytero facta esset chrismatio verticalis : quamquam postremus sensus aliquantulum violentus est , & obscurus . Deinde Synodus Arauxicana , dum mandat nulli baptizantium progrediendum sine chrismate , aperte demonstrat intelligendum canonem de unctione verticali faciendam etiam a presbytero baptizante , non de unctione frontis Episcopo reservata ; ideoque dum addit unctionem prætermissam esse repetendam , quamvis *non sit necessaria* ; significat ipsam unctionem verticalem supplendam utique , sed non esse necessariam ad sacramentum Confirmationis , quod in unctione frontis , non in unctione verticis situm est . Hinc & Sambovius , & L'Hermier , tamen cum Sirmondo censent unctionem chrismatis esse Confirmationis ceremoniam , non *materiam essentialem* , fatentur nihilominus opinionem suam nequaquam stabiliri posse Arauxicano canone , de quo hætenus . Ad v. hæc sit responsio : Nequit esse materia accidentaria illa , quæ est symbolum & causa gratiæ : ac talem esse

esse unctionem chrismatis clamat traditio universa. Falsum est, Eugenium IV. assignare pro *materia* Calicis etiam aquam. Eius verba sunt, tom. xlii. Com. 536. *Cujus materia* (Eucharistiæ) *est panis triticeus, & vinum de vita, cui ante consecrationem aqua modicissima admisceri debet*. Admiscendam vino aquam dixit; pertinere ad *essentiam materię* non dixit. De Ordine gravior est controversia; nec desunt Theologi innumeri, qui cum Bellarmino lib. 1. de Ord. cap. 9. propugnant traditionem Instrumentorum esse *materiam essentialē*, saltem quantum ad aliquam Ordinis potestatem. Diximus quædam de hac re lib. xxx. c. 10. pluraque dicenda erunt lib. xxxvi. Verum dato quod Eugenius doceat Armenios Ordinem accidentariam *materiam*, quoniam illi de impositione manuum minimè dubitabant; non sequitur hujusce generis esse *chrismationem*; quia loquens de Ordine commemorat *instrumenta*, tanquam symbola munus ab initiatis exercendorum; at de Confirmatione pertractans laudat *chrismā*, tanquam symbolum gratiæ conferentis nobis *nitorem conscientię, & odorem bonę famę*. Quæ denique opponit circa variam unctionum disciplinam Sirmondus, nequaquam urgent; nam Tertullianus ait, *Egressi de lavacro perungimur benedicta unctione*; agnoscit ergo chrismationem post baptismum. Num hæc in fronte facta olim fuerit a quolibet presbytero baptizante, spectat ad questionem de Confirmationis ministro. Diximus differentes de ceremoniis baptismatis permissam unctionem verticalem presbyteris a Sylvestro, vetitam ab Innocentio chrismationem frontis; unde apparet unctiones istas esse diversas. Addam nonnulla paullo infra; & illud quoque revocabo ad examen, quod attinet ad tempus Confirmationis administrandæ.

APPENDIX.

Quæri solet, an sit fidei dogma, unctionem pertinere ad sacramenti hujus *essentiam*. Ac respondent affirmativè Suarez, Valencia, Fillucius, Tannerus, Sylvius, Mastrius, Maurus, Gavardi, alii. Quorum præcipua ratio est, ex decreto Eugenii, & ex canone 2. sess. vii. Trid. deprompta. Negant tamen id tenendum esse de Fide non solum qui *materiam* confirmationis constituunt in sola impositione manūs, verum etiam alii permulti; inter quos Ludovicus Habert ait tom. v. pag. 278. id communiter sentire Theologos adversus Suarezium. Falli tamen Habertum, percipiet quisquis adierit Scriptores nuperrimè commemoratos. Qui autem in hanc postremam sententiam descendunt, ad Eugenii decretum respondent, datum fuisse Florentino Concilio jam dissoluto, atque accipiendum, non *de materia essentiali*, sed *integrali*, ut dum locat *materiam* Ordinis presbyteratus in *porrectiōne calicis cum vino, & patena cum pane*. Tridenti-

dentinum verò definit tantum, posse affirmari absque injuria Spiritus sancti, quod insit virtus aliqua chrismati consecrato, minimè docens, an hæc virtus sit ex divina institutione, an ex benedictione, & suffragiis Ecclesiæ, quemadmodum in Sacramentalibus.

Quamquam ego non ausim sententiam dicere, ac multo minus insinuari aliquem hæreseos; arbitror nihilofecius Habertum, L'Herminier, Witasse, alioque, qui sive circa Confirmationis materiam nobiscum sentiant, sive a nobis dissideant, afferunt probantque responsiones istas, plurimum alucinari. Ac primum animadverti supra, in decreto Eugenii aliter de materia Confirmationis, aliter de materia sacrorum Ordinum pertractari, & unctionem esse symbolum gratiæ, instrumenta verò symbola duntaxat Ecclesiastici ministerii: idque multo magis tenendum est, si una cum Pontificio decreto conferatur universalis traditio, unctioni spiritalem efficiantiam adtribuens. Deinde non elevatur Eugenii definitio, ex quo emanata dicatur Concilio jam dissoluto; siquidem sententiâ nostrâ non pendet a Concilii approbatione Pontificiæ alicujus definitionis robur, aut firmitudo. Præterea initio ejusdem decreti legitur pag. 530. tom. xiii. Concil. latum fuisse, *sacro approbante Florentino Concilio*, & in fine pag. 540. *Datum Florentiæ in publica sessione Synodali solemniter in Ecclesia majori celebrata, anno Domini millesimo quadringentesimo trigesimo novo, decimo Kalendas Decembris, Pontificatus nostri anno nono*. Falsum insuper narrat, & imperitis fucum facit Nicolaus L'Herminier, dum tom. 1. de Sacram. pag. 403. scribit, *Quando Armeni Florentiam advenerunt, jam dissolutum erat Concilium Florentinum, post Orientalium ex urbe recessum, ut referunt Spondanus ad annum 1439. & Pallavicinus p. 1. lib. vi. cap. 11. qua in re ut diximus assentiuntur illi Habert, Witassius, Sirmondus*. Spondanus enim ad eundem annum, num. xix. tom. 1. pag. 867. hæc habet: *Cum promulgatum Florentiæ ponatur, (decretum Eugenii) in publica sessione Synodali solemniter in Ecclesia majori celebrata presenti anno Domini 1439. 10. Calend. Decembris, Pontificatus Eugenii anno ix. inde percipias, non una cum Græcorum discessu dissipatam esse, quod multi crediderunt, Synodum Florentinam, sed potè continuatam cum patribus Latinis; nec verò hoc solum anno, verum etiam tribus sequentibus, &c.* Pallavicinus quoque eodem libro num. 12. pag. edit. Plantin. 577. refert, Clodiensem Episcopum proposuisse argumentum, ut ostendcret decretum Eugenii pro Jacobinis obligatum die 14. Febr. ann. 1441. non spectare ad Synodum Florentinam, cum illi finem imposuerit postrema sessio anno 1439. *sed observant Legati (inquit Pallavicinus, Giattino interprete) & eorum primus, sive sua sponte, sive admonitu Cervini respondit: Falli eos, qui Florentinæ Synodi exitum anno 1439. tribuebant:*

bant: ibi quidem desinere Latinam Versionem Bartholomæi Abrabam Cretensis, quod solum ad id usque temporis, hoc est usque ad septimam sessionem ibi Græci fuerint commorati, & Acta perscripserint, ex quibus modo laudatus interpres desumpsit eam partem, quæ Conciliorum Volumini fuit inserta. Reuera tres insuper annos perstitisse Synodum illam Florentiæ, ac inde Romam commigrasse, uti liquet ex Constitutionibus, quæ visuntur non modò in Actis Synodi postea, sed etiam ab Augustino Patrio Canonico Senensi in Epitomen Basileensis Concilii a se conscriptam relata. Neque hæc dicuntur tantùm; probantur etiam ex autographis servatis in Romana Arce sancti Angeli: de quibus ibidem Pallavicinus, Cardinalis a Monte tom. xiii. Concil. pag. 1203. necnon Raynaldus Tom. xviii. Annal. Eccles. ad annum Ch. 1442. ubi pertrahit de Synodo Florentina Romam traducta. Atque his deteximus simul mendacia, aut alucinationes clarissimorum Scriptorum, & rationem dedimus, cur sæpenumero decretum Eugenii Synodo adscripserimus Florentinæ, cur demum nequeat illud tanta inurbanitate dimitti. De Tridentino autem Concilio nihil addam, nisi quod videatur mihi eam chrismati tribuere virtutem, quam denegant hæretici, producendi nimirum per se gratiam spiritalem. Videtur enim canon ille, Si quis dixerit injurios esse Spiritui sancto, &c. ferire blasphemiam Calvini scribentis lib. iv. Instit. §. iv. num. 5. Posterior ætas, re prope oblitterata, scititionem nescio quam Confirmationem pro Dei Sacramento posuit. Confirmationis virtutem esse fluxerunt, Spiritum sanctum conferre ad gratiæ augmentum, qui in baptismo collatus sit ad innocentiam: & num. 7. Hoc verò non a me, sed a Domino audacter pronuntio, Qui oleum vocant oleum salutis, salutem, quæ in Christo est, abjurant, Christum abnegant, partem in regno Dei non habent. Ex his inferimus sententiam, quæ statuit chrisma materiam Confirmationis essentialem, talis esse generis, ut si ad fidem non spectat, nequeat tamen sperni & repudiari absque nota inconsideratæ temeritatis.

C A P U T V.

Expediuntur quæstiones aliquæ circa materiam Confirmationis.

ORitur ex dictis prima quæstio, num ad compositionem *chrismatis* sufficiat quodcunque oleum, puta ex juglandibus, amygdalis, nucibus, seminibus; an requiratur necessario *oleum olivarum*. Hoc requiri affirmant Theologi consensu unanimi, ea ducti ratione, quod *oleum olivarum* sit illud, quod proprie *olvi* nomine signi-

significatur, & absque ullo additamento verborum Concilia & Patres ejusdem olei meminerint. Addunt analogiam olei cum dono Spiritus sancti, cum oliva semper frondibus virens Dei gratiam, misericordiam, viroremque significet. Observant quoque oleum olivarum in usu esse communi, liquores alios, qui ex hujus similitudine *olea* dicuntur, hoc duntaxat deficiente in usum assumi. Hæc ex D. Thoma q. 72. art. 2. ad 3. Quibus ut nonnulla ad munimentum addam veritatis; observo primum, *oleum* ab *olea*, sicut *ἔλαιον* ab *ἐλαία* derivari, atque Latinum a Græco, At in E. abeunte: *ἐλαία* autem nihil est aliud, quam *oliva* arbor, aut *olea*. Est ergo oleum liquor olivæ, non alterius arboris, aut seminis. Præterea semper Ecclesia in conficiendo chrismate oleum adhibuit olivarium, ut de Græca constat ex Pontificali notis illustrato ab Isacio Haberto, & de Latina ex vetusto carmine decantari solito Feria v. magnæ hebdomadæ in chrismatis consecratione:

*Consecrare tu dignare,
Rex perennis patriæ,
Hoc olivum, signum vivum
Jura contra demonum.*

Insuper Tertullianus de Baptism. cap. 7. & Auctor serm. de unctione chrismatis inter Opera Cypriani, comparant oleum Chrismatis illi, quo antiquitus ungebantur sacerdotes & reges, affirmantque unum, & idem esse. Oleum verò consecrationis erat in antiqua etiam lege, *עֵיִל זַיִת*, *oleum de olivetis*, Exodi xxx. 24. Tandem non solum misericordiæ & gratiæ, verum etiam pacis, victoriæ, ac fortitudinis oliva, aut oleum symbolum est, Genes. vii. 11. Ps. li. 11. Eccli. xxiv. 19. ad Rom. xi. 17. &c. Noverunt hæc etiam Ethnici; nam de Aenea pacem exposcente cecinit Virgilius Aen. vii.

*Centum oratores augusta ad mœnia regis
Ire jubet ramis velatos Palladis omnes.*

Ac de Alcide pugnante Statius Papinius in vi. Thebaidos,
Pulveremque fera crinem detorsit oliva.

Sed de oliva, oleoque hæc tantum.

II.

Quæstio altera est, num simplex oleum absque balsami mixtione sufficiat ad constituendam Sacramenti hujus *materiam*. Ad hanc verò quæstionem respondendum est negativè: at non proferemus consueta quorundam argumenta ex Epistola Fabiani ad Orientales Episcopos, & commentariis Gregorii Magni in Cant. & ex Scholiis S. Basilii in Ps. 132. Nam Fabiani Epistola, quamvis relata in can. *Litteris vestris*, de Consecrat. dist. 3. num. 18. inter spurias rejicitur. Gregorii verba, ut dixi prop. 2. cap. 1. insititia sunt, & ex castigatis editionibus disjuncta. In Scholiis Basilio Magno attributis sit

tan-

tantum sermo de summorum sacerdotum unctionibus. Utemur ergo sequentibus probationibus. Primum antiquus Ordo Romanus, Pontificalis, & quotquot de Eccles. Officiis scripsere, Amalarius Fortunatus, Albinus Flaccus, & alii, Innoc. III. cap. *Cum venisset*, De sacra unctione, Eugenius IV. in decreto pro Armeniis (quæ omnia supra fuerunt producta) olei simul, ac balsami meminere. Deinde Patres materiam Confirmationis aut *chrisma*, aut *unguentum* appellaverunt. *Chrisma* ex oleo, & fragrantis alicujus materiæ permixtione confici demonstrat ex Hebraicis, Græcisque codicibus Scacchus noster Myroth. 2. cap. 1. ubi plura de textu Exodi xxx. 25. *Faciesque unctionis oleum sanctum, unguentum compositum opere unguentarii*. Quo in loco etiam aromata ad *chrismatis* illius compositionem recensentur; & accuratè LXX. reddiderunt, *Και ποιήσας αὐτὸ τὸ ἑλαιὸν ἄριστον*. Et facies illud, idest oleum, *chrisma*, non *chrismatis*, ad demonstrandum *chrisma* confici permixtione, sine qua oleum non est *chrismatis materia*. Atque eundem sensum exhibet Hebraicus textus חֲרִיטָה חֲרִיטָה חֲרִיטָה, *Faciesque pinguedinem Chrisma*. Non aliud innuunt canones Conciliorum, dum vetant presbyteris *conficere chrismo*, ut Concil. Carthaginense 11. canone 3. & Concilium Carthag. III. canone 36. *Unguentum* pariter nihil est aliud, quam diversorum odorum commixtio, nec desunt qui etymologiam arceffant ab *unctum*, & ago: quod in *unguento* plura *uniantur*. Hinc ad conficiendum *chrisma mixtum oleo balsamum*, legimus in Sermon. de Unct. Domini inter Opera Cypriani.

Consentiunt Græci Patres. Nam Iræneus de Gnosticis æmulantibus mores catholicorum scribit inungi ab illis baptizatos *balsamo*. Vide cap. 1. prop. 2. Auctor quoque Constit. Apost. & Cyrillus Jerosolymitanus ibidem laudati, ἀπὸ τοῦ ἑλαίου, *ab oleo*, distinguunt τὸ χρίσμα, *chrisma*, ἢ τὸ μύρον, *et unguentum*. Sane *μύρον* esse pigmentum, seu mixtionem fragrantem & odoriferam observarunt Gesnerus, Budæus, alique interpretes Græcorum vocabulorum. Ait propterea Auctor lib. de Eccles. Hierarch. pag. 335. λέγομεν οὖν ἢ τῷ μύρῳ τὸν οὖνον ποικίλον τίς ἐστὶν ἰσχυρίων ἑλάν, *Dicimus quod unguenti compositio est collectio quædam bene spirantium materialium*. Nec balsamum tantum in conficiendo *chrismate* addunt Græci: sed præter oleum ac vinum triginti tres alias species fragrantium rerum: quas ut lectorum curiositati satisfaciam, brevissimè exponam.

Ἀκὼρ λίπας β. Veneriæ, aut Acori, de quo Dioscorides lib. 1. cap. 2. Goarius λίρον, *hyperici*, seu *costi*, de quo Dodonæus lib. 111. cap. 24. libras 2.

Σουλβαλέσιμα λίπας γ. Surculorum balsami libras 3.

Ἐχινάδης λίπας β. Chariophyllorum lib. 2. Goar. junci aromatici.

Πίπερος λίπας δ. Piperis libras 5.

Σουλβα

- Σμύρνης λίτρας δ. Myrrhæ libras 4.
 Στύρακος λίτρας α. Styracis libram unam.
 Πιπέρης μακρᾶ λίτρας β'. Piperitidis, aut filiquastri libras 2.
 Ξυλόκαυτης λίτρας γ'. Xylocassia, aut cinnamomi, Goarius ligni aca-
 ciæ libras 3.
 Φύλλον ἰνδικῶν λίτρας γ'. Foliorum indicorum, idest, malabathri, li-
 bras 3.
 Καρποβαλάμου λίτρας β'. Fructus, aut seminis balsami libras 2.
 Κυπρίως λίτρας ι. Cyperi, seu junci odoriferi libras 5.
 Μυτζόκακκος λίτρας γ'. Nucum Cyparissi libras 3.
 Κελτικὴν λίτρας α. Celtici, sive nardi libram unam.
 Κασίας μελάνης λίτρας ε. Cassiæ nigrae libras 6.
 Ἀσφαρί λίτρας β'. Assari, idest, nardi silvestris libras 2.
 Μάκαρος λίτρας α. Macaris, corticis rubri, de quo Plinius lib. 12.
 cap. 8. libram 1.
 Τερβινθίνης λίτρας ιε. Terebinthi libras 6.
 Περίτου λίτρας ε. Liquoris pini, vel piceæ libras 6.
 Μυραβολάνου λίτρας β'. Myrabolani libras 2.
 Σαμψύχης λίτρας α. Sampsychi, idest, amaraci, libram unam.
 Λαδάνου λίτρας ι. Ladani, cisti fruticis libras 5.
 Λιβάνου λίτρας ι. Libani, idest, arboris thuris, libras 5.
 Σπάχης λίτρας α. Spicæ, de qua Dioscorides lib. 111. cap. 20. li-
 bram unam.
 Ζιζιβήριδος λίτρας δ. Zinziberis libras 4.
 Ζυτομπᾶς λίτρας β'. Zutompa, aut zedoariæ, radice aromaticæ, li-
 bras 2.
 Κατάνας ξυσσινίης, Goar βοτανικῆς ξυσσινίης, ταύτας. Foliorum calami aro-
 matici libras duas.
 Ἀκέρης λίτρας β. Aceri, (ignotæ stirpis, nisi sit ἄκαρος) libras 2.
 Ἑλενίου λίτρας β. Helenii, sive inulæ libras 2.
 Ἀριστολοχίας λίτρας α. Aristolochiæ, aut clematidis libram unam.
 Ἴριδος λίτρας α. Jeris, melius Ἰρίδος aut Ἰριδος, Iridis, de qua Diosc.
 lib. 1. libram.
 Βόχης λίτρας α. Bochi, seu bdelii, de quo Plinius lib. 12. cap. 9.
 libram unam.
 Ξυλαλόης λίτρας α. Ligni aloes libram unam.
 Βαλσαμολαίου, ὅπου δίδωται ἢ ἐντομαίῳ. Oleobalsami quantum dat an-
 nonæ copia.

Hæc sunt, quæ in conficiendo chrismate adhibent Græci, ut
 constat ex illorum Pontificali ab Isacio Habert notis illustrato, pagi-
 nis Operis hujus extremis, & ex Goario pag. 637. Nemo tamen Lati-
 norum potest hæc, aliaque aromata oleo ac balsamo addere; cum
 debeat quisque Ecclesiæ suæ servare consuetudinem; nec modò Græci
 spe-

species has omnes permisceant, quarum aliquæ pluribus ignotæ sunt, nec absque labore variorum Lexicorum, Auctorumque de plantis, herbisque pertractantium collatione, a nobis sunt explicatæ.

III.

Tertia quæstio est, an *balsamum* oleo debeat permisceri *necessitate Sacramenti*, num verò necessitate tantum præcepti. Permiscendum oleo balsamum solius præcepti necessitate, ita, ut absque balsamo verè sacramentum conficiatur, tenent primum prælaudati Doctores, qui Confirmationis *essentialem materiam* in sola manus impositione constituunt. Idem censent aliqui *unctionem* quidem existimantes necessariam, sed asserentes obsignari baptizatos & confirmari simplicis olei inunctione; tamen ex veteri institutione ac præcepto nefas sit linire absque balsamo frontem confirmandorum. Id tenent Dominicus Soto, Cajetanus, Estius, Valentia, Juenin, Tournely, Auctor librorum de Re Sacrament. quibus accedit Continuator Caroli Witasse pag. 346. Rem valde dubiam, definiendam Episcopis, & sub conditione iterandum Sacramentum, si oleo absque mixtione balsami conferatur, censent Bellarminus, Merbesius, Alexander Natalis, Ludovicus Habert, & alii. Necessariam tamen ad sacramenti valorem mixtionem balsami innuit S. Thomas q. 72. art. 2. & lib. 1v. contra Gentes cap. 60. propugnatque cum Thomistis ceteris Gonet disp. 6. art. 6. Franciscus Sylvius, Joannes Stephanus Duranti lib. 1. de ritib. Eccl. cap. 20. Hosius in Confessione Fidei cap. 38. Auctor Theologiæ Petrocorensis Tract. 3. cap. 2. Mastrius disput. 2. q. 8. concl. 2. Nostratium verò Puteanus, Farvacquez, Gibbon, Poncius, Vanroy, Piette, Gavardi; & ne longiorem conscribam catalogum, auctore Bellarmino lib. 2. cap. 9. ad 3. object. Kemnitii, *veteres omnes Theologi, & Jureconsulti in Cap. Pastoralis, Extra, De Sacram. non iterandis*.

Prior sententia innititur his momentis. I. Perrarum est verum balsamum, atque, ut scribit Plinius lib. x11. cap. 25. *uni terrarum Judææ concessum, quondam in duobus tantum hortis, utroque regio, altero jingerum xx. non amplius, altero pauciorum*. Addit ostendisse arbi *arbusculam balsami* Imperatorem Vespasianum. Et lib. xxvi. cap. 32. *Fastidit* (inquit) *balsamum alibi nasci*. Cum autem duo illi horti vastati fuerint, dicendum est (inquit Kemnitius) naturale balsamum periisse. II. Sacramentorum *materia* debet esse communis, & cognitu facilis. Verum autem balsamum & pretiosum est, ut nuper diximus, & numquam in Italiam deferretur: scribente cum Aromatariis compluribus Petro Andrea Matthioli in librum 1. Dioscoridis cap. 18. delatum ad nos balsamum *adulterinum* esse, & statim myrrhæ, aut liquorem styracis. III. Fertur Pium IV. & Paulum III. concessisse Indiarum Episcopis, ut balsamo Indico, quod

adulterinum est, confirmarent, ut refert p. 2. cap. 1. pag. 34. Basilii Poncius. IV. Innocentius III. cap. *Pastoralis*, Extra de Sacram. non iterandis, ait: *Nos consulere voluisti, si Confirmationis Sacramentum in eo debeat iterari, qui per errorem fuit non chrismate, sed oleo delinitus. Ad quod breviter duximus respondendum quod in talibus non est aliquid iterandum; sed caute supplendum quod incaute fuerat prætermisum.* At quando aliquid supplendum est, integra Sacramentorum manet *substantia*, ut constat de puero domi baptizato, in quo supplendæ sunt ceremoniæ. Igitur juxta Innocentii Rescriptum, in eo, qui oleo tantum delinitus fuerat, integra erat *substantia* Confirmationis. V. Tandem permulti Patres agentes de hoc Sacramento olci, aut unctionis meminere, non balsami; quorum Patrum testimonia vide primo, ac secundo capite; sat ergo est ad Sacramenti *substantiam*, si confirmandi simplici olivæ oleo consignentur.

Hæc sententia propugnari potest absque fidei dispendio: non enim debemus tot viris præstantissimis paullo supra commendatis inurere maculam, notamque hæresis. Quare subscribimus Bellarmino lib. 2. de Conf. cap. 9. scribenti, *Neutra opinio est de fide, vel contra fidem, & fallitur Kemnitius, ubi docet, Concilium Florentinum definivisse contra scholasticos balsamum requiri in chrismate. Nam Concilium non expressit quomodo requiratur, sed dixit materiam esse oleum cum balsamo, ut etiam in Eucharistia dixerat materiam esse vinum cum aqua, & tamen fatentur aquam non esse ita de essentia, ut sine ea sit irritum sacramentum.* Observatum tamen a me supra, nequaquam in Florentino Concilio aquam appellari Eucharistiæ materiam. Ceterum quod ait Bellarminus, probant alii quamplurimi, ut Jacobus Andrædus lib. viii. Orthodox. Explic. pag. 683. Jacobus Molanus Tract. iv. cap. 7. Farvacquesius noster q. 2. cap. 3. Ab omni itaque censura nobis temperandum est.

Adhæremus nihilominus postremæ sententiæ. Primum quia Florentinum Concilium ita *balsamum* commemorat, ut in eo agnoscat gratiæ symbolum, & Tridentinum etiam chrismati virtutem tribuit aliquam: de quorum Conciliorum sensu plura in Append. cap. præced. Deinde demonstravi præcedenti numero, simplex oleum absque permixtione balsami neque esse *chrisma*, unde Christiani appellamur, neque *unguentum*, neque *ἵμιον*; quibus nominibus designant Patres sacramenti hujus *materiam*: ideoque si aliquando illi meminerunt duntaxat olci, *oleum* permixtum, non simplex intellexerunt, præsertim cum multi, adversariis fatentibus, aperte *oleum* distinguant a *chrismate*. Illud præterea spectat ad sacramenti *substantiam*, cui applicatur *forma* verborum, & sacramenti tribuitur effectus: cuiusmodi esse *chrisma* constat ex Latinorum forma, *Signo te signo crucis, & confirmo te chrismate salutis.* Insuper ex antiquis

To.VII.

H

& re-

& recentioribus Romanæ Ecclesiæ Liturgiis manifestum est liquorem oliivæ *sacro chrismati deferuire*, & super chrisma *ex diversis speciebus* compositum deprecari Episcopum, ut oleum & balsamum *simul permixta unum fiant*, & *quicumque exterius inde perunctus fuerit, ita interius liniatur, ut omnibus sordibus carens se participem regni celestis effici grataletur*. Singillatim quoque balsamum sacramenti materiam declarat Episcopus Deum his verbis exorans: *Hanc odoriferam siccicorticis lacrymam, quæ felicitis virgæ profaudendo sudorem sacerdotali nos opimat unguento, acceptabilem tuis præsta mysteriis*. Eidem balsamo adscribitur virtus gratiæ effetrrix, nec non sigilli, & characteris impressio proximis verbis: *Huic unguento, quod radix produxit stirpea, spiritualem gratiam largiendo plenitudinem sanctificationis infundas. Sit nobis Domine fidei hilaritate conditum: sit sacerdotalis unguenti chrisma perpetuum: sit ad celestis vexilli impressionem dignissimum*. Ex quibus non tantum ex Pontificali, verum, etiam ex antiquis Sacramentariis editis a Thomasio, atque ex antiquo Ordine Romano comprobatis, apertissimum est, juxta Ecclesiæ Catholicæ sensum, oleum esse chrismatis partialem materiam, permiscendum balsamo, & istud ad sacramenti pertinere substantiam; aut saltem sententiam, cui subscribimus, adeo calculis Theologorum & rationum munimentis firmatam esse, ut si quis foret oleo simpliciter delinitus, esset iterum conditione apposita chrismate consignandus,

Neque verò urgent admodum argumenta contraria. Ad primum enim, quod diximus fabricatum in officina Kemnitii, reponimus non in duobus tantum hortis nasci balsamum, ut scribit Plinius, sed illius copiam abundare apud Hierichuntem, teste Iosepho lib. iv. Antiquit. cap. i. num. 1. & lib. i. de Bello Judaico cap. 7. num. 6. Palestinæ regiones alias plenas frumento, balsamo, melle, & resina, ex Hieronymo in cap. 27. Ezech. tom. 3. pag. 886. nasci balsamum in maritimis Sabæorum, juxta Strabonem lib. xvi. pag. edit. Basil. 512. germinare balsami arbores in Arabia myrtorum magnitudine, foliisque amaraci, ex Pausania in Boeoticis; magnam denique copiam balsami ad nos ex Perside, & India deferri. Ad alterum respondet S. Thomas cit. art. 2. ad 3. *Sufficit, quod materia hujus sacramenti, quod non est tantæ necessitatis, sicut baptismus, possit defacili ad omnia loca terrarum deferri*. Quibus addo Ecclesiæ, aut oblatione fidelium, aut Principum munificentia numquam ad balsamum comparandum defuisse facultatem, quum in Lateranensi Basilica ex liberalitate Constantini quotannis in phiala aurea arderent in diebus Paschæ balsami libræ 200. ad compositionem autem chrismatis sufficiat exigua ejusdem balsami pars. Ad tertium dicimus, balsamum Indicum, licet colore lactæ myrrhæ confimilis, verum esse

ac legitimum, & a Syriaco & Palæstino diversum duntaxat *accidentaliter*, idque peritissimorum medicorum attestatione, ut asserunt Basilii Poncius p. 2. cap. 1. Vanroy q. 4. affirmavitque idem Paulus III. ut adnotavit Sylvius in quæst. 72. art. 2. Lupus in confut. v. calumniæ Photianæ, & BENEDICTUS XIV. not. 183. in feriam v. M. hebdom. Ad iv. quod unice aliquam præferat difficultatem, missis responsionibus aliis, dicimus Innocentii III. hunc sensum esse, non iterandam publicam solemnitatem Confirmationis, sed supplendam secreto unctionem chrismatis unâ cum *forma verborum*: primum, quia ita hunc canonem interpretantur percelebres omnes Canonistæ, Innocentius IV. Panormitanus, Ostiensis, alii: deinde quia non ait Pontifex supplendum *balsamum*, sed supplendam unctionem chrismatis, quæ fuerat prætermissa; insuper, quia *materia*, quæ additur ex præcepto *materia essentiali*, perfecto jam sacramento non debet suppleri; non enim post consecrationem admiscenda est vino aqua, si hanc Sacerdos nequaquam apposuerit: tandem, quia eodem tit. xvi. de Sacram. non iterandis cap. 3. *Presbyter*, similiter statuitur de impositione manuum, quæ in Ordinatione presbyteri, & Diaconi *materia essentialis* est, saltem partialis, *Quod si omisissum fuerit, non est aliquatenus iterandum, sed statuto tempore ad hujusmodi Ordines conferendos cautè supplendum, quod per errorem fuerit prætermisissum*. Eodem modo accipiendum canonem i. *Pastoralis*, animadvertit ibidem Glossa. Quare præcipuum prioris sententiæ momentum non evertit oppositam, sed corroborat. Respondemus ad ultimum, etiam *chrisma* appellari *oleum*, at non simplex atque impermixtum, attento maxime communi Ecclesiæ sensu, in quo oleum est chrismatis pars, non *ipsa*, non unguentum, non chrisma; ut ex præmissis, Sanctorum quoque confirmatis auctoritate, arbitror manifestum.

IV.

Quarta quæstio est, an chrisma necessario debeat esse ab Episcopo consecratum. In qua diluenda quæstione supponendum est consecrationem chrismatis, jure saltem ordinario ad solos Episcopos pertinere. Id constat ex Epist. Innoc. I. ad Decentium, & S. Leonis ad Episcopos Germaniæ, & Galliæ relatis cap. 1. prop. 2. Sacramentarium etiam Gregorii, Ordo Romanus, Pontificalis, & Euchologia Græcorum eandem consecrationem committunt Episcopis. Haud aliter statuunt canones sanctorum Conciliorum, canon tertius Concilii 2. Carthag. celebrati anno 390. trigesimus sextus Concilii 111. an. 397. vicissimus Toletani primi anno 400. septimus Hispanensis 2. anno 619. 2. Vortatiensis anni 868. alique canones apud Estium dist. 7. §. 9. Nat. Alex. de Conf. cap. 1. art. 2. prop. 3. Witaflum q. 2. sect. 6. §. 14. Accedit etiam in unctione verticali adhibendum chrisma

ab Episcopo consecratum ex cap. *Presbyteris*, de Consecrat. dist. 1v. n. 119. teneri Parochos ante solemnitatem Paschatis a proprio Episcopo petere Chrisma, ex cap. *Presbyteri*, eadem dist. num. 123. idque annis singulis nulloque exhibito pretio, ut constat ex decretis compluribus collectis a Burchardo Wormaciensi Episcopo lib. 1v. cap. 71. & sequentibus. Postremo etiam presbyteri in Orientali Ecclesia confirmantes (quod num jure faciant, postea inquirendum est) solo chrismate utuntur ab Episcopis consecrato; & si urgente causa simplex sacerdos per Sedis Apostolicæ dispensationem administravit aliquando sacramentum Confirmationis, id solummodo præstitit *Chrismate per Episcopum confecto*, ut inquit Eugenius IV. in decreto pro instructione Armeniorum. Nulla ergo potest hac in re superesse difficultas, ut rectè animadvertit Adnot. 184. in Feriam v. majoris Hebdomadæ BENEDICTUS XIV.

Gravior difficultas videtur, an possit talis consecratio ab Apostolica sede committi simplici presbytero, in qua re tenentes affirmantem partem cum Sirmondo, Scoto, Cajetano, Tournely, Witaasio, (qui tamen nutat utrinque,) infirmissima proferunt argumenta. Inquiunt primò consecrationem chrismatis commissam Episcopo a S. Sylvestro: at a Sylvestro repetendam unctionem verticalem, non primam institutionem consecrationis, de qua agimus, diximus pertractantes de ceremoniis Baptismi. Aferunt deinde in canone 20. Toletani primi Concilii legi: *Quia in aliquibus locis, vel provinciis presbyteri dicuntur chrisma conficere, placuit ex hac die nullum alium, nisi Episcopum, chrisma conficere*: quo in canone illa presbyterorum benedictio irrita & nulla minimè declaratur. Ceterum neque hoc canone dicitur benedictio ipsa legitima, & videtur Concilium eandem reprobare: præsertim cum Montanus, qui anno 531. præfuit alteri Synodo Toletanæ, in Epistola ad Theoribium, damnet ausum consimilium presbyterorum præsumptionis, typhi, ac dementiæ, asseratque *jus consecrationis chrisma ab initio fidei Catholicæ, tantum Pontificibus debitum*. Tertio inquiunt Hieronymum in Epistola ad Rusticum Narbonensem de septem Ecclesiæ gradibus, hæc disertè proferre, *Presbyteri, si necesse est, possunt chrisma conficere*. Sed præterquamquod illius Epistolæ auctor non ex propria sententia loquitur, subjicit enim, *Tamen mea hoc scito esse sententia, nulli Episcopo super hoc injuriam esse faciendam*; abjudicant Hieronymo eandem Epistolam Bellarminus, Estius, Marianus Victorius, Witaasius, Erasmus, Guillelmus Cave, Dupinius, Lupus in canones v. 111. Concilii, & Martianus, qui illam rejecit in Appendicem tom. v. pag. 99. Probant aliqui Epistolam hanc spuriam esse ex inscriptione ad Rusticum Narbonensem Hieronymo posteriori, quippe qui floruit sedente Leone Magno; sed variat titulus in

EXCM.

Exemplaribus, & est ratio hæc nimis fracta. Validior est, quæ petitur ab orationis discrepantia, & a silentio ipsius Hieronymi, de qua eo loci illustris Martianæus. Urgent quarto loco, quod canones prohibeant presbyteris tam conficere chrisma, quam consecrare virgines: quare ut istud, ita & illud agere possunt Anstistitum consensione. At ex canone 36. Concilii Carthag. 111. *Presbyter inconsulto Episcopo Virgines non consecret, Chrisma verò nunquam conficiat*, qui sentiunt oppositum inferunt nec Episcopo consentiente posse chrisma confici a simplici presbytero, urgentes verborum antithesim, ejusdemque canonis expressionem. Tandem ajunt nullam esse sublimiorem consecrationem Eucharistia, quam cum valeat conficere simplex presbyter, poterit etiam benedicere chrisma, quoniam, *Qui potest majas, potest & minus*. Verum hoc argumentum non concludere affirmat Estius, cum vim non habeat adagium illud in iis, quæ a Christi pendent institutione: alioqui posset simplex sacerdos conferre sacros Ordines, immo & patrare miracula; quæ sunt aliquid minus consecratione Eucharistiæ.

Quamquam verò hæc argumenta videantur parùm firma; ab illa tamen sententia nec ego recedam. Primùm quia canones tam vetant presbyterum conficere chrisma, quam confirmare; & tamen hoc facere potest cum Ecclesiæ dispensatione, ut ostendam cap. 7. ideoque iidem canones accipiendi sunt aut de ordinaria Episcoporum facultate, aut dispensatione semota. Deinde quia Romani Pontifices non tantum dispensarunt cum Missionariis ad Inlos profectis, ut confirmarent *confesso ab Episcopis chrismate*, verum etiam ut ipsum chrisma conficerent, prout constat ex Bulla Eugenii IV. edita anno 1444. pro religiosissimo viro Fabiano de Bachia sacri Ordinis Minorum, & a Luca Wadingo juxta authographum Vaticanum inserta Tom. v. Annal. ad prædictum annum mcccc. num. 45. Quia tamen contrarium sentiunt Theologi celeberrimi, inter quos Suarez, Sylvius, Faber, Toletus, Salmeron, Basilus Poncius, Gonet, aliique plurimi; ideo hujus dispensationis perpauca inveniuntur exempla, & quæ nobis explorata sunt, præcipiunt ut presbyteri confirment chrismate ab Episcopis confecto; ipsi verò nunquam conficiant, ut apparet ex dictis, & ex proximo cap. VII.

His de chrismatis benedictione præmissis, ad propositam quætionem respondent Theologorum quamplurimi, & si antiquiores consulantur, fere omnes, nullum esse Sacramentum, si Confirmatio perficiatur *chrismate non consecrato*. Horum argumenta sunt, quod hujus sacramenti *materiam*, non oleum simpliciter, aut *chrisma* dixerunt Patres, sed *chrisma sacrum, benedictum, sanctum, consecratum*, ut Cyrillus Jerosolymitanus Catech. 3. Cyprianus Epist. 70. Optatus Milevit. lib. 111. & VII. de schism. Donatist. S. P. August

gust. lib. v. de Bapt. cap. 19. & 20. & Traët. 118. in Joannem. Accedunt Conciliorum canones, 48. Laodicensi, 4. Bracarenfis secundi, 2. less. xii. Tridentini, decretum saepenumero laudatum Florentini pro Armeniis, aliaque consimilia. Hanc præterea consecrationem chrismatis institutam a Christo Domino, usurpatam ab Apostolis, & ad nos *antiqua traditione* derivatam probant ex Magno Basilio lib. de Spiritu S. cap. 27. ex Tertulliano de Bapt. cap. 7. (quorum testimonia vide cap. 1. & 4.) eximia duo Ecclesiasticæ eruditionis serinia, Christianus Lupus in canones Concilii v. 111. & BENEDICTUS XIV. in Feriam magnæ hebdomadæ quintam. Atque istorum sententia ex sæpe repetito principio fulcrum habet, quod ab Apostolis acceperimus quicquid per universam custoditur Ecclesiam, neque ab aliqua posteriori Synodo fuit institutum.

Attamen hæc, quamvis chrismatis consecrationem commendent, omninò servandam esse commonstrent, obtundantque ora blasphemantium hæreticorum; haud tamen invictè probant consecrationem hanc requiri *necessitate Sacramenti*: nec reprobare ausim scitum recentiorum, solam hac in re deprehendentium necessitatem recepti. Ita sentiunt, ut quosdam proferam, Gaspar Juenin q. 2. c. 5. Tournely pag. Ven. edit. 248. Card. Gotti tom. xii. pag. 308. & Auët. Operis de Re Sacram. lib. 111. pag. 322. Atque hi duo Thomistarum clarissimi urgent præsertim comparisonem baptismi, qui in simplici aqua ratus est, quamquam præscribat ejusdem aquæ consecrationem perantiqua traditio. Respondit tamen hujusmodi argumento S. Thomas q. 72. art. 3. disparem esse rationem de *materia*, qua usus est Christus, qualis est materia baptismi, & Eucharistiæ, ac de *materia*, qua Christus usus non est, cujus generis sunt oleum infirmorum, & chrisma. Et videtur quidem eo loci S. Thomas vestigiis antiquorum insistere. Nihilofecius Basilius eodem modo loquitur de consecratione *aquæ*, & *chrismatis*, dicens: *ἐνὶ τῷ αὐτῷ τῷ βαπτισμῶς, καὶ τῷ ἐλαιῶν τῷ χρίσματι*; *Consecramus autem aquam baptismatis, & oleum unctionis*: nec aliter Tertullianus. Ex horum, proinde textibus nihil aliud inferas, nisi hujus consecrationis antiquitatem. Idem dico de S. P. Augustino, cujus auctoritate Basilius Ponticus p. 2. cap. 3. Farvacquez q. 3. pag. 63. & Vanroy tom. iv. pag. 166. certam putant antiquorum Scholasticorum communioem sententiam. At, quod illorum pace dixerim, falluntur. Etenim S. P. in v. de Baptism. 19. & 20. pertractat de Sacramentis collatis ab improbo, idemque pronuntiat de aqua baptismatis, & de chrismo. *Quomodo* (inquit num. 28.) *exaudit homicidam deprecantem vel super aquam baptismatis, vel super oleum, vel super Eucharistiam?* Similiter Traët. 118 in Joannem de signo crucis differens ait: *Quod signum nisi adhibeatur, sive frontibus credentium, sive ipsi aqua, ex qua*

qua regenerantur, sive oleo, quo chrismate unguuntur, sive sacrificio, quo aluntur, nihil eorum ritè perficitur. Ex his ergo Augustini locis potius inferas, quemadmodum in baptismo, ita in Confirmatione prærequiri benedictionem materia necessitate præcepti, & ritus condecencia, non autem necessitate sacramenti. Difficiliora videntur verba Cyrilli Jerosolym. scribentis pag. 524. myron, unguentum non esse chrisma, nisi postquam consecratum est, sicut panis non est Corpus Christi, nisi post sancti Spiritus invocationem, κατὰ τὴν ἐκκλησίαν τοῦ αἵματος ὁμοιωμένη; & Optati affirmantis lib. vii. num. 4. liquorem ex nomine Christi condiri, & chrisma postquam conditum est, nominari. Verum dici potest absque prævia benedictione formam verborum, quæ consecratoria est, id præstituram, ut unguentum fiat chrisma, & cælesti suavitate conditum, idest, impræat Christi sigillum, & gratia conferret; siquidem accedit verbum ad Elementum, & fit Sacramentum.

Consequitur ex dictis, consecrationem chrismatis derivatam ex Apostolica traditione; jure pertinere ad Episcopos; non posse illam sibi vindicare absque singulari dispensatione simplicem aliquem presbyterum; hanc quoque dispensationem juxta complurium placitum non posse concedi, ideoque dandam in urgentissima duntaxat necessitate; nefas omnino esse adhibere in confirmando chrisma non consecratum; si denique tale adhiberetur, videri nobis Sacramentum validum, iterandum tamen sub conditione ob communio sententiam, quæ nullum, irritumque propugnat. Aquæ hæc de materia Confirmationis.

C A P U T VI.

De forma Sacramenti Confirmationis.

Q UÆSTIONEM de hujus Sacramenti forma, quam veteres Theologi paucis expediebant, ampliores reddidit Recentiorum eruditio. Ac primum qui statuunt Confirmationis materiam in sola manuum impositione, cohærenter docent verba illa, quæ comitantur unctionem chrismatis, formam esse duntaxat accidentariam & integrantem; essentialem autem formam esse orationem Episcopi. Contra qui pro materia assignant chrisma, formam constituunt in verbis in chrismatis unctione prolatis. At qui utramque materiam propugnant, idest, manus impositionem & chrisma, quod & nos supra definivimus, censent necessario hanc formam in duobus sitam esse, nimirum in oratione Episcopi, quæ respondeat impositioni manuum, & in verbis, quæ in actione proferuntur, & quæ apud Latinos sunt,
Signo

Signo te signo crucis, & confirmo te chrismate salutis; apud Græcos autem, *Signaculum Spiritus sancti*: quam sententiam propugnant Nat. Alex. tract. 3. cap. 1. art. 3. Juenin q. 3. art. 3. Tournely q. 1. art. 4. Card. Gotti q. 1. dub. 4. Auctor lib. de Re Sacram. q. 4. pag. 323. Insuper de *forma* Latinorum, quam nuper commemoravimus, permulti censent *essentialem* esse, & derivatam ex Apostolica traditione, ut S. Thomas q. 72. art. 4. Bellarminus lib. 2. cap. 10. Estius in dist. v. 11. §. 10. Sylvius in præcitatam D. Thomæ questionem, ac Doctorem Scholasticorum ingens numerus; nonnulli *formam* illam putant olim fuisse deprecatoriam, ut Farvacquez cap. 3. q. 1. Vanroy q. v. 11. concl. 3. & qui dissertationes suas nomine Caroli Witasse honestavit q. 3. art. 3. §. 1., ex cujus tamen proluxa disputatione vix tandem percipies, quam sententiam debeas amplecti. De præcitata quoque Græcorum *forma* dissidia peperit copia Eruditorum; nec eam probat Lupus in canonem v. 11. primi Concilii Constantinopolitani, ut mittam Morinum, Nicolaum Cabasilam, & alios *formam* constituentes in Oratione, quæ præcedit unctionem. Pro illa tamen *forma* pugnant Arcudius lib. 2. de Sacram. cap. 7. Bessarion de Sacram. Euch. Isaac Habert in Observ. ad Ritus Christiani pag. 709. Goar in Euchologio pag. 368. Basilius p. 2. cap. 7. Farvacquez, & Vanroy, alique prælaudati. In tanta ergo sententiarum discrepantia exponam primò quid mihi videatur de Oratione Episcopi unctionem præcedente: deinde quid de *forma* Latinorum communiter a scholasticis tradita; postremo quid de illa, qua utuntur Græci: ita fiet, ut ordinem teneamus, & opinio nostra, salvo aliarum jure, perspicue & methodicè proferatur.

PROP. I. Oratio præcedens unctionem non est *forma* Sacramenti Confirmationis, distincta a verbis, quæ unctionem ipsam comitantur, partialis, & respondens manuum impositioni; ut tenent recentiorum Theologorum complures.

In hanc opinionem descendendo ductus hisce momentis. Adoptarunt doctissimi Recentiores Theologi sententiam constituentem *formam* Confirmationis in præcitata Oratione, tametsi ea sententia vix antiquioribus comperta fuerit, propterea quod visum est eis impositionem manuum, quam & nos diximus hujus sacramenti *materiam* partialem, esse illam manuum elevationem & extensionem versus confirmandos, cum qua Episcopus recitat Orationem; *Omnipotens sempiternus Deus, &c.* Forma enim debet *materiam* concomitari. Atqui illa manuum elevatio & extensio non est impositio manuum, quæ est Confirmationis *materia*. Ergo neque prædicta Oratio est *forma* quia impositio manuum, quæ Confirmationis *materia* partialis est, fit in ipsa unctione, quando Episcopus pollice tangit frontem confir-

mandorum, superiori manus parte supra illorum caput extensa; prout demonstravi capite IV. Deinde, quia illa manuum extensione Episcopus Confirmandos non tangit, ac tantum commonstrat se orantem invocare super illos *sepsiformem Spiritum sanctum*. Insuper, quia oratione illa completa, Pontificale Romanum præscribit, ut Episcopus sedeat super faldistorium dispositis per ordinem confirmandis, singillatim de nomine cujuslibet inquirat, & illos confirmet per ordinem genuflexos; ideoque declarat nondum præcedenti oratione confirmatos fuisse. Ad hæc animadverto, Pontificem Sacramenta conficientem ut plurimum in orationibus, quæ præcedunt; deposita mitra stare, tum enim supplex invocatur Spiritum sanctum; at cum actu sacramenta confert, sedere in faldistorio, quod tunc tanquam minister Christi se gerat; idque præstat, sive baptizat, sive confirmet, sive Ordines conferat: quare oratio, de qua instituo sermonem, præparatoria & deprecatoria est, non essentialis pars Sacramenti. II. Comprobat eandem propositionem sequens argumentatio. Aliquando impositio manuum non solum facta est post orationem præcedentem unctionem, sed etiam post unctionem ipsam. Igitur illa oratio non est *forma* respondens manuum impositioni. Probatur antecedens testimonio Tertulliani scribentis de Resurrect. carnis cap. 8. *Caro ungitur, ut anima consecratur; caro signatur, ut anima muniatur; caro manus impositione adumbratur, ut anima spiritu illuminetur*. Quibus verbis recitatis, inquit illustris Menardus not. 332. in Sacrament. Gregorii: *Ex illo textu observandum, aliquando manus impositionem fuisse unctioni postpositam*: quod comprobatur verbis Guilelmi Parisiensis, qui lib. de Sacramentis pertractans de Ritu Confirmat. ait: *Præmissa oratione super Confirmandos pingitur signum crucis de chrismate in frontibus eorum: & impositis manibus super capita eorum, dicitur eis, Pax tecum: siquidem ad impositionem manuum Apostolorum solebat dari Spiritus sanctus, & datur modo ad impositionem manuum Episcoporum*. III. Addam argumentum alterum. Etsi Ecclesiastici ritus variam pro temporum, locorumque circumstantiis mutationem subierint, nunquam tamen *forma* Sacramentorum fuit penitus prætermissa, sed aut iisdem, aut æquivalentibus verbis semper, & ubique servata. Sed oratio præcedens unctionem, tam in usu recepta, quam quælibet alia, fuit aliquando in Confirmatione prætermissa. In illa itaque oratione sita non est *forma essentialis* Confirmationis; sed pertinet ipsa oratio ad ritum pro conditione loci, aut temporis variabilem. Constat minor ex libro Sacramentorum Monasterii Moysacensis annorum 800., edito a Martenio cap. 2. art. 4. ord. VII. in quo nulla habetur oratio, nisi quæ recitari solet Confirmatione peracta: *Deus, qui Apostolis tuis, &c.* IV. Si attente vetustos omnes Confirmationis ordines ex-

pendamus, in oratione, quæ unctioni præmittitur, nulla alia sunt verba, in quibus possit constitui sacramenti hujus *forma*, nisi verba illa deprecatoria, *Consigna eos signo crucis Christi in vitam propitiatus æternam*, five, ut habetur in Sacramentario Gelasii, Ecclesiæ Bellovacensis, aliisque apud Martenium citato in loco, *Tu be eos consignari signo crucis in vitam æternam*; aut verba alia his consimilia. Atqui hujusmodi verba referenda sunt ad unctionem chrismatis, nec aliud enunciant modo deprecativo, nisi quod exprimitur indicativo proximis verbis, *Signo te signo crucis*, &c. Igitur verba præcedentia aut *forma essentialis* non sunt, aut si habent rationem *formæ*, spectant ad unctionem chrismatis, & referuntur ad ea, *Signo te*, &c. Minor probatur; nam Episcopus statim ac dixit, *Consigna eum signo crucis Christi*, aut, *sanctæ crucis tuæ propitiatus in vitam æternam*, intincto pollice perungit chrismate frontem confirmandorum, dicens, *Signo te*, &c. juxta Sacramentarium Gelasii, *Signum Christi in vitam æternam*, juxta Pictaviense, *Signat te Deus sigillo fidei suæ in consignatione fidei*, &c. Quis non videat coherentiam, & relationem verborum, haud secus, ac in conferendis sacramentis reliquis? Ita sane consecrantes Eucharistiam prius orantes dicimus, *ut nobis fiat Corpus*, &c. postea accepto pane, *Hoc est*, &c. & in Absolutione Sacramentali primum, *Dominus noster Jesus Christus te absolvat*, &c. deinde, *Ego te absolvo*, &c. V. Præfata Oratio aliquando recitata est immediatè post baptismum a presbytero baptizante, priusquam Episcopus ad illum confirmandum accederet; & ideo non extat, ut diximus, in Ordine monasterii Moysacensis: atque in codicibus optimæ notæ apud prælaudatum Martenium art. 3. num. 7. reperitur cum Ordine baptismi, ibique post aliquot folia describitur Ordo Confirmationis. Quomodo ergo constituit formam hujus Sacramenti oratio aliquando a presbytero non confirmante recitata, ut baptizatus tali prece munitus ad Episcopum accederet consignandus?

Oppones 1. Ex cap. vii. 11. Act. Apost. colligitur Apostolos confirmasse orando, & manus imponendo, *Oraverunt pro ipsis, ut acciperent Spiritum sanctum*, &c. quo testimonio & nos cap. 1. conat sumus hoc Sacramentum adversus hæreticos vindicare. Oratio ergo *forma* est Confirmationis, quemadmodum manus impositio est *materia*. II. Idem docent Patres: Cyprianus Epist. ad Iubajanum inquit, *Qui in Ecclesia baptizantur, Præpositis Ecclesiæ offerantur, ut per nostram orationem, ac manus impositionem Spiritum sanctum consequantur*. Similia Ambrosius lib. 3. de Sacram. cap. 2. Hieronymus adversus Luciferianos, & S. P. Augustinus lib. xv. de Trinit. cap. 26. quæ & nos laudavimus cap. 1. hujus libri. III. Omnes libri Rituales, Pontificalcs, Sacramentarii ab Edmundo Martenio collecti certam fidem faciunt, orationem in Confirmatione semper fuisse usurpatam.

patam . IV. Aequum est , ut assignetur *forma* aliqua respondens manuum impositioni : hæc verò quænam erit , nisi sit oratio , de qua differitur ?

Ad primum respondet S. Thomas citato art. 4. quod , quando effectus Confirmationis conferebatur per ministerium Apostolorum , visibilibus signis , *tunc non erat necessaria nec materia , nec forma hujus sacramenti* : unde mirum permoveri levi hac argumentatione præclarissimos Thomistarum , Natalem Alexandrum , Cardinalem Gotti , & Scriptorem perpolitum Operis de Re Sacram. paullo supra commemoratos . Deinde respondeo , legi quidem in Apostolicis Actibus Apostolos orasse , ut Samaritani baptismo regenerati acciperent Spiritum sanctum ; at non legitur eo loci orationem illam esse *formam* Confirmationis ; immò non orationi ibidem tribuitur Spiritus sanctus , sed impositioni manuum factæ post orationem , ut constat ex versu 17. *Tunc imponebant manus super illos , & accipiebant Spiritum sanctum* . Idem habetur cap. XIX. 6. ibique nulla orationis sit mentio . Nec tamen nego Apostolos confirmantes adhibuisse *formam* verborum ; sed affirmo hanc non constare ex Actibus Apostolorum , quemadmodum dixi cap. IV. de unctione chrismatis . Si denique concedam Apostolos usos *forma aliqua deprecatoria* ; ergo ne hæc erit oratio præcedens Confirmationem ? Ego quidem vim hujus consecutionis non assequor . Alterum argumentum nullius est momenti ; ubi enim quidam Patres tribuunt Spiritum sanctum impositioni manuum & orationi , commonstrant ritum Confirmationis , cui oratio præmittitur , non *formam* : quod ex ipsis adversariis evinco . Nam Patres etiam docent Eucharistiam consecrari *oratione* , & corpus Christi confici *per orationem , & crucis signum* . Ita Iustinus Apolog. 2. Irenæus lib. IV. cap. 34. Cyrillus Jerosolym. Catech. myst. 1. & 5. aliique permulti . Quibus non alia ratione occurrunt Tournelius de Euch. pag. 218. Auctor librorum de Re Sacram. pag. 379. omnesque Theologi , nisi , quod Patres consecrationem Eucharistiæ tribuunt *precibus* , non tanquam *forma* , sed tanquam *ritibus* ; sive quod orationum & precum nomine intelligunt *formam* ipsam ; sive denique quod oratione *præparatoriæ* quidem , sed non *formaliter* conficitur corpus Christi . Eandem ergo responsionem adhibemus argumento ; quod Tournelius objicit de Confirm. pag. 254. & Theologus alter pag. 323. nec aliter reponimus Natali Alex. , Juenino , Witalio , aliisque recentioribus opponentibus præcitata Patrum testimonia . In confutatione argumenti tertii , quoniam Tournelius provocat ad libros Rituales , & Sacramentarios editos a Martenio ; ex eodem eruditissimo viro cap. 2. art. 3. tom. 1. de antiq. Eccl. Rit. dico nihil posse ex vetustis Sacramentariis concludi : primum quia in plerisque habetur quidem oratio , sed non habetur impositio manuum : deinde

quia in nonnullis, ut in libro Sacramentorum Moyfacensi, eadem oratio desideratur: præterea quia in quibusdam Codicibus oratio illa conspicitur sub finem Ordinis baptismi: tandem quia in omnibus libris Ritualibus, & Sacramentariis præscribitur unctio facienda sub certa verborum formula; quæ proinde videtur pertinere ad hujus Sacramenti *substantiam*. Ad ultimum respondeo impositionem manuum, quæ Confirmationis materia est, fieri in unctione chrismatis; & consequenter verba, quæ tunc proferuntur, utrique materiæ correspondere.

PROP. II. Verba, quæ comitantur chrismatis inunctionem; idest, *Signo te signo crucis, & confirmo te chrismate salutis, in nomine Patris, &c.* tametsi accidentariam aliquam variationem subierint, sunt apud Latinos vera, propria, & adæquata *forma* Sacramenti Confirmationis.

Sequitur ex dictis, seclusa enim oratione, nulla alia sunt verba, in quibus rationem *formæ* statuere possimus. Probatur tamen I. decreto Eugenii IV. & Florentini Concilii in Instructione Armenorum: *Forma autem est, Signo te signo crucis, & confirmo te chrismate salutis, in nomine Patris, & Filii, & Spiritus sancti*. Hæc forma tradita ab Eugenio non est integralis & accessoria, siquidem per hæc verba determinatur materia ad significandum, & producendum effectum sacramentalem: iisdem verbis exprimitur robur, per quod ad spiritalem pugnam idonei reddimur; & in verborum illorum prolatione signo crucis, & chrismate consignamur, tanquam Christianæ militiæ ornati vexillo, fideique athletis adscripti. Quare Reginaldus Polus in libro de Reformat. Angliæ, qui extat etiam in Collect. Conciliorum tom. XIV. ait, in Decreto Eugenii doctrinam hujus sacramenti breviter, & dilucide fuisse explicatam. II. His accedit ratiocinatio Doctoris Angelici demonstrantis in hac verborum formula significari *robur spirituale, quod homini confertur per Sacramentum materiæ visibilis ad salutem*; quibus concinit Catechismus Romanus p. 2. cap. 3. n. 11. Adde illorum verborum prolatione demonstrari actualem collationem hujus Sacramenti, quemadmodum significatur collatio baptismi pronuntiatione illius formulæ, *Ego te baptizo, &c.* III. In omnibus Ritualibus, & Sacramentariis libris a Martene summo studio collectis præscribitur unctio peragenda sub certa verborum formula, ut ipse testatur citato art. 3. num. VII. quod, ut observavimus supra, non servatur in Oratione unctioni præmissa; atque id indicio est, numquam unctionem chrismatis peractam sine verbis, ipsaque verba semper habuisse sacramentalis *formæ* rationem. IV. Sacramentale Ambrosianum pag. 50. præcipit ut hæc sententia a Parocho explicetur confirmandis, & declaretur quomodo in iis verbis, *Confirmo te chrismate salutis*, designetur robur animi & spi.

& spiritus, quod fidelibus ad salutem tribuitur, & cur in hujus formulæ pronuntiatione fronti imprimatur signum crucis, quia nempe dum aliquis confirmatur, in numerum adsciscitur militum Christi: quod & nos paullo supra observavimus, tradiditque etiam Manuel Caleca contra Græcos, tom. xxv. Bibl. PP. pag. 372.

At dixi, hanc Latinorum formulam varias interdum subiisse mutationes, salva tamen substantiali significatione verborum; idque constat lectione vetustissimorum Pontificalium. Quod enim inscribitur Egeberto, exaratum vertente sæculo viii. hanc exhibet formulam, *Accipe signum sanctæ crucis chrismate salutis in Christo Jesu, in vitam æternam*: & posthac deprecatoria oratione, *Confirmet te Deus Pater, & Filius, & Spiritus sanctus*. Gelasianum juxta Codd. Colbertinum, & Noviomensem, formulam habet istam, *Signum Christi in vitam æternam*, addita pariter deprecatione, *Confirmet te Deus, &c.* In MS. Pictaviensi octingentorum annorum hæc describitur: *Signat te Deus sigillo fidei suæ in confirmatione fidei*. In Pontificali Ecclesiæ Caturigenis ejusdem antiquitatis adinventur hæc alia, *Confirmo, & consigno te in signum sanctæ Crucis, in nomine Patris, &c.* Codex Moyfacensis hanc habet parum ab similem, *Confirmo te signo crucis in nomine Patris, & Filii, & Spiritus sancti, in vitam æternam*. Prætermitto plures alias uni, aut alteri ex productis consimiles: quas debemus eruditioni, studioque Martenii tom. i. de antiq. Eccl. Rit. pag. 249. & sequentibus.

Inferas ex dictis, tempus terere, & per inania disputationum spatia vagari illos à Schola Theologos, qui dissertant an valida futura sit Confirmatio, si omittatur unum, vel alterum usitatæ formulæ verbum. Tanta enim Sacramentalium librorum variatio, ne repetam quæ præcedenti Volumine pag. 123. universim dixi de istiusmodi mutationibus, ostendit imprimi sacrosanctum signaculum, modò illud significant verba Confirmantis, nec *substantialiter* differant ab una, aut altera ex productis formulis; quamvis debeat unusquisque (quod sæpe monuimus) inviolatam custodire Ecclesiæ consuetudinem.

Opp. S. Gregorius in libro Sacramentorum pag. 74. præter orationem, de qua supra, nullam commemorat formulam, sed ait: *Et interrogantibus diaconis nomina singulorum, Pontifex tincto pollice in chrismate, facit crucem in fronte unius, similiter per omnes singulatim*. Similiter Amalarius Fortunatus lib. i. cap. 27. *Oratione expleta facit crucem cum pollice in chrismate in singulorum frontibus, ita dicendo, In nomine Patris, & Filii, & Spiritus sancti*; prætermittis verbis, *Signo te, &, Confirmo te, &c.* quæ iccirco nullatenus pertinere videntur ad formulæ substantiam.

Huic argumento, quod tenentur diluere illi etiam, qui præter ora-

orationem Episcopi, formulam in unctione adhibitam arbitrantur necessariam, solet responderi, Magnum Gregorium formam Confirmationis subituisse *ob disciplinam arcani*, de qua diximus tomo v. pag. 971. aliique in locis. Et revera de hac eadem forma scripsit Innocentius I. Epistola ad Decentium cap. 3. *Verba verò dicere non possum, ne magis proderè videar, quam ad consultationem respondere*. Verum ego communi huic responsioni non acquiesco. Etenim occultasse veteres in Epistolis, vulgandisque Operibus Sacramentorum nostrorum mysteria, formulamque Confirmationis, rectè ex Innocentio, aliisque pluribus demonstratum est, assertum a Schelstrateno, confirmatum a me, probatum Notificatione VI. a beatissimo, sapientissimoque Pontifice BENEDICTO, a nullo catholico viro denegatum. At num *ob disciplinam arcani* prætermittenda hæc erant in libris Sacramentorum, in scrinio Ecclesiarum occlusis, a sacris dumtaxat ministris, non a plebe pervolutandis, & ideo hoc nomine *Sacramentorum* inscriptis, quod arcana comprehendant? Id ego non assequor, maxime cum vetustissimi omnes Codices Sacramentalium librorum, huiusmodi mysteriis pleni sint, & ipsum Sacramentale Gregorianum pag. 3. contineat verba consecrationis, pag. 73. formam baptismi, pag. 224. consecrationem presbyterorum, aliaque omnia silentio juxta *disciplinam arcani* sepelienda. Illam ergo responsionem (patiatur lector tarditatem ingenii mei) communem licet probatissimamque, non adhibebo. Quare ad Gregorium quod attinet, dicam aut illum sacramentalis formulæ non meminisse, quoniam hæc non aliud exprimit *indicativo* modo, quam id, quod continetur *deprecativo* in extremis orationis verbis, *Consigna eos signo crucis, in vitam propitius æternam*, quæ verba etiam formulam in memoriam Episcopi poterant revocare; aut forte tunc temporis unctionem peractam fuisse in prolatione eorundem verborum, ita, ut *forma*, quæ modo obtinet, ex *deprecativa* facta sit; nec tamen utraque retineat in præsentia rationem formæ, quia *deprecativa* nunc est absque applicatione materiæ. Idem posset responderi ad verba Amalarii Fortunati, nisi floruisse sæculo ix. & tempore Gregorii IV. quando *forma*, de qua disputatur, omni procul dubio obtinebat. Respondetur itaque Amalarium ibidem citare Ordinem Romanum; nam scribit, *Dicit Romanus libellus, de quo sæpe commemoravi: Oratio ne expleta facies crucem, &c.* At in Ordine Romano pag. edit. Parisiensis 83. Romanæ 34. præter ea, quæ Amalarius exscripsit, continetur etiam formula, *Confirmo te in nomine Patris, & Filii, & Spiritus sancti*. Igitur Amalarius aut erravit, aut contraxit orationem, aut ea exscripsit solummodo, quæ ornare cogitaverat commentario.

PROPOSITIO III. Græcorum formula, & ea quidem valida,
est.

est, *ΣΤΑΡΙΣ* *δωρὸς πνεύματος ἁγίου*, *Signaculum doni Spiritus sancti*.

Solet demonstrari hæc propositio ex canone v11. Concilii CP. primi; sed quoniam censent complures agi eo loci de receptione hæreticorum minimè *Confirmatoria*, pertractabo de hoc canone infra cap. 1X. positionem verò firmabo his monumentis. Constat ex Euchologio Græcorum edito a Goario pag. 360. hanc eandem, non aliam, esse apud Græcos *formam* Confirmationis; ibi enim legitur: *Καὶ χρίν ὁ ἱερεὺς τοὺς βαπτιστάς τὸ ἅγιον μύρον, τοῦτο εαυτὸν τίτω ἐπὶ τοῦ μετώπου, λέγων. Στάρις δωρὸς πνεύματος ἁγίου. Et unguit Sacerdos baptizatos sacro unguento supra frontem dicens, Signaculum Spiritus sancti*. Habetur quidem ibi, formandum signum crucis etiam in oculis, naribus, ore, auribusque; & juxta quædam Exemplaria, in pectore, manibus, ac pedibus: verum hæc desiderari in vetustissimis Euchologiis tradunt Arcudius lib. 1. de Sacram. pag. 59. & Isaac Habert in Pontific. Græcorum pag. 709. Non solvitur argumentum, si reponas fractam esse Euchologii hujus auctoritatem; primum quia eadem leguntur in MS. Cryptoferratæ, quod tribuitur Bessarioni, & in altero Barberino, de quibus vide Farvacquesium cap. 3. q. 1. §. 1. Deinde, quia, si formula ista non valeat, nulla jam superest in Orientis Confirmatio; cum nullam aliam agnoscant Græci, etiam orthodoxi, nec a Romana Ecclesia separati, ut observat Goarius Not. 31. in Ord. Bapt. Insuper quia nunquam Latini, nec in Florentino Concilio, hunc inter ceteros Græcorum recensuerunt errores, quod sub formula ista consignent: imo non aliam adhibent Romæ in templo S. Athanasii, id non ignorante Pontifice. II. Arcudius lib. 2. cap. 7. hanc assertionem demonstrat Patrum auctoritate. Hi namque de Confirmatione, ejusque effectu pertractantes docent in ea imprimi Spiritus sancti sigillum. Asterius Episcopus Amaseæ, qui floruit desinente sæculo tertio, apud Photium Cod. 271. scribit, *δίδεται στάρις τοῦ ἁγίου πνεύματος, Datur signaculum Spiritus sancti*. Dionysius cap. 2. de Eccles. Hierarch. Episcopum confirmantem appellat, *τῷ ὑποκατάτω μύρῳ στανισμῶντος, Deificante unguento obsignantem*; Cyrillus in fine Catecheseos xv111. de confirmato ait, *ὁ στάρις αὐτῷ ἰδίου ἐκ τῆς κοινῆς τοῦ ἁγίου πνεύματος, Signaculum datum est illi ex communicatione Spiritus sancti*. Tradunt consimilia alii Patres. Cum itaque formula, de qua loquimur, significet Confirmationis naturam atque efficientiam, sufficiens ac valida censi debet. III. Tournelius pag. 256. asserit aptissimam illam formulam probari a Bellarmino post S. Thomam q. 72. art. 4. At S. Thomas de forma Græcorum nec verbum quidem. Ex illius tantum doctrina potest confirmari propositio: siquidem in hac Græca formula significatur *character*, quo ad pugnam insignitur miles Christi adversus spiritalis nequitias, & donum Spiritus sancti, quo roboratur in fide. Sufficiens ergo est ea formula, ut

mutet-

materiam determinet ad speciem sacramenti, sicuti de forma Latino- rum inquit ibidem Doctor Angelicus. De quo argumento legendus Basilius Poncius p. 2. cap. 7. pag. 91. IV. Illa demum Græcorum formula traditur cap. 3. Censuræ ad Germanos conscriptæ a Hieremia Patriarcha Constantinopolitano, pag. edit. Delingæ 58. idemque tertium caput verbis Simeonis Thessalonicensis compactum est: atque in notis ejusdem Censuræ ab eruditis omnibus contra Lutheri & Calvinii hæresim commendatæ ac productæ, scribit præclarus Theologus Stanislaus Socolovius, *non esse illam dissimilem ab ea formula, quæ modò in Ecclesia utimur*. Mitto quæ de eadem formula scribit in libro de Sacram. Euch. Cardinalis Bessarion: de quo vide Arcudium, cit. loco pag. 74.

Opp. I. Sensus prædictæ Græcorum formulæ suspensus & ambiguus est, nec reddit finitam perfectamque orationem. Nequit ergo determinare indifferentem materiam ad certum sacramentum constituendum. II. Præterea esse invisibilis gratiæ & Spiritus sancti signaculum singulis sacramentis est commune. Igitur non potest in hoc statui peculiaris formulæ ratio. III. Severus Patriarcha Alexandrinus in Ordine Baptismi aliam a prædicta formam Confirmationis assignat, eandemque cum deprecativa Sacramentalis Noviomenfis paullo superius descripta. IV. Clemens VIII. in Instructione de Ritibus Græcorum edita Romæ anno 1595. num. 2. ac nuperrime confirmata a BENEDICTO XIV. mandat, ut *Episcopi Latini infantes baptizatos a presbyteris Græcis, & de facto chrismate in fronte consignatos confirmant*, apud Græcos enim etiam presbyteri ministri sunt Confirmationis; ac præcipit, ut utantur hac forma, *Consigno te signo crucis, & confirmo, &c.* Decernunt itaque Confirmationem Græcorum forma collatam esse nullam, & irritam.

Respondent ad I. Doctores nostri, Basilius Poncius, Farvacquez, Vanroy, & Piette, pendere valorem Sacramentorum a Christi voluntate, ideoque sufficere quamcunque formam, modò sit a Christo instituta; ceterum in his verbis, *Signaculum Spiritus sancti*, perfectam contineri orationem, haud secus, ac in iis, quæ leguntur apud Lucam xxii. 20. *Hic calix novum testamentum in meo sanguine*, in quibus deest verbum. Quod accipias de Græco textu, *τοῦτο τὸ ποτήριον ἡ καινὴ διαθήκη ἐν τῷ αἵματι μου*: siquidem in Latino verbum *Est* reperitur. Vide & ad Hebr. ix. 20. Addunt formulam, de qua agitur, *prædictæ* habere determinatam significationem, veluti si quis porrigens nummum pauperi diceret, *Ecce nummum*. Ad 2. respondemus *σφραγίδα* non signum qualecunque esse, sed notam impressam, sigillum, & specialiter militarem baltheum; *δωρεά* quoque non tantum significat gratiam, sed largitionem ipsam donorum; observatque Budæus ex Plutarcho, Herodiano, & Demosthene, usurpari præsertim

fertim vocabulum illud ad significandum donum amplum, & regium . Quare licet omnia sacramenta sint gratiæ *signacula*, ac baptisumus interdum ratione *characteris oppositi* appelletur; habent tamen hujus formulæ verba vim quamdam designandi gratiam, quæ exornat Christi milites, firmatque, & perficit sanctificationem in baptismo collatam . Ad 3. reponet Goarius pag. 369. ignorari a tota Orientali Ecclesia Severum istum insectum labe Eutylianæ hæreseos, nec recipi excogitatum ab illo baptismi ritum, & inventam Chrismatis formulam . At cum hæc nulla inficiatur hæresi, & Orientalis Ecclesiæ summâ veterum rituum laboret ignorantia; satius ducimus respondere, quemadmodum apud Latinos, ita apud Occidentales aliquam variationem irrepsisse, salva substantiali significatione verborum . Ad 4. dicimus Instructionem Urbani directam *ad Episcopos Latinos, in quorum civitate, vel diocesis Græci, aut Albanenses Græco ritu viventes degunt* . In ea autem Instructione mandat primum Pontifex, *ne presbyteri Græci baptizatos in fronte consignent*, ac jubet, ut prætermittant signationem frontis, & verba, *ubi habetur formula hujus signationis* . Deinde præcipit, *ut Episcopi Latini consignatos chrismate ab illis presbyteris Græcis* (qui sine dispensatione nequeunt esse ministri Confirmationis,) formula apud Latinos usitata confirmant, quoniam Latini Ecclesiæ Latine conformare se debent; præcipit tamen, *ut cum cautela, & sub conditione id faciant, videlicet, N. si es confirmatus, ego te non confirmo: sed si non es confirmatus, Ego confirmo te, &c.* & conditionem hanc præsertim adhibeant, *cum verisimiliter dubitari potest, quod ab Episcopis Græcis fuerint baptizati*: quoniam nempe solent Græci Episcopi confirmare statim post baptismum . Quæ omnia, si accuratè expendantur, non demonstrant nullam esse, sed sufficientem Græcorum formulam: de qua dictum hæcenus .

C A P U T VII.

In quo agitur de Sacramenti Confirmationis Ministro.

QUOSLIBET Sacerdotes esse *ordinarios* hujus Sacramenti ministros contendit Photius Constantinopolitanæ Sedis inceptor iniquus, Græcorumque schismaticorum caput, ac signifer: qui ut Bulgaros paullo ante ad Christi fidem conversos opera cujusdam Pauli Romani presbyteri averteret ab Apostolica Sede, Latinam Ecclesiam impetere conatus est nonnullis accusationum capitibus, quorum unum illud est, legatos Nicolai primi denuo confirmasse inunctos chrismate a Græcis presbyteris . Photii autem in Romanam Ecclesiam calumnias continet *Enchiridion*.

cyclica illius Epistola ad Archiepiscopales thronos per Orientem obtinentes data an. 867. easdemque calumnias Baronius in Ecclesiasticis Annalibus, Allatius in Opere de Consensione Orientalis & Occidentis Ecclesiæ, Natalis Alex. in Ecclesiæ H., Christianus Lupus in canones v111. Concilii, alique viri doctissimi confutarunt. Schismaticorum deinde Græcorum sententiam infensi Ecclesiæ Romanæ hostes arripuerunt, Valdenses, Hussitæ, Lutherus, Kemnitus, Calvinus, Dallæus, & ceteri Novatores; adversus quorum nefarium dogma, fide tenendum est *ordinarium* Confirmationis ministrum esse solum Episcopum, sicut in Florentino, atque in Tridentino Concilio legimus definitum.

Dixi *ordinarium* ministrum; utrum enim potestas confirmandi simplici presbytero, committi possit, salva fide in utramque partem disputatur. Ac negantem sententiam præter Hugonem Victorinum, Guilelmum Altissiodorensen, Hadrianum sextum, & quosdam alios Commentatores Magistri in distinctionem 7. libri iv. propugnant quoque Eftius in eadem distinct. §. 21. Petrus Aurelius in Anæretico, Nicolaus L'Herminier tom. 1. de Sacram. tract. 3. cap. 7. & viri alii percelebres. Affirmanti tamen adhærent fere omnes ex Thomistica Schola, necnon ex Franciscana familia Antonius Andrea præclarus Scoti auditor, Richardus de Media Villa, Petrus Cardinalis Aureolus, quos adversus Suavem Franciscanis omnibus oppositum placitum adscribentem, laudat lib. ix. cap. 7. H. Concilii Tridentini Eminentissimus Pallavicinus. Quibus addam Mastrium, Claudium Frassen, Hennum, & florentissimæ scholæ ceteros. Atque in eandem sententiam conspirant nostrates, quotquot in manus meas pervenerunt: quos inter excellunt, me iudice, Basilius Poncius p. iv. c. 3. Farvacquez cap. 4. q. 3. qui Aurelio Lovaniensi, Leonardo Vanroy, ceterisque suppeditarunt copiam argumentorum. Plura tradidere pro eadem confirmanda sententia, ne commemorem ætate nostra de rebus Theologicis optime meritos, Arcudius, Morinus, Holstenius. Tam igitur de Episcopis, quam de Presbyteris est pertractandum: quod tribus positionibus mox subiiciendis præstare conabimur.

PROP. I. Minister *ordinarius* Sacramenti Confirmationis est solus Episcopus.

Dixi hanc propositionem pertinere ad fidem: Florentinum enim Concilium in Instrucl. Armeniorum, *Ordinarius* (inquit) *minister est Episcopus, & cum ceteras uniones simplex Sacerdos valeat exhibere, hanc non nisi Episcopus debet conferre*, idque probat ex v111. capite Actuum Apostolorum. Tridentinum pariter sess. v111. can. 3. hunc de Confirmatione edidit canonem, *Si quis dixerit sancta Confirmationis ordinarium ministrum non esse solum Episcopum, sed quemvis simplicem Sacerdotem; anathema sit*. Probatur itaque ex Act.

Act. Apostolicis : quæ cap. viii. narrant , Petrum & Joannem profectos Samariam , ut per manuum impositionem baptizatos a Philippo Diacono confirmarent . Hoc enim præstitisse Petrum & Joannem tanquam presbyteros , non tanquam Apostolos , gratis omnino , & adversus Veterum traditionem autumant adversarii . II. Etenim Patres (quod erit probatio altera) ita quod in Actis legitur acceperunt , ut Apostolis tantum , eorumque successoribus Episcopis tribuerint ordinariam confirmandi potestatem . *Id namque* (ait Chrysostomus de facultate conferendi Spiritum sanctum impositione manus , Hom. xviii. in Acta pag. 580.) *erat donum tantummodo duodecim Apostolorum . τὸν γὰρ τὸ δῶμα μόνον ἦν . δόξα ἦν .* Similla Oecumenius laudatus cap. 2. prop. 1. Et Isidorus Pelusiota lib. 1. Epist. 450. ad Antiochum pag. edit. Morel. 114. *Petrus* , inquit , *& Joannes Apostoli ab Hierosolymis ad eos descendentes , Spiritus sancti gratiam eis porrexerunt . Quod si is , a quo baptismum acceperant , ex Apostolorum classe , ac numero fuisset , Spiritus donandi potestatem profectio habuisset . At verò baptizabat duntaxat ut discipulus : Apostoli autem gratiam explebant , & perficiebant , ut qui hujusmodi muneris tribuendi potestatem , atque auctoritatem divino beneficio acceperissent .*

Πίστην δὲ ἡ τοῦ αὐτοῦ οἱ ἀποστόλοι καταβάτες ἐπὶ ἱεροσολύμων πρὸς αὐτὸν , τὸν αὐτὸν πνεύματος τὸ δῶμα παρέσχον χάριν . οἱ δὲ ὁ βαπτισμὸς οὗτος ἦν ἀποστόλοις ἐπιτελεῖσθαι , οὐχὶ τὴν ἀνδραγαθίαν τῆς τοῦ πνεύματος δυνάμεως . βαπτίζον δὲ μόνον οἱ μαθηταί , τελούσι δὲ τῆς χάριτος οἱ ἀποστόλοι οὗτοι τὴν δυνάμιν αὐτοῦ ἐκείνου . Eadem scribit Innoc. III. cap. *Cum venisset* , de quo citato cap. prop. 2. Confirmatur tertio catholica thesis perpetua Ecclesiarum praxi : nam ab Episcopis perfici & obsignari baptizatos , & quod in exordio Ecclesiæ ab Apostolis , postmodum ab antistitibus factum esse , diserte tradunt Cornelius Papa in Epistola ad Fabium Antiochenum , apud Eusebium lib. vi. Eccl. H. Auctor Constit. Apost. lib. 3. cap. 17. Cyprianus Epistola ad Jubajanum , Hieronymus adversus Luciferianos , ac S. P. Augustinus lib. xv. de Trinit. cap. 26. quorum testimonia præcitato secundo capiti sunt inserta . IV. Plura ibidem loca produximus , in quibus simplici presbytero , nec non Corepiscopis prohibetur chrisma conficere , eoque baptizatorum linire frontem : cujus generis sunt quæ recitavimus ex Epistola Innoc. I. ad Decentium , Leonis Magni ad Episcopos Germaniæ , & Galliæ , & S. Gregorii ad Januariam Calaritanum ; quæ omnia invenies eo loci disposita .

Opp. 1. Nihil ex Apostolicis Actibus pro stabilienda superiori thesi proferri potest : nihil ex auctoritate Patrum ; nihil denique ex pervetusta consuetudine Ecclesiarum . Infirmis itaque momentis innititur hæc propositio . Probatur antecedentis prima pars , quoniam *Apostoli ubi aliter sacerdotali erant exornati , nec satis constat , an*

confirmariant tanquam Apostoli, vel tanquam sacerdotes: Ananias quoque Act. ix. Saulo recens converſo dedit *impoſitione manus* Spiritum ſanctum, nec tamen Ananias Apoſtolico fulgebat honore. Demonstratur pars altera: nam S. Ambroſius de Myſt. cap. 6. num. 1. inquit *unctionem unguenti fieri a Sacerdote*. Hieronymus in Dialogo adverſus Luciferianos ait Episcopos *ex conſuetudine, non ex neceſſitate*, miniſtros eſſe Confirmationis, hac ratione producta: *Si ad Episcopos tantum imprecationem Spiritus ſanctus deſcendit, lugendi ſunt, qui in remotioribus locis per preſbyteros baptizati ante dormierunt, quam ab Episcopis inſciſcerentur*: & Epiſt. 85. nunc 101. *Quid enim facit excepta ordinatione Episcopos, quod non facit preſbyter?* Etiam Ven. Beda in Pl. xxv. affirmat, unctionem, *quæ fit per manus impoſitionem ab Episcopis, & vulgo Confirmatio dicitur*, eandem eſſe cum unctione verticali, licet illa conceſſa non ſit ſingulis Sacerdotibus *propter arrogantiam*; quæ etſi non probent poſſe quolibet preſbyteros confirmare, probant nihilominus *conſuetudine* tantum, & Eccleſiaſtico jure hanc illis denegatam auctoritatem. Probatur oppoſitionis pars tertia: Ex Pontificali, quod tribuitur Damaso, Sylveſter omnium primus *conſtituit*, ut ſolus Episcopus ſacrum chriſma conficiat, & baptizatum conſignet. Igitur ante Sylveſtrum preſbyteri ſinguli & chriſma conficiebant, & confirmabant; ideoque hæc peragere non excedit ordinariam preſbyteri facultatem. Idem inferitur ex Conciliorum definitionibus, ex quibus oppoſitionem alteram conſtruemus.

Reſpond. nego ant. ad cujus probationem primam dicimus; Joannem & Petrum *tanquam Apoſtolos* confirmari, ſi dandi Spiritus ſancti facultatem manus impoſitione fuerit ipſorum Apoſtolorum peculiare donum: quale revera fuiſſe tradunt diſertiffimè Eccleſiæ Patres, neque obſcure innuunt Acta Apoſtolica; quæ nullibi narrant tali dono condecoratos quoscuſque preſbyteros, aut alios miſſos ad neophytos obſignandos, præter Apoſtolos. Nam quod ajunt de Anania, reſutatum eſt capite 2. hujus libri, prop. 1. pag. 16. Partem alteram hac ratione diluimus. Ambroſius, qui de Myſt. cap. 6. n. 1. miniſtrum Confirmationis vocat *Sacerdotem*, hoc nomine designat *Episcopum*: hic enim & *Sacerdos* per antonomafiaſ nuncupatur, & ille eſt, *ad quem adſcendebant baptizati egreſſi de fonte*, ut conſtat ex libro 1.1.1. de Sacram. cap. 1. num. 4. ubi perficiens neophytos & baptiſterio adſcendentes non dicitur *sacerdos* duntaxat, ſed *ſummus Sacerdos*. Hinc PP. S. Mauri in notis tom. 2. pag. 336. rectè obſervant Dallæum talia obſcientem *ſola locorum inſpectione* reſelli: S. Hieronymus ſcribens Episcopos confirmare *ex conſuetudine*, non illam conſuetudinem dicit, quæ hominum inducitur arbitratu, ſed quæ Apoſtolice innixa eſt traditioni: ait enim eo loci pag. 295. *Quod*

Quod si hoc loco quæris: quare in Ecclesia baptizatus nisi per manus Episcopi non accipiat Spiritum sanctum, quem nos asserimus in vero baptismo tribui; discas hanc observationem ex ea auctoritate descendere, quod post ascensum Domini Spiritus sanctus ad Apostolos descendit. Nec te moveat quod Hieronymus subijcit, id factum ad honorem potius Sacerdotii, quam ad legis necessitatem, nam his verbis nequaquam docet necessum non esse, ut confirmet Episcopi, quoniam ipsis concedentia quadam tribuitur id muneris, alioqui ab unoquoque Sacerdote complendum; sed inquit perficere per Confirmationem baptizatos opus esse Episcopali reservatum honori; quoniam Sacramentum istud non est talis necessitatis, sicut baptismus, ut cuius debuerit ministerium ejusdem committi: siquidem etiam non consignati possunt salutem consequi. Hinc è vestigio addit: Alioqui si ad Episcopi tantum impetrationem Spiritus sanctus defluit: lugendi sunt qui in seculis, aut in castellis, aut in remotioribus locis per presbyteros, & diaconos baptizati ante dormierunt, quam ab Episcopis inviserentur. Diluit verò difficultatem omnem Helladii fallax assertio, quam ibi sanctus Doctor exagitat, Manifestum est posse aliquem baptizari, & tamen non habere Spiritum sanctum. Ita superiori pagina Luciferianus: cuius nefarium dogma & Hieronymi ostendit scopum, & verba complanat, & elidit adversantium oppositionem. At in Epistola 101. ad Evangelum, quam editiones aliquæ falso inscribunt ad Evagrium, comprimit Hieronymus arrogantiam cujusdam Falcidii, aut alterius hominis, diaconos præferentis presbyteris: ad hujus autem hominis reprehendam vecordiam, commendat presbyterorum auctoritatem, ad quorum preces Christi corpus sanguisque conficitur, eosque demonstrat Episcopis valde proximos, eo quod conficiendi corporis Christi eandem facultatem habeant, hoc tantum excepto, quod hanc Episcopi per ordinationem presbyteris conferunt. Ceterum omnia Episcoporum munera nequaquam profequitur, siquidem id agere non erat hujusce instituti: ac diserte contra Luciferianos disputans docet Confirmationem honori Episcopatus reservatam. Aliquid ergo præter ordinationem facit Episcopus, quod non præstabat ætate Hieronymi simplex presbyter. Potest & brevi responderi, ita locutum Hieronymum respiciendo ad consuetudinem Ecclesiæ Alexandrinæ, in qua presbyteri permissiope Episcoporum chrismabant, ut ostendit Holstenius cap. iv. At venerabilis Beda, unctionem verticalem, nec non catechumeni ante baptismum, eandem dicit cum unctione facta ab Episcopo confirmante, quantum ad materiam chrismatis, non quantum ad unctionis efficientiam. Aper-te namque in unctione postrema agnoscit sacramentum mirum & ineffabile, eique tribuit salutem, in qua magis firmamur, & nomen Christi profiteamur, attribuens unctioni ab Episcopo factæ quamdam vetu-

vetusti ritus rationem, *in qua simpliciter abrenunciamus Satanae*: ac præterea scribens in caput VIIII. Aët. Apostol. hæc de Philippo pronuntiat: *Si Apostolus esset, ipse utique manus imponere potuisset, ut acciperent Spiritum sanctum; hoc enim solis Pontificibus debetur non autem presbyteris: quibus sive extra Episcopum, sive præsentem Episcopo baptizent, chrismate baptizatos ungere licet, sed quod fuerit ab Episcopo consecratum, non tamen frontem ex eodem oleo consignare, quod solis debetur Episcopis, cum tradunt Spiritum sanctum.* Quæ verba ex Epistola Innocentii I. ad Decentium videntur exscripta. Illa præterea obiectio, si quid evinceret, probaret tantummodo unctionem chrismatis non pertinere ad *essentiam* confirmationis; nec ullatenus hanc de ministro catholicam sententiam labefaceret: quamquam nec illud evincit, cum Beda tribuat eidem unctioni *Sacramenti* peculiarem rationem, atque, ut modo diximus, gratiæ spiritualis efficientiam. De Sylvestro dictum supra cap. v. q. 4. concessum ab eo presbyteris, ut baptizatum chrismate limrent in vertice. Nec aliquem movere debet quod in Pontificali legitur, *Constituit Chrisma ab Episcopo confici, & privilegium Episcopis dedit, ut baptizatum consignent propter hæreticam suasionem.* Eo namque in loco verbum, *Constituit*, non priorem institutionem significat, sed perantiquæ confirmationem, atque declarationem, ut scribit Lupus in notis ad Canones VIIII. Concilii, & prælaudata Annot. in f. 5. majoris hebdomadæ num. 184. BENEDICTUS Pontifex Maximus. In quorum sententiam lubens descendo, quodd in libro Pontificali paucis interjectis de Sylvestro legimus, *Hic constituit, ut sacrificium altaris non in serico, neque in panno tintilo celebraretur, nisi tantum in linteis ex terreo lino procreato*; quod tamen ab Eusebio ejus prædecessore statutum fertur. Sant qui reponant libro Pontificali fidem non esse adhibendam, cum eo in loco tradat a Sylvestro baptizatum Constantinum, condemnatum cum Ario & Sabellio Photinum hæresiarcham, & celebratam Romanam Synodum, cujus acta non probant viri naris emunctæ. At necesse non est implicemus nos hisce tricis, maximæ quod baptizatum a Sylvestro Constantinum affirmet etiamnum Historici præclarissimi, ac Photinus reveræ, non quantum ad personam, sed quantum ad dogma fuerit in Synodo Nicæna prædamnatus. Videtis notas in Anastasium tom. 2. pag. 306. edit. novissimæ.

Oppon. 2. Canones Conciliorum aut confirmandi potestatem tribuunt presbyteris, aut illis antiquitus collatam fuisse supponunt. Igitur non sunt soli Episcopi *ordinarii* Confirmationis ministri. Prob. ant. Illiberitana Synodus celebrata, ut fertur, anno 315. canone 38. & 77. mandat, ut baptizatus a diacono *per manus impositionem perficiatur*. Ergo non tantum presbyteris, verum etiam diaconis erat olim

olim confirmandi perficiendique facultas. Concilium Carthaginense secundum celebratum anno 390. canone 3. & Carthaginense tertium celebratum anno 397. canone 36. præcipiunt, *ne chrisma conficiatur a presbyteris*. Ante illud ergo tempus, inquit Dallæus, presbyteri consuebant chrisma, ideoque & confirmabant. Toletanum primum anno 400. canone 20. ita definit: *Statutum est, diaconum non chrismare, sed presbyterum absente Episcopo; presente vero, si ab ipso fuerit preceptum*. Episcopo itaque absente presbyter olim ordinaria potestate chrismabat; presente verò Episcopo hujus duntaxat jussu, atque permissione. Arauxicanum 1. celebratum anno 441. canone 1. hæc statuit: *Hæreticos in mortis discrimine positos, si catholici esse desiderant, si desit Episcopus, a presbyteris cum chrismate & benedictione consignari placuit*. Igitur consignare possunt presbyteri, si non adsit Episcopus, urgeatque necessitas aliqua. Secundum Hispanense an. 619. canone VII. declaravit *chrismationem* presbyteris esse prohibitam *novellis Ecclesiasticis regulis*: ideoque non antiquis, non divino jure, non Christi institutione, non profecta ab Apostolicis temporibus consuetudine. Extant demum permulti canones de chrismate gratis nulloque pretio presbyteris distribuendo: quem in usum, nisi ut chrismate ab Episcopo benedicto & ipsi consignent baptizatos?

Resp. hisce sacrorum Conciliorum definitionibus nullum positioni nostræ præjudicium illatum iri, si concedatur collatam fuisse illarum vi presbyteris potestatem confirmandi, quam ordinario jure nequaquam habuerint. Præterea ad singulos præcitatos canones ista reponimus. Tricesimo octavo, & septuagesimo septimo Illiberitano decernitur, ut baptizatos in necessitate a laico, vel a diacono plebem regente, *Episcopus per benedictionem perficiat*; ideoque nec diaconus, nec baptizantium alter, excepto Episcopo, habet juxta canones illos jus confirmandi. Vide Conc. Hispan. tom. 1. pag. 568. & 726. In Concilio Carthaginensi 2. ac multo magis in tertio, supponitur *chrismatis confessionem*, quam temere sibi quidam presbyterorum arrogaverant, etiam antiquioribus definitionibus fuisse illis prohibitam: nam in eodem canone tertio Concilii 2. legitur dixisse Fortunatum, sive Fortunatianum Episcopum, *Memini præterito Concilio fuisse statutum, ut chrisma, vel reconciliatio pœnitentium, necnon & puellarum consecratio a presbyteris non fiant*, tom. 2. Conc. pag. 1160. Et in codice canonum Eccl. Africanæ, eodem Volum. pag. 1052. *In præteritis Conciliis statutum meminimus, ut chrisma, &c.* Canone autem 36. Concilii tertii, hoc discrimen statuitur inter consecrationem Virginum, & confessionem chrismatis, *ut presbyter inconsulto Episcopo virgines non consecret, chrisma verò nunquam conficiat*; de qua verborum diversitate dictum supra. Toleta-

letano in canone agi de chrismatione *Sacramentali*, presbyteris tamen extraordinaria facultate commissa, sentit Christianus Lupus tom. 2. pag. 1424. eo quod unctionem verticalem etiam diaconus baptizans possit conficere: idemque sentit vir præclarus de canone, *Presbyter presente Episcopo non signat infantes, nisi forte illi ab Episcopo fuerit præceptum*, qui extat cap. 51. Collect. Martini Episcopi Bracarenfis. Ceterum videtur nobis pertractari isto in canone de unctione duntaxat *verticali*, quam ante Epistolam Innocentii primi ad Decentium cum licentia Episcoporum Presbyteri usurpabant. Etenim unctionem illam S. Sylvester concessit presbyteris absente Episcopo, & *propter occasionem transitus mortis*, ut legitur in libro Pontif. scribitque lib. 2. de Sacram. p. 7. cap. 3. Hugo Victorinus. Adeas notationes ad hunc Toletanæ Synodi canonem tom. 2. Conc. Hisp. pag. 148. Innocentius itaque anno 416. indulgit, ut presbyteri chrismate inungerent *in vertice* baptizatos, seu *extra Episcopum*, seu *presente Episcopo*: cum Toletana Synodus declarasset, juxta consuetudinem inductam sub Sylvestro, ut chrismarent in vertice absente Episcopo; presente autem, *si Episcopus præcipiat, & annuat*. Ad canonem Arauxicanum respondemus non de sacramento Confirmationis ibidem agi, sed de reconciliatione hæreticorum, qui, ut diximus capite primo, recipiebantur pluribus in locis *unctione chrismatis*, non tamen *Sacramentali*, nisi forte sacramentum Confirmationis non recepissent: de qua re differendum postea. Errant enim, qui ubicunque nomen audiunt aut *chrismatis*, aut *consignationis*, intelligunt statim sacramentalem unctionem; quod satis commonstrant quæ nuper diximus de unctione verticali ex Innocentiana ad Episcopum. Eugubinum Epistola, & de consignatione energumeni ibidem num. 6. presbyteris, ceterisque Clericis non denegata. Canon postremo Hispalensis non ait inhibitam Confirmationem presbyteris decretis tantum recentioribus, sed *novellis & Ecclesiasticis regulis*, recentibus scilicet, antiquisque: immo eodem in loco, tom. v. Concil. pag. 1666. non solum commendatur veterum canonum auctoritas, verum etiam producit ratio, quam semper necessum est viguisse. Afferitur enim *illicitam* esse presbyteris chrismationem, *Quia Pontificatus apicem non habent, quem solis deberi Episcopis auctoritate canonum præcipitur, ut per hoc & discretio graduum, & dignitatis fastigium summi Pontificis demonstratur*. De ceteris autem decretis latis de chrismate presbyteris distribuendo, cum illius usus sit quoque in unctione verticali, & idem chrisma deservire queat Pontificibus lustrantibus diœceses, quicquam adjicere non est opus.

Opp. 3. Pluribus in locis Presbyteri *ordinaria* potestate confirmant. Nam in Commentariis ad Epist. ad Ephesios, quæ tribuuntur Ambrosio, tom. 2. pag. 241. Append. legitur, *Apud Aegyptum præf-*

presbyteri consignat, si præsens non sit Episcopus. Idem legitur apud Augustinum in Qq. ex utroque Testam. q. 101. Neque dicas Opera hæc esse supposititia, ejusdemque auctoris, idest, Hilarii Diaconi Luciferiani, aut scriptoris alterius Damaso Papæ coævi. Ex hoc enim apparet scriptoris antiquitas, quæ & commonstratur quia in priori Opere ii tantum Ecclesiastici Scriptores laudantur, qui Damasum præcesserunt, ibique præsertim refelluntur Ariani, Donatistæ, Novatiani, ac Photiniani circa Damasi tempora exorti. In alio quoque Opere, q. xl. connumerantur anni circiter 300. a devastatis per Vespasianum Ierosolymis; quod ejusdem vetustatis est argumentum. Nec Luciferiani nominis macula his fidem derogat; cum hujus factionis homines nequaquam circa Confirmationem deprehendantur errasse. Græci etiam ante Photii ætatem a simplici presbytero confirmabantur; eamdemque consuetudinem aliquando in Ecclesia Occidentali obtinuisse, patefaciet consequens propositio.

Resp. nihil ex hisce momentis inferri, nisi presbyteros aliquando confirmasse; num verò potestate *ordinaria*, an Pontificum indulgentia, atque num valide ac licite, an illicite & invalide, minime affirmat auctor quæstionum, & prædictorum commentariorum, qui hæc refert quidem, at non approbat. Adde non esse manifestum de qua *consignatione* Scriptor ille sermonem instituat, atque in MSS. optimæ notæ, necnon in postrema editione Parisiensi pag. 93. Append. tom. 3. Op. Aug. non legi, *Presbyter consignat*, sed, *Consecrat presbyter*. Quantum ad Græcos attinet, olim baptizatos chrismate inunctos fuisse a solis Pontificibus, testatur Georgius Pachymeres in *Paraphrasi* Dionysii de Ecclesiastica Hierarchia: de quo vide Allatium de Ecclesiæ Occidentalis & Oriental. perpetua consensione, lib. 111. cap. 13. p. 1150. Insuper Matthæus Blastarius, licet schismaticus, apud Arcudium lib. 2. Concordiæ cap. 11. pag. 84. affirmat neque presbyteros, neque Corepiscopos habere potestatem consignandi, & impertiendi Spiritum sanctum; & Gabriel Philadelphienus apud eundem Arcudium seq. cap. 13. pag. 88. affirmat, *antecedenter hoc Episcopis datum esse* (ut inungant chrismate baptizatos) *quibus & solis hoc licet conficere.* Ecclesiam verò Orientalem non tantum Pontificibus, sed etiam per ipsos presbyteris post sacram baptismatis ceremoniam concessisse citra ullam culpam unctionem cbrismatis, ne quis baptizatorum ejusmodi gratia privetur, si eum contingat, ut sunt humana res, repentina, atque immatura morte ex hac vita migrare. Simon etiam Thessalonicensis apud Socolovium pag. 33. edit. Cracoviæ, ministros *ordinarios* Confirmationis facit solos episcopos. Ex quibus constat apud Græcos a presbyteris Confirmationem conferri delegata facultate, non *ordinaria*.

Opp. 4. Si solis Episcopis hoc datum est, ut baptizatos consignent,

L

gnent, unde venit hæc lex? Quisnam hujus legis conditor? Apostolorum ne unus? Aliquis verò Patrum? Num etiam aliqua ex Synodis? Sed ubi, & quando congregata est hujusmodi Synodus? & quorumnam calculis confirmata? Præterea si non licet Sacerdotibus eos, qui baptizantur, unguento consignare; igitur nec omnino sacra facere, nec baptizare, ut tibi nec dimidiatus Sacerdos, sed integer ad profanum statum rejiciatur. Hæc Photius in Encyclica superius commemorata.

Resp. Photium, qui a Joanne Patriarcha Constantinopolitano in Orat. de unionē & pace Ecclesiarum veteris, ac novæ Romæ, jure appellatur *ρίζα τῆς, καὶ πᾶσι ναίειας ὁρχῇ*, radix quadam, totiusque mali principium, a Joanne autem Methonenſi in Epistolam Marci Ephesii, *ἀπὸ τοῦ ποταμοῦ πολλοῦ δι' οὐρανοῦ καὶ δι' οὐρανοῦ τοῦ ποταμοῦ*, Princeps schismaticorum, immo vero auctor & opifex schismatis, in Encyclica illa Epistola, ut calumniis atrocissimis in Latinos, ita ineptis argutiunculis abundare. Quod ad præsens attinet institutum, propugnata a nobis lex continetur in Apostolicis actibus, ad quorum lectionem sicut olim Luciferianos amandavit Hieronymus, ita nunc mittimus Photium, ceterosque schismaticos. Si Patrum testimonia quærit; illum obruere possumus nube testium, non Latino- rum tantum, sed & Græcorum, magni etiam Chrysostomi, Isidori Pelusiota, aliorum. Obtendemus quoque Orientalis Ecclesiæ morem primævum, ipsis δὲ Græcia accitis scriptoribus; nec verbis verba retundimus, siquidem quod affirmamus nos posse, istud jam egimus. In altero quoque argumento Photius ratiocinatur ineptè. Etenim si quisquis baptizare potest, potest & consignare; quare Diaconus, qui in necessitate baptizat, in necessitate nequaquam consignet? Si non est *dimidiatus* Sacerdos, qui conficit Eucharistiam, sed Ordines sacros non confert, quoniam hæc diversa sunt munera, diversaque connotant sacramenta; cur sacerdos *dimidiatus* dicendus est, qui consecrare potest, confirmare non potest? Quod si quæras, cum Sacerdos conferat baptizato Eucharistiam, Sacramentum nempe omnium maximum ac præstantissimum, quam ob rem confirmare non potest ipsummet baptizatum? primum id vicissim a te petam, cur pariter non potest sacerdos conficere chrisma, quod utique non est tam amplum splendidumque, ut consecrare corpus Dominicum? Deinde verò dico reservandum fuisse *apici Pontificatus* sacrosancti chrismatis ministerium: quod Dionysius, sive quisquis auctor est libri de Ecclesiastica Hierarchia, cap. 5. pag. 360. ex eo demonstrat, quod licet a sacerdotibus veneranda quædam Sacramenta conficiantur; virtus tamen ordinis Hierarchici per omnes sacros ordines mysteria perficit, unde nec sacerdos divinæ communio- nis mysteria consecrat, nisi imposita altari chrismate delibuto, quia

ne

ne sacerdos quidem est, nisi Pontificiis initiationibus ad sortem istam fuerit promotus. Quapropter (inquit) *lex divina Hierarchicorum Ordinum sanctificationem, divinique unguenti perfectionem, sacram- que altaris benedictionem perficientibus divinatorum Pontificum virtu- tibus singulariter attribuit*. *Οὕτως ἡ θεία διακονία τῶν Ἱερέων τῶν ἀγίων ἁγιασμός, καὶ τὸ τῇ θείᾳ χάριτι τῶν ἱερῶν τῶν θριαμβῶν τι- αστήριον, ταῖς Ἱερέων ἱεραρχίαις τῶν ἁγίων ἐν αὐτοῖς ἀποκαλύπτει*. Erat ergo Confirmatio, quæ baptizatorum perfectio est, & mysterii regenerationis consummatio, Pontificibus reservanda; maximè quod ad illos attinet designare milites Christi, quod & in Reipubli- cæ regimine faciunt imperatores ducesque exercituum.

PROPOSITIO II. Etiam simplex Sacerdos potest ex dispensatione, five *extraordinaria* facultate conferre sacramentum Confirmationis.

Demonstratur 1. ex decreto Eugenii lato in Florentina Synodo, tom. xiii. Conc. pag. 536. ubi postquam definitum est *ordinarium* Confirmationis ministrum esse Episcopum, idque comprobatum ex cap. 8. Actuum Apostolicorum, hæc subiiciuntur: *Legitur tamen aliquando per Apostolicæ Sedis dispensationem ex rationabili, & ur- gente admodum causa simplicem Sacerdotem chrismate per Episcopum confecto hoc administrasse sacramentum*. Neque enim tam aperto tes- timonio responderi potest, perperam decretum illud landari sub no- mine Florentini Concilii, nec Eugenium aliud asserere, quam id legi *apud Scholasticos aliquos*, non autem id revera fuisse factum; ut post Guilelmum Estium dist. vii. §. 22. reponit pag. 420. Nicolaus L'Herminier. Nam hujus responsionis partem primam abunde refellit appen- dix cap. quarti. Partem alteram conterit quod continetur in illius de- creti prologo, latum nempe illud *post non mediocrem testimoniorum inspectionem, quæ ex SS. Ecclesia Patribus & Doctoribus deducta sunt, & earum, de quibus agebatur, veram discussionem*; tum eo fine propositum, *ne ulla in futurum de fidei veritate apud Armenios dubitatio esse valeat, atque idem per omnia sapiant cum Sede Apostolica*; illic demum contineri *sub quodam brevi compendio Orthodoxæ fidei veri- tatem*. Quæ pensitantes illustres viri, ut Soto, Poncius, & alii non tantum propositioni subscribunt nostræ, verum etiam censent ad fidem pertinere: quod tamen ob præclaros Theologos sentientes opo- situm, aut disputantes in partem utramque, non ausim definitè pronuntiare. Accedit in veritatis præsidium, quod proposita a Lati- nis in Florentino Concilio ea quæstione, *Quare Episcopi non unguunt sacro chrismate, sed Sacerdotes, cum hoc Pontificibus sis datum?* Do- rotheus Mitylenensis Metropoliita eandem cum quibusdam objectis aliis quæstionem, *canonice legitimeque dissolvit*. Videatur tom. xiii. Concil. pag. 526. & Lupus tom. 2. in canones Conciliorum pag. 1424. Ludere autem operam videtur Nicolaus L'Herminier reponens igno-

rari quid objectioni Latinorum responderit Mitylenensis ; quando scriptor Synodaliū Aëtorum de eo testatur *omnia canonice & legitime* diluisse , præter creationem Patriarchæ Constantinopolitani , ritumque conjugalis vinculi relaxandi : nec Eugenius , aut Florentina Synodus Græcorum consuetudinem condemnauit . At de Florentina Synodo hæstenus . II. Tridentina quoque , dum statuit solum Episcopum ministrum esse Confirmationis *ordinarium* , innuere vult haud repugnare , quin *ex delegatione* hujusmodi ministerium committatur presbytero . Quamquam verò id minime expressit Synodus veneranda , propterea quod nullum vellet asserre scholarum placitis præjudiciū ; ut novimus tamen ex ejusdem Synodi Historia conscripta a Cardinali Pallavicino lib. ix. cap. 7. cum aliqui mallent articulum illum omitti , aliqui ex præcitata Synodo Florentina reponebant Romanos Pontifices gravibus de causis indulgisse presbyteria ut confirmarent , modò adhiberent christina ab Episcopo consecratum , & Nobilius etiam Acienſis contenderet , quod etiamnum ajunt adversarii , factum ibi narrari , non articulum definiri ; ad illum tamen modum editus est articulus , quod *fere omnes in sancti Thomæ sententiam veniebant , quam præstantissimi scholastici amplectebantur , posse hujusmodi facultatem Pontificia delegatione ad simplices Sacerdotes extendi* . III. Revera aliquando presbyteris potestas confirmandi tum in Occidentali , tum in Orientali Ecclesia reperitur concessa . Atque de Ecclesia Occidentali occurrit primum Epistola S. Gregorii Magni ad Januarium Calaritanum Episcopum . Ad hunc scripserat olim Gregorius Epist. 9. libri IV. pag. 689. juxta Innocentii primi ad Decentium Capitula , receptamque consuetudinem Romanæ Ecclesiæ , *Episcopi baptizatos infantes signare bis in frontibus non præsumant ; sed presbyteri baptizandos ungant in pectore , ut Episcopi postmodum ungere debeant in fronte* . Quod cum ægre ferrent Sardinienſes presbyteri , indeque exoriri scandala Januarius Gregorio significasset , rescripsit is epistolâ 26. ejusdem libri pag. 705. tom. 2. *Nos quidem secundum usum veterem Ecclesiæ nostræ fecimus ; sed si omnino hac de re aliqui contristantur , ubi Episcopi desunt , ut presbyteri etiam in frontibus baptizandos tangere debeant concedimus* . Quibus in verbis Gregorius ut confirmarent indulſit presbyteris Sardinienſibus . Neque verò me latet quanta ad infringendam vim hujus argumentationis ingerantur . Ac primo quod respondet Durandus in iv. dist. 6. q. 4. *Nescio , cur non possit dici , quod Gregorius , cum fuerit homo & non Deus , potuerit errare* , utpote emendicatum , & liberiori prolatum ore , consultatione nostra non indiget . Quod autem inquit Hadrianus & Estius eodem lib. iv. dist. 7. necnon Petrus de Marca ad canonem 28. Concilii Claromontani , & L'Herminier tom. i. de Sacram. pag. 419. accipiendum esse Gregorium

rium *de unctione quadam ceremoniali*, non de Confirmatione, quoniam emendati codices legunt *baptizandos*, non *baptizatos*; quoniam Gregorius pro causa prohibitionis suæ attulit solummodo usum Romanæ Ecclesiæ, & unctionem quidem frontis permisit, sed non *formam* verborum; quoniam denique scandalum quorundam gravis non erat causa, nec rationalis, & urgens, qualem requiri in huiusmodi dispensatione declarat Eugenius IV. quod, inquam, hi dicunt, nequit præmissam argumentationem labefactare. Enimverò posteriori Epistola Gregorius concessit, quod vetuerat præcedenti, ut scilicet presbyteri signarent baptizatum in fronte, & quod post baptismum faciendum erat ab Episcopo: id verò quis negabit esse veram propriamque Confirmationem? At enim, inquis, emendati Codices *baptizandos* habent, non *baptizatos*: de ritu ergo inter baptizandum usurpato Gregorii accipienda sunt verba. Minime. Quis unquam audit inter baptizandum chrismate liniri frontem? quisnam ait novum hunc ritum in Sardinæ insula viguisse? Irrepsit utique consuetudo, ut presbyteri baptizatum signarent in fronte, quem postea Episcopi iterum consignabant; nam consuetudinem illam arguit Gregorius scribens priori Epistola, *Episcopi baptizatos infantes signare bis in frontibus non presumant*. Eam itaque consuetudinem, quam SS. Pontifex primum coercet, deinde ad scandala avertenda, permittit, est consignatio frontis, quam semel perficiunt Episcopi, & quam Sardinienfes presbyteri sibimet arrogabant, post baptismum, non inter baptizandum usurpata. Nec te permoveat, quod Gregorius ait *baptizandos*; nam scripserat paullo supra, *Pervenit quoque ad nos quosdam scandalizatos fuisse, quod presbyteros chrismate tangere eos, qui baptizandi sunt, prohibuimus*; ubi vides *baptizandos* dici jam baptizatos; quod nempe infantes, qui baptizabantur, eodem fere tempore confirmarentur. Deinde concessionis ejus restrictio, *ubi Episcopi defunt*, evincit Gregorium de illa chrismatione loquutum, quæ Episcopis reservatur. Quare lectio, quæ habet *baptizandos* ob veterum Codicum auctoritatem commode retinetur, tametsi conatur illam eliminare cap. 15. de Sacram. Conf. pag. 77. Joannes Morinus. Nec levis erat Gregorio causa dispensationis illius, scandalum Sardinienfium, vigenfque apud illos consuetudo, sive ex commercio Græcorum, sive ex concessione Sedis Apostolicæ derivata. Quod si Gregorius *formam* verborum non meminit, nec illam eo loci commemorat, ubi ait, *Episcopi ungere debent in fronte*; nec novum atque inusitatum est, sed in scriptis Ecclesiasticis pervulgatum, ut idem sit *Confirmare*, ac, *Frontem signare chrismate*. Sat est perlegere sæpius laudatam Epistolam Innocentii ad Decentium Episcopum Eugubinum cap. 3. Atque hinc patet non errasse Gratianum, qui dist. 95. cap. 2. ait Gregorium *pro scandalo sedando* semel concessisse presbyteri-

byteris facultatem *consecrationis Pontificalis*. IV. Quamvis Eugenius IV. rectè affirmet presbyteros confirmantes adhibuisse consecrum ab Episcopo chrisma; tamen etiam hoc datum quandoque presbyteris, ut chrisma conficerent: quod ego sane non demonstrabo ex Laodicensi, Toletano, & Bracarenfi, aliisque Conciliis, quibus statuitur, ne in posterum presbyter chrisma conficiat, unde Joannes Morinus cap. 13. & Lucas Holstenius cap. 4. de Ministro Confirmat. inferunt presbyteros olim chrisma alicubi consecrassè. Dixi enim supra id a Conciliis reprobari; nec apparere quo jure presbyteri hoc attentarint: sed addo testimonium expressius, de quo Mabillonius tom. 1. Musei Italici, idest, Joannis Diaconi in Epistola ad Senarium scribens: *Sed nec illud tangat animum quod sibi aliquando quaedam vis necessitatis assumit, veluti (quod nunc per African fieri dicitur) ut presbyteri sanctam chrisma conficiant: quod merito moveret, si istam Pontificalis auctoritas licentiam non dedisset: unde constat a Pontificibus quodammodo fieri, quod in tanta rerum necessitate ut a presbyteris effici possit superior Ordo constituit. Quod si potest concedi presbyteris facultas conficiendi chrisma, quemadmodum & ego asserui cap. 5. prop. 4. quanto magis concedi eis poterit licentia consignandi chrismate ab Episcopo consecrato?* V. Non semel Romani Pontifices eandem facultatem presbyteris concessere. Hadrianus Sextus, etsi in iv. sent. docuerat oppositum, eversus tamen ad summum Pontificatum indulget Franciscanis, ut in Indiis administrarent Confirmationem, extatque autographum hujus facultatis exemplar in Cœnobio S. Francisci Hispanensi. Atque ante Hadriani diplomam eisdem Patribus Minoribus per Orientis & Septentrionis regiones facultatem illam concesserat Joannes XXII. ut refert Wadingus ad annum 1447. num. 16. Aliud consimile privilegium Eugenii IV. producit idem Scriptor ad annum 1444. num. 45. Laudat & alia a Nicolao IV. ab Urbano V. & Eugenio IV. emanata: quorum omnium amplissimam confirmationem concessam a Leone X. narrat idem Wadingus ad annum 1521. nec Wadingus solus; etiam Henriquez lib. 3. de Confirmat. cap. 6. Suarez disput. 36. art. 11. sect. 2. Pallavicinus præcitato lib. ix. cap. 7. ut mittam Arcudium, Farvacquesium, Morinum, & recentiores quamplurimos. Addit Arcudius lib. 2. cap. 15. se accepisse a Ludovico Fonseca ex Indiis Romam misso ad Generalia comitia S. J. an. 1593. ab eodem Fonseca, aliisque passim in Indiis hoc Sacramentum administratum indulgentia Romani Pontificis, cujus illic legitimum diploma asseverabatur. Id Patribus Societatis indultum a Gregorio XIII. scribit etiam Basilius Poncius p. 4. cap. 3. ubi ulterius inquit audivisse se nonnullos, *qui ministrasse hoc Sacramentum ex ea dispensatione asseverare*: atque id notavit etiam Farvacquez in Opusculo de Confirmat. pag. 125. Audio Nicolaum L'Her-

L'Herminierum insistentem aliorum recentiorum vestigiis respondere pag. 422. *aut falsum esse data hæc privilegia, aut id factum contra canones, adeoque nullius esse ponderis.* In hanc opinionem inclinat etiam Continuator Witaſſii, qui de hac quæſtione *problematicè* disputat, propterea quod Arcudius cit. cap. 15. pag. 90. scribat diploma Pontificium Hadriani VI. quod Hispali asservatur, datum fuisse *anno 1521. die 25. Aprilis*; cum Hadrianus electus sit die 9. Januarii 1522. atque illud Arcudius Hadriano, Franciscus verò de Pitigianis tribuat Leoni X. Ita Scriptor paulo supra laudatus pag. 471. Ven. edit. Sed quis credat tot eximios, probatosque viros, qui ea diplomata legerunt, & cum iis, quibus concessa sunt, habuerunt sermonem, Wadingum, Arcudium, Basilium Poncium, aliosque fuisse mentitos? Quis etiam audeat violationis canonum insimulare Romanos Pontifices, quorum est ipsorum canonum custodia, moderamen, interpretatio? Unum est, in quo erravit Arcudius, quod nempe diploma anni 1521. tribuerit Hadriano: illud revera est Leonis X. & habetur quoque in Collectione Privileg. Regularium Emmanuëlis Roderici pag. edit. Tournoni 294. Si hunc adeas, percipies quam insulse sint, ineptæque recentiorum quorundam cavillationes: invenies diploma integrum: videbis non solum ministrandi Confirmationem, verum etiam conferendi minores Ordines, *Episcopis in provincia non existentibus*, exercendique alia complura munera Pontificalia facultatem Franciscanus concedi: audies & commemorari concessionem prædecessorum Pontificum, Nicolai IV. Joannis XXII. Urbani V. & Eugenii IV. Atque audacter Rodericum fabricasse proprio Marte Pontificium diploma, arbitror neminem unum, qui id excogitet, futurum fore. VI. Apud Orientales pariter collata fuit presbyteris confirmandi potestas. Photius enim præcitata ad Orientales Patriarchas Encyclica, dum in Latinos invehitur quod Bulgaros confirmatos a Græcis presbyteris iterum confirmassent, quamquam injuriosè debacchatur, supponit jamdudum apud Græcos morem invaluisse, ut presbyteri confirmarent. Ita enim erecta fronte loquitur: *Num reperitur aliquis, qui talem unquam auribus acceperit insipientiam, quam isti mente capti audere non dubitarunt, illos videlicet, qui semel tincti sunt, chrismate iterum chrismantes?* Et ibidem, *Illos qui a presbyteris chrismate uncti fuerant, iterum chrismare ipsi non horruerunt, Episcopos se ipsos iustificantes, & presbyterorum chrisma inutile, & frustra ab illis administrari portentose docentes.* Refert hanc Epistolam Baronius ad an. 863. num. 37. Pagius ad an. 867. num. 3. de ea item loquitur Annalista Bertinianus ad eundem annum num. 42. Flodoardus in Hist. Eccl. Remensis lib. 3. cap. 7. Ex qua Epistola inferitur etiam ante exortum Photianum schisma presbyteros in Græcia chrismasse. *Quis enim*, inquit Holstenius, *bomi-*

nam

*nem cetera recordem, Patriarchis summis Orientalis Ecclesiae prae-
sulis hac scripturum, & ad receptam Ecclesiarum consuetudinem pro-
vocaturum existimet, si ipse tum primum novo exemplo contra morem
universalem presbyteris chrismationem permisisset, ceteris Ecclesiis
contrarium observantibus? Accedit ex Epistola Hieronymi ad Evan-
gelum, ex Commentariis in Paulum inscriptis Ambrosio, ex Au-
ctore quaestionum ex utroque Testam. quae omnia monumenta aeta-
tem Photii longe praecedunt, videri, etsi non adeo perspicue, ut
contendit idem Holstenius, apud Alexandrinos ex delegatione pres-
byterum confirmasse. Dictum praeterea paullo supra in Florentino
Concilio Graecos inter Latinosque initam unionem, cum Episcopus
Mitylenensis Eugenio Papae de objectis nostratum *anathemas, & omnes
canonice, & legitime* satisfecisset. Addam modò dissidium de mini-
stro Confirmationis ita fuisse compositum, ut nullum unioni afferret
impedimentum, facta Graecis libertate, ut receptis tribus articulis
de processione Spiritus sancti a Patre, & Filio, de parentis animarum
purgatoriis, ac de praesenti animarum sanctarum gloria, servarent
in aliis morem Ecclesiae suae. Id verò probatur, ex quo nec ex litte-
ris unionis, neque ex actis aliis sacrosancti Concilii constet coactos
fuisse Graecos ad consuetudinem illam repudiandam. Sanctus praeterea
Antoninus Florentinus Archiepiscopus 3. p. Chron. tit. 22. cap. 11.
pag. edit. Lugdun. 531. haec scribit: *Errabant Graeci in tribus com-
muniter, atque his recensitis, in aliis ritibus suis, qui non impor-
tant haresim (licet rationabiliores sint ritus Ecclesiae Occidentalis seu
Romanae) fuerunt permisi manere.* Gregorius item Hieromonachus,
& magnus Protosyncellus in Confutatione Epistolae Marci Ephesii,
quae extat tom. xi. 11. Concil. pag. 739. de Confirmatione scribit, *in
nostra unione nihil habuerunt, quod nobis objicerent (nihil grave,
quod Mitylenensis non dissolvisset) sed cum essemus orthodoxi, habitum
sumus ab orthodoxis orthodoxi, & in ista unionem nostram non habuimus
etiam, quoniam illa ipso die in ista unionem nostram non habuimus
etiam, quoniam illa ipso die in ista unionem nostram non habuimus
etiam.* Propositione praeced. in resp. ad 3. retuli testimonium Gabriels Phi-
ladelphienensis facultatem delegatam presbyteris comprobantis. Igitur
ob haec momenta ex pluribus aliis, quae non videntur adeo in-
conculsa, selecta a nobis & illustrata, assentientibus posse delegari
presbyteris facultatem confirmandi, pollice utroque subscribimus.*

Opp. 1. Liqueat ex argumentis praecedenti positione productis,
sacrarumque litterarum, Patrum, Romanorumque Pontificum fir-
matis auctoritate, solos Episcopos esse Confirmationis ministros,
quoniam soli Episcopi sunt Apostolorum successores, atque confir-
mare neophytos munus est spectans ad apicem Pontificalis dignitatis.
Resp. ea omnia esse accipienda de ministro Confirmationis ordinario,
quandoquidem Romani Pontifices judiciorum Ecclesiasticorum sum-
ma

ma Capita , nec non Generalia Concilia istam nobis interpretationem suppeditarunt , præsertim Eugenius IV. & Synodus Tridentina . Atque eandem comprobarunt Pontifices illi Maximi , qui confirmandi potestatem concessere presbyteris , qui cum Græcis habuerunt vinculum unionis , illorum consuetudinem non reprobantes , & qui sententiam nostram in re tam gravi , in qua agitur de legitimo Sacramenti ministro , sinunt a Theologis innumeris , & JCC. celeberrimis propugnari . Neque dicas sententiam quoque oppositam defendi a pluribus Scholasticorum , Sede Apostolica consentiente . Ex ea , namque , licet falsa , nullum consequitur incommodum . *Quid enim si Episcopi duntaxat confirment ? Nonne proprio funguntur munere ? Nonne Occidentalis Ecclesiæ servant perantiquam consuetudinem ? Doceant ergo quidam Scholastici solos Episcopos esse ministros Confirmationis , non posse id muneris demandari presbytero ; nullum ex hoc errore oritur præjudicium . At si obtineat sententia nostra , eaque falsa sit ; nonne irritæ erunt confirmationes Græcorum ? Nonne illegitimæ concessionēs factæ Missionariis ad extremas mundi plagas profectis ? Nonne sub sacramento nomine impunè ab his fieret divini chrismatis abusus sacrilega ? Necessum est ergo , ut si sententia nostra est falsa , proseribantur cum D. Thoma celebriora scholarum lumina , Jureconsulti omnes , & qui in canones sacrosque ritus ediderunt commentaria . Quod sanè non eveniet , quoniam theorematibus hujus producantur exploratissima munimenta .*

Præterea oppones : At Pontifices declararunt , neque *ex delegatione* posse committi presbyteris , ut confirment . Principio Nicolaus I. mandavit Legatis missis ad Bulgaros , Paulo Populoniensi , & Formoso Portuensi Episcopis , *ut omnem ritum Christianæ fidei , sicut ab ipso instructi fuerant , edocerent gentem illam , ut scribit Anastasius pag. 220. edit. Regiæ Parisiensis .* Idem autem Legati in Bulgariam profecti non solum Photii reprobarunt ordinationem , verum etiam *omnes Bulgariae principes , & subiectos chrismate iterum inunxerunt ,* auctore Metrophane Metropoliita Smyrnenfi in Epist. ad Manuelem Patricium , & Logothetam Dromi , tom. viii. Concil. pag. 387. Atque hinc litium seminarium , & objecta Græcorum , quæ recenset ipsemet Nicolaus I. in Epistola ad Hincmarum apud Baronium ad an. 867. n. 50. inter quæ illud est , *Et insimulare tentant , quoniam eosdem presbyteros chrismate linire baptizatorum frontes prohibemus .* Immo objectum illud in Francorum Annalibus editis a Pitheo , & laudatis eodem an. a Baronio num. 64. his concipitur verbis : *Quod alicubi concessum presbyteris ut baptizatorum frontes liniant chrismate , ex magna causa sit dispensatum .* Itaque nec *ex delegatione* presbyteris fas est confirmare ; alioqui nec legati Pontificii absque sacrilegio iterum chrismassent delinptos a presbyteris Græcis , neque id probasset sum-

mus Pontifex Nicolaus, neque Græcorum objectum censendum fuerat probrosa, falsaque infimulatio. Insuper Innocentius III. cap. 4. *Quanto*, Extra de Consuetudine, ad Lucium Vicarium apud Constantinopolim constitutum hæc scribit, *Pervenis sane ad audientiam nostram, quod quidam simplices Sacerdotes apud Constantinopolim ea Sacramenta præsumunt fidelibus exhibere, quæ ab Apostolorum tempore ritû fuerunt solis Pontificibus reservata, ut est Sacramentum Confirmationis, quod chrismando venatos soli debent Episcopi per manus impositionem conferre.* Et infra, *Discretionis tuæ per Apostolicæ scripta præcipiendo mandamus quatenus omnibus presbyteris distinte prohibeas, ne talia de cetero sua temeritate præsumant.* Pariter Innocentius IV. in Constitutione *Sub Catholice*, edita anno 1254. cum accepisset inter Archiepiscopum Nicolsensem, & ejus suffraganeos Latinos ex una parte, & Episcopos Græcos Regni Cypri ex altera, de quibusdam articulis discordiam fuisse subortam, rescripsit Episcopo Tusculano Legato Apostolicæ Sedis, mandans ut quædam ferverentur, inter quæ §. 2. id præscriptum est, *Soli autem Episcopi configentur chrismate in frontibus baptizatos, quia hujus unctio non debet nisi per Episcopos exhiberi.* Ad hæc Clemens VIII. anno 1595. ut diximus capite præcedenti, jussit, *ut Episcopi Latini infantes, seu alios baptizatos a presbyteris Græcis de factò chrismate in fronte consignatos confirment;* quod cum minimè mandatum sit ob Græcanicæ formulæ deficientiam; cur, quæso, jussum est, nisi quia presbyter, etiam Græcus, avitumque morem sectatus, tanquam minister illegitimus, contulit sacramentum nullum, ac irritum? Idem denique, quod Clemens VIII. statuit confirmavitque præterito anno 1742. in *Constit. Etsi Pastoralis*, Sacramentariarum rerum, veterumque rituum, si quis unquam, scientissimus BENEDICTUS XIV.

Resp. Cum presbyter sit minister sacræ Confirmationis *extraordinarius* duntaxat, & *ex delegatione*, illud semper Romana Ecclesia in Græcis damnavit, quod existimarent horum nonnulli presbyterum esse hujus sacramenti *ordinarium* ministrum, inductamque apud illos consuetudinem talis esse roboris, ut quamquam Græci presbyteri Latinis Episcopis subjiçiantur, aut summus Ecclesiæ Rector, Romanus Pontifex jubeat, ut iidem presbyteri servant consuetudinem Occidentalis Ecclesiæ, in qua consignant soli Apostolorum successores Episcopi, & nonnisi perrard, & urgenti aliqua causa impellente, id muneris presbyteris fuerit delegatum; adhuc tamen iidem Græci; schismatum amatores, & disciplinæ Ecclesiasticæ ignari contendunt posse suæ gentis presbyterum ubique terrarum neophytos consignare. Quod utique supinus est error: cum *signare frontem* baptizatorum spectet *ordinario jure* ad solos Episcopos; ad presbyteros autem *delegatione* tantum, atque indulgentia; immo & ad hoc necessaria

faria fit, ut dicam infra, aut permissio summi Pontificis, & expressa concessio, ubi degunt Latini Episcopi; aut universalis consuetudo, & summi Pontificis tolerantia, ubi sedent Episcopi Græci. Faciunt ergo ad errorem illum eliminandum commemoratæ nuper Pontificæ Constitutiones. Ac primum quantum attinet ad Nicolaum, missa ea questione, an omnium primi Christianam fidem in Bulgaria disseminarint Græci, an Latini; certissimum est an. 866. Regem Bulgarorum Michaellem, missis Romam filio suo pluribusque Regni proceribus, a Nicolao postulasse, ut ad se Latinos Episcopos presbyterosque dirigeret. Hoc enim tradunt ipse Nicolaus in Epist. 70. ad Hincmarum, Anastasius in ejus Vita, Annales Bertiniani, ac Fuldenses, & Historici alii quamplurimi. Cum autem Legati ad Bulgaros pervenissent, invenerunt dogmatum ac rituum maximam confusionem, atque inter Græcos, Armenios, aliosque, Apostolos & veros, & falsos, etiam presbyteros Photianos, qui chrismate a Pseudopatriarcha consecrato illic neophytos consignabant: quidam etiam Græci presbyteros se jactabant, cum non essent; omnesque chrisma tantum in Græcia nasci, nos aquam fluminis pro chrismate adhibere criminabantur. Quæ omnia constant ex Rescriptis Nicolai I. ad Consulta Bulgarorum, Tom. VIII. Concil. pag. 516. & ex præcitata Epistola ad Hincmarum pag. 470. Tunc verò temporis Bulgaria subgiebatur Apostolicæ Sedi: quoniam, ut affirmant in VIII. Synodo Generali eodem Volum. pag. 893. Legati Romanæ Ecclesiæ, Bulgaris annuentibus, jam ipsi Romanæ Ecclesiæ subiecta erat utraque Epirus, totaque Thessalia, atque Dardania, in qua & Dardania civitas, cujus patria Bulgaria a Bulgaris dicta est: deinde ipsi Bulgari Sedis Apostolicæ semet specialiter patrocinio, & ordinationi commiserant, atque Sacerdotes Romanos ultronea voluntate elegerant sibi magistros: exceperant præterea cum honore Legatos Nicolai, & Imperator Bulgarorum Michael capillis comprehensis, in omnium conventu dixerat, *Omnes Primate, & cuncti populi Bulgarorum terra cognoscant ab hodierna die me servum fore post Deum beati Petri, ejusque Vicarii*. Videfis Lupum tom. 2. pag. 1405. Ideo ergo Episcopi Latini confirmarunt Bulgaros, tametsi consignatos a Græcis, quoniam hi missi fuerant a Photio *moecho, & invasore*, ideoque non erant *legitime delegati*; & consignabant præterea in provinciis Sedi Apostolicæ subiectis, atque renitente Rectore Ecclesiæ supremo. Contendebant insuper Photiani illi presbyteri, ut constat ex Annalibus in objectione laudatis, non esse *ex dispensatione*, quod alicubi presbyteri liniant chrismate frontes baptizatorum; & idcirco præfracte consignare audebant adversus inhibitiones Romanæ Sedis, sacrilege, illegitime, pervicaciter. Dicam nunc de Inoc. III. Revela ejus Rescriptum cap. *Quanto*, præcitatis verbis comprehenditur,

etiam in edit. Romana Decretalium an. 1582. pag. 87. Spectat tamen ad solos presbyteros Latinos Constantinopoli commorantes; unde ita lectio restituenda est, *Omnibus Latinis presbyteris apud Constantinopolim constitutis*. Ita legunt Jureconsulti recentiores cum Emmanuele Gonzalez tom. 1. pag. 166. in quam lectionem cum intendissem animum, adverti similiter legi in editione Aantuerpiensi anni 1570. pag. 38. atque in Romana elegantissima Epistolarum Innocentii an. 1543. pag. 396. ne alias commemorem minoris pretii. Quare constat cap. *Quanto* prohiberi Latinis presbyteris inter Græcos degentibus, ne sibi concessum putent, quod toleratur in Græcis. At Innocentius IV. in sola Cypri insula, non in reliquis Ecclesiis Orientalibus jussit, ut soli Episcopi consignarent, propterea quod subortus circa hanc materiam dissidiis, melius est, ut Occidentalis Ecclesiæ, quam Orientalis serventur ritus, atque dum adsunt Episcopi Confirmationis ordinarii ministri, non consignent presbyteri. Hinc in eadem Constit. §. 2. jubet Pontifex, ut in eodem Cypri regno Græci in unitionibus, quæ circa baptismum fiunt, morem Ecclesiæ Romanæ teneant & observent; cum tamen presbyteri Albanenses inungant pectus, medium dorsi, aures, pedes, ac manus, quod apud nos non servatur: atque in hoc ritu impediendos non esse, nisi adsit contraria consuetudo, definiat BENEDICTUS XIV. in prælaudata Constitut. *Esse Pastoralis*, §. 2. num. 3. De Clemente VIII. dictum supra, prohibuisse eo loci summum Pontificem Græcis presbyteris baptizantibus, ne consignent, ac mandasse ut prætermittant, quæ in ipsorum Euchologio sequuntur post illa verba, καὶ μετὰ τὴν ἑυχὴν, usque ibi, εἰτα πρὸς ὁ ἱερεὺς ἔχουα κίχλιν, hoc est, Et post orationem, (ubi habetur forma hujus consignationis) usque ad verba, *Postea facit sacerdos figuram circuli*. Dictum quoque Clementem id præscripsisse Græcis, aut Albanensibus degentibus sub Latinis Episcopis, non ceteris univrsis; immo & prudentissimè hortatum esse, ut Latini Episcopi confirmantes neophytos obsignatos in fronte a sacerdotibus Græcis, cum cantela, & sub conditione id faciant. Igitur a Clemente VIII. permittitur, ut, ubi Latini non sedent Episcopi, teneatur mos pervetus, siquidem decreta sua his limitibus coarctat & circumscribit. Atque idem non solum præstat sapientissimus BENEDICTUS dirigens Constitutionem *Esse Pastoralis* ad Italo-Grecos in Italia, ejusque insulis adjacentibus commorantes, sed ulterius sensum Clementinæ definitionis ad hunc modum accurate & perspicue exprimens: *Episcopi Latini infantes, seu alios in suis diocesis baptizatos a presbyteris Græcis absolute chrismate in fronte consignatos confirmant; cum neque per Prædecessores nostros, neque per nos Græcis presbyteris in Italia, & in Insulis adjacentibus, ut infantibus baptizatis sacramentum Confirmationis conferant, facultas concessa sit, aut concessa*.

concedatur; quin imo usque ab anno 1595. a *fel. rec. Clemente VIII.* Prædecessore nostro fuit presbyteris Italo-Græcis expresse interdictum, ne baptizatos chrismate consignent. Secus sub conditione, & cum cautela eos confirmare debent, de quibus verisimiliter dubitari potest utrum ab Episcopis Græcis ordinem Baptismi juxta eorum Eucologium servantibus, fuerint baptizati. Videsne Romanos Pontifices locutos de Græcis presbyteris Latino Episcopo subjectis? Vides ideo nullam irritamque esse consignationem istorum presbyterorum, quia a Romano Pontifice illis in Italia, & insulis adjacentibus non conceditur confirmandi facultas? Vides idem asserendum non esse de Græcis presbyteris constitutis sub Episcopis item Græcis, a quibus finit Romanus Pontifex teneri hac in parte instituta majorum, nec idem affirmandum fore de Occidentalibus, si horum alicui urgente de causa Romanus Pontifex impertiretur *extraordinariam* confirmandi facultatem? Tene igitur quod in eadem Constitutione §. 1x. num. 24. Papa BENEDICTUS declarat, his nempe, quæ pro Italo-Græcis concessa sunt, aut prohibita, nullum quantumvis minimum præjudicium inferri Græcorum in Oriente sub propriis Catholicis Episcopis, Archiepiscopis, vel Patriarchis commorantium; & aliarum Christianarum nationum quorumcumque Rituum a Sancta Sede approbatorum, seu permissorum juribus qualibuscunque, si qua illis de jure, vel ex consuetudine, vel alias quomodolibet legitime competant. Inter ea verò, quæ in Græcis hujusmodi permittuntur, est collata a presbyteris baptizantibus Confirmatio.

Opp. ulterius: Concilium Senonense celebratum anno 1528. non, ut vulgo fertur, anno præcedenti, tricesimo octavo decretorum inquit: *Quoniam Abbates nonnumquam attentant manus Confirmationis conferre, idque venditant ex consuetudine præscripta ad se pertinere; nos attendentes hanc impositionem manuum a Christo primum institutam, & ab Apostolis receptam, solis Episcopis (qui Apostolorum sunt successores) reservatam, consuetudinem hujusmodi, quæ potius corruptela dicenda est, reprobamus.* Si ergo Abbates confirmare non possunt, quanto minus inferiores presbyteri? Vide tom. xlv. Concil. pag. 480.

Resp. ex Concilio Senonensi id unum colligi, Abbates non posse *ordinaria* potestate, quam sibi ex *præsumpta consuetudine*, numquam in Occidentali Ecclesia universim recepta, sibi met arrogabant, confirmare neophytos & calices consecrare: nequaquam verò inde inferri, non posse Abbatibus hanc delegari facultatem. Hinc verbis proximis legimus, si Abbatum aliquis affirmat se tali potestate præditum, non quidem *ex consuetudine*, sed *ex privilegio*, teneatur ejusdem privilegii authenticas litteras exhibere: quod potius probat (inquiunt J. CC. apud Em. Gonzalez tom. 1. pag. 172.) aliis ab

Epis-

Episcopis facultatem confirmandi possit *ex privilegio* competere. Verba autem Senonensis Concilii hæc sunt: *Quod si qui sint, qui contendunt sibi competere hanc facultatem ex privilegio; volumus, quod cum primum fuerint requisiti a Suffraganeis nostris, de privilegio fidem facere teneantur. Et idem statuimus observandum, quantum ad illos, qui calicem consecrationem attentant.* Idem, quod de Abbatibus, dicendum est de Chorepiscopis; quos certum est aliquando non solum confirmasse, sed etiam minores ordines, & subdiaconatum contulisse, ut scribit Isidorus lib. 2. de Offic. Eccl. cap. 6. pag. Rom. edit. 19. & constat ex canone 3. Concilii Regensis celebrati an. 439. tom. 111. Concil. pag. 1287. Quos tamen Chorepiscopos non potuisse *ordinaria* potestate baptizatos confirmare, perspicuum est ex Epistola v. Damasi tom. 2. Concil. pag. 879. ex Epistola Joannis III. ad Episcopos Germaniæ, & Galliæ, tom. v. pag. 823. ex canone v11. Concilii Hispalensis 2. eodem tomo pag. 1666. ex Capitulis Ecclesiasticis Caroli Magni, tit. 1v. cap. 2. ex Concilio Meldenfi celebrato anno 845. canone 44. tom. Conc. v11. pag. 1833. atque ex aliis Ecclesiasticis monumentis; quæ nunc prætermitto, propterea quod de Chorepiscopis alio in loco sit pertractandum.

Denique oppones: Potestas confirmandi, quæ ordinario jure competit solis Episcopis, non est potestas jurisdictionis, sed Ordinis; si enim foret potestas jurisdictionis, posset quoque consignare Episcopus electus, & nondum consecratus, immo & Diaconus, & simplex Clericus Episcopo consentiente: aut ergo ea confirmandi potestas etiam presbyteris ordinario inest jure, aut nulli potest extraordinaria delegatione committi. Et probatur consequentia ista: enim verò vel Episcopo competit potestas hujusmodi, quæ Ordinis est, ratione consecrationis sacerdotalis, aut ratione consecrationis Episcopalis. Si primum affirmes; igitur quilibet sacerdos tali consecratione insignitus, saltem valide, confirmabit, tametsi Episcopus id vetet, prohibeatque: si verò pronuntias alterum; nulli ergo presbyterorum potest ea facultas committi, nisi prius in Episcopum sit consecratus.

Respondetur, valde nos mirari quod hæc argumentatio adeo perdifficilis videatur Scholasticis, ut in ea diluenda tam diversæ tradantur rationes, ut quidam in his exponendis septem infumat paginas. Dicimus nos Episcopum ex propria consecratione, (aut imprimat hæc peculiarem characterem, aut sit major characteris presbyteralis ampliatio & extensio,) nancisci ut sit Sacramenti Confirmationis *ordinarius* minister; & presbyterum ex consecratione Sacerdotali, cui nequaquam est illa characteris, atque potestatis amplitudo, habere, ut possit esse Confirmationis minister *extraordinarius*: eo ferme pacto, quo Episcopus habet ex propria consecratio-

ne , ut conferat Ordines ; & presbyter ex confecratione fua tantum habet , ut ordinare valeat , fi id ei committat Romanus Pontifex . Cuius rei fi caufam rationemque expoftules , hanc unam proferimus ; quoniam Epifcopi Romani , fummiq; Paftores Confirmationem collatam ab Epifcopo confecrato femper validam cenfent ; a presbytero autem non ita , nifi obtinuerit a Sede Apoftolica facultatem . Docet ergo hac praxi Ecclefia , Epifcopum confecratione fua *affu* huius Sacramenti miniftrum conftitui , presbyterum confecratione facerdotali acquirere potentiam quamdam , five *aptitudinem* , ut poffit conftitui : nec video quid hæc refponfio præferat difficultatis . Ab ea parum recedit Bellarminus de Confirmat. cap. 12. Sylvius in 3. p. q. 72. art. 11. Farvacques in Opufculo fæpelaudato pag. 128. Tournely pag. 285. aliique viri percelebres : tametsi permulti quæ perfpicua funt , ut plurimum , reddant obfcura . Corruit eadem refponfione quod urget Eftius dift. 7. §. 21. ex cap. penultimo , Extra de Consecrat. Eccl. vel Alt. ubi legitur de Epifcopo ; *Quæ ordinis Epifcopalis funt , non potest inferioris gradus clericis demandare* . Nefcio , cur Vitaffii Continuator pag. 481. fcribat in nullis decretis canonicis hæc haberi . Adeat Decretalium lib. 111. tit. 40. cap. *Aqua per Epifcopum* , eaque adinveniet . Sed quid inde ? Non potest presbyter effe Confirmationis *ordinarius* minifter , id enim eft ordinis Epifcopalis ; nec potest Epifcopus demandare inferioribus Clericis , ut confirmet ; quod potest tamen demandare fummus Pontifex . Nihil aliud inferas ex eo capite : quin Eftius revincitur exemplo eo loci producto Chorepifcoporum , fi quidem hos aliquando *ex delegatione* confirmaffe liquet ex præcitata Regenfî Synodo . Addo in capite *Aqua* fermonem fieri de reconciliatione Ecclefie , quam in provincia Bracarenfi fimplices Epifcopi faciebant aqua per Epifcopum benedicta , & Refcripto ad Epifcopum Afturicenfem prohiberi huiusmodi reconciliationes , eo quod fpeârent ad potestatem ordinis Epifcopalis ; & nihilominus eodem capite Gregorius IX. tolerat , & ratas habet reconciliationes hætenus factas per fimplices facerdotes : ideoque ex hoc ipfo capite , quod obijcitur , apertè conftat , poffe fumum Pontificem committere presbyteris quædam , quæ funt Ordinis Epifcopalis .

PROF. III. Ut valide poffit simplex presbyter confirmare , neceffaria eft in Ecclefia Occidentali Summi Pontificis delegatio ; in Orientali autem perantiqua , & univerfim recepta confuetudo , quam idem Romanus Pontifex aut approbet , aut faltem permittat .

Quamquam enim oppofitum docere videantur Iedefma , Alphonfus Salmeron , Layman , ac ex noftratibus Baffius Poncius , Farvacques , Vanroy , idque fumatim quidem , fed crudité nitarur demonftrare cap. 5. ac duobus fequentibus Lucas Holftenius ; hi tamen , noftri præfertim instituti , loquuntur Romani Pontificis re-

serva-

servatione seclusa, ac longe probabilior est sententia aliorum serè omnium recentiorum, ac veterum Theologorum, afferentium penes Episcopum non esse dispensare cum presbytero, ut sacramentum hoc possit administrare. Atque hanc sententiam principio veram esse comonstrat quod ait Eugenius IV. aut de Sardinienfibus, aut de quibusdam aliis presbyteris, aliquando hoc administrasse Sacramentum *per Apostolica Sedis dispensationem*. Eo quoque spectant definitiones permultæ Pontificum, atque Conciliorum; quæ declarant confirmandi munus pertinere ad apicem Pontificatus, sive ad Ordinem Episcopalem: quoniam etsi Episcopus possit presbytero, imo cuivis Clerico demandare quæ *iurisdictionis* sunt, ut mox repetam, nequit tamen illis committere, quæ sunt *Ordinis*. Præterea Clemens VI. in litteris ad Patriarcham Armeniorum, apud Raynaldum ad an. 1351. num. 12. hæc scribit sedulo a Theologis, qui tenent oppositum, expendenda: *Primo de Consecratione chrismatis, si credis quod per nullum sacerdotem, qui non est Episcopus, potest chrismatum & debite consecrari. Secundo si credis, quod sacramentum Confirmationis per aliam, quam per Episcopum, non potest ex officio ordinarie ministrari. Tertio si credis quod SOLUM per Romanum Pontificem, plenitudinem potestatis habentem, possit dispensatio sacramenti Confirmationis presbyteris, qui non sunt Episcopi, committi. Quarto si credis, quod chrismati per quoscunque sacerdotes, qui non sunt Episcopi, nec a Romano Pontifice super hoc commissionem, seu concessionem aliquam receperunt, iterum per Episcopum, vel Episcopos sint chrismandi*. Quid expressius, quid clarius produci potest? Nunquid hæc Scholasticos disputatores fugerunt? Num distinctiunculis eludi possunt, aut emolliiri? Accipiant, si id non sufficit, recentissimam constitutionem. Diximus paullo supra BENEDICTUM XIV. declarasse irritas, nullasque Confirmationes collatas a presbyteris Italo-Græcis, hac producta ratione, *Cum neque per Prædecessores nostros, neque per nos Græcis presbyteris in Italia, & in insulis adjacentibus, ut infantibus baptizatis Sacramentum Confirmationis conferant, facultas concessa sit, aut concedatur*. Postremo rationem quoque assignavimus ex cap. *Ayas*, Extra de Consecrat. Eccles. vel Alt. quoniam scilicet Episcopus *quæ ordinis Episcopalis sunt, non potest inferioris gradus clericis demandare*. Subscribendum proinde absque ulla hæsitacione censemus auctori Glossarum in Decretales Gregorii IX. lib. 1. tit. 4. de Consuetudine, cap. *Quanto*, scribenti: „Episcopi licet ipsi possint chrismare, non possunt id aliis inferioribus demandare, qui hoc ex officio facere non possunt: sed alii Episcopi, vel Archiepiscopi possunt hoc facere in Diocesi alterius Episcopi de ipsius licentia. Episcopi enim ea, quæ sunt jurisdictionis, ut puta judicare, excommunicare, & similia, committere possunt aliis, etiam

etiam non habentibus iurisdictionem : ea vero quæ sunt ordinis Epifcopalis & auctoritatis, non poffunt demandare, aut etiam delegare aliis, qui funt inferioris gradus, De consecr. Eccl. vel alt. cap. *Aqua*. Argumento hujus decreti videtur quod Papa non poffit hoc delegare fimplici Sacerdoti : fed Papa non fubjicitur legibus ff. de Legibus L. *Princeps* 9. q. 3. *Cuncta* : unde poteft committere fimplici facerdoti, ut cap. *Pervenit*, dift. 50. num. 9. „

Neque enim quidquam evincunt adverfariorum argumentationes. Inquunt hi, Epifcopum eſſe *paſſorem ordinariam* in diœceſi ſua, quemadmodum Papa in orbe univerſo. Sed quid inde ? Ergone habet Epifcopus plenitudinem poteſtatis, quam habet ſummus Eccleſiæ Paſtor ? Ergone poteſt Epifcopus demandare preſbytero, ut conferat minores Ordines ? Ergone tam quæ ſunt *iurisdictionis*, quam quæ ſunt *Ordinis* Epifcopalis, poteſt committere Clericis gradus inferioris ? At id prohibent Eccleſiaſtici canones. Addunt confirmaffe olim abſque Pontificio conſenſu in Occidentali Eccleſia Chorepiſcopos, & etiamnum in Orientali confirmare preſbyteros ; complices quoque Synodos, ut Illyberitanam, Toletanam ſecundam, Arauxicanam primam, aliasque preſbyteris idem munus, abſente Epifcopo, demandaffe. Verum & hæc nihil probant. Nam, ut mittam quæ ſupra animadverti, Chorepiſcopis facultatem confirmandi fuiſſe non ſemel denegatam, hoſque canones accipiendos non eſſe de Confirmatione Sacramentali, nego preſbyteros tali poteſtate donatos, Romano Pontifice diſſentiente ; ſed affirmo, ubicunque vigit conſuetudo, ut confirmarent preſbyteri, ſummum Pontificem conſuetudinem illam approbaſſe tacito ſaltem conſenſu, illam videlicet non corrigendo ; poſtquam verò in preſbyteris Italo-Græcis eandem conſuetudinem correxit, & reprobavit ; cum in his, tum in Latinis omnibus requiri expreſſam, apertamque ejuſdem ſummi Pontificis permiſſionem : quod ſatis, ut mea fert opinio, apparet ex dictis.

A N N O T A T I O.

Cur in perdifficili hac quæſtione, & præſertim in ſecunda theſi dilucidanda omiferim plura in Theologorum lucubrationibus diſperſa, quæ utique nullius fuiſſet operis aut exſcribere, aut mutilare, aut in unum colligere, ac potius dederim operam, ut infererentur firmiora, ſuis tamen in fontibus perſpecta, rerumque acceſſione & pondere locupletata, paucis eſt lectori humaniſſimo aperiendum. Principio quod proferit illuſtris Sylviuſ præcitato art. 11. de Anania, qui Saulo manum impoſuit ; ad ſententiam firmandam noſtram minus valere hinc apparet, quòd illa manus impoſitio non fuerit *Confirmatoria*,
26.VII.

soria, nec liquido constet Ananiam Episcopali charactere non fuisse condecoratum. Deinde canones ab Holstenio cap. 3. & a Morino 13. & 17. productos non adhibuimus in postrema thesi stabilienda, propterea quod perperam accipiuntur de *chrismatione frontis*, ut diximus prop. 1. ad 2. oppositionem. Eadem rationem habuimus vicefimi canonis Synodi Toletanæ; tamen Farvacques q. 1v. §. 3. ejusque sectatores Vanroy tom. 1v. pag. 175. & Piette tom. v. pag. 424. negent ibidem agi de *chrismatione tantum verticali*; immo Holstenius cap. 7. scribat eos, qui id reponunt, auctoritatem canonis eludere putido, frigidoque responso, ac prodere summam ignorantiam Ecclesiasticæ antiquitatis, quoniam in veteri Ecclesia erat una & sola *chrismatio*, & Innocentius I. eam divisit in *frontalem*, & *verticalem*; hæc tamen omnia a me supra fuerunt dispuncta: imo vir præstantissimus, dum aliorum carpit, & vellicat ignorantiam, non advertit Toletanam primam Synodum illud præscribere, quod ab ætate Sylvestri in consuetudinem receptum fuerat. Quod enim, Holstenius ait, Sylvestrum permisisse presbyteris omnibus *unctionem Sacramentalem in fronte*; idque perspicue tradere Anastasium Bibliothecarium, sive Auctorem, quisquis sit, libri Pontificalis, falsum id est: neque *in fronte* legitur in Sylvestri decreto. Vide Anastasium tom. 2. pag. 302. & notas eruditorum pag. 306. necnon observat. Menardi in lib. Sacram. Greg. tom. 3. pag. 385. Nullam præterea in eadem thesi vim habent quæ scribit prælaudatus Innocentius. Primus Epist. ad Decentium cap. 6. non esse energumenis manum a presbytero, vel diacono imponendam, *nisi Episcopus auctoritatem dederit id efficiendi*: unde inferunt Joannes Morinus cap. 16. atque Holstenius cap. 2. posse *presbyteros*, & *diaconos* consignare Episcopi auctoritate & præcepto. Nam, præterquamquod Diaconis nec Græci concedunt, ut chrismant, decipiuntur qui unctionem, atque impositionem manuum factam fonticis atque energumenis censent esse *chrismationem Sacramentalem*; cum semper in Ecclesia consuetum, fuerit vexatos a dæmone per impositionem manuum, orationem, signum crucis, atque inunctionem factam sacro oleo expiare, non ut reciperent sacramentum Confirmationis, sed ut a vexatione liberarentur; quod utique Episcopi auctoritate facere possunt presbyteri, alique clerici. Atque id exquisitis exemplis demonstrat auctor adnotationum ad præcitatum Morini caput, pagina 79. & sequenti. Adde non sibi recte constare Morinum, qui cap. 13. pag. 65. scripserat, *nunquam* licitum fuisse *Diaconis* confirmare, *neque apud Latinos, neque apud Græcos*. Infirma quoque videntur mihi ad demonstrandam potestatem confirmandi factam presbyteris nonnulla Patrum testimonia, quæ post Arcudium idem Morinus, Bassilius Ponticus, alique complures producunt; & quæ detorquet calidius, verus-

Tutusque Dallæus ad sententiam hæreticorum, afferentium presbyteros esse ministros Confirmationis ordinarios. Afferunt Scriptorem. Constitut. Apostolicarum ita lib. vii. cap. 22. pag. 368. loquentem, *ὁ ἐπίσκοπος ὁ βαπτίζων ἐν ὀνόματι τοῦ πατρὸς καὶ τοῦ υἱοῦ καὶ τοῦ ἁγίου πνεύματος*, &c. De Baptismate, ο Episcopo, aut presbyter, jam antea constitutum. Deinde, *ἔπειτα δὲ πρὶν ἐλαίῳ ἁγίῳ. ἔπειτα βαπτίσων ὕδατι. καὶ τέλος τῷ ὑδατίῳ μίμῃ*: Unges autem prius oleo sancto: deinde baptizabis aqua; & postremo signabis unguento. Ergo (inquiunt) etiam presbyter potest chrismate consignare. Sed hanc illationem non percipio; siquidem Auctor ille brevi præstringit quæ antea constituerat, videlicet lib. 3. cap. 18. pag. 288. ubi tradiderat, baptismum Episcopis vel presbyteris, unctionem autem chrismatis soli competere Episcopo. Vide cap. 2. prop. 2. Itaque *divisim* accipienda sunt quæ ex libro vii. proferuntur, ita, ut baptismus aut Episcopo, aut presbytero, chrismatio Episcopo tantum, non utrumque utrique conveniat. Idem iudicium ferendum est de Dionysio; seu Auctore Operis de Ecclesiastica Hierarchia, ex quo obijciunt quæ leguntur cap. 5. pag. 360. *ἀναστὰς τὸ ἱεὺς διὰ τὸν ἁγίον πνεῦμα ἐν τῷ ὀνόματι τοῦ πατρὸς καὶ τοῦ υἱοῦ καὶ τοῦ ἁγίου πνεύματος*: numquam sacram divinamque generationem Sacerdos peraget absque divinis unguento. Non enim ait unguento liniendam frontem a sacerdote; sed eo loci demonstrat vim Hierarchiæ, ut diximus prop. 1. ad 3. in eo sitam, quod Pontifex perficiat chrismate quos presbyter regeratur aqua: unde paraphrasis Pachymeris pag. 380. habet, *Ἀντὶ τούτου οὗτος ἐστὶν ὁ ἵερος, ὅτι ἐν τῷ ὀνόματι τοῦ πατρὸς καὶ τοῦ υἱοῦ καὶ τοῦ ἁγίου πνεύματος βαπτίζει, καὶ ἐν τῷ ὀνόματι τοῦ ἁγίου πνεύματος ἐκρίμαται*, ac præcedenti §. 3. *Ἐκρίμαται οὖν οἱ ἐπίσκοποι, οἱ πρεσβύτεροι, οἱ διάκονοι, οἱ ἀδελφοὶ καὶ οἱ γυναῖκες*. Contendunt docti quidam falli Pachymerem, & corrigendum ex Maximo scribente in eundem locum pag. 374. *Nota, Presbyteris (quos & sacerdotes vocat) non esse consecrandum & consociendum unguentum, quia nec altare deducendum, tamen in eo offerant, uti nec ordinandum. Hac enim solus Pontifex facit, sine quibus presbyter nec baptizabit, nec offeret; ubi autem hæc prius ab Episcopo fuerint consecrata, tum demum sacrum faciet. Verum nec S. Maximus inquit baptizatum a presbytero perungendum, sed ait duntaxat, non posse presbyterum munera implere sua, aut sacrificii, aut solemnisi baptismi, nisi & ipse, & altare fuerint ab Episcopo consecrata; non enim scribit, Sine quibus neque baptizabit, neque unguet, neque offeret, sed, & inquit ὁ ἐπίσκοπος ὁ βαπτίζων, ὁ ἐκρίμαται, ὁ ἐν τῷ ὀνόματι τοῦ πατρὸς καὶ τοῦ υἱοῦ καὶ τοῦ ἁγίου πνεύματος βαπτίζει, καὶ ἐν τῷ ὀνόματι τοῦ ἁγίου πνεύματος ἐκρίμαται, sine quibus neque baptizabit, neque offeret, cautè verbo significante unctionem prætermisso. Neque enim S. Maximus oblitus erat eorum, quæ scripserat supra pag. 268. in Scholiis ad caput 2. Episcopum in Ecclesiastico principatu permanentem eos, qui se convertunt, docere, ungere, confirmare, &*

post baptismum divini muneris participem reddere. Tandem neque ex Chrysoſtomo, aut Oecumenio poteſt oſtendi olim preſbyteros conſignaffe; ac præter horum mentem ſunt argumenta ex Commentarijs in Acta Apoſtolorum petita: ſiquidem docet potius uterque, ut diximus prop. 1. munus & poteſtatem confirmandi fuiſſe *in dñi munus* *et dñi*, donum duntaxat duodecim, ſcilicet Apoſtolorum. Quod verò pag. 96. inquit Morinus, hoc intelligendum eſſe *reſpectu diaconorum, non preſbyterorum*, eſt commentatio violenta, falſa, verbiſque Chryſoſtomi repugnans. Hæc mea eſt de argumentis in appendicem iſtam rejeſtis ſententia. Si quis tamen illis majorem vim, ineſſe contendat; haud injucundam ſibi rem exiſtimet me feciſſe, quod ea conſutando, unde deprompta ſint, & a quibus traſcuntur accuratius, temperata animadverſione prodiderim.

C A P U T VIII.

In quo breviffime agitur de Confirmandis, tum de diſpoſitionibus, quæ in his requiruntur, necnon de hujus Sacramenti neceſſitate.

Dixi de legitimo Confirmationis miniſtro; nunc agam brevi de ſubjecto, ſive Confirmationem ſuſcipiente: eſt enim aliqua ſcitu ſint neceſſaria; non ſunt tamén difficilia, nec diſputationum, ambagibus implicata. Igitur quæritur priori loco, quinam confirmari poſſit, ac ſit ſacramenti, de quo diſſerimus, *ſubjectum* 2. Reſpondemus autem homines omnes, dummodo ſint initiati baptiſmate, eſſe ad recipiendum Confirmationis *characterem* idoneos. Omnes quippe adverſus ſpirituales nequitias, adverſus Chriſtiani nominis hoſtes, adverſus humanæ naturæ imbecillitatem debent Chriſti ſignaculo, & Spiritus ſancti fortitudine corroborari. Hinc Act. 2. legimus, Spiritum ſanctum *totam* impleviſſe domum: quod Doſtor Anglicus q. 72. art. 8. egregiè de effectu hujus ſacramenti omnibus *in domo*, id eſt, in Eccleſia exiſtentibus conferendi, interpretatur. At ſolos baptizatos eſſe confirmandos, inferitur primo ex praxi Eccleſiæ ab Apoſtolis derivata, juxta quam baptizatis tantum dederunt, & dant modo Antiſtites per manuum impoſitionem Spiritum ſanctum; deinde confirmatur ex quo a Concilijs, & Patribus Confirmatio dicatur *conſummatio*, & *perfectio baptizatorum*: demonſtratur præterea ex eo, quod nativitas ſtabilimentum præcedat, priuſque debeat quis ſe principiſ ſuſcipere, quam adſciſci inter milites; ac poſtremo inde ſuadetur, quoniam baptiſmus janua eſt aliorum ſacramen-
torum 4

torum, nec potest. Spiritus Christi particeps fieri, qui in mysticum ipsius Christi corpus nondum est cooptatus. Ob eandem rationem qui non est baptizatus, recipere nequit Ordinis characterem; nisi forte adsit baptismi præsumptio, ut habetur cap. *Si quis*; & cap. *Vocalent*. Extra de Presbytero non baptizato, nec non cap. *Novissime*, de Consecr. dist. v. Si opponas, Censurioni solatum fuisse Spiritum sanctum ante baptismum; eadem respondebo, quæ scripsi Volumine vi. pag. 553. nec opus est modo repetam.

I. I.

Num ergo Confirmationis capaces erant homines infantilis ætatis, ac parvuli? Utique. Hoc enim patet, ex sæpe laudata Epistola Innocentii II. ad Eugubinum Episcopum, in qua cap. 3. legimus: *De consignandis vero infantibus, manifestum est, non ab alio, quam ab Episcopo fieri licere*. In cap. etiam *Si quis*, de Consecr. dist. 4. habemus: *Si vero parvuli sunt, vel habentes, qui doctrinam non capiunt, respondeant pro illis qui eos offerunt, juxta morem baptizandi: & sic per manus impositionem chrismate communiti, Eucharistiæ mysteriis admittantur*. De infantibus quoque locutus est Magnus Gregorius scribens ad Januarium, supra prop. 2. cap. 7. Item S. P. Augustinus tract. vi. in Epist. 1. Joan. n. 10. Habetur præterea inter decreta, Burchardi Episcopi Wormacensis lib. iv. cap. 59. *Annuncient presbyteri populus, ut quæmetius potuerint, suos infantulos ad confirmandum Episcopis presentari faciant. Quod si neglexerint, & presbyter, & populus canonicis disciplinis subiaceant*. Insuper in Ecclesia Occidentali consuetum, olim fuisse infantes statim post baptismum, confirmare, dictum supra, & constat ex Ordine Romano, ubi tit. de Sabbato sancto ista leguntur: *Pontifex egreditur a fonte in Sacrum, habens ibi compositam sedem, ut in Ecclesia, ubi voluerit, & fideat in ea, & cum vestiri fecerit infantes, confirmet eos*. Extant similia in Sacramentario Gregorii. Græci autem etiamnum conferunt una cum baptismo Confirmationem; hujusque consuetudinis quidam Græcorum sunt adeo tenaces, ut puerorum, qui non consignati decedunt, videantur desperare salutem: quod tamen supinam reddet ignorantiam, uti apparebit ex iis, quæ de hujus sacramenti necessitate subjiicientur. Tandem accedit ratio; quoniam defectus ætatis nullum affert impedimentum spiritualium animarum sanctitati; hujusque incremento. Vide præcit. art. 8. ad 2. beatum Thomam. His non repugnat quod parvuli incapaces sint aliquorum Sacramentorum; etenim ideo Pœnitentiam, Extremamque unctionem nequeunt percipere, quia nullum habent peccatum actuale, aut actualis peccati reliquias. Ordinis pariter ac matrimonii sunt incapaces, propterea quod attinent hæc duo ad peculiare vitæ genus propria voluntate ineundum. At Baptismi, Confirmationis, nec non Eucharistiæ

capa:

capaces sunt omnes, qui spiritalem vitam, aut spiritualis vitæ post sunt recipere perfectionem.

Hinc oritur quæstio tertia, an & modo infantes statim post baptismum sint confirmandi, & cur Latina Ecclesiæ veterem disciplinam mutaverit? Quam sanè quæstionem solventes dicimus expectandum esse in confirmandis usum rationis, nisi ob urgentem aliquam causam aliter videatur Episcopo. Septennæ quippe, aut grandiores, pueros esse consignandos statuerunt sub Paulo III. anno 1536. Synodus Colonienfis p. 7. cap. 9. Mediolanenfis: sub Pio IV. an. 1565. Mediolanenfis: sub Gregorio XIII. an. 1576. Mediolanenfis v. sub eodem Pontifice anno 1579. Aquensis, Gregorio ipso. federite, anno 1585. Narbonenfis sub Paulo V. an. 1609. & Synodi aliæ, quarum canones collegit R. Gregorius de Rives pag. 150. Natalis Alex. in hac quæst. Regula v. 111. tom. 2. pag. 667. & Martene de Antiq. Eccl. rit. cap. 2. art. 1. num. 6. Quibus addo Sacramentarium Ambrosianum, Manuale Salisburgense, Synodum & Manuale Cameracense, Bononiensem per Cardinalem Paleotum, aliaque illustria monumenta, de quibus parte v. cap. 1. Basilius Poncius. Gatechismus Romanus p. 2. cap. 3. *Si duodecimus annus* (inquit) *expectandus non videatur, usque ad septimum certe hoc Sacramentum differre maxime convenit.* Ratio eo loci insinuat, quoniam scilicet pueri ante usum rationis apti non videantur ad pugnam, quam pro fide Christi tenemur inire. Rationes alias assignant Theologi apud Estium dist. v. 11. §. 23. quia majus est gratiæ donum, & tenacius inherens, quod vigilante fide, & proprio mentis motu, ac prævia præparatione suscipitur; & quia confirmati meminisse debent hujus sacramenti, in quo levi etiam alapa accepta, admonentur esse pro fide contumelias & verbera perferenda. Prioribus autem sæculis confirmabantur infantes, & quia solemnî baptismo aderant ut plurimum. Episcopi, & quia persecutionibus, hæresibusque grassantibus facilius poterant baptizati corporalis, & spiritualis vitæ subire pericula.

IV.

Solet etiam quæri, an confirmandi sint ægroti, amentes, & fontici, vel energumeni. De ægrotis nulla difficultas esse potest. Confirmandos declarat Concilium Parisiense vi. libro 1. cap. 33. his verbis: *Infirmis & morte periclitantibus, sicuti baptismatis gratia succurrendum, ita incunctanter donum Spiritus sancti est tradendum.* Vide tom. 7. Concil. pag. 1621. Sacramentarium pariter Ambrosianum inquit de Parocho: *Ægrotos nondum confirmatos designabit, eosque Archiepiscopo denuntiabit, ne ingravescente morbo sine hoc sacramento decedant.* Habentur similia in præcitata v. Synodo Mediolanenfi. Nonnulli hanc rationem proferunt, quoniam infirmi cum

mor-

morte sunt luctaturi: & quamvis alii doceant non esse necessarium hoc Sacramentum propter periculum pugnae praesentis, quando mors non infertur propter fidem; defendi tamen potest ea ratio, quate-
nus in morte armari quisque debet adversus demonum oppugnatio-
nes. At S. Thomas praecit. quest. 72. art. 8. ideo censet morituros consignandos esse, ut in resurrectione perfecti appareant: atque hanc
rationem militare tam pro adultis, quam pro parvulis monet in fine
articuli idem S. Doctor. Quamobrem non est inutile, aut inconve-
niens, si etiam parvuli in mortis discrimine confirmantur, ut do-
cent citato paragrapho Estius, Sylvius tom. 1. v. pag. 220. Habert
cap. v. quest. 5. alique permulti. Contraria quidem consuetudo spec-
tat potius commodum Episcoporum, quam decedentium utilitatem.
Amentes, si lucida habeant intervalla, in his debent confirmari: si
perpetuo amentes sint, frustra in eis tempus opportunum attendi-
tur. Tantummodo si in amentiam inciderint gravi peccato inquinati,
quoniam tunc percipere nequeunt effectum Confirmationis, non
sunt sacro chrismate liniendi. Postremo etiam energumeni egent
Confirmatione: immo hujus robore stangunt vires demonum, a
quibus vexantur. Praeceptor Malachiae, ut scribit in hujus vita,
S. Bernardus, inungens puerum *lunaticum* chrismate, ipsum restituit
sanitati: insuperque magicas incantationes vir Christianus eodem
chrismate delibutus, prout narrat lib. 1. de Gloria Martyrum cap.
41. Gregorius Episcopus Turonensis.

In his verbis, qui jam ratione utentes ad Sacramentum istud ac-
cedunt, quoniam requiruntur animi, corporisque dispositiones? In
primis certum nobis videtur ad percipiendum Confirmationis fru-
ctum, praemittendam esse confessionem peccatorum, si confirman-
dus sibi met conscius sit mortalis culpae, quamvis cum Moralis Theo-
logiae pervulgatis Tractatoribus, etiam Ruardus, Dominicus Soto,
& Estius censent sufficere, si quis cum pia devotione, & corde con-
trito ad hoc sacramentum accedat. At Martenius citato capite de
sacris, antiquisque ritibus art. 2. complures laudat canones, &
Constitutiones Ecclesiasticas, praecipientes, ut adulti sacramentalem
confessionem praemittant. Sunt verò decreta illa Odonis Parisiensis
Episcopi, Herardi Turonensis, Guilelmi Maclovienensis, ac Synodo-
rum Colonienensis, Lingonenensis, Senonensis, Carnotensis, Parisiensis.
Adeas Martenium tom. 1. prioris editionis pag. 237. Haec, aliaque pro-
dixerunt quoniam Parvacq. de Sacr. in gen. c. 7. q. 72. Merbelsius 3. p.
Summae Christi. differt. 2. q. 20. Natalis Alexander de Confirm. c. 5.
Continuator Witassii pag. 579. & alii plures. Addere possemus anti-
qua Statuta Ecclesiae Aedicensis, Cadurcensis, Ruthenenensis, Constan-
tensis, Leodiensis, aliaque collecta in Thesauro Martenij tom. 1. v.
pag.

pag. 158. 469. 687. 807. Pauca producam : Burchardus lib. iv. c. 60. canonem affert illum : *Ut jejuni ad Confirmationem veniant perfecti atatis, & moneantur confessiones facere prius, ut mundi donum sancti Spiritus valeant accipere.* Desumptus est ex Capitulari Herardi Archiepiscopi Turonensis, edito anno 818. extatque cap. *Ut jejuni;* de Consecr. dist. 5. ubi attribuitur Aurelianensi Concilio. Sacramentale Ambrosianum ex Instructionibus S. Cardinalis Caroli, Synodorumque Mediolanensium decretis compactum, non solum docet confessionem præmittendam, verum etiam mandat pag. 54. *Ut confessionis præstita testimonium scriptum confirmandi ei præbeant, cui cura hac commissa est.* Catechismus Romanus cit. cap. 3. num. 19. *Qui adulti jam atate confirmandi sunt, siquidem hujus sacramenti gratiam & dona consequi cupiant, eos non solum fidem & pietatem offerre, sed graviora etiam peccata, quæ admiserunt, ex animo dolere oporteat. Quæ in re etiam elaborandum est, ut peccata etiam prius confiteantur, &c.* Manuale Cameracense pag. edit. Plantin. 37. præcipit, ut confirmandi *fiant distinctè Orationem Dominicam, salutationem Angelicam, & Symbolum Apostolorum. Et insuper, ut adulti præmissa confessione illud suscipiant.* Item Salisburgense pag. 92. *Adulti sint a peccatorum sordibus per confessionem purgati.* Cardinalis Lambertini Archiepiscopus Bononiensis, nunc summus Ecclesiæ Pastor, Notif. edita anno 1732. die 15. Septembris plures istiusmodi definitiones affert, approbat, apertissimamque profert rationem ex D. Anton. p. 3. tit. 14. cap. 3. §. 1. quoniam *qui renunciat Gratia baptismali, quod sit per mortale commissam, postea accedens ad Confirmationem cum eo; non confirmaretur in gratia, nec augetur sibi gratia, immo mortaliter peccaret, & magis debilitaretur in anima, quamvis characterem reciperet indelebilem; & hoc nisi restitueretur prius gratia amissa, quod non fit nisi per Pœnitentiam.*

Haud me fugit opponere contrariæ sententiæ defensores nonnullos Provincialium Synodorum canones, quibus confirmandi *admonentur*, non jubentur, confessionem præmittere peccatorum. Hos collegit pag. 580. Vitassii Continuator. Verum admonitiones illæ aut præceptum non excludunt; aut non spectant ad illos, qui conscientia, lethalis culpæ gravantur; aut vim duntaxat habent, si copia desit confessarii. Enimverò præscribunt iidem canones *maximum peccatorum dolorem, compunctionem animi, & confitendi propositum*: quæ omnia nego sincera esse, si contemnatur, quando haberi potest confessarius, Sacramentum Pœnitentiæ. Recole quæ scripsi libro xxx. cap. 18. prop. 3. Quod si opponas, præscribi Ecclesiasticis definitionibus etiam jejunium, sine quo tamen Confirmationis obtineri potest effectus; puto latissimam esse disparitatem, siquidem effectum illum non ita impedit comesse, quomodo gravari peccato mortifero: nec per-

percipio vim consecutionis istius, Possunt sacramenta *vivorum* ritè suscipi a non jejuno, ergo & a *mortuo*. Rectè patria lingua, ut rudiores quoque intelligant, sapientissimus Pontifex BENEDICTUS: *In ordine al Sacramento della Penitenza la ragione è troppo chiara, imperocchè essendo incompatibile la grazia col peccato, benchè non lo sia col carattere, se taluno per sua disgrazia ricevesse in peccato il Sacramento della Cresima, ne riceverebbe il carattere, ma non la grazia, ed aggraverebbe la propria coscienza con un nuovo grave peccato mortale*. Nemo ergo nos rigidiores existimet, quod Volum. vi. pag. 218. eandem sententiam amplexati sumus, eidemque modo adhaerimus.

VI.

At, inquis, aliæ ne præter statum gratiæ requiruntur dispositiones in confirmandis? Sextam mihi proponis quæstionem soluta facillimam. Duo saltem videntur ulterius præmittenda, rudimentorum scilicet fidei notitia sufficiens, orationisque frequentia. Rothomagensis Synodus celebrata an. 1581. de Confirm. num. 1. inquit: *Moneamus omnes paracos, vicarios, & concionatores, ut initio Quadragesimæ, & quoties occasio se obtulerit, de ejus virtute, & utilitate doceant populum*: & sequenti num. præcipit ut adulti profiteantur *symbolum Apostolicum*. Rhemensis an. 1583. num. 3. *Admoneanturque, ut symbolum Apostolorum, & orationem dominicam memoriæ mandent*. Burdigalensis celebrata eodem anno §. x. *Omnibus Episcopis mandamus, ut suarum diœcesum parochias sapius obeuntes, hujus sacramenti vim populo explicent, aut explicandam curent*. Bituricensis anno proximo 1584. tit. xx. idem Ecclesiarum Rectoribus, & scholarum Magistris distincte mandat can. 9. Recitandum quoque symbolum a confirmandis præcipit canone ejusdem tituli quarto. Idem præscribit Concilium Aquisense celebratum anno 1585. Tolosanum an. 1590. cap. 3. Narbonense an. 1609. cap. 15. & Burdigalense an. 1624. cap. v. num. 2. Quæ omnia occurrent pervoluntati volumen xv. Conciliorum. De oratione autem prælaudatum Sacramentale sancti Caroli pag. 53. hæc habet: *Paucis ante ministracionem diebus Parochus in cujus Parochia hujus sacramenti ministratio indicitur, primo orationem publicam instituet, ut sui divinæ gratiæ donæ aberrime recipiant, & sequenti pagina de Confirmandis: In primis frequentiori, & ardentiori religiosa orationis studio devote sese exercent, exemplo sanctorum Apostolorum, qui dum expectarent Spiritum sanctum, perseverantes erant in oratione, & jejunio*. Plura de hac oratione præmittenda tom. v. pag. 319. Ludovicus Habert.

VII.

Commemoravimus nuper jejunium; est ne illud quoque Confirmationi præmittendum? *Contrarius usus obtinuit, esse securus in*
To. VII. con-

conscientia, inquit pag. 156. Franciscus Farvacques; qui & rationem producit, quoniam modo frequenter post meridiem fit confirmatio, *seorsim a baptismo, & communione Corporis Christi*. At liquet, usum administrandi Confirmationem post meridiem esse adversus veterem disciplinam, universalem non esse, neque præscriptum fuisse jejuniū confirmandis ratione tantum communionis. Atque de veteri disciplina videri possunt canones plurimorum Conciliorum sive apud Vicecomitem lib. 1. de Antiq. Baptif. ritib. cap. 29. sive apud Martenium tom. 1. pag. 237. sive apud Witaflen pag. 578. sive apud Josephum Catalanum in Pontif. Rom. tom. 1. pag. 9. non enim necessum est, ut singulos proferamus. Testatur BENEDICTUS XIV. id per duodecim sæcula in Ecclesia servatum, ut jejuni tantum confirmarentur; hujusque rei testem producit Magistrum Sententiarum. Rectè; nam Magister qui obiit die 20. Julii an. 1164. scribit in 1v. dist. 7. n. 4. *Hoc Sacramentum a jejunis accipi, & jejunis tradi debet*. Sed etiam post Magistrum pia illa consuetudo diu viguit, eamque inculcant Synodi posteriores, præcedenti numero laudatæ. Pontificale Romanum jussu Clementis VIII. editum, §. 7. tituli 1. *Confirmandi*, inquit, *deberent esse jejuni*. Sacramentale S. Caroli præcit. pag. 54. *Efficit saltem (Parochus) ut pridie diei Confirmationis jejuniis qui possunt. Dabo recentiora. Cardinalis Vincentius Maria Ursinus in Synodo Beneventana an. 1693. tit. 36. cap. xi. inquit: Laudabilem illam antiquæ Ecclesiæ consuetudinem, ut nonnisi jejuni Confirmationis sacramentum suscipiant, sancta Synodus tenendam hortatur. Idem ad summum Pontificatum evectus definivit in Concilio Romano anno 1725. tit. xxvi. cap. 4. ut sacramentum hoc ministraretur, semper, quoad fieri poterit, de mane in Ecclesia, & jejuni jejunis, maribus a feminis seorsim dispositis, conferant; & adultis, nonnisi sacramentali prius confessione mundatis. Quod servasse illius spiritus, thronique possessorem, regnantem Pontificem maximum, mox dicam. Igitur pervetusta illa consuetudo non fuit universim post duodecimum sæculum antiquata, vigetque adhuc apud præstantissimos Custodes canonum. Affirmo pariter, ubique non obtinere usum confirmandi post meridiem. Oppositum namque demonstrat primò ratio agendi illorum, qui jejuni jejunosque confirmant. Deinde ætate Amalarii Fortunati, qui floruit circa annum 830. administrabatur Confirmatio secundum modum primitivæ Ecclesiæ hora tertia; neque id Episcopus transgrediebatur ob neophytorum ingentem numerum; nam idem Amalarius hoc narrat de Eccl. Off. capite nono ac vicissimo. Insuper observatur adhuc Mediolani Sacramentale frequenter commemoratum S. Caroli: ubi & istud legas: *Constituta die bene mane omnes & mares & femina cum suis patrinis in Ecclesiam suam parochiæ ad signum campanarum conveniant, ut hora tertia confir-**

mari

mari possint. Auenfis pariter Synodus celebrata, ut dixi num. 6. anno 1585. *Studebit* (inquit) *Episcopus hoc Sacramentum bora-
-tertia ministrare, quæ bora ex antiquo usu stata est hujus Sacramen-
-ti, nisi necessitas aliud suadeat*. Afferro tandem non ob percipien-
-dam tantum communionem, sed ob aliam causam manere hoc Sacra-
-mentum esse administrandum, scilicet, quia super Apostolos *bora
-tertia* descendit Spiritus sanctus, cum jejuni essent, ac insisterent
-orationibus; quod & ex dictis consequitur, & affirmat paullo su-
-pra Sacramentale Ambrosianum, & habetur cap. *Ut jejuni*, & cap.
-*Ut Episcopi*, de Consecrat. dist. 5. num. 6. & 7.

Quamvis ergo fateamur posse Confirmationem quovis tempo-
-re ministrari, nec ignoremus quæ tradit S. Thomas q. 72. art. 12.
-ad 2. non esse coarctandum tempus Episcopis in ampla præsertim diœ-
-cesi; neque hætenus dicta servari debeant aliquo imminente peri-
-culo: *ubi tamen congrue observari potest* (inquit eo loci Doctor
-Aquinas,) *convenientius est, ut a jejunis detur, & accipiat*. Sed
-audiendus scientissimus canonum in Pastoralibus litteris datis Bono-
-niæ, die, & anno num. v. prænotatis, atque ita sermone Italo paro-
-chos, plebemque alloquens: *Per parte poi del corpo, oltre la divo-
-ta esterna composizione, essendo Noi disposti ad amministrare questo
-Sacramento la mattina, brameremmo, che chiunque l'accosta a rice-
-verlo fosse digiuno. Per dodici secoli della Chiesa così si è praticato,
-ed il Maestro delle sentenze è testimonio di questa pratica. Dopo il
-duodecimo secolo, conforme attesta S. Tommaso nella p. 3. q. 72. art.
-12. ad 2. s'incominciò a dare anche a chi non era digiuno; ma infi-
-nuandosi nel Canone, Ut jejuni, e nel canone, Ut Episcopi, de
-Consecrat. dist. 5. molto bene considerati dal Venerabile Cardinale
-Bellarmino nel Tom. 3. delle sue controversie lib. 2. cap. 13. in fine,
-che sarebbe bene, che il conferente, e quelli, a quali si conferisce il
-Sacramento, fossero digiuni, e leggendosi nel Pontificale Romano,
-Confirmandi deberent esse jejuni, Noi certamente per noi abbracce-
-remo questo consiglio, ed esortiamo ancora gli altri ad abbracciarlo. Nil
-gravius pro sententia nostra dici poterat, nil clarius, nil melius.*

V I I I.

Tenantur ne baptizati omnes ad Confirmationem accedere? Re-
-pondeo me non subscribere immensæ illi Casuistarum multitudini,
-qui scribunt nullum de suscipiendo hoc sacramento extare præcep-
-tum, ideoque neminem, secluso contemptu, peccare mortaliter
-si non confirmetur. Primum itaque dico, Patres, canones, gra-
-vissimosque Theologos plurimum inculcare sacramenti hujus necessi-
-tatem. S. Cyprianus epist. 70. inquit: *Unq̃ quoque necesse est eum,
-qui baptizatus est, ut accepto chrismate, idest, unctiōe, esse unctus
-Dei, & habere in se gratiam Christi possit*. S. P. Augustinus lib. xvii.

de Civit. Dei cap. 14. docet Christianos non recte vocari, nisi *chrismate unctos*. Gregorius Magnus lib. xiv. Epist. 32. nunc 17. jubet confirmari illos, de quibus prudenter hæsitatur confirmatos non esse, *Ne talis dubitatio ruina fidelibus fiat*. Hæc pauca ex Patribus. II. Inter canones perspicuum est caput *Omnes*, de Consecrat. dist. 5. depromptum ex Epistola Urbani, seu potius Isidoriana, *Omnes fideles per manus impositionem Episcoporum Spiritum sanctum post baptismum accipere debent, ut pleni Christiani inveniantur*. Laodicensis Synodi canon 48. est: *Oportet eos, qui illuminantur, post baptismum inungi supercælesti chrismate*. In canone *De je juni*, citato §. præcedenti, hæc adduntur; *Nunquam erit Christianus, nisi Confirmatione Episcopali fuerit chrismatus*. In Sacramentali Ambrosiano, & Concilio Mediolanensi 1v. legimus: *Illis timendum valde, qui cum potuerint, in resalutari negligentes extiterint. Atque in Confirmationis sacramento suscipiendo negligentes, ut decreto provinciali ex canone Rhemensi cavetur, canonicis subiaceant disciplinis: & præterea parentes, quorum negligentia id factum est ex libro Pœnitentiali pœnitentiam olim egisse annis tribus apparet*. Prætermitto hujus generis plura. III. Tonant eadem voce Theologorum culmina. Hugo enim Victorinus lib. 2. parte vii. cap. 3. inquit: *Timendum est iis, qui per negligentiam amittunt Episcopi præsentiam, & non suscipiunt manus impositionem, idest, Confirmationem, ne forte damnentur, quia festinare debuerunt, dum potuerunt*. S. Thomas 3. p. q. 72. art. 1. ad 3. docet Confirmationem necessariam esse, quatenus cooperatur ad perfectionem salutis, *quavis sine ea possit esse salus, dum tamen non præmittatur ex contemptu sacramenti*. S. Bonaventura in 1v. dist. 7. art. 3. q. 2. *Dieendum est (inquit) quod est necessitas simpliciter, & necessitas conditionata. Simpliciter non est gratia Confirmationis necessaria, sed necessaria ex conditione, scilicet pugnanti, & vincere volenti, sicut comedere necessarium est vivere volenti*. Idem tradit, utiturque eadem comparatione Gerſon in Compendio Theologiæ.

Deinde affirmo hoc Sacramentum non esse necessarium ad salutem *necessitate mediæ*. Id extra controversiam positum est; siquidem si baptizati antequam ab Episcopo confirmentur, & ad usum rationis perveniant, acerbo tollantur funere, cum *nihil damnationis sit in eis, transferuntur in regnum*. Quod Hieronymus asserit etiam de iis, qui *in viculis ac remotioribus locis piè fati cedunt, priusquam invistantur ab Episcopis*. Canon quoque 77. Illiberitanus baptizatis a Diacono plebem regente, si decedant antequam perficiantur per Episcopi benedictionem, salutem tribuit æternam. Sunt inter Theologos aliqui affirmantes Confirmationem necessariam esse *necessitate mediæ*, non quidem ad consequendam salutem, sed ut quis

sit perfectè Christianus. Ita sentit Continuator Witassii pag. 630. quod probat, ex D. Thoma, cujus 3. p. q. 72. art. 6. ad 1. hæc sunt verba: *Sicut nullus consequitur effectum baptismi sine baptisimo: ita nullus consequitur effectum confirmationis sine voto ipsius.* Sed animadvertit Sylvius in art. v. 111. ejusdem questionis, per votum Confirmationis nihil aliud intelligere D. Thomam, nisi voluntatem ultimam implicitam non negligendi, neque contemnendi ipsam Confirmationem, quandoquidem robur & gratia ad fidei professionem necessaria obtineri potest oratione, jejuniis, aliisque bonis operibus. Hæc Sylvius. Possimus tamen proprie Divum Thomam intelligere de necessitate Confirmationis saltem in voto comparatè ad illos, quibus coram tyranno fides propugnanda est, aut subeundum martirium; nam hoc sensu explicat doctorem Angelicum Suarezius Comment. ejusdem articuli sexti: immo quadrat hæc interpretatio difficultati initio articuli propositæ. Auctor librorum de re Sacrament. pag. 349. ait Confirmationem necessariam esse *necessitate mediæ* ad habendum hujus sacramenti characterem. Quis id veritat in dubium? Hoc pacto *necessarium* dixeris tali necessitate etiam Sacramentum Ordinis, ad salutem nequaquam singulis necessarium.

Tertio itaque loco assero Confirmationem necessariam esse sive in re, sive in voto, necessitate præcepti non tantum Ecclesiastici, verum etiam divini, iis, qui vel coram Tyranno profiteri fidem debent, vel adversus Christianam fidem crebris, gravibusque tentationibus exagitantur. Quamquam enim permulti Casuistarum, qui omnium teruntur manibus, ut Layman, Bonacina, Navarrus, nec non Sylvius in 3. p. q. 72. art. 8. ac Suarez disp. 38. sect. 1. asserant nullum dari suscipiendæ Confirmationis præceptum; benè tamen sapienterque scribit BENEDICTUS XIV. Notif. prælaudata, teneri oppositum a Theologis celebrioribus. Certe, ut mittam Estium dist. 7. parag. 18. Natal. Alex. de Conf. cap. 4. prop. 2. Juenin q. 8. concl. 2. Ludovicum Habert cap. 9. Nicolaum L'Herminier tom. 1. de Sacram. pag. 137. Tournely pag. 263. Auctorem librorum de Re Sacr. pag. 348. aliosque præ ceteris hac ætate commendatis, conspirant in eam sententiam nostratium omnes, Basilius Poncius p. 5. cap. 2. Franciscus Farvacques cap. 5. q. 2. Leonardus Vanroy quæst. 9. Fridericus Gaurardi q. 1. art. 6. Immo & Sylvius fatetur non excusari a mortali peccato, qui persecutionis tempore negligeret Confirmationem; ac Suarezius videtur quibusdam parum sibi constare, dum citata differt. 38. scribit nullum dari Confirmationis præceptum proprium, nec esse peccatum mortale hoc sacramentum voluntarie omittere, posteaquam Comment. in art. 6. scripserat urgere hoc præceptum, *saltem in eo articulo, in quo urget necessitas publicè confitendi fidem coram tyranno*: quod & nos paullo supra animadvertimus. Nostra autem

tem.

tem sententia principio suadetur præcitato Laodicensi canone, productaque auctoritate Cypriani: ubi ea verba *Necesse est, oportet, debent*, sonant vim præcepti, nisi respectu omnium, comparate ad eos saltem, qui ineunt pro fide certamina, periculisque iactantur hanc pessundandi. Præterea in cap. *Spiritus sanctus*, de Consecrat. dist. 5. habentur hæc: *Quamvis continuus transitorius sufficiat regenerationis beneficia, victuris tamen necessaria sunt Confirmationis auxilia*. Idem probatur verbis Divi Thomæ 3. p. q. 72. art. 6. ad 1. hoc eodem paragrapho recitatis. Evincitur hoc idem ratione; est enim summa præsumptio, in re talis momenti, qualis est Christum confiteri, in tanto discrimine, quantum proculdubio censendum est minis, promissis, ac tentationibus percelli, remedia efficacia, atque ob hunc præsertim finem instituta contemnere. In hoc itaque casu qui non curat, ut ab Episcopo confirmetur, sese lethali culpa inquinare, docet Estius, docet Sylvius, docet Basilius Poncius, docent (inquit BENEDICTUS XIV.) celebriores Theologi. Postremo idem BENEDICTUS in Constitut. de Ritibus Græcorum §. 3. num. 4. declarat confirmatos a simplici sacerdote non habente Sedis Apostolicæ auctoritatem, confirmandos ab Episcopo, & commonendos ab Ordinariis locorum, *eos graviter peccati reata teneri, si cum possunt ad Confirmationem accedere, illam renunt, ac negligunt*.

Duo tamen sunt, quæ dictis possunt opponi. Unum, quod hujus præcepti nullum in sacris litteris; vel apud Patres extet vestigium: alterum, quod Confirmationis defectum supplere queat *unctio verticalis*. Verum enimverò inania ista sunt. Primum siquidem facile refutatur cum non desint docti viri, qui istiusmodi præceptum comprobent ex Act. 1. & 8. ubi legimus Jesum præcepisse Apostolis, ne discederent Ierosolymis, *sed expectarent promissionem Patris*, scilicet Spiritum sanctum: quod utique præceptum, si non omnes, eos saltem comprehendit, qui ante reges, & præfides in testimonium fidei trahuntur. Sunt insuper qui præceptum illud inferunt ex praxi Ecclesiæ, quæ semper olim baptizatis impendit Confirmationem, & persecutionum transacto tempore, hæresibusque devictis, non vult illam parvipendi, & contemni. At contemptus foret maximus, illius robor in statu, de quo differimus, aspernari. Praxis verò, cujus institutionem aliam non invenimus, ab Apostolorum temporibus, & a Christo repetendam esse, haud semel est definitum. Quamvis præterea nullibi occurreret tale præceptum *explicitum*; illud jure meritoque adesse diceretur, ubi eget homo Spiritus sancti robore ac firmitudine, ex quo sciamus fuisse Confirmationem hujus rei gratia institutam. Hac ergo ratione refutatur prior oppositio. Ad alteram respondetur *unctionem verticalem* supplere effectum gratiæ, quam confert Confirmatio, quando hæc nequit haberi, neque
id

id præstare per se, sed ratione fidei, ex opere operantis, atque per votum Confirmationis suscipiendæ; nam ut Rabanus inquit lib. 1. de Instit. Clericorum cap. 28. unctio verticalis *significat Spiritus sancti descensionem ad habitationem Deo conservandam*, non eam confert; atque, ut scribit Hugo Victorinus prælaudato cap. 3. illa unctio non est Sacramentum, sed ostendit, *quantum Sacramentum istud necessarium sit ad salutem*. Jure itaque Parisiensis Academia an. 1625. conmixit hanc quorundam Anglorum propositionem: *Cbrismatio, quam sacerdos in baptismo facit, ideo est ab Ecclesia instituta, non solum ut cbrismationis Episcopalis significationem, verum ut effectum ipsam suppleret, idest, ut homines in gratia baptismatis conservaret confirmaretque*.

IX.

De ceteris, qui in prædictis circumstantiis periculorum plenissimis non sunt constituti, quid existimas esse tenendum? Quod Theologi omnes, excepto nemine, affirmant, peccare mortaliter, quotquot saluberrimum hoc sacramentum habent contemptui. Nam & benigniores, qui suscipiendæ Confirmationis nullum extare præceptum univèrsim pronuntiant, (quod tam absolute, me quidem iudice, nefas est pronuntiare,) eam adhibent exceptionem, *modo absit contemptus*, in sententiam trahentes suam verba Aquinatis cit. q. 72. art. 1. ad 3. *Hoc modo Confirmatio est de necessitate salutis* (ad perfectionem scilicet comparandam) *quamvis sine ea possit esse salus, dum tamen non prætermittatur ex contemptu Sacramenti*. Nil hac veritate manifestius. Etenim ad producta superius monimenta accedit Rothomagensis Synodus, definiens tom. xv. Concil. pag. 827. *imperfectum esse, nec omnibus armis instructum, quem sacramentum hoc non corroborat*. Turonensis ib. pag. 1012. declarans, *Confirmationem esse sacramentum ab omnibus maxime amplectendum*. Aqnenfis ib. pag. 1128. præcipiens, ut parochi, omnes, quos in *state legitima, qua eos Episcopus duxerit esse debere, cognoverint, ad illud suscipiendum omni cura, & diligentia adducant*. Narbonensis ib. pag. 1588. admonens Episcopos, ut sint solliciti, *ne per eorum negligentiam fiant vires populi sibi commissi ad resistendum imbecilliores*: Burdigalensis demum pag. 1642. mandans, *Ne sacramentum Confirmationis ad augendam Spiritus sancti gratiam, & in ea confirmandos fideles, ullatenus negligatur*. Sane hæc, & alia plurima hujus generishortamenta ad Episcopos, ad parochos, ad parentes, ad fideles demum universos directæ, nemo dixerit spectare ad rem parvi tenuisque momenti.

X.

Verum quisnam contempsisse Confirmationem dicendus erit? Arbitror non eos tantum, qui spreverunt, & tanquam inutilem ceremoniam

moniam sacramentum chrismatis habuerunt, quod redolet sacrilegii crimen, hæresisque portentum; verum & illos, qui non ex contemptu, ut inquirunt, *formali*, sed ex negligentia non receperunt ipsam Confirmationem: adeo, ut si adsit Episcopus, ac se ad confirmandos neophytos denuntiet esse paratum, adultæstate, nulloque legitimo impedimento detenti, dicendi sint hujus sacramenti *contemptores*, nec veniali, sed mortali peccato sese obstringant. Scio Doctores aliquos asserere, quod omisso Confirmationis sit grave peccatum grassante duntaxat infidelium, aut hæreticorum persecutione: at idem dicendum in casu nuper exposito, nec confirmandos tantum, verum etiam parentes, tutores, dominos, parochos gravis peccati reos esse, si non suscipiant, aut suscipiendam non curent ipsam Confirmationem affirmat Archiepiscopus Bononiensis, nunc beatissimus Pontifex in sæpe laudata Notificatione. Ne opineris, lector, virum summum secutum doctrinam rigidiorum Theologorum, æqualance non ponderatam. Antequam enim Natalis Alexander, & reliqui num. VII. commemorati sua vulgarent scripta, immo antequam *rigidiorum* Theologorum audiretur nomen, Scotus in IV. dist. VII. q. 2. de hoc Sacramento scripserat: *Est tamen necessarium adulto sic, ut non contemnat*; ac subinde explicans quid sit contemnere, *Judicaretur enim contemptus, si omnimoda opportunitate oblata non susciperetur*. S. Bonaventura post verba num. VI. producta, *Ideo*, inquit, *si quis cum habet locum & tempus & opportunitatem, negligendo contemnit, periculo se exponit*. Auctor Summæ Angelicæ V. Confirmatio: *Itaque contemnens ipsum suscipere peccat mortaliter: propterea credo quod notabilis negligentia Episcoporum in non conferendo illud, sit eis peccatum mortale*. Mito juniorum quamplurimos. Hanc verò optimam, tutissimamque sententiam probo 1. quia præcitata Concilia docent sacramentum Confirmationis *amplèssendum esse*, præcipiuntque, *ne ullatenus negligatur*. Dum ergo eos damnant qui illud *contemnunt*, accipienda sunt, inquit Franciscus Henno, (non rigidus, sed benignus auctor, & Leonardi Vanroy antagonista) quæst. 1x. Concl. 3. *non tantum de contemptu formali, qui semper est mortalis, licet res contempta sit tantum consilii, sed etiam virtuali, qui censetur adesse, quando res potest sine ullo incommodo obtineri, & tamen negligitur*. Ita explicandum contendimus S. Thomam 3. p. q. 72. art. 1. ad 3. Præterea Concilium Senonense an. 1524. ad hunc loquitur modum: *Omnes Christiani tam viri, quam mulieres usum rationis habentes, obligantur suscipere, aut saltem non contemnere Confirmationem: Contemni autem dicitur, quando Episcopus est præsens, paratus dare, & persona hoc sciens negligit, aut despicit suscipere*. Vide Juenin in Comment. q. 9. cap. 2. art. 1. Nat. Alex. cap. 4. prop. 2. Reg. 2. Franc. Henno loco nuper citato: in quorum

fide

fidē Synodum Senonensem anni 1524. laudavi , a Tournely quoque , & Vitalio commemoratam , quamvis eam me legisse non memini neque in Binii , neque in Labbei , neque in Harduini , neque in recentioribus Collectionibus . Idem evincitur ex Sacramentali Ambrosiano verbis S. Caroli , & Concilii Mediolanensis iv. conscripto , cujus verba dedimus octavo numero . Insuper Academia Parisiensis an. 1625. hanc aliam propositionem proscripsit : *Omnes Theologi dicant Confirmationem non præcipi , nisi cum commode haberi potest , vel , ut alii dicunt , commodissime , quando sine ullo , vel minimo prorsus incommodo* . Censura autem Sorbonica his verbis comprehenditur , *Ista propositio est scandalosa , in maximum sacramenti Confirmationis contemptum , maligno animo proposita* . De hac propositione Juenin , L'Herminier , Tournely , & Natalis Alexander præcitat in locis . Tandem nonne peccat graviter , qui sponte exponit sese periculo cadendi in spiritali conflictu ? Atqui tali periculo se exponit qui circumdatus infirmitate , laceratus ab hostibus , & undique mundi irretitus illecebris , media necessaria ad vincendum , dum exhibentur , & habentur ad manus , rejicit & aspernatur . Graviter peccat igitur , &c.

XI.

Dic ergo , fodes , quos oportet non solum non negligere , verum & dare operam ut confirmentur , si valeant adire Episcopum ? Dicam brevi . I. Qui ad negandam Christianam fidem a paganis vel hæreticis provocantur ; & quibus memoria repetendum est quod de Novato legimus apud Eusebium lib. vi. cap. 36. ob confirmationem neglectam , *persecutionis tempore metu debilitatum , & nimia vite adductum cupiditate negasse se esse presbyterum* . II. Inter hæreticos commorantes , aut alias in periculis pessundandi fidem , morumque probitatem constituti . Horum præsertim causa decrevit Synodus Rhemenfis tom. xv. Conc. pag. 891. sacramentum Confirmationis non esse prætermittendum *hoc tam calamitoso , & hæreson pleno tempore* ; ac pariter Archiepiscopus Cameracensis Guilelmus de Berges an. 1606. in Pastoralis Ammonitione : *Car bien que ce Sacrement soit toujours fort salutaire , & que les anciens Peres , & Docteurs de l'Eglise n'ayent reputé ceulx-la Chrestiens parfaits , qui n'avoient receu l'imposition des mains de l'Evesque : toutes fois en ce temps plain d'hérésie & de tout vice , il semble tellement nécessaire , qu'on ne le deït aucunement obmettre , &c.* III. Tridentinum Concilium , sess. 23. cap. 4. de Reformat. hæc mandat , *Prima tonsura non initientur , qui Sacramentum Confirmationis non susceperint* : unde infertur Confirmationem ante Ordines , necnon ante tonsuram esse suscipiendam . Sunt qui contendunt subesse verbis vim consilii , non autem rigorosi præcepti . Ita Navarrus , Soto , Suarez , Salmantini .

Tu. VII.

P

cen.

cenſes: At oppoſitum tenent noſtrates, Baſilius Poncius, Farvacques, Girkén, Vanroy, Gavardi, alique omnes, ſi unus excipiat Gibbon. His ſubſcribendum arbitror; nam principium juris eſt apud Panormitanum, ceteroſque pertractantes de legibus, verba imperandi vim habere *in actu exercito* ad legem conſtituendam: quam doctriſinam tradiderat ipſemet Suaſeſius lib. 3. de legibus cap. 5. num. 8. Ac niſi illam amplectamur, quanta ſacrorum conciliorum præcepta, hac ſubdola, laxaque interpretatione, quod hortatoria ſint, eludi poterunt & contemni? Deinde ſententia Navarri rejicitur in declarationibus Concilii Trid. factis a S. Rom. E. Cardinalibus pag. 294. edit. Lugd. ubi etiam ab eo, qui primam tonſuram petit, niſi poſſit aliter probare ſe confirmatum, requiritur ſaltem ut juret. Animadvertendum tamen harum declarationum permultas eſſe conſiſtas, nec auctoritatem habere aliquam, niſi proferantur *in authentica forma*, ex decreto Urbani VIII. die 2. Auguſti 1631. Ad hæc recipientes *coronam in capite* vocantur in Dei ſortem, divino officio mancipantur, atque ab omni ſtrepitu temporalium ceſſare debent, ex cap. *Duo ſunt genera*, x11. q. 1. num. 7. Tenentur ergo præ ceteris Chriſtianæ militiæ inſignibus, armisq; inſtrui. At irregularitatem non contrahere qui non recepta tonſura promoveretur ad Ordines, conſentiunt omnes, idque inferitur ex Regula xv. Juris in Sexto. IV. Idem, quod de initiandis tonſura, merito cenſet Farvacques de emittentibus profeſſionem religioſam, hoc excepto, quod non invenimus de iſtis præceptum aliquod, ſed congruentiam duntaxat, petitam ex genere vitæ, cui ſe obſtringunt, atque ex neceſſitate ſuperni roboris ad vincenda perduellis voluptatis, cupiditatum, carniſque luſtamina. Hinc magnus Baſilius ſerm. 1. Commonit. ad Vitam Monaſticam ait: *Qui ſanctorum Chriſti diſcipulorum commilitonibus cupis numerari, nervos tuos omnes ad rerum adverſarum tolerantiam intendito, & forti animo ad veræ pietatis cultorum te catum conſerto*. V. Continuator Witafſii pag. 632. & Franciſcus Hallier de Sacris Ordinat. pag. 132. docent Confirmationem præmittendam ſacro Virginum velamini: quod Hallier probat ex carmine Alclmî Aviti ad Fuſcinam ſorem, ibi namque hi verſus leguntur:

..... Dominus plebem cum forte doceres
Pervigili cura ſupremum noſcere tempus,
Expectare diem, quo judex imminet orbi,
Virginibus ſancto ſignatis chriſmate conſert.

Aliter Hallier hos verſus laudat: ſed vide tom. iv. Bibl. Patrum. pag. 624. Ex eodem carmine ſuperiori pagina hanc rationem deſpromo:

Namque ibi bellatrix, & pleno robore pollens
Virginitas armata venit: quam ſeda libido

Appet.

*Appetit, & casto vocat in certamina nisu;
Sic bellatricem te sentiat amulus anguis,
Cumque laceßita concedent prælia palmam,
Lata feras summum calcato ex hoste tropæum.*

Hæc verò, sicuti de religiosi viris dixi, congruentiæ rationem habent, non præcepti. VI. Eos, qui parato Episcopo possunt confirmari, si id negligant, peccare lethaliter satis commonstrat præcedens sectio. VII. Qui demum ad ætatem longævam differunt tam salubre remedium, cogitare debent Apostolos, *cum Samaria recepisset verbum Dei*, statim eò profectos, ut impositione manuum baptizatos confirmarent: Ecclesiam adeo fuisse de confirmandis sollicitam, ut aliquando non confirmatis Eucharistiam denegaret, uti demonstrat Martenius tom. 1. de Antiq. rit. pag. 237. ex Lambethensi, & Bituricensi Conciliis: repetendam denique ex hujus Sacramenti neglectu tantam in consuetudinationibus spiritus imbecillitatem, tantam vitiorum illuviem, tantamque in hostibus vincendi facilitatem.

C A P U T IX.

Pertractatur de duplici Confirmationis effectu.

SACRAMENTI Confirmationis duos effectus Orthodoxi omnes agnoscunt, *Gratiam*, videlicet, & *Characterem*. Gratiam hoc Sacramento conferri negant Lutherus, Calvinus, Kemnitius, Dallæus, & universi propemodum Novatores, non eo duntaxat titulo, quod Sacramentis omnibus hanc denegant efficientiam, sed insuper, quia per impositionem manuum Apostolicarum datum velint solum donum linguarum, non sanctificantis gratiæ decorem. Quæ igitur disserui lib. xxx. cap. 19. de Sacramentorum vi & efficacia, atque præsentem in libro de Confirmationis, ut loquuntur scholæ, naturam, eadem revincunt, oppugnantque sententiam hæreticorum. Catholici vero posteaquam commonstrarunt sanctificantem gratiam hoc sacramento produci, inquirunt præterea quænam sit hæc gratia confirmatrix, & num distincta ab illa, quam producit sacrum regenerationis lavacrum: quam utique nos arbitramur esse haud magni momenti quæstionem. Fuerunt nonnulli, qui scripserunt Sacramento Confirmationis conferri aliquando *primam gratiam*: de Ieri eodem Sacramento peccatum originale affirmavit Raymundus Lullus apud Fymericum Nicolaum 2. p. direct. Inquisit. q. 9. pag. 276. Eodem Sacramento justificari hæreticum ad Catholicam redeuntem, scripsit lib. 1x. de Pœnit. cap. xi. Joannes Morinus. Atque de hac quæstione, cum nihil penitus dixerint, qui censentur de Re Sacramen-

mentaria accuratius pertractasse, nonnulla post Farvacquesium responam. Demonstrabo itaque priori loco produci per Sacramentum Confirmationis gratiam sanctificantem, idque brevissimè, & in compendium redigens jam prolixè disputata: dicam postea quænam sit ista gratia: ostendam deinceps quomodo distinguatur a gratia baptismatis; ac tandem inquiram, an Confirmatio per se aliquando conferat gratiam primam. Absolvetur itaque prima pars hujus capituli quatuor thesibus.

De *charactere*, qui est Confirmationis effectus alter, revocabo ad examen, an revera hoc sacramento imprimatur; quod præter hæreticos negaverunt Armenopolus in Scholiis ad canonem 47. Apostolorum, Job Monachus, Nicolaus Cabasila, & Gabriel Philadelphienſis apud Arcudium in Concordia lib. 2. cap. 18. Ostendam præterea, quod hujus consecrarium est, numquam Confirmationem esse iterandam. Cum autem hæretici revertentes ad gremium Ecclesiæ recepti olim fuerint per manuum impositionem, dicam simul, fuerit ne talis impositio manus *confirmatoria*, an tantum reconciliatrix. Investigabo pariter sensum Cypriani, & Augustini, ubi de hac manus impositione loquuntur; nam a Cypriano per impositionem manuum, qua recipiebantur hæretici, intelligi Sacramentum Confirmationis sentit Natalis Alex. dissert. x. sec. 2. §. 14. atque idem de Augustino judicium profert Morinus cit. loco, & Joannes Maldonatus tom. 1. Controvers. pag. 112. Denique & illud expendam, num *character* Confirmationis sit distinctus a *charactere* baptismatis, ut veteres, & recentiores scholastici, si perpaucos excipias, tradiderunt; num verò indistinctus, ut visum Altisiodorensi in Summa, necnon Simeoni Archiepiscopo Theſſalonicenſi. Atque hæc pariter, quoniam sunt facillima, & modo addantur aliqua de impositione manuum, qua transactis sæculis recipiebantur hæretici, superioribus dissertationibus explicata, quatuor aliis thesibus expediam, agens in prima de Confirmationis *charactere*, in altera de hæreticorum receptione, in tertia de sententiâ SS. Cypriani, & Augustini, in postrema denique de utriusque *characteris*, Baptismi scilicet, & Confirmationis discrimine.

DE GRATIA

THESIS I.

Sacramento Confirmationis confertur gratia aliqua sanctificans, sive, ut loquuntur Scholæ, gratum faciens. Consequitur ex cap. 2. hujus libri. Eo namque loci ostendimus Apostolos per impositionem manus dedisse *Spiritum sanctum*, quem Augustino teste conferunt

ferunt etiamnum Episcopi, quamvis minimè impertiantur donum linguarum, & miraculorum. Diximus etiam datum ab Apostolis Spiritum sanctum fuisse virtutem *Spiritus supervenientis ex alto*, ut baptizati Christi fidem invictè profiterentur, atque in ejus confessione peristerent. Demonstravimus præterea hunc *Spiritum sanctum* omnibus per baptismum regeneratis fuisse collatum, cum tamen linguarum donum, aliæque gratiæ *gratis data*, nec iustis tantum, nec baptizatis universis soleant concedi. Ulterius affirmavimus Apostolos præcipuos, Petrum, & Joannem magna cura atque sollicitudine missos Jerosolymis ad Samaritanos, ut eos confirmarent; cum inter illos Philippus Diaconus curaret paralyticos & claudos, ejiceret immundos spiritus, atque signa alia innumera perpetraret: quæ omnia in distinct. vii. §. 12. firmo ratiocinio complectitur illustris Estius, Theologorum autem nullus ignorat. Adhæc percurrentes omnium sæculorum spatia produximus innumera & locupletissima testimonia Conciliorum, & Patrum æfferentium neophytos consignatione Episcopali accipere *Spiritum sanctum*, perfici, confirmari, proficere spiritaliter, consummari, fieri unctos Dei, & supercælesti suavitate perfundi. Hæc autem omnia commonstrant hanc thesim, & Scholasticam ratiocinationem hoc plane modo conglutinant: Gratia in Ecclesia perseverans, ac distincta a temporario dono linguarum, communis omnibus absque praviæ voluntatis obice confirmatis, eosque perficiens, corroborans, & supervenientis Spiritus virtute communiens, est proculdubio gratia sanctificans, & *gratum faciens*. Per sacramentum Confirmationis confertur ritè dispositis gratia a munere linguarum & miraculorum diversa, & quæ baptizatos perficit, consummat, roborat, redditque Spiritus sancti munimine alacriores, & firmiores. Itaque per Sacramentum Confirmationis confertur gratia sanctificans, & *gratum faciens*.

THESES II.

Gratia, quam producit Sacramentum Confirmationis, est augmentum gratia tribuens baptizato perfectionem, robur, ac firmitudinem. Demonstratur primo Ecclesiasticis definitionibus. Nam can. 38. & 77. Illiberitanis non semel laudatis, statuitur baptizatos per Confirmationem perfici. Florentinum Concilium Tom. xiii. collect. Lab. pag. 536. Efficitur (inquit) hujus sacramenti est, quia in eo datur Spiritus sanctus ad robur, sicut datus est Apostolis in die Pentecostes; ut videlicet Christianus audacter Christi confiteatur nomen. Synodus Narbonensis celebrata an. 1609. tom. xv. pag. 1587. aliæque omnes ejusdem voluminis, docent: in hoc sacramento, quo per impositionem manuum Episcopi Spiritus sanctus diffunditur in corda fidelium, robur, atque

que fortitudinem dari. Profertur ibidem exemplum athletæ; antequam ad singulare aliquod certamen descenderet, ungi soliti. Tertulia Decreti parte de Consecrat. dist. v. cap. *Spiritus sanctus*, ex Epistola Isidoriana inscripta Melchiadi, hæc legimus: *In baptismo regeneramur ad vitam, post baptismum confirmamur ad pugnam: in baptismo abluiamur, post baptismum roboramur: paucisque interjectis, Regeneratio per se salvas mox in pace beati seculi recipiendos: Confirmatio autem armat, & instruit ad agones mundi huius, & praelia reservandos*. Similia leguntur cap. *Cum venisset*, de sacra unctione, supra cap. 2. prop. 2. II. Eadem est doctrina Patrum; Tertullianus enim de Refurr. Carnis cap. 8. scriptis, signari carnem, *ut anima muniatur*. Auctor sermonis de unctione Chrismatis inter Opera Cypriani pag. cviii. Append. ait: *Ex huius unctionis beneficio & sapientia nobis & intellectus divinitus datur; consilium & fortitudo cælitus illabitur; scientia pietas & timor inspirationibus supernis infunditur*. Hoc oleo uncti cum spiritualibus nequitiiis colluctamur, nec fetoribus spuris imbuti possumus, qui balsami spiritualis odore fragramus. Cyrillus Jerosolymit. catech. 3. pag. 63. inquit, *Deinde cum tibi gratia* (post baptismum, & per unctionem chrismatis) *conferetur, tunc tibi adversus contrarias virtutes dat potestatem: ἡ δὲ εὐχὴ τῆς χάριτος καταλαμβάνει, τὸν οὖν ἀπὸ τῶν ἀντικειμένων δυνάμεων διδόνει τὴν ἐξουίαν*. Plura catech. 3. Mystagogica, pag. 527. unde nonnulla exscripsimus supra cap. 2. Præterea, quæ apertissima sunt, & eo loci producta, tradit Cyrillus nos chrismate inungi, *ut induti thoracem iustitiæ fortiter adversus insidias diaboli consistamus*. Addit nos sacro unguento perunctos facilius custodire donum fidei *intemperatam & impollutam*. Eucherius Lugdunensis Episcopus, qui juxta Trithemium floruit an. 350. hom. in die Pentecostes habet ad litteram totum prælaudatum Caput, *Spiritus sanctus*, de Consecrat. dist. 5. ut merito suspiceris, hinc, non ex supposita Melchiadis Epistola fuisse depromptum. Adeasis Bibl. PP. paginam 649. sexti Voluminis. III. Idem tradidere qui de Ecclesiasticis Officiis, ritibusque pertractarunt. Isidorus lib. 2. cap. 25. *Idco*, inquit, *post lavacrum unguimur, ut Christi nomine censeamur*. Rabanus Maurus lib. 1. cap. 30. ait: *Novissime autem a summo Sacerdote per impositionem manus Paraclytus traditur, ut roboretur per Spiritum sanctum ad prædicandum aliis idem, quod ipse in baptismo consecutus est, per gratiam vite donatus æterna*. Addi potest Joannes Stephanus Duranti lib. 1. cap. 20. num. 15. Sacramentale Ambrosianum pag. 51. præcipit, ut confirmandis explicentur *quæ ad Spiritus sancti septem dona pertinent*, quorum collatio est huius sacramenti præcipuus effectus; revocatque ad memoriam verba Ambrosii lib. 3. cap. 2. num. 8. *Sequitur spiritale signaculum, quod audistis hodie legi, quia post fontem su-*
pere,

perest, ut perfectio fiat, quando ad invocationem Sacerdotis Spiritus sanctus infunditur, Spiritus sapientia & intellectus, Spiritus consilii atque virtutis, Spiritus cognitionis, atque pietatis, Spiritus sancti timoris: septem quasi virtutes Spiritus. Vide caput, Accepisti mysterium, de Consecrat. dist. 4. num. 90. Hinc Nat. Alexander lib. 2. Theol. Mor. & Dogmat. cap. 3. art. 2. agens de Gratia Confirmationis diffusè pertractat de septem donis Spiritus sancti. Quemadmodum per Sacramentum baptismatis regeneramur in Christo, & quasi modo geniti lacte potamur, præstatque nobis regenerationis gratia, ut quasi nobis ipsis vivamus, nullam cum exteris actionem liberam exercentes: ita per sacramentum Confirmationis perficimur, & quasi adulti ætate agimus communem vitam, periculis undique circumsepti. Congruum est ergo, ut quemadmodum per baptismum recipimus gratiam generationis spiritalis, per quam vivificamur in Christo; ita per sacramentum Confirmationis perficiamur, ut in communis vitæ conspectu viriliter, & tanquam Christi milites dimicemus. Utitur autem consimili ratiocinatione S. Thomas 3. p. q. 72. art. 5. & 7. & Catechismus Romanus p. 2. cap. 3. num. 20.

THESES III.

Gratia, quæ sacramenti Confirmationis effectus est, connotativè differt a gratia baptismali, eaque non absolute, sed tantum comparative est perfectior. Prima pars constat, cum enim hæc gratia perficiat, consummetque gratiam baptismatis, necessum non est aliud intrinsicè discrimen inter unam & alteram constituere, nisi illud, quod scholæ appellant differre secundum magis & minus; maxime quod sententiâ nostrâ gratia sanctificans est quidem inhærens qualitas, & superaddita animæ habitudo, sed non entitas recondita inter Aristotelicas categorias. Immo & S. Thomas 3. p. q. 72. art. 7. ad 3. necnon S. Bonav. in 1v. dist. 7. art. 2. q. 2. videntur huic sententiæ subscribere, dum ille ait, gratiam sacramentalem addere supra gratiam gratum facientem aliquid effectivum specialis effectus, ad quod ordinatur sacramentum: alter verò inquit: In sacramentali gratia & est gratia gratum faciens, & effectus specialis quem habet virtute sacramenti: & in quantum gratum faciens una est; sed ratione effectuum distinguuntur. At rectè scribunt hæc duo scholarum lumina statuendam esse distinctionem, ratione effectuum, sive connotativam; nam gratia baptismatis delet originale peccatum, vitamque tribuit spiritalem; & gratia Confirmationis vires adauget, & habet effectum alium a virtute baptismi, scilicet, inquit, eo loci Bonaventuræ, ablationem pusillanimitatis. Consequitur ex hac doctrina gratiam
Con-

Confirmationis non esse *absolutè* perfectiorem gratiâ baptismatis; cum longe majus sit spiritualiter regenerari, quam confirmari & perfici; sed eatenus nonnulli Theologi ac Patres confirmatricem gratiam prætulerunt baptismali, quatenus hac præsupposita melius est, si homo reddatur robustus ac fortis, quam si vivat infirmus atque imbecillis. Quare minime probo doctrinam illorum Theologorum, qui hac prætermissa comparatione, absolutè pronuntiant gratiam, quæ in Confirmatione confertur, perfectiorem esse illâ, quam producit baptismus; proptereaquod Apostoli fuerint in die Pentecostes donis præstantioribus cumulati, aut confirmatio per digniorem ministrum, nempe Episcopum, conferatur. Idem quidem viri docti; & exercitatissimi affirmant, quibus & concinit Fridericus Gavardiotom. vi. pag. 238. Verum aridet mihi plurimum Seraphicus Doctor præcitata quæstione hæc scribens: *Quando ergo fit comparatio harum gratiarum, potest fieri dupliciter. Uno modo cum præsuppositione: & sic omnino major est gratia Confirmationis, quam baptismalis; sicut bene & perfectè vivere melius est quam vivere, quia hoc addit ad illud & complet. Si autem intelligatur præcise, ut scilicet hæc gratia qua additur sit major, vel minor, dicendum sine dubio quod non est tanta efficacia, ut patet; quia vivificare mortuum major gratia est, & potentia, quam jam vivificatum sanare, vel fortificare; præcise loquendo. Sed cum præsuppositione majus est esse vivum & sanum, quam vivum tantum.* Hactenus S. Bonaventura.

THESES IV.

Hæreticis resipiscentibus sacramentum Confirmationis non confert absque pœnitentia, vel contritione, primam gratiam. Statuimus positionem hanc adversus Morinum, asserentem cit. cap. 11. num. 8. hæretico, dum impositione manuum præmissa hæreseos anathematizatione in Ecclesiam admittitur, gratiam primam conferri. In qua assertionem non uno ex capite labitur vir præclarus. Principio supponit *impositionem manuum*, qua admittebantur hæretici, esse Confirmationis sacramentum, quod falsum esse ostendemus paullo infra: quamquam, etsi Sacramentum foret, corrueret Morini hypothesis, si reponeretur è contra, præmittendam resipiscentibus exomologesim, ac pœnitentiam, quam nos superiori cap. num. 5. etiam ad Confirmationem necessariam diximus, si præsumatur labeis mortalis culpæ. Deinde non recte Morinus num. 10. & sequentibus profert ad opinionem firmandam suam, S. Thomæ, Cajetani, Dominici Soto, Henriquez, Tanneri, aliorumque testimonia, dum asserunt interdum Confirmationem, & reliqua Sacramenta *vivorum*, eripere a statu peccati, & justificare, modò accedens *conscientiam gravium* sce-

scelerum non habeat, aut bona fide reputet se contritum. Enim verò ex quo in hac hypothefi sacramenta viventium dent peccatorum remissionem, & primam gratiam, quod & nos affirmavimus lib. xxx. cap. 21. inferendum potius est, id non præstare aut in hæretico, aut in quovis peccatore, quem pupugerit conscientia patrati criminis, nisi agat pœnitentiam, & contratur. Quod etiam scribit Morinus, baptismum, qui in hæreticis est inefficax, per Confirmationem revivescere, fructumque hæretica perfidia oppressum excutere, & exerere, eloquenter utique, at non veraciter dictum arbitror. Nam *reviviscit* quidem baptismus *sublato obice*; sed cum, fictio veraci confessione recedit, & qui simulato animo, & cum affectu peccati tinctus fuerat, cordis conversione mutatur, ut dixi libro xxxi. cap. 21. num. 4. Nec Confirmatio facit, ut baptismate deleantur peccata, sed ut his remissis, baptizatus supercœlesti fortitudine corroboretur: immo, quoniam baptismus delet originariam labem, & peccata, quæ præcedunt spiritalem renascentiam; simulatio, & pravi animi affectio illam comitantes vi pœnitentiæ remittuntur, non ablutione baptismatis. Atque his adnotationibus detegitur Morini alucinatio, & evanescunt singula ipsius argumenta. Porro facillimum est refutare Scriptoris hujus sententiam. Evertunt ipsam primo, quæ de gratia Confirmationis dicta sunt paulo supra, hanc nempe gratiam esse baptismalis perfectionem & augmentum, & jam regeneratos, atque spiritalem vitam agentes juvare ad pugnam, instruere armis, & viribus augere. Nisi ergo renascatur antea, & spiritalem vitam percipiat; nequit homo recipere gratiam illius Sacramenti, quod appellatur in Epistola adscripta Melchiadi, *adjumentum militiæ*, atque apud Amalarium Fortunatum, *sacri titulus bellatoris*. Dixi præterea confutari Morinum etiam auctoritate & testimonio Theologorum afferentium eos, qui non habent peccati conscientiam, dummodo non simulatè accedant, consequi in hoc Sacramento gratiam primam, & remissionem. S. cnim Thomas q. 72. art. vii. ad 2. eo scilicet loco, quem laudat Morinus, inquit: *Sicut ex ipso nomine apparet, hoc sacramentum datur ad confirmandum quod prius invenerit, & ideo non debet dari his, qui non habent gratiam: & propter hoc sicut non datur non baptizatis, ita non debet dari adultis peccatoribus, nisi per pœnitentiam reparatis.* Insuper si vera sit commentatio Morini, falsum erit quod de Sacramento Pœnitentiæ definit sess. xiv. cap. 1. Synodus Tridentina, *Sacramentum videlicet Pœnitentiæ illud esse, quo lapsi post baptismum beneficium mortis Christi applicatur*; tum quod ait cap. 2. *Est autem hoc sacramentum Pœnitentiæ lapsis post baptismum ad salutem necessarium, ut nondum regeneratis ipse baptismus: & quod ibidem docet illos, quos Christus Dominus lavacro baptismi sui corporis membra semel effecit*

To. VII.

fecit, si se postea crimine aliquo contaminaverint, non jam repetito baptismo ablui, cum id in Ecclesia Catholica nulla ratione liceat, sed ante hoc tribunal (Pœnitentiæ) tanquam reos sili: ut per sacerdotum sententiam non semel, sed quoties ab admissis peccatis ad ipsum pœnitentes confugerint, possent liberari. Quomodo enim hæc vera sunt, si per sacramentum Confirmationis absque sacramento Pœnitentiæ susceptum in re, aut in voto, potest aliquis consequi remissionem peccatorum, quæ post baptismum patrata sunt? Numquam, ergo sive hæreticis resipiscentibus, sive peccatoribus baptismo renatis aut Confirmatio, aut sacramentum aliud viventium conferet gratiam primam, nisi cum voto, aut relatione ad sacramentum Pœnitentiæ; ut disertè adversus Morinum demonstrat Insulensis Farvacques, qui de hac quæstione egit accurata & exquisita lucubratiuncula.

DE CHARACTERE CONFIRMATIONIS.

THESIS I.

S*acramentum Confirmationis imprimis characterem, atque iterari non potest. Quod primo demonstratur ex Epistola Pauli ad Corinthios 2. cap. 1. ubi ait: Qui unxit nos Deus, & signavit nos, & dedit pignus Spiritus in cordibus nostris: de quo loco plura volum. vi. pag. 256. ubi ostendimus vim & significationem Græci verbi, σφραγισμός, quod idem est, ac impresso sigillo insignire, sive Patres, sive etiam profani scriptores consulantur. Deinde traditione stabilitur hæc thesis. Auctor enim Constitut. Apost. lib. 111. cap. 16. inquit, Cum decenti gravitate collatio sigilli infragilis peragatur, εὐμνηστὶς ὁ μετέδωκε τὴν ἀδραμεν σφραγιδὴν γίνετα: quæ verba accipienda de Confirmatione scribunt Eslus in 1v. dist. v111. §. 15. & Basiliius Poncius p. 2. cap. 7. idque ego demonstro ex verbis immediatè proximis, Et postea Episcopus baptizatos ungit chrismate, καὶ μετὰ τὸ τοῦ ἱερουργεῖν χρίμα τὴν βαπτισμένην τὴν μύρον. Vide PP. Apost. tom. 1, pag. 288. Tertullianus de Præscript. cap. 40. dum scribit diabolum æmulanter affectare sacramenta Christi, ideoque signare in frontibus milites suos, sed attemperare mysteriis idololatriæ rerum divinarum instrumenta, non effecta sacramentorum, ostendit hæc non solum in frontibus, verum etiam in corde consignare milites Christi. Cyprianus epist. 73. ad Iubajanum pag. 281. docet ideo baptizatos confirmari, ut Spiritum sanctum consequantur, & signaculo dominico consummentur. Auctor etiam ferm. de Ablutione pedum in Append. Cypriani pag. c111. argumento ex natura consecrationis deprompto demonstrat hoc sacramentum non posse iterari. S. Ambro-*

brofius lib. 3. de Sacram. cap. 2. laudatus paullo fupra , & relatus in c. *Accepifti* , de Consecrat. dift. 1v. confirmationem pariter appellat *ſpirituale ſignaculum*. S. P. Auguftinus lib. 2. contra lit. Petil. cap. 104. Ipfam Confirmationem comparat baptifmo , eamque permanere docet *in hominibus peſſimis* , quod de charactere tantum accipi poteſt : & ſerm. de Cataclyſmo , quem tamen PP. S. Mauri tom. vi. pag. 598. opinantur eſſe addititium , comparans baptizatum navi tempeſtate procellisſque jaſtatæ , *Baptizatus eſt* , inquit , *ſignatus regio charactere* , &c. Theodoretus in Cantica Sacramentum hoc appellat *ſigillum* , *notamque regionem* , ut vidimus capite hujus libri ſecundo . Accedunt definitiones Eccleſiæ . Etenim Gregorius Magnus lib. xiv. Epift. 17. alias 32. ad Felicem Epifcopum Meſſanenſem , vetat ne baptiſmus , aut Confirmatio repetatur . Idem definit Gregorius II. Epift. ad Bonifacium , unde Gratianus conſlavit cap. *De Homine* , de Consecrat. dift. v. num. 9. Haud ſecus Innoc. III. in cap. *Pæſtoralis* , Extra de Sacram. non iterandis . Concilium pariter Toletanum viii. an. 657. cap. 7. *Sanctum Chriſma collatum* , inquit , *& altaris honor avelli nequeunt* . Ita Concilium Cabillonienſe II. an. 813. atque his vetuſtius Tarraconenſe an. 490. laudatum cit. §. 15. ab Eſtio , quam tamen Synodum vereor ne ſit fictitia , cum prima Synodus Tarraconenſis celebrata ſit an. 516. ſedente Hormiſda . Florentinum Generale in decreto Unionis , *Inter ſacramenta* , inquit , *tria ſunt baptiſmus , confirmatio , & ordo , quæ characterem , ideſt ſpirituale quoddam ſignum a ceteris diſtinctivum , imprimunt in anima indelebile* . Tridentinum denique ſeſſ. vii. can. 9. *Si quis dixerit , in tribus Sacramentis , Baptiſmo ſcilicet , Confirmatione , & Ordine non imprimi characterem in anima , hoc eſt , ſignum quoddam ſpirituale , & indelebile , unde ea iterari non poſſunt , anathema ſit* . Poſtremo Theologi ſuas etiam rationes addunt , ſcilicet , quod Sacramentum iſtud conferatur *per modum conſecrationis* , & ſemel conſecrata talia permaneant , quam rationem urget Magiſter in 1v. dift. 7. Eſtius in eandem diſtinctionem , aliiſque paſſim . Videtur hæc ratio inniti iis , quæ ſcribit præcit. Auſtor ſerm. de Ablut. pedum . *Semel ſanctificatis nulla deinceps manus iterum conſecrans præſumit accedere* , ob quam rationem & S. P. libro 2. contra Epift. Parmen. cap. 17. probat non poſſe in Eccleſia baptiſmum & ordinem iterari : *Quod indubitanter* (ait in fine diſtinctionis Magiſter) *etiam de Confirmatione tenendum eſt* .

Verum tamen eſt , eum , qui Confirmationem iterum reciperet , aut conferret , complurium ſententiâ non fieri irregularem , quemadmodum ſit repetens baptiſmum ; proptereaquod irregularitas contrahatur duntaxat in caſibus jure expreſſis , atque pœnæ ſint potius reſtringendæ , quam ampliandæ . Legi poteſt Sylvius in articu-

lum 5. quæst. 72. III. Partis, ubi etiam præter recentiores laudat Scotum, Petrum de Aliaco, Paludanum, & Dominicum Soto.

THESIS II.

Ritus, quo olim hæretici recipiebantur in Ecclesiam, non erat repetitio sacramenti Confirmationis. Diximus cap. 1. hujus libri redeuntes ad Ecclesiam hæreticos fuisse receptos aut unctione chrismatis, aut impositione manus, aut sola fidei professione, recitatis verbis Gregorii Magni ex Epist. 67. libri XI. Diximus præterea in Occidentali Ecclesia Arianos receptos impositione manus, in Orientali autem unctione chrismatis, immo & hanc unctionem aliquando adhibitam in quibusdam Ecclesiis Occidentalibus, Galliarum præsertim, atque Hispaniarum. Videndum est ergo an reciperentur per Sacramentum Confirmationis, adeo, ut hæc iterum conferretur. Ac primo advertas difficultatem nullam esse de hæreticis invalide baptizatis, inter quos lib. XXXI. cap. 8. connumeravimus non solum Bonifacios, Cataphrygas, & Montanistas, verum etiam Eunomianos & Aetianos, necnon Arianos Gothos: quos propterea respicientes iterum baptizari, & confirmari oportebat. Nulla pariter occurrit difficultas de iis, qui baptizati quidem, at non confirmati fuerant, ut de Novatianis scripserunt Pacianus, qui obiit sub Theodosio seniore an. 380. Epistola ad Sympronianum, quæ extat tom. IV. Bibl. PP. pag. 309. ac Theodoretus denatus anno 460. lib. 3. hæret. fabul. cap. 5. tom. IV. pag. 230. editionis Sirmondianæ. Ergo de hæreticis & baptizatis, & confirmatis procedit quæstio. Ac hæreticos omnes promiscue receptos impositione manus *confirmatoria* contendit Sirmondus in Antirrhético 2. cap. 5. idem affirmant de hæreticis baptizatis, & confirmatis in hæresi, non autem de baptizatis & confirmatis in Ecclesia Catholica priusquam in hæresim laberentur, Maldonatus q. 1. de Confirmat. Morinus libro IX. de Pœnit. cap. 7. quem tamen Continuator Witsassii pag. 554. ait sententiam mutasse, & Antonius Augustinus in Epitome Juris Pontif. lib. 23. tit. 8. Communior tamen, & vera sententia est, hæreticorum neminem jam baptizatum & confirmatum, sive in hæresi, sive in Ecclesia, reformatum receptumque fuisse per Sacramentum Confirmationis, adeo, ut impositio manus, aut chrismatio adhibita in hujusmodi hæreticorum receptione, ceremonia quædam fuerit, non Sacramenti hujus repetitio. Quam utique sententiam præter Bellarminum, Arcudium, & Petrum Aurelium Sirmondi adversarium, propugnant ex Theologis ætati nostræ proximioribus Christianus Lupus ad canonem VII. Constantinopolit. tom. 2. pag. 246. & sequentibus Franciscus Farvacques de Confirmat. cap. 1. q. 4. Juenin q. 7. cap. 1. art. 2. Tour-

Tournely q. 1v. art. 2. concl. 2. L'Herminier tom. 1. de Sacram. pag. 349. Cardinalis Gotti q. 2. dub. 3. & q. 3. dub. 2. Benedictus A. M. Canali lib. 3. de Sacrament. q. 1. cap. 5. Auctor Op. de Re Sacram. lib. 3. cap. 5. aliique quamplurimi.

Suadetur propositio 1. quoniam Stephanus Papa in celebri suo decreto adversus Rebaptizantes ait: *Si ergo a quacunque hæresi venerit, nihil innovetur, nisi quod traditum est, ut manus illi imponatur in penitentiam.* Impositio autem manus in penitentiam est reconciliatrix, non autem confirmatoria: quod constat tum ex significatione verborum, tum ex Epistolis Cypriani, & testimonii Augustini producendis thesi sequenti. Nec audiendus est Joannes Morinus, qui libro ix. de Pœnit. cap. 7. num. 13. scribit Stephanum contendisse, ut hæretici reciperentur per manus impositionem in *Spiritum sanctum*, non, in penitentiam; sanctus enim Cyprianus Epistola 74. semel, iterumque repetens decretum Stephani, legit ut nuper productum est: idque non diffitetur Morinus eodem cap. num. 12. Præterea ex Morini, aliorumque confessione baptizati in Ecclesia recipiebantur per impositionem manus reconciliatricem, quoniam Cyprianus Epist. 71. & 74. Crescens a Cirta, aliique a Cypriani partibus, apud Augustinum lib. vi. de Baptif. cap. 15. atque ipsemet Augustinus eodem Opere lib. 111. cap. 11. affirmant hujusmodi hæreticos recipi per impositionem manuum in penitentiam. At idem affirmandum est de baptizatis in hæresi, cum Innocentius I. epist. 18. scribat, *Arianos baptizatos in hæresi suscipi in Ecclesia per manus impositionem sub imagine penitentiae*, atque idem asserat de hæreticis omnibus Hieronymus in Dialogo adversus Luciferianos, & Augustinus lib. v. de Baptifmate cap. 23. Igitur si baptizati in Ecclesia excipiebantur impositione manus reconciliatrice, admitterentur ea pariter ratione baptizati extra Ecclesiam. III. Donatistæ schismatici & ab Ecclesia divulsi non recipiebantur impositione manus confirmatoria, siquidem Catholici tam baptismum, quam Confirmationis sacramentum collatum a Donatistis ratum, validumque putabant; cum sit utriusque Sacramenti eadem ratio, nec ministrantium fides det efficientiam, aut auferat Christi lavacro, vel oleo. Testis est Optatus Milevitanus lib. vii. contra Parmenianum num. 4. testis Augustinus lib. 2. contra lit. Petiliani cap. 104. testis Alcinus Avitus Vienneſis Episcopus epist. 24. ad Stephanum Lugdunensem. Invenimus ergo baptizatos extra Ecclesiam, nec tamen receptos impositione manus confirmatoria. Ea propter manus impositio adhibita in recipiendis hæreticis appellatur *reconciliatio* in libro Pontificali, ubi agitur de Eusebio Papa, in perantiquo Breviario fidei contra Arianos edito a Sirmondo pag. 131. in litteris Rufini ad Macarium, ceterisque illustribus monumentis ab eximio Lupo collectis. IV. Abierunt in sen-

sententiam oppositam docti viri, propterea quod constat ex veterum monumentis imponendam manum redcuntibus ab hæresi, *ut accipiant Spiritum sanctum*. Ita canon 8. Concilii 1. Arelat. Siricius Papa epist. 1. ad Himerium Tarraconensem, Innocentius Epist. 22. Leo Magnus Epist. 135. aliàs 37. & Vigilius epist. 2. ad Eutherium, quæ omnia collegit ex Morino pag. 629. de Pœnit. eruditus ævi nostri Theologus. At hæc, aliæque id genus plura de sola impositione manus in *pœnitentiam* accipienda sunt. Corruunt ergo sententiæ oppositæ fundamenta. Minorem probo hac ratiocinatione. Est sententia Augustini libro 3. de Baptismo cap. 13. num. 18. Baptismum, apud hæreticos non operari remissionem peccatorum, *propter discordiam fœditatem, & dissensionis iniquitatem*; ac tum valere, *cum ad Ecclesiam pacem venerint*, quoniam idem baptismus, *qui propter discordiam foris operabatur mortem, propter pacem intus operatur salutem*. Ideo ergo per reconciliationem hæretici accipiunt peccatorum remissionem, ut docuerat idem Augustinus lib. 1. ejusdem Operis cap. 12. num. 18. *Quia ipsa reconciliatione, ac pace præstatur, ut ad remissionem peccatorum in unitate jam prodesse incipiat sacramentum, quod acceptum in sebismate prodesse non poterat*. Atque hæc est quoque doctrina S. Thomæ 3. p. q. 69. art. 10. calculis Theologorum omnium firmata. Ita nunc alucinationem adversariorum detegimus. Impositio manuum, qua recipiebantur hæretici, non conferebat Spiritum sanctum & remissionem peccatorum vi sua, ac per se, ut faciunt sacramenta, sed ratione unionis & pacis, per quam sacramenta jam suscepta incipiebant prodesse, cum in separatione & discordia mortem, non gratiam operarentur. Non erat ergo illa manus impositio sacramentum Confirmationis. Hinc Siricius explicans citata Epistola quid præstaret resipiscentibus hæreticis impositio manuum Episcoporum, *Episcopalis manus impositione*, inquit, *Catholicorum conventui sociamus*. Innocentius I. epist. 22. cap. 3. ait, ab hæreticis ordinatos *vulneratum per illam manus impositionem habere caput*, decernitque, *ubi pœnitentia remedium necessarium est, illic ordinationis honorem locum habere non posse*. Tum cap. 1v. de baptizatis in hæresi, inquit, *Nostra verò lex est Ecclesia, venientibus ab hæreticis, qui tamen illic baptizati sunt, per manus impositionem laicam tantum tribuere communionem, nec ex his aliquem in clericatus honorem, vel exiguum subrogare*. Capite autem 5. *At verò hi, qui a Catholica fide ad hæresim transierunt, quos non aliter oportet nisi per pœnitentiam suscipi, apud vos non solum pœnitentiam non agunt, verum etiam honore cumulantur*. Non apparet his in locis discrimen, quod Morinus num. 8. aliique post Morinum coarctaverunt, primi generis hæreticos per impositionem manus *confirmatoriam*, ceteros per solam *pœnitentiam* fuisse receptos. Minimè; impossi-

positione enim manuum primi hæretici recipiebant *communione laicam*, idest, nullo frui poterant clericali honoris; cum baptizati in Ecclesia & transeuntes ad hæresim, *si revertentes longa penitentia abolevisent crimen apostasie*, suscipere possent dignitatem Ecclesiasticæ ordinationis. Atque id legenti Innocentianam Epistolam erit perspicuum. Idem sensus est S. Leonis scribentis ad Episcopum Ravenatensem, *Si ab hæreticis baptizatum quempiam fuisse constiterit, erga hunc nullatenus sacramentum regenerationis iteretur: sed hoc tantum quod ibi defuit conferatur, ut per Episcopalem manus impositionem virtutem sancti Spiritus consequatur*. Quo sane in loco virtus Spiritus sancti est effectus baptismi, videlicet gratia, quam reconciliatus consequitur per impositionem manus, quatenus per hanc unitur Ecclesiæ. Quid enim est illud, *quod defuit in baptismo collato ab hæreticis, nisi unitas Ecclesiæ*, extra quam sacramentum regenerationis non potest prodesse? Nam si defuit etiam Confirmatio, jam hæc non repetitur; neque, hoc etiam dato, adversariis suffragatur auctoritas Magni Leonis. Vigiliis denique in Epistola ad Euthesium cap. 3. asserit tantum, rebaptizatos ab Arianis reconciliari, *non per illam impositionem manus, quæ per invocationem sancti Spiritus operatur, sed per illam, quæ penitentia fructus acquiritur, & sanctæ communionis restitutio perficitur*. Diversa ratione reconciliari hæreticos baptizatos in hæresi nec Vigiliis asserit, nec vestigium est aliquod, unde istud conicias. Ex quibus omnibus habes, impositionem manus in hæreticis ad fidem conversis contulisse Spiritum sanctum ratione unionis Ecclesiæ, non efficientiâ repetitæ Confirmationis. Abolvamus argumentationes istas apertissimo Augustini testimonio, quo utitur Thomas Valdensis contra Armacanum, de Sacram. Confirmat. cap. 15. & adversus Morinum Farvacquesius q. iv. §. 5. *Manus autem impositio, si non adhiberetur ab hæresi venientibus, tanquam extra omnem culpam esse judicaretur; propter caritatis autem copulationem, quod est maximum donum Spiritus sancti, sine quo non valent ad salutem quæcunque alia sancta in homine fuerint, manus hæreticis correptis imponitur*. Ita Augustinus lib. v. de Baptismo cap. 23. num. 33.

Diluenda remanent pro sententiâ opposita quæ sequuntur. I. Canone viii. Nicænæ Synodi statuitur, ut Cathari, idest, Novatiani recipiantur *impositione manus*. II. Septimo Concilii primi Constantinopolitani legitur: *Arianos quidem & Macedonianos, & Sabbatianos, & Novatianos, qui dicunt seipsos Catbaros, & Aristeros, hoc est malos vel sinistros, Tessaradecatitas, sive Tetraditas, & Apollinaristas recipimus, dantes quidem libellos, & omnem heresim anathematizantes, quæ non sentis, ut sancta Dei Catholica, & Apostolica Ecclesia, & signatos, sive unitos primum sancto chrismate & fran-*

& frontem & oculos, & nares, & os, & aures; & eos signantes dicimus, *Signaculum doni Spiritus sancti*. Quo in canone ob expressam Confirmationis materiam & formam apertum est non de ceremonia pertractari, sed de vero, proprioque sacramento. III. Basilii Magnus in Epistola Canonica ad Amphilochem, num. 1. ait: *Omni ratione statuatur, ut qui ex hæreticorum baptismo ad nos accedunt, ebrimentur a fidelibus, & sic mysteriis participant*. IV. In Euchologio Græcorum edito a Jacobo Goario habetur *Reconciliatio* redeuntium ad Ecclesiam conscripta a sancto Methodio martyre; ex qua constat recipiendos hæreticos cum unctione chrismatis, & prolatione verborum, *Signaculum doni Spiritus sancti*. Fertur quoque eandem reconciliationis praxim apud Græcos etiamnum obtinere. Quod si respondeas hanc verborum formulam diversam esse ab ea, quæ præscribitur pro neophytis confirmandis, *non sensu tantum & scopo, sed tenore ipso verborum*; ut inquit perpolitus Auctor librorum de Re Sacram. tom. 1. pag. 332. jure meritoque repones, annon idem præclarus scriptor laudat eo loci Euchologium Barberinum, Cryptoferratense, & Parisiense Regium, recitatque illa Euchologii verba: *Et ungit eum unguento, sicut & recens illuminatos, baptizatos, eandem super illum formulam proferens, Signaculum doni Spiritus sancti*? Annon hæc est formula Confirmationis, ut ostendimus cap. vi. prop. 3. & præcitatus Auctor docuerat pag. 324? Quomodo ergo pro reconciliandis, & pro confirmandis formulæ traduntur diversissimæ tenore ipso verborum?

Ad objectionem priori loco positam constat responsio ex cap. 2. prop. 2. ubi plura de Nicæni canonis sensu: sat est modò, si repetamus nullam eo in canone commemorari impositionem manus *confirmatricem*. Ad alteram ex canone Constantinopolitano petitam, respondet Christianus Lupus pag. 252. verba, *Signaculum doni Spiritus sancti*, non esse Sacramenti Confirmationis formulam, & antiquissimos Græcorum solam frontem tribus vicibus, non membra singula perunxisse; ideoque non agi eo loci de unctione Sacramentali. Verum quod tradit de forma, a nobis est refutatum, assertumque ab eodem præstantissimo viro castigatissima moderatione, *Crediderim*. In unctione etiam chrismatis præcipitur in Euchologio Græcorum, ut illuminatorum frons, oculi, nares, os, auresque consignentur, pag. 360. idemque legitur apud Cyrillum Catech. 3. Mystag. pag. 524. tametsi frons dicatur prius inungenda, quàm partes reliquæ. Nec dubium est ullum, quin de unctione Sacramentali istic sit sermo. Respondendum itaque haud levem haberi suspicionem canonis, de quo agitur, suppositionis. Etenim *Sabbatianorum* nomen, teste Socrate lib. v. cap. 21. est Synodo Constantinopolitana posterius. In paraphrasi etiam Arabica hujus Synodi apud Harduinum tom. 1. Conc.

Conc. pag. 818. & desideratur canon iste, & asseritur editos in eâ Synodo canones tantum quatuor. Verum septimo quoque admisso, illum exponendum censemus de hæreticis non confirmatis. Novatiani siquidem, auctore Theodorito lib. 111. H. Fab. cap. 5. iis, quos baptizabant, *sanctissimum chrisma* non præbebant: *Quapropter eos, qui ex hac hæresi corpori Ecclesiæ coniunguntur, laudatissimi Patres iungi præceperunt.* διὰ τοῦτο καὶ τοὶ ἐκ τῆς δι' τῆς αἰρέσεως τοῦ σώματος τῆς ἐκκλησίας συναρτηθέντες ἵνα οἱ συνήθως πατρίσι προστάξαι, inquit ibidem pag. 230. Cyri Episcopus. Sabbatianorum hæresis Novatianæ furculus erat, & Balsamon utramque censet unam. Certè Sabbatiani ex Iudæo Christianum accessisse Novatianis, scribit citato loco pag. edit. Valesii 281. Socrates Scholasticus. Cum vero Novatiani & Sabbatiani negligerent Confirmationem; idem asserendum est de hæreticis Macedonianos, ceterosque Pneumatomachos non contempsisse hoc Spiritus sancti signaculum, aut si adhibuerunt, non adulterasse præscriptam formulam, aut si hanc retinuerunt, consignatos fuisse ab Episcopis? Neque enim in illorum præbyteris præfrendenda est permissio Pontificis Maximi, aut totius Orientalis Ecclesiæ consensus, qualem adstruimus in valida consignatione præbyterorum Græcorum. Undique ergo secunda objectatio flaccescit. In tertia non immeritor, quoniam adversariis sudandum est, si demonstrare velint locutum Basilium de unctione sacramentali: quamvis inverisimile non sit, aut existimasse illum invalida sacramenta data extra Ecclesiam; aut instituisse sermonem de nondum confirmatis: quod postremum ob diversam rationem, qua Basilius loquitur de baptismo, & de unctione, censet in Concordia pag. 102. Petrus Arcudius. Ad IV. Arcudius ipse respondet, (hæsitans tamen ac dubitans) Methodium illum non esse sanctissimum virum a Photio circa annum 840. vehementer vexatum, sed Methodium schismaticum, qui vixit sæculo x111. Addit nihil de *forma* reperiri in MS. Cryptæ ferratæ a se perlecto, neque in Exemplaribus aliis, testes appellans Joannem Matthæum Caryophilam Cydonium, aliosque Græcorum. Falli Arcudium putat Goarius in Notis pag. 886. ductus antiquorum Codicum auctoritate; & Goario subscribunt Possevinus, Gesnerus, Albertus Miræus, Philippus Labbeus. Potest hoc dissidium componi, si dicas Euchologium a Methodio seniore (non tamen a Methodio Patarense, sed Constantinopolitano) exaratum; superadditam tamen formulam, quæ in MSS. compluribus desideratur. Sane Baronius, ad quem Goarius provocat, ad annum 842. num. 21. hunc recitat Methodii canonem: *Si puer quidem comprehensus fuerit, seu metu, seu ignorantia, & inscitia; is propitiationis preces septem diebus accipiat, & octavo die lavetur, & a lavacro linteis accinctus*

To.VII.

R

chrif-

chrismate inungatur, ut solent inungi qui baptizantur, & ferat vestes novas, secundum ordinem illorum, qui illuminantur. Et infra de adolescentibus, ac de senibus, Laventur, & ungantur secundum priorem constitutionem. Hic proculdubio non apparet forma Confirmationis: immo sicut lavacrum, de quo Methodius, est quædam similitudo baptismatis, non baptismus; ita unctio est imago Confirmationis, non Confirmatio. Quare Methodium accipiendum de ceremonia, per quam lapsi iterum unirentur Ecclesiæ, eisque representaretur effectus sacramenti, a cujus gratia exciderant, docent Theologi bene multi. Idem affirmandum, si in reconciliatione illa pronuntiata fuerint verba, *Signaculum domi Spiritus sancti*. Quamvis enim si adhibeantur *materia & forma* cum debita intentione, perficiatur sacramentum; attamen si a circumstantiis, ab intentione ministri, & ab adjunctis precationibus verborum formula determinetur ad alium effectum, præsertim si ambigua sit, diversumque patiat sensum, qualis est præfens formula; sacramentum nequaquam administratur. Itaque in Reconciliatione a Methodio conscripta, si pronuntiaretur, siue non, *et Signaculum domi Spiritus sancti*, non iterabatur Confirmatio. Nam si non pronuntiabatur, deerat *forma*, pars scilicet sacramenti essentialis: si proferbatur autem, quoniam etiam unio, & Catholicæ Ecclesiæ communicatio est *maximum donum Spiritus sancti*, ut inquit Augustinus lib. 111. de Baptif. cap. 13. & lib. v. cap. 23. atque donum istiusmodi conferebant sacerdotes reconciliatis hæreticis; ideo in tali circumstantia sacramentum minime perficiebatur. Idque magis manifestum est, si perpendatur oratio tunc recitata: qua priusquam fieret unctio, ita sacerdos orabat, *Ut salutaris baptismatis scintilla in ejus anima insidens, & relicta aura gratiæ, ventilata spiritaliter rursus accendatur, & impressum sigillum in ejus corde, & cogitationibus, per crucis Christi tui signationem, per spem in te, & veritatis agnitionem evidentius appareat.* Vide Euchologium Goarii pag. 878. Atque hæc responsio etiam objectionibus aliis potest aptari. Perstitit hac ratione quod scribunt memoratus Auctor de Re Sacrament. Farvacques noster, Goarii ipse, & alii permulti, intelligendum Methodium de unctione reconciliatoria, penitentiali, & per quam sacramentum jam susceptum, sublato impedimento erroris, *& seditate discordiæ*, vim exereret suam: quod explicare etiam conantur exemplis religiosorum vota sua renovantium, conjugatorum recurrente Jubilæo iterum contrahentium, & ordinationum Episcopi schismatici, vel hæretici; quamvis istorum exemplorum aliqua non videantur ad rem; aliqua etiam eadem laborent difficultate.

Neque Augustinus, neque Cyprianus affirmare reconcilians venientes ab hæresi per iteratum sacramentum Confirmationis. Ac primo quantum spectat ad Augustinum, id evincitur ex dictis Thesi superiori: nam S. Pater lib. v. de Baptis. cap. 23. scribit manum imponi correctis hæreticis, propter caritatis copulationem, quod est maximum donum Spiritus sancti. Existimat ergo per illam manus impositionem hæreticos copulari Ecclesiæ, ut separatione sublata vim suam exerant sacramenta foris suscepta. Præterea fatentur adversarii (Morinus saltim, & Maldonatus) baptizatos in Ecclesiâ priusquam declinarent in hæresim, receptos per manus impositionem in pœnitentiam, idque Stephano concessisse Rebaptizantes, cum hi tantum sacramenta repetenda contenderent in baptizatis in hæresi. Atque id manifestum est ex litteris Cypriani mox producendis. Quare Augustinus lib. 3. de Bapt. cap. xi. num. 16. ait: Hoc enim ipse etiam Cyprianus cum ceteris statuit, ut si ab hæresibus redirent ad Ecclesiâ quicunque fuerant in ea baptizati, non jam per baptismum, sed per pœnitentiam reciperentur; unde constat eos non posse admittere recedentes, quod non recipimus remeantes. Consensisse Cypriano Crescentem a Cirta, Cassium a Macomadibus, aliosque Patres Synodi Carthaginensis, celebratæ cura & auctoritate Cypriani, constat ex eodem Opere Augustini lib. vi. cap. 15. & 19. Atqui S. Pater in universo illo Opere demonstrat eandem rationem habendam esse de baptizatis in Ecclesiâ, & de baptizatis in hæresi, probatque integra in utrisque permanere sacramenta. Igitur credidit utrosque reconciliandos per solam manus impositionem in pœnitentiam. Insuper quod Augustinus affirmavit de baptismo, validum hunc esse, extra Ecclesiâ collatum, idem asseruit de Confirmatione, revincens Petilianum sacramentum chrismatis datum ab hæreticis repudiantem, ut patet ex lib. 2. contra litteras Petiliani cap. 104. num. 239. Quemadmodum ergo baptismus, ita Confirmatio nunquam juxta Augustini doctrinam est iteranda. Rursus movet adversarios quod scribit Augustinus lib. 111. de Bapt. cap. 16. Manus autem impositio non sicut baptismus repeti non potest; unde inferunt, Igitur per Augustinum repetitur Confirmatio. Sed inepta, & illegitima consecutio; siquidem demonstrandum est, quod negamus, hanc manus impositionem esse sacramentum Confirmationis. Negamus, inquam, id, & pernegamus; primum quia ex Augustino Confirmatio nequit repeti: impositio itaque manus, quæ potest iterari, non est Confirmatio. Deinde statim de illa manus impositione subjicit S. Pater, Quid est aliud, nisi oratio super hominem? Affirmat ergo, quod repeti possit, quoniam non est sacrosanctum signaculum

permanens in desertoribus, & imprimens characterem, cujusmodi est *sacramentum chrismatis*; sed oratio, quam Episcopi fundebant imponendo manum *substratis*. Ad hæc lib. v. cap. 20. num. 28. aperte Augustinus sacramentum Confirmationis distinguit *ab impositione manus*; & cap. 23. num. 32. huic impositioni manus tribuit reconciliationis, & gratiæ vim, *propter caritatis copulationem*: immo eodem cap. 16. scripserat per manus impositionem dari Spiritum sanctum, *quia caritatem non habent qui ab Ecclesia communione præcisi sunt*; ii autem quibus manus imponitur Spiritus sanctus invisibiliter & latenter confertur, *propter vineulum pacis*. Neque probant oppositum Augustini verba, eodem capite affirmantis nunc eos, *quibus manus ad accipiendum Spiritum sanctum imponitur*, linguis repente non loqui. Non enim sensus horum verborum est comparandam esse undequaque impositionem manus *reconciliatoriam* impositioni manus Apostolorum *confirmatoriam*, ut adversarii augantur. Sensus est, impositione manus *reconciliatoria* dari Spiritum sanctum *latenter propter vineulum pacis*; quemadmodum, Apostoli impositione manus *Sacramentali* dabant *invisibiliter* Spiritum sanctum ad animi firmitudinem, & *visibiliter* ad commendationem rudis fidei, & *Ecclesie primordia dilatanda*, ceterum impositionem manus reconciliatoriam nihil esse aliud, quam *orationem super hominem*, & in hac esse cooperationem Spiritus, & *donum caritatis & pacis*; cum in impositione manus Apostolorum esset *Sacramentum* imprimens characterem, *quod habere etiam Simon magus potuit*. Refutantur itaque adversarii tum ex aliis Augustini locis, cum ex præcitato cap. 16. lib. 3. de Baptismo, ex quo petunt erroris sui patrocinium.

Veniamus ad Cyprianum. Hinc putant quidam existimasse, quod venientes ab hæresi, & foris baptizati reciperentur per impositionem manus *confirmatoriam*, quoniam in Epistola ad Jubajanum pag. 280. & 285. novæ edit. pugnat cum Catholicis, demonstratque iterandum esse baptismum ex quo ipsi Catholici universim iterent Confirmationem. *Quod si secundum pravam fidem (inquit) baptizari aliquis foris, & remissam peccatorum consequi potuit; secundum eandem fidem consequi Spiritum sanctum potuit, & non est necesse venienti manum imponi, ut Spiritum sanctum consequatur, & signetur*. Præterea in eadem Epistola, necnon in Epist. ad Steph. pag. 275. ait tunc redeuntes ad Ecclesiam sanctificari, *si utroque sacramento nascantur*; idemque affirmat in Concilio Carthagenensi Nemefianus a Tubulis, alias Tubunis. Adde quod nisi Cyprianus explicetur de sacramento Confirmationis, arripient iterum ansam hæretici, & contendent *impositionem manus*, de qua S. Martyr, puram putam ceremoniam esse, neque ab eo admitti chrismatis sacramentum,

Com-

Complures ad hæc respondent, Cyprianum utique existimasse sicuti baptismum, ita Confirmationem hæreticorum esse irritam, atque errori addendo errorem, idest, putando in Catholica recipi hæreticos omnes per iteratum Confirmationis sacramentum, hoc telo adversus Catholicos *ad hominem*, ut inquiunt, decertasse, Iteranda est Confirmatio data ab hæreticis, ergo & illorum baptismus: hanc tamen pugnandi rationem falsæ suppositioni esse innixam. Verum, etsi fortè Cyprianus idem iudicium tulerit de Confirmatione, ac de baptismo, & utrumque sacramentum apud hæreticos nullum crediderit, quod ego non ibo inficias; nihilominus falsum est loqui illum de Sacramento Confirmationis, ubi pertractat de hæreticis recipiendis. Quod ut palam fiat, animadvertite in hoc deceptum Cyprianum, quod crederet sententiam esse Stephani baptizatos ab hæreticis renasci, induere Christum, & remissam consequi peccatorum. Quod nos Volum. vi. pag. 463. apertissime demonstravimus, & ni fallor, ex locis quoque nuper productis evincitur. Hac sola annotatione facilius, quàm alii faciant, hunc solvam nodum. Ergo in Epistola ad Jubaianum verborum Cypriani sensus est: Si tincti ab hæreticis consequuntur peccatorum remissam, quare redeunt ad Catholicam expiantur impositione manus, ut sanctificentur? Numquid potest haberi absque Spiritu sancto peccatorum remissio? Non consequuti fuerant in hæresi *Spiritum sanctum*; igitur neque peccatorum remissam, ideoque nec baptismum. Quod utique Cypriani argumentum non procedit ex suppositione, quod hæretici reciperentur per impositionem manus *confirmatoriam*, sed ex suppositione quod Stephanus traderet baptizatos ab hæreticis renasci, induere Christum, & peccatorum consequi remissionem. Qua in re, ut dixi, Cyprianus sententiam Stephani non est assecutus, neque accuratè distinxit inter *characterem* Sacramentorum, & gratiam. Idem aliorum testimoniorum sensus est. Probat enim in Epistola ab Jubaianum, & in altera ad Stephanum, opus esse, ut hæretici resipiscentes utroque sacramento renascantur, ex textu Evangelii, *Nisi quis renatus fuerit ex aqua, & Spiritu sancto*; ubi nihil de Confirmatione: eundemque locum urget in Synodo Carthaginienſi Nemesianus. Quare uterque ratiocinatur hoc pacto: Qui baptizantur ab hæreticis, non renascuntur *ex Spiritu sancto*; igitur non valide baptizantur, nec renascuntur: spiritualis quippe renascentia non *ex aqua* sola repetenda est, sed *ex aqua, & Spiritu sancto*. Renasci itaque, utroque sacramento, non est in sensu Cypriani, renasci Confirmatione, & baptismo; quando enim, & ubi Confirmatio appellatur renascentiæ sacramentum, seu regenerationis lavacrum? Sed est renasci aqua, & renasci Spiritu sancto: *Neque enim Spiritus sine aqua operari potest*, inquit Nemesianus apud Augustinum lib. vi. de Baptismo,

mo, *nec aqua sine spiritu*. In qua pariter argumentatione Rebaptizantes lapsi sunt, characterem a gratia non distinguentes. Quod si adhuc contendas, *non ex utroque sacramento accipiendum in rigore* verborum; potius ad baptismum, & poenitentiam, quam ad baptismum & Confirmationem, ea verba referrem. His corrunt argumenta superius posita: quorum postremum nullius est roboris; siquidem alia suppetunt adversus Dallæum, ceterosque hæreticos loca Cypriani apertissima, commonstrantia sacramentum Confirmationis: de quibus cap. 2. prop. 2. pag. 22. & 23.

At, inquis, unde constat Cyprianum non urgere sua in Stephanum argumenta ex suppositione, quod juberet Romanus Pontifex ut reconciliarentur hæretici per iteratam Confirmationem? Respondeo id constare ex ipso Cypriano, nec non ex adversariorum complurium sententia. Perscribebat enim Stephanus veterum traditionem, ut venientes a quacunque hæresi, modò baptizati forent in adunata Trinitate, non repetito baptismo, reciperent *sola impositione manus in poenitentiam*. At quod Stephanus universim de hæreticis pronuntiabat, hoc Cyprianus observandum esse concedebat de baptizatis in Ecclesia priusquam a fide desciscerent, contendens præter illam impositionem manus, in baptizatis apud hæreticos adhibendum iteratum baptismum. Fatebatur ergo Cyprianus redeuntes hæreticos recipi juxta veterum consuetudinem, *per manus impositionem in poenitentiam*. Manifestum est ratiocinium istud ex præcatis Augustini verbis lib. 111. de Baptism. cap. x1. atque ex ipsomet Cypriano hæc scribente in Epist. ad Quintum pag. 272. *Dicunt se in hoc veterem consuetudinem sequi, quando apud veteres hærescos prima, adhuc fuerint initia, ut hi illic essent, qui de Ecclesia recedebant, & hic baptizati prius fuerant; quos tamen ad Ecclesiam revertentes, & poenitentiam agentes necesse non erat baptizare. Quod nos quoque hodie observamus, ut quos constat hic baptizatos esse, & a nobis ad hæreticos transisse, si postmodum peccato suo cognito, & errore digesto ad veritatem & matricem redeant, satis sit in poenitentiam manum imponere; ut quia ovis fuerat, hanc ovem abalienatam & errantem in ovile suum pastor recipiat.*

CONSECTARIUM.

Non erat ergo impositio manuum, qua recipiebantur hæretici baptizati in Ecclesia, diversa ab illa, qua recipiebantur baptizati in hæresi; sed utraque erat ceremonialis, reconciliatrix, poenitentialis. Hoc inter utrosque discrimen, quod baptizati in hæresi facilius veniam consequerentur, & per manus impositionem reconciliati Ecclesie accipiebant in ea communionem, caritatem, pacem, unitatem,

tatem, atque invisibilem Spiritum sanctum: atque ita salubriter incipiebant habere sacramentum baptismatis, quod susceptum in hæresi tanto perniciosius, quanto indignius habebant. At baptizati in Ecclesia, utpote apostatæ, desertores, & qui disruperant vinculum unitatis, ante reconciliationem ad publicam pœnitentiam subeundam cogebantur; & ubi primum venientes ad unitatem, statim admittebantur inter *Substratos*, ut se Antistitem manui substernerent; redeuntibus post spontaneum lapsum, a gradu *Fletus* ad *Audientiam*, ab *Audientia* transcundum erat ad *Substrationem*, & complendum ita universum curriculum pœnitentiæ. Hoc insinuat Innocentius I. præcit. Epist. 22. ad Rufum Episcopum Thessalonicensem: hoc Augustinus confirmat lib. 2. adversus Cresconium cap. 16. hoc scholio in canonem v11. Constantinopolitanum demonstrat Lupus; hoc denique hujus, ac præcedentis thesisi est confectaria conclusio.

THESES IV.

Statuenda est inter characterem baptismi, & characterem Confirmationis aliqua connotativa distinctio. Nam per characterem priorem tribuitur homini regenerato potestas, quæ ad ejus vitam & salutem spectat; per hunc verò characterem potestas pertinens ad spirituale certamen: per unum confertur signaculum civium spiritualis Jerusalem; per alterum Christiani militis nota. Etsi enim quisquis baptismi initiatur, adscribitur in Christianam militiam, eique adversus hostes, quibus *abrenuntiavit*, pugnandum est; sacro tamen linitus chrismate, quasi militari baltheo exornatur, inungitur, constituitur athleta, ut non tantum inire valeat communia & quotidiana certamina, verum etiam difficiliora, interdum cum vitæ discrimine, & profusione sanguinis subeunda. Adeat, qui de hac re plura expetit, S. Thomam 3. p. q. 72. art. 5. & 6. Estium in iv. dist. v11. §. 16. & Basilium Poncium p. 3. cap. 2. quippe nobis non est diutius, & obnoxius huic perquisitioni incumbendum.

C A P U T X.

Brevi pertractans de Ritu Confirmandi, sive de hujus Sacramenti ceremoniis.

NON erimus agentes de sacro Confirmandi Ritu nimium prolixi, cum de hoc pertractariis stylo ampliori Durantus, Casalius, Vicecomes, Martenius, & qui de Re Sacramentaria scripsere mediævi, ac nostræ ætatis Theologi. Plura etiam nos superioribus disputationibus

tationibus delibavimus, egimusque de ministrantium, & confirmandorum conditione, de tempore quoque, & hora, necnon de chrismate, & balsamo, quo conficitur, atque de ejusdem chrismatis benedictione. Cum verò necessum non sit ea repetere; partes nostras implevisse arbitramur, si notas quasdam subjiciamus, quibus ipsius chrismatis usus, compatrum conditio, modus unctionis, vittæ lineæ, seu fasciolarum religamen, & alapæ, quæ impingitur confirmato, ratio exponantur.

DE CHRISMATE.

Ut ergo exordiamur a *chrismate*, fallitur principio Claudius de Vert scribens tom. 2. pag. 156. & seq. ipsius originem nequaquam fuisse *myssicam*, quod eo utens Ecclesia intenderit duntaxat instaurare ritum, ceremoniamque Judaicam. At hinc potius eruitur oppositum: veteres quippe ritus præsignabant Christianæ legis mysteria; & præsertim *chrisma* in consecrationibus olim adhibitum, Exodi xxx. 25. & xl. 9. typus erat *Christi*, quem ob hypostaticam unionem, & gratiæ plenitudinem *unctam*, Psalmista ps. xlv. 8. testatur. Illa quoque consecratio legalis erat symbolum spiritualis unctionis, & habitualis gratiæ, cujus intuitu Joannes Epist. 1. cap. 2. ait: *Vos unctionem habetis a sancto*; Græce, ὑμῖν χρίσμα ἵνα μὴ τὸ ἁγίον. Errat ergo, suisque argumentis refutatur De-Vertius, in quem alibi acuimus stylum. II. Oleum pariter operamque perdunt sacram unctionem arcescentes è moribus Ethnicorum, qui perungebant pugiles & luctatores. Quamquam enim non diffitemur etiam in agone pugnantes unguentis perlinitos, quippe qui legimus Myrothecia Scacchi, & quæ ibi in 1. cap. 34. profert vir doctus ex Virgilio 3. Aen. canente, *Exercent patrias, oleo labente, palastras*, ex Plutarcho scribente in Themistocle, hunc oleo delibutum *ad obeunda pro patria certamina*, ἵνα τοῖς ἁγῶνις ὑπὲρ τοῦ πατρίδος, & ex aliis profanæ, & sacræ eruditionis monumentis, nec ignoramus quæ de athletis scriptores plurimi consignaverunt litteris; duo tamen, quæ sacrorum chrismatum præstantiam tutantur: unum scilicet, quod nil deroget sacrosanctis signaculis, si aliquem apud profanos usum habeant, cui insit cum spiritali effectu similitudo aliqua & necessaria ad sacramenti rationem *analogia*, ut diximus libro xxx. cap. 1. alterum, quod eodem capite animadvertimus, non solum in profanis, verum etiam in negotiis idololatriæ, ut phrasi utamur Tertulliana, dæmonem *annulante* affectasse res divinatorum Sacramentorum. Quod in unctionibus præsertim factum tradit idem Tertullianus, commemorans de Præscript. cap. 40. consignationem militum factam a Mitra, præcipuo scilicet sacrorum ministro, qui etiam ab

Apu-

Apulejo *Mitbra* nuncupatur; quamvis eo vocabulo Perfæ appellentur folis fimulacrum . Ac fortaffe dæmon ad æmulationem illam vehementius eft incitatus, quod Judæi cultores unius numinis adhiberent unctiões frequentiffimas, etiam antequam inirent prælia: quod folenni ritu peractum in Juda Machabæo, auctor eft lib. 3. hiftoriæ hebraicè confcriptæ Jofeph Ben-Gorion . III. In *Chriftatis* confecratione, quam faciendam diximus ab Epifcopo in feria v. majoris hebdomadæ, tameti præcis fæculis fas erat chrifma conficere quocunque die, ut conftat ex can. 20. primæ Synodi Toletanæ, culpant heterodoxi confuetudinem illam, qua Epifcopus & presbyteri confectum chrifma falutant, dicentes, *Ave fanctum chrifma* . Partim verò commoventur hæretici, quod adoratio facta inanimi elemento videtur idololatriæ crimen, partim quod ineptum fit, & fupra modum puerile falutem dicere, five jubere ut falva fit res fenfu deftituta . Verum delirant, & aniles ineptias, gerraſque effutunt hæretici . Obſervatum optimè a Pouget tom. 2. Inſtit. Cathol. cap. 8. & a ſapientiffimo Pontifice Not. 189. in Fer. v. majoris hebdomadæ, hunc falutationis ritum quinto, ac ſexto ſæculo vigiſſe: quod nos facile comprobamus ex quo illius meminerint Magnus Gregorius in Sacrament. antiquus Ordo Romanus, Pontificale Romenſe annorum mille, Piſtavenſe ejufdem forme vetuſtatis, & perantiqua MSS. Egberti Eboracenſis Archiepiſcopi, laudata ab erudito viro tom. 111. in Pontif. Rom. pag. 77. nec meminerint tantum, ritum ipſum præterea commemoraverint, non quali co temporis inſtitutum, ſed tanquam receptum, communem, probatumque auctoritate majorum: quod utique antiquiſſimæ originis argumentum eſt apertiffimum: Jam verò hæreticorum nugæ refutarunt plerique Theologorum, & Pontifex ſummus, reſpondendo adorationem Chriſtinatis non eſſe *abſolutam*, ſed *relativam*, ad Chriſtum nempe, cujus ſymbolum eſt, referendam, atque in illa animi exultationem ob perfectam rem myſteriorum, virtutiſque pleniffimam, reverentiam inſuper ſacramentorum, eſſe attendenda . Protulerunt quoque docti viri exempla Paulæ, quæ cum Bethlemum perveniſſet, ut in ejus Epitaphio tom. 1v. pag. 674. ſcribit Hieronymus, exultans ait: *Salve Bethleem domus Panis, in qua natus eſt ille panis, qui de cælo deſcendit . Salve Ephrata regio uberrima, atque napropia* (fructifera) *cujuſ fertilitas Deus eſt* . Exemplum quoque Andræ crucem alloquentis, *Salve crux pretioſa*, & Gregorii Nazianzeni, qui valedixit Conſtantinopolitanæ urbi, templo, & cathedræ, quando ſeſe abdicavit Epifcopatu . Et ſi exempla alia quæras; extat in antiquo carmine de die Paraſceves producto a nobis tom. 5. pag. 561. *Salve feſta dies, quæ vulnera noſtra coerces*: in Ordine Romano pag. 56. & apud Venantium Fortunatum, de die Paſchatis, *Salve feſta dies*,
To. VII. *S* *ſoro*

toto venerabilis aro: apud Alcuinum poem. 216. de urbe Roma; *Salve Roma potent, mundi decus, inclita mater:* quarum salutatio-
num possent, si vacaret, proferri plurimæ. IV. De *chrismate* au-
tem hæc præterea statuta esse invenimus: primò, quod singulis an-
nis sit innovandum, ex decreto, ut fertur, Fabiani Papæ; ex cap.
Si quis de alio, de Consecrat. dist. 1v. num. 122. & apud Burchar-
dum lib. 1v. decret. cap. 72. ex Concilio Bituricensi anno 1584. quo
etiam statuitur, ut *vetus igni comburatur*. Præterea definitum est,
ut præsbyteri non a quocunque Episcopo, sed a proprio recipiant
chrisma, ex cap. *Præsbyteri*, de Consecrat. dist. 1v. num. 123. de-
prompto ex Concilio 1v. Carthag. can. 36. ex præcit. cap. *Si quis de
alio*, quod Burchardus, Ivo, & Gratianus tribuunt Synodo Lugdu-
nensi, ex Conciliis Valsensi, Antisiodorensi, & Cabillonensi lauda-
tis a Tournelio pag. 250. & Vitassio pag. 641. edit. Ven. Græco-Itali
tenentur & ipsi accipere chrisma a proprio Episcopo Latino, cujus
iurisdictioni subjiuntur, numquam vero recipere illud possunt ab
Episcopis schismaticis, seu non habentibus cum Romana Ecclesia
communione, ex Const. BENED. XIV. super Rit. Græc. §. 4. Ter-
tiò cautum est, ut *chrisma* diligentissime sub sigillo, aut sera custo-
diatur, canone 27. Concilii Moguntiaci an. 813. confirmato a Syno-
do Lingonensi tit. x. cap. 4. can. 4. Concilii Lamechensis an. 1530.
canone 17. Concilii Friningensis an. 1440. a quo laudantur quoque
constitutiones Concilii Lateranensis, ex Concilio III. Mediol. an. 1573.
item cap. 55. Capitul. Caroli M. lib. 3. & cap. *Præterea & illud*,
ex collectis a Burchardo lib. 1v. n. 80. Plura eodem libro extant de-
creta, quæ prohibent, ne pro chrismate Episcopi, aut alii Ecclesia-
rum ministri recipiant *denarios, vel qualibet munuscula*. V. Con-
tinuator Vitassii, cum omnia ad Sacramentum Confirmationis spe-
ctantia studuerit comprehendere, egit q. 2. sect. 6. §. 20. etiam de
variis chrismatis usibus, scilicet in consecratione electi in Episcopum,
in consecrationibus templorum, altarium, calicis, patenæ, cam-
panæ, in benedictione aquæ baptismalis, in verticali unctione bap-
tizatorum, atque in ipsorum confirmatione. Ignoro, cur in tam
distincta enumeratione prætermiserit usum *chrismatis* in benedictione
cerearum imaginum, quas dicimus *Agnus-Dei*: olim quippe
chrisma ceræ immiscebatur, ut constat ex carmine Urbani V. ad Im-
peratorem Constantinopolitanum, ubi materia, ex qua sacræ illæ
imagines conficiuntur, his versibus exprimitur:

Balsamus, & cera munda, cum chrismatis unda

Conficiant Agnum, quod munus do tibi magnum;

quamvis modo *chrisma* non immisceatur ceræ, sed infundatur aquæ,
in quam *Agnus-Dei* in solemnî benedictione mergatur. VI. Illud
postremò de chrismate est adnotandum, benedictiones in quibus ipsum
chrif-

chrifma adhibetur, faciendas a solis Episcopis, neque ab ipsis posse committi presbyteris, quantumvis inter ceteros honore dignis, absque speciali Sedis Apostolicæ privilegio. Sacra enim Rituum Congregatio interdum concedit Episcopis facultatem delegandi pro benedictione sacrorum indumentorum, *in quibus chrifma non debet adhiberi*, simplices quoque presbyteros; at non pro consecratione aliqua *chrifmate* peragenda. Atque id sacra Congregatio rescripsit die 17. Januarii an. 1733. Archiepiscopo Bononiensi Prospero Lambertini, nunc Pontifici Maximo, qui eodem anno de Benedictionibus edidit Notificationem numero vicesimam, doctrina, & eruditione, numerisque omnibus absolutam, atque, ut reliquæ omnes, lectu dignissimam. Præfatus quoque Sacrarii Apostolici, qui solet ex Ordine nostro assumi, cum ex Pontificio diplomate possit benedicere ornamenta altarium, sacra indumenta, corporalia, & quidquid ad sacrum pertinet usum; non potest tamen benedictiones illas perficere, quæ *chrifmate* peraguntur, nisi Episcopali caractere sit insignitus, ut inquit Angelus Rocca tom. 1. pag. 324. At de chrismatis significatione mystica, consecratione, custodia, & usu, si hæc perpauca præcedentibus disquisitionibus adjiciantur, satis superque dictum est.

DE CONFIRMANDORUM PATRINIS.

Eadem prorsus dicenda sunt de susceptoribus, seu Patrinis Confirmandorum, quæ capite ultimo libri xxxi. scripsimus de suscipiendis baptizandos. Addamus nihilo tamen minus nonnulla. Adhibendos in Confirmatione susceptores, constat ex perantiqua Ecclesiæ praxi, comprobata ex capite, *In catechismo*, quod tribuunt Hygino, protulitque sæculo septimo Theodorus in Pœnitentiali num. 4. item ex cap. *Non plures*, deprompto ex Walafrido Strabone, & ex cap. *In Baptismate, vel in Chrifmate*, sive ex Theodoro, sive ex Concilio Moguntino: quæ omnia collegit Gratianus de Consecrat. dist. 4. S. Thomas q. 72. art. 10. hujus ritus hanc proferit rationem, quod illi, qui seliguntur ad pœnam, debent instrui a veteranis, & diuturno usu in re militari exercitatis, quemadmodum recens nati capeßere debent vitæ rudimenta. Ac sunt, qui cum Ladulpho Carthus. p. 1. Vit. Christi cap. 24. repetunt Compatrium originem ab Apostolis; quorum senior Andreas Petrum fratrem suum adduxit ad Dominum. II. In Confirmatione nemo teneri potest a patre, vel matre, vel vitrico, vel noverca: quod statutum fuit a Concilio Londinensi sub Innoc. III. an. 1200. can. 3. & præcitato cap. *In baptifmate*. Idem sancivit an. 813. can. 31. Concilium Cabillonense, cujus decretum extat cap. *Dicitum est nobis*, xxx. q. 1. Necnon Nico-

laus I. epist. 19. ad Rodulphum Bituricensem Episcopum an. 864. & habetur cap. *De his, qui filiastris suos*, eadem Q. n. 6. Horum decretorum ratio petitur ex cognatione spiritali, quæ contrahitur *Confirmantem inter & confirmatum, illiusque patrem & patrem, ac tenentem*, sed hos non egreditur limites, ex Concil. Trident. sess. xxiv. de Reformat. Matrim. cap. 2. Ob eandem rationem, ne scilicet multiplicentur impedimenta Matrimonii, præscribit Pontificale Romanum, ut *nullus teneat, nisi unum, aut duos, non plures, nisi aliter suadeat necessitas*; quod etiam habetur Cap. *Non plures*, de Consecrat. dist. iv. num. 101. in Synodo Burdigalensi celebrata an. 1583. aliisque Ecclesiasticis definitionibus. III. Requiritur autem in Compatribus conditiones, quas subjiciam. Primum debent esse baptizati & confirmati, ex præcit. capite *In baptisate, vel in christisate*, ex Pontif. Romano, innumerisque Synodorum statutis. Deinde nec mares feminis compatres, neque feminae viris, neque senioribus juniores esse debent, cum id minime deceat, ut præmonuit idem Pontificale Romanum, statuitque an. 1585. Synodus Aquisensis. Ad hæc merito exigit Concilium Mediolanense V. an. 1579. ut tam confirmandi, quam patrini orationem Dominicalem, salutationem Angelicam, & symbolum Apostolicum memoria teneant, imo hæc omnia recitent coram Episcopo. Meminisse quoque debent muneris sui; in suam quippe tutelam recipiunt confirmatum, eique tenentur tradere quæ decent probum, honestumque Christianum; ut jure optimo declarat can. 15. Synodus Narbonensis sub Paulo V. celebrata: quæ si vertrent animo, *vix ardentius arcessiti & invitati id muneris obirent*, ut in Resp. ad Dionysium Monachum lib. 111. Juris Orient. ajebat Elias Cretensis. Insuper studium adhibere debent, ut iis, quos suscipiunt, immutetur nomen, si turpe aut ridiculum sit; vel ex avita gentilitate derivatum; ut mandant præcitata Synodus Aquisensis, & Mexicana anni 1585. Qua in re fervari debent, quæ de nomine baptizandis imponendo scripsi tom. vi. pag. 579. Adhæc præcitata Aquisensis Synodus, necnon Mediolanensis 1. anni 1565. prohibuere, ne susceptores sive iis, quos susceperint, sive horum parantibus quicquam, vel minimum largirentur, ne videantur spiritalia munera largitionibus officiisque captari. IV. Si quis non confirmatus alium susciperet, peccaret quidem graviter; consensio- ne tamen Doctorum contraheret spirituales cognationem, ut observarunt Sylvester v. Matrimonium, §. viii. q. 7. Dominicus Soto dist. 41. q. 1. art. 3. & Sylvius 3. p. q. 72. art. 10. propterea quod ratione baptismatis esset capax ejusdem cognationis spiritalis; teneretur pariter, quod compatrum est, confirmatum monere, instruere, eique tanquam dux præesse in spiritali certamine, & probatæ vitæ exemplo & magisterio præire. V. Patrini infantes in brachis

chiis tenere debent; at si confirmentur adulti, *ponunt pedem suum super pedem patris sui*; quod non solum præcipit Pontificale Romanum, verum etiam Gregorius Magnus in Sacramentario tom. 3. pag. 73. & antiquus Ordo Romanus pag. 54. Recte itaque S. Carolus in quinto Mediolanensi Concilio ritum hunc appellavit *antiquum*. Censet Auctor Commentariorum in Pontif. Rom. tom. 1. pag. 12. ad hunc ritum referenda esse verba Nicolai I. in laudata Epistola xix. ad Bituricensem Episcopum, *De his qui filios suos, dum christianizantur ab Episcopis, super se SUSTINENT, &c.* Addit significatum hac ceremonia regendos esse a compatribus juniores, de quibus Isaias cap. LIX. 8. *Viam pacis nescierunt, & non est iudicium in gressibus eorum.*

DE UNCTIONIS FORMA.

Græci, ut liquet ex Euhologio pag. 360. consueverunt ungere baptizatum *ἐν τῷ μετώπῳ, καὶ ἐν ἰσθαμῶνι, καὶ ἐν μικτήρῳ, καὶ τὸ στήθεσ, καὶ ἐν δύο ὤται, in fronte, oculis, naribus, ore, & duabus auribus*. Peccus addit S. Cyrillus Catech. 3. pag. 526. harumque unctionum ita significationem exponit: *Ac primum quidem fronti illinitur, ut eum abstergat pudorem, quem primus homo transgressor perpetuo circumferebat, simulque efficiat, ut possitis vultu non velato gloriam Domini intueri.* Deinde vero aures unguntur, *ut ad audiendum divina mysteria aures accipiat. Postea nares, ut divinum recipientes unguentum dicatis, Christi gratius odor est Deo in his qui salvantur. Tum verò & pectus inungitur, ut induti thoracem iustitiæ fortiter adversus insultus diaboli consistatis.* Similia Goarius nota 30. in Officium Baptismatis. Euhologia quædam addunt unctionem manuum ac pedum apud Isaacium Habertum in Pontificali Græcorum pag. 708. sed unctionem hanc veteres omitebant, ut testatur lib. 1. Concordiæ cap. ult. Arcudius, confirmatque Goarius ex MSS: Cryptoferratenfi & Barberino, ex præcæta Cyrilli Ierosolymitani catechesi tertia, necnon ex canone VII. Concilii I. Constantinopolitani: de quo supra. II. At Latini solam adhibent unctionem frontis, quoniam in fronte verecundiæ sedes est; & Confirmatio præstat, ne Christi nomen confiteri erubescamus, ut docent Florentinum Conc. in Instruct. Armen. Catech. Romanus p. 2. cap. 3. num. 24. S. Pater Augustinus lib. XII. contra Faustum cap. 30. serm. 27. aliàs 20. de Verbis Apost. num. 6. serm. 174. aliàs 8. de Verbis Apost. num. 3. in Pf. 50. num. 1. & 143. num. 2. aliisque in locis, Innocentius III. Extra, de Sacra unctione, & cum D. Thoma q. 72. art. 9. universi Theologi. Quod si opponas ungendum & pectus, quoniam istic sedes est roboris; aut inungendum totum corpus, quia ubi-

ubique serpet languor; aut saltem linicndum os, quo articulatur fidei confessio; jam habes ex Angelico Doctore responsum, in fronte tantum, ubi sedes pudoris sita est, & fortitudinis, & verecundiae, & timoris indicia apparere, ideoque frontem solam esse inungendam chrismate, quoniam sacramento Confirmationis non confertur virtus fidem catholicam profitendi animo tantum & corde, neque aperto duntaxat ore, verbisque sonantibus; sed palam, intrepidè, & absque crubescencia, absque trepidatione: quas affectiones nisi superna virtus expectoret, apparent in fronte illarum vestigia; sunt enim signa perturbati animi, ut Lucretii lib. vi. utae verbis,

Triste supercilium, furiosus vultus, & acer.

Contra frons, quæ nullo velamine tegitur, ingenuæ, liberalis, non fucatae, nullaue arte quæsitæ confessionis exhibet conjecturas. III. Præterea cum facies sit hominis pars præcipua, in eaque frons emineat, iccirco *chrismate* consignatur, ut Domino cruci affixo sese confirmatus addictum & consecratum esse cognoscat, mundi que illecebras, voluptates, ornatuque, uti spondit in baptismo, despiciat, & aversetur, tanquam sacræ huic unctioni contrarias. Ad sacrum propterea *chrisma* intendisse animum creditur beata Agnes, dum ait: *Posuit signum in faciem meam, ut nullum præter eum amatores admittam.* Inde quoque occasionem arripuit reprehendendi mulieres percultas Aurelius Prudentius in Psychomachia, dum luxuriae & sobrietatis pugnam describens cecinit:

Quis furor insanas agitat caligine mentes?

Quo ruitis? cui colla datis? quæ vincula tandem,

Pro pudor! armigeris amor est perferre lacertis?

Lilia luteolis interlucentia fertis,

Et ferrugineo vernantes flore coronas?

His placet assuetas bello jam tradere palmas

Nexibus? bis rigidas nodis innectier ulnas?

Ut mitra casariam cubibens aurata virilem.

Combibat infusum croceo religamine nardum,

Post inscripta oleo frontis signacula, per quæ

Unguentum regale datum est, & chrisma perennis?

DE VITTIS LINEIS, SIVE FASCIOLIS.

Quanta autem reverentia peragi debeat hæc unctio, suadent ipsa frontis ligamina, horumque apud veteres usus. Nam priusquam *chrismate* inungatur frons confirmandi, majorum nostrorum instituto curandum est, ut frons munda & nitida fiat, ablatur caput, & tondantur capilli. Ita præscribere an. 1579. Synodus Mediolan-

diolanensis, & 1581. Rothomagensis; ne alias hujus generis decreta commemorem. Jusserunt pariter, ut parentur vittæ lineæ, atque iis frons ligetur, sicque maneat ligata, quousque *chrisma* exsicceatur, aut extergatur. Hæc ligamina ex nova tela, munda, tribusque lata digitis ut fiant, mandat Concilium Vigornienſe an. 1240. & Colonienſe an. 1280. Adde statuta Synodalia Ecclesiæ Cadurcenſis, Ruthenenſis, & Tutelenſis num. 7. in Thesaur. Anecd. Martenii tom. IV. pag. 687. Ut confirmato ligetur frons, præcipit quoque Pontificale Romanum. II. Manebat olim frons confirmati ligata fasciâ *septem diebus*, & per totam octavam Pentecostes, ut constat ex Ordine Romano, ex Amalario Fortunato, & Hugone Victorino. Postea *tribus diebus* deferendum ligamentum sancivit an. 1374. Synodus Beneventana, & an. 1400. Synodus Trecentis. Id vero ad spatium *viginti quatuor horarum* coarctavit Synodus Carnotensis anni 1526. Abstergendam statim frontem, sed abstinendum per septem dies a capitis ablutione, decrevit an. 1542. Synodus Lugdunenſis. Ita paulatim Ecclesiastica disciplina fuit immutata. Saltim cavendum, ut *chrisma* exterſio fiat a sacerdote adhibito gossipio, ut præcipiunt Synodus Mediolanenſis V. Bituricenſis, Aquisenſis, & statuta Synodalia paullo supra laudata ex Anecd. Martenianis. III. Ut fasciola cremetur, & cineres ferventur in primum diem Quadragesimæ, statuit præcitata Synodus Bituricenſis; & quadam perantiqua statuta pag. 162. ejusdem Volum. Anecd. mandant, ut iidem *chrisma* cineres in Ecclesia, vel atrio abscondantur sub terram. Eadem vittæ in profanum usum nullatenus possunt transferri: & si in usum Ecclesiæ deputentur, abluendæ prius sunt sale, & aqua in sacrarium fundenda. Simili ratione lavandas frontes confirmatorum, cum fasciæ auferuntur, ex Trecentis, Senonenſis, & Carnotenſis Synodis docet illustris Auſtor Commentariorum in Pontif. Romanum tom. I. pag. 11. & Continuator Witassii postrema pagina, alique post Martenium lib. I. de Antiq. Eccl. Rit. cap. 2. art. 3. pag. 248.

DE ALAPA, QUÆ CONFIRMATUS LEVITER CAEDITUR.

Statim ac Pontifex pronuntiavit Confirmationis formulam, cædit leviter consignati maxillam, dicens, *Pax tecum*. Ceremoniam hanc non legi apud veteres, nec perantiquam esse, affirmant Juenin, L'Herminier, Vitasse, Tournely, alique recentiores. Martenius ipse cit. cap. 3. ait neminem de hac ceremonia pertraxisse ante Durandum Mimatensem Episcopum. Frui tamen illam antiquitatis honore demonstrant Pontificales Codices MSS. Vaticanus num. 4744. & Anglicæ nostræ Bibliothecæ: quorum ille quadringentorum annorum,

norum; iste vero quingentorum ætatem superat. Neque hi codices instituunt primò, sed institutum supponunt eundem ritum. Hinc nota è Scriptorum silentio non semper erui ratiocinationes invictas. II. Insigni confirmatis levem alapam, ut suscepti sacramenti fervent memoriam, Senonensis & Carnotensis Synodi tradiderunt. Et quidem, sive attendatur indelebilis *character*, sive in Christianam militiam aggregatio, nunquam sacramentum, quod nefas est iterari, & quod est confessionis nostræ *signaculum*, deleri debet oblivione. Jure Prudentius in Cathemer. hymno *ante somnum*, ita hoc revocat in singulorum memoriam:

*Cultor Dei, memento
Te Fontis, & Lavacri
Rorem subisse sanctum,
Te CHRISMATE innotatum.*

Aliam hujus percussione rationem proferunt Concilium Colonienſe, Catechismus Romanus, S. Carolus Borromæus, alique plurimi; ut nempe meminerit confirmatus, se tanquam athletam paratum esse oportere ad omnia adversa pro Christi nomine perferenda: ut percutienti dexteram, sinistram porrigat: ut Dominum Jesum imitetur, qui ante iniquorum tribunal percussus alapa, invicto animo passus est injuriam. Dum enim ante Caiphā consisteret, seque Dei filium & promissum Liberatorem profiteretur, ut narrat Evangelica historia, & canit lib. 1v. Juvenecus Presbyter,

*Tunc sanctam Christi faciem sputa improba complent,
Et palma in malis, colapbique in vertice crebri
Insultant, verbisque omnes illudere certant;
Christe profetabis cujus te palma cecidit.*

Errant ergo hæretici, qui ut irrideant ritus Catholicæ Ecclesiæ; cæremoniā istā adhiberi autumant loco impositionis manuum, per quam Apostoli conferebant Spiritum sanctum. Verum de hoc ritu plura Joannes Ekhus hom. 23. Joannes Stephanus Duranti lib. 1. cap. 20. & Natalis Alex. lib. 2. Th. Mor. tract. 3. cap. 6. De pace, ac benedictione data ab Episcopo confirmatis non opus est alia verba profundere, quā Catechismi Romani num. 26. *Pax ei* (confirmato) *datur, ut intelligat se gratiæ cælestis plenitudinem, & pacem, quæ exuperat omnem sensum, consecutum esse*, ad Philipp. 1v. 7. HaC ergo MethoDo Liber XXXII. absoLVtVs est.





DE THEOLOGICIS DISCIPLINIS

LIBER TRIGESIMUS TERTIUS;

*Sive de mysteriorum omnium maximo,
ideſt, de ſacroſancto EUCHARISTIAE
Sacramento.*



EGRIS Vates, ut animadvertit Catecheſi ex Myſtagogicis quarta Cyrillus Jerofolymorum An-
tiſtes, prænuntians Evangelicæ legis myſteria,
atque ob maximam horum dignitatem, utili-
tatemque lætitia plurima exultans, *Paraſti*,
inquit Pſalmo xxii. *in conſpectu meo menſam*
adverſus eos, qui tribulant me: impinguaſti in
oleo caput meum, & calix meus inebrians quam
præclarus eſt! Poſtquam enim ſacramento Confirmationis, quod
ſignificatur olei pinguedine, impreſſit fronti baptizatorum ſignacu-
lum gratiæ, & ſanctificationis ſigillum; inſtruit eis, apparatusque Do-
minus *Menſam*, in qua, ut in ipſo maneat, aluntur Filii hominis
carne, & ſanguine in remiſſionem peccatorum effuſo ſpiritualiter ine-
briantur. Nec Cyrillus tantum, etiam alii patres de EUCHARISTIA
interpretati ſunt Pſalmographi verba, Origenes præſertim, Cypria-
nus, atque Auguſtinus. Igitur, cum ſuperiori libro de ſacramento
Chriſmatis pertractaverim, nunc mihi diſſerendum eſt de ſacroſan-
cto EUCHARISTIE myſterio: quod & poſtulat rerum ordo, ſuſceptique
operis inſtitutio. Præſignarunt myſterium iſtud oblatio facta olim a
T^o.VII. T rege

rege Salem, & Dei altissimi sacerdote Melchisedech, servati in altare panes propositionis, panes item primitiarum oblati cum agnis anniculis, necnon Paschalis victima manducanda cum azymis, aliæque complures veteris Testamenti figuræ; quibus prænuuntiata fuere jure sacrificium, cæleste convivium, angelorum hominumque consortium, immensa demum gratiarum munera, quæ nobis confert divinum hoc, atque ineffabile sacramentum. Illud ipsum est, quod sive a symbolis, sive a re quam continet, sive a mysterii celebratione & frequentia, Ecclesiæ Patres appellaverunt Panem mysticum, supersubstantialem, cælestem; Corpus ac sanguinem Domini; Sanctum, donum, communionem, synaxim; & ne singula recenseam nomina, Sacramentum augustissimum, omniumque perfectionum consummationem. Nihil propterea potest a nobis excogitari sublimius, nihil difficilius investigari, nihil utilius aut mentis contemplatione, aut eloquio sermonis, aut Theologicis disceptationibus & commentariis attingi. Neque verò id conantibus præstigiæ hæreticorum hominum sunt nimium pertimescendæ; siquidem *adversus eos, qui nos tribulant*, & lacerant, adversus insidias dæmonum, hæresumque portenta, hæc *mensa*, ut diximus, parata est; & ex illa dummodo non accedamus indigni, surgimus hostibus formidabiliore, quemadmodum Græcorum Patrum eloquentissimus, Joannes Chrysostomus, memoria repetens quæ in immolatione Paschalis agni contigerunt apud Aegyptios, alloquebatur neophytos, *Si angelus viderit sanguinem, non illitum postibus, sed sanguinem veritatis in ore fidelium splendentem, abscedet oculus*. Utinam id nobis præstet Panis ille vivus, qui descendit de cælo natus in Bethlehem, atque ut nos proprio sanguine ablueret, ablutosque nutriret, sese tradidit peccatoribus apud unum Prophetarum dicentibus, *Mittamus lignum in Panem ejus, & erodamus eum de terra viventium*: utinam, inquam, Panis ille transiens in animarum nostrarum vegetationem, clementer nobis indulgeat, ut quæ libamus Sancta, digne possimus conficere, digne ministrare, digne edisserere, digne adversus hæreticorum machinamenta defendere.

C A P U T I.

De Sacramenti EUCHARISTIÆ institutione.

SACRAMENTI hujus dignitatem admiratione potius prosequi volumus, quam oratione; cum longe superet inopiam humani eloquii, nec possit exornari verbis, aut mente comprehendì. Illam lector Christiana pietate præditus, ex iis, quæ dicenda erunt de Filio Dei,

Dei, Angelorum Domino, hominumque Reparatore sub mysteriis hujus velaminibus latitante, poterit æstimare. Neque diu immorandum in ea quæstione, quæ solet esse caput cæterarum, an Eucharistia novæ legis sacramentum sit; posteaquam hanc pertractavimus lib. xxx. cap. 5. ubi vidimus etiam in ea convenire pestilentissimos hæreticorum: qui cum omnia Christianæ Fidei mysteria pessumdare, evertere, & labefactare tentaverint, duo tamen sacramenta receperunt, Baptismum, & Eucharistiam; si recepisse dicendi sunt, qui illis denegant vim sanctificandi, pluraque de illis tradunt hæresum, & impietatis portenta. Sed hæc ad alia potius capita, quam ad illud, in quo Theologi disputant de hujus Sacramenti *existentia*, referenda esse videntur. Qui ergo Eucharistiam sacramentum esse demonstrare velit theologicis argumentis, adeat præcitatum caput libri tricesimi: non enim de hac re indicunt nobis certamen infensissimi Ecclesiæ hostes, quemadmodum faciunt de sacramento Confirmationis, & de aliis, quæ ad Eucharistiam consequuntur.

Duo tantum perdifficili, amplissimæque dissertationi hoc loco instituendæ præmittimus; unum, quid sit Eucharistia; alterum, quid sit illud, quod proprie Eucharistia nuncupatur. Eucharistiam itaque complures hac definitione circumscribunt: *Eucharistia est Sacramentum novæ legis, constans ex visibilibus speciebus panis, & vini, & invisibili carne & sanguine Domini nostri Jesu Christi, quod ipsæmet pridie quam pateretur instituit, ut suos qui erant in mundo suamet carne enutrieret, & ipsi ambularent in fortitudine cibi illius usque ad montem Dei*. Atque hanc definitionem ceteris præfert, vindicatque Merbesius 3. parte Summæ Christianæ pag. 137. In ea tamen, quæ de institutione dicuntur, ad definitionem non spectant, & quæ verbis afferuntur postremis, deprompta ex 111. Regum xix. 8. sapiunt veterum allegoriam, & fortasse superflua sunt. Quare brevior, notissimamque Eucharistiæ definitionem probamus: *Eucharistia sacramentum est, in quo sub panis vinique speciebus Christi corpus & sanguis continetur, ad spiritualem animarum nostrarum refectiorem*.

Cum autem plura in Eucharistia reperiantur, idest, panis vini-que accidentia, Christi corpus, & sanguis, ipsa subjectæ materiæ consecratio, vel sumptio; solent Scholastici investigare, quid horum revera sit, quod appellamus *Eucharistiæ sacramentum*. Ac sunt plerique asserentes accidentia, seu species, ipsummet sacramentum esse; non quidem suapte natura, sed quatenus per verba consecrationis determinantur ad significandum & continendum Christi corpus, comparate ad animorum refectiorem ac nutrimentum. Qui verò ita sentiunt, ducuntur præsertim hac ratione, quod Tridentina Synodus sess. xiii. cap. 1. communisq; consensus cum Patrum, tum fidelium univer-

rum profiteatur in sacramento Eucharistiæ Christi corpus, & sanguinem contineri: quod perinde est, ac dicere, rationem sacramenti congruere permanentibus panis, vinique speciebus, non Christi corpori aut sanguini; alioqui dicendum foret, sacramentum contineri sub sacramento. Id vero, inquit, erit manifestius si ratio signi sensibilis, quæ inest cuique sacramentorum, attendatur; non enim quæ latent, sed quæ ingerunt speciem sui, signa possunt appellari. Atque hæc sententia inter Scotistas, aliosque vulgaris potest ab unoquoque teneri.

Verum pugnant contra Thomistæ quidam cum Sylvio in quæst. 73. art. 1. & Estio dist. vii. 1. §. 3. & contendunt sacramentum istud esse Christi corpus & sanguinem, non absolute, sed quatenus continentur sub panis, & vini accidentibus, subnixi proximis argumentis. Principio, ajunt, Eucharistiæ sacramentum adorandum est eo cultu, quem appellamus *latræ*: est enim animarum cibus, atque viaticum: confert etiam gratiam, & futuræ gloriæ pignus, ac symbolum est. Species verò non sunt id, cui fideles exhibent adorationem latræ; non illæ sanæ, sed Christi corpus & sanguis enutrient animam spiritualem, dicente Domino Ioan. vi. 56. *Cito enim mea verè est cibus, & sanguis meus verè est potus*: neque species præsignant gloriam cælestem ac sempiternam. Deinde, inquit, species ante consecrationem aderant, nec tamen erat tunc sacramentum: ipsumque sacramentum conficitur verbis consecratoriis, cum species habuerint præexistentiam suam ante prolationem horum verborum. Postremò contendunt infirma esse oppositæ sententiæ argumenta; quando enim dicimus corpus Christi contineri sub sacramento, sensus est illud existere *sub speciebus sacramentalibus*, aut nobis exhiberi sub visibilibus signis: unde non sequitur corpus Christi non esse sacramentum; quemadmodum, ait Sylvius, ex verbis Apostoli 11. ad Corinth. v. 19. *Deus erat in Christo, &c.* non inferitur Christum non esse Deum, sed Deum factum nobis esse visibilem in Christo, qui Deus est. Ipsum quoque Christi corpus est signum sensibile ratione specierum, sicut Deus apparuit nobis in Christo ratione assumptæ carnis.

Arbitror ego utramque sententiam esse probabilem; & rejicio auntaxat comparisonem nuper productam. Enimverò Christus Deus est, atque inter divinitatem, & humanitatem ipsius reperitur *substantialis unio*: sed hanc minime asserere possumus inter Christi corpus & species panis, nisi subscribamus Lutheranæ *de Impanatione* hæresi, hoc eodem libro oppugnandæ. Qua unione sublata, non rectè diceretur, *Deus est Christus*, nisi forte sensu Nestoriano. Atque ita non est satis castigata locutio, *Christi Corpus est sacramentum*, nisi sic accipiatur, *Christi Corpus est sub sacramento*; quoniam inter Christi corpus, & visibilia signa non intercedit illa unio, quam dicimus

imus *hypoftaticam*. Verba quoque Apoftoli, *Dens erat in Chrifto mundum reconcilians fibi*, Dei nomine non fingularem Chrifti perfonam, fed vel Patrem, vel totam Trinitatem, cui pro nobis fatisfecit, fignificare mihi videntur. Ad omnem ergo fophifticam prolixitatem vitandam, dico facramentum Euchariftiæ utroque conftare, *visibili fcilicet fpecie elementorum, & invisibili Domini noſtri carne, & fanguine*, & utrumque dici facramentum; fed neutrum facramentum eſſe, ſi ſeparetur ab altero. Id verò demonſtrant ea, quæ ſubjicio, momenta. Cap. *Hoc eſt*, de Conſecrat. diſt. 2. hoc expreſſe, iſſidemque verbis traditur, & licet idem caput proferatur ab Eſtio ad demonſtrandam ſententiam ſecundo loco poſitam; non reſellit tamen priorem: immò diſtinguit facramentum a re ſacramenti, his verbis: *Eſt igitur facramentum, & res ſacramenti, ideſt, corpus Chriſti*. Ceterum eo loci, etiam corpus Chriſti, quod eſt *ſacramenti res*, dicitur facramentum, *Caro carnis, & ſanguis facramentum eſt ſanguinis: quoniam ſcilicet, cæleſtis panis, qui verè Chriſti caro eſt, ſuo modo vocatur corpus Chriſti, cum revera ſit facramentum corporis Chriſti, illius videlicet, quod viſibile, palpabile, mortale in cruce eſt ſuſpenſum; vocaturque ipſi immolatio caruit, quæ Sacerdotis manibus fit, Chriſti paſſio, mors crucifixio, non rei veritate, ſed ſignificante myſterio*. Ita Lanfrancus Cantuarienſis, qui circa an. 1059. adverſus hæreſim Berengarii ſedulam, egregiamque navavit operam, & ex quo deſumptus eſt canon, *Hoc eſt*, Proſpero Auguſtini diſcipulo communiter attributus. Præterea cap. *Multi*, 1. q. 1. num. 84. inquit Gregorius: *Sunt autem ſacramenta, baptiſma, ebrifma, corpus & ſanguis Chriſti; quæ ob id ſacramenta dicuntur, quia ſub tegumento corporalium rerum virtus divina ſecretius ſalutem eorumdem ſacramentorum operatur*.

At opinio eorum, qui putant facramentum Euchariftiæ ſitum eſſe in ſola conſecratione, ſive, ut placet Calvinianis, in ſumptione ſacramentali, apertiffime falſa eſt; & quantum ad ſecundam partem, hæretica. Falſa eſt prior opinio; non enim conſecratio, ſed res conſecrata eſt ſacroſanctum ſignum, ac ſacramentum: nec quidquam officit, quod ſacramenta conſtent ſenſibili materia, atque formæ; quippe neceſſum non eſt ut forma ipſa permaneat, dum ſacramentum manet ac perſeverat, quoniam, ut oſtendimus Volumine vi. pag. 102. non habent partes, quæ ſacramentum conſtituunt, cum principiis phyſicis æquabilem analogiam. Ex quo inſuper ſacramentum permaneat conſecratione tranſacta, evidenter conſequitur maximum inter ipſam conſecrationem, & ſacramentum reperiri diſcrimen. Calvinii verò ſententia eo directæ, ut deneget in Euchariftiæ veram corporis & ſanguinis Chriſti præſentiam, infra argumentis plurimis conſutabitur. Nuac ſat eſt animadvertere, conſici ſacra-

mentum, quando verborum formula accedit ad elementum sensibile; quod fieri ante Eucharistiæ sumptionem manifestè demonstrat Ecclesiastica Liturgia. Profectò quod inquit hæresiarcha, Christum dixisse, *Accipite & manducate*; sacramenta consistere in actione quadam mystica, ut ablutione, unctione, absolutione, nullumque sacramentum esse absque subjecto illud recipiente; probat tantummodo eatenus *sumptionem* sacramentum vocari, quatenus illa nobis applicatur virtus sacramentalis: probat Eucharistiam ex Christi præcepto sumendam esse; probat denique præter subjectum, a quo consecrata symbola communicantur, in hoc sacramento, quod permanens est, dari aliquid diversum ab actione transiente, in quo servetur vivificans Christi caro: quæ omnia ultro, libenterque concedimus. Legi potest Maldonatus q. 2. de Euchar. pag. 117. nobis enim ad quæstionem propositam properantibus consilium fuit hæc tantum præmittere, & scholasticas quæstiones complures compendio tradere, ne tempus his conscribendis libris concessum, rebus utilioribus & gravioribus subtrahatur.

Pertractantes igitur de Eucharistiæ institutione, cum vulgaris sententia sit Eucharistiam institutam a Christo postremâ cenâ, postquam cum Apostolis manducavit Judaicum Pascha; venit priori loco inquirendum, qua die mensis *Nisan* immolaretur *Pascha*. Nam Aloysius noster Legionensis, ejusque insignis discipulus Basilii Poncius contendunt argumentationibus plurimis mactatum agnum lunâ decimaquartâ incunte: qua statuta sententia, obvio planoque sensu explicantur, quæ scribit Joannes Evangelista, Dominum celebrasse cenam postremam *ante diem festum Paschæ*, crucisque affixum in paschatis Parasceve, nec in solempni festo, sed in hebdomadali die, in qua fas erat accusare, exercere judicia, cunctaque emere ac vendere: quæ omnia in memoranda illa emortuali die contigisse apparet ex historia Evangelica. Et quamquam hujus sententiæ sparserint quædam semina commentariis in cap. 23. Levitici Oleaster, & in cap. 12. Lucæ Didacus Stella, nec non Scaliger lib. v. de Emend. temporum; Poncius tamen noster in libro *de Agni typici & veri immolationis legitimo tempore*, tanta argumenta complexus est, ut merito sententiæ illius dicatur auctor, & propugnator. Hujus quoque liber tanto eruditum plausu exceptus est, ut illum donarit Gallico idioma notisque illustrarit an. 1695. P. Daniel. Oppagnarunt tamen acerrime sententiam illam, non solum recentiores, inter quos non absque laude commemorandi sunt Tournelius de Euch. pag. 228. L'Herminier tom. 2. de Sacram. pag. 464. & Carolus Witasse pag. 41. verum etiam Vasquesius in 3. p. disput. 172. & ex Protestantibus Aeglius Strauchius in dissertatione *de Paschate primo*, & in altera *de tempore veræ sanguinis*, quos tantum sufficere arbitror ad quæstionem hanc dirimen-

mendam. II. Sunt qui, cum persuasum habeant celebrandum fuisse Pascha non luna 14. incipiente, sed exeunte, duplicem distinguunt *Neomeniam*, seu duplex initium mensis; a congressu luminarium, & a primo lunæ conspectu, sive, ut inquirunt, *ἀπὸ τῆς οὐρα*, ab *conjunctione*, ἢ *ἀπὸ τῆς πρώτης*, & ab *apparitione*. Qua distinctione posita putant Judæos Hierosolymitanos celebrasse Pascha servatis diebus lunæ *ἀπὸ τῆς πρώτης*, ab apparitione priori, & die, quæ ad crucifixionem Domini consecuta est; ceteros autem, inter quos Christus secutus morem Galilæorum, spectatis diebus lunaribus *ἀπὸ τῆς οὐρα*, a luminarium congressu, & *pridie quam pateretur*. Ex qua sententia inferunt Christum manducasse supremum Pascha statuta die, idem servasse, licet diverso tempore, Hierosolymitas; & crucifixum Dominum eo die, qui Hierosolymis profectus erat, non Pascha. Atque hæc sententia, si vera foret, mirifice componeret omnia loca difficilia occurrentia in Evangelio Joannis. Pugnât autem pro sententia ista P. Peseironius in Historia Evangelica Gallicè conscripta, & Harduinus in dissertatione de supremo Christi Paschate, Bucherius, alique perpaucci. III. Nonnulli censent Dominum in extremo vitæ suæ anno Pascha non manducasse, ut figura immolationis agni impleteret in Christi crucifixione. Existimant enim qui ita sentiunt, iussu Domini paratum Pascha ab Apostolis, manducandum ipsa die passionis dominicæ post solis occasum, ita, ut quando Apostoli Magistrum allocuti sunt: *Ubi vis paremus tibi comedere Pascha?* existimantes velle ipsum celebrare Pascha more legitimo, ac Dominus respondit, *Ita in civitatem &c.* sapienter Christus usus sit discipulorum suorum ignorantia, atque intellexerit de celebratione Paschatis nobilioris, idest de mox instituenda Eucharistia, quod illi accipiebant de manducatione Paschatis legalis, sive agni typici. Nec tamen hi auctores concedunt Græcis institutam Eucharistiam *in fermentato*; sed oppositum tenent, asserentes in vespere, quæ præcedit agni manducationem, omne fermentum a domibus Judæorum fuisse sublatum. In qua sententia de postremo Paschate a Christo, ritu Judaico, non celebrato stilum exercuerunt viri celebres, Bernardus Lamy in dissert. de hoc argumento, & lib. v. comment. in Harmoniam Evangelicam cap. 17. Toynardus Harm. Evang. pag. 151. Augustinus Calmet dissert. de novissimo Paschate D. N. J. C. in qua demonstrare nititur sententiam istam saltem cum aliis in eodem auctoritatis gradu consistere, Tourneinus refutatus ab Honorato in animadversionibus Criticis, tom. 2. pag. 454. Grotius in cap. 26. Mat. pag. 246. & Arminiani, ac Sociniani unanimiter. Mitto diatribam Anonymi inscriptam S. Petro Alexandrino Episcopo & Martyri, quem Scriptorem habes in *Uraulogio* Petaviano, aliosque veteres, de quibus Calmet in dissertatione nuper laudata. IV. Invaluit eadem sententia apud nonnullos Græ-

Græcorum; qui ut facilius propugnarent sententiam suam de Eucharistia in pane fermentato instituta, asseruerunt Dominum celebrasse supremam cœnam luna xiii. nondum sublato fermento, nec inchoatis azymorum diebus: quamquam est inter Græcos ipsos sententia communior, Christum eadem luna 13. manducasse Pascha legale cum azymis ritu Mosaicæ legis servato; postea verb instituisse Eucharistiam in fermentato, sive communi, & usitato pane, nondum vetito. V. Tenent postremò aliqui Dominum instituisse Eucharistiam, & celebrasse simul Pascha legale statuto tempore, & luna xiv. Judæos tamen distulisse mactationem agni in diem alteram, sive in lunam decimam quintam, post Domini crucifixionem: quod non una ratione explicant. Quidam enim putant cum Paulo Burgenfi recepram eo temporis traditionem quamdam Judaicam, qua præcipiebatur, ut Paschalis solemnitas, si incidisset in feriam sextam, transferretur in proximum sabbatum, ne duo simul festa concurrerent; Christum autem servasse diem legitimam atque prædefinitam. Alii cum Dionysio Petavio Animadv. in Epiphanium pag. 182. contendunt anno, quo mortuus est Christus, duplex fuisse Pascha, legitimum unum, quod non solum Christus, sed etiam saniores Judæi celebraverint; præposterum alterum, inductumque ex Phariseorum corruptela, quod luna xv. celebratum sit a Phariseis, Scribis, & Judæorum plerisque; & denique nonnulli ducti auctoritate Chrysostomi, & Theophylacti, putant cùm Dominum, tum Judaicam multitudinem celebrasse Pascha statuta die, & luna xiv. sed principes Sacerdotum & Scribas, ut Jesum perderent, transgressos legale præceptum, distulisse agni Paschalis manducationem ad proximam vesperam: atque id sentientibus subscribunt Vossius disput. xix. thesi 3. & 4. Carolus Sigonius lib. 111. de Republ. Hebræorum cap. 9. & ex nostris Christianus Lupus in dissertat. de S. Leonis IX. Actis p. 3. Synod. Gen. pag. edit. Lovanienfis 675. Abierunt autem Doctores in tam varias, oppositasque sententias, propterea quod Joannes affirmat Christum fecisse cœnam ultimam *ante diem festum Paschæ*, pluraque narrat, quæ demonstrare videntur diem Christi emortualem non fuisse diem festum: quæ pariter ad eliminandum azymum obiciunt Græci. Ut ergo hæc dissertatio recta methodo distribuatur; videndum est primò, quo tempore Pascha legale fuerat celebrandum: deinde an ætate Christi viguerit duplex *Neomenia*, quarum unam observarent Jerosolymitani, alteram reliqui Judæorum: tum, an revera Christus subiturus crucem manducaverit agnum typicum: posthac, an illum manducaverit eadem die cum Judæis, ideoque instituerit Eucharistiam in azymo: insuper, an saltim Judæorum aliqui, sive ut Christi crucifixioni darent operam, sive ex recepta aliqua consuetudine, sive ex translatione, festorum celebrarint Pascha præposterum, & pomeridianis horis fe-

riæ sextæ, mortuo jam Domino; ac tandem solvendæ sunt opposi-
tiones Græcorum, atque Evangelium Joannis cum iis, quæ scribunt
alii tres Evangelistæ, comparandum & conciliandum est. Ita enim
Lector circa institutionem Eucharistiæ percipiet difficultates omnes,
dirimet objecta Græcorum, & Romanæ Ecclesiæ inviolatas traditio-
nes facilius assequetur, tenacius tenebit, validiusque tutabitur.

PROP. I. Pascha Judaicum immolabatur luna XIV. exeunte, non
ineunte, idest, horis pomeridianis decimæ quartæ diei mensis Ni-
san, ad quas consequebatur vespéra, initiumque diei XV. & Pascha-
lis solemnitas.

Demonstratur I. Præcipient Dominus Exodi XII. 6. paschatis
mactationem jussit ut agnus ad sacrificium selectus servaretur *usque*
ad decimam quartam Nisan, & ab universa filiorum Israel multitu-
dine immolaretur ad vespéram. *Immolabitque* (ait) *eum universa*
multitudo filiorum Israel ad vespéram. Habet Hebraicus codex:
וְשִׁחֲטוּ אֹתוֹ בֵּין הָעֶרְבִים וְעַד עֶרְבַּת יִשְׂרָאֵל וְעַד הָעֶרְבִים
Et immolabunt eum
omnis cætus synagoga Israel inter duas vespéras. Nota, *Inter duas*
vespéras, quæ verba habentur quoque in Samaritana, Syriaca, &
Arabica versione, tom. I. Polygl. pag. 274. Nihil est aliud *Inter*
duas vespéras, quam inter tempus vespertinum diei XIV. & vespé-
ram unde exordium ducit dies XV. ideoque mactandus erat agnus luna
XIV. exeunte, & manducandus sub noctem diei XV. Audias Rab.
Kimchi in libro Radicum: cujus verba refert Bouxtorfius in Lexico V.
בֵּין הָעֶרְבִים, *inter duas vespéras, idest, a tempore inclina-*
tionis solis ad Occidentem, quod est a sexta hora, & ulterius usque
ad noctem. Dicit autem, עֶרְבַּת, *quod notat duas vespéras*. Nam a
tempore quod sol incipit declinare, ea est vespéra una; post occasum so-
lis est vespéra altera. Inter hoc tempus est illud quod dicitur בֵּין עֶרְבִים
Hinc Rab. Maimonides in *Korban Pesach*, apud Lightfootum in Ho-
ris Hebraicis pag. 376. inquit: *Non mactandum erat Pascha nisi in*
atrio: mactandumque die decimoquarto post meridem, post jube sacri-
ficium, post oblatum thymiama. Iosephus pariter libro VI. de Bello
Judaico cap. IX. pag. novissimæ edit. 399. scribit, *Paschales viétimas*
mactari solitas, à vi inanis àרַב מִן הָעֶרְבַּת, a nona quidem hora;
usque ad undecimam. Ex Talmud quoq. in *Pesach* per. 5. habemus
quotidianum sacrificium mactatum *bora septima & dimidia, obla-*
sumque bora octava & dimidia, & pascha post ipsum, ac deinde vi-
étimas purgatas *ad finem usque diei*. Videlis in *Ministerio Templi*
Hierosolymitani cap. XII. sect. 3. pag. 730. Neque soli Hebrei id tra-
dunt: consentiunt nostrates, Lorinus in caput 23. Levitici, Corne-
lius a Lapide, & Menochius in cap. XII. Exodi, ac Lippomanus in
Catena pag. 81. Rectè Lyranus: *Vespéra, prout hic accipitur, incipit*
a septima quartodecimæ diei, quia ex tunc sol incipit tendere ad occasum
To. II. V. & ab

& ab illa hora usque ad principium noctis, potest immolari *Pfase*. Immo-
labatur autem ad vesperam, quia illa hora jam pertinebat ad diem se-
quentem solemnem; in qua exiverunt de *Aegypto*. II. Hæc postrema
Lyrani verba suppeditant nobis demonstrationem alteram. *Vespe-
ram*, ad quam mactabatur paschalis victima, excipiebat solemnis
& festiva dies xv. non erat ergo prior vespera diei quartodecimæ;
sed postrema. Probo ant. primò quia Matthæus cap. xxv. 11. fe-
riam sextam proximè subsecutam ad Eucharistiæ institutionem appel-
lat *diem solemnem*, in qua Pilatus dimittebat Judæis vincum aliquem;
quod & narrat Marcus xv. 6. & Joannes xv. 11. 39. Deinde Iosephus
diserte scribit lib. 111. Antiq. cap. x. n. 5. mactari Pascha in mense
Xanthico, qui Hebræis Nisan, die xiv. secundum lunam sole in arie
existente, additque è vestigio: *Die autem quintadecima Pascha-
lem excipit Azymorum festivitas septem dierum*: πέντη δὲ ἡ δακτὶ
ἐνδιχεται τὸ τὴν πάσχα ἢ ἢ Ἀζύμων ἱερὴν, ἡντὰ ἡμέρας ἑπτά: quod aper-
tè falsum foret, nisi immolatus fuisset agnus exeunte luna xiv. unde
& Patres communiter asserunt crucifixum Dominum in solemnitate
Paschali. Præterea S. P. Augustinus Epistola xxxvi. ad Casulanum,
num. 30. disertè docet ea vespera immolatum Pascha, qua incipiebat
dies prima azymorum, nec alio sensu Matthæum quintam sabbati
appellasse diem azymorum primam, nisi quia *eius vespera sequente
futura erat cæna Paschalis, qua cæna incipiebat azymum, & ovis
immolatio manducari*. III. Probatur insuper thesif ratiocinatione
istà: Exodi xxi. posteaquam descriptæ sunt omnes Paschatis cere-
monix, legitur vers. 42. *Nox ista observabilis Domini, quando edu-
xit eos de terra Aegypti, hanc observare debent omnes filii Israel in ge-
nerationibus suis*: & versu proximo, *Hæc est religio Pphase*. In Deu-
teronomio pariter, xvi. 6. *Immolabis Pphase vespere ad solis occa-
sum, quando egressus es de Aegypto. Quare indubitatur: est, immo-
lasse Judæos Pphase vespera præcedente noctem, quæ egressi sunt de
Aegypto, hujusque egressus fuisse memoriale perenne pascha quotan-
nis mactatum*. Hinc Iosephus lib. xv. 11. Antiq. cap. 9. pag. 850. in-
quit: *Pascha enim illa festivitas appellatur, in memoriam exitus il-
lorum ex Aegypto instituta*: Πάσχα δὲ ἡ ἱερὴν καλεῖται, ὑπὸ μνημὲν ἑστὰ τὴν
ἡμέραν τὴν ἀναγωγῆς ἀπὸ τῆς γῆς τῆς Αἰγύπτου. At Filii Israel profecti sunt de Rame-
se mense primo, *quintadecima die mensis primi, altera die Pphase*.
Num. xxx. 11. 3. Igitur tempus mactandi agni est vespera lunæ xiv.
ad quam proximè sequitur quintadecima dies mensis Nisan. Atque
hoc argumentum non uno ex capite confirmatur. Enim vero præcitan-
do capite xii. Exodi vers. 40. de nocte, qua paratis azymis mandu-
caverunt mactatum agnum legitur, *Eadem die egressus est omnis
exercitus Domini de terra Aegypti*: quo in loco habet Hebraica le-
ctio, הַיּוֹם הַזֶּה יֵצֵא הָעָם מִן הָאֶרֶץ, in corpore diei ejus, & Chaldaica paraphrasis,
nec

nec non Pentatheucus Samaritanus, *In hac eadem die* : quod nequaquam verum esset, nisi immolatio *Pbase* facta esset luna decimaquarta exeunte, & cœna paschalis ineunte decimaquinta. Præcitata quoque verba Num. xxxiii. 3. *altera die Pbase*, non significant inter mactationem paschalis, & egressionem de Aegypto intercessisse diem : minimè, commonstrant apertissimè immolatum agnum exeunte xiv. die, & ante subsequenter vigiliam matutinam, inchoato jam die quintodecimo filios Israel arripuisse fugam ; ut constat ex versione LXX. Interpretum, *ἡ ἑσπέρη τῆς Πάσχα ἐξῆλθεν ἡ γὰρ ἱερὰ, Paschidie ipsius Pascha exierunt filii Israel* : & expressius Hebraicus Codex, *מִסְפַּחַת הַפֶּסַח* *A crastino Pesach*, scilicet, die crastina post mactationem Paschalis victimæ. Atque hoc argumentum notationibus nostris suffultum omnem, ni fallimur, dirimit controversiam. IV. Proferendum est tamen alterum. Immolabatur *Pascha* in vespera spectante ad primam diem azymorum, sive in vespera, unde sumebat exordium solemnitas azymi, quæ apud Hebræos *a vespera usque ad vesperam*, quemadmodum & festa alia, celebrabatur, ex Levitici xxi. 32. Marcus enim cap. xiv. 12. inquit : *Et primo die azymorum, quando Pascha immolabant, &c.* & Lucas xxi. 1. *Appropinquabat autem dies festus azymorum, qui dicitur Pascha*, atque versu 7. *Venit dies azymorum, in qua necesse erat occidi Pascha*. Atqui constat ex Levitici capite xxi. 5. & 6. solemnitatem azymorum incidisse in diem decimamquintam, sic enim eo loci habemus, *Mense primo quartadecima die mensis ad vesperam Pbase Domini est : & quintadecima die mensis hujus solemnitas azymorum Domini est*. Igitur *vespera* ad immolationem *Pbase* designata ea est, quæ antevertit decimæ quintæ diei. Hoc item in loco habet Hebraica, & Samaritana lectio, *Inter duas vespervas*, & Caldaica, *inter duos soles*. V. Accedit argumentum petatum ex ritu, festo, diebusque azymorum. Principio mactatâ Paschali victimâ, debebant Judæi *nocte illa comedere carnes assas igni, & azymos panes*, Exodi xxi. 8. Jam ergo semotum erat fermentatum. Ad hæc mos fuit vetustissimus Judæorum investigare, num in domo aliqua lateret fermentatum, die decimaquarta, antequam sol occideret, eademque die xiv. fas erat, saltem ad meridiem usque, comedere fermentatum : idque non tantum habemus in Thalmud cap. *Pesachim*, per. 1. verum etiam apud Maimonidem in *Hamets umatfab*, per. 2. R. Salomon, & R. Alphes, de quibus Lighfootus in *Horis Hebraicis* pag. 458. tom. 1. & in *Mysterio Templi* cap. xi. sect. 1. pag. 728. quæ traditio non proinde rejicienda est, quia ad nos è fontibus istis manavit ; conformis quippe est præcepto Domini Exodi xxxiv. 25. *Non immolabis super fermento sanguinem hostiæ meæ ; neque residet mane de victima solemnitatis Pbase*. In quem locum Rab. Moses Aegyptius p. 2. Biblioth.

Rabbinicæ pag. 729. scribit non immolandum Pascha, dum adhuc fermentum superest domi, ideoque die 14. fermentum auferri juxta mandatum Domini, Exodi xii. 15. vetitumque comedere fermentatum die xiv. *Nisan a meridie, & deinceps, hoc est a principio hora septimæ diei.* Quomodo ergo luna xiv. ineunte mactatus est agnus, fermento nondum sublato? Insuper sacræ litteræ septem tantum commendant dies azymorum, quarum prima & septima ritu peragebantur solemniter: *Septem diebus azyma comedetis*, inquit Dominus citato cap. xii. Exodi versu 15. quod repetitur Levitici xxi. 6. & Num. xxv. 17. At postremus dies azymorum est vicesimus primus mensis Nisan, ex eodem cap. xii. Exodi versu 18. *Primo mense, quartadecima die mensis ad vesperam comedetis azyma, usque ad diem vigesimam primam ejusdem mensis ad vesperam.* Igitur festivitates azymorum a die xv. non a xiv. & a luna xiv. exeunte, non ineunte, ducebant initium. VI. Nostra quoque ætate Judæi, etsi agnum non mactant, ceremonias tamen paschales observant luna quæ est, aut ab illis creditur esse decima quarta, secundis in vespers, & nocte præcedente decimam quintam lucem Nisan, ut inquit Maimonides de Pesach cap. 6. Moses Aegyptius paullo supra laudatus, Leo Mutinensis cap. 3. de Ritib. Hebr. alique innumeri. Nec Judæi tantum: etiam Samaritani in Monte Garizim sole occidente, & die xiv. declinante jugulabant Paschalem agnum. Videfis Harduinum in præcitata differt. §. iv. num. 13. Confirmat verò perpetuum hujus celebritatis usum antiqua hæresis Quartodecimanorum, qui tempus Judaicum servantes luna xiv. jejunabant, incipiebantque solemnia Paschatis, cum *Judeorum populus fermentum abjiceret*, ut inquit Eusebius lib. v. H. E. cap. 24. pag. edit. Vales. 192. Quod indicio est, primis quoque Christiani nominis sæculis Judæos non aliud Paschatis servasse tempus, quàm hætenus demonstratum. VII. Quamvis plenilunium Nisan concurrat cum luna xiv. tamen non est lunaris orbis rotundus, ac plenus, nisi die quintadecima ingrediente. Constat autem ex antiquissimorum Hebræorum testimoniis, productis ab Anatolio Laodicensium Episcopo apud Eusebium lib. vii. H. E. cap. 32. pag. 558. nunquam celebratum pascha Judaicum, nisi tam sol, quam luna pertransissent æquinoctiale segmentum, & hæc appareret plenissima. Unde recte S. Hieronymus in cap. 26. Matth. tom. iv. pag. 126. inquit: *Quartadecima dies mensis primi est, quando agnus immolatur, & luna plenissima est, & fermentum abjicitur*: & Beda in Argum. lunæ §. de Myst. xiv. diei: *Quartadecima agnus immolabatur die, quando luna plena est, & nihil ei de lumine deest.* Absolvamus primæ propositionis momenta, quæ me a sententia Legionensium nostrorum divellunt, gravissimis verbis ejusdem eximii temporum metatoris, idest, Bedæ: *Quod Dominus* (inquit de Rat. temp. cap.

cap. 45.) xv. luna, feria sexta crucem ascenderit, & una sabbatorum, idest, die Dominica resurrexerit a mortuis, nulli licet dubitare Catholico, ne legi quæ agnum Paschalem decima quarta die primi mensis ad vesperam immolari præcepit, pariter & Evangelio, quod Dominum eadem vespera tentum a Judæis, & mane sexta feria crucifixum, ac sepultum, prima sabbati resurrexisse perhibet, videatur incredulus. Profecto si nefas est dubitare Christum suffixum cruci luna xv. nec in dubium revocandum est, celebratum anno mortis Christi pascha Judaicum luna xiv. exeunte.

Sententia, quam oppugnavimus, præter argumenta aliis quoque communia proximoque solvenda capite, hoc habet peculiare, quod videatur inverisimile inter immolationem Phæse, & exitum de Aegypto unam tantum noctem intercessisse. Superat enim (inquiunt) humanum captum, intervallo diei quartæ decimæ Hebræos habitantes terram Gessen ac regionem inferioris Aegypti, vasa argentea & aurea ab hominibus a se loco disjunctis accepisse commodato, tum congregatos pascha pomeridiano tempore mactavisse, deinde singulos per familias distributos manducasse agnum coctum & assum, nocte postea progrediente percussos primogenitos omnes, commotum Pharaonem clamore suorum vocasse ad se Mosen & Aaron Memphim regiam urbem, sitam ad occidentem Nili ripam, indulgisse Hebræis ut abirent, rediisse Mosen cum fratre in terram Gessen, congregasse simul ingentem populum, & cum universa multitudine profectum de Rameffe, & ex tentoriis quintadecima die mensis Nisan.

His eruditi viri reponunt, tunc temporis Pharaonis regiam non fuisse Memphi, sed Tani, vel Taphni, urbe Aegypti inferioris ad Nili ostium, nunc etiam Tunes dicta, in cujus vicinis Moysen mirabilia patrasse testatur David Ps. lxxv. 11. 12. & 43. Israelitas verò jam antea petiisse vasa ab Aegyptiis, simul convenisse, & manducasse Pascha accinctos & ad faciendum iter paratos, dum interim primogenitorum excidium excitavit ululatum, quo permotus Pharaon largitus est filiis Israel facultatem abeundi. Non finimur hæc in dubium vertere, postquam legimus Exodi x. 11. Phæse immolatum *quintadecima die ad vesperam, eadem die* eductos filios Israel de terra Aegypti, in hujus rei memoriam Pascha institutum, & Num. xxx. 11. *quintadecima die* profectum populum de Rameffe. Opponere tam aperte narrationi conjecturas, quæ si admittantur, nec persistet sententia contraria, quoniam neque spatio intermediæ diei possunt illa omnia contingere, est soli tenebras offundere. Demus evenisse omnia, ut narrat Josephus lib. 11. Antiq. cap. xiv. num. 6. nulla certe repugnantia, labyrinthus nullus. Deus autem (inquit Historicus) ostendens adhuc una plaga percutiendos esse Aegyptios, ut cogerentur Hebræos dimittere, jussit Moysen edicere populo, ut in-

prom-

promptu habeant sacrificium, preparantes illud decima Xanthici mensis in quartadecimam (qui mensis apud Aegyptios vocatur Pharmati, apud Hebræos Nisan, Macedones vero Xanthicum eum appellant) dein ut & ipse Hebræos ducat omnia sua secum portantes. Es ille quidem cum Hebræos ad egressum expeditos haberet, & per tribus dispositos in uno loco eos continebat. Quartadecima autem illucescente omnes, cum jam in eo essent, & egrederentur, sacrificabant, atque sumptis byssopi fasciculis domos suas sanguine conspergentes purificabant: cumque cœnassent tanquam exituri, reliquias carniarum excusserrunt. Unde mos inolevit, ut etiamnum ita sacrificaremus, festum illud Pascha nuncupantes. Transitus autem id significat, &c. Narrat subinde eadem nocte Israelitas a Pharaone dimissos; & proximo capite xv. num. 2. ait: Reliquerunt autem Aegyptum mense Xanthico, luna decimaquinta. Quæ omnia Scripturis, dictisque cohærent.

PROPOS. II. Tempore Christi Domini non utebantur Judæi duplici Neomenia, a phase lunæ, & a congressu planetarum deducta; neque duplici calculo Astronomico, & vulgari, quorum unum Dominus, alterum Jerosolymitani secuti fuerint.

Demonstratur primò: Divinæ Scripturæ non solum duplici hujus Neomenia nullum vestigium produnt, verum etiam apertè doceant Exodi xii. 6. Phase simul immolandum ab universo Israelitarum cœtu: *Immolabit* (inquiunt) *eum universa multitudo filiorum Israel*. Hebræicè כָּל קְהָל עֵרֶץ, *Omnis cœtus synagoga*. Targum pariter vertit, *Omnis Ecclesia filiorum Israel*. Textus Samaritanus, *Omnis congregatio synagoga*, tom. 1. Polyglot. Walt. pag. 274. At non immolatus fuisset Phase in cœtu totius synagoga, in congregatione totius Ecclesiæ, si Galilæi unam diem, Hierosolymitani diem alteram servassent, atque diversæ Neomeniæ, diversique calculi obtinuissent. Præterea die statuta pro maceratione agni e domibus omnium filiorum Israel abjiciendum erat fermentum, ut constat ex eodem cap. Exodi vers. 15. atque a vespera illius diei incipiebant septem dies azymorum, protrahendi ad diem usque vicesimam primam. Cum vero Judæi omnes convenirent Jerosolymis ad paschæ celebrationem, atque in ea urbe fermentum non fuisset sublatum luna xiv. subducta ἀπὸ τῆς τοῦ αἵματος, a conjunctione planetarum, transgressi fuissent legale præceptum de fermento abjiciendo iis in domibus, in quibus facienda erat cœna Paschalis, in domibus scilicet civium Jerosolymitanorum, quæ cæteris Judæis patebant die azymorum 1. ineunte. Aut si hi gratiæ hospitum abjecissent fermentum, & ipsi celebrassent phase luna xiv. computata a Neomenia ἀπὸ τῆς τοῦ αἵματος, ab apparitione, idest, luna xv. ac die proxima, macrassent agnum secunda die a sublato fermento, non prima; & obtulissent manipulum spicarum, de quo Levitici xxi. 9. tertia die azymorum, non secunda: eadem

demque ratione festivitates omnes fuissent confusæ. II. Quinam esset dies *Neomenia*, non pro lubitu statuebant Judæi, sed Synagogæ rectores illum universo populo præscribebant, ut scribit Rab. Moses in tract. *Kidusch babodesch* cap. 1. §. 5. *Visio luna non est tradita omni homini quemadmodum sabbatum Berefici, idest, in prima creatione institutum; siquidem quilibet numerare potest sex dies, & quiescere in septimo. A Synedrio traditum est illud, nempe observare τὴν φάση τῆς σελήνης, visionem lunæ, & cum synedrium indixerit ac præfinierit diem illum pro Neomenia, idem habendus est pro Neomenia, juxta illud Exodi xii. 1. Ille mensis vobis tum ipse est Neomenia, &c. idest, hujus determinatio tradetur vobis a Synedrio.* Adeas Josephum de Voisin lib. de lege divina cap. 44. pag. 617. Commentitia est ergo duplex illa *Neomenia* ab Harduino, aliisque propugnata; aut saltem non habuit usum. Corroboratur primò hoc argumentum, quod *Neomenia* apud Hebræos dicatur, quando incipit sol splendore sensibili lunam illustrare: ipsa verò proprium decus patefacit spectantibus, ut inquit Philo in libro de Septenario pag. edit. Paris. 1189. *νημηνία ἀρχεται φωτίζον αὐτὸν τὸν ἥλιον ἡλίας, ἢ δὲ τὸ ἴδον αὐτοὺς ἀναρᾶσαι τοῖς ὀφθαλμοῖς.* Accedit fulcimentum aliud, *Neomeniam* indici solitam per tibicinem cornea tuba supra templi pinnam, sive tectum, quod *παροφῶν* appellant, ut pluribus demonstrare nititur in Psalm. tom. 2. pag. 674. Lorianus ad ea verba Ps. lxxx. 4. *Buccinate in Neomenia tuba.* Collustratur eadem argumentatio, ex quo, licet Astronomici *novilunia* auspicentur ἀπὸ τῆς συνόδου, Judæi tamen semper in omnibus *Neomeniis* φάση servaverint. Id præter Thalmudicas præceptiones, in quibus auctore Scaligero lib. 2. de Emendat. temp. pag. 102. cap. *Ror baschana*, scriptum est, *antiquitus Neomenias ἀπὸ τῆς φάσεως indicî solitas; præter laudatum Philonis testimonium; præter allata verba R. Maimonidis, comprobant antiquissimus Scriptor, cujus hoc fragmentum nobis servavit S. Clemens Alex. lib. 6. Strom. pag. 635. Nisi apparuerit luna (Judæi) sabbatum non celebrant, primum dictum, nec Neomeniam.* Εὐδὲ μὲν ἡ σελήνη φάση, σαββατοῦ καὶ ἄγειν τὸ λεγόμενον φῶτον, ἰδὲ νημηνίας. Si quis verò plura de his querit, videat Petavium in notis ad Epiph. pag. 151. & 183. Aegidium Bucherium de Paschali Judæorum Cyclo pag. 370. Onuphrium nostrum in Fastis ad an. U. C. 786. ut mittam dissertationem Abarbanelis latine redditam a Bouxtorfio, Samuelem Petit in Eclog. Chronol. Seldenum, Bochartum, Spencerum. Quod si etiam concedamus, Judæos olim *Neomenias* indixisse ex Cyclo, sive juxta præscriptionem Calippicam, ut visum Gerardo Vossio disp. xix. th. 4. sive ex lunæ intuitu, & continua observatione compacto, ut pag. 374. Bucherius ipse arbitratur; sive alia quacunque ratione composito; ergone simul eodemque tempore Judæi diversas *Neomenias*, diversa plenilunia, diversa paschata ser-

servaverunt? Hanc ego illationem non percipio, nec p̄nto aliquem percepturum. III. Haud obscure ex historicis monumentis deducitur Judæos omnes simul *Phase* immolavisse: nam Philo paullo supra citatus inquit Hebræos omnes simul sacrificare *per cætus populares a meridie ad vesperam usque*, & celebrari ab iis *viſſimam communem decimaquarta mensis*: ac Flavius Josephus lib. v. 1. de Bello cap. 9. n. 3. narrat sub Cestio ex viſſimis *a nona hora usque ad undecimam* ejusdem diei festi mactatis, numerata *virorum purorum & munderum viſſies septies centena millia*, hanc autem ingentem multitudinem ex *diversis Judæorum locis* congregatam. IV. Tandem Harduinus ad duas illas *Neomenias* propugnandas confugit ad regulam, לא כר פסח, *Lo Badû Pesach*, quam putat rectè institutam, ne secunda dies azymorum, in qua offerendus erat manipulus, foret festivus, & duæ simul solemnitates sabbati, & paschatis celebrarentur. At ea regula, ut ostendam propositione v, non erat in usu tempore Christi Domini, neque firma aliqua ratione defenditur. Ruit ergo etiam systema duabus *Neomeniis* simul observatis innixum.

PROP. III. Christus Dominus pridie, quàm pateretur, *legale Pascha* una cum discipulis suis manducavit.

Demonstratur primò. Matth. xxvi. 17. legitur: *Prima autem die azymorum accesserunt discipuli ad Jesum, dicentes: Ubi vis paravimus tibi comedere Pascha?* Versu 18. narratur Dominum misisse discipulos suos in civitatem *ad quendam*, ut ei dicerent, *Magister dicit: Tempus meum prope est, apud te facio Pascha cum discipulis meis*: vers. 19. asseritur discipulos illos Pascha præparavisse. *Et fecerunt discipuli* (inquit Evangelista) *sicut constituit illis Jesus & paraverunt Pascha*. Versu 20. additur facto vespere Dominum cum discipulis cœnasse: *Vespere autem facto discumbebat cum duodecim discipulis suis*. Similia habentur Marci xiv. & Lucæ xxii. Hoc postremo in loco, versu 15. additur Jesum inter cœnandum ita Apostolos allocutum: *Desiderio desideravi hoc Pascha manducare vobiscum, antequam patiar*. At sive tempus, sive interrogationem discipulorum, sive locum, sive præparationem cœnaculi, sive horam, sive verba inter cœnandum prolata serio attendantur, apparet iis describi cœnam in qua manducabatur *agnus typicus*, horis pomeridianis lunæ xiv. immolatus. Hunc igitur agnum Christus cum discipulis suis manducavit. Probatur minor per singula discurrendo. Principio accesserunt discipuli ad Jesum *prima die azymorum*. Marcus cap. xiv. 12. hanc diem perspicuè designat, *Primo die azymorum, quando Pascha immolabant*. Ita & Lucas xxii. 7. Dies azymorum septem erant, Exodi xii. 15. *Septem diebus azyma comedetis*: & v. 19. *Septem diebus fermentum non inveniatur in domibus vestris*. Similia Levit. xxii. 5. & Num. xxviii. 17. Prima autem dies celeberrima & sancta erat dies

dies xv. ex eodem Levitici, & Numerorum loco. Accesserunt ergo discipuli ad Jesum, non ante diem decimamquartam, sed ineunte azymorum solemnitate. Me non latet Hugonem Grotium, aliosque adversarios contendere octo fuisse dies azymorum, connumerato die paschali, cujus parte postrema inciperet azymorum observatio. Quod conantur probare ex Josepho, qui enumerat octo azymorum dies, neque uno in loco ait celebrari pascha die xiv. Nisan ob liberationem filiorum Israel de Aegypto; ex quo inferunt primam diem azymorum concurrere cum luna xiv. ineunte. Recoxit hæc P. Lamy, addiditque testimonia Rabbiorum affirmantium die xiv. in domibus Israel non apparuisse fermentum. Sed nugæ nugæ sunt istæ, atque liræ liræ. Etenim Josephus lib. 111. Antiq. cap. 10. pag. 177. ait: *Die autem quintadecima Paschalem excipit azymorum festivitas septem dierum*. Deinde hanc diem *decimamquintam* apud Judæos celeberrimam propter liberationem a servitute Aegyptiorum, scribit in iv. de Bello I. cap. 8. pag. 294. Præterea egressum populum Israel de Aegypto die xv. Nisan, affirmat Antiq. 11. cap. 15. pag. 111. Historici autem verba, quoniam supra producta sunt, non repetam. Tribuitur ergo a Josepho celebritas Paschatis memoriæ redemptionis Israelitarum, quoniam *Pascha*, & *dies azymorum prima* sunt dies una, eademque; & xiv. ad vesperam immolatus est agnus, decimaquinta verò filii Israel profecti sunt de Rameffe. Quod si invenias alicubi numeratos dies azymorum octo; comprehenditur in his dies xiv. in qua factam investigationem fermenti, ne post jugulatam Paschalem victimam inveniretur in domibus Hebræorum, diximus paullo supra. Sed de *prima die azymorum* hætenus. Sequitur missio duorum discipulorum in Jerusalem, præparatio Paschæ, & *συνάγη* Apostolorum una cum Magistro sub vesperam. Jerosolymis tantum fas erat immolare Phasæ, atque Paschali tempore illuc Israelitæ omnes confluebant. Post mactationem agni, factò vespere, instituebatur Paschalis cœna; nam carnes agninas assas igni edendas *noctē* præceperat Dominus Exodi xii. 8. Constituebatur certus numerus personarum, quæ sufficere possent *ad esum agni*, ex eodem cap. versu 4. unde hæc cœna ex manducantium communionem etiam Hebræis dicta est, *חבריה* *Synaxis*, *collectio*, *societas*. Numquam conveniebant pauciores *denis epulatoribus*, neque *plures viginti*, ex Josepho lib. vi. de Bello cap. 9. cap. 399. Cœna ergo parata Jerosolymis, instituta die prima azymorum, celebrata factò jam vespere, & Jesu cum duodecim discipulis suis discumbentē, nonne cœna est peracta omnibus ritibus servandis in manducatione agni typici? Etiam ea Domini verba, *Desiderio desideravi hoc Pascha manducare vobiscum*, demonstrant convivium Paschale tunc institutum. Quare enim verba discipulorum, *Ubi vis paremus tibi comedere Pascha?* & alia, *Et paraverunt Pascha*,

nec non ista, *Neceſſe erat occidi Paſcha*, accipienda ſunt de agno typico, nec de illo accipienda ſunt, quæ ait Dominus, *Deſiderio deſideravi, &c.* Quodnam præterea *Paſcha* iis verbis commonſtratum dixerimus, niſi quod illa die immolabatur, quod diſcipuli præparaverant, quod Jeruſolymis, nocte, & a collecta familia manducabatur? Recte Epiphanius H. xxx. cap. 22. pag. edit. Petavianæ 146. *Paſcha illud*, inquit, *carnes erant, uti diximus, igni toſtæ, Πάſχα ὅτι, ὡς ἔφαθ, κρέα ὅτι τὰ πρὸς*. Neque opponuntur Epiphanio, qui pro hoc Paſchate intelligunt euchariftiam; utraque enim cœnam, typicam, & Eucharifticam inſtituit Dominus eadem nocte: ac propterea magnum ultimi Paſchatis celebrandi deſiderium habebat, quoniam extrema cœna peracta, ut inquit Theophylaetus in Lucam pag. 513. *τὴ μεγάλη μυστήριον, magna myſteria* diſcipulis erat traditurus. Atque his, ni fallor, Amicum, Grotium, alioſque adverſarios ex Evangelica hiſtoria apertiffimè refutavi, eorumque ſimul commentationes oſtendi falſas eſſe, futiles, repudiandas.

Neque ſola Scripturarum divinarum auctoritate, ſed aliis quoque armis pro veritate decerto. Ac primò ſententiam noſtram amplectitur Eccleſia univerſa, ſubſcribens Tridentinæ Synodo, cujus ſeſſ. xxi. 1. cap. 1. hæc ſunt verba: *Nam celebrato veteri Paſcha, quod in memoria exitus de Aegypto multitudo filiorum Iſrael immolabat, novum inſtituit Paſcha, &c.* Catechiſmus item Romanus P. 2. cap. 4. num. 2. *Etenim celebrata cum diſcipulis agni Paſchalis cœna, &c.* Idem habetur Cap. *Accipite*, de Conſecrat. diſt. 2. deſumpto ex commentariis Hieronymi mox laudandis. In ſolemniis quoque Corporis Chriſti idem non ſemel proſtitetur Eccleſia, uti in Hymno ad Veſperas:

*In ſuprema nocte cœna recumbens cum fratribus,
Obſervata lege plene cibis in legalibus,
Cibum turba duodena ſe dat ſuis manibus.*

Et in altero ad Matutinum,

Post agnum typicum expletis epulis, &c.

Præterea hæc Romanæ Eccleſiæ ſententia Veterum traditione corroboratur. Ad quam investigandam ſat eſſet repetere Teſſeradicatitas, (ut inquit Euſebius prælaudatus prop. 1. & apud illum Polycrates Ephelinus, qui vixit ſedente Victore, & ineunte Severi imperio, labente ſcilicet, & ad finem vergente ſecundo ſæculo) ſuæ opinioni pertinaciter adhæſiſſe, quod Dominus & Apoſtoli aliquando Paſcha fecerint *quartadecima luna*, obtrudentes exemplum Polycarpi Joannis Evangeliftæ diſcipuli, aliorumque proximiorum Apoſtoliſ. In ea verò controverſia nullibi *Quartadecimanis* ſive a Victore, ſive a Nicænis Patribus, ſive ab aliis reſponſum invenio, neque Dominum ſequutum fuiſſe Judæorum conſuetudinem, quod utique

ad

ad illos refellendos fuisset expeditissimum. Responderunt aliam ineundam viam, postquam abrogata fuerunt legalia, & *Pascha nostrum immolatus est Christus*. Serpsit etiam priscis sæculis hæresis Ebionæorum inter alia portenta damnantium usum carniū; eosque redarguit Epiphanius H. xxx. n. 22. pag. 146. ex quo etiam Dominus *Judeorum Pascha comederit, quæ constabat agno, ac sine fermento subactis panibus*. Immo nec Ebionæi ausi sunt verba Evangelistarum in sensum torquere alium, uti recentiores nostri fecere; sed potius per summum scelus verba Christi Lucæ xx. 1. 15. ad hunc modum depravarunt, *Μὴ ἐπιθύμια ἐπιθύμωμεν τὸν τὸ πάχα κρέας φαγεῖν μὴδ' ὕμνον; Numquid desiderio desideravi hoc Pascha carnem manducare vobiscum?* sese fatentes devictos, si retinerent lectionem veram, atque legitimam. Exortis præterea Manichæis, & Marcionitis veterem legem, tanquam a Deo malo promanatam repudiantibus, Patres acuerunt in eos styliū, illam bonam, & pro suo tempore utilem asserentes, propterea quod etiam Dominus servavit Pascha a Moyse promulgatum. Quare Tertullianus libro 1v. adversus Marcionem recitato versu 15. Lucæ nuper commemorato, ironicè in hanc exclamationem cap. 40. erupit, *O legis destructorem, qui concupierat etiam Pascha servare!* Atque ipsi Marcionis asseclæ, cum productis supra Evangelicis textibus nimium premcrentur, ignorantes aliud, quo evaderent, effugium, illos depravasse auctor est Hærcsi 42. pag. 316. beatissimus Epiphanius. Ex quibus sequitur, juniores, qui eisdem textus detorqueant, pugnare contra traditionem veterum, eisque subripere arma, quibus hæreses debellaverunt. Nec Tertullianus solus, & Epiphanius hæc docuere. Chrysostomus hom. 81. in Matth. pag. edit. Commel. 690. proposita quæstione, cujus rei gratia Christus servaverit Pascha, *Ut omnibus, inquit, semper usque ad ultimum passionis diem non esse adversarium se legi ostenderet*. Ambrosius verò Epistola 23. scripta anno 386. ad Episcopos per Aemiliam constitutos, tom. 2. pag. 883. extra omnem controversiam positum scribit, servatum a Domino Pascha Mosaicum, & x11. capite Exodi indictum, *quartadecima luna, quinta feria: & proxima pagina, Ipse Dominus, ait, non quartadecima luna passus est, sed quintadecima, & septimadecima resurrexit*. Tradunt eadem alii Patres. Concludendum ergo cum Hieronymo in cap. 26. Matth. tom. 1v. pag. 128. *Postquam typicum Pascha fuerat impletum, & agni carnes cum Apostolis comederat, assumit panem, &c.* Hinc desumptum cap. 88. de Consecrat. dist. 2. supra adnotaveram.

Silentio denique præterire non possumus infortunia, quæ subiiit sententia adversa. Etenim ubi primum illam excogitarunt Ebionæi, & Marcionitæ, quibus recentiores eam reddere debent acceptam, execrabilis visa est Ecclesiæ Patribus. Ut autem nono sæculo Græcorum

rum quidam eandem secuti sunt, eamque inferuit Anonymus in disputatione adversus Judæos, unaque sentientes hæreticos, atque ut circa ea tempora prodit Volumen aliud absque auctoris nomine, *De sacro Paschæ festo*, in quo sententia ipsa propugnabatur; Photius, quamquam sibi nosceret futuram fore percommodam ad azyma eliminandum, judicavit tamen temere, & inconsiderate prolatam, *quoniam Chrysostomus, & Ecclesia docent*, Christum Dominum anno, quo traditus est, *legitimum Pascha perfecisse, antequam mysticam institueret eanam*: ἡ γὰρ ἡγουμένη, ἣ ἡ ἑκάστη, τότε πρὶν αὐτὸν ἐπιτελεῖν τὸ μυστήριον τοῦ νέου πάσχα δίδωται. Vide Photianam Bibliothecam Cod. cxvi. pag. 294. Ineunte postremo sæculo, ubi sententiam eandem instaurare moliti sunt apostata Spalatensis, & Hieronymus Vecchiotti in libro, quem inscripsit, *De anno primitivo ab exordio mundi ad annum Julianum accomodato*, a M. Antonio Cappello Minori Conventuali doctissimo, in Opere *De suprema Christi cæna*, fuerunt promeritis exagitati. Postquam denique Grotius, P. Lamy, & quidam alii idem placitum revocaverunt ab orco, permultos experti sunt adversarios, inter quos Harduinus pari ingenio, & animositate has sagittas emittit: „Furor est profecto, furor, intolerabilisque audacia recentiorum quorundam, affirmantium tribus primis Ecclesiæ sæculis in ea fuisse hæresi Patres, ut Christum Servatorem supremo vitæ suæ die Pascha peregisse negarent. Et testes illi quidem appellant ejus dicti, Petrum Alexandrinum, Clementem Alexandrinum, Hypopolitum Martyrem, Apollinarem Hieropolitanum; demumque sic colligunt: Ex Petro Alexandrino sententia negans Christum comedis- se Pascha, sententia communis Patrum fuit, qui primis sæculis vixerunt: Gallice, ut scribunt, *Selon lui le sentiment de ceux qui nient que Jésus-Christ ait mangé l'Agneau Paschal, est le sentiment commun des Peres de trois premiers siècles*. O furorem hominum, quos concludi oporteat cum infanientibus! Nam quis non furorem jure appellet tantam hominum cæcitatem, ortam ex obstinatione ac pervicacia? Unde enim sumpta hæc testimonia sunt, Petri, Clementis, Hypopoliti, & Apollinaris? Numquid ex scriptis eorum, quæ indubitata ac genuina esse censeant eruditi? Minime verò: sed ex auctore Chronicis, quod Sigonius Fastos Siculos, Du-Cangius Chronicon Paschale appellat: homine, quem veterum prorsus nemo appellat, nemo ante Sigonium novit: quem nostra ætate ob anachronismos innumeros Petavius sprexit & Scaliger: qui ed demum insolentia processit, ut ad suam illam defendendam hæresim, quæ Christum Servatorem negat Pascha peregisse, testimonia confingat, adscribatque magnis illis nominibus, Petri, Clementis, Hippolyti, & Apollinaris. Nam quis hic mentiri impudentissime hominem istum neget, & illa testimonia ex cerebro confingere; cum verbo-

rum

rum eorum, quæ allegat ne syllaba una quidem alibi extet; & quod est multo insolentius, cum ex Evangelio ipso loca se describere profiteatur ibidem, quæ eidem hæresi apertissimè faveant; quorum nihil tamen in sacris libris appareat? „Hactenus Harduinus pag. edit. Amstelodani 373. Nec tali voce tonat Harduinus duntaxat. Franciscus Suarez singulari modestiâ præditus tom. 2. in 3. p. disput. 40. *Hæc sententia*, inquit, *est planè hæretica*: & Quæsitores fidei illam confixisse, tanquam prolatam *contra sacrarum litterarum fidem, contra Ecclesiæ universæ auctoritatem, contra sanctorum Patrum doctrinam*, coniecto in carcerem, ubi in squalore fordibusque decessit, prædicto Hieronymo Vecchietto, narrant Janus Nicius Erythræus Pinacoth. Virorum illustrium pag. 196. Hyacinthus Serry Exercit. de Ch. 51. pag. 356. in Vita Marci Antonii Cappelli Joannes Bortonijs pag. LXXI. & ex Novatoribus Jo. Frischmuth in Thesauro Theologico-Philologico pag. 189. Nos verò sententiam illam, si non hæreticam, falsissimam asserimus, ac talem nobis videmur demonstravisse.

PROPOS. IV. Christus eadem die cum Judæis *Pascha typicum* celebravit.

Demonstratur primo. Dominus enim celebravit *Pascha* die prima azymorum, eaque dies ab Evangelistis dicitur *prima*, non tantum quia talis revera erat, in qua secundum legem debebat *Phase* immolari, verum etiam quia tunc temporis Jerosolymis immolabatur & multitudo Judæorum. Commentitia est ergo illorum opinio, qui lunam decimam quartam a Christo, & decimam quintam a Judæis autumant fuisse observatam. Probatur antecedens; enim verò quemadmodum Lucas cap. XXII. 7. inquit, *Venit autem dies azymorum, in qua necesse erat occidi Pascha*, legis præceptum, & diem primitus constitutum significans; ita Marcus respiciens ad præsentem consuetudinem cap. XIV. 12. ait: *Et primo die azymorum, quando Pascha immolabant*: Syriaca versio tom. 5. Bibl. Walt. pag. 126. *Et primo die azymorum, quando sacrificant Judæi Pascha*, & Perlica pag. 127. *Quo Judæi Pascha mactant*. Quid manifestius? Eadem ergo die, qua Christus, etiam Judæi agnum paschalem immolaverunt. II. Ostendimus propositione 2. *Neomenias*, diemque paschalem præstituta fuisse a Synedrio, sive a Synagoga rectoribus *secundum lunæ phasim*, idque servatum quoque ætate Christi, & posterioribus temporibus: & quamvis detur Synedrium a prisca consuetudine descivisse, necessariò tamen propositas ab illo dies fuisse servandas. Nec est quod objiciat aliquis hujusmodi legibus Christum non subiectum; constat enim ex Joan. I. 13. V. 1. & VI. 4. Dominum adscendisse Jerosolymam ad celebrandum Pascha, quando illud Judæi peragebant; ideoque, non urgente præcepto, sed singulari humilitatis exemplo, festorum consuetudinem, sive secundum legem, sive secundum Synedrii statuta, ad

extremum

extremum usque diem servavisse. In cassum quoque nos provocarent adversarii ad calculos astronomicos; quorum non habendam esse rationem diximus Volum. V. pag. 565. & si habenda sit, retrahemus cum præstantissimo viro consulatum Geminorum, cui passionem Christi affigendam putamus, ad annum V. Ae. xxviii. atque si nec illud arrideat, eodem anno, quo luna xv. incidit in feriam sextam, qualiscumque tandem sit, post celebratum commune Pascha, crucifixum Dominum pronuntiabimus. III. Diximus supra, immolandum agnum ex præcepto legis ab universo Israelitarum cœtu simul coadunato. Hinc Philo lib. 3. de Vita Moyſis pag. 686. ait celebratum Pascha, *universo populo concurrente*. Appellatur ab eodem Scriptore, ob immolantium congregationem, in libro *de Septenario* pag. 1190. *ἡ πάντας θύια, communis victima*. Non mactabatur agnus nisi in atrio templi; neque comedeatur nisi sanguine ad altare a Sacerdotibus sparso, atque combusto adipe, ut scribit Maimonides in *Corban Pesach*, demonstrantque cum Lightfooto in *Minist. Templi* pag. 730. viri plures peritissimi rituum Hebraicorum; non manducabatur denique, nisi fermento è domibus sublato, id præscribente lege. Quid ergo? Nisi Salvator noster eadem die, ac Judæi, typicum edisset agnum, legem penitus violasset: non enim interfuisset communi victimæ, non cœnasset post *Pbase* mactatum in atrio, non expectasset sacrificiorum consummationem, non fecisset *Pascha* in domo purgata a fermento. Aut ergo non celebravit Pascha, quod nullatenus affirmandum est, aut illud celebravit die ipsa, qua celebraverunt Judæi. IV. Si aliter se haberet res; Apostoli non fuissent adeo solliciti parandi Pascha, cum non istaret solemnitas publica & celeberrima: solitudinem habuerunt tamen, eaque solemnitas prope erat. Paratum insuper, stratumque erat cœnaculum, advenisque januæ Jerosolymitarum apertæ: quod propter confluentem multitudinem pernoctantium Jerosolymis nocte diem xv. præcedente, in consuetudinem receptum erat pro communi illa festivitate: quæ omnia in sententiam nostram quadrant maximè. Accedit scititiam esse translationem festorum, ut mox ostendam. V. Non præteream denique pervulgatum argumentum. Nisi Christus celebrasset *Pascha*, una cum aliis, atque statuto tempore, id procudubio fuisset illi obiectum; nec forte Jerosolymitarum aliquis ei domum suam commodasset: quo argumento pugnat in libro de Azymo & fermentato Humbertus Cardinalis de Sylva Candida. Frustra reponeres Judæos non ausos accusare Christum, vel quod is ageret secundum legem, & ipsi sequerentur instituta Synedrii, aut, quod visum Hentenio præf. ad Euthymium, id Judæi nescierint. Etenim corruit prior responsio, quia nulla hac in re fuerunt Synedrii præcepta cum lege pugnantia: corruit altera, quia hoc poterant cognoscere a Juda proditore, a quo

quo productus fuisset in testem paterfamilias, in cujus domo cœna fuerat peracta.

PROP. V. Nullus Judæorum anno passionis Christi disulit Pascha in proximum sabbatum, & in exeuntem lunam decimam quintam.

Quenam siquidem ratio potest sententiæ oppositæ suffragari? Non regula לא ברו פסח, non lex de metendo manipulo die azymorum secunda, non consilium initum occidendi Christum; non peculiaris Cyclus phasi, motibusque lunæ contrarius: Ergo ratio nulla. Probatur antecedens, ac primùm de regula, *Lo Badù Pèsch*. Hujus regulæ sensus est, nunquam Pascha celebrandum fore *secunda* feria, expressa littera ב, nec *quarta*, significata per litteram ג, nec *sexta*, cujus nota est elementum י. Ita a litteris, quæ sunt etiam notæ numerorum, dicitur hæc regula ברו, BADU'. Hæc autem regula ætate Christi nondum fuerat excogitata. Fatentur id complures patroni translationis Judaicorum festorum, qui proinde ad figmenta, alia confugiunt. Petavius Not. in Epiph. pag. 185. scribit: *Paulus Burgenfis, Paulus Forosempronienfis Episcopus, Joannes Lucidus, Onufrius, Janfenius, Maldonatus vofler, & alii ad vulgatam illam Festorum translationem, & feriarum deletum confugere solent. Verum istud nondum Christi tempore constitutum fuisse docent ipsimet Hebræi*. Haud secus lib. xii. de Doctr. temp. cap. xv. pag. 340. Doctissimi viri judicium omni æquitate prolatum est. Scribit enim Rab. Aben-Ezrae in Levit. cap. 23. v. 5. & Thalmud in *Misna*, & in *Gemara*, etiam in feriis *Badù*, secunda scilicet, quarta, & sexta celebratum fuisse Pascha. Quorum testimonia vide tom. ii. Biblioth. Rabbinicæ, pag. 762. Idem eruitur ex iis, quæ paucis interjectis disturus sum de manipulo. Harduinus cap. 9. regulam *Badù* confirmare nititur, ex altera constituta pro Neomenia mensis *Tiseri*, quæ dicitur לא ארר, *Lo adù*, scilicet, numquam *Neomeniam* septimi mensis, & festum, quod appellant *Hossannà Rabbà*, figi in feria, & *prima*, י, *quarta*, & י, *sexta*. Quoniam si statueretur die prima, septima nefas esset excutere *hosannam*, (fasciculos nempe è spatulis palmarum, & salicum, myrthique compactos ramulis, de quibus Levit. xii. 40.) propter sabbati solemnitatem. Si verò statueretur *Neomenia* in י, idest, quarta feria, vel sexta, festum Expiationum celebrandum die decima *Tiseri*, incideret necessario in primam, vel sextam feriam, atque ita concurrerent festivitates duæ, una immediate post aliam, sabbatum scilicet, ipsaque Expiationum solemnitas. Atque hæc Harduini ratiocinatio confirmari potest Rabbinorum testimoniis, quæ requiras citato Volumine Biblioth. Rabbinicæ pag. 403. Verum, utut ingeniosa ista sint, nullam in præsentia vim habent: primum, quia regulæ ברו, *Badù*, & regulæ ארר, *Adù*, eadem est nativitas & origo: deinde, quia ex regula *Adù* statuta

pro

pro Neomenia *Tifer*) infertur, ut mox ostendam, non admittendam esse regulam *Badh* pro Phasē maſtando luna xiv. Nisan: inſuper quia ætate quoque noſtra celebrant Judæi feſtum quodcunque, tamenſi incidat in primam, vel ſextam feriam, ut oſtendit Serry Exercit. 21. num. 2. Inſuper quia ut plurimum ipſam *Tifer*) *Neomeniam* celebrant non uno tantum die, ſed duobus, ut demonſtrat Bucherius ipſe de Doctr. Temp. pag. 380. immo Periodus Judaica pro neomeniis geminos designat dies: demum quia Rab. Moyſes Ben-Maimonidis cap. 7. *Hidduſch babodeſch* affirmat, non alia de cauſa receptam regulam *Adh*, niſi ut computus dierum accomodaretur *ad conjunctiones ſolis & lunæ ſecundum medium motum illorum ſiderum*, non habita ratione veri eorumdem loci: ex quo teſtimonio Petavius Nqt. in Epiph. pag. 182. infert, diu poſt Chriſti paſſionem *ſuperſtitionem illam introductam*. Corruit ergo prima ratio translationis Paſchatis petita ex Rabbinica Regula, : לא ברו פסח

Falluntur pariter, qui ſtatuunt Paſchatis de ſexta feria in diem ſabbati translationem, atque hac in parte regulam *Badh* inſtitutam volunt auctoritate divina, nimirum, ut *altero die ſabbati*, ideſt, poſtridie diei feſti Paſchæ, deferretur manipulus ſpicarum ad ſacerdotem, juxta præceptum Levit. xxii. 1. 10. Principio enim Harduinus, qui in hoc argumento magnum ſibi locat præſidium, reſutat ex regula *Adh*, quam licet ſerius natam, ipſe tamen approbat & coluſtrat. Etenim Auctor libri *לבוש החכלת*, *Lavuş Huchbecheſt*, traſt. de Neomenia, ait ideo non poſſe die ſabbati excuſi Hoſanna, *quoniam præceptum excuſiendi ſciſciculum non eſt ex lege, ſed ex conſuetudine, quod non poteſt expellere præceptum legis*. Vide Biblioth. Rabbin. præcit. pag. 403. Atqui præceptum metendi, & offerendi manipulum non eſt ex ſuperinducta conſuetudine, ſed ex lege. Igitur poterat id fieri die ſabbati. Et quidem in Rabbinorum commentariis, fabularum aliàs pleniffimis, & a me productis ad conſutationem illorum, qui ex ipſis portentosa ſystemata fabricarunt, puto nihil dictum eſſe rationabilius. Cur enim cenſenda erat ſabbati obſervationi contraria, & computanda inter opera ſervilia, meſſio manualis manipuli, elevandi *coram Domino*? Religionis actus id potius erat, quàm ſervile opus. Præterea ex Moſe Aegyptio, Rab. Iſmaele, aliſque, de quibus *Minifterium Templi*, cap. xiv. ſect. 2. & Biblioth. Rabbin. tom. 2. pag. 713. & 762. non ſolum apparet Homer (ita manipulum illum appellant) demeſſum ſabbato, verum & factum id ceremonia quadam, in qua meſſores alta voce clamabant, *שבת היום*, *Eſt ne ſabbatum hodie?* & reſpondentibus cunctis, *הן*, *Eſt*, iterum interrogabant *אקצור*, *Metam ne?* tunc verd univerſi *קצור קצור קצור*, *Demete, Demete, Demete*. Eo inſuper loci traditur neminem de maniplo die ſabbati metendo hæſiſſe, præter quos-

quosdam Sadducæorum . Si verò hæc velimus inter fabellas amandare ; amandemus jure eodem regulam illam *Badà* , anno millesimo , ut demonstrat Thomas Lydiatus , posteriorem . Tandem est sententia Venerabilis Bellarmini lib. 3. de cultu Sanctorum cap. 13. & lib. 1v. de Euchar. cap. 9. Baronii ad annum Christi xxxiv. num. 234. aliorumque doctissimorum virorum , anno , quo Pascha incidisset in feriam sextam , demessum manipulum die prima , quam nos Dominicam dicimus . Scio sententiam istam a Serrio Exercit. lxii. num. 4. & a recentioribus aliis rejici ob fluxas illas , incertasque traditiones Rabbicas . Probabilis est tamen ; & ea verba Levitici xxiii. 15. *ab altero die sabbati* videntur quibusdam significare feriam consequentem , non Pascha , sed sabbatum ; præsertim si attendatur sensus Hebraici textus , *הַשַּׁבָּת הַהוּא* , *Acrasino cessationis* . Consonant lectioni Hebraica cum textu Sammaritano Versiones ferè omnes , tom. 1. Polygl. Walt. pag. 504. de quarum tamen sensu dicendum infra .

Videndum modò , an Judæi distulerint Pascha , ut Jesum damnaverent morti . Visum id quidem nonnullis ob auctoritatem Chrysostomi scribentis Hom. lxxxvi. in Matth. pag. 715. *audacissimos illos homines , & mille transgredientes legis præcepta , quoniam ita inflammati erant , & sæpe conati Jesum capere nihil facere potuerant , ex insperato nactus quod cupiebant , tempus Paschæ transposuisse* . At possumus , salva Chrysostomi reverentia , recedere a singulari hac opinione reliquis Patribus contraria , cum nec Chrysostomus fuerit in ea constantissimus . Nam supra Hom. lxxxiv. pag. 708. scripserat , *Et immiserunt in eum manus , ac tenuerunt illum ipsa nocte , in qua comederunt Pascha* , *καὶ ἐτίβαλον ἐν αὐτῷ τὰς χεῖρας , ὃ ἑκράνησαν κατ' αὐτὸν τὴν νύκτα , καὶ ἐν τῷ πάχῃ ἔκρανον* . Ac Hom. lxxxiiii. in Joannem pag. 414. fatetur se ignorare , an ea verba Joannis xviii. 28. *Ut manducarent Pascha* , significant paschalem victimam , an verò τὸ ἑορτὴν πάσχα , totam solemnitatem . Cum præterea Chrysostomus certissimè teneat his tribus in locis , & Hom. 82. in Matth. Dominum Jesum celebrasse Pascha statuto tempore , consequens erit ex propositione quarta , idem fecisse Judæos universos . Atque ita sententiæ , quam oppugnamus , ruit fundamentum . Addo quod apud Judæos in more positum erat insignes reos plectere extremo supplicio in solemnifto , ut ex communi Rabbiorum doctrina ostendit Drusus in caput 26. Matthæi . Deinde ex ipsomet Evangelio haud obscure colligitur crucifixum Dominum jam Hebræis agentibus solemnitatem Paschalem . Pilato enim dicenti Joan. xvi. 31. *Accipite eum vos , & secundum legem vestram judicate eum , responderunt , Nobis non licet interficere quemquam* . Hæc autem verba dicta sunt circa horam tertiam , nondum sententia mortis in piissimum Jesum prolata . Peto , cur inquirunt , *Nobis non licet* ? Aut propter inchoatam solem-

To. VII.

Y

nita-

nitatem, aut propter ablatum illis jus sanguinis. At non ea dixerunt, quod jure gladii privati essent. Tenent utique hoc postremum permulti, sed falso. *Questio*, an Judæi habuerint jus gladii, rectè dicitur a Petavio lib. xii. de Doctr. Temp. cap. 19. non mediocris, nec facilis explicatu. Occisos a Judæis blasphemos absque auctoritate Romani Magistratus, constat ex Act. vi. 11. ubi legimus Stephanum de blasphemia accusatum; quem cap. vii. 58. obruerunt lapidibus. At Maldonatus colligit ex libro *San-bedrin* aliter dicendum esse de supplicio crucis. Sit ut lubet, quamvis oppositum teneant Lipsius, alique docti homines, uti fatetur eo loci Petavius. In causa Christi ad jus Hebræorum non debemus attendere, quia Pilatus permittit Judæis, ut Dominum interficerent: *Accipite* (inquit) *eum vos, &c.* Atque hæc verba non ironicè dicta sunt, uti visum Scaligero, & Lightfooto; sed revera Pilatus in Judæorum gratiam, ratus agi de re ad ipsorum legem spectante, ad illos judicium cupiebat deferre, ut inquit ex communiori sententia in eundem locum Calmet. Falso etiam Grotius scribit permissum a Pilato, ut Jesum loris caderent, quoniam hæc potestas illis remanserat, redactâ in Provinciam Judæâ: falso, inquam, id scribit; siquidem Evangelii verba demonstrant permississe Pilatum qualecunque judicium Mosaica lex postularet. Sive ergo habuerint Judæi tunc temporis jus gladii, sive non habuerint, poterant Christum interficere facta sibi a Præside potestate. Dixerunt tamen, *Nobis non licet, &c.* Ergo hoc dixerunt, quod agerent diem festum, ideoque & ipsi manducaverant agnum, festumque diei primæ azymorum inchoaverant. Rectè Augustinus Tract. cxiv. in Joannem n. 4. *Intelligendum est eos dixisse, non sibi licere interficere quemquam, propter diei festi sanctitatem, quam celebrare jam cœperant.*

Tandem nec transferendi Paschatis ratio petenda est a recepto a Judæis Calendario Romano, vel a constituto Cyclo aliquo phasibus lunæ, legique Moysis opposito: primum quia nequit admitti duplex calculus, quorum unum servavit Christus, alium verò cœtus Judæicus: deinde quia celebrari non poterat Pascha nisi a congregatione filiorum Israel, & post mactatam communem victimam; ideoque periodo qualicunque servata, necessum erat ut Pascha ab omnibus, qui illud servare vellent, perageretur uno eodemque die, primo scilicet azymorum.



CAPUT II.

Explicantur Evangelici textus, qui cum superiori doctrina videntur pugnare, & queritur in quem diem anno Passionis Domini inciderit Pentecostes.

Qui negant Christum pridie, quàm pateretur, celebrasse Pascha legale, aut saltem illud celebrasse inchoata solemnitate azymorum, contendunt auctoritate sacrosancti Evangelii sententiam firmare suam. Principio, inquit, Principes sacerdotum consilium quidem inierant interficiendi Dominum, at dicebant Matth. xxvi. 5. *Non in die festo, ne forte tumultus fieret in populo.* Verebantur enim ne multi, quos post resurrectionem Lazari in eum credidisse testatur Joannes xii. 11. convenientes Ierosolymis ad solemnitatem Pasche, illum, si coniceretur in vincula, aut duceretur ad mortem, tumultuosè e manibus ipsorum eriperent. II. Idem Joannes cap. xiii. 1. ait, Dominum instituisse postremam cœnam, *Ante diem festum Paschæ*, ideoque ante vespèram lunæ xiv. atque ante inchoatum primum azymorum diem, sive Paschalem solemnitatem, quæ a vespèra ad vespèram juxta mandatum legis, Levit. xxiii. 32. peragebatur. Neque plurimum valet ad argumentum istud solvendum distinctio diei legalis, & naturalis: siquidem in eadem cœna quod Dominus dixit proditori, *Quod facis, fac citius*, ceteri Apostolorum, ex eodem cap. versu 29. putabant, quod dixisset ei *Jesus: Eme, quæ opus sunt nobis ad diem festum.* Non ergo festa dies, in qua nefas erat aliquid emere, cœperat tunc temporis peragi. III. Majorem habent vim verba ejusdem Evangelistæ, cap. xviii. 28. *Et ipsi non introierunt in prætorium, ut non contaminarentur, sed ut manducarent Pascha*, unde aperte sequitur Hebræos nondum meridiano tempore feriæ sextæ Paschalem victimam manducasse. Atque hunc locum sufficere sententiæ nostræ confutandæ non soli scribunt Grotius in hunc locum, Casaubonus Exercit. xvi. in Annal. Baronii num. 24. Ludovicus Capellus in Epicrisi, Josephus Scaliger, aliique Novatores; sed etiam Catholicorum doctissimi, inter quos Petavius lib. xii. de Doctrina Temp. cap. 16. Maldonatus in Evangelium Matth. Zegerus, alii. Quod solet huic argumento responderi, etiam alias victimas in festo azymorum mactatas appellari *Pascha*, ut habetur Deut. xvi. 2. *Immolabisque Pasche Domino Deo tuo, de ovibus, & de bobus*, non videtur satis esse ad vim argumenti frangendam: primum quia *τὴν πασχα* absolutè, & quod amplius est, *φαγὴν τὴν πασχα*, manducare *Pascha*, unum Paschalem agnum significat, hostiis aliis seclusis; idque in eodem cap. xvi. Deut. versu 6. *Immolabis Pasche vespere ad solis oc-*

casum, quando egressus es de Aegypto, & coques, & comedes in loco, quem elegerit Dominus Deus tuus. Deinde quia idem infertur ex præcitato versu secundo, cujus sensus est, Immolabis Phasē, atque præter Phasē hostias de ovibus, & de bobus: quod ostendi potest collatione Hebraici textus & celebriorum Versionum, nec non ex antiquorum interpretatione. Etenim Hebraicus textus non habet, *de ovibus, & de bobus*, sed; וְזָבַחְתָּ פֶּסַח לַיהוָה אֱלֹהֶיךָ צֹאן וּבָקָר, *Et sacrificabis Phasē Domino Deo tuo, oves, & boves.* Ita & LXX. καὶ θύσεις τὴν πάσχα τῷ κυρίῳ ἐν ἀγρίῳ οἱ βόες, nec aliter Samaritanus. Targum verò Onkelos, *Et immolabis Phasē Domino Deo tuo de ovibus, & victimam sanctificatam de bobus.* In quibus, si accurate expendantur, victima Paschalis sejungitur ab aliis hostiis. Id verò magis apparebit, si locus iste conferatur cum versu 15. tricesimi capitis libri 2. Deuteronomii, in quo Phasē apertissimè sejungitur ab *holocaustis*. Quare Rabbiorum doctissimi ita textum Deuteronomii interpretati sunt, ut *oves & boves* non accipiantur pro *Paschate*, sed pro *Eucharisticiis sacrificiis festo congruis, de quibus ederent ad satiātem*, & quæ Hebræis non *Pascha* dicuntur, sed, חֲבֻגִּיגָה *Havbigā*. Ita docent Rab. Salomo, Maimonides, Rasi, Bechai, Abarbanel, & alii apud Simeonem de Muis p. 2. tom. 1. Criticorum sacrorum, pag. 108. Non ergo contemnendum est, ut quidam putant, tertium hoc argumentum. IV. Præterea feria sexta, in qua crucifixus est Dominus, dicitur Joannis xix. 14. *Parasceve Pascha*, non *Parasceve sabbati*, ut post Bellarminum & Baronium vulgo interpretantur Theologi, sed *Parasceve Pascha*; & consequenter dies proximus sabbati erat azymorum primus, quo ineunte Pascha mactandum erat, & factō vespere comedendum. V. Eodem capite versu 31. legitur rogatum Pilatum a Judæis, ut crucifixorum frangerentur crura, ac de patibulo tollerentur, ne remanerent in cruce corpora sabbato, *Erat enim* (inquit Evangelista) *magnus dies ille sabbati*. Cur autem magnus, nisi quia duo simul celebrarentur festa, sabbati nimirum, & Paschatis? Postremo in Evangelica historia narratur plura in die Christi emortuali fuisse peracta, quæ fieri non poterant in primo azymorum, celeberrimo ac sancto: armati milites ut Jesum caperent; consilium summo mane initum a principibus sacerdotum & senioribus populi; appellatio ad tribunal Romanī præsidis; repetita accusatio; expostulatio & executio supplicii teterrimi; necatorum sepultura; præparatio syndonis, & aromatum pro exanimi Christi corpore. Hæc itaque sunt, quæ videntur evertere sententiam quinque præcedentibus propositionibus, non absque industria, & labore stabilitam.

Verumtamen nequeunt hæc a priori sententia nos remove-
re. Ad primum enim respondet S. Joannes Chrysostomus Hom. lxxx. in
Matth.

Matth. pag. 680. *Confidera valide ipsos timere, non Deum, neque ne majus scelus esset in ipsa Paschæ celebratione tam tetrum facinus facere, sed homines & tumultum: ira tamen inflammata, posteaquam proditorem invenerunt, commutati expectorare non potuerunt, sed in ipsa solemnitate ipsum occiderunt.* Similia Theophylactus in Matth. pag. 157. ubi etiam ingeniose observat passum Dominum, *non quando Judæi voluerunt, sed quando ipse voluit*, quemadmodum decebat Auctorem vitæ sponte pro nobis cruci affigendum. Adde consuetudinem fuisse Judæorum insigniores reos plectere ipso die festo: quod supra diximus, ac modo confirmamus testimonio Maimonidis, scribentis cap. 4. *Hilkot מסרים*. *Usque ad Festum insignem fontem custodiant, & ipso festo strangulant, quia dictum est: Et omnis Israel audiet & timebit*, Deut. xvii. 13. Adde etiam, si principes Sacerdotum in priori opinione stetissent, neque procurassent Christi mortem in die præcedente solemnitate Paschalem: quippe eadem die horis pomeridianis immolabatur agnus factio vespere manducandus, ideoque circa meridiem, quando crucifixus est Dominus, jam convenisset Jerusalem ingens Hebræorum multitudo.

Ad secundum respondeo fuisse quorundam sententiam, quod cœna commemorata cap. xiiii. i. Joannis non fuerit *Eucharistica*, & postrema, sed convivium institutum Bethaniæ: primum quia hoc *ante Pascha* celebratum est, & illa cœna pariter *ante Pascha*: deinde, quia cum exeunti Judæ Christus dixerit, *Quod facis, fac ei*, putabant quidam eum hoc sibi voluisse, Eme quibus nobis *ad diem festum* opus est, ad cœnam scilicet Paschalem: insuper quia Lucas cap. xxii. 4. narrat prodicionem Judæ, antequam veniret dies prima azymorum, & discipuli Pascha pararent. Illam vero prodicionem Joannes cap. xiiii. v. 30. recenset post cœnam, eademque nocte, postquam Judas acceperat *buccellam*: præterea quia incredibile est paucis illis horis, quæ inter cœnam, & Domini comprehensionem in orto interfuerunt, potuisse Judam sacerdotes adire, inire pactum, congregare Synhedrium, turbamque sciciorum expedire, præsertim cum in nocte Paschali unicuique cum familia sua cœnandum esset, & ridiculum sit opinari primarios sacerdotes simul cœnasse, dum interea illorum familiæ domi absque capite residerent: tandem quia in illo cap. Joannis xiiii. non est minima mentio, nec *pro* quidem Paschalis cœnæ. Profert hæc argumenta in Horis Hebraicis ad caput 26. Matth. pag. 373. & sequentibus Joannes Lightfootus. Foret utique hæc sententia ad argumentum diluendum aptissima, nisi esset omnino falsa. Falsam esse constat ex unanimi Patrum consensu, &, ni fallor, ex ipso Joanne: nam cœnam in Bethania factam *ante sex dies Pascha*, Martha ministrante, & discumbente Lazaro, scribit idem Evangelista cap. xii. & in cœna, quam narrat cap. xiiii. neque Lazarum

zarum legimus, neque Martham, neque profusionem unguenti, neque turbam ad videndum Lazarum confluentem, sed Dominum cum discipulis suis, tamquam patremfamilias accumbentem, lavantem suorum pedes, eosque alloquentem longa oratione, documentorum solatiumque plenissima. Adhæc Joannes cœnam istam fuisse supremam haud obscure indicat, dum priori versu inquit: *Sciens Jesus quia venit hora ejus, ut transeat ex hoc mundo ad Patrem, cum dilexisset suos, qui erant in mundo, in finem dilexit eos*: ac manifestius post enarratum Domini sermonem usque ad caput xviii. protractum, ubi a cœna ad hortum *trans torrentem Cedron* scribit Dominum perrexisse. Neque argumenta Lightfooti probant quidquam, modò statuumus post cœnam Bethaniæ Judam profectum ad principes sacerdotum, Magistrum vendidisse triginta argenteis, ut narrant Matthæus cap. xxvi. 15. Marcus xiv. 10. Lucas xxii. 3. & exinde Judam expectasse oportunitatem temporis, quo Dominum traderet: tempus autem istud advenisse Paschali nocte, paratis jam ad horrendum facinus ministris. Atque id ex eodem cap. xiii. Joannis inferitur; versu namque 2. ea verba, *Cum diabolus jam misisset in cor ejus, ut traderet eum Judas*, demonstrant Judam prius de tradendo Domino cogitasse: ea autem, quæ subjiciuntur versu 30. *Cum ergo accepisset ille buccellam, exivit continuo*, innunt proditorem recta profectum ad principes sacerdotum, conscios sceleris, & in mortem Domini paratissimos, ut accepta cohorte mandaret quod sponderat executioni. Atque ita corruunt omnia argumenta Lightfooti, illo tantum excepto, quod est de cibariis emendis pro die festo, de quo paullo infra, ubi dicam de *Parasceve*. Ad argumentum itaque duo respondent Theologi: primum quod Joannes accipiendus sit de die *naturali* & usuali, qui de media nocte ad mediam noctem producit; non de die *legali*, qui protrahitur a vespere in vespem: alterum quod *ἡ ὥρα τῆς ἑσπέρης, ante diem festum*, positum sit pro *ἡσπέρην*, id est pro parte diei, quæ præcedit festum, & est pars festi, sicut *ἡσπέρην* est pars domus, *ἡσπέρην* pars urbis, *ἡσπέρην* pars orationis, &c. Sed ar. dicit mihi plurimum responsio ista: Esti cœna Paschalis perageretur *festo vespere*, & die decimaquarta exeunte, ac tunc inchoata foret *legalis* festivitas; Judæi tamen festum Paschatis peculiari titulo incipiebant a media nocte, illudque agebant proxima die quintadecima; quia Dominus percussit primogenitos in terra Aegypti, *in noctis medio*, Exodi xiii. 29. ac Pascha, ut ibidem legitur, erat *victimus transitus Domini, quando transiit super domos filiorum Israel in Aegypto percutiens Aegyptios*. Vide Biblioth. Rabbiniæ tom. 2. pag. 756. Quod ergo ait Joannes, *Ante diem festum* Paschæ, idem est, ac *ante mediam noctem*: unde in Græco legitur simpliciter, *Ante festum Pascha, ὡς τῆς ἑσπέρης τῆς πρώτης*.

Ye-

Venio ad tertium paullo difficilior. Persuasum mihi est illis verbis, *Ut non contaminarentur, sed ut manducarent Pascha*, non agnum significari, sed *Hbagigam* Paschalem, victimas scilicet ovium, juvencorum, & boum, quæ mactabantur die proximè sequente immolationem agni. Primò quia Dominus ita constituit pro Paschali victima quartamdecimam diem Nisan, ut si aliquis ea die aut fuisset immundus, aut iter haberet, teneretur differre Pascha ad mensem secundum, ut legimus Numerorum 1x. 10. *Homo, qui fuerit immundus super anima, sive in via procul in gente vestra, faciat Pascha Domino in mense secundo, quartadecima die mensis ad vespervaram*. Si ergo Judei immunditiam contraxissent, poterant Pascha ad mensem *fiar* differre; nec adeo de non contrahenda immunditia ob causam, quam gravissimam existimabant, fuissent solliciti. Deinde, si audire velimus traditiones Rabbinorum, quoniam Pascha immolandum erat statuto tempore; agendum id erat, quamvis tota congregatio, aut maxima pars fuisset immunda; & tantum fas erat differre Pascha ad mensem secundum uni, aut alteri immundo, non, verò cœtui atque multitudini. Ita scribunt R. Maimonides, & alii apud Lightfootum in H. H. ad cap. xiv. Marci. Igitur immunditia eorum, qui in Prætorium fuissent ingressi, nullum agendo Paschati attulisset impedimentum. Præterea verissimum est hostias illas ovium & boum nomine *Paschatis* appellari, cùm in citato textu Deuteronomii xvi. *Immolabisque Pascha Domino Deo tuo de ovibus, & de bobus*, tum in 2. Paralip. xxxv. 9. *Dederunt ceteris Levitis ad celebrandum Pascha quinque millia pecorum, & boves quingentos*. Rursus idem probant invictissimè textus Hebraicus, ac Versiones aliæ perperam nobis ab adversariis objectæ. Primò quia, ut observarunt quoque Rab. Ruben, Simeon, & Levi apud Frischmuthum, non extat in Hebraicâ lectione littera conjunctionis ׀ præfixa dictioni צאן, *oves*: unde apparet צאן ובקר ׀, *oves & boves* referri ad dictionem superiorem פסח, *Pascha*. Deest pariter in versionibus Græcis και, &, ante κίβητα. Ulterius ubi legimus Num. xxix. 2. *Offerretisque holocaustum Domino, vitulum de armento unum, arietem unum, & agnos anniculos immaculatos septem*; ac primo Paralip. xxix. 21. *Et obtulerunt holocausta die sequenti tauros mille, arietes mille, agnos mille*, aliisque in locis sexcentis, in quibus occurrit eadem syntaxis, ac in illo versu Deuteronomii; agni, arietes, ac tauri non sunt aliquid diversum ab *holocausto*, sed illud, quod *holocausti* nomine significatur. Pari ergo ratione in textu illo Deuteronomii, *Immolabisque Pascha Domino Deo tuo oves, & boves*, non sunt *oves & boves* aliquid distinctum a *Pascha*, sed sunt id, quod vocabulo *Pascha* significatum est; sive, ut eruditi viri observarunt, פסח stat loco generis ad subiectas voces, צאן, ובקר. Insuper eodem cap. xvi. Deuteronomii versu

nam post debellatos Arabes a Mahumede, sextam diem non Parasceven dicunt, sed *Algiumam*, idest, congregationem. Ait ergo Evangelista *Parasceve Pascha*, ad significandam sextam feriam inter septem dies azymorum; quos omnes appellatos *Pascha* dictum est supra. Dato insuper etiam Pascha suam habuisse *Parasceven*; cum Joannes appellarit *Pascha* etiam victimas *Hagigas*, mactandas prima die azymorum, & Paschali nocte transacta, dixisset cohærenter diem Veneris *Parasceven Pascha* ob præparationem victimarum istarum, non ob præparationem agni mactati jam, & comesti. Abunde his revincitur Spalatensis, nec non Gerardus Wossius, qui in dissert. 2. de tempore Dominicæ Passionis num. 12. pag. 85. scribit de his verbis, *Erat autem Parasceve Pascha*, „ Quem locum, uti & priores, miretorquet Toletus in cap. xiiii. Joan. Vult enim *μαρτυριῶν τῆ τῆς* dici, non ratione Paschatis, sed sabbati. Ac similiter in idem caput Ribera, inque Annalibus Baronius. „

Oppositio quinta facillimæ solutionis est: dies enim sabbati incidens in secundam azymorum erat dies, qua populus adibat templum cum victimis pacificis, quas Hebræi appellant *Corban Raajah*, quasi comparitionis munus, & de quibus interpretantur ea verba Exodi xiii. 15. *Non apparebis in conspectu meo vacuus*. Eadem quoque die offerebatur, ut diximus superiori capite prop. 5. spicarum manipulus, de quo Levitici xxi. 11. & quoniam dies festi, in quibus populo cum holocaustis & victimis coram Domino erat comparandum, dicebantur *Magni*, ut constat ex cap. vii. Joannis versu 37. idcirco de sabbato incidente in diem azymorum secundum dicitur cap. xix. 31. *Erat enim magnus dies ille sabbati*.

Quæ obijciuntur sexto loco, ita diluenda sunt. In primis fate-mur multas legis trasgressiones factas a Principibus Sacerdotum, ut Jesum perderent, at plura egisse ministerio Gentium, ne viderentur tam aperte violare solemnitatem: cujus gratia dixisse fas sibi non esse quemquam interficere, ait Augustinus, & a nobis supra probatum est. Percurramus deinde singula. Christo non semel mortem diebus solemnioribus intentarunt, Joannis x. 31. in festo Encæniorum, & in ipso porticu Salomonis; & in festo Tabernaculorum, viii. 59. Altera die, *quæ est post Parasceven*, idest, die sabbati, & ex adversariorum sententia die sabbati simul & Paschatis, convenisse Principes Sacerdotum, & Phariseos ad Pilatum, rogantes, ut poneret milites ad custodiendum sepulcrum, & facta sibi a Præfide facultate, ipsosmet apposuisse custodes, munivisse sepulcrum, signasse lapidem, narrat cap. xvi. 62. & 66. sanctus Matthæus. Insignes reos damnatos in solemnioribus diebus, dictum paullo supra ad primum: mortem verò Christi peractam postulantibus quidem Judæis, sed a militibus Præfidis, manifestum est omnibus: atque his incedere armatos,

ducere ad supplicium, & necare quem iudex damnaſſet, indicebat officii ratio, non prohibebat æquitas religionis. Ipſi Judæorum Rabbinî docent tam in ſabbato, quàm in feſtivitâtibus aliis ſepelienda cadavera: & quamvis Maimônides apud Caſaubonum aſſerat in ſabbato reum occidi non poſſe; hoc tamen nec ipſe negat de prima die azymorum. In hac præſertim poſſe mortuum ſepeliri, atque exerceri quicquid ad funus pertinet, emi ac parari ſindones, haberi curationem cadaveris, & pollincturam, omniaque ad officia pietatis licite emi & vendi, ſcribit Rab. Jacob Ben Judæ in libro *אגור Agur*, num. 651. ubi prolixè docet quæ fieri ſoleant, ac poſſint, ביום טוב ראשון, *Bejom tou rîſcion*, in die primo ſolemnis feſti. Tobiam in die feſto Domini ſuſtulſiſſe de platea unum ex filiis Iſrael jugulatum, ibique jacentem, ut illum in ſilentio proximæ noctis ſepeliret, legimus cap. 11. 4. 5. ſacri libri nomine ejuſdem Tobie inſcripti. Appenſum in patibulo ſepeliendum eodem die, præcipit Deuteronomii caput 21. 23. Atque his propoſita ſex argumenta penitus refutantur.

Accedit ſeptimum, quod Scaliger lib. v. de Emendat. temporum putat inſolubilem, petitum ex feſto Pentecoſtes. Celebrari enim debebat feſtum iſtud poſt quinquaginta dies enumeratos a ſecunda die azymorum, ſive a decima ſexta menſis Niſan, ut conſtat ex Levit. 23. 15. *Numerabitis ergo ab altero die ſabbati, in quo obtuliſtis manipulum primitiarum ſeptem hebdomadas plenas, uſque ad alteram diem expletionis hebdomada ſeptima, ideſt, quinquaginta dies; & ſic offeretis ſacrificium novum Domino.* Atque alteram illam diem ſtatutam pro ritu manipuli, fuiſſe decimam ſextam menſis primi, tradit quoque Joſephus in 111. Antiq. 10. pag. 177. *ה' די שבועה הז' אֶזְמוֹרִים הַשְּׁבִיעִית ה' יוֹם הַשַּׁבָּת, ſecunda verd azymorum die, eſt autem illa decima ſexta.* Hiſce quinquaginta diebus enumeratis, ſi Chriſti emortualis fuit azymorum primus, & quintuſdecimus Niſan, neceſſum eſt, ut anno illo Pentecoſtes, ſive dies quinquageſimus: inciderit in ſabbatum. At repugnat id vetuſtæ traditioni, juxta quam Pentecoſte tunc incidit in Dominicam, & in Dominica circa horam tertiam Spiritus ſanctus in Apoſtolos illapſus eſt. Illo igitur anno ſecunda azymorum dies fuit Dominica, & conſequenter prima dies azymorum, & Judaicum Paſcha, non ſexta fuit feria, ſed ſabbatum.

Huic argumento duæ ſolent adhiberi probabiles reſponſiones. Prima anno Paſſionis Chriſti Pentecoſtem revera in ſabbatum incidit, eodemque die Spiritum ſanctum illapſum ſuper Apoſtolos. Placet hæc reſponſio recentiorum compuriſ, illamque inconcuſſam demonſtrare nititur Jacobus Hyacinthus Serry Exercit. 62. Ubi verd illi opponitur contraria traditio; reſpondet hanc eſſe ſiſtitiam, & licet pro hac adſtruenda laudentur Clementis Conſtitutiones, ſermo

S. Au-

S. Augustini 154. de Tempore, & S. Leo sermone de Pentecoste; Constitutiones tamen Clementi attributas ab eruditissimis omnibus reijci, tanquam pseudopigraphas; sermonem quoque præcitatum in castigatissima Benedictinorum editione rejectum in appendicem suppositorum, ideoque solum superesse Leonem Magnum, *qui ut cadente quinto sæculo vixit, Traditionem ille unus non facit.* Addit Carolus Witasse pag. 72. sanctum Leonem scriptorem esse *haud ita accuratum.*

Responsio altera est, quinquaginta dies enumerandos fuisse, & secunda die azymorum, si hæc non incidisset in sabbatum; nam si in sabbatum incidisset, ut contigit anno Passionis Domini, erant supputandi a feria prima, idest, a Dominica: quod innuunt Versiones aliquæ supra productæ, quæ Levitici xxiii. 15. habent *post diem festivitatis, seu, a crastino cessationis.* Atque hæc responsio tradita ab Eminentissimis viris, Bellarmino, & Baronio, est inter Theologos valde communis; nec multum quatitur testimonio Josephi, utpote quod potest accipi de ordinaria communique ratione temporum, non de peculiari, cum scilicet Paschæ inhæssisset sexta feria. Has duas tantum responsiones cenfeo probabiles; nam qui reponunt festum Pentecostes continuatum fuisse in septiduum, nec apparere ex Act. 2. 1. de quo die accipiendus sit sanctus Lucas, apertissimè refutantur tum ex Græco textu, in quo *dies* extat singulari numero, *ἡ τῆς συμπαράδοις τῶν ἡμερῶν τῆς πεντηκостῆς, inesse completum diem Pentecostes*; tum ex numeri complemento; tum ex *Pentecostes* vocabulo simpliciter posito. Qui etiam excludunt a numero quinquaginta dierum secundum azymorum, viam ineunt commentitiam & insolitam: & demum qui censent in Actibus Apostolorum non commemorari Pentecostem Judaicam, faciliè revincuntur ex Act. xx. 16.

Verùm quænam duarum illarum responsionum est præferenda? De priori subscribendum BENEDICTO XIV. de *Festo Pentecostes* num. 496. falsissimam esse; quoniam non est verisimile S. Leonem Magnum, tametsi floruerit quinto sæculo, scripsisse Pentecostem incidisse in Dominicum diem, nisi id pervulgatum fuisset in traditionibus Romanæ Ecclesiæ, quas hac in parte etiam Novatores sequuntur, sicuti demonstrat ex Usserio, & Pearsonio sapientissimus & eruditissimus Pontifex. His addo supposititias quidem esse Constitutiones Clementis, necnon apocryphum serm. 154. de Tempore; ex Apocryphis tamen scriptis erui traditionem temporum, quibus eadem scripta prodire: cumque Constitutiones Apostolicæ laudentur ab Eusebio H. E. lib. 3. cap. 25. ab Athanasio in Epistola Festali, & ab Epiphanio H. E. lib. 4. cap. 5. & H. LXX. num. 10. qui longe præcesserunt S. Leonis ætatem, consequitur hunc non fuisse illius traditionis auctorem primum, sed illam accepisse a maioribus. Quod insuper de

Pearsonio & Usserio ait Benedictus, confirmatur ex Scaligero loco paullo supra citato, ex Lightfooto in H. H. ad cap. 2. Act. ex Samuelis Basnagio ad an. xxxi. num. 50. ex Joanne Frischmuth præcit. differ. n. 21. qui etiam laudat Bochartum, aliosque Protestantium, hæc in re criticis nostris æquiores. Tandem ubinam sententiæ illius venditores legerunt Spiritum sanctum in die sabbati descendisse? Est tamen in hac sententiâ aliquid veri paullo post detegendum.

Altera responsio supra a nobis probabilis dicta est, ac talis censetur eo loci a BENEDICTO XIV. num. 503. Opponunt quidem adversarii testimonia Rabbiorum asserentium manipulum primitiarum demessum die quoque sabbati: sed hæc traditio universalis non est. Permulti enim Hebræorum ea verba Levit. xxii. *ab altero die sabbati*, non accipiunt pro die consequente Pascha, sed consequente ordinarium sabbatum. Diximus non adversari hanc interpretationem Hebraico textui habenti, *ממחרת השבת*, *A crastino cessationis*. Legit & Chaldeus, *Post diem festivitatis*; atque in nonnullis exemplaribus Græcis scriptum est, *ἀπὸ τῆς ἑραυμένης τῆς ἡμέρας τῆς σαββάτου, a die postriduano primæ diei sabbatorum*. Nonnullos autem Hebræorum huic sententiæ adherere, constat, inquit Witassius, ex libro *Menachot*, ex Maimonide in *Tamidin* cap. 7. Seldeno de Anno Civili, & Calendario Judæorum, & Lightfooto ad cap. 2. Act. Apostolicorum. Defendi ergo potest Pentecostem Judaicam anno Passionis Christi in diem incidisse Dominicum, eodemque die illapsum Spiritum Paraclitum in Apostolos.

Sententiâ meâ est in utraque responsione aliquid veri, & aliquid falsi. Verum est quod tenet prima, Judaicam Pentecostem anno illo incidisse in sabbatum, & falsum est in sabbato descendisse Spiritum Domini: & verum est, quod tenet secunda, Spiritum sanctum descendisse die Dominico, falsum autem descendisse in festo Pentecostes Judaicæ; quod cum breviter explicavero, solum erit argumentum, & vindicata simul Romanæ Ecclesiæ, de die adventus Spiritus sancti, Traditio. Ac primum de die Judaicæ Pentecostes constat ex dictis superiori cap. prop. 5. ubi diximus sabbato non fuisse vetitam manipuli messonem. Confirmatur ex Iosepho, qui asserit demessum manipulum die xvi. Nisan, nullo temporum producto discrimine. Idem patet ex Græcis versionibus nuper laudatis: quarum planior sensus est, *A postridie primi festi, idest, Paschatis*; non a postridie festi secundi, hoc est, sabbati; non enim inquirunt, *A die postriduano sabbatorum*, sed, *die postriduano primæ diei sabbatorum*. Sequitur omnino idem ex doctrina eorum, ad quos pag. 74. Witassius provocat; nam in *Menachot* fol. 65. opinio eorum, qui censebant manipulum non esse metendum sabbato, tribuitur quibusdam *Bairibusais* (Sadduceis scilicet) & consensu Doctorum omnium decernitur me-

tenet

tendum esse. Vide Biblioth. Rabbinicam tom. 2. pag. 762. Maimonides in libro, quem inscripsit, *באר מורי Porta Moris*, pag. 264. edit. Oxoniæ docet oblationes cætus nunquam differendas esse, & sequenti pagina ait dicam agitationis manipuli fixum & invariabilem esse *diem Azymorum secundum*. Idem pag. 278. se auctorem dicit Tractatus *Menachot*, in quo refellitur, ut dixi, opinio *Bairbuseorum*. Joannes Lightfootus in Act. Ap. pag. 692. edit. Roterodami citato libro *Menachot* concludit, *Hoc igitur anno, in quo jam versamur, illo scilicet, quo Christus ascendit, & Spiritus sanctus descendit, oblatio manipuli erat sabbato*: quod etiam probat ex Rab. Ismaele, aliisque in *Ministerio Templi* cap. xiv. sect. 2. pag. 742. Seldenus denique citato libro cap. 7. pag. edit. Londini 31. concludit receptissimâ apud Hebræos Glossâ ad Levit. xxiii. 11. *מחרת שבת מחרת יום טוב* *הראשון של פסח* *A crastino sabbati, idest, a crastino diei festi primi Paschatis*. Quæ si dictis supra addantur; videtur nobis probabilius Pentecostem Judaicam incidisse anno, de quo loquimur, in diem sabbati; quamvis sententia opposita non sit præsidio penitus destituta. Nec multum habent roboris Versiones, quæ Hebraicæ verba reddiderunt, *A crastino cessationis, sive, diei festi*; quoniam *sabbatum*, quo vocabulo significatur *cessatio*, aut requies, usurpatur apud Hebræos ad significandum quodcumque festum: & revera *A crastino sabbati* nihil aliud demonstrat, nisi septem hebdomadas computationem suam incipere a die, quo elevabatur manipulus, idest, *a die secunda azymorum, & decima sexta mensis Nisan*, ut inquit prælaudatus Maimonides in Tract. *Tamidin, & Mosaphin* cap. 7. *יום שני של פסח שמוא יום ששה עשר בניסן*, *secunda die Paschatis, quæ est sexta decima mensis Nisan*. Vide Josephum de Voisin lib. de lege divina cap. 44. pag. 622. edit. Parisiensis.

At Spiritum sanctum in Apostolos illapsum die Dominica, sive posttriduo Pentecostes Judaicæ, infero primùm ex Traditione; quam supra vindicavi adversus recentiores Criticos: neque enim aut Scriptor Constitutionum, aut Auctor sermonis 154. inter Augustinianus de Tempore, aut S. Leo serm. 1. & 3. de Pentecoste asseruerunt advenisse Spiritum Paracletum quinquagesima die ab elevatione manipuli, sed quinquagesima die *a resurrectione Domini*: quod verissimum esse profitemur. Deinde verba Actorum 11. 1. *Et cum complerentur dies Pentecostes*, denotant diem primum Pentecostes tunc fuisse completum: reddunt quippè hunc sensum Græca verba: *Καὶ ὡς ὅτε συμπληρώθη ἡμέρας τῆς πεντηκστής, ἵνα ἐστὶν ὁ καιρὸς*, *in esse completum diem Pentecostes*: quod tam bene dicitur ubi præsens advenisse monstratur, quàm ubi præteritum præterlapsum est; sicut apud Lucam 11. 51. similis phrasis significat tempus non nimis remotum a termino, & Gen. xxy. 24. tempus perfectum jam, & completum. Hoc autem defi-

designari Act. 2. agnoverunt Syrus, & Arabs interpretes, qui tom.v. Polyglot. pag. 520. reddidere, *Cum igitur impletus esset dies Pentecostes*. Adhuc Christus in adimplendis figuris antiqui testamenti, ut ostenderet transitum de umbra ad veritatem, quod præfigurabatur typo, complevit in die sequenti. Ita agnus mactabatur die XIV. & Christus immolatus est die XV. ac manipulus ἀρχῆς, *primitiarum*, offerebatur die XVI. & Dominus factus in resurrectione, ut ait Apost. 1. ad Corinth. XV. 20. ἀρχὴ τῆς ἀναστάσεως; *primitia dormientium*, resurrexit die XVII. Nisan. Sabbatum quoque Christianum non fuit institutum sabbato Judaico, sed die Dominico. Quid ergo mirum, si consecrare voluit adventus Spiritus sui, non Pentecostem Judaicam, sed diem insequentem, qui deinceps futurus erat Pentecoste Christianorum? Postremo, quando descendit Spiritus sanctus, non erant Apostoli in templo, sicuti fortassis erant cum Judæorum cœtu transacta die, horis præsertim matutinis jugi sacrificio destinatis; sed omnes pariter sedebant domi, celebrantes diem prius resurrectione Domini, & tunc adventu Spiritus sancti consecratam; quorum nos exemplo atque instituto Pascha, & Pentecosten colimus, alia die a Paschate, & a Pentecoste Judæorum.

C A P U T III.

Demonstratur Dominum Jesum in suprema cœna observasse præcipuas legalis Paschatis ceremonias.

QUæ nuper diximus de abrogatione ac translatione festorum Judaicorum, ostendunt quàm ineptè ratiocinentur, qui ex conditione typi inferunt eadem die mactatum mysticum agnum, & Dominum crucifixum. Sanè id sentientes refutantur ex quo Dominus in veterum impletione signorum non semel statutum diem transmutavit in proximum; si tamen ad diversam diem pertinere dicenda sunt institutio Eucharistiæ, & crucis cruentum sacrificium: quorum utrumque evenit intra limites ejusdem legalis festi. Cum etiam in agno typico cœna subsequeretur immolationem: Christus postridie passurus immolationi præmisit cœnam, si immolatio accipiatur, non pro fractione panis, quem vertit in corpus suum, sed pro morte corporis sui, quod suspenderunt in ligno. Quod si asseramus mactationem agni utrumque præsignasse, sacrificium scilicet crucis, & Eucharistiæ, ut q. 74. art. 6. demonstrat S. Thomas: non solum in die *legali*, verum etiam in *naturali*, figuræ antiquæ respondere invenietur antitypus. Indubitatum est ergo ea in nocte, qua Eucharistiæ instituit, Dominum Jesum celebrasse commune Pascha: atque id

id confirmat observatio rituum Judaicorum : de quibus in præsentia breviter sum dicturus .

Principio ad comedendum Pascha conveniebat cum familia rector domus ac senior, assumens vicinos, si non potuissent sufficere, domestici sui, *ad esum agni*, Exodi xii. 4. Numerus *Paschaliæ*, ut dicebantur, *Societatum* ex Josepho lib. vi. de Bello cap. 9. constabat saltem convivis denis : instituebatur convivium nocte, & nemo Pascha manducabat, priusquam tenebræ obducerentur, ex eodem cap. Exodi versu 8. concordibusque Rabbiorum traditionibus in Thalmud, *de Pesach*, perek. 10. Sternebantur quoque lecti, parabatur cœnaculum, coquebantur cibi ; ut postulabat Paschale convivium, & imminens solemnitatis azymorum. Hæc omnia in suprema cœna servasse Dominum, narrant Matth. xxvi. Marcus xiv. & Lucas xxii. Discipuli paraverunt Pascha, invenerunt cœnaculum stratum, Jesus una cum duodecim discubuit, cœnavitque facto jam vespere.

Hoc deinde intercessit discrimen inter Pascha primum Aegyptiacum, & alia posteriorum temporum peracta Jerosolymis ; quod illud celebrarunt Judæi stantes, calceati, accincti renibus, & ad iter habendum parati, utpote *ex domo servitutis* profecturi ; sed, ut scribit Aben-Ezrae in cap. 12. Exodi, cui consentiunt Rab. Salomon in *Pesach* perek 10. *Misnab*, omnesque Commentarii, aut Rituales libri Rabbini, reliqua Paschata edebantur a Judæis jacentibus & decumbentibus, quasi *in signum domini & libertatis*. Dominus pariter discubuisse legitur, Matth. xxvi. 20. cumque Joannes recubuerit in ejus gremio, atque ad pectus, Joan. xiii. 25. & xxi. 20. necessum est, ut Jesus mensæ incubuerit capite per cubitum sinistram sustulso, & facie ac pectore ad latus obversis, & Joannes discumbens eodem corporis statu habuerit dorsum prope gremium & pectus Domini. Atque eo ferme pacto discumbebant Societates Paschales, dictæ propterea Hebraicè מַסָּבִים *Messabim*, quasi *prope, & circum-accumbentes*. Ex consimili discumbendi ratione, in toris nempe, lectulisque mensalibus, percipimus quomodo mulier, quæ fuerat peccatrix, Lucæ vii. 38. staret in domo Pharisei *retro secus pedes* Domini, & commode posset pedes ipsos rigare lacrymis, tergere capillis, & osculari ; necnon Mat. xxvi. 7. & Marci xiv. 3. fracto alabastro unguentum effunderet *super caput recumbentis*.

Inter cœnandum paterfamilias gratias agens benedicebat azy-
mum panem, & illum ceteris distribuebat : ita refert Rab. Maimonides in *Hbamets umats*, aliique apud Lightfootum in *Minist. templi Jerosolym.* Et cum in Paschali cœna plures adessent calices ; unus quidem distribuebatur eodem pacto cum gratiarum actione, sed alter, inquit eo loci Maimonides, distribuebatur post cœnam, & nisi admis-

cuisse.

cuius aquam, existimabatur aliquid omissum in recta hujus ceremonie observatione: quod præcitatus Lightfootus in H. Hebraicis ad cap. 26. Matth. pag. 380. confirmat ex Talmud Babylonico, & R. Eleazaro, ex Gemaristis, communique Hebræorum traditione. Optime ergo calices distinxit Lucas cap. xxii. 17. & 20. ubi inquit Eucharistiam sub specie vini fuisse institutam post cœnam: *Similiter & calicem, postquam cœnavit, dicens, &c.* Unde apparet inter consecrationem panis, & consecrationem calicis aliquid temporis interfuisse. Hinc putarunt quidam Judam adfuisse utique primæ communioni sub specie panis, non alteri sub specie vini, quoniam Ioannes xii. 30. ait. *Cum ergo accepisset ille buccellam, continuò exivit.* Verùm his non subscribo, quia Lucas citato loco post commemoratam consecrationem calicis narrat Dominum dixisse: *Verumtamen ecce manus tradentis me, mecum est in mensa;* & Marcus xiv. 23., de eodem calice, qui consecratus est, scribit: *Et biberunt ex eo omnes.* Quare *buccella intincta*, de qua Ioannes xii. 30. non erat corpus Domini, sed frustulum azymi non consecrati intinctum *embammate*. Recte itaque S. Pater Augustinus, Tract. lxii. in Joannem num. 3. *Non autem, ut putant quidam negligenter legentes, tunc Judas Christi corpus accepit. Intelligendum est enim, quod jam omnibus eis distribuerat Dominus sacramentum corporis, & sanguinis sui, ubi & ipse Judas erat, sicut sanctus Lucas evidentissimè narrat: ac deinde ad hoc ventum est, ubi secundum narrationem Joannis aper- tissimè Dominus per buccellam tinctam atque porrectam suam exprimit traditorem, fortassis per panis tinctionem illius significans fictionem.*

Atque ut melius Augustini sententia, quam certissimam puto, percipiatur, nota ante excidium Templi Judæos his ritibus instituisse Paschalem cœnam. Strato, ut dixi, cœnaculo, ac duobus vel tribus azymi placentis paratis, quas apponentes mensæ dicebant, *הא לחם עניא* *Hic est panis afflictionis*, præter lancem cum car- nibus agni assi, parabant patinas cum cibis aliis elixis, & paropsi- dem, aliud vas escarium, cum *חררס*, *Charoseth*, quod erat em- bamma, musteum ex pomis, daëtylis, astaphidibusque confusis, atque saccharo & condimentis aliis compositum; ac demum lactucas agrestes, quo nomine veniunt quoque intybus, cichoreum, & mar- rubium. His verò paratis, apponebatur *facto Vespere* agnus assus cum placenta azymi, & cum istis lactucis: tum comeso agno, & *le- gali* peracta cœna, veniebant patinæ elixarum carnum cum embam- mate, & pater familias gratias agens frangebatur placenta, & cun- cti epulabantur splendide, vinumque gustabant: ac demum cœna usuali absoluta, surgebant convivæ, abluiebant manus, ac post pu- sillum temporis iterum recubebant intingebant reliqua placente frustula in embammate, quod servabatur ad finem convivii, sive,

ut

ut loquuntur Hebræi, ad אֶפְיָקוֹמֶן *apbikomen*, cœnulam, atque commissationem. Hæc litteris mandarunt R. Maimonides, R. Eliezer, R. Salomon, Talmudistæ omnes, de quibus Bibliotheca Rabbinica tom. 2. Lightfootus in Minist. Templi, & in Horis Hebraicis, & alii ab his laudati, complures. Hoc fere ordine Dominus Iesus *legali* peracto *Paschate*, atque incœpta usuali cœna, fregit, ac benedixit placentam azymi, adductis jam patinis, & paropside, in quam Judas intingebat manum, Matth. xxvi. 23. & 26. atque ita *cœnantibus* discipulis instituit sacramentum corporis sui. Completa deinde cœna, porrectoque calice cum vino permixto aqua, Eucharistiam consecravit sub specie vini, Lucæ xxi. 20. Surgens posthac a cœna deposuit vestimenta, præcinxit se linteo, & lavit pedes discipulorum, Joan. xiii. 4. Post ablutionem recubuit iterum, ad אֶפְיָקוֹמֶן *apbikomen*, scilicet, parvamque cœnulam, eodem cap. vers. 12. ac tunc Judæ porrexit *intinctum panem*, videlicet, non sacramentum, quod jam omnibus distribuerat, sed frustum placentæ intinctum in embamma-te; & quod soli proditori datum legimus ipsomet in capite xiii. versu 26. Accepta denique hac *buccella*, Judas, progrediente jam nocte, e cœnaculo exivit, ibid. versu 30.

Ex tam plana narratione sequuntur plura observatione dignissima. Sequitur primò miram esse Joannem inter, ac alios Evangelistas harmoniam: cœnam, de qua Joannes xix. fuisse Paschalem, contra quam sentit cum aliis perpaucis Lightfootus: pedilavium subsecutum ad cœnam Eucharisticam, huic verò adfuisse etiam Judam Iscariotem: immeritò Vossium Harmoniæ Evangelicæ lib. 1. cap. xiv. antepone-re sententiam Hilarii asserentis canone xxx. in Matthæum, prodito-rem non fuisse participem divinorum sacramentorum, sententiæ Augustini docentis de consensu Evangelistarum lib. 111. e. 1. & Tract. lv. & lxi. In Joannem, institutam Eucharistiam peracta Paschali cœna, & communi incœpta, sacramentum corporis Christi datum Apostolis omnibus, ac proditorem interfuisse etiam consecrationi, & communioni calicis. Sequitur secundo *buccellam intinctam* soli Judæ porrectam non fuisse corpus Domini singulis communicatum, tametsi visum est oppositum plerisque veterum; quibus præferendum Augu-stinum rectè monet Calmet in Commentariis ad præcitatum caput xiii. Joannis. Sequitur tertio luisse operam Wilhelmum Klebitum, qui differt. de *Buccella intincta*, tom. vi. Critic. Sac. pag. 921. ex quo eadem buccella non fuerit corpus Domini, conatus est demon-strare Judam proditorem fuisse divini sacramenti communione pri-vatum. Sequitur præterea jure, meritoque consuetudinem porri-gendi populis Eucharistiam intinctam, etsi quibusdam in locis olim vigerit, nullum habere in Evangelio fundamentum: ut enim legi-mus cap. Cum omne, de Consecrat. dist. 2. num. 7. deprompto ex

Te. VII.

A a

Epi-

Epistola Julii Papæ ad Episcopos Aegyptios, sive potius ex Concilio Bracarenfi iv. an. D. 675. in Evangelio *seorsum panis*, & *seorsum calicis commendatio memoratur*: nam *intinctum panem aliis Christum præbuisse non legimus, excepto illo tantum discipulo, quem intincta buccella Magistri proditorem ostenderet, non quæ sacramenti hujus institutionem signaret*. Provenit ex eadem consuetudine, ut aliquando pro infirmis fervaretur Eucharistia intincta; quod constat ex decretis Burchardi Wormacensis lib. v. cap. 9. *Ut omnis*; sed cum illa consuetudo ex falsa interpretatione *buccella intincta* sit derivata, ac sufficiens sit communio sub una specie, adnotatum bene à Glossa in præcit. cap. *Cum omne*, & in cap. *Presbyter Eucharistiam*, ejusdem distinct. 2. num. 93. necessum non esse, ut pro infirmorum Viatico fervetur consecratus *Panis intinctus*. Sequitur tandem ex præmissa comparatione Judaicorum rituum cum supremæ cœnæ circumstantiis, turpissimè alucinatum Ludovicum Cappellum, qui Animadvers. contra Buxtorfium *de Cœna Domini* putavit verba Consecrationis, *Hoc est Corpus meum*, à Christo fuisse prolata loco illorum *זֶה לָחֶם עֲנִי* *Hic est panis afflictionis*; quum evidentissimè appareat ex omnibus libris Ritualibus, quos vocant, *הגדה של פסח Hagadesel Paschebat*, hæc verba fuisse præludium, & invitamentum cœnæ, & recitata ante convivium, non in medio, cunctisque discumbentibus; ac multo minus in fine mensæ, sicut in sexto de Emendatione temporum libro pervertens ordinem rituum inquit Scaliger. Certum est enim Christum verba consecrationis protulisse discipulis *cœnantibus*, Matthæi xxvi. 26. *discumbentibus*, & *manducantibus*, Marci xiv. 18. 22.

Facta autem cœna recitabant Judæi *הלל הגדול Hallel agaddol*, hymnum magnum. Constat ille psalmo 117. *Confitemini Domino quoniam bonus*, cui permulti addebant præcedentes 112. 113. 114. 115. & 116. qui omnes inscribuntur *Alleluja*, idest, *Laudate Deum*: quidam verò, ut ajunt Rab. Juda, & Rab. Bar-Jacob, incipientes à Psalmo 117. profecquebantur usque ad psalmum 137. Hinc prodire diversæ de hoc hymno opiniones interpretum: sed omnium consensu præcipue constabat ex præcitato Psalmo 117. *Confitemini*; unde Ecclesia frequentissimè in Paschate intonat *Alleluja*, & versum ejusdem Psalmi 24. *Hæc est dies, quam fecit Dominus*, &c. Arbitramur propterea eundem psalmum esse hymnum, de quo Matth. xxvi. 30. *Et hymno dicto, exierunt in montem Oliveti*. Hymnus enim, qui incipit, *Solvere volo*, & *solvi volo*, de quo S. Pater Augustinus in Epistola 253. nunc 237. ad Ceretium, fuit Priscillianistarum putidissimum, ineptissimumque figmentum. Atque his adnotationibus nostris confirmatur quæ diximus de Christi postremo Paschate, recensentur antiqui Hebræorum ritus, explicatur Evan-

gelica historia, & quæstiones permultæ alioqui subdificiles, certa, ni fallimur, brevi, atque plana methodo resolvuntur.

C A P U T IV.

Differtur de materia Eucharistiæ, ac primum de Azymo, & Fermentato.

PLURA in hoc capite circa materiam Eucharistiæ investigabimus. Ac primum, an Dominus sacramentum istud instituerit in azymo, quod licet magna animorum contentione Latinos inter Græcosque discipetur, ex dictis tamen facili consecutione deducitur: alterum an in Ecclesia Romana perpetuus fuerit azymi usus: tertium num Fermentum, quod olim deferebatur ad Titulos in Urbe Roma, fuerit Eucharistia: quartum an congrua sit *Hostiarum* nostrarum quantitas & figura: quintum an Græci prioribus sæculis consecrarint azymum panem, vel fermentatum: sextum denique, an uterque panis apta sit sacrosanctæ Eucharistiæ materia. Ad priorem ergo quæstionem deveniamus.

PROP. I. Christus Dominus sacramentum corporis sui consecravit in azymo.

Hactenus enim demonstratum est Christum Dominum celebrasse postremam cœnam exeunte quartadecima die mensis Nisan, ac die prima azymorum, quando e Judæorum domibus sublatum erat fermentum, & aderant tantum mensis appositæ azymi panis placentæ. At Christus in ea cœna, atque in pane ibidem appposito instituit Eucharistiæ sacramentum. Instituit illud igitur in placentis panis azymi. Utuntur hoc argumento Theologi omnes, & sanctus Leo Papa IX. epistola ad Michaellem Constantinopolitanum Archiepiscopum, scripta anno 1054. ubi ait: *Qui non venerat solvere legem, sed adimplere, juxta ipsius legis præceptum, & azymis & vino vetus Pascha adimplevit, & protinus ex azymis & vino novum, sicut aperte Lucas narrat, discipulis tradidit. Neque enim totis octo diebus illis fermentatum apparebat in omnibus finibus Israel, & apud quemcunque inveniebatur, peribat anima ejus de populo suo. Quod si in cœna Domini Jesu apparuisset, aut ipse, seu discipuli ejus, quoquo modo gustassent, jussu sicut prævaricatores legis perirent, nec ipse Dominus diceret sui infidiatoribus, Quis ex vobis arguet me de peccato? Nec opus esset falsos testes ad perdendum cum querere, cum hoc solo perderetur jussu.* Extat hæc Epistola tom. ix. Concil. pag. 978. & apud Baronium ad annum præcit. num. 1111. Atque hæc sancti Leonis verba comprimunt quoque infaniam aliorum Græcorum, qui

cum fateantur adversus reliquos gentis suæ Christum Pascha manducasse die præstituto, ajunt tamen *potuisse subito undecumque exhibere fermentum, aut certe ipsum azymum benedicendo fermentare*, ut narrat Cardinalis Humbertus Episcopus Sylvæ Candidæ apud eundem Baronium in Appendice tom. xi. ubi idem Leonis argumentum ornatissime exponitur. II. Verum, etiamsi detur Christum, ut multi ex Græcis contendunt, aut causa proximæ mortis, aut quacunque alia prævenisse legitimum Paschæ tempus; adhibuisset tamen in ejus celebritate panes azymos, sicut creditur observasse quidquid in lege præscribitur, agni videlicet immolationem & esum, nec non lactucas agrestes, & cetera, quæ opportunè ab Apostolis fuerant præparata: quod adversus Græcos scitè animadvertit in dist. viii. libri iv. §. 8. Duacensis Academiæ doctissimus Cancellarius Guilelmus Estius.

At præter argumenta quæ ex Evangelica petuntur historia, & quibus capite 2. cumulatissimè satisfecimus, alia sunt leviora, & propria hujus loci, quæ brevissimè sunt perstringenda. Erit primum, quod opponit apud Arcudium lib. iiii. Concordiæ pag. 147. in suo Nomocanone Matthæus Blastarius, violare legem eos, qui mysticum sacrificium conficiunt in azymis, cum Dominus abstulerit quodlibet Judaicum festum, ac Patres contraria eorum legibus ritibusque statuerint. Addunt in hujus argumenti confirmationem Leo Archiepiscopus Bulgaricæ, epist. 1. & 3. de Azymis, & Macarius Ancyranus apud Allatium, lib. iiii. cap. 14. de Ecclesiæ Occident. & Orient. perpetua consensione, quemadmodum neque circumcidimur, neque sabbata observamus, neque una cum Judæis celebramus solemnitates, neque quidquam aliud ex iis, quæ legis sunt, operamur; hunc in modum necessario non per azyma, sed per panes fermentatos mysticum sacrificium a nobis esse conficiendum. Alterum verò argumentum est Michaelis Cerularii, qui anno 1054. plures adversus Romanam Ecclesiam calumnias evomit, inter quas princeps est hæc de usu azymi: damnatque illum acerbissimè, quoniam ubi legimus in Evangelio Dominum Jesum supremæ cænæ accubentem accepisse panem, extat in Græco, *ἔλαβεν τὸ ἵναι τὸν ἄζυμον*, Mat. xxvi. 26. Interpretatur autem *ἄζυμον* sursum elevatus, quod sit vi fermenti ac salis. Nec azymus verè dicitur *panis*, cum nihil distet a lapide, lutumque aridum videatur. Tertium ejusdem Michaelis argumentum est, Christum esse sacerdotem secundum ordinem Melchisedech, Ps. cix. 4. & Ap. ad Hebr. vii. 11. At Melchisedech ante Moysen, & Abraham, univerforum Dominum agnoscens obtulit panem & vinum, antequam lex lutulenta constitueret azymum Judæis custodiendum. Ipse præterea azymus neque commemorationem habet Dominicam, neque mortem annuntiat, & ante complures annos maledictum & derelictum est per sanctum Christi Evangelium. Quartum argu-

argumentum urget apud eximium Lupum in dissertat. de S. Leonis IX. Aëlis Nicetas Pectoratus, opponens neque sanctum Agathonem Pontificem, neque beatum Gregorium Agrigentinarum Episcopum obstitisse, dum undecimo Trullano canone id statueretur: *Nemo eorum, qui in Sacerdotali ordine numerantur, vel laicus, Judæorum azyma comedat*. Atque hoc canone Theodorus Balsamon contendit vetitum duntaxat, ne sacrificium fiat in azymis, quoniam & Græci diversimode *azyma* comedunt, quæ dicuntur *αντισάββα*.

Resp. ad 1. Cardinalis Humbertus minime nos judaizare dum sacrificamus in azymis, cum in multis alieni simus a carnali Judæorum observatione: neque enim a finibus, & domibus nostris aliquo dierum intervallo fermentum abjicimus; nec septem dies azymorum aliter ac reliquos totius anni observamus; nec perit de cœtu nostro anima illius, qui fermentum comederit; nec a decima die mensis primi usque ad xiv. servamus agnum masculum & anniculum, quem voremus cum azymis; nec ipsum agnum immolamus ad vesperam; nec signamus postes cruore illius, nec vescimur lactucis agrestibus. Addit potius Græcos ipsos judaizare, qui semper in sabbato solvunt jejuniū, & epulantur, aut potius imitari festam Nazarænorum, cum Judæis sabbatum, & nobiscum Dominicum diem observantes: quod tamen a viro præstantissimo dictum fuit, ut accusationem accusatione retunderet. Respondet præterea S. Anselmus in Rescripto ad Naumburgensem Episcopum Walerannum cap. 3. *Quod Græci ajunt nos judaizare, non est verum: quia non sacrificamus de azymo, ut legem veterem servemus, sed ut hoc diligentius fiat, & Dominum qui hoc non judaizando fecit, imitemur. Cum enim facimus aliquid, quod Judæi, ut Judaismum servarent, faciebant, non judaizamus, quia non propter judaismum, sed propter aliam causam hoc facimus: si enim in diebus Paschæ azymum panem aliquis comedat, sive quia non habet alium, sive quia illo magis delectatur, quam fermentato; aut si quis propter infirmitatem præputium circumcidere cogitur, aut si bovi suo quis trituranſi, ne esuriat, os non obturat, nullas nisi inspicies hæc agentem judaizare judicabit. Cum ergo nos panem azymum sacrificamus, ut per azymi figuram talem Dominum Jesum fuisse significemus, vel ut ipsum panem in corpus ejus, divina operante virtute, sicut ipse fecit sanctificemus, nequaquam in hoc legis vetustatem servamus, sed Evangelii veritatem celebramus*. Plura addit Arcudius lib. 111. Concordiæ cap. 6. pag. 148. ex Græcorum moribus petita, & ad eos revincendos aptissima, puta quod & Græci aqua utantur in baptismo, etiam illam Judæi in purificationibus suis adhibuerint, quod Judæorum more teneant ante Sanctuarium velum oppansum, & consecrent apponantque fermentatum panem, quo Judæos in pluribus sacrificiis usos fuisse scriptura testatur; nec tamen his credant a se

se legalia servari. Allatius denique ubi plura ex ipso Arcudio produxit pag. 1166. hoc argumentum in Græcos cavillatores intorquet: *Quia Judæi sabbata servant, qui servant sabbata Judæum agit; ergo qui suffocata non manducat, Judæum agit, cum Judæi ex lege prohibeantur illa comedere: sed Græci suffocata non edunt; ergo Judæizant. Extricent se, si poterunt.*

Alterum argumentum recte dicitur ab Estio citata dist. §. 8. *commentum absurdum*, ac plenissime a Cardinali Humberto diluitur. Enim vero etiam manna, quod erat album, minutum sicut semen coriandri, & quasi pilo tufum, gustusque ejus quasi similæ cum melle, auctoritate divina aptus dicitur, in Psalmo LXXVII. 24. 25. *ἀπὸ οὐρανοῦ ἰδοὺς αὐτοῖς, ἄπὸ οὐρανοῦ ἰδοὺς ἀνθρώπους, Panem cæli dedit eis, panem angelorum, manducavit homo*; in Exodo cap. xvi. 15. *ἔσθι ἐκ τοῦ ἄρτου, ὃ ἔδωκεν ὑμῖν κύριος, Hic est panis, quem dedit vobis Dominus*; & Joannis vi. 31. *ἄρτος ἐκ οὐρανοῦ ἰδοὺς αὐτοῖς παῖς, Panem de cælo dedit eis manducare*. Subcinericios quoque panes, quos apud Abraham & Loth dicuntur Angeli comedisse, Gen. xviii. 6. & xix, 3. scriptura appellat *ἄρτους ὑψιστοῦ, panes subcinericios*; nec non panes propositionis, quos ex Levit. ii. 5. constat fuisse *absque fermento*, Exodi xxv. 30. & Matth. xii. 4. *ἄρτους σποδίου*. Insuper cum Dominus non Græce loqueretur, sed Syriace, aut Hebraice, non *τὸν ἄρτον* accepisse dicendus est, sed *ἐχὼν, lechem*, quo vocabulo Hebræi tam communem panem significant, quam in locis nuper laudatis manna, subcinericias placentulas, ac panes propositionis. Quid plura? ipsum *azymum* Moyses vocavit Deut. xvi. 3. *ἄρτον τριτοῦρας*, sive Hebraicè, *לֶחֶם עֲנִי lechem boni, panem afflictionis*; Græcuscque Athenæus in tertio Dipnosophistarum de variis panum generibus differens *ἄρτους* singulos nominavit: *paximatia* denique veterum Monachorum, quæ pinsebantur semel tantum in anno, & erant panes azymi, *ἄρτους*, seu panes appellant Athanasius in Vita Antonii, Cassianus in Collatione secunda, quinta, & decima, & in Vita Pauli simplicis Palladius. Vide Christ. Lupum præcit. dissert. pag. primæ edit. 683.

In tertio argumento nequaquam immorabimur; nam cur Dominus dicatur *Sacerdos secundum ordinem Melchisedech*, explicavimus lib. xxvii. cap. 7. nec nobis Græci faciliè demonstrabunt, cujus generis panes Melchisedechus obtulerit. Quartum autem urgens Peritoratus suam maximam & historiæ & dogmatum manifestam facit ignorantiam. Neque enim aut Agatho Romanus Pontifex, aut Gregorius Episcopus Agrigentinus interfuit Trullanæ Synodo; neque in ea improbatus est usus azymi in sacrificio: immò cum varii Armeniorum ritus damnati fuerint in ea Synodo, nihil actum est de azymo, in quo & Armenii sacrificant. Nam Quinisextum, sive Trullanum Concilium celebratum est an. 692. sedente Romano Pontifice Sergio Primo;

mo; neque aliud prohibuit, quam ritus, & familiarem cum Judeis convictum, ab illis azyma accipere, cum cis comedere, ad se illos in morbis accersere, medicamenta ab ipsis excipere, simulque in balneis lavari: est, ut verbo dicam, innovatio canonis inter Apostolicos LXX. quem tamen non esse Apostolicum, restè ex hac ipsa prohibitione demonstrat Petrus Arcudius lib. 111. Concordiæ cap. 6. pag. 147.

PROPOSITIO II. Viguit in Romana Ecclesia ab Apostolorum ætate ad hanc usque perpetuus azymi usus.

Scimus oppositum docere viros eruditione & sapientia conspicuos: inter quos omnes fere Scolastici in IV. sentent. asserunt utramque Ecclesiam Latinam & Græcam initio adhibuisse azymum panem, sed exorta hæresi Ebionitarum, qui simul cum Evangelio custodiebant Legalia, ad hujus hærescos detestationem in sacris mysteriis præelegisse fermentum: cui sententiæ adhærere videntur præstantissimi viri, qui cum Jacobo Sirmondo in dissert. *de Azymo* tenent per octingentos saltim annos consecratam Eucharistiam ex communibus fidei oblationibus, panibusque fermentatis, nec azymum fuisse receptum ante tempora schismatis Photiani, adeo, ut Michael Cerularius renuntiatus Patriarcha Constantinopolitanus an. 1043. post decem, vel undecim annos, idest an. 1054. sedente sancto Leone IX. de receptis azymis Latinam Ecclesiam accusaverit. Doctissimus etiam Cardinalis Bona lib. 1. Rer. Liturgic. cap. 23. docet ad sæculum usque decimum Latinos promiscue fermentatum, & azymum adhibuisse, deinceps verbò obtinuisse ritum azymi; cum Græci a priscis sæculis solo fermentato usi fuerint. Sed viris aliis præclarissimis pugnantibus pro antiquo usu azymi apud Latinos, adhærendum esse arbitramur. Sunt hi Franciscus Macedo in disquisitione *de Ritu Azymi*, Joannes Cabassutius in *Notitia Eccl. sæc. 2. dissert. 12.* Joannes Mabillon in ea, quam inscripsit *de azymo, & fermentato* cap. 7. & sequentibus, Christianus Lupus in diss. *de S. Leonis IX. ætate*, cap. 7. Joannes Ciampinus in *Conjecturis de perpetuo azymorum usu in Ecclesia Latina*, aliique ab eodem laudati.

Trahunt autem me in hanc sententiam hæc argumenta. I. Consuetudinis, cujus certò non possumus demonstrare principium, præsertim si divinitus institutam esse noverimus, arcessere initia debemus ab ipsamet institutione. Quod verbò universalis apud Latinos consuetudo consecrandi *azymum* nata sit post schisma Photianum, nulla certa argumenta demonstrant, & alia ex parte certum est Dominum Jesum azymum consecrasse. Ab hac ergo Dominica institutione universalis illa consuetudo Latinorum est repetenda. Hinc Græcis novitatem objicientibus respondit S. Leo IX. Epist. 1. cap. 5. *Ecce jam post mille ac ferme viginti a Passione Salvatoris nostri annos incipit per vos dissec-*

discere Romana Ecclesia, qualiter memoria Passionis sit recolenda: & Cardinalis Humbertus, Vestra duplicitas suo fermento contenta Romana & Latina simplicitati azymum extorquere nequit; & infra, Prima scilicet Ecclesia ad hæc moderna tempora, sicut ab Apostolis accepit, fideliter retinuit. Ac sanctus Gregorius VII. epistola 1. lib. vii. hortatur Armenios azymum nobiscum consecrantes, ut de temeraria Græcorum garrulitate multum mirentur. Et Innocentius III. de Myst. Missæ lib. iv. cap. 2. inquit: Ab ipsis ergo beatis Apostolis Petro & Paulo, quos & vivos habuit, & defunctos custodit, hunc sacrificii ritum accepit Romana Ecclesia, quem hæcenus inviolabili cultu servavit. II. Etsi non aperte, satis tamen indicat usum azymi Tertullianus, dum lib. 2. ad Uxorem cap. 5. illam ad occultam Eucharistiæ sumptionem exhortans ait: Non sciet maritus, quid secreto ante omnem cibum gusses; & si sciverit panem, non illum credet esse qui dicitur? Qui sane locus pertinet ad azymum; nam si maritus vidisset uxorem manducantem panem usulem ante omnem cibum, nil sinistrum fuisset suspicatus. Revincitur ergo Juenin, qui q. 2. art. 4. §., profert hunc Tertulliani librum ad comprobandum usum fermenti. Etiam Epiphanius Hær. 30. de Ebionæis scribit: Μυστήρια δὲ τῶν αἰνῶν κατὰ μίμησιν αὐτῶν ἀζύμων ὡς τὸ Ἐκκλησίᾳ ἀπὸ ἑαυτῶν οὐκ ἔχουσιν δὲ ἀζύμων, ὃ τὸ ἀλλὰ μίμησιν τῶν μαρτύρων δὲ ὕδατος μίμησιν, idest, Mysteria verò perficiuntur ex imitatione Sanctorum qui sunt in Ecclesia quotannis in azymis: alteram autem mysterii partem in aqua solum. Ex quo testimonio inferunt quidem nonnulli Epiphanium notasse Ebionæos quod celebrarent in azymis; sed longe melius ratiocinatur doctissimus Mabillonius pag. 127. ad hunc modum: Epiphanius probare videtur Ebionæos in eo, quod sacrificium offerebant quotannis in azymis ex imitatione Ecclesia saltem Latine: eos verò hoc tantum nomine arguis isto loco, quod pro aliqua sacrificii parte aquam solum adhiberent. Ergo eo tempore Ecclesia & pane azymo sacrificium conficiebat. Utitur eodem argumento Franciscus Macedo pag. 24. atque ante istos scripserat Gabriel Vasquez disput. 174. cap. 1. Constas ex Epiphanio, antiquitus tempore Ebionitarum etiam Ecclesiam Græcam in azymis consecrare consuevisse. III. Cum antiqui Patres eaque quibus constant sacra mysteria, singulatim exponerent, nullibi meminerunt fermenti, sed farinæ tantum & aquæ, ut tertio sæculo Cyprianus Epist. ad Cæciliū, quarto sæculo Gaudentius Episcopus Brizientis Tract. 2. de Paschæ observatione, & sæculo quinto S. P. Augustinus serm. 227. & 229. editionis postremæ. Etsi autem argumentum istud negativum est, nihilominus cum hi Patres farinam commemorarent, aquam, conspersionem, massam, & ignem quoque, cujus calore coquitur panis, & harum rerum symbola exponant; inversimile est fermentum silentio fuisse prætermisuros, si & istud in

con-

conficiendo pane Eucharistico fuisset adhibitum. IV. Idem evincitur ex forma, & qualitate sacrarum *hostiarum*, quas olim factas ex azymis aperte demonstratur ex illarum exilitate, figura, formaque impressa ferro *characterato*; & quarum vetustas imagines exhibent nobis viri de litteraria Republica optimè meriti, prælaudatus Mabillonius cap. 8. Martenius lib. 1. de Antiquis Ecclesiæ Ritibus, cap. 3. art. 7. & Harduinus Embolo 2. At de his proxima quarta propositione. V. Falsissimum est, quod ajunt adversarii, *azymum* post decimum duntaxat sæculum obtinuisse. Primò enim, si id verum foret, numquam Leo IX. natus eodem sæculo, & circa medium undecimi scribens, neque Humbertus Cardinalis doctissimus ausus esset repetere ab Ecclesiæ primordiis natam ætate sua consuetudinem: unde perperam conantur adversarii horum elevare auctoritatem quod juniores sint; licet namque tales dici queant, si conferantur cum temporibus Apostolicis, recentiores tamen non sunt respectu sæculi x. quo contendunt plerique azymum invaluisse. Extant præterea apud D. Thomam 3. p. q. 74. art. 4. hæc Magni Gregorii verba: *Romana Ecclesia offert azymos panes, propterea quod Dominus sine ulla commixtione suscepit carnem*. Verùm fatemur hæc modo inter Gregorii opera non reperiri; quamvis eo loci, & in 1v. contra Gentiles, nec non in Opusculo contra errores Græcorum producantur a Divo Thoma, eaque urgeat Gennadius Scolarius, qui floruit tempore Florentini Concilii, in ejusdem Concilii defensione cap. 2. sect. 8. In vetustissima quoque Missa, quam Walafridus Strabo in libro de Rebus Ecclesiasticis cap. 22. scribit a divo Ambrosio ordinatam, atque dispositam, ubi exprimuntur oblationes, legitur, *Oblationes panis azymi cam patenis*. Vide Joannem Ciampinum de Azymo & Ferm. cap. 3. pag. 46. In usum denique fuisse azymum ante Photii discidium invictè probant Christianus Lupus tom. 3. pag. 689. & Mabillonius cap. 1x. testimoniis Alcuini, & Rabani. Alcuinus enim, qui obiit sæculo 1x. incunte epist. 69. ad Lugdunensem Ecclesiam, *Panis*, inquit, *qui in corpus Christi consecratur, absque fermento ullius alterius infectionis debet esse mundissimus, & aqua absque omni sorde mundissima, & vinum absque omni commixtione alterius liquoris, nisi aqua, purgatissimum*. Igitur aqua utrique conveniat. Ex aqua & farina panis fit, qui consecratur in corpus Christi. Et Rabanus, qui è vita migravit biennio ante Photium intrusum, idest, anno 856. lib. 1. de Institut. Clericorum cap. 31. ait: *Panem in fermentatum & vinum aqua mixtum in sacramento corporis & sanguinis Christi sanctificari oportet*. Apertissimis itaque testimoniis constat azymos invaluisse ante Photianum dissidium. VI. Postremò si aliter se res haberet, nec potuissent Leo IX. & Humbertus opponere Michaeli Cerulario antiquissimam Romanæ Ecclesiæ traditionem; immo jure objecerent schis-

To VII.

B b

mati-

matici, Latinos a veterum more defciscere, ſe autem ſequi exempla majorum: ideoque ſententia eorum, qui repetunt a decimo ſæculò uſum azymi, non tantum eſt falſa, verum etiam videtur addere ſollem, atque incitabulum Græcorum garrulitati.

Plura opponuntur ab adverſariis, quorum præcipua hæc ſunt: I. Conſecrabatur olim Euchariftia ex oblationibus populi, & quod ſupererat, diſtribuebatur viduis, ac pauperibus. Illæ ergo oblationes erant e panibus uſualibus & fermentatis. II. Idem videtur innuere libro 2. ad Uxorem Tertullianus. Epiphanius verò morem conſecrandi *azyma* h. 30. adſcribit Ebionæis. Ex Dialogis etiam Gregorii Magni colligi conſecrationem *Fermenti*, ſcribunt in Commentario de Sancta commun. Georgius Corcyrenſium Metropolitæ, & in libro de Miſſa & templo Simeon Theſſalonicenſium Archiepiſcopus. III. Ambroſius lib. 1v. de Sacram. cap. 4. num. 14. panem Eucharifticum appellat *panem uſitatum*, ideoque conſectum fermento. IV. Photius non objecit Latinis quod azyma conſecrarent: eo ergo temporis utraque Eccleſia, Latina & Græca in ſacris myſteriis fermentato utebatur. V. Ex Melchiadis denique, Siricii, & Innocentii decretis apparet oblationes conſecratas, quæ ad Titulos & Eccleſias deferrebantur, dictas fuiſſe *Fermentum*, certè non ob aliam cauſam, niſi quod ex pane fermentato fiebant.

Reſp. ad 1. evaneſcere difficultatem omnem, ſi diſtinguantur duæ oblationes olim in Miſſa factæ, una ante Evangelium, in qua offerebantur panis, vinum, & quodcunque aliud in ſupplementum Sacerdotum, & egenorum; altera leſto jam Evangelio, in qua offerebantur panis & vinum ad conſecrationem, & ex qua ſi quid ſupererat, ab Archidiacono tradebatur ſervandum cuſtodi, ut deſerviret privatis aliorum dierum ſacrificiis. Primam oblationem fuiſſe panis fermentati concedimus: alteram fuiſſe ejuſdem panis negamus. Hanc enim oblationem fuiſſe azymorum colligimus ex antiquiſſima Miſſa Ambroſiana, & ex more, qui etiamnum a prima inſtitutione Mediolani ſervatur, ut viri, & matronæ, quas *Veglones*, & *Vegloniſas* appellant, inſtante oblationis tempore, offerant Sacerdoti, cum vaſculo vini, ſacrificii materiam panes azymos. Atque id confirmatur ex dicendis infra de *Hoſtiis*. Videtiſis tamen Parergon Franciſci Macedo de *Oblatis ad Altare*, pag. 88. Mabillonium cit. diſſert. pag. 119. Martenium libro 1. pag. 309. &c. Secundum verò argumentum nullius momenti eſt; ſiquidem ex Tertulliano, & Epiphanio potius ſententia noſtra confirmatur: & Gregorius nihil ait in Dialogis quod juvet ſententiam oppoſitam; immo plura tradit ſanctus Doctör, quæ noſtram confirmant, Hom. 22. in Evang. num. 8. ubi exponens Euchariftiæ myſteria ait illum comedere panes ſine fermento, qui eſt *ſine admixtione peccati*, quamvis ibi allegoricum ſenſum traditis, non lit-

litteralem. Mitto, quæ paullo supra dicta sunt de testimonio quodam Gregorii producto a D. Thoma Aquinate, & a Gennadio Scholario. Observat præterea eximius Lupus cit. dissert. cap. 8. Armenios a S. Romana Ecclesia, atque a Magno Gregorio accepisse *Azymum*, *Miram Episcopalem*, & *modum signandi cruce*, ut ad Haytonem Cœnobitam scribit Gregorius Sisensis Armeniorum Patriarcha. Quod sequitur tertio loco, facile expeditur, nam Ambrosius appellat azymum ante consecrationem *panem asitatum*, quatenus opposuitur consecrato: quo sensu etiam Rupertus Abbas Tuitiensis lib. 3. de Spiritus sancti operibus cap. 21. panem azymum a Domino in ultima cœna consecratum vocat *panem communem*. Illa insuper verba, *Tu forte dicis, Mens panis est asitatus*, demonstrant apud Ambrosium admirationem Neophyti primo sacra mysteria adspicientis, unde liquido apparet nihil ea facere ad quæstionem, in qua versamur, ut adnotarunt Benedictini tom. 2. pag. 367. At Photius, ut ad objectionem iv. veniamus, ideo nullam de azymis litem movit, quoniam id iudicavit esse dissimulandum, propterea quod azymum ex facto Christi Domini haberet auctoritatem. Ita respondet Mabillonius Præfat. 1. in sæc. 111. Bened. num. 74. nam ipse Photius in Biblioth. cod. 116. scripserat juxta Chrysostomum & Ecclesiam universam Christum peregrisse legale Pascha secundum legis præscriptum, ideoque in azymo consecrassè: quod & a nobis observatum supra cap. 1. prop. 3. Addunt viri eruditi nec Photium vitio tribuisse Latinis tonsuram capitis, unicam aquæ infusionem in baptismo, ritum ac dilationem Confirmationis, & alia plura, in quibus Latini discrepant a Græcis: non potuisse demum id Photium obsecrare, qui Epistola 64. scripserat sustinendam esse absque reprehensione in variis Ecclesiis, *διαφορὰν, ἣ ἀποκρίνεται ἐν ταῖς κυρίαις θυσίαις, differentiam ac dissimilitudinem in mysticis sacrificiis*. Ceterum, ut supra dictum est, comprobatur usus azymi testimonio Scriptorum, qui originem Photiani schismatis præcesserunt.

Prop. III. *Fermentum*, quod olim ad Titulos, seu ad Ecclesias dirigebatur, erat Eucharistia pane azymo consecrata.

Ultima objectio præcedentis propositionis solvi poterat respondendo *Fermentum* ad Titulos transmissum fuisse Eulogias, non Eucharistiam, & consequenter nihil hinc inferri adversus azymi antiquum usum. Id enim de Fermento illo senserunt Baronius ad An. 316. n. 49. Severinus Binius in notis ad Decret. Melchiadis, & ad Epistolam Innocentii I. ad Decentium, Franc. Macedo disquis. de Ritu azymi cap. xi. Joannes Cabasilus. dissert. 12. sæculi 2. alique bene multi: sed veritati magis consona est sententia doctissimorum virorum, qui *Fermentum* illud interpretantur Eucharistiam, inter quos Antonius Augustinus in Epistola ad Latinum Latinium, noster Lupus cit. dissert. cap. 1x. q. 4.

Cardinalis Thomafius dif. de hoc argumento, Mabillonius cap. 10. Joannes Ciampinus in Conjecturis de Azymo cap. 7. Schelestratius de Disciplina Arcani art. 5. Bencinus in notis ad Anastasium, & alii, qui de hoc argumento accurate tractarunt; & quorum sententiam certam, & inconcussam arbitratur Not. cxv. in Dominicam Palm. & cccxxvi. de Sacrif. Missæ BENEDICTUS XIV. His accedo, primum quia de Melchiade in libro Pontificali legimus: *Hic fecit, ut oblationes consecrata per Ecclesias ex consecratu Episcopi dirigerentur, quod declaratur Fermentum*: quibus verbis aperte innuitur, non quamcumque oblationem ad Ecclesias fuisse directam, sed partem ejus, quam Episcopus consecraverat; quod ex pristina disciplina a Melchiade circa annum 312. quo tempore Manichæi in Urbe inventi sunt, iterum præscriptum fuit, ut eadem participatione *Sacramenti* plebs Christiana cum presbyteris, atque hi cum Romano Pontifice custodirent fidei unitatem. II. Idem statuit ex eodem libro sanctus Siricius ad Pontificatum evectus ineunte anno 385. cum rursus Manichæi latitarent in urbe. *Hic constituit*, inquit Anastasius, *ut nullas presbyter Missas celebraret per hebdomadam, nisi consecratum Episcopi loci designati susceperet declaratum, quod nominatur Fermentum*. Quo item in loco non possumus, nisi improprie & coarctè *Consecratum Episcopi* interpretari Eulogias. III. Tertio non leve depromitur argumentum ex sanctæ Romanæ Ecclesiæ Acolytho Tarsicio, qui hoc Fermentum ad Titulos deferens sedente Stephano primo, & a paganis inventus, cum nollet eis *Sancta* prodere, subiit gloriosum martyrium, ut legitur in Actis Stephani apud Baronium ad an. 259. & 260. n. 5. Tarsicium verò non portasse Eulogias, sed Eucharistiam, constat ex iisdem Actibus, in quibus ista leguntur: *Invenerunt milites paganorum acolythum nomine Tarsicium, Christi corporis sacramenta portantem. Discutientibus quid gereret, ille indignum iudicans porcis prodere margaritas, nequaquam voluit detegere sacrosancta mysteria: qui eum tandiu fustibus & lapidibus mactaverunt, quousque spiritum exhalaret; revolutoque ejus corpore, nihil valuerunt de sacris mysteriis invenire*. Similia leguntur in Romano Martyrologio die xiv. Augusti, eidemque Tarsicio S. Damasus hos versus insculpsit:

*Tarsicium sanctum Christi sacramenta ferentem
Cum malefana manus peteret vulgare profanis,
Ipse animam potius voluit dimittere casus,
Prodere quam canibus rabidis ecclesia membra.*

Vide Acta Sanctorum tom. 3. Augusti pag. 201. In his non habetur quidem quod deferretur ad Titulos *Fermentum*: sed habetur tamen quod deferrebat Eucharistia; ideoque Eucharistia erat *Consecratam Episcopi, quod nominabatur Fermentum*, ac deferrebat ad Titulos.

IV. Idem

IV. Idem probatur ex Epistola S. Innocentii Primi ad Decentium, cap. 9. ubi hæc scribit: *De Fermento, quod die Dominico per Titulos mittimus, superflue nos consulere voluisti, cum omnes Ecclesiæ nostræ intra civitatem sint constitutæ: quarum presbyteri, quia die ipsa propter plebem sibi creditam nobiscum convenire non possunt, ideo Fermentum a nobis confectum per Acolytos accipiant, ut se a nostra communione maxime illa die non judicent separatos. Quod per parochias fieri debere non puto, quia non longe portanda sunt Sacramenta: nec nos per cæmeteria constitutis presbyteris destinamus; & presbyteri eorum conficiendorum jus habent atque licentiam.* Quibus sanè verbis videtur mihi non uno ex capite demonstrari quod *Fermentum* istud sit Eucharistia: primum, quia dicitur *Sacramentum* ab Episcopo, & a presbyteris confectum: quod utique quid plus notat, quàm benedictionem Eulogiarum. Deinde quia ait Innocentius *non longe portanda Sacramenta*, nimirum ne profanentur, & ne veniant in paganorum manus: quod de simplici Eulogia non adeo cavendum erat. Præterea quia *Fermentum* mittebatur in tesseram communionis presbyterorum cum Romano Pontifice: consuetum autem erat hanc ob rem non Eulogias tantum mittere, sed & Eucharistiam, ut ex secunda (aliàs prima) Apologia Justinii, ex Epistola S. Irenæi ad Victorem, & ex monumentis aliis probat illustris Lupus tom. 3. in Conc. pag. 702. & post Lupum Emmanuel a Schelestrate de Disciplina Arcani pag. 137. Mabillon in dissert. de Azymo pag. 133. aliique præstantes viri. V. *Fermentum*, quod fabato ante Dominicam Palmarum distribuebatur in *Consistorio Lateranensi*, ut habetur in antiquo Calendario Romano edito a Joanne Frontonio, est Eucharistia transmissa ad Episcopos suburbicarios, ad hoc, ut saltim recurrente Paschate suam cum Romano Pontifice communionem profiterentur, participantes de uno, eodemque mysterio; ut apud Ciampinum de Azymo pag. 214. docet vir pietate, & eruditione clarissimus Cardinalis Joseph Maria Thomasius, cujus doctrinam amplectuntur Ciampinus idem, & præcit. Nota cxv. in Dominicam Palm. summus Ecclesiæ Pastor BENEDICTUS. Idem ergo ascendendum est de *Fermento* ad Ecclesias Constitutione Melchiadis, & Siricii, transmissio. VI. Nequit hæc sententia labefactari, ut quidam putant, canone xiv. Concilii Laodiceni, *πρὸς τὸ μὴ τὰ ἄγια εἰς λίαν ἀνταρτίαν μετὰ τὴν ἑσπέρην τὸ πᾶν εἰς ἑτέρας παραίας διατίμωσθαι, Ne sancta iuxta Eulogiarum in festo Paschæ ad alias Parochias transmittantur.* Immo hoc canone sententia nostra confirmatur, quoniam in illo *Sancta* ab Eulogiis distinguuntur; & decernitur ne *Fermentum*, sive Eucharistia, quæ *Sanctum Domini* dicitur a Græcis, Latiniſque Patribus, ad forenses Ecclesias transmittatur, quemadmodum deferebatur ad Ecclesias constitutas in urbe, sed ad longinquas mit-

mittantur duntaxat Eulogiæ, prout etiam Innocentius I. fancivit : quare subscribendum est Christiano Lupo, qui citato Volum. 3. pag. 710. censet Canonem Laodicensem omnino agere de Eucharistia.

Ex his verò nemo inferet, Ecclesiam Latinam consecrasse olim Fermentatum. *Quidem*, ut verbis utar Cardinalis Thomasi, *opus erat dicere hujusmodi oblationem a Pontifice consecratam declarari, aut nominari Fermentum; si eam ob causam ita appellaretur, propterea quod fermentata esset?* Præterea inter *Fermentum*, & *Fermentatum* multum est discriminis; ideoque hinc perperam viri, alioqui perspicacissimi, argumenta desumunt aut pro usu Fermentati in Ecclesia Romana, aut pro relegando *Fermento* ad Eulogias. Insuper aptissimum est *Fermenti* nomen ad significandam Eucharistiam, tametsi confectam in azymo; quoniam sicut fermentum farinæ commixtum totam conglutinat, ita Eucharistia unionis & communionis Ecclesiarum est vinculum, ut scribit Petrus Constant in Epistolis Rom. Pontif. tom. 1. pag. 859. BENEDICTUS XIV. citato in loco, Lupus pag. 712. & alii multi. Rursus per id temporis, quo scriptus est *Ordo Romanus*, Latina Ecclesia utebatur pane azymo, & nihilominus in illo præscribitur, ut *Fermenti particula* mittatur in calicem, ab Episcopo, vel a presbytero, absente summo Pontifice. *Fermentum* itaque illud erat azymum. Tandem inverisimile non est, hoc nomine appellatam Eucharistiam, ut obscuriori vocabulo hoc mysterium profanis occultaretur, quemadmodum arbitrantur præstantissimi viri, Schellstratenus de disciplina arcani art. 5. & Mabillon de Azymo cap. 10. Concludamus ergo, nullum argumentum desumi adversus azymum ex Melchiadis & Siricii decretis, quamquam in iis sit sermo de Eucharistia, eisque vim maximam inesse crediderint cum Eminentissimo Cardinali Bona viri alii clarissimi; atque ante hos omnes supra commemoratos, Nicetas Archiepiscopus Nicomedienfis, qui cum Anselmo Episcopo Havelbergenfi & Legato Lotharii ad Joannem Commenum Imperatorem acerrimè in Absida sanctæ Sophiæ disceptavit. Quamobrem ejusdem argumenti nullam rationem habendam esse judicavit Jacobus Sirmondus; cujus capite v. disquisit. de Azymo hæc sunt verba: *Quid hoc tandem ad nos? Quod si Eucharistiam hic constet Fermentum ex eo dictam, non quod ex pane esset fermentato, sed quod ipsa quocumque ex pane fieret, Ecclesiis ad quas mittebatur, fermenti vicem præstaret, eisque unionis inter se vinculum esset, sicut fermentum massæ, cui commiscetur?* Et infra: *Manet igitur quod principio institueramus, oblationes consecratas in decreto Melchiadis sacram Eucharistiam intelligi, non Eulogias.* Vide tom. v. edit. Regiæ Paris. pag. 526.

PROP. IV. Azymi panes in Eucharistia consecrandi debent esse exiles, & figura rotundi, ex antiqua Ecclesiæ disciplina.

De

De figura extat testimonium S. Epiphani, qui in Anchorato num. 57. doceps posse panem esse corporis Christi symbolum etiani si figuræ sit circularis, ait: τὸ μὲν γὰρ ἐν τῷ τρογγυλῷ, scilicet, *Hoc enim est rotunde formæ*: quem locum frustra cum Novantibus aliis elevat Vossius disput. xix. th. 2. propterea quod τῷ τρογγυλῷ notet illud, quod teretis & oblongæ figuræ est, non circularis; utrumque enim significat, cum idem sit apud Græcos, ac τρογγίς, sive rotundus, aut tortuosus. At inulunt, Mirus est hominum stupor adducere pro figura hostiarum Patrem Græcum, cum nihil certius sit, quàm Græcos urgere necessitatem panis fermentati. Verùm primo improbable non est, ætate Epiphani etiam Græcorum Ecclesias, aliquas saltim, azymum adhibuisse, ut liquet ex præcit. Epiphani hæc. xxx. Ebionæorum. Deinde falsum est Græcos numquam adhibere panes circularis figuræ: scribit enim Gabriel Philadelphienfis in Apolog. pro Eccles. Orient. de pane Eucharistico, *Is panis præfertur sigillam figuræ circularis, vel quadrangula cum hac inscriptione, Iesus Christus vincit; & ἐν αὐτῷ οὐκ ἔστι τρογγύλη ἀλλὰ κύκλος, ἡ τετραγώνου ἵχθυς σὺν τῷ τῷ ἁγίῳ Χριστῷ κίνα γραμμασι*. Ubi etiam Philadelphienfis notat in circulari figura significari divinitatem, in quadrangula autem quatuor mundi partes, quibus Christus salutem attulit. II. Gregorius Magnus lib. iv. Dialog. cap. 55. inquit de quodam presbytero Diœcesis Centumcellensis, *Duas secum oblationum coronas detulit*, ubi Editores Benedictini tom. 2. pag. 467. hanc notulam apposuerunt, *Videntur fuisse panes rotundi in modum placente*. III. Cæsarius frater Nazianzeni Dialogo 3. de fide Catholica num. 169. comparans corpus Christi dum inter nos degeret, cum eodem in Sacramento, *Illud*, inquit, *est artibus compositum, hoc rotundum*: quod accipiendum est de exteriori specierum panis apparentia. IV. Cum olim sacerdotes sepelirentur cum rebus illis, quibus in peragendo sacro solebant uti, in sepulcro sancti Otmari inventas fuisse, *panis rotulas, quæ vulgo oblata dicuntur*, narrat in ejus Vita Ifo Monachus apud Cl. Mabillonium Præf. 1. in sæculum 111. Benedict. Id vir eximius confirmari ait perantiquis picturis. V. Hostias rotunda & circulari figura repræsentant quoque imagines ex vetustis Codicibus descriptæ, non Latinorum tantum, verum etiam Syrorum, Alexandrinorum, atque Græcorum, ut diximus, licet hi consecrent quoque panes quadratæ figuræ, apud Jacobum Sirmondum disquis. de Azymo cap. 4. & Edmundum Martenium lib. 1. de Antiq. Eccles. ritibus cap. 3. art. 7. Quibus addo Franciscum Alvarez narrantem de Peregrinat. Aethiop. cap. 12. etiam modum, quo apud Aethiopes hostiæ circularis figuræ parantur, & Sollerium exhibentem in Append. ad Patriarch. Alexandr. num. 201. effigiatam hostiam Coptorum Jacobitarum. VI. Hanc eandem hostiarum figuram confirmat reve-

revelatio sancti Eldefonsi Archiepiscopi Toletani habita anno 845. de qua paullo infra, Ernulfus Rossensis Episcopus, qui obiit anno 1124. epist. ad Lambertum, alique permulti, laudati a Sirmondo, Martenio, & Mabillonio citatis in locis, nec non ab Eminentiſſimo Joanne Bona lib. 1. de rebus Liturg. cap. 23. & a recentiorum compluribus. Honorius demum Augustodunensis in Gemma Animæ cap. 66. & ex eo Durandus in Rationali lib. IV. cap. 41. scribunt hostias in modum denarii formandas, tum quia Panis vitæ pro denariis traditus est, tum quia idem denarius in vinea laborantibus præmium erit.

Hostias autem exiles tenuesque formandas primum constat ex antiquis picturis nuperrimè commemoratis, ac præsertim ex Revelatione Eldefonsi. Hanc optabat maximè ut in lucem prodiret Christianus Lupus pag. 699. idque nos acceptum serimus Mabillonio, qui eam publici juris fecit cum dissertatione de Azymo an. 1673. Apparet in ea Revelatione, Sacerdotum majores hostias, communicantium minores esse; una ferri impressione formatas hostias quinque, majorem unam, quatuor verò minores, & ex una farinæ libra centum; majores hostias confici potuisse. II. Uldaricus in 3. libro Consuetudinum Cluniacensium, cap. 13. scribit in ferramento, quod *charaſſeratum* appellat, simul hostias sex confici, quod earum exilitatis est pariter argumentum. Floruit Uldaricus seculo undecimo. Eadem ratione oblatas impressas & decoctas ferro, narrat in libro de miraculis sancti Wandregesili Abbatis, cap. 29. Monachus Anonymus, qui sæculo vixit hono: ex quibus simul & panis azymi quantitas, & figura probatur. III. Synodus Toletana XVI. celebrata anno Christi 693. canone 6. adversus quosdam, qui consecrabant rotundam panis crustulam, sic statuit: *Temeritatis hujus, aut nescientia cipientes terminum ponere, id unitatis nostræ delegit conventus, ut non aliter panis in altari Domini sacerdotali benedictione sanctificandus proponatur, nisi integer, & nitidus, qui ex studio fuerit præparatus, neque grande aliquid, sed modica tantum oblata, secundum quod Ecclesiastica consuetudo retentat.* Concludamus igitur cum Raymundo in Summa:

*Candida, triticea, ac tenuis, non magna; rotunda
Expers fermenti, non falsa, sit hostia Christi.*

PROP. V. Licet incertum sit a quo tempore invaluerit apud Græcos fermentati usus, videtur tamen obtinuisse ante exortum schisma Photianum.

Non consentiunt Scriptores circa tempus, quo primum ceperunt Græci in re sacra adhibere panem fermentatum. Nam Innoc. III. lib. IV. de mysteriis Missæ cap. 4. scribit Græcos sacrificii ritum temere mutasse, postquam tunicam Domini inconsutilem diviserunt, nec aliter sentit Jacobus Cardinalis de Vitriaco in Historia Occidentalis Eccles.

clef. cap. 38. Alex. autem de Ales, S. Thomas, Scotus, alique veteres Scholastici in iv. sent. nec non Cardinalis Hofius in libro de Expressio Dei verbo, & Estius dist. v. 111. §. 8. censent inductum Fermentatum occasione Ebionæorum tam in Græca Ecclesia, quam in Latina; & hæresi illa cessante Latinos ad morem pristinum rediisse, Græcos autem persistisse in recepta consuetudine: quod utique, quantum ad Latinos spectat, falsum evincitur ex proposit. 2. Gregorius Sifensis Orthodoxus Patriarcha Armeniorum, apud Lupum citata, differt. de Actis S. Leonis IX. cap. 10. ait Apostolos interdum azymum, interdum vero fermentatum consecrasse, pro loci, ac temporis opportunitate, atque hinc derivatum utriusque Ecclesiæ discrimen: id verò censet esse probabile idem Lupus Volum. 111. pag. 716. Franciscus Macedo, & Gabriel Vasquez ex verbis Epiphaniî productis prop. 2. inferunt Græcos ante exortam hæresim Ebionitarum consecrasse azymum, quæ sententia cohæret cum pervulgata Scholasticorum: at potest Epiphanius accipi de Ecclesia tantum Latina, ut supra animadvertimus cum Mabillonio, ubi etiam diximus eos decipi, qui ex Epiphaniio inferunt antiquum usum fermentati. Demum recentiorum permulti putant Ecclesias omnes Orientales per sex priora sæcula consecrasse fermentatam, quod probant ex oblationibus fidelium, & ex Patribus, qui panem Eucharisticum appellant *communem, & usitatum*: quæ utique argumenta esse infirmissima constat ex dictis, atque ex eo quod nonnullæ etiam per Orientem Ecclesiæ a priori institutione consecrent azymum, prout ostendam proximo capite.

Cum itaque omnes hæ opiniones pugnent invicem, nec ulla certis momentis innixa sit; hoc unum statuo, antiquiorem esse Græcarum Ecclesiarum consuetudinem schismate Photiano. Quod assero primum, quia S. Leo IX. & Cardinalis Humbertus pugnarunt quidem pro vetusta Romanæ Ecclesiæ consuetudine, sed nunquam objecerunt Græcis usurpatum ab ipsis fermentatum panem occasione dissidii paulo ante exorti sub Photio Sedis Constantinopolitanæ invasore: quod objecissent utique opponentibus ex adverso Judæismum, defectioremque ab Apostolicis institutionibus, si hujusce novitatis manifesta habuissent indicia. Immo Humbertus in responsione ad Nicetam inquit anno 680. quo celebrata est sexta Synodus, Græcos alio pane a Latinis usos fuisse, ut dicam postea. Deinde constat Græcos non minus proclives esse ad nova dogmata, quam tenaces in antiquorum rituum observatione; in quibus fere a principio Christianæ Religionis discrepassent ab Ecclesia Latina, tam in controversia de Paschate, quam *συνεχὴς ὡς τὸν αἶμα*, in quibusdam aliis rebus, scribit S. Irenæus apud Eusebium lib. v. Hist. Eccl. cap. 24. pag. edit. Valesii 193. Deinde Datus Mediolanensis in Chronico, cujus tamen ambigua est auctoritas,

To. VII.

Cc

fcri-

in substantia *materie* Ecclesias convenire singulas, ac differentiam accidentariam, qualis est inter azymum panem, & fermentatum, Sacramenti non tollere veritatem. IV. Tantum abest, quod Latini improbant fermentum Græcorum, quin Pius V. Constitut. *Providentia Romani Pontificis*, edita anno 1566. inhiibuit, *ne deinceps presbyteri Græci præcipue uxorati Latino more, & Latini Græcorum Missas, & alia divina officia celebrare, vel celebrare facere præsumant*. Quod pariter prohibuit BENEDICTUS XIV. Const. *Essi Pastorale*, emanata superiori anno 1742. in qua omnia decreta Clementis VIII. Innocentii IV. Pii IV. aliorumque Romanorum Pontificum super *Græcorum Ritibus*, apte inveniuntur disposita, dilucide explicata, iterumque supremo iudicio definita. V. Demum in Professione Orthodoxæ Fidei a Græcis facienda, & Græcè ac Latine edita iussu Gregorii XIII. legitur: ἔτι καὶ ἀζύμῳ ἢ ἐν ζύμῳ ἅπτεσθαι τὸ τοῦ χριστοῦ σῶμα τοῦτον αὐτὸς πῶς τι ἴπαις ἐνδοξίμῳ αὐτὸν τὸ σῶμα τοῦ κυρίου τοῦ ἰσθίου, ἡτοι δυνάμει κατὰ τὴν τῆς ἰδίας κυριαίας, ἢ τὴν δύναμιν, ἢ τὴν ἀποκρίσιν ἐκείνην: Item in azymo, sive fermentato pane triticeo corpus Christi veraciter confici: Sacerdotesque in altero ipsum Domini Corpus conficere debere, unumquemque scilicet juxta suam Ecclesiam, sive Occidentalis, sive Orientalis consuetudinem. Finem ergo capiti quarto imponamus cum Emmanuele Cabeliau Augustinensi Poeta, ac Theologo, thesi 2. de Euch.

*Ardua Romanos inter, Græcosque movetur
Lis, panibus queis Christus usus ultima
In cæna fuerit. Romani jure veterno
Volunt addibitos azymos, Græci negant:
Sed fermentatum pugnant, quod Christus in illo
Dilectionis Epulo, Apostolis suis
Ad mensam dederit; quapropter sacrificatis
In pane posito. Hoc asserunt, sed quæ probant?
Novimus, ut Christus veteres servaveris usus,
Judaica donec lex sepulta non erat.
Hunc tam solemnem Festo voluisse novare
Ritum veterum? Scandalum quid si grave
Discipulis, nondum firmatis, forte dedisset?
Fuit Magister cautior, suis cavens.
Quicquid id est; toleras binos Ecclesia ritus:
Servet Latinus proprium, Græcus suum.*

CAPUT V.

Inferuntur ex dictis theses aliqua non parvi momenti, atque illa nova argumentorum accessione breviter confirmantur.

EX præmissis disputationibus inferuntur theorematum quædam, quorum primum est, *Solus panis triticeus est sacramenti Eucharistia materia*. Ita enim definit præcitata Synodus Florentina: ita quoque demonstrant Patres omnes, qui docent Eucharistiam esse *panem consecratum*, panis quippe, quo communiter utuntur homines, est *panis triticeus*; nam panes alii introducti sunt *in hujus panis defectum*, inquit S. Thomas 3. p. q. 73. art. 3. ita innuunt antiquæ hujus sacramenti figuræ, panes enim *propositionis* conficiebantur e *simila*, flore scilicet farinæ triticeæ, ac media inter secundarium & pollinem; Eucharistiam quoque præsignatam novimus *in adipe frumenti*, Psalm. LXXX. 17. & *in frumento electorum*, Zacch. 1x. 17. Ex usu denique Ecclesiæ panem duntaxat triticeum consecrantis thesif ista corroboratur, præsertim cum constet ex Act. 111. Concilii Chalcedon. celebrati an. 451. in Lybia incruentum sacrificium tunc non fuisse celebratum, quando Dioscorus Alexandrinus Episcopus emit largissimis pecuniis frumentum, deditque operam, ne in Lybiam, ubi propter terræ ariditatem *tritium* omnino non nascitur, posset deferri. Vide tom. 111. Concil. pag. 400.

Adversus hanc tamen thesif potest opponi, quod scripsit Gabriel, frumentum esse omne id, quod emittit aristas, ideoque in omni frumenti genere Eucharistiam valide confici. Atque in gratiam Gabrielis addo, etiam Augustinum insinuare pluribus in locis, quod sufficiat ad consecrationem panis frumentaceus: immo, quod ignore, num aliquis Theologorum hætenus adverterit, *azymus paschalis* a Judæis conficitur, ubi desit triticum, ex zea, idest, spelta, vel hordeo. Vide Rambam *Halebotb*, tom. 2. Bibl. Rabbin. pag. 734. Recte itaque censent Scotus, & Paludanus valide ex spelta, & farre confici Eucharistiam, quod & de aliis frumenti generibus tradit Cajetanus. *De siligine vero*, inquit Estius dist. v111. §. 6. *non videtur dubitandum*, cum inter siliginem, & triticum mutua sit, ex Columella, & Plinio, commutatio generationis.

Verum hæc, ut arbitror, nullius sunt roboris: siquidem Florentinum Concilium præscribens *panem triticeum*, non genera quælibet frumenti, sed *speciem* unam designat. Concedimus ergo quidquid emittit aristam, *frumentum* dici, far quoque, sive adorcum, *siliginem*, & hordeum: negamus hæc communi significatione *triticeum* appellari. Si enim ad Grammaticalem tantummodo sensum confugia-

fugiamus; etiam *minuta grana in ficis* dicuntur *frumenta*, apud Plinium lib. xv. cap. 19. Augustinus verò *frumentum* accepit pro *specie* hujus generis nobiliori; nam in Psalmum cxlv. i. num. 21. panem illum, *qui de celo descendit*, non frumentum utcumque, sed *frumenti adipem* vocat. In Rambam multa traduntur referta fabulis; quamquam eo loci habetur, conficiendum azymum, si fieri possit, *ex tritico præstantissimo*. De filigine, quam *seglam* dicimus, consentit laudatis Theologis S. Thomas præcit. art. 3. nec filiginem accipit pro *selecto tritici genere*; ut suspicatur Card. Gotti q. 1. dub. 3. num. 5. ibi namque S. Thomas loquitur de filigine, *qua ex grano tritici seminato nascitur in malis terris*. Quare de filigine ob tanti Doctoris auctoritatem potest quis ad Ektium accedere: non ita tamen sentit Angelicus de hordeo, de spelta, ac de farro. Immo quia ex definitione Innoc. XI. nefas est uti materia tantum *probabili* in sacramentis conficiendis, nec certum est, an filigo habeat naturam tritici; arbitramur panem filigineum consecrandum non esse: idque docet etiam Eminentissimus Gotti citato in loco, ex nostris Vanroy de Euchar. cap. 2. & alii. His non obstat quod filigo nascatur e tritici semine; nam inde etiam oritur *avena*, a propria natura tritico degenerante: neque Columella ait, dari inter triticum & filiginem mutuam generationem, sed *triticum in solo uliginoso post tertiam arationem converti in filiginem*, lib. 2. cap. 9. Ceterum si accipiatur *filigo* pro selecto tritico, quo sensu Plinius lib. xv. i. cap. 7. filiginem vocat *tritici delicias*, & de pane Juvenalis Sat. v. ait,

Sed tener, & niveus, mollique filigine factus;

non est qui dubitet filigineo pane valide confici hoc sacramentum. Theodorum Bezam, Vossium, & Novatores alios, qui censent ad rationem *materie* sacramentalis sufficere aliquam inter signum, & signatum analogiam, ideoque recte in Cœna Dominica usurpari quicquid adhibetur *loco panis*, refutavi libro xxxi. cap. 4.

THESES II.

Nih, quod non spectet ab substantiam panis tritici, est idonea SS. Eucharistia materia. Sequitur ex propositione præcedenti, necnon ex generali theoremate, quod nemo mortalium possit determinare materiam divinatorum mysteriorum. Atque hinc consequitur primo, quam execranda fuerint sacrilegia Gnosticorum, de quibus Epiphanius H. xxvi. num. 4. scribit, peracto stupro utriusque maris profluvium cavis manibus excepisse, ac sublatis sursum oculis sædum, illud, atque abominabile obtulisse cum hoc solemni carmine, *Ἀνατίθω σοὶ τὸν τῷ δ' ἄρτον, τὸ εὐχὰς τῷ Χριστῷ, Offerimus tibi donum istud, Christi corpus*; & impurissimas sordes degustando dixisse, *τῷ ἱερῷ*

τὸ σῶμα τὸ Χριστοῦ, ὃ τὸν ἐν τῇ πέτρα, *Hoc est corpus Christi, & hoc est Pascha*: eademque impudentia absorbentes foedissimum sanguinem menstrui fluxus hæc pronunciaſſe, ὃ τὸν ἐν τῇ πέτρα τὸ Χριστοῦ. Quod si mulier gravida facta eſſet, detrahentes ex utero informem foetum, hunc in mortario projectum tundebant piſtillo, & ad vitandam nauſeam admiſcebant mel, piper, aliaque aromata, atque comminutum corpusculum digito delibabant: quod proximo num. 5. narrat ipſemet Epiphanius. Eadem impietate Manichæi, quos lib. 1. cap. 8. diximus e ſchola Gnoſticorum prodiſſe, ſumebant Eu-chariſtiam *conſperſam cum ſemine humano*, ut H. 46. ſcribit Auguſtinus. De Montaniſtis ait idem ſanctus Pater hæ. xxv1. ſacramenta habuiſſe funeſta: *nam de infansis anniculi ſanguine, quem de toto ejus corpore minutis punſtionum vulneribus extorquebant, quaſi Eu-chariſtiam ſuam conſiciebant, miſcentes eum farina, panemque inde facientes*. Quod negandum non eſt, licet de iis ſcribat Theodoretus lib. 111. Hæret. fab. cap. 2. pag. 227. *πῶς δὲ μυστήριον τῆς πίστεως ἐκλύουσι τὰς, ἵκανον δὲ ἡ ἐνομιολογία, ἀλλὰ ἐπιμαρτυροῦν τὴν κατὰ τὸν καλῶς*, id eſt, *de Myſteriis nonnulli quedam joſtiant, ſed ipſi non ſentuntur, & accuſationem illam calumniam vocant*. Primò enim eadem, quæ Auguſtinus, mandarunt litteris Cyrillus Jeruſolymitanus Catech. xv1. pag. 403. Philaſtrius de Hæreſibus num. 49. pag. novæ edit. 37. atque Epiphanius hæ. 48. num. 14. ubi *Quintillianorum* hæreſim commemorat, de qua etiam Auguſtinus hæreſi 27. Deinde Montaniſtarum non unam fuiſſe ſectam, animadvertimus libro primo ac triceſimo. Præterea etiam Manichæi nefariam myſteriorum fuorum turpitudinem negabant: illam tamen prodidit puella quedam nomine Margarita, cum eſſet annorum nondum duodecim, ob ſceleſtam ipſorum myſteriorum celebrationem vitiata, ut reſert S. P. Auguſtinus præcit. hæreſi 46. Non eſt ergo, cur de nefariis Montaniſtarum myſteriis propter citata Theodoreti verba hæſitemus. II. Ad hæc conſequitur, ineptiſſime *Artotyritas*, aliud hæreticorum genus, in celebrandis myſteriis caſeum cum pane adhibuiſſe: de quorum deliramento agunt Epiphanius hæreſi 49. num. 2. Philaſtrius hæreſi 74. Auguſtinus hæ. 28. Artotyritas ita appellatos *ἐκ τοῦ ἄρτου, a pane*, & *τὸν καφέο*, damnatos invenio canone 24. Concilii 111. Carthagin. celebrati anno 397. & expreſſo nomine act. x1. Concilii 111. Conſtanti-nopolit. an. 680. Exortam Artotyritarum hæreſim ſcribit Auguſtinus, quod hujus ſectæ homines dicerent, *a primis hominibus oblationes de fructibus terræ, & ovium fuiſſe celebratas*. Timotheus preſbyter, ut poſt Cotelierum adnotavit vir eruditus ad Philaſtrium, pag. 52. ait Artotyritas deſcendere a Marcionitis, & in ſacra Cœna adhibere *farinam lacte, non aqua ſubſtam*. III. Sequitur tertio, nil ratione divinatorum myſteriorum offerendum eſſe præter panem, vi-

num-

numque consecranda; tamen non improbentur oblationes ad sacrificii condecantiam, ac altarium, templorumque ornatum, & ad pauperum subsidia pertinentes: qua de re legi poterunt canon tertius inter Apostolicos, quinquagesimus septimus Trullanæ Synodi, tricesimus septimus in Codice Ecclesiæ Africanæ, alique apud eximium Lupum tom. 2. pag. 968. quibus adde septem priora capita *Decreti*, de Consecrat. dist. secunda. IV. Sequitur præterea, non esse Eucharistico pani miscendum oleum, uti admiscere Jacobitarum aliquos tradit Anonymus tom. 2. Auctarii Francisci Combesii pag. 265. τὴν ἐκ τῆς ἁγίας ἑλίας ἡτοιμασμένην, suamque oblationem oleo miscent. At hanc non esse consuetudinem Jacobitarum omnium, constat ex istorum historia edita a Sollerio num. 203. Idem asserendum de sale: de quo Albinus Flaccus Alcuinus epist. ad fratres Lugdunenses 69. aliàs 8. num. 3. de quibusdam Hispanicis inquit: *Audivimus quoque aliquos in illis partibus affirmare, sale esse in sacrificium corporis Christi mittendum; quam consuetudinem nec universalis observat Ecclesia, nec Romana custodit auctoritas*: atque ibidem post alia multa, recte Alcuinus notat, in veteri lege victimas sale perfrietas ob significationem futuræ rei, & abrogandorum sacrificiorum: sale autem non esse conspergendam Eucharistiam, quoniam in sepulcro non computruit Christi caro. V. Sequitur etiam intollerabilem esse abusum apud nonnullos Græcorum, *tundendi ac miscendi sacro oleo, & iterum coquendi vel aliàs exsiccandi species sacramenti Eucharistiæ ferri v. Cæna Domini, ut deinde illud afferrent*: quem proinde abusum omnino tollendum declararunt Romani Pontifices, Clemens VIII. anno 1595. & anno proximè elapso BENEDICTUS XIV. prælaudata Constitutione *super Ritibus Græcorum* §. vi. num. 3. quamquam Græci non oblatæ consecrandæ, sed jam consecratæ permisceant oleum. VI. Tandem istud infertur, non esse Eucharistiæ materiam, *farinæ pastam, quæ non panis dicitur, sed intritum*; permixtionem verò alterius frumenti cum farina triticea, nisi hanc superet quantitate, propter mutationem materiæ tantum accidentariam, non officere consecrationi, ut rectè S. Thomas citato articulo ad 3.

THESES III.

Est valida Eucharistiæ materia panis triticeus, cujusvis quantitatis, dummodo sit præsens, atque sensibilis. Constat enim ex propositione IV. præcedentis capitis, non haberi ex disciplina priorum sæculorum determinatam Panis consecrandi quantitatem, atque ex antiqua disciplina, quam septimo sæculo commendavit Synodus Toletana, & sæculo ix. sanctus Eldefonsus retinendas hostias circularis figuræ, & quantitatis exiguæ, quamvis ex recentioribus Theologis cele-

celeberrimi, Juenin q. 2. de Euch. cap. 1. art. 3. Cardinalis Gotti q. i. dub. 3. num. 3. Tournelius art. 1v. q. 4. concl. 1. & quidam alii scribant, ad tenuissimam hanc formam redactas oblatas labente sæculo xi. Quod alia non eget confutatione. Fatemur tamen olim ex eodem pane consecrato, fractoque desumptas particulas pro laicorum communione, unde etiamnum minores hostiæ *particula* dicuntur, ideoque consecratos aliquando panes amplioris quantitatis. Non est ergo, cur nobis hac in re succenseat cum Novatoribus aliis Joannes Gerardus Vossius in disputatione de sacræ Cœnæ Dominicæ Symbolis thesi 2. opponens testimonia Bernoldi presbyteri Constantiensis, & Cassandri in Liturg. cap. 27. cum testes producamus alios majores ætate, celebriores doctrina, atque sanctimonia præstantiores. Miramur quoque eadem cum Vossio objectare citato in loco Tournelium, virum alioqui narium emunctarum. II. Quoniam major, aut minor quantitas non immutat substantiam panis, tenetur tamen, quisque Sacerdos servare Ecclesiæ suæ disciplinam; duo nobis videntur esse certissima: unum non obesse consecrationi magnam quantitatem; alterum verò, impiè se gerere, quisquis recedit ab Ecclesiæ consuetudine, & nefarii sacrilegii esse reum, si talem materiam consecrat, quæ nequeat absumi, priusquam computrescat. III. Non defunt tamen, qui negent posse a sacerdote consecrari quancumque panis quantitatem, puta quam adinvoniret in foro; primum quia, Eucharistia instituta est ad usum sacrum, ideoque in ea requiritur moralis usus: secundo quia consecrari nequit massa panis cruda, & consequenter nec prodigiosa materia: tertio quia consecrare totum panem existentem in foro, aut vinum in apotheca, res est omnino indecora: quarto demum quia potestas collata est Sacerdoti ad usum, non ad abusum. Quæ argumenta urget Franciscus Macedo lib. 1v. de Clavibus Petri, cap. 1v. pag. 279. laudans sanctum Bonaventuram dist. 10. art. 3. q. 2. S. Thomam in Opusculo 59. cap. 5. & quosdam alios antiquorum Scholasticorum. Oppositum tamen tenendum est, neque enim sive abusus, sive perversitas finis tollit veritatem sacramenti, dummodo adsint cetera, quibus perficitur, materia, forma, & intentio: nec major, aut minor quantitas, prout nuper advertimus, inducit substantialem materiæ immutationem. Sanctus autem Thomas Opusc. 59. illam quidem opinionem recitat, sed non approbat: ac tertia p. q. 74. art. 2. definit, nullam esse panis, aut vini quantitatem adeo magnam, *quæ consecrari non possit*, nec opus esse ut quantitas ipsa determinata sit ad usum fidelium, *qui nunc occurrunt*, sed ad usum fidelium *absolute*; alioquin, ait, nec Sacerdos habens paucos parochianos posset consecrare multas hostias. Quidam vero ex antiquis Scholasticis tradentes oppositum, explicari possunt de licita, non de valida consecratione: ipse denique Macedo profi-

tetur

tetur se opinionis illius adstruere probabilitatem, *disputationis* duntaxat *gratia*, & concludit tenendam sententiam, quam sanctus Thomas tradit in Summa. At prolixè disputat de hac quæstione Disp. IV. sect. 6. Joannes Cardinalis de Lugo. IV. De *præsentiâ materia* subscribunt Theologi omnes D. Thomæ in IV. dist. 11. q. 2. art. 1. quæst. 3. asserenti, quod consecrari valeat *quantacunque quantitas panis & vini, quæ coram sacerdote proponitur*: eademque præsentiâ requiri *patet ex forma sacramenti tam corporis, quam calicis, in qua prænomen est rei præsentis demonstrativum*, ut rectè ratiocinatur Estius dist. VII. §. 6. Atque hinc sequitur non consecrari *materiam* post parietem, aut a tergo sacerdotis positam, bene tamen consecrari ante sacerdotem ipsum constitutam, etiam si cooperta sit velo, atque etiam si Pixis continens *particulas* pro communione fidelium non aperiatur; dummodo præcesserit intentio consecrandi quicquid materiæ sit præsens. Ad præsentiâ quippe moralem necessum non est, ut materia tota oculis conspiciatur, alioqui nec *particula* sub aliis latitantes, Pixide aperta, consecrarentur, ut P. IV. de Sacrific. Missæ sect. 2. num. 153. docet Theologorum, & Antistitum culmen BENEDICTUS XIV. productis aliorum Doctorum testimoniis. Quæ utique de consecratione valida, non de licita, quæ omnem postulat diligentiam, dicta sunt.

THESIS IV.

Imperitè quidam Græcorum vitio vertant Romanæ Ecclesiæ quod consecret in azymo, & id perperam producant tanquam unam ex causis separationis, & schismatis sui. Multis quippe demonstratum est, stare pro consuetudine Romanæ Ecclesiæ institutionem Christi, & vetustam, atque perpetuam ritus, quem Latini observant, disciplinam, & a Græcis nugacitates potius, quam solidas rationationes opponi. II. Nil ex antiquis Patribus, etiam Græcis, infertur, nisi ad sacrificium *panem* requiri, nec illorum quispiam ait necessarium exigi fermentatum: immo Chrysostomus docet Dominum antequam pateretur comedisse *Pascha legale*, tametsi alicubi innuit Judæorum aliquos livore in Christum percitos definitam diem in proximam commutasse. Theodoretus quoque in Daniele prophetam scribit, *Panis dicitur fermentatus & azymus*: quod Græcis objicit Auctor Explanationis definitionum Synodi Florentinæ, pagina 92. *Και οὐδὲν ἔστιν ἐκ τῶν ἐνέχυρων τῶ ἀρχαίων Δογματῶν λέγειν ἄρτος λέγεται καὶ ἐ ζυμῆτος καὶ ἐ ἄζυμος*. Id verò nos pluribus scripturæ locis supra confirmavimus. III. Quamvis Romana Ecclesia ab Apostolicis temporibus consecraverit azymum, nullus tamen Græcorum ante undecimum sæculum id nobis ad fovendum schisma ausus est objicere, nec ipse pestilens

silentissimus Photius, discrepantiam rituum non improbens : atque hinc merito Leo IX. epistola ad Michaellem Cerularium, conscripta, anno MLIV. mense Januario, *Illud autem (inquit) quis non stupefaciat, quod post tot sanctos, & Orthodoxos Patres per mille & viginti a passione Salvatoris annos novus calumniator Ecclesia Latinorum, emerisisti, publicam persecutionem excitans, & anatbematizans omnes, quicumque participes erunt sacramentorum ex azymis?* IV. Dam-natis in sexta Synodo Monotheletis, Joannes Portuensis Episcopus in Dominica octava Paschæ Constantinopoli, ac in templo sanctæ Sophiæ Latino ritu celebravit in azymis, Græcis omnibus astantibus cum Imperatore Constantino Heraclio, & Georgio regiæ urbis præfule, iisdem Græcis Latinum Sacrificii ritum summopere commendantibus : atque hæc non solum ex Romanis Archivis adversus Nicetam Pectoratum produxit Humbertus, sed etiam litteris consignavit Hilarion Græcus Monachus, de quo Volum. 3. pag. 695. eximius Lupus. V. Falluntur præterea, qui arbitrantur solam Romanam Ecclesiam azymum consecrare : eundem enim ritum a priscis temporibus observasse Ecclesiam Jerosolymitanam affirmat prælaudatus Humbertus, confirmatque Lupus pag. 717. admodum probabili conjectura. Antiquos Maronitas usos fuisse azymis demonstrat Abraham Ekelensis apud Joannem Morinum de Sacris Ordinat. parte 2. pag. 383. tametsi plerumque sequantur alias Græcorum consuetudines. Armenios uti azymis haud negant Græci : quod non accepisse ab Eutychnianis inde constat, quod Joannes Philoponus & ipse Eutychnianus probaverit usum fermentati. Nobiscum etiam convenire Mozarabes, idest, Gothos in Hispania degentes, advertit cap. 1v. disert. de Azymo eruditissimus Mabillonius. Idem scribit de Indis Caranganoram incolentibus Joseph Indus Navigat. in novo Orbe cap. 134. apud Martenium lib. 1. cap. 3. art. 7. num. 22. Vide etiam Notas uberiore Richardi Simonis in Apologiam Gabrielis Severi, num. vi. pag. 87. ac sequentibus, ubi plura extant notatu digna.

T H E S I S V.

Si ratione pugnandum foret, facile Latini commonstrarent majorem sui ritus convenientiam : sed in hoc sunt Græcis prudentiores, quoniam eos, qui consecrant fermentatum, non damnant, ineptisque calumnias summa caritate repellunt. Et quidem pro convenientia ritus sui possunt Latini proferre primo Christi Domini exemplum : deinde vetustissimam disciplinam : post hac azymi panis, qui rarius efficitur mucidus, nec tumidus aut cavernosus est, ut fermentatus, nitorem, atque aptitudinem : præterea ejusdem azymi significationem, denotat quippe azymus, teste Apostolo 1. ad Corinth. v. 8. *sinceritatem* & ve-

Et veritatem, & insuper Christi carnem absque virili commixtione progenitam : contraria insuper symbola fermentati, quo apud Amos 1v. 5. designantur polluta sacrificia, Matth. xvi. 11. tumor & hypocrisis Phariseorum, præcitata Paulina Epistola genus omne *malitia*; & vix in uno Evangelii loco in bonum sensum excipitur, ubi regnum cælorum dicitur. fermento simile. Vide Responsonem primam Cardinalis Humberti tom. xi. Annal. Eccles. Baronii pag. 771. Ut addamus nos aliqua ex eruditione profana, accipiunt veteres Grammatici *fermentum* pro indignatione, perturbatisque animi affectibus: atque ita Grangæus interpretatur illud Juvenalis Satyra 3. *Accipe Et istud fermentum tibi habe*: & de muliere irata Olympio Villicus apud Plautum in Casina,

Nunc in fermento tota est, ita target mibi.

Fermentum enim a fervendo dictum est, quasi *fervimentum*; unde & Hebræi *בָּאֵז* *bazaz*, quod est *fermentare*, interdum accipiunt pro *turgere ira*. Possimus denique reponere calumniantibus Græcis, Romanam Ecclesiam fundatam per primos Apostolorum in summo angulari lapide nunquam Judaicis fabulis, aut apocryphis scripturis acquievisse; Græcam vero, posteaquam illam corripuit Arrius, profuitit Macedonius, ipsaque Nestorium, Eutychen, Monothelitas, pluraque alia viperarum genimina non tantum peperit, sed etiam aluit, ac tandem adversus Petri Cathedram caput extulit, dogmatum pravitate, & novitatibus plurimis esse viciatam. Sed quoniam toleranda sunt quæ pertinent ad solam disciplinam ritumque discrimen; suum permittimus Græcis fermentatum, ritum non reprehendimus, & veneramur sacrificia, hæreses duntaxat, & nefarium schisma damnantes. Jure itaque meritoque Barlaamus Monachus Calaber apud Joannem Cantacuzenum lib. 2. Hist. cap. 40. invitans Græcos ad unionem, prætextam hanc separationis causam propulsat, & quamvis Græcis addiçtus, istud de nobis judicium profert: *Latinos verò in tantum prudentiores existimo quod illi quidem minime boissiam de fermentato vituperant, sed similiter venerantur. Revera nunquam Romani Pontifices reprobarunt Græcorum consuetudinem: sed Gregorius VII. ad Synnadensem Archiepiscopum scripsit: Et illi quidem, (Græci) suum fermentatum commendantes, reprehensionis in nos levissima verba contumaciter jaculari non desinant. Nos verò azymum nostrum inexpugnabili secundum Dominum ratione defendentes, ipsorum fermentum nec vituperamus, nec reprobamus. Gregorius IX. in litteris ad Germanum Archiepiscopum Constantinopolit. ait in fermentato corpus Dominicum ante resurrectionem, idest, passibile representari, azymum vero esse sacramentum glorificati corporis. Clemens VII. in Bulla Provisionis nostræ, prohibuit Latinis ne ullatenus reprobare præsumant ritus, & ceremonias Græcorum*

in Concilio Florentino, vel alias approbatas. BENEDICTUS XIV. quod prius docuerat Not. 162. in Feriam v. M. Hebdomadæ, confirmavit solemnī Constitut. *Essi Pastoralis*. Ita nimirum Apostolici memoros documentī, 1. ad Corinth. IV. 12. *Maledicimur, & benedicimus: persecutionem patimur, & sustinemus: blasphemamur, & obsecramus.*

THESES VI.

Falluntur, qui censent Græcis apud Latinos commorantibus, aut peregrinantibus fas esse consecrare azymum, & e contra Latinis apud Græcos fermentatum. Sunt in ea sententia Diana Refolut. 99. Miscellan. Naldus v. *sacerdos*, num. 4. Macedo de Clavib. Petri lib. IV. cap. 5. & Henno de Euch. quæst. 2. concl. 2. qui ad hoc demonstrandum utuntur communi proloquio, *Cum fueris Romæ, Romano vivito more*, atque Epistola Augustini ad Bonifacium 54. aliàs 118. ubi traditur servandam esse Ecclesiarum, ad quas proficiscimur, consuetudinem. Sed aliud de ritu sacrificii, quem fideles omnes norunt apud utramque Ecclesiam esse diversum, & ad quem servandum sacerdotes sacramento Ordinis initiantur, aliud asserendum est de variabili consuetudine, cujusmodi sunt festi dies, & jejunium sabbati, de quo in illa Epistola Ambrosius atque Augustinus. Hinc BENEDICTUS XIV. Constitut. super Ritibus Græcorum §. 1x. præcipit, ut Italo-Græci servant Kalendarium Gregorianum, festos dies, quadragesimale jejunium, & quæcumque a fidelibus in diæcesi, ubi habitant, universim, & sine ullo personarum ac rituum discrimine, juxta sacros canones servanda sunt, consuetudines nempe, de quibus Augustiniana Epistola, & pervulgatum Catonis proloquium: sed de sacrificii ritu §. vi. num. 10. aliter idem Pontifex, eademque Constitut. §. vi. num. 10. his verbis thesim nostram definit: *Cum in sacro Generali Florentino Concilio præscriptum sit, ut unusquisque sacerdos Eucharistiam juxta Ecclesiæ suæ ritum sive Latinæ, sive Græcæ in azymo, seu fermentato conficere debeat, vestitumque a summis Romanis Pontificibus Prædecessoribus nostris ne Latini Sacerdos Græco ritu, aut Græcus Latino utatur, districte inibemus, etiam sub penis perpetuæ suspensionis a divinis, ne presbyteri Græci Latino more, & Latini Græco ritu, sub quovis licentiarum & facultatum Missas, & alia divina officia Græci Latino more, & Latini Græco ritu celebrandi ab Apostolica Sede, vel ejus Legatis, ac etiam majori Pœnitentiario pro tempore existente obtentaram prætextu, Missas, & alia divina officia celebrare, vel celebrari facere præsumant.* Vide Florentinum Concil. in Bulla unionis, & S. Pii V. Constit. *Providentia Romani Pontificis* emanatam anno 1566. xiii. Kal. Septembris.

CA.

C A P U T VI.

De materia consecrationis calicis, idest, de vino.

PRAETER panem, vinum quoque consecramus, & istud modica aqua permixtum. Dicturi itaque de hac *materia*, inquiremus priori loco an vinum tantummodo consecrandum sit; deinde num vino sit modicum aquæ admiscendum, postmodum an etiam aqua in Christi sanguinem convertatur, tandem an hæc conversio *immediate* fiat, an aqua prius transeat in vini, cui admiscetur, naturam.

PROP. I. Vinum divinæ, ac ineffabilis Eucharistiæ *materia* est; nec vini loco substitui potest aqua, sive alius liquor, etiamsi communi usu deserviat ad potum.

Habet duas partes hæc thesis, & pars prima damnat errorem illorum, qui in sacris mysteriis aqua sola utebantur, *Aquarii* propterea dicti, sive *Hydroparastatæ*. Sunt hi Ebionæi supra commemorati, de quibus Epiphanius Hær. xxx. num. 16. scribit, *Ad alteram mysterii partem meram aquam addibent*. Similia Irenæus lib. v. adversus Hæres. cap. 1. num. 3. Accedunt Tatiani gregales, dicti *Encratiætæ* quod nec vinum biberent, & *Hydroparastatæ* quod aquam pro vino offerrent, ut inquit Theodoretus lib. 1. H. Fab. cap. 20. pag. 208. De his etiam Epiphanius H. xlv. 1. 3. Nicetas Choniates lib. iv. Thesauri Orth. Fid. cap. 14. eundem errorem tribuit Marcionitis. Adhæserunt his Manichæi, quos exagitat ferm. 1v. de Quadrag. S. Leo Magnus. De *Aquariis* peculiarem sectam constituentibus, & hoc solo errore notatis, pertractant Philastrius hæresi lxxv. 1. & S. P. Augustinus H. lxiv. Ab his ergo diversi erant *Hydrotheistæ* & aquam a sacris mysteriis arcentes, & negantes illam a Deo fuisse creatam. Altera propositionis parte perstringimus Novatores, qui censent ubi vini usus non est, posse usurpari quidquid illic vini loco bibi solet, tamen adversus *Aquarios* fateantur retinenda esse, quando haberi possunt, *vulgaria symbola*: pro hac opinione pugnavit Theodorus Beza epist. 25. Philippus Melanchthon, qui libro de usu integro sacramenti ait Ruthenos ob vini inopiam recte facturos, si pro illo adhiberent *et id ipsum, aquam nempe mellitam*.

Itaque priorem partem demonstramus I. ex Christi institutione; Cœnæ siquidem accubens vinum illud Dominus consecravijt, quod Matth. xxvi. 29. appellat *γινῶμα τῆς ἀμπέλου*, *genimen vitis*. II. ex sacerdotio Christi, quod dici *ratione rerum oblatarum*, idest, panis & vini, *secundum ordinem Melchisedech*, ostendimus libro xxvi. 1. cap. 7. propositione tertia. III. ex definitionibus Conciliorum, nam Concilium 111. Carthagin. can. 24. statuit, *Ut in sacramento corporis*

vis, & sanguinis Domini nihil ampliꝯ offeratur, quàm quod ipse Dominus tradidit, hoc est panis, & vinum aqua mixtum: ac Florentinum in Instruēt. Armeniorum, Tertium, inquit, est Eucharistia sacramentum, cujus materia est panis triticeus, & vinum de vite, cui ante consecrationem aqua modicissima admisceri debet. IV. ex universali Ecclesiæ consuetudine, cujus testis est Augustinus scribens de Aquariis, Aquam offerunt in poculo Sacramenti, non illud, quod omnis Ecclesia. V. ex perpetua traditione Patrum, quorum aliqua testimonia producam propositione 2.

Alteram verò partem, idest, quod nequeat pro vino consecrari aqua, sive alterius generis liquor, inde probamus, quod nulli fas sit immutare *materiam* sacramentorum a Domino præstitutam. Quare jure optimo Bellarminus de Melancthone scribit lib. 1v. de Euch. cap. 24. *Quis dedit Philippo auctoritatem mutandi sacramentorum materiam?* Non enim aliam possumus consecrare *materiam* præter illam, quam Dominus perscripsit, ac tradidit: unde Chrysostomus hom. 83. in Matth. pag. 700. ait: *Cujus rei gratia non aquam, sed vinum? Perniciosam quamdam hæresim radicatus evelle-re voluit eorum, qui aqua in mysteriis utuntur.* De iisdem *Aquariis* scribit Clemens Alexandrinus lib. 1. Strom. pag. 317. *eos relinquere Ecclesiam, & versari in hæresibus, qui sola aqua utuntur, in Eucharistia.* Eisdem non recipi a Deo *ad commixtionem suam*, scribit citato lib. 1v. adversus hæreses, cap. 1. sanctus Irenæus. De Encratitis Epiphanius citato in loco 401. *Illorum mysteria*, inquit, *quæ aqua solummodo constant, mysteria non sunt, sed ficta atque fallacia, verorum ad imaginem expressa. In quo plenissime illos Salvatoris sententia redarguit, Non bibam de hoc genimine vitis, donec bibam illud novum in regno cælorum vobiscum.* S. Cyprianus Epistola 63. ad Cæcili-um ait *plebem esse sine Christo*, ubi aqua, non vinum offertur. Vide canonem xxxii. Trullanum, & in illum Commentaria Lupi to. 2. p. 919.

Opponebant Aquarii: De credente in Christum legimus Joannis v 11. 38. *Flumina de ventre ejus fluent aquæ vivæ*; quibus verbis *materia* incruenti sacrificii nobis significatur. Sed argumentum istud elumbe est, fractum, infirmissimum, nullum. Nam si hæc verba ad *materiam* sacramenti alicujus velimus referre, ad baptismi quidem elementum, non ad calicem Domini pertinebunt, ut animadvertit laudata Epist. ad Cæcili-um pag. 227. edit. novissimæ S. Martyr Cyprianus. Si autem ea Joannis verba accipiamus *de Spiritu, quem accepturi erant credentes in Christum*, prout ibidem innuit Evangelista versu 39. explicatque Augustinus Tract. xxxi. in Joannem num. 2. nimirum de gratia novi Testamenti, aquæ comparata If. xliv. 3. & Ezechiel. xxxvi. 25. nullum inde peti argumentum potest pro deter-minanda alicujus sacramenti *materia*.

PROP.

PROP. II. Vino confecrando modicum naturalis aquæ perantiqua traditione, & Ecclefiæ præcepto debet infundi.

Refutamus hac thefi errorem Armeniorum, qui vinum merum confecrandum effe arbitrabantur, decepti falſa interpretatione teſtimonii S. Joannis Chryſoſtomi paulo ſupra producti. Tribuunt eundem errorem Græcis Innoc. III. lib. IV. de Myſt. Miſſæ cap. 32. Scotus, & Durandus in IV. diſt. XI. ſecuti eadem diſt. Magiſtrum, Durandus Mimatensis lib. IV. Rationalis ſui, cap. 42. Ac de Armeniis id conſtat ex Florentino Concilio, ex Trullano, ex Theophylacto in cap. XIX. Joannis, aliſque. At de Græcis lapſus eſt Magiſter, & qui ex illo exſcripſerunt, niſi forte Græcos acceperint indiſcriminatim pro Orientalibus, inter quos connumerantur Armenii. Novatores autem fatentur verifiſimile eſſe, quod Chriſtus vinum miſcuerit, nec diſſidentur Eccleſiam veterem uſam fuiſſe vino mixto: agnoſcunt etiam hanc mixtionem exponi a Patribus allegorice; ſed contendunt rem eſſe *adiaphoram*, vetuſtamque conſuetudinem his temporibus non præſcribere, & poſteaquam rite miſcendi tanquam neceſſarius haberi cœpit, prudenter merum præferri, ut ſuam in talibus oſtendant libertatem. Plura de his Voſſius diſput. XXI. quæ eſt IV. de ſacræ menſæ Dominicæ ſymbolis, theſi 8. Adverſus itaque Armeniorum, ac Proteſtantium errorem ita propoſitionem demonſtramus.

Concilia, Patres, Rituales libri, atque ipſa ratio ſuadent in confecranda Euchariftia adhibendum eſſe *vinum permixtum aqua*, & id non inter adiaphora enumeratur, ſed inter ritus Eccleſiaſtico præcepto ſervandos. Errabant ergo Armenii confecrantes merum, & modo errant hæretici aſſerentes hujusmodi ritui Eccleſiam non aligari. Probatur antec. definitione Conciliorum. Etenim canone 32. Concilii Quiniſexti, ſeu Trullani celebrati anno 692. ſic ſtatuitur: *Si quis ergo Episcopos, vel presbyter non ſecundum ordinem ab Apoſtoliſ traditum facit, & aquam vino miſcens, ſic immaculatum offert ſacrificium, deponatur ut imperſectū myſterium enuntians, & quæ tradita ſunt innovans*: Gaſpar Juenin q. 2. de Euch. cap. 2. art. 2. §. 2. Cardinalis Gotti q. 1. dubit. 7. §. 1. & quidam alii addunt particulam *Non*, ita legentes, *Aquam vino non miſcens*; ſed falluntur, quoniam hæc verba referenda ſunt ad præcedentia, ſecundum ordinem ab Apoſtoli� traditum, non ad conſequentia, ſic immaculatum offert ſacrificium; eſt enim in Græco abſque particula negante, tom. VI. Concil. pag. 1158. & *ὅπου ἐν τοῦ μύρου, Et aquam vino miſcens*. De hoc Trullano canone plura Lupus Volum. 2. pag. 920. Concilium Bracarenſe IV. anno 675. canone 2. ait: *Cilix Dominicus vino, & aqua permixtus debet offerri*; ac pariter Carthagenſe 111. jam ab anno 397. can. 24. *Ut in ſacramento corporis & ſanguinis Domini*

amplius offeratur, quem ipse Dominus tradidit, hoc est, panem, & vinum aqua mixtum. Florentini paullo supra recitata sunt verba: Idem decernit Tridentinum sess. 22. cap. 7. cujus verba etiam rationibus confirmata producam infra. Prætermitto cap. *In sacramentorum oblationibus*, cap. *Non oportet*, & cap. *Cum omne crimen*, de Consecrat. dist. 2. & addam tantummodo canonem Sanctorum citatum ab Egberto Archiepiscopo Eboracensi in Excerptis cap. 98. *Sacerdotes Dei diligenter semper procurent, ut panis & vinum & aqua, sine quibus nequaquam Missæ celebrantur, pura & munda fiant.* II. Idem probatur ex Patribus: Ac primo Iustinus Martyr Apolog. 2. pag. 97. commemorans oblationes, ex quibus consecrabatur Eucharistia, Deinde (inquit) *ei, qui fratribus præest, offertur panis, & poculum aquæ & vini, ἡτοιμασμένον τῷ ὁπορώτι ᾧ ἀδελφῶν ἄνευ ἡ ποτιζομένων ἰδαίνε καὶ κρέματος*, & proxima pag. 98. *Panis offertur, & vinum & aqua, ἅπτεσσι ὁποσιπταῖσι, καὶ οἷος καὶ ἰδαίνε.* Irenæus libro 1v. adversus H. cap. 57. & ex distinct. Massueti 33. num. 2. ait: *Accipiens Dominus panem suum esse corpus confitebatur, & temperamentum calicis suum sanguinem confirmavit.* In quem locum Renatus Massuet pag. 270. *Temperamentum calicis mixtum calicem vocat lib. v. cap. 2. num. 3. quia ex Traditione Apostolica, perpetuoque Ecclesie usque, vinum consecrandum aqua miscetur.* Verba Irenæi postremo hoc in loco sunt ista: *Quando ergo & mixtus calix, & factus panis percipit verbum Dei, & fit Eucharistia, Οὐκ ἔστι ἡ τὸ παρασκευασμένον ποτιζομένη, καὶ ὁ γινώσκων ἅπτεσσι ἐπιτίθεται τὸ λεγόν τῷ Θεῷ, ἡ γίνεσθαι ἡ εὐχαριστία.* Ubi male quidam legunt, *Factus panis*, ut liquet ex Græco. S. Cyprianus Epist. 2xiii. ad Cæciliū ait: *Invenimus calicem mixtum fuisse, quem Dominus obtulit.* Et infra: *Quando autem in calice vino aqua miscetur, Christo populus adunatur, & credentium plebs ei, in quem credidit, copulatur & conjungitur. Quæ copulatio, & conjunctio aquæ & vini sic miscetur in calice Domini, ut commixtio illa non possit ab invicem separari; paucisque interjectis: Sic autem in sanctificando calice Domini offerri aqua sola non potest, quomodo nec vinum solum potest; nam si vinum tantum quis offerat, sanguis Christi incipit esse sine nobis: si verò aqua sit sola, plebs incipit esse sine Christo. Quando autem atrumque miscetur, & adunatione confusa sibi invicem copulatur, tunc sacramentum spiritale & celeste perficitur.* Ambrosius de Sacram. lib. 1v. cap. 4. num. 19. ait: *Ergo didicisti quod ex pane corpus fiat Christi, & quod vinum & aqua in calicem mittitur; sed fit sanguis consecratione verbi celestis.* S. P. Augustinus lib. 1v. de Doctr. Christiana cap. 21. num. 45. de præcitata Cypriani ad Cæciliū Epistola, *Solvitur, inquit, ibi quæstio, in qua quaritur, utrum calix Dominicus aquam solum, an eam vino mixtam debeat habere: & Tract. cxx. in Joannem num. 2. de aqua*
e Chri-

e Christi latere fluente, *Aqua illa salutare temperat poculum*. III. Constat eadem veritas ex antiquis Ecclesiæ ritibus. Miscendam quippe vino aquam probat Auctor Constit. Apostolicarum lib. viii. cap. 12. pag. 402. ex Liturgia Jacobi, quam etiam si nonnulli putent supposititiam, eam tamen genuinam esse demonstrat Græcorum omnium consensus, canon tricesimus secundus Trullanæ Synodi, & monumenta alia producta ab Allatio in Symmichitis pag. 176. & laudatis a BENEDICTO XIV. de Sacrific. Missæ P. iv. sect. 1. num. 90. Ac si etiam illa foret apocrypha; præberet tamen antiquorum rituum argumenta perspicua. Quod de Liturgia Marco attributa eodem jure affirmamus, nam & in ista commemoratur vini & aquæ commixtio. Eadem præcipitur in Ritu antiquo celebrandæ Missæ, qui extat in Appendice ad Sacramentarium Gregorii Magni tom. 111. novæ edit. pag. 295. in Capitulari Attonis Episcopi Vercellensis, & Theodulphi Aurelianensis, tom. 1. pag. 322. Opcris Martenii de Antiquis Ritibus, & fatentibus hæreticis aliis cum Vossio præcitata thesi viii. pag. 441. apud scriptores innumeros. Ab his vero alienæ non sunt Orientales Ecclesiæ: Græci enim frigidam immiscent vino ante consecrationem, & calidam aquam paullo post consecrationem ipsam, quod Græcolatinis in sæpe laudata BENEDICTI XIV. Constitutione ob ritus antiquitatem permittitur. Et quidem illius mixtionis meminerunt Liturgiæ SS. Basilii, & Joannis Chrysostomi, Gregorius Nissenus Orat. Catechetica cap. 37. Theodoretus Dialogo primo, qui inscribitur *Immutabilis*, pag. 17. Damascenus lib. iv. cap. 14. Proclus de Traditione divinæ Liturgiæ, Nicephorus Callistus lib. xvi. cap. 53. alique a nostratibus, nec non ab ipso Vossio productis. His addo Græcos ægre ferre, quod aliqui incaute scripsere, sacram ab ipsis mixtionem omitti, unde Arcudius lib. 111. Concordiæ pag. 152. redarguit Guidonem Carmelitam, qui id asseruit in Catalogo hæreticorum, aliosque nonnullos: & Gabriel Philadelphiensis in opusculo de Sacram. pag. 62. *Verum (ait) quidam sunt, qui ab hominibus, quibus aliena calamitas affert lætitiā, decepti dicunt Græcos sancto calici aquam non admiscere secundum Ecclesiæ traditionem: quorum experientia (etenim accedant, & intueantur ea quæ sunt Liturgiæ) perverſam eorum mentem manifestè potest redarguere*. Vide & Missam Aethiopum tom. iv. Biblioth. PP. antiquioris edit. pag. 111. & Liturgiam Coptorum Jacobitarum apud Bolland. tom. v. Junii, num. 199. Appendicis Sollierii ad Patriarchas Alexandrinos.

Hujus mixtionis rationes his verbis profert Tridentina Synodus sess. 22. cap. 7. de Sacrificio Missæ: *Monet deinde sancta Synodus præceptum esse ab Ecclesia Sacerdotibus, ut aquam vino in calice offerendo miscerent; tum quod Christum Dominum ita fecisse credatur, tum etiam quia e latere ejus aqua simul cum sanguine exierit, quod sacram.*
To. VII. men-

mentum hac mixtione recolitur : & cum aqua in Apocalypsi B. Joānis populi dicantur , ipsius populi fidelis cum capite Christo unio representatur . Nituntur hæretici has rationes refellere : atque ad primam e Christi facto depromptam, ajunt non posse e scripturis probari, quod Dominus aqua vinum temperarit, ut fatetur Bellarminus lib. 1v. de Euch. cap. 9. Addunt Durandum in 1v. dist. 11. q. 5. existimasse congruentiam istam minus aptam, nec ex ea convinci necessariam esse mixtionem, ubi debiliora sunt vina. Ast ego e contra repono, non solam Scripturam servasse nobis rerum a Cristo gestarum notitiam, cum multa ipse fecerit, quæ in libris Evangeliorum scripta non sunt, ut capite postremo testatur Joannes. Præterea qui de ritibus Judaicis pertractarunt, docent *in cœna Paschali ita vinum temperandum fuisse aqua, ut nisi hanc admiscuissent, credidissent aliquid esse omissum in recta hujus ceremoniæ observatione*, quemadmodum ex Rab. Maimonide, aliisque demonstrat in libro de Ministerio Templi cap. 13. cap. 735. Joannes Lightfootus, & confirmatur ex Ritu celebrandæ Cœnæ Paschalis p. 2. Biblioth. Rabbiniçæ pag. 938. Ex quibus apparet falli Buxtorfium, qui in Historia sacre Cœnæ ait pro libito Judæos in ea cœna bibisse merum, vel aqua illud temperasse. Quamvis insuper non omnes Judæi ceremoniam illam servassent, ut gratis id concedamus Buxtorfio, servavit eam tamen Salvator, *quæ temperantia summæ se præbuit exemplum*, ut in Epistola ad Archiepiscopum Armenorum, & ad presbyteros Caphensis diocesis scripsit anno 1318. v. Kal. Aprilis Joannes XXII. Animadvertit præterea Lupus ad canonem 32. Trullanum pag. 923. *Calicem* apud Orientales designare vas, *in quo solent vinum ad potum misceri*: cui conjecturæ adminiculo est occurrens apud Evangelistas *potagium*, quod propriè non est *calix*, sed *poculum*. Demum Tridentina Synodus non ait aquam vino miscendam ob nimiam meraci vim, quam rationem vellicat Durandus; sed, *quod Christum Dominum ita fecisse creditur*, attendens exemplum Christi, non conditionem meri ex uvis Palæstinis expressi.

Rationem alteram, quam Tridentina Synodus petit ex aqua, quæ simul cum sanguine fluxit e Christi latere, ideo hæretici infirmam putant, quia necessum non est in sacramento usurpare quidquid in Passione Domini interfuit; & quia vetustiores concinnius dixerunt aqua baptismum, & sanguine Eucharistiam denotari. Sed hæc sunt, supra quam dici possit, puerilia, & inania. Neque enim nos aquæ mixtionem ita necessariam asserimus, ut sine illa sacramentum nullum fore arbitremur; imo nec aquæ admixtionem dicimus requiri ex divino mandato (quod tamen docuerunt nonnulli veterum,) sed ex præcepto Ecclesiastico rationabili ex causa servando. Etsi verò in aqua lateris Christi denotari baptismum scripserint veteres,

teres, idque nos ipsi tradiderimus tom. vi. pag. 70. non inde tamen consequitur, quin ejusdem aquæ symbolum ea referat, qua calix Dominicus temperatur. Etenim hujus rei gratia vino aquam admisceri, haud obfcure innuunt S. P. Augustinus præcitato Tract. cxx. in Joan. Theodulphus Aurelianensis Episcopus in Ordine Baptismi num. xvi. Walafridus, Micrologus, Paschasius, aliique plures tradentes rationem sacrorum mysteriorum. Quibus addimus caput, *In sacramentorum*, de Consecrat. dist. 2. desumptum ex Epistola Isidoriana Alexandri, & cap. *In calicem*, depromptum ex Ambrosio l.v. de Sacram. cap. 1. num. 4. necnon Liturgiam S. Joannis Chrysostomi, in qua, Erasmo interprete, legitur: *Ad infusionem vini dicit Sacerdos*, Et unus militum lancea latus ejus aperuit, & exivit sanguis; & addens aquam dicit, Et aqua.

Tertia ratio a Tridentino producta impugnatur a Vossio, quia licet per aquas interdum significetur populus, id tamen satis non est ad ritum aliquem adstruendum, cum symbolica, ut dici solet, Theologia non sit argumentativa; ideoque *ficulna*, inquit Vossius, *machera* pugnant veterum non pauci, ut Cæsarius, sive Eucherius, Paschasius, Rabanus, & alii, etiam Græcorum. At numquam a Vossio viro erudito, & gravi talia produisse dicerem, nisi ea legissem. Principio enim cum sacri ritus instituti potissimum fuerint *ob mysticam significationem*, ut ostendi lib. xxx. cap. 23. falsum est Theologiam symbolicam non sufficere, si hoc Ecclesiæ opportunum videatur, ad sacrum adstruendum ritum. Deinde non istud dantaxat symbolum Tridentina Synodus profert, sed etiam exemplum Christi, cui accedit traditio universa, & consensus Ecclesiarum. Postremo non ii tantum, quos laudat Vossius, rationem illam probarunt, verum etiam S. Cyprianus præcitata ad Cæciliū Epistola pag. novæ edit. 229. antiquus Ritus celebrandæ Missæ editus post Sacramentarium Gregorii cum notis Menardi, Theodulphus citato num. 18. in Ordine Baptismi, & cum Theologis universis S. Thomas 3. p. quest. 74. art. 6. ubi & aliæ duæ rationes Tridentini Concilii producantur & illustrantur. De his Hildebertus Turonensis Episcopus Tom. xxi. Bibl. PP. pag. 164. canebat:

*Admixtum vino laticem miraris, at ipsum
Grande sacramentum est, nec ratione vacat:
Unda fluens, homo prateriens: ea mixta Lyao,
Est Christo Christi sanguine junctus homo.
Dividit unitos vel aquam, vel vina ministrans,
Et caput a membris separat ipse suis.
Præterea nil fons sine sanguine, nil sine fonte
Sanguis: utramque simul saluat, utrunque sacrat.
Cum rimaretur pendens viscera Christi*

*Lancea, manavit sanguis, & unda simul.
Sicut utrumque simul fluxit, simul offer utrumque:
Unum deme, Crucis non imitaris opus.*

Armenii opponerant verba Chrysostomi hom. 83. in Matth. de quibus supra prop. 1. & Novatores jactant Ecclesiarum libertatem; sed Chrysostomus loquitur adversus Aquarios, ut recte adnotatur in canone 32. Trullano. Adversus vero jactatam a Novatoribus in observatione sacrorum rituum libertatem, plura scripsimus lib. xxx. cap. 23. proposit. 2. Hæreticorum quidam reponunt reprobatum fuisse ritum Romanæ Ecclesiæ a Concilio Aurelianensi 1v. celebrato juxta Baronium, ac Binium an. 545. seu potius an. 541. cujus canon quartus in antiquis editionibus sic legitur: *Ut nullus in oblationibus facri calicis, nisi quod fructu vineæ speratur, & hoc sine aqua mixtum offerre presumat.* Sed legendum est, *Et hoc aqua mixtum*, ut habetur in Collect. Labbei tom. v. pag. 382. Quomodo enim potest vinum esse *mixtum*, & sine aqua? Ipsemet Gerardus Vossius in vetustis editionibus agnoscit mendum, ingenue scribens: *Sed quando cogito quam antiqua, & ubique recepta hæc consuetudo fuerit miscendi vinum, non possum in animum inducere, ut contrarium statuerius Aurelianenses: præsertim cum nemo veterum hujus rei meminisset.* Deinde ait pro *sine* legendum *nisi*, partim quia facile peccari potuit litterularum duarum traiectione; partim quia eadem particula antecesserat, nec forte repetendam judicavit amanuensis. Hac autem conjectura admissa, puto nihil modo in hac questione superesse difficultatis.

PROP. III. Aquæ cum vino commixtio non est de necessitate sacramenti, sed tantum præcepti, & præcepti quidem Ecclesiastici, non divini.

Demonstratur pars prior, quoniam materia consecrationis calicis appellatur in Evangelio *genimen vitis*: hujusmodi autem est vinum, quamvis nulla aqua dilutum. Vide quæ diximus proposit. 1. adversus Aquarios. Deinde Cyprianus prælaudata ad Cæcilium Epistola ait, esse *sanguinem Christi*, si vinum sine aqua consecratum sit. In eadem Epistola ait Cyprianus, veniam concedendam simplicitati eorum, qui ignoranter aquam vino non miscuerant, quod sane non existimasset veniale tantum, & condonandum simplicitati presbyterorum, si absque mixtione aquæ non consisteret sacramentum, inquit Estius dist. viii. §. 10. Præterea sine aquæ temperamento species vini sunt symbolum sanguinis Christi, qui & sub vini accidentibus vere existit, quemadmodum ait sess. xiii. cap. 3. Synodus Tridentina: immo permixtione peracta species aquæ, cui insit sacramenti ratio, nequaquam apparet, ideoque vinum duntaxat pertinet ad sacramenti constitutionem. Postremo si quis post consecra-

crationem advertat se aquam vino non miscuisse, non debet consecrari to calici aquam infundere, ex Rubricis Missalis tit. *De defectu vini* num. 7. ideoque non spectat aqua ad materiam *essentialis*; aliàs post consecrationem foret apponenda, & consecranda; quemadmodum apponendum & consecrandum est vinum, si sacerdos *post verba consecrationis advertat vinum non fuisse positum, sed aquam*, ex eod. titulo, num. 4. Igitur necessitate sola præcepti aqua vinum Eucharisticum temperatur: atque hoc præceptum Ecclesiasticum esse constat ex propositione præcedenti: non esse divinum liquet, non enim ullum sive in Evangelio, sive in Apostolicis Epistolis extat præceptum de aqua vino admiscenda.

Oppones 1. Sanctus Cyprianus scribit perfici spiritale, & celeste sacramentum, quando utrumque, vinum scilicet, & aqua miscetur: addit non adunari Christo populum, si mixtio hæc omittatur; spectat ergo eadem mixtio ad sacramenti *substantiam*: adducit præterea comparisonem hanc: *Calix Domini non est aqua sola, aut vinum solum, nisi utrumque miscatur; quomodo corpus Domini nequit esse farina sola, aut aqua sola*: at farina sola valide non consecratur; ergo nec valide consecratur vinum sine aqua. Insuper dictum, supra, aquam vino permixtam gerere typum cruoris, qui profluxit ex aperto Domini latere: nisi ergo aqua calix temperetur, non erit illiusmodi typus, ac sacramentum.

Resp. non unum in Eucharistia symbolum reperiri; sunt enim ibi *species* panis & vini, quæ sunt signum corporis & sanguinis Domini, quatenus sunt cibus, & potus, sive spiritale animarum nostrarum nutrimentum: est utriusque *speciei* distinctio ac separatio, quæ est signum cruenti sacrificii, quo piissimus Iesus pro univerforum hominum redemptione profudit sanguinem; est denique aquæ, vinique permixtio, quæ Christi & fidelium significat unionem. Primum symbolum est de *essentia* sacramenti: alterum necessarium est ad sacrificium: tertium habet significationem effectus consequentis ex sumptione Eucharistiæ. Respondeo itaque perfici sacramentum quando vinum & aqua miscentur, quantum ad mysticam significationem unionis, & copulationis fidelium cum Christo, non vero quantum ad significandum continendumque corpus & sanguinem Domini sub *speciebus* panis & vini; quæ postrema ratio signi Eucharistiæ sacramento *essentialis* est. Eodem pacto dico, si desit aqua, tam in farina, quam in vino consecrando, deesse utrobique significationem mysticam illius unionis; atque id unum velle ea comparisonem Cyprianum: quamquam sit alia ex parte inter farinam, & vinum discrimen maximum; quia farina sine aqua non est *panis*, ideoque nec idonea sacramenti materia; quum e contra vinum absque permixtione aquæ *vinum* sit, communis potio, & valida proinde materies.

Con-

Consimili ratione affirmo, non esse de *essentia* sacramenti, (immo nec sacrificii,) significare aquam, quæ exiit de perforato Christi latere, cum nec ipsa aqua necessaria omnino fuerit ad passionem, & ad sacrificium crucis cruentum; quod intelligitur perfectum sanguinis effusione: hujus autem symbolum est consecratio alterius *speciei*, nempe vini, ad sacrificium utique necessaria.

Oppones 2. adversus secundam partem proposit. cum Vanroy cap. 2. q. 5. Diserte S. Cyprianus epist. 63. tradit, Christum aquâ calicem temperasse, & Apostolis præcepisse, ut idem facerent. Tertium quoque Carthaginense Concilium can. 24. mixtionem aquæ appellat *traditionem Dominicam*; nec invenimus quisnam Romanorum Pontificum primum de aqua miscenda vino præceptum tulerit. Eadem ergo mixtio est divini præcepti, non Ecclesiastici tantum.

Respondeo his argumentis solum evinci, quod institutio Ecclesiæ vetustissima sit, & Christi exemplo firmata. Non enim invictum est argumentum istud, Christus consecravit calicem aquâ temperatum, tradiditque Apostolis, ut idem facerent; ergo permixtio aquæ est de præcepto divino: quemadmodum nec istud, Christus consecravit panem azymum, & mandavit Apostolis, ut hoc facerent, ergo azymus ex divino præcepto consecrandus est. Distinguenda enim sunt quæ spectant ad sacramenti, vel sacrificii *substantiam*, ut panis triticeus, vinum, certa verborum prolatio; & quæ accidentaria sunt, ac pro loci, temporis, rituumque circumstantiis usurpata, ut quod cœna instituta sit Ierosolymis, facto vespere, existentibus tantum azymis, & calice vini aquâ temperati mensæ apposito. In Christi utique mandato, *Hoc facite in meam commemorationem*, intelliguntur præscripta ea, quæ sunt primi generis, non alia; quippe non ait, *Hoc facite, adhibito hoc tantum pane, vino sic temperato, servato hoc tempore*; sed tantummodo, *Hoc facite*, quod nempe a me factum cernitis, idest, *Consecrate panem, & vinum, comedite, distribuite*; refertur enim præceptum illud *Hoc facite* ad proxime peractam actionem, non ad singulas omnino, nec ad accidentarias actionis illius circumstantias. Hinc Cyprianus, & Synodus Carthaginensis, dum commemorant Dominicam *traditionem*, & inquirunt præcepisse Dominum, ut consecraretur vinum aqua permixtum, ita debent accipi, ut solum vinum sit de *essentia* Eucharistiæ: quod e scopo, verbisque eorumdem satis constat. Cyprianus enim loquitur contra illos, qui in sacrificiis matutinis solam aquam adhibebant, *ne per sporem vini redolerent sanguinem Christi*: eosque reprehendit, quia *sanguis Christi, non aqua est utique, sed vinum; & vini mentio ideo ponitur, ut Domini sanguis intelligatur*: atque id confirmat vetustis figuris Noe, qui vinum bibens inebriatus est, Melchisedech, qui obtulit panem, & vinum, & Ju-

dæ,

dæ, quem benedicens Jacob ait, *Lavabit in vino stolam suam*. In quibus profecto nulla mentio aquæ relucet. Postquam vero demonstravit ex traditione Dominica consecrandum esse vinum, & hoc duntaxat in antiquis figuris commendari ad significandum Christi sanguinem; pertransit Cyprianus ad exponendum aquæ mysterium, de quo paullo supra disseruimus. At Synodus Carthaginensis laudato in canone eos damnat, qui simul cum vino consecrabant *mel*, & *lac*, definiens hæc quidem benedicenda esse, sed non consecranda, *Nec amplius in sacrificiis offerendum, quam de uvis, & frumentis*. Non ergo eadem prorsus ratione referunt Cyprianus & Patres Carthaginensis tertiæ Synodi vinum & aquam ad Domini *traditionem*; sed unum præscribunt tanquam absolute necessarium, alterum commendant tanquam retinendum ex Christi exemplo, atque ob mysticam rei significationem. Primum ex Romanis Pontificibus mandasse ut in consecratione calicis admisceatur parum aquæ, Alexandrum, qui Pontifex creatus est an. 109. & juxta Baronium an. 121. scribunt quamplurimi: fatemur nos antea a Christo, & ab Apostolis id traditum, ut ostendit lib. 1. de Rebus Liturgicis §. 3. Eminentissimus Bona; non ita tamen, ut Christus id expresse præceperit faciendum, sed quia hoc Christus fecisse creditur, idem Apostoli servarunt exemplo Christi, & idcirco Ecclesia jure optimo custodiendum esse decrevit.

PROPOSITIO IV. Aqua calici infundi debet in modica quantitate.

Id simul Ecclesiæ praxi, definitione, & ratione probatur. In antiquo enim Ordine Romano apud illustrem Mabillonium, ubi agitur de Missa celebrata a summo Pontifice, habetur: *Post aqua benedictionem ponit cum coaleari tres guttas aqua*. Communis vero Ritus celebrandi Missam §. vii. num. 4. præcipit Sacerdoti, ut *parum aqua* infundat in calicem: & num. 9. de Subdiacono in Missa solemnè ministrante, *Infundit (inquit) paululum aqua in calicem*. Triburiense Concilium an. 895. can. 19. præcepit, ut saltem duæ partes sint vini, & aqua partem tertiam non excedat, hac producta ratione, quia major est majestas sanguinis Christi, quam fragilitas populi. Honorius III. in litteris ad Archiepiscopum Upsalensem in Svecia, perniciosum, & contrarium consuetudini universalis Ecclesiæ appellat abusum quorundam Septemprionalium, qui ob vini penuriam, in sacrificio ponebant *in majori quantitate de aqua, quam de vino*: ac postremo Eugenius IV. in Instruptione Armeniorum declarans materiam consecrationis esse panem triticeum & vinum de vite, addit: *Cui ante consecrationem aqua modicissima admisceri debet*. Ex his autem Catholicæ Ecclesiæ praxi, definitio, satisque obvia ratio depromitur.

Pro-

PROPOSTR. V. Etiam aqua vino permixta convertitur in Christi sanguinem.

Hæc assertio certa, & communis est. & juxta Baronium ad annum 1188. perpetua S. Romanæ Ecclesiæ fide corroboratur, quamquam Theologi bene multi negant hanc propositionem esse fide certam, propterea quod nullo divinæ Scripturæ testimonio, nullaque Conciliorum generalium definitione possit invictissimè demonstrari, & Innocentius III. Cap. *Cum Martia*, extra, de celebrat. Missar. *probabiliorem* quidem sententiam hanc appellaverit, non autem Catholica fide tenendam. Ut ut autem sit, pertineat scilicet ad Fidei decreta, vel non pertineat; hujus sententiæ firmitas apparet primò ex verbis consecrationis super vinum aqua temperatum prolatis, in quibus *absolute*, & absque ulla exceptione inquit Sacerdos, *Hic est enim calix sanguinis mei*, &c. ac statim quicquid in calice est, offert Deo, exhibetque populis adorandum: quod utique argumento est, aquam vino permixtam, simul cum ipso factam sanguinem. Idem præterea tradunt Patres; non ii tantum, qui scribunt Christum Dominum consecrassè calicem mixtum, aut vinum aqua temperatum: quorum nonnullos produximus paullo supra; verum etiam alii permulti, qui expresse pronuntiant, nil, præter Christi sanguinem in calice contineri, consecratione peracta. Quod profecto affirmat Irenæus lib. iv. cap. 33. num. 2. scribens: *Temperamentum calicis suum sanguinem confirmavit*. Ambrosius in iv. de Sacram. cap. 4. num. 19. Ergo didicisti quod ex pane corpus fiat Christi, & quod vinum & aqua in calicem mittitur, sed sit sanguis consecratione verbi celestis: quæ verba extant etiam cap. *Panis*, de Consecrat. dist. 2. Paschasius Rathertus in libro de Corpore & Sanguine Domini cap. 11. *Aqua consecratur*, inquit, *non quod aqua permaneat, sed vertitur in sanguinem*. Similia Theodoretus in priori Dialogo, Damascenus lib. iv. cap. 14. Hildebertus Cenomanensis, & Algerus Leodiensis: quorum verba, cum producta sint a Silvio in 3. p. quæst. 74. art. 8. & a recentioribus compluribus, brevitatis gratiâ prætermittam. Ad dam vero Anselmum Havelbergensem Episcopum, qui floruit eadem cum D. Bernardo ætate, & anno 1145. libros Dialogorum nuncupavit Eugenio III. Pontif. nam Dialogo 111. cap. 20. hanc veritatem simul tradit, & illustrat his verbis: *Nec mireris quod dico, liquores, aqua scilicet & vinum, simul consecrata in unum, scilicet sanguinem, divina operatione transeunt ad spirituales vegetationem animalium nostrarum; cum quotidie quotquot liquores sumimus, in nostrum transeant sanguinem ad sustentationem corporum nostrorum. Ob hoc quippe non inconvenienter vinum & aqua prius mysticè commiscetur, & tamen post consecrationem nonnisi sanguis bibitur; quia in illo prius per aquam baptizati, postea eum esuriendo, & sitiendo spiri-*
tuali-

tualiter potamus, &c. Vide Spicilegium D'Achery tom. 1. pag. 206. Demum cum anno 1188. hæc eadem quæstio in Galliis esset exorta, num aqua permixta vino vertatur in Christi sanguinem, aut substantiam retinens suam inter species vini deliteſcat, delata fuit hæc controversia, tanquam ad iudicem, ad Gaufridum olim sancti Bernardi secretarium, a Gaufrido autem ad Henricum Episcopum Albanensem, per id temporis in Gallia Apostolicæ Sedis Legatum. Et Gaufridus quidem hæc, quæ a nobis dicta sunt, ratione & auctoritate commoſtrat ſingulari epistola, quæ extat Volum. 3. pag. 208. Annalium Cisterciensium Angeli Manrique. At Henrici Cardinalis responſum, non inveniri ſcribit Baronius; Gaufridi tamen illum confirmasse ſententiam obſervat præcitatus Historicus Cisterciensis: immo Baronius, ut dixi, ait, non aliud reſcribere potuisse, *quam quod credit, & custodivit ſemper ſancta Romana Eccleſia, nimirum aquam ſimul & vinum tranſubſtantiarī in ſanguinem Chriſti*. Quod probabilius eſſe docuit poſt decennium plus, minusve, Innocentius III. cap. prælaudato *Cum Marthe*, conſultus de ea re a Joanne Bellemenſi Archiepiſcopo quondam Lugduni, poſtea verò, depoſitis inſulis, Cisterciensī Monacho. Atque hinc eruimus, epistolis Gaufridi, & Henrici controverſiam non fuiſſe ſopitam, & Innocentium nullatenus oppoſitam condemnasse. Quamobrem aliquantulum exceſſiſſe Baronium, inquit ad an. 1188. Antonius Pagius, num. xii. Sed Baronium ſequitur citato loco Manricus, paullo aſperius Scholaſticos inſectatus. Spondanus quoque eodem anno num. v. ſententiam contrariam appellat *heresi*, narratque ex Histoſia Slavorum inſigne miraculum, quo apertiſſimè reſutatur. Adeas Baronium ad annum MCLXXXV. num. 27. ad 30. Pagium, & Spondanum ibidem, & Angelum Manricum eodem anno cap. 3.

PROPOSITIO VI. Probabilis eſt, aquam vino permixtam *immediate* in Chriſti ſanguinem converti.

Non absolute theſim hanc pronuntiamus, ſed tanquam probabiliorē; haud quippe ignoramus, oppoſitum teneri a multis Ariſtotelicæ præſertim addiſtis philoſophiæ: inter quos eminent S. Thomas 3. p. q. 74. art. 8. & in diſt. xi. q. 2. art. 4. Scotus etiam, S. Bonaventura, Alenſis, Major, Paludanus, aliique permulti, eadem diſtinctione xi. Quorum argumenta ſunt, quod vinum, non aqua, eſt Eucharistiæ *materia eſſentialis*, uti deſinitum eſt tertia propoſitione. Alterum, quod Innocentius III. cap. *Cum Marthe*, opinionibus aliis productis ait: *Verum inter opiniones prædictas illa probabilior judicatur, quæ aſſerit aquam cum vino in ſanguinem tranſmutari*; quo in loco loquitur proculdubio de aqua in vinum converſa, nam paullo ſupra opinionem iſtam exponens, *Cum in vinum*, inquit, *tranſeat mixta vino*: ac eadem prorfus ſcribit lib. 1v. de Myſt.

Missa cap. 29. pag. edit. Colon. 389. Similia Catechismus Romanus 2. p. cap. 4. num. 17. Præterea non alia ratione quidam, ut Cistercienses, Carthusiani, & FF. Prædicatores, ponunt aquam, vinumque in calicem statim ac ad altare perveniunt, nisi ut longiori temporis intervallo hæc aquæ in vinum conversio facilius perficiatur. Addunt insuper Joannes Andreas, Panormitanus, alique celebres JCC. apud Raymundum Capisuechium, qui de hoc argumento prolixam edidit dissertationem, haud spernendam conjecturam ex mysterii significatione depromptam; scilicet, *quia Christus non mutatur in Ecclesiam, sed Ecclesia in Christum*. Tandem Sylvius, Suarez, Vasquez, Valentia, & Azorius huic argumento inesse putant vim plurimam; quod si *species* aquæ separarentur a *speciebus* vini physico aliquo artificio, aut vino accescente accidentia aquæ persisterent, sub iis tantum servaretur Christi sanguis, quod omnino videtur absurdum & commentitium.

At longe probabilior est sententia paullo ante a nobis proposita. Ac primo ipsam tenere debent, qui aliam festantur ab Aristotelica physiologiam, atque in mixtis particulas rerum miscibilium permanere censent, de rebus aut percolatione liquidorum, aut concursu, attritu, consuetuque athomorum conerescentibus, cum Lucretio lib. 1. asserentes,

Invenient intus multarum semina rerum

Corpora celare, & variat cobibere figuras.

Hi quippe philosophi docent corpus mixtum fieri ex elementis coeuntibus, neque in illo unam tantum esse *formam*, sicut de mixto homogeneo docet Aristoteles, nisi *forma* nomine intelligas aptam elementorum compositionem, quæ licet elementis accidentaria sit, *essentialis* est tamen corpori mixto; fitque aut percolatione, ut in sanguine, oleo, vino; aut sublimatione, ut in fuligine, salibusque arte chimica extractis; aut calcinatione, ut in cinere & in calce; aut concretionem, aut exhalationem, aut modis aliis, de quibus pertractant Physici. Deinde non tantum Gassendus tom. 1. pag. 465. sed & qui in pluribus Aristotelem sequuntur, negant aquam vino mixtam deperdere naturam suam; primum quia si guttatim affundatur vino quantitas aquæ major, liquor erit aquæ, quam vino similior; ut ratiocinatur Vanroy cap. 2. q. 6. insuper, quia si aqua injecta in vinum in ipsum verteretur, absque negotio ullo ex uno vini dolio paulatim addita aqua centum fierent, ut demonstrat Dominicanus Scriptor de Re Sacrament. tom. 1. pag. 371. ulterius quia si post guttam in vinum versam affundatur alia, & rursus alia, & alia, quousque moles in duplum, decuplum, & centuplum excrecat, tota illa moles non erit vinum, nec potest inveniri a qua gutta aquæ moles ipsa exire cœperit naturam suam; ut post Gassendum argu-

argumentatur Augustinianus Theologus Lovaniensis laudatus supra capite 1v.

*Dic mihi, cur vinum destruxit mixtio nona
Vel decima? cur non post eam vinum manet?*

Tandem commonstrant Physici aquam a vino, cui permixta fuit; separari: & quamquam reponant adversarii aquam eam non esse, sed tenuiores vini partes; contrarium tamen deprehenditur gustu ac sapore: & ipse Innocentius Tertius cit. cap. *Cum Martha*, §. *Quasi*visisti, recitata opinione adversariorum, addit e vestigio: *Licet physici contrariam asseverent, qui aquam a vino per artificium posse asserunt separari.*

Nec urgent plurimum argumenta opposita; ex verbis enim Innocentii nunc productis, constat illum potius sententiæ nostræ adherere, ut animadvertit Tournely pag. Venet. edit. 204. quamquam nos faciliori viâ primo, aliisque argumentis respondemus, utique verti aquam in Christi sanguinem, cum *primum mixta transierit in vinum*, sed miscibilia eo sensu dici transmutata, & conversa, quod unius particulæ ita insinuentur particulis alterius, ut propriam formam, & consistentiam amittant, ac prorsus videantur evanuisse. Atque ita stat sua Innocentio, nec non D. Thomæ auctoritas; immo & Aristoteli, si tamen hujus habenda sit ratio: nam Philosophus ille in 1. de Generat. cap. 5. expresse negat posse aquam physice converti in vinum, ut contendunt Aegidius Coninch tom. 1. de Sacram. q. 74. art. 8. Joannes Cardinalis de Lugo de Euch. disput. 1v. sect. 4. num. 58. & qui præcedenti sectione tertia ab ipso viro doctissimo laudantur. Persistit hac ratione etiam Joannis Andreæ conjectura; tametsi necessarium non est, ut sit figuræ, reique eadem & peræqua proportio. Hi autem, qui initio Missæ aquam vinumque permiscerent, non id faciunt, ut commodè queat illa inducere naturam vini, ut sibi vulgares homines persuadent: sed ex eorum consuetudine, qui principio sacra dona parabant, ut de Græcis ait lib. 2. Rerum Liturg. cap. 1x. pag. Rom. edit. 369. eruditissimus Cardinalis Joannes Bona. Quod nonnulli, etiam viri docti, minime advertentes, dixerunt Græcos aquam non apponere, aut insundere duntaxat aquam calidam post consecrationem; quod nobis exprobrasse Gabrielem Philadelphensem scripsimus proposit. 2. Hunc utique ritum ex ea consuetudine promanasse scite observat BENEDICTUS XIV. de Sacrif. Missæ sect. 1. num. 260. probans quæ ad hanc oppositionem respondet Gaspar Juenin dissert. 1v. quæst. 2. §. 3. Atque his subscribit etiam Dominicanus Auctor de Re Sacramen. pag. 372. hac ductus ratione, quod si Sacerdos consecraturus mox calicem meminerit non apposuisse ante aquam, ponit illico, nullaque mora interposita, profert verba consecrationis, ex Rubricis Missalis tit. *De defectu vini*,

num. 3. Corruit denique obiectio ultima ; siquidem cum aqua sit idonea sacramenti *materies*, non ratione sui, sed quatenus permixta vino ; si ab hujus *speciebus* separentur *species* aquæ, non possunt hæ sacramenti retinere rationem, debentque pristinam aquæ naturam inducere : quamquam si talis separatio fieri potest, adversarii suomet argumento oppugnantur ; si nequit fieri, illud urgentes oleum, operamque deperdunt. At de materia consecrationis calicis, ubi apposuero notationem quamdam historicam, & moralem, dictum satis, superque.

A D N O T A T I O.

Consignarunt nonnulli litteris, atque hos inter in septimo Geographiæ libro Raphael Volaterranus, Innocentium VIII. ad apicem Pontificatus evectum an. 1484. rebus præclare gestis, laudibusque, & hymnis Angeli Politiani celebratum indulgisse Norvegis, ut absque vino sacrificarent, *quod ob immensa frigora vinum in ea regione importatum acescat*. Ad eandem dispensationem concedendam prout fuisse Alexandrum VI. successorem Innocentii, scribit Bartholomæus Fumus in Summa. Id posse concedi a Pontifice, ut absque vino conficiatur Eucharistia in iis regionibus, in quibus vinum nequit haberi, scripsit vir quidam fama sanctitatis conspicuus ; nec ejus doctrinam causæ beatificationis ejus attulisse impedimentum, prodidit lib. 2. de Servorum Dei Beatif. cap. 31. pag. 332. BENEDICTUS XIV.

Vcrum, quantum ad historiam attinet, nunquam Romani Pontifices dispensarunt, ut absque vino sacrificium incruentum perageretur. De Innocentio constat, improbos quosdam homines sacrilege litteras, quas ipsius nomine conscribebant, vitiasse, falsaque privilegia vendidisse, sacerdotio propterea exutos, ac supremo addictos supplicio, Dominicum quemdam Viterbiensem, & Franciscum Maldentem: qui & clementum hoc privilegium Norvegis obtulerunt, & aliud conjugii permitti Gallo cuidam sacerdoti, atque scelestissima alia hujus generis. Tanta vero certitudine hominum illorum nequitia comperta est, ut nullatenus potuerint strangulatus, incendique penam evadere ; quamvis eorum consanguinei reos sexdecim aureorum millibus, necnon magnis adhibitis deprecatoribus redimere adniterentur. Videsis Raynaldum ad annum 1490. num. 22. Abrahamum Bzovium ad eundem annum num. 39. citato loco Pontificem tunc maximum, Burrium quoque, & Sandinum in Vitis Pontificum Romanorum. Nec adducta a Volaterrano subsistit ratio ; vinum quippe in Norvegia facile asservari, & in usu esse, commonstrat eximius Pontifex, Natalis etiam Alexandri, Cardinalis de Lugo, alio-

aliorumque testimoniis productis . Quibus addo in calidis potius , quàm in frigidis regionibus vinum acescere ; cum vinosi liquores acorem induant , ubi salia in iis delitescunt insolatione exaltantur , depresso sulphure ; aut adeo particulæ motu circumvolvuntur , ut atterantur , atque ita oblongæ ac teretes athomi acuminentur , & linguam feriant stimulis acrioribus . Quare si diuturniori motu adeo colliduntur , ut fiant nimium flexiles , nec amplius queant commovere linguæ nervulos , sive vehementiori insolatione avolent vinosi spiritus ; liquor acescens acorem amittit , & in vappam vinumque insipidum redit : quod & evenit , ubi in acetum injicitur calx plumbi ; quoniam particulæ salis Saturni salibus acetosis adjectæ , iisque coherentes aciem illorum atterunt , ac retundunt . Atque ita falsam illam de Norvegis opinionem aceto perfundimus . Alexandrum autem VI. a priori sententia recessisse , & penitus discussa , tradit prælaudatus Auctor Summæ , immo hæc ab ipso relata ex vagis incertisque rumoribus , scribit Natalis Alexander de Euch. art. 3. prop. 4. regula 3. Non ergo aut Innocentii , aut Alexandri dispensatio potest obtrudi . De servo Dei , cujus nomen reticet eo loci BENEDICTUS , respondet ipsemet nulla animadversione sententiam ejus fuisse notatam , quod scripserit tunc temporis , *quando Breve Innocentii habebatur tanquam legitimum* : quod virum accuratissimum , ac diu in Sanctorum actis pervolutandis , dijudicandisque exercitatum latere nequaquam poterat .

Et hæc quidem , quantum ad historiam spectat , satis est adnotavisse . Nam quantum ad eam quæstionem , utrum fas sit sacrificare in una tantum *specie* , si desit altera , adhærendum existimamus D. Thomæ 111. p. q. 74. art. 1. ad 2. Sylvio ibidem Concl. 2. & 3. Soto in 1v. dist. ix. quæst. 1. art. 1. Suarezius in q. 74. art. 2. sect. 4. & Theologis aliis numero , & auctoritate præcipuis . Etenim exigit jus naturæ , ut Deo sacrificium offeratur in genere suo perfectum , atque completum : jus quoque divinum , & Christi institutio utramque *speciem* consecrandam esse definiunt . In iis vero , quæ juris aut naturalis , aut divini sunt , nec Pontifex suprema præditus potestate dispensat , ut suadet ratio , docentque Urbanus , & Zozimus Cap. *Sunt quidam* , & cap. *Contra statuta* , c. xxv. quæst. 1. num. 6. & 7. Quamquam autem Gabriel Biel lect. 84. in Canonem Missæ , Joannes Major in 1v. dist. 13. q. 3. & Antoninus Diana p. 8. Tract. de Potest. Pontif. in ordine ad Sacram. Resolut. 23. teneant probabiliorum esse contrariam sententiam , non quod Pontifex revera in naturali , aut divino jure dispense , si permittat confici Eucharistiam in una *specie* , ubi nequeat haberi alia ; sed quod declaret solummodo præceptum *integre sacrificandi* tunc non urgere , propter summam necessitatem ; corrui tamen opinio hæc , quoniam admissa etiam alicujus regionis inopia , vini-

vinique penuria, hoc sacramentum utilitatis quidem est maximæ; sed non absolutæ necessitatis; nec propter unius provinciæ commodum recedere fas est a Christi Institutione, ab immutabili divini juris præscripto, & a ritu universalis Ecclesiæ. Atque ob eandem rationem arbitror nefas esse unam tantum *speciem* consecrare, non ad sacrificium peragendum, sed ad percipiendam communionem; propterea quod Eucharistia ex Christi instituto, & ritu Ecclesiæ non nisi a Sacerdotibus sacrificantibus consecratur: nec communio sub præcepto esset, ubi cogente necessitate non posset sacrificium offerri. Atque hæc erat adnotatio absoluto capiti sexto subiicienda.

C A P U T VII.

De verbis, quibus consecratur Eucharistia.

Quod universim de Sacramentis asserui libro xxx. cap. 9. & 11. perfici nimirum illa *rebus* ac *verbis*, id profecto de Eucharistia est affirmandum. Dicturus ergo in præsentia *de verbis Consecrationis*, hæreticos, Græcos schismaticos, & scholasticorum nonnullos refellendos, & oppugnandos aggredior. Nam permulti hæretici negant in Eucharistia verba aliqua esse pronuntianda, ut Martinus Bucerus in cap. 26. Matthæi: alii proferenda quidem censent, sed historice, recitative, ac narrative, ad fidem nempe excitandam, ut Calvinus lib. 1v. Institut. cap. 17. num. 19. quidam vim quamdam consecrationis attribuunt verbis, at non iis solis, quæ creditur Dominus protulisse, sed etiam aliis ea præcedentibus aut consequentibus, a sacerdote prolati, ut Lutherus in libro de abroganda Missa, & in Formula Missæ pro Ecclesia Wittembergenſi. Græci autem complures contendunt non solum Dominicis verbis, verum etiam consequente oratione & benedictione sacerdotis divinæ Eucharistiæ munera sanctificari, ut Nicolaus Cabasilas in Exposit. Liturgiæ cap. 27. & seqq. Marcus Ephesius in Opusculo, quem inscripsit, *ὅτι ἐν μυστηρίῳ αὐτῆς τῆς ἁγίας καὶ δωρεῆς τοῦ πνεύματος ἀγιαζομένη τὰ θύα δῶρα*, idest, *Quod non solum a voce Dominicarum verborum sanctificantur divina dona*, Simeon Theſſalonicenſis agens de particulis, quæ offeruntur in Liturgia, & Samonas Archiepiſcopus Gazæ in disputat. habita cum homine quodam Saraceno. Everterunt utique falsam hanc Græcorum opinionem Cardinalis Bessarion in Opusculo de Eucharist. quod extat tom. xxvi. Bibl. PP. pag. 787. Allatius lib. 111. de Consensu Occident. & Oriental. Eccles. cap. 15. num. 32. & seqq. nec non Arcudius lib. 111. Concordiæ a vicelimo sexto capite usque ad septimum ac tricesimum; sed eam tamen instaurarunt rursus Antonius Augustinus

stius Toutedè differt. 3. præmissa Operibus S. Cyrilli, & Petrus Le Brun tom. 3. Explicat. suarum pag. 212. & sequentibus, refutati a viris clarissimis, Bougeantio, Ursio, Meratio, ac tandem a BENEDICTO XIV. de Sacrif. Missæ sect. 1. num. 258. Inter Scholasticos quidam post Catharinum, & Mayronium asseruere Christum nullis verbis in consecratione usum fuisse, præscriptam ab eo tamen *formam* consecrationis, quam adhiberent sacerdotes: de qua sententia legendus Salmeron tom. ix. tractat. 13. Juenin q. 3. de Euch. cap. 1. Tournelius pag. 209. De Scoto fert vulgaris opinio, existimasse illum, quod ea verba, *Hoc est corpus meum*, & *Hic est sanguis meus*, ad consecrationem non sufficiant, propterea quod nisi addantur præcedentia, referuntur ad personam loquentis, nec *absolute* significant contineri sub panis vinique speciebus corpus, & sanguinem Domini. Et hæc quidem videtur tradere subtilis Doctor in iv. dist. 8. q. 2. sed tamen hunc a communi sententia, quam infra propugnabo, nequaquam recedere censet Maltius Disput. 3. de Sacram. q. 6. Fraßen de forma consecrat. q. 3. Concl. 1. Hennius disp. 3. q. 2. Fabro, Brancato, & Scotistarum aliis eam, quæ Scoti nomine circumfertur, opinionem tenentibus. Quantum ad Thomistas attinet, horum plures inquirunt S. Thomam 3. p. q. 78. art. 3. docuisse quod omnia verba, quæ a Latinis proferuntur in consecratione calicis pertineant ad *formam substantiam*, pro qua sententia accurate disputant Gonet disput. vii. art. 2. Capisuccus Controvers. 2. pag. 177. & seqq. & præter complures alios eo loci laudatos, Natalis Alexander de Euch. art. 6. prop. unica, Regula 3. Thomistarum tamen multi student præceptorem suum ad communiorem sententiam mox explicandam pertrahere; atque, ut mittam Sotum, Joannem a sancto Thoma, & quos recensent præcitati Capisuccus & Gonet, id præstant Sylvius in quæst. lxxviii. art. 3. Contensonius dissert. 2. cap. 2. spec. 2. & Cardinalis Gotti quæst. 2. dub. 3. quos ex multis satis est laudavisse.

Inter Catholicos ergo communior, ac verior sententia est, Dominum Iesum consecrassse Eucharistiam verbis, & hæc præscripsisse sacerdotibus consecraturis: eadem verba non *historice* tantum, sed *significative* proferri, idest, non enarrare quod Christus gessit, sed consecrare subjectam materiam: ac virtutem consecrandi solis inesse verbis, quæ Salvatoris nomine proferuntur; & *essentialia* quidem esse, *Hoc est corpus meum*, & *Hic est sanguis meus*, sed non tamen alia posse prætermitti absque crimine sacrilegii. Quam sententiam, propugnaturus præmitto varias consecrationis formulas ab illustri Martenio collectas lib. 1. de antiq. Eccl. ritibus cap. iv. art. 8. n. 19. In Liturgia ergo sancti Jacobi consecrandi formula hisce verbis exprimitur: *Hoc est corpus meum, quod pro vobis frangitur, & datur in remissionem peccatorum. Hic est sanguis meus novi testamenti, qui pro*

pro vobis & pro multis effunditur, & datur in remissionem peccatorum. Addit Liturgia S. Marci post pronomen *Hoc*, &, *Hic* particulam *enim*. In Constitut. Apostol. sub Clementis nomine lib. vi. cap. 17. hæc extat formula, *Hoc est corpus meum, quod pro multis frangitur in remissionem peccatorum. Hic est sanguis meus, qui pro multis effunditur in remissionem peccatorum.* In Liturgiis sanctorum Basilii, & Chrysostomi post *Sanguis meus* additur, *novi testamenti.* Consimilis est Liturgia sancti Cyrilli. Aethiopes utrique formulæ addunt, *Amen.* Mozarabes hæc utuntur: *Hoc est corpus meum quod pro vobis tradetur. Hic est calix novi testamenti in meo sanguine, qui pro vobis & pro multis effundetur in remissionem peccatorum.* In libris Sacramentorum laudatis Ambrosii nomine forma hæc legitur: *Hoc est enim corpus meum, quod pro multis confringatur. Hic est enim sanguis meus.* Sacramentarium denique S. Gregorii, Missale Romanum, Ambrosianum, Indorum, aliaque hanc exhibeat: *Hoc est enim corpus meum. Hic est enim calix sanguinis mei, novi & aterni testamenti, mysterium fidei, qui pro vobis, & pro multis effunditur in remissionem peccatorum.* His autem exscriptis formulis, propositam controversiam ita partimur, atque expedimus.

PROP. I. Christus Eucharistiam instituendo usus est verbis.

Demonstratur I. Constat ex Evangelistis, & ex priori ad Corinthios Epistola cap. xi. Dominum Jesum in institutione cœnæ verba consecrationis protulisse, simul præceptionem illam subjiciens, *Hoc facite in meam commemorationem.* Igitur sacerdotes idipsum, iisdemque verbis faciunt, quod fecit Christus; ideoque si sacerdotes verbis consecrant, id quoque perfecit Dominus. II. Tridentina Synodus sess. xi. cap. 1. ita de Eucharistia loquitur: *Hoc admirabile Sacramentum in ultima cœna instituit, cum post panis viniq; benedictionem, se suum corpus præbere, ac suum sanguinem d'ferret ac perspicuis verbis testatus est: quæ verba a sanctis Evangelistis commemorata, a divo Paulo postea repetita sunt.* Non ergo in benedictione panis & vini, sed in verbis post ipsam benedictionem prolatis, institutio, & consecratio Eucharistiæ sita est. III. Eadem est sententia Patrum, quos proxima proposit. 3. laudabo. IV. Oppositum quidam tenuere, propterea quod *benedictio* Domini, & *consecratio* idem sint, ex Apostolo 1. ad Corinth. x. 14. scribente, *Calix benedictionis, cui benedicimus;* Dominus vero panem vinumque benedixerit ante prolationem verborum. At nihil ea ratione concluditur. Principio enim in ea sumus sententia, quod *benedictio*, & gratiarum actio fuerint ritus consecrationi præmissi, quia id commonstrat planior, Evangelicæ historiæ sensus; quia id inquit vox aoristica, *ἡγιασας*, idest, *Cum benedixisset*, & *ἱεροποιῶντας*, scilicet, *Cum gratias egisset*, quæ præteriti temporis habent significationem; & quia, ut ostendi cap. 3. ser-

servavit Dominus in postrema cœna ritus Judæorum, qui panem cum actione gratiarum frangebant. Quæ expendens Estius in caput xxv. 1. 26. Mat. *Improbabiliter* (inquit) *nostro iudicio sentiunt qui hanc benedictionem putant fuisse ipsam consecrationem corporis Domini*. Idem docet in 1. ad Corinth. cap. 10. ubi etiam post Janseium observat, Jesum magna aggressurum miracula in cælum oculos elevasse, & Patri gratias egisse, ut præstitit fusciturus Lazarum, & panes multiplicaturus: nec aliter in Commentariis suis Calmetius. At de his plurimum libro xxx. cap. 11. Deinde non desunt eximii Theologi, qui *benedictionem*, & *consecrationem* iisdem verbis putant esse peractam; a qua sententia non videntur alieni S. Thomas 3. p. q. 78. art. 1. Joannes a S. Thoma disput. 29. de Euch. Bellarminus lib. 1v. cap. 8. Becanus in Summa cap. 2. q. 3. Du-Hamelius cap. 1v. num. 3. alique permulti apud Capisuc. pag. 167. quoniam Ecclesiæ Patres sæpenumero consecrationem, & mysticam benedictionem indiscriminatim accipiunt; & revera quod consecratur, cælesti benedictione repletur. Quibus Theologis si opponas quod nuper diximus, benedictionem præcessisse consecrationi; in promptu respondent, Evangelistas non semper narrare res eo ordine, quo gestæ sunt, ut lib. de Consensu Evangelistarum non uno in loco animadvertit sapientissimus Augustinus. Verùm postremam sententiam istam ortam puto ex æquivocatione verborum; nam si *benedictionem* accipias pro oratione seu appreciatione facta sacris muneribus consecrandis, & quam non credo fuisse a Domino prætermisissam, benedictio a consecratione diversa est: si autem *benedictionem* dixeris, quod mystica dona immutat, redditque sancta, benedicta, vivifica, proculdubio idem sunt verba consecrationis & benedictio. Hac autem distinctione præmissa facile solvitur quidquid solent opponere sententiæ illius auctores, sive ratiocinationibus suis, sive veterum testimoniis.

Prætor. II. Nullo Ecclesiæ decreto definitum est, Christum Dominum in Eucharistiæ consecratione verba quædam adhibuisse.

Aut enim id præcætat Tridentini Concilii verbis commonstraretur, aut Florentini hæc in decreto unionis asserentis: *Forma hujus sacramenti sunt verba Salvatoris, quibus hoc conficit sacramentum. Sacerdos enim in persona Christi loquens hoc conficit sacramentum*. At quamquam revera propositionem præcedentem adstruere videantur hæc sacrosancta Concilia; staret nihilominus sua illis auctoritas, si diceretur Dominum Jesum *benedictione* sua consecrasse, ac statim præscripsisse *formam*, qua consecrarent presbyteri, adeo, ut *instituere*, & *conficere sacramentum* designet utrumque, idest, consecrationem tunc a Christo *benedictione* peractam, & determinationem *formam* ab aliis in consecratione adhibendam. Ut enim Deus-homo potuit absque verbis peccata dimittere, & dare Spiritum san-

T. VII.

Gg

Etum,

Etum, quæ duo nos sola ministerii præditi potestate præstamus instrumentis, verbisque ab eo præstitutis; ita potuit panem vinumque convertere in corpus & sanguinem suum, quam conversionem decebat a nobis sacri subordinatione ministerii, & modo ipsius auctoritate instituto. Atque hac propositione ita a nobis explicata, sequitur necessariam esse *formam* in consecratione, tametsi, uti visum nonnullis, absque illa Dominus consecrasset. II. Invisite tamen non demonstratur hæc thesis ex cap. 24. Lucæ, ubi narratur Christum in Emmaus panem benedixisse & fregisse, nulla expressa verborum formula. Sunt enim bene multi, qui negant tunc Iesum confecisse Eucharistiam, ut observant Lyranus, Maldonatus, Janfenius, Calmet, alii. Deinde si Eucharistiam confecisse dicendus est, quod utique affirmat S. P. Augustinus lib. 3. de Consensu Evang. cap. 25. num. 72. & ferm. 87. de diversis, nunc 234. num. 2. non probatur ex silentio Scripturæ Christum non protulisse verba consecrationis; præsertim cum viri docti benedictionem, & prolationem verborum idem esse contendunt, ut diximus paulo supra. III. Nihil de hac questione ab Ecclesia definitum testantur in fine Opusculi 2. Ambrosius Catharinus, Alphonsus Salmeron circa finem præcitati Tract. XIII. & ex Scholasticis Juenin q. 3. cap. 1. Tournely pag. 214. Du-Hamelius pag. 753. Nec probabile est sacrosanctum Concilium, coadunatum ad hæreses extirpandas voluisse censuram incurrere sententiæ, quam viri celebres tenuerunt, & quæ hæreticorum, ex Christi consecratione necessitatem proferendæ *formæ* negantium, elidit quamfacillime cavillationes. IV. Subscribunt denique non Catharinus tantum, & Christophorus a Capitefontium, verum etiam Archidiaconus, seu Guido Bononiensis, & Guilelmus Durandus lib. IV. Rationalis divin. Offic. cap. 41. num. 15. Innocentio III. scribenti lib. IV. Myst. Missæ cap. 6. pag. edit. Colon. 337. *Sane dici potest, quod Christus divina virtute confecit, & postea formam expressit, sub qua posteri benedicerent. Ipse namque per se virtute propria benedixit: nos autem ex illa virtute, quam indidit verbis.* Hæc tamen Innocentii verba præcedenti propositioni non adversantur; siquidem *opinative* tantum prolata sunt, ut animadvertit S. Thomas 3. p. q. 78. art. 1. ad 1.

PROP. III. Eucharistia verbis Dominicis, non precibus, quæ antea, vel postea recitantur, a Sacerdotibus consecratur.

Demonstratur primo; nam Tridentina, ac Florentina Synodus declarant Eucharistiam institutam, confectumque sacramentum verbis, quæ a sanctis Evangelistis commemorata & ab Apostolo repetita sunt, quibus testatus est Dominus corpus, & sanguinem suum, præbere discipulis, & quorum prolatione loquitur Sacerdos in Christi persona. At hæc verba sunt ea tantum, quæ Dominus pronuntiavit.

vit. His igitur verbis solis conficitur, consecraturque Eucharistia. Probatum secundo Latinorum Patrum auctoritate: inter quos Tertullianus lib. iv. contra Marcionem cap. 40. ait: *Accipit panem, & distributum discipulis corpus illum suum fecit dicendo: Hoc est meum corpus*. Ambrosius de Misteriis cap. ix. num. 52. *Quod sit tantum*, inquit, *valuit humana benedictio, ut naturam converteret; quid dicimus de ipsa consecratione divina, ubi verba ipsa Domini Salvatoris operantur?* Quæ verba num. 54. Ambrosius recensens sequitur: *Ipsæ clamat Dominus Jesus: Hoc est corpus meum. Ante benedictionem verborum celestium alia species nominatur, post consecrationem Corpus significatur, &c.* In quem locum recte Benedictini Editores: *Hic apertissime sacramentalis consecratio fieri docetur ipsismet Domini verbis*; observantque accurate hunc locum valere plurimum ad componenda scholarum dissidia; siquidem ex his liquet consecrationem, & benedictionem idem sonare. Eadem vero repetit S. Pater, aut quisquis auctor est librorum de Sacramentis, lib. iv. cap. 4. num. 14. scribens: *Sermo Christi hoc conficit sacramentum*; ac num. 19. *Fis sanguis consecratione verbi celestis*, nec non cap. 5. num. 23. *Antequam consecraretur, panis est: ubi autem verba Christi accesserint, corpus est Christi*, aliaque plura de quibus vide quæ scripsimus Volum. vi. pag. 115. Ne autem reponas etiam preces; & quæ historice recitantur esse Dei verbum, & Christi sermonem; duo animadvertito; primum scilicet, quod Ambrosius sermonem Christi, & verba consecrationis ea tantum appellat, quæ Christi nomine proferuntur, dicens de Mysteriis loco cit. *Ipsæ clamat Dominus Jesus, Hoc est corpus meum*; & in iv. de Sacram. cap. 5. num. 22. *Illæ verba Evangelistæ sunt usque ad Accipite: Inde verba sunt Christi*. Alterum, quod Ambrosius expresse a verbis consecrationis sejungit preces, & quidquid aut orando, aut narrando profertur: ait enim precedenti n. 14. *Consecratio autem, quibus verbis est, & cujus sermonibus? Domini Jesu. Nam reliqua omnia, quæ dicantur in superioribus, a sacerdote dicuntur, laudes Deo deferuntur, oratio petitur pro populo, pro regibus, pro ceteris: ubi venit, ut conficiatur venerabile sacramentum, jam non suis sermonibus utitur sacerdos, sed utitur sermonibus Christi*. S. P. Augustinus serm. 227. aliàs 83. de divers. inquit: *Panis ille, quem videtis in altari, sanctificatus per verbum Dei, corpus est Christi. Calix ille, immo quod habet calix, sanctificatum per verbum Dei, sanguis est Christi*. Vide apud Martenium tom. 1. de Antiq. Eccl. Rit. pag. 405. testimonia reliqua Latinorum, Eusebii Emisiani, Remigii Antistiodorensis, Paschasii Radberti, Stephani Eduensis, nec non professionem fidei, qua Berengarius hæresim suam abjuravit.

Adversus autem Græcos, quos præcipue patimur adversarios,

urgemus primo testimonia Patrum Orientalium. Nam Justinus Apologia 2. pag. edit. Jonnii 98. docet Eucharistiam consecrari δι' εὐχῆς λόγου per orationem verbi: ubi advertas, quæso, nomine εὐχῆς non significari effusam deprecationem, sed animi sententiam expressam verbis, hoc præsertim loco, in quo linea post decima legitur orationem illam verbi fuisse quæ conscripta est in Evangeliiis, nimirum, *ταῦτα εἰς τὸ σῶμα μὲν*, Hoc est corpus meum, & *τὸν εἰς τὸ αἷμα μὲν*, Hoc est sanguis meus. Ait etiam ibidem Justinus, Eucharistiam ea virtute perfici, quæ per verbum Dei caro factus est *Ἰησους Χριστὸς Σωτὴρ νοῦς*, quod utique per humanas preces factum non est. Irenæus l. 1v. adversus hæc. cap. 32. & ex distinct. Massuet 17. num. 5. apertissime tradit Dominum in corpus suum vertisse creaturam panis, dum ait, *Hoc est meum corpus*: & lib. v. cap. 2. num. 3. de pane & vino, καὶ, inquit, *προσλαμβάνοντες τὸν λόγον τοῦ Θεοῦ ἐν χάριτι γίνονται*, Et percipientia Dei verbum Eucharistia fiunt. Gregorius Nissenus in Orat. Catech. cap. 37. de pane loquitur ad hunc modum: *ἐνδὲν ὧς τὸ σῶμα διὰ τοῦ λόγου μεταποιεῖται*, καὶ ὡς ἦρται, *ὕπὸ τοῦ λόγου*, *εἰς τὸν εἰς τὸ σῶμα μὲν*, Statim per verbum in corpus mutatur, ut dictum est, *αὐτὸ ὡς*, Hoc est corpus meum. S. Joannes Chrysostomus hom. 2. in secundam Epistolam ad Timoth. demonstrat non homines, sed Christum sacrificare divina dona, eandemque esse ipsius Christi ac sacerdotum oblationem, quoniam Eucharistia perficitur ejusdem Domini verbis, ita scribens: *ὡς γὰρ τὰ ῥήματα, ἅπερ ὁ Χρὶςτὸς ὁρῶντες, τὰ αὐτὰ εἰς, ἅπερ ὁ ἱερεὺς ἐν τῷ λόγῳ, οὕτως δι' ἡ ἀποστολὴ ἢ αὐτὸν εἰς, &c.* Quemadmodum enim verba, quæ protulit Christus, eadem sunt, quæ sacerdos nunc quoque pronunciat, ita & oblatio eadem est. Et de proditiōe Judæ: *τὸν μὲν εἰς τὸ σῶμα φασὶν ὁ ἱερεὺς. τὸν τὸ ῥήμα τὸ ἐκτίμενον μεταποιεῖται*, Hoc meum est corpus, inquit Sacerdos: hoc verbum proposita in aliam formam convertit. Joannis Damasceni illustrem locum produximus tom. vi. pag. 114. Theophylactus in cap. 6. Joannis scribit transformari panem in Christi carnem ἀποφάσις λόγου, arcanis verbis: de qua expressione lege Arcudium lib. 3. c. 32. Postremo Joannes Phurnes in Epistola de ritibus in Communionem immutatis apud Allatium lib. 3. de Perpet. Consens. Occidentalis & Orient. Eccles. cap. xv. num. 32. hæc habet: *ἄρτον τῆς εὐχαριστίας ὁρῶμεν ὑπὸ τοῦ ἁγίου ἀποστόλου ἐκτίμενον ὡς τὸ μυστήριον ἀποδείχθαι, τὸν εἰς τὸ σῶμα τὸ κατὰ ἡμᾶς Ἰησοῦ Χρῆστου*, &c. Panem benedictionis videmus ab Apostolis sanctificatum illis tantummodo verbis, Hoc est, &c. Horum vero, aliorumque testimonia palmarem quoque rationem nobis commonstrant. Siquidem preces, & quidquid Liturgie superaddunt, Ecclesiasticæ institutionis sunt, non Dominicæ: non Christi, sed nostro nomine proferuntur; nec significant latere sub panis vini-que speciebus corpus & sanguinem Christi, sed hujus nobis commu-

nio-

nionem , gratiamque apprecantur . Si ergo Patres docent confici Eucharistiam dum sacra munera percipiunt Dei verbum , dum sacerdos profert eundem Christi semonem , dum ait , *Hoc est corpus meum* ; omni dubio procul verbis istis , non adjectis precibus conficitur Sacramentum .

Refutantur præterea Græci ex ipsismet Liturgiis , unde petunt erroris sui patrocinium . Primo enim Liturgiæ omnes formam consecrandæ Eucharistiæ in verbis Dominicis statuunt , in precibus autem adjectis plurimum discrepant : quod invicte demonstrat esse in his humanam , & variabilem institutionem , non a Christo statutam atque immutabilem . Deinde ne recedam a Liturgiis Basilii , Chrysostomi , aliisque apud Græcos receptis ; cum Sacerdos alta voce pronuntia- vit Christi verba , populus uno ore respondet , *Amen* . Qua respon- sione proficitur ita revera esse , quod Sacerdos elata voce affir- mavit , panem nempe , vinumque in corpus , & sanguinem Christi transiisse : unde Cardinalis Bessarion tom. xxv. Bibliothec. PP. pag. 795. ita Marcum Ephesium perstringit : *Sacerdote verba illa altâ vo- ce , ut vos Græci soletis , pronunciante , assistens populus in utraque parte respondet , Amen , quasi dicat , verè ita est , ut tu dicis . Amen enim cum adfirmandi apud Hebræos adverbium sit , Græce idem quod Vere significat . Amen igitur ad ea verba respondentem populus , Certe , inquit , corpus & sanguis Christi sunt munera ista proposita , ita cre- dimus , ita confitemur . Et quomodo , quæso te , non esset turpe ad pu- tandum , eos qui doctiores haberi volunt , ea ignorare , quæ saculares ; & sacrarum litterarum ignari respondendo Amen manifeste se scire significans ?* Id confirmat Cardinalis amplissimus ex ritu , quo Diaconus , dum Sacerdos profert consecrationis verba , elevata stolæ extremitate , & quasi Præcurforis fungens officio , proposita dona com- monstrat ; ideoque ita Bessario prosequitur : *Quid ? nonne assistens sa- cerdoti Diaconus , eique ministrans , dum sacerdos alta voce , juxta Orientalis Ecclesiæ ritum , verba illa pronunciat , Hoc est corpus meum , & , Hic est sanguis meus , ipse propria stola duobus primis digitis tacta panem , & calicem ostendit ? nihil aliud certe significant , nisi panem illum Christi esse corpus , & quod in calice est , esse san- guinem ejus , quemadmodum verbis illis asseritur . Et hæc sane osten- dens Diaconus non mentitur , & non mentiens cum iis sentit , qui so- la Domini verba ajunt hoc sacram perficere sacramentum . Neque enim frustra tales inusitata sunt ab Ecclesia ceremoniæ . Simili ratione adversus Græcos ratiocinatur Goarius in Euchologio pag. 139. in not. ad Missam Chrysostomi , Allatius cit. cap. xv. pag. 1234. & Arcu- dius lib. 111. cap. 26. pag. 215.*

Postremo iidem Græci refelluntur apertissimâ suorum confessione . Etenim sess. 25. Florentini Concilii ita de verbis illis , *Hoc est*
cor-

corpus meum, protestati sunt: *Fateri nos diximus per hæc verba transubstantiari sacrum panem, & fieri corpus Christi: sed postea quemadmodum & ipsi dieitis, Jube hæc perferri per manus sancti angeli tui in sublime altare tuum; ita nos quoque oramus dicentes, Ut Spiritus sanctus descendat super nos, & efficiat in nobis panem hunc pretiosam corpus Christi tui, & quod in calice isto est, pretiosum sanguinem Christi tui, transmutetque ipsa Spiritu sancto suo, ut fiant communicantibus in purgationem animæ, in remissionem peccatorum, & non fiant in iudicium & condemnationem nostram.* Vide tom. xiiii. Concil. Labb. pag. 491. Joseph quoque Patriarcha Constantinopolitanus in extrema sententia ibidem pag. 498. *De mysteriis*, inquit, *fatemur ea consecrari per Domini voces, licet nos postea invocando dicamus, Fiat corpus, & sanguis Christi.* In Confessione pariter, quam ex autographo Florentiæ reperto edidit tom. 1. Musci Italici pag. 243. præclarissimus Mabillonius, hæc perleguntur: *Quoniam ab omnibus sanctis Doctoribus Ecclesiæ, præsertim ab illo beatissimo Joanne Chrysostomo, qui nobis notissimus est, audivimus verba Domine esse illa, quæ mutant, & transubstantiant panem & vinum in Corpus verum Christi, & sanguinem, quod verba illa divina Salvatoris omnem virtutem transubstantiationis habent; nos ipsum sanctissimum Doctorem, & illius sententiam sequimur de necessitate.* Hanc autem Confessionem non levis esse momenti ad demonstrandam Græcorum de Eucharistia fidem, de qua tot ac tantæ controversiæ a Calvinistis excitatæ sunt, recte citato in loco affirmavit illustris Mabillon., cum & controversiam hanc dirimant, & transubstantiationem, de qua proximo capite, manifeste adstruant.

At adversus tertiam hanc positionem oppones primo illa Patrum testimonia, quæ precibus videntur Eucharistiæ tribuere consecrationem; cujusmodi sunt prælaudata verba Iustini: Irenæi quoque in iv. adversus hæreses, cap. 18. Hieronymi in Epistola ad Evangelium, Augustini tract. 118. in Joannem, & lib. 111. de Trinit. c. 4. Synodi etiam Carisiacæ in Opuscul. iv. apud Hincmarum: quæ omnia asserunt, explicantque Contens. tom. viii. pag. 430. Juenii q. 3. de Euchar. art. 2. Tournelius q. 4. art. 8. Concl. 3. alique passim. Quibus & respondent Eucharistiam eatenus precibus consecrari, quatenus sacra mysteria absque orationibus non peraguntur, non, quatenus orationi vis inest consecrandi, sive, ut scholæ locutione inquirunt sua, concomitanter, aut *dispositive*, sed non *formaliter*. Atque huic responsioni suum stat communi Theologorum suffragio pondus ac robur. Puto tamen ego martyrem Iustinum δι' ἑξῆς λόγῳ, non precem aliquam, sed enuntiativa Verbi Jesu verba expressisse, ut adnotatum est paullo supra: idemque sentio de Irenæo eo loci scribente, *Panis percipiens invocationem Dei, jam non communis*
pa-

panis est, sed Eucharistia, ἄρτος παραλαμβανόμενος τῇ ἑκκλησίᾳ τοῦ Διῦ, οὐκ ἐστὶν ἄρτος ἰσῆ, ἀλλ' ἰσχυροσύνη. Enim vero preces non ad panem, sed ad Deum diriguntur, & ἑκκλησία non invocationem sonat tantum, sed prolationem quoque, & alterius testimonii denuntiationem. Haud aliter sentio de Cyrillo Ierosolymorum Episcopo, qui Catechesi prima, & tertia ex Mystagogicis phrasi utitur simili; tametsi Cyrillus non invocatione fieri corpus Dominicum scribat, sed invocatione peracta, ἡτοιμασμένος δὲ χειρὶς, ἢ μὴ ἄρτος γίνεται σῶμα Χριστοῦ, pag. edit. Morel. 510., idest, Facta autem invocatione, panis fit corpus Christi: quod utique præmissæ responsioni inter Scholasticos per-
vulgatæ cohæret plurimum. Hieronymus vero non formam consecrationis recenset, sed ministerium sacerdotum consecrantium; quorum dignitatem præferendam Diaconatus honori, in Epistola ad Evangelum recte, sapienterque demonstrat. Eodem sensu Augustinus lib. 111. de Trinit. cap. 4. num. 10. ait accipere nos Christi corpus *prece mystica consecratum*, in Liturgiis nempe, & in Missa, quæ majori ex parte constat precibus. Si autem hæc omitterentur, non rite conficeretur Eucharistia, ut S. Pater affirmat tract. 118. in Joannem., num. 5. conficeretur nihilo tamen minus *valide*. Augustinus namque de precibus, & de signo crucis scribit prorsus eadem: ac signum crucis pertinere ad solam rituum decentiam, donorumque oblato-
rum benedictionem, consentiunt omnes. Postremo cum Eucharistia non solum sit sacramentum, verum etiam sacrificium, jugisque gratiarum actio certis ritibus, & supplicationibus quotidie peracta, affirmavere interdum Patres, perfici illam precibus, quas fundimus in sacrificio, ut constat ex ipso Augustino lib. v. contra Donatistas cap. 20. num. 28. ex Gregorio Magno lib. ix. epist. 12. aliàs 64. atque ex Justino in fine Apolog. 2. semper enim in Liturgiæ celebratione preces fuerunt adhibitæ, Dominica præfertim oratio; quod movit Amalarium, ut aliquando putaret hanc ad consecrandum Christi corpus sufficere: quem errorem retractasse auctor est Comment. in Ord. Rom. cap. 12. eximius Mabillon. Sed de objectione hac vulgarissima dictum satis.

Gravioris momenti forent objecta Græcorum, nisi adversus illa a nobis statuta essent firmitiora præsidia. Objiciunt ergo: In Missa Chrysostomi post Christi verba orat Sacerdos dicens: κατάκειμεν τὸ πνεῦμα σου τῷ ὄντι ἐφ' ἡμᾶς, καὶ ἐπὶ τὰ προκείμενα δῶρα ταῦτα, hoc est, *Emitte Spiritum tuum sanctum in nos, & super proposita dona ista*; ac paulo post: Πάισον πῖν μὴν ἄρτον τὴν τιμὴν σῶμα τοῦ Χριστοῦ σου, hoc est, *quidem panem hunc, pretiosam corpus Christi tui*. Ita Euchologium pag. 77. Similia in Jacobi, Marci, Clementis, & Basilii Liturgiis reperiri, citatis in locis Arcudius, & Allatius testantur. Præterea in Liturgia Basilii pag. Euchol. 169. post recitationem arcæanorū ver-
borum

horum habetur oratio, quæ incipit, *Διὰ τῆς, Propter hoc*, in qua panis & vinum appellantur τὰ ἀτίτυπα τῷ ἁγίῳ σώματι, ἢ αἵματι τοῦ Χριστοῦ *en, Antitypa*, ac symbola præsignantia sanctum corpus, ac sanguinem Christi tui. Ac Ioannes Damascenus testis est lib. 1v. de fide Orthodoxa, sacra dona dici a Basilio *Antitypa*, ac signa typum gerentia, ante, non post consecrationem: scribit enim cap. 14. *εἰ, si ἢ τῶν ἀτίτυπων τοῦ σώματος ἢ αἵματος τοῦ κυρίου τοῦ ἁγίου, καὶ τῶν οἶνων ἱερῶν, ὅς ὁ Θεὸς ἵπαι βασιλεὺς, οὐ μετὰ τὸ ἀγιασθῆαι ἔσται, ἀλλὰ πρὶν ἀγιασθῆαι αὐτῶν τὸν προσκυρὸν ὄντα κλιόντες, Si autem aliqui antitypa corporis & sanguinis Domini panem vinumque appellarunt, quem admodum Deifer inquit Basilius, non post consecrationem, sed antequam consecraretur oblatio, appellarunt ita. Interpretantur quoque illam Basilii vocem eodem pacto Ioannes & Epiphanius Diaconi æt. 6. septimæ Oecumenicæ Synodi. Vide lib. 111. cap. 27. pag. 221. doctum Arcudium. Ex quibus omnibus confurgit hæc obiectio Græcorum: Post verborum Domini prolationem *proposita dona*, panis scilicet ac vinum, sanctificata nondum sunt, nec versa in Christi corpus, & sanguinem: sed gerunt adhuc istorum *typum* prænuntiativum. Non ergo verbis Dominicis tantum consecratur Eucharistia.*

Occurrit huic argumento doctissimus Cardinalis Bessarion triplici responsione; quarum prima est, inusitatum non esse orare pro donis jam sanctificatis & consecratis, ut constat ex Liturgiis Orientalis, & Occidentalis Ecclesiæ: quod iccirco fit in sacro mysterio, ut post quam factum est corpus Christi *verum*, fiat *mythicum*, illud scilicet, quo fideles Christo participatione sacramenti uniantur. Responsio Bessarionis altera est, nullatenus absurdum judicari rursus petere quæ semel concessa sunt, ut quod adeptum est, dum iterum queritur, teneatur amore ac desiderio vehementiori. Tertia ejusdem responsio est, id fieri, ut populus percipiat consecrationem esse opus totius Trinitatis. Quarum solutionum duæ tanto viro dignæ sunt: at tertia videtur Arcudio nimium infirma, propterea quod necessum non est, ut omnes personæ exprimentur, atque una nominata reliquæ *implicite*, ut ajunt, intelliguntur: ac præterea verba, quæ obijciuntur, recitantur secreto, non voce elata, ut audiantur a populo. Quibus addo, Trinitatem ad extra operari simul atque indivisim; & inepte peti, ut fiat a Patre & a Spiritu sancto, quod jam a Filio creditur esse perfectum.

Memoratus Arcudius non male pag. 251. eam præfert responsionem, quæ ait non *præcise* Græcorum presbyteros deprecari, ut fiat Christi corpus, sed *ut fiat suscipientibus*. Ac observat primo Basilium non dixisse *Fac*, sed, *Ostende*: quod tamen repugnat Euchologio Goarii citata pag. 169. ubi legitur, τὸν μὲν ἄρτον τῶν αἰνῶν αὐτὸν τὸ τίμημα σώμα τοῦ κυρίου, ἢ αἷμα, ἢ εὐκτήριον ἵμῶν ἡμεῶν Χριστοῦ, Panem quidem

dem hunc fac ipsum pretiosum corpus Domini & Dei ac Salvatoris nostri Jesu Christi. Deinde ait Arcudius subintelligendum in illis verbis participium *εἶνα*, ut sensus sit, *Fac hunc panem, qui est corpus, &c.* Inquit præterea ita hæc verba esse explicanda, *Fac per effectum sacramentalem in anima iusti*, per spiritalem scilicet nutritionem. Allatius vero id subtilius exponens tres in sacrificio actiones distinguit, nempe ut res immoletur, ut offeratur, ut absumatur: quarum prima fit verbis Christi, altera precibus, tertia autem communione. Hostiâ itaque immolatâ, & pane ac vino consecratione immutatis, adhuc Sacerdos ait, *Fac*, hoc scilicet, ut Deo acceptum sit sacrificium, animarumque nostrarum nutrimentum: quæ Allatius a num. 41. ad 42. proluxa explicatione declarat. Addit verba, quæ proxime sequuntur in Liturgia, *Μεταβάλλει τὸ πρῶτον ἐν τῷ ἁγίῳ. Immutans Spiritu tuo sancto*, cum non præsentis significationis sit, sed præteritæ, reddenda Latine, *Postquam transmutasti*, præmissamque expositionem corroborare. Quæ omnia eo collineant, ut ostendant illud *Fac* referendum esse ad spiritalem effectum, non ad panis, aut vini consecrationem. Goarius pag. 177. advertit ea verba, *καὶ πρῶτον*, &c. in cunctis MSS. omitti, variare Regia, & ea, quibus utuntur Basiliani commorantes inter Latinos: ut hinc etiam eruas exploratissimam non esse, quod alibi monui, Euchologiorum, post tot Græcæ scissuras, auctoritatem. Atque hæc summatim producta sunt, quæ fusiori stilo reposuerunt viri in lingua, ritibusque Græcorum plurimum exercitati.

Renaudotius in Comment. ad Liturgiam Copticam S. Basilii pag. 250. ex his responsionibus eam præfert, quæ ait Sacerdotem mysterium perpendentem, ac propriæ memorem fragilitatis, iteratis precibus postulare quod jam concessum est, ac si nondum foret concessum: veluti dum post baptismum in Ordine Severi hæc recitatur oratio, *Tu Domine servos tuos, qui nunc baptizati sunt regenerationis lavacro, sanctifica in veritate tua*, aut dum post Confirmationem, orat Episcopus, ut Spiritus sanctus chrismatos confirmet, atque perficiat: aut dum Ordinatione per verba Sacramentalia, & manuum impositionem completa, oratur Deus, ut jam consecrato tribuat auctoritatem ac potestatem. Ego tamen illi responsioni adhæreo, quæ asserit Liturgiam Græcorum explicandam esse de effectu sacramentali, & peti in ea, *ut fiat corpus Christi communicantibus in purgationem animæ*: primum quia id manifestum est ex præmissis Græcorum Confessionibus; deinde quia id quadrat maxime in Liturgiam Basilianam, in qua proxime sequitur pag. 170. Euch. *καὶ μυστήριον ἐστὶν τοῦ σώματος, ἢ τοῦ αἵματος, πικρὸς παθήσας ὑγιὲς σώματος, καὶ ἀμάρτιαν τὸ ἁγῶν ἐν. Et neminem nostrum in iudicium, & condemnationis facias participem esse sacrosancti corporis & sanguinis Christi tui.*

Videtur præterea hæc responsio confirmari iisdem a Renaudotio productis exemplis, quæ non de impresso jam *charactere*, sed de *gratia*, ad quam in suscipientibus obex adesse potest, explicantur percommode. Firmissima tandem deprehendetur responsio ista, si præces Liturgicæ conferantur cum præmissis Patrum testimoniis, & cum populi voce statim post Dominica verba præsens Christi corpus profitentis, necnon cum actione Diaconi illud commonstrantis credendum, atque adorandum. De quibus omnibus paulo supra singillatim disserui.

Pertractandum nunc foret de voce *Antitypi*, nisi de ea luculenter egissent Bellarminus, & Perronius lib. 2. de Eucharist. Arcudius lib. 3. cap. 34. Allatius lib. 111. Conf. cap. xv. num. 27. & seq. Goarius pag. 186. Eucholog. & viri alii doctissimi. Igitur hoc unum fat est in præsentia reponere, (nam & nos proximo capite 9. de hac voce dicemus,) inter varias vocabuli hujus significationes, duas esse præcipuas. *Antitypa* enim vocantur, quæ typum & formam eandem referunt, ut inquit Moschopolus in Onomastico, *Ἀντίτυπα ἢ μεταγραμμεία, ἢ ἴμμι τὸν ἴχον, Antitypa sunt transcripta, consimilem habentia typum*, uti transumptum, & autographum: & *antitypa*, dicuntur quæ substituta sunt loco figuræ, & typi, quem veritas in lucem edita eliminat, quasi *ἀντὶ τοῦ τύπου*, ut lex Evangelica *antitypa* est veterum figurarum. Si ergo priori sensu accipias *antitypum*; non repugnat idem contineri in *typo*, & in *antitypo*, quemadmodum idem, quod in autographis, est in transcriptis; atque hoc sensu Christus in Eucharistia est *antitypus* sui ipsius in cruce immolati, & species panis & vini sunt *antitypa* corporis & sanguinis Domini; figura scilicet minime excludens veritatem. Ita symbola etiam post consecrationem appellare *signa*, *typos*, *imagines*, Origenes lib. 3. contra Celsum, Cyrillus Catech. 5. Nazianzenus Orat. funebri in forem Gorgoniam, Macarius Alex. Hom. 27. atque ex Latinis Ambrosius lib. 1v. de Sacram. At si *antitypa* posteriori accipias sensu; panis & vinum fuerunt *antitypa* duntaxat ante consecrationem, ut per se constat. Nunc vero, ut ad Liturgiam Basilii redeamus, putat Bessarion factam in illa aliquam verborum transpositionem, quod valde incertum est, nec ullo valido argumento probatur. Arcudius, cum existimet Basilium locutum de *antitypis*, quæ continent rei veritatem, pressus auctoritate Damasceni contendit interpretationem ab ipso factam Basilianæ Liturgiæ, aliena manu fuisse additam; quoniam Damascenus aperte eo loco testatur fieri symbolorum consecrationem *verbis Dominicis*. Excludit pariter Arcudius, & tanquam ineptam rejicit interpretationem Joannis & Epiphanii Diaconi traditæ a Damasceno concordem. Vide Arcud. pag. 264. & sequenti. Stat autem Damasceni aliorumque explicatio, quod nempe

pe

pe Basiliiſus ſcripſerit *Antitypa* ſecundo ſenſu, & accipiendus propterea ſit de pane, & de vino ante conſecrationem, ſi dicamus ea verba Liturgiæ, τὰ ἀντίτυπα τοῦ ὄψιου, &c. licet poſt conſecrationem prolata, referenda tamen ad tempus ipſam conſecrationem præcedens, quo erant *antitypa* non conſecrata. Eſt enim in illis Aoriſtus præteriti temporis, atque ita ſe habent in Græco, καὶ ἐπιδίδοτε τὰ ἀντίτυπα τοῦ ὄψιου τοῦ εὐχαριſτος, ὃς ἀντίτυπος τῷ Χρῆſτῷ, quod recte vertit Allatius pag. 1229. cit. Operis, *Et cum propoſuerimus Antitypa ſancti corporis, & ſanguinis Chriſti*: quæ ſane dubitationem omnem elidunt. Legit autem Allatius, τὰ ὄψιου τοῦ εὐχαριſτος, ſancti corporis ſui, ſed conſtat legendum τῷ, cum oratio dirigatur ad Patrem, & paullo poſt occurrat *Chriſti* nomen; unde vocabulo εὐχαριſτος præcedit articulus, non pronomen. Minimus tamen error, nec ſpectans ad hanc diſceptationem: in qua fuimus aliquantulum longiores, ne quis in poſterum cum Martenio quæſtatur, controverſiam iſtam a Scholaſticorum vulgo non ſatis accurate tractari. Ita enim ille tom. 1. de Antiq. Eccl. Rit. pag. 405.

PROP. IV. Ea duntaxat verba, *Hoc eſt corpus meum*, & *Hic eſt calix ſanguinis mei*, aut, *Hic eſt ſanguis meus*, conſecrationi *essentialia* ſunt; quamvis omne ſtudioſum adhibendum ſit, ne cetera prætermittantur.

Ac primo aperte, ni fallimur, ſequitur ex dictis ea verba, *Qui pridie, quam pateretur*, &c. non conſtituere *formam* ſacramentalem, contra, quam ſentiant aliqui Scotiſtarum. Conſecratio enim ſit *verbis Domini*, ut ſupra demonſtratum eſt innumeris argumentis. Atqui hæc verba, *Qui pridie, quam pateretur*, non Domini ſunt, ſed Evangeliſtarum. His ergo verbis non perficitur conſecratio. Vide ſupra prop. 3. quæ produximus ex Ambroſio, nec non Paſchaſium Ratbertum de Corp. & ſang. Domini capite quintodecimo. II. Conſequitur pari ratione non eſſe de *essentia* conſecrationis calicis verba, quæ ſequuntur poſt illa, *Hic eſt enim calix ſanguinis mei*. Hæc enim perfectam orationem continent, ac ſenſum determinatum, non minus ac præcedentia, *Hoc eſt corpus meum*; ſi ergo hæc ad conſecrationem panis ſufficiunt, cur illa non erunt ad conſecrationem calicis ſufficiencia? Adde non omnia, quæ a nobis recitantur, haberi in exterarum Eccleſiarum Liturgiis, præſertim illud, *Novi & æterni teſtamenti*; ac permultos Patrum afferere his tantum, de quibus agit, verbis confici Chriſti ſanguinem, ut ex dictis apertum eſt. III. Quamquam adduntur his alia verba, quæ a Domino Jeſu creduntur prolata, non tamen ad *formam* ſpectant *essentiam*: illa ſiquidem, *Accipite, & comedite*, uſum ſacramenti commonſtrant, non ſubjectæ materiæ conſecrationem: particula *enim* nexum orationis, non materiæ tranſmutationem notat; & reliqua non ſignificant

Christi corpus, & sanguinem, sed Domini potius crucifixionem; ac redemptionem; quæ sunt quædam Eucharistiæ, institutæ jam & consecratæ, consecratoria. IV. Nullum tandem præscriptorum verborum prætermittendum esse facile demonstratur, quippe præcedentia, *Qui pridie*, &c. ostendunt Sacerdotem consecrationis verba, proferre in persona Christi: particula enim consecrationem præmissæ orationi conjungit; reliqua autem in memoriam nostri revocant crucis immolationem, redemptionemque peractam, in cujus rei commemorationem Eucharistiam esse institutam, docent nos Evangelium, Paulus, Ecclesia. Maximæ demum audaciæ foret, in re præsertim tam gravi, Majorum instituta, & Ecclesiæ consuetudinem violare.

Objicit autem Scotus dist. 8. q. 2. num. 8. *Hæc verba*, Hoc est corpus meum, *prolata sine præcedentibus non significant absolute corpus Christi, quia ly meum significat referri ad personam ipsius loquentis; quia licet minister possit intendere, ut loquatur in persona Christi, non tamen propter hoc significatum verborum esset, quod ly meum demonstraret corpus Christi. Sicut si ego inciperem loqui in persona Christi, tamen ex vi verborum non habetur, quod ista doctrina sit Christi, sed mea*, &c. Addunt Hiqueus, & Brancatus debere verba sacramentorum significare id, quod efficiunt, *ex vi ipsorum verborum*: ex vi autem verborum, *Hoc est corpus meum*, non significatur Christi corpus, nisi alia, *Qui pridie* &c. fuerint præmissa. Præterea, inquit, probant Patres in Eucharistia realem præsentiam corporis Christi ex vi, & proprietate verborum. Hæc autem oratio, *Hoc est corpus meum*, absque alio additamento spectata verborum vi significat corpus loquentis, non Christi. Igitur ex nativa significatione verborum prænuntiata oratio non commonstrat corporis Christi præsentiam.

Respondeo de mente Scoti nec inter suos convenire, visumque plerisque erupisse in ea verba disputationis tantum gratiâ. Puto Scotum dubium saltim hæsisse; nam num. 10. scribit: *Dico quod si quis Sacerdos inciperet sic loqui: Hoc est corpus meum, non prædicens verba præmissa totaliter, non est adorandum, nisi sub conditione, si vere consecratum est*. Sed quidquid fuerit de Scoti mente; prædicta obiectio est facillimæ solutionis. Sat enim est ad conficiendum sacramentum, ut verba effectum significant ex institutione Christi, & ex intentione proferentis præditi auctoritate, cum idem Scotus, ejusque affectu doceant satis non esse ad consecrationem, si sacerdos arcana verba pronuntiet; sed requiri, ut ea proferat *formaliter, & significative*, ea intentione, qua Christus instituit, & protulit, faciendi nempe quod Christus fecit. Quæ utique est intentio ad sacramentum conficiendum necessaria. Alioqui si verba præcedentia, *Accepit*,

cepit, benedixit, fregit, &c., & non istiusmodi intentio, & institutio determinarent verba ad sacramentalem effectum, etiam pronomen *Hoc* non commonstraret quod sacerdos habet præ manibus, sed tantummodo quod Christus habebat, ut adversus Brancatum acute ratiocinatur Barth. Mastrius præcitata quæst. 4. num. 143. Atque eadem responsione cetera pariter refutantur. Enim vero effectus sacramentalis non pendet ex *materiali* significatione verborum, sed ex significatione, quam habent ex Christi instituto, & ex intentione ministrum, Christi vicem gerentis: atque ex vi talium verborum hac institutione præscriptis, atque hac intentione prolatis, recte Patres ac Theologi inferunt realem in Eucharistia corporis Christi præsentiam. Cum vero talis institutio, potestas, & *formalis*, (ut eodem utar Scotistarum sermone) significatio verborum non sit in illo, qui doctrinam alterius venditat tanquam propriam, ad rem nullatenus facit exemplum a Subtili disputatore propositum.

Nonnulli pariter Thomistæ nituntur ostendere ad essentiam *formæ* consecrationis calicis pertinere etiam verba, *Novi & æterni testamenti, &c.* quod ita probant auctoritate Angelici præceptoris. S. Thomas q. 78. art. 3. refutat sententiam eorum, qui dixerunt, de *substantia formæ* *hujus est hoc solum quod dicitur, Hic est calix sanguinis mei, non autem ea quæ sequuntur*. Præfert deinde sententiam illorum, qui dicunt, *omnia sequentia sunt de substantia formæ, usque ad hoc quod postea sequitur: Hac quotiescunque feceritis, &c.* In iv. etiam Sentent. dist. 8. q. 2. ait, *ea, quæ sequuntur, sunt essentialia sanguini, prout in hoc sacramento consecratur, & ideo oportet quod sint de substantia formæ*. Idem docet lect. vi. in cap. xi. epistol. i. ad Corinth. ac tam aperte, ut asserat his solis verbis, *Hic est calix sanguinis mei, probabilis non fieri consecrationem*. Addunt jussu Pii V. expunctam ex Commentariis Cardinalis Cajetani disertationem, qua propugnabat *formam* calicis consecrandi his tantum verbis comprehendi, *Hic est calix sanguinis mei*.

Respondeo non unam esse, ut diximus, circa mentem S. Thomæ sententiam Scriptorum, nec deesse discipulos ejus præstantissimos, qui illum trahant ad partes nostras. Primo enim, inquit, sanctus Doctor art. 1. ejusdem quæstionis 78. scribit: *Forma hujus sacramenti importat solum consecrationem materia, qua in transubstantiatione consistit: puta cum dicitur, Hoc est corpus meum, vel, Hic est calix sanguinis mei*. Præterea art. 3. non proponit quæstionem, an verba, quibus nos utimur, sint essentialia, sed, *utrum hæc sit conveniens forma: quæ duo longe, ut constat, diversa sunt*. Insuper eodem art. 3. ait: *Omnia prædicta verba sunt de substantia formæ; sed per prima verba cum dicitur, Hic est calix sanguinis mei, significatur ipsa conversio vini in sanguinem, eo modo, quo dictum est*

in forma consecrationis panis: per verba autem sequentia designatur virtus sanguinis effusi in passione. Hinc inferunt S. Thomam scribentem omnia verba esse *de formæ substantia*, nec non consecrationi sanguinis *essentialia*, exponendum esse, quatenus omnia necessaria sunt *ad integritatem locutionis*, sive ad expressam significationem sanguinis, ut effusi. Quæ, utut vera sint, non prorsus difficultatem tollunt omnem. Nam quod ajunt consecrari materiam, & fieri *transubstantiationem*, juxta divum Thomam, per ea verba, *Hic est calix sanguinis mei*, verissimum id est; sed videtur Angelicus *ad formam consecrationis* ulterius requirere, ut sanguis seorsim consecratus a corpore, cum representet passionem Christi, consecratus sit per verba, quæ eandem passionem ejusque fructum expresse significant, ut ait eodem art. 3. ad 6. Quod insuper in eodem art. querit, *Utrum hæc sit conveniens forma consecrationis vini*, &c. non evincit quæstionem ab ipso minime institui de formæ *substantia*, atque *essentia*; nam præcedenti art. 2. iisdem verbis quæstionem proponens, scribit: *Utrum hæc sit conveniens forma consecrationis Panis*, *Hoc est corpus meum*, de forma utique *essentiali* verba facit. Præcitata demum lect. 6. in Paulum de forma integre prolata diserte scribit, *Illis solis verbis perficitur consecratio: & paucis interjectis: Circa ista verba, quibus Ecclesia utitur in consecratione sanguinis, quidam opinantur, quod non omnia sint de necessitate formæ, sed solum quod dicitur, Hic est calix sanguinis mei, non autem residuum quod sequitur, novi & æterni testamenti, &c. Sed hoc non videtur convenienter dici: nam totum illud quod sequitur est quædam determinatio prædicati. Et infra: Totum pertinet ad vim effectivam formæ.*

His autem omnibus libratis puto sententiam S. Thomæ, talem esse, ut de illa possit in utramque partem disputari. Atque, ut dicam quod sentio, salvo doctiorum virorum judicio, duo S. Thomas in consecratione calicis spectat, unum scilicet, quod verba significant Christi sanguinem, & conversionem, seu *transubstantiationem* efficiant, alterum quod significant Christi passionem, & ejusdem sanguinis effusionem. Igitur S. Thomas docet ea verba *Novi testamenti*, &c. esse *de substantia*, ac *de essentia formæ*, non ut consecraretur materia, & vinum convertatur in Christi sanguinem; sed ut significetur expressione verborum Christi passio, & sanguinis ejus effusio: quod ex iisdem Doctores Angelici verbis apparet, si attente legantur. Ceterum jure mandato Sancti Pii V. expuncta est e Summa Angelici disertatio Cajetani, propterea quod nec ejus mentem assecutus est, nec de illo cum debito honore locutus, scribens, ut habetur in antiquiore editione, quam Cardinalis Gotti se legisse testatur, *Esti sancti Thomæ intentio contraria sit, non est curandum*, Voluit denique

S. Pius

S. Pius pluriam Thomistarum sententiam in sua probabilitate relinquere, adversus Cajetani refutationem.

PROP. V. Consecrationis verba non historice tantum, & narrative, sed *assertive* etiam, & *significative* pronuntiantur.

Hæc propositio pluribus argumentis a me demonstrata est præced. Vol. pag. 109. adversus hæreticos affirmantes verba *Sacramentalia* recitari tantummodo, & adinstar concionis proferri, ut in memoriam revocatis Domini dictis, factisque, fides, qua apprehenditur iustitia, facilius excitetur, ideoque male se gerere ministros sacros, qui non populo alta voce, sed propositis symbolis verba consecrationis admurmurant. Ad illum itaque locum remitto lectores. Nunc autem brevi confirmo thesım; quoniam arcana illa verba non locum concionis tenent, ut hæretici autumant, sed, Ambrosio, Augustino, Damasceno, aliisque Patribus id asserentibus, ad *elementum* accedunt, subjectam materiam *consecrant*, & si de Eucharistia loquimur, panem vinumque *convertunt* in Christi corpus ac sanguinem. Præterea Sacerdos ea verba proferens loquitur non in propria, sed in *Christi persona*, quemadmodum propositione tertia demonstratum est: quod utique non esset verum, si sacerdos ea verba proferret solum *historice*, non *assertive*. Postremo, ne singula repetam, dirigitur consecrationis *forma* ad panem vinumque posita in Sacerdotum manibus, non ad placentas, & ad calicem supremæ cœnæ, quæ accepit, distribuitque Salvator, & in hac præsentī ac subiecta materia, non autem in illa divinum conficitur sacramentum; ideoque non enarratur tantummodo quod a Domino crucem postridie subito gestum est, sed hoc idem ejusdem Domini sermone perficitur: quod est verba consecrationis *assertive*, & *significative* proferri. Ceterum, quod summopere notandum est, nemo nostrum negat eadem arcana verba, maxime si accipiantur ut conjuncta cum præcedentibus, sonare historicam aliquam narrationem; cum Christi benedictionem, fractionem, & consecrationem commemorent. Sed dicimus, præter narrationem hanc historicam, Sacerdotem, dum pervenit ad prolationem arcanorum verborum, Christi fungentem vice, ipsius corpus, & sanguinem enuntiare præsentia, & enuntiando consicere; unde optime in Latina Ecclesia, tanquam Domini induens personam, panem manu accipit, attollit oculos, benedicit dextera, & super ipsum panem *secreto* verba pronuntiat.

Sed iniqui hæretici: At ita non in veteri servabatur Ecclesia: sed verba consecrationis *clara voce* tunc exprimebantur, ut iis auditis populus responderet, *Amen*. Id constat ex Justino Apolog. 2. ex Clementis Constitut. VII. cap. 20. ex Ambrosio de Myst. cap. 9. atque morem hunc in Ecclesia Romana abrogatum obtinere etiam
punc

Isaac Habert pag. 147. in Pontificale Græcorum : sed nulla nos *No- vellis* Justinianeis permovemur agentes de sacris ritibus , quos ab Ecclesiæ statutis , non ab Imperatoriis legibus edocemur .

QUÆSTIO INCIDENTS.

Quod si nunc quæras , an melius sit proferre verba consecrationis voce submissa , an elata ; primo respondeo unicuique servandam Ecclesiæ , in qua degit , consuetudinem ; ut de sacris Ritibus universum disserui lib. xxx. cap. 23. prop. 2. Fateor deinde Græcos , & alios Orientales illa verba clara voce proferre ; quod non solum ex testimonio Dionysii Alexandrini in Epistola ad Xystum demonstrat Eminentissimus Bona lib. 2. Rerum Liturg. cap. 13. num. 1. sed constat etiam ex Missa Chrysostomi pag. 76. Euch. Græc. Basilii pag. 168. aliisque libris Liturgicis . Dabo etiam obtinuisse eundem morem in Ecclesia Mediolanensi , ut censet Menardus not. 1036. in Sacrament. Gregorii , id infrens ex præcitatis locis Ambrosii lib. de Myst. cap. 9. & lib. 14. de Sacram. cap. 5. tametsi ex priori loco non appareat , an illa vox *Amen* pronuntiaretur a populo statim peracta consecratione , ut observarunt Benedictini editores Ambrosii tom. 2. pag. 340. alter verò locus aperte ad actum communionis sit referendus : habet enim , *Ergo non otiose dicis tu , Amen , jam in spiritu confitens , quod accipias corpus Christi* . Immo additur in nonnullis editionibus , *non otiose cum accipis , &c.* Affirmo præterea Orientalium ex ritibus nullam Romanæ Ecclesiæ præscribi legem , tum quia hæc tenet Majorum suorum instituta ; tum etiam quia impropria omnino foret apud nos elatio illa vocis . Cum enim fiat , ut diximus , ad commonendum populum de consecratione facta a Sacerdotibus in sanctuario latentibus ; necessum non est id servari a Latinis , in quorum Ecclesiis aspicit populus celebrantem ; qui statim , non quemadmodum faciunt Græci paullo ante communionem , elevat symbola consecrata ; eadem adorat , & signum populo datur pulsatione campanulæ : de qua re capite libri huius postremo . Tandem longe melius est submissa , quam elatâ voce verba sacrosancta proferre , ne vilescant , aut a plebe sacrilege pronuntientur , atque ut ita admoneamur consecrationem ad Sacerdotes tantummodo pertinere : quarum rationum primam affert lib. 111. de Alt. myst. Innocentius , & alteram q. 83. art. 4. ad 6. sanctus Thomas . Ac de verbis consecrationis mihi videor satis superque dixisse .

C A P U T VIII.

*Demonstratur in Sacramento Eucharistiæ revera Christi corpus,
& sanguinem contineri.*

AMPLISSIMAM instituo disputationem, de qua non esset differendi finis, si omnia in medium afferendi foret animus: sed eum omnes, qui de re Theologica pertractarunt, in hac controversia, stilum accurate diligenterque exercuerint, id præstare conabor, ut quod alii diffusis tradidere lucubrationibus, perspicua methodo, contracta oratione, selecta rerum copia, novisque insertis animadversionibus comprehendam. Quod priusquam peragatur, dicendum principio quinam adversus catholicam veritatem perfidiæ suæ prodiderint contumaciam. Tenent ergo primum locum Capharnaitæ, qui Domino de manducatione carnis suæ faciente verba Joan. 6. vel denegarunt his fidem, vel ea sensu deteriori acceperunt: inter quos fuisse apostatam Judam, probat auctoritate Chrysostomi Diatriba 3. adversus Casaubonum Julius Cæsar Bulengerus. Simoniani, Manichæi, Marcionitæ, alique Phantasiastæ, qui negabant veram Christi carnem, fateri consequenter non poterant hanc in Eucharistia contineri: ac de his agit in epistola ad Smyrnenfes S. Ignatius. Idem dicendum de Messalianis, & Entusiastis, quos omnia sustulisse sacrificia, carnis Christi inutilem esum pronuntiantes, auctor est lib. 1. v. Hist. cap. 11. Theodoretus. Nestorianos, quorum hæresis damnata est paullo post obitum Augustini, negasse præsentiam corporis Christi in Eucharistia, scribit in Dialogo adversus Berengarium Lanfrancus: sed probabilius est, atque magis hæresi suæ consentaneum, affirmasse Nestorium in Eucharistia carnem Christi, seu hominis non *hypostatice*, sed secundum solam dignitatis unionem moralem, Verbo Dei conjunctam: siquidem Ephesini Patres, & Cyrillus hoc unum adversus Nestorium adstruunt, accedentes ad benedictionis mysteria, *vivificam & ipsius verbi propriam carnem manducare, non hominis sanctificati, & Deo conjuncti secundum dignitatis unionem*. Et revera Nestorianos *transubstantiationem* panis in Christi carnem admisisse, constat ex Vigilio Tapfensi lib. v. adversus Eutychen. Si autem advertas, in quo sita fuerit Nestoriana hæresis, alibi profligata; percipies optime, quare Nestorius admisit in Sacramento carnem Christi, non carnem propriam Verbi; quia nimirum prædicabat Christum esse personam a Verbo distinctam. Ita facile eludes, quæ de Nestorio commentus est Albertinus. Hæc tantum de hæresibus antiquioribus.

Liber Trigesimus tertius. Cap. VIII. 151

Sæculo nono edidit librum *De corpore & sanguine Domini* Paschasius Radbertus Abbas Corbejenfis, *adversus aliquos male de Eucharistia sentientes*, teste Alcuino in Confess. Fidei. Paschasium dogmatis nostri primum auctorem faciunt temere recentiores Calvinistæ, ac plura in ipsum effudit Claudius Carentonenfis minister. Commoventur hæretici, quod adversus Paschasium steterint Rabanus Maurus, Ratramnus, & Joannes Scotus, cognomento Erigena. Verum Joannem Scotum permultis erroribus implicatum damnavit Ecclesia, auctore citato libro adversus Berengarium Lanfranco: illum sanctus Prudentius appellavit *sectatorem Pelagii, Cælestii, ac Juliani, ac summa impudentia oblatrantem Orthodoxæ Fidei, Patribusque Catholicis*, & Ecclesia Lugdunensis *hominem inani verbositate, & ventosa loquacitate perniciosissime occupatum*. Vide in Synopsi Hist. Gothefcalcanæ cap. 1. Norisium. Rabanus vero, & Ratramnus a Paschasio discordarunt tantum circa modum loquendi; cum enim Paschasius *idem christi corpus* in cælis, & in Eucharistia, affirmaret, illi scripserunt esse *diversum*, unde venerunt in erroris hæresisque suspicionem; ac Ratramnus præsertim, cujus librum *De corpore & sanguine Domini*, pluries studio hæreticorum typis editum, inter hæreticos recensuit Clemens VIII. ac sinistrum de illo protulerunt judicium Sixtus Senensis lib. vi. Bibliot. S. annot. 196. & 289. Bellarminus, Alanus, alii: quidam etiam ab Oecolampadio sub Bertrami nomine putant librum illum fuisse conscriptum, Petrus autem de Marca, & Harduinus a Joanne Scoto. Sed licet Ratramnus, dato quod ejusdem libri auctor sit, dixerit mysterium corporis, & sanguinis Christi differre, ac separari a corpore, quod de Virgine conceptum & natum est, atque alia id genus multa, quorum causa merito subierit censuras plurimorum; videtur tamen *differentiam* illam statuere quantum ad *species*, exterioremque figuram, uti demonstrat Jo. Mabillon parte altera in quartum sæc. Benedict. Paschasii vero liber typis editus prodiit anno 1528. opera Hiobi Gassii Lutherani, dispunctis, abasque locis omnibus, quæ diserte in Eucharistia tradunt rationem sacrificii, & *transubstantiationem* panis; detexitque falsarii hujus depravationes Mamertus Lucemburgensis, qui anno 1550. edidit Colonienfis typis Paschasii Opus integrum, atque incorruptum. Ita virum hunc avitæ fidei propugnatorem, Lutherani patronum suum, Sacramentarii *transubstantiationis* auctorem, pugnantibus inter se sententiis, ausi sunt diffamare. Tradunt nonnulli prodiisse circa eadem tempora infamem & propudiosam sectam *Stercoranisticam*, eorum scilicet, qui affirmare non erubuerint divinissimam Eucharistiam projici (patiatur lector inverecundiam verborum) in locum, in quem erat saturi. Illi tamen, si extiterunt (quod merito in dubium vertitur,) non realem Christi

præsentiam negarunt, sed asseruerunt duntaxat de ejus corpore probosam rem, ac nefandam.

Prodiit postea XI. sæculo hæresis Berengarii, aut Beringerii, Turonensis, hominis versipellis, de cujus errore non convenit inter eruditos. Certe Berengariani aliqui admiserunt *præsentiam realem*, & negarunt tantum panis *transubstantiationem*, asserentes corpus Christi in Eucharistia *latenter contineri*, & *quodammodo impanari*, ut referunt Guitmundus, & Algerus: & Berengarius ipse fateatur præsentiam corporis & sanguinis Domini, non solum in variis fidei Confessionibus, sed etiam in Epistola ad Adelmannum: quare non desunt, qui Berengario tribuant assertam a Lutheranis *impanationem*. At negari non potest, alios Berengarii assecclas in ea fuisse sententia, quod corpus Christi collocatum in cælis non possit in terram deferri, id affirmante cap. 21. Lanfranco. Damnarunt Berengarium in Romana Synodo Leo IX. anno 1050. ut affirmat Hermannus in Chronico, aut 1053. ut scribit Durandus Abbas Troarnensis; Conventus Brionensis, & Synodus Vercellensis paullo post prælaudatum Concilium Romanum; Synodus item Parisiensis, & Florentina sub Victore II. anno 1055. Romana altera sub Nicolao II. an. 1059. in qua Berengarius hæresim suam abjuravit, libroque suos concremavit; Concilium insuper Pictaviense anno 1075. de quo Chronicon sancti Maxentii, ac postremo Concilia duo Romæ habita sub sancto Gregorio VII. unum anno 1078. in festo omnium Sanctorum, alterum mense Febuario anni sequentis. Tres fidei formulas a Berengario confirmatas edidit Mabillonius tom. 1. Anal. pag. 515. In quarum prima anathematizat hæresim, de qua se infamatum fatetur, adstruentem, *panem, & vinum, quæ in altari ponuntur, post consecrationem solummodo sacramentum, & non verum corpus & sanguinem Domini nostri Jesu Christi esse*: in altera inquit, *Profiteor panem altaris post consecrationem esse verum corpus Christi, quod natum est de Virgine, quod passum est in cruce, quod sedet ad dexteram Patris, &c.* ac in tertia etiam *transubstantiationem* his verbis profitetur: *Ego Beringerius corde credo, & ore confiteor, panem & vinum quæ ponuntur in altari per mysterium sacræ orationis & verba nostri Redemptoris substantialiter converti in veram & propriam, ac vivificatricem carnem & sanguinem Domini nostri Jesu Christi, &c.* Ex his autem *Confessionibus* infero Berengarium principio *realem præsentiam* negasse, deinde hac admissa propugnasse *impanationem*: hæc quippe hæreses præmissis *Confessionibus* opponuntur. Ita controversia de erroribus Berengarii facile componitur, si distinguantur duo illius capita, ac duo status. Ceterum post tergiversationes varias, deposita erroris pertinacia, rediit Berengarius ad sanam mentem, obiitque fere nonagenarius anno 1088. die quinta Januarii, ut

ut narrat Clarius Monachus Floriacensis, & Hildebertus Cenomanensis, qui scripsit illius Epitaphium, *Quem modo miratur, semper mirabitur orbis*, &c. Vide Mabil. in Analectis, & præf. 2. in Sæcul. v1. Benedict. num. 63.

At insequentibus sæculis in Eucharistiæ sacramentum pervicaciores hæretici furrerunt; paullo post obitum Berengarii Petrus de Bruis, & Henricus ejus discipulus: deinde Albigenfes exorti ex Manichæorum reliquiis: tum Carlostadius Withembergenfis Novator, Zuinglius, qui in Senatu Tigurino biduo disputavit contra Missam, & Encharistiam, Oecolampadius, Bucerus, & Socinianorum grex impurissimus. Hi omnes in Eucharistia *figuram, signum, & imaginem corporis & sanguinis Christi* fatentur, ipsum vero corpus & sanguinem adesse negant. Quid vero Lutherus? Principio excogitaverat *realem præsentiam* negare, ut ipsemet fatetur in Epistola ad Argentinenses, sed presus Evangelicis verbis præsentiam illam perspicue adstruentibus, eandem agnovit, ita tamen, ut dixerit una cum Christi corpore permanere *substantiam panis*. Anno tamen 1543. *transubstantiationem* admisit, accusatus propterea a suis, a Melanchthone præsertim, atque ab Hospiniano. Cum vero de *Impanatione*, aut *Consubstantiatione*, per quindscim saltim annos, inter Lutheranos, & Sacramentarios (qui nempe sectantur Zuinglii & Oecolampadii doctrinam) acerrime dimicatum fuit, nec iniri potuit aliqua inter pugnantes conciliatio; Calvinus anno 1540. sententiam suam palam fecit edito Gallice tractatu de Cœna, quem postea latinitate donavit. In hoc libro primum ait revera distribui in *cœna corpus & sanguinem Christi*, cui nos respsa, non sola mentis apprehensione, uniamur, adeo, ut Lutherani propositam spem haberent ad se tandem Calvinum fore accessurum: sed cum is addiderit id fieri *sola manducantium fide*; & spes præconcepta Luheranos fefellit, & compertum satis, Calvinum pugnantia conscribere, verbis ludere, præfensque dissidium non componere, sed nexibus tenacioribus implicare. Adcas Meldensem Episcopum in Historia Variat. lib. ix. num. 50. Dixi autem de hæresibus hæctenus: nunc dogma Catholicum propugnaturus demonstrabo contineri sub panis vinique speciebus corpus, & sanguinem Christi, de *transubstantiatione*, quæ hujus controversiæ est pars altera, dicturus postea.

PROPOS. In Eucharistia vere corpus & sanguis Domini N. J. C. continetur.

Catholica hæc veritas momentis pluribus stabilitur, quorum primum auctoritati sacrarum litterarum innixum est. Ac primo Joannis vi. versu 52. ait Dominus: *Panis, quem ego dabo, caro mea est pro mundi vita*. Et litigantibus versu proximo Judæis, ac dicentibus, *Quomodo potest hic nobis carnem suam dare ad manducandum?*

dum? respondit Iesus v. 54. *Amen, amen dico vobis, nisi manducaveritis carnem filii hominis, & biberitis ejus sanguinem, non habebitis vitam in vobis:* tum omnem hæsitandi occasionem removens subjecit versu 56. *Caro enim mea vere est cibus, & sanguis meus vere est potus.* Dicant, quæso, etherodoxi, num ad monstrandam veram corporis, & sanguinis sui in Eucharistia præsentiam, & veram realemque manducationem, atque potationem, potuisset Dominus adhibere verba magis perspicua, magis expressa, magis perceptioni hominum accommodata? Minime, nequaquam. Hoc itaque in loco vera, propria, realisque præsentia, & vera propria, realisque sumptio corporis, & sanguinis Domini declaratur. Et quoniam hoc pertinacissime negant hostes veritatis; immo Albertinus in prægrandi suo de Euch. opere lib. 1. cap. 30. etiam nostræ communionis Theologos, & quosdam Patres, qui caput illud sextum sensu exponunt mystico, advocat in patrocinium hæreseos; complura sunt argumenta, quibus evincitur, non posse ulla ratione illinc excludi sensum proprium & litteralem. Ac primum sit, quod iidem hæretici, ut adversum nos adstruant communionem sub utraque specie, utuntur præcitato versu 54. *Nisi manducaveritis, &c.* ideoque velint, nolint, fateantur necessum est agi ibidem de sacramento Eucharistiæ, quod tamen Albertinus præ ceteris audacter negat, & pernegat. Deinde cum Judæi percipere nequaquam possent, quomodo manducanda foret humana caro, & sanguis potandus, & quidam inter se dicerent, *Durus est hic sermo*, intelligentes manducandam carnem, quemadmodum *in cadavere dilaniatur, aut venditur in macello*, ut inquit magnus Augustinus Tract. xxvii. in Joannem; minime ad scandalum averendum respondit Dominus loquutum se de comestione mystica & metaphorica: sed semel iterumque idem asseruit, afferens in veritatis confirmationem futurum sui ipsius in cælos adscensum. Et tamen Dominus ubi animadvertit sermonibus suis ob æquivocationem verborum in discipulorum mente gigni aliquam dubitationem, hanc studuit statim evellere; prout fecit Joan. 111. 5. dum Nicodemus non percipiebat spiritalem hominis renascentiam; Joan. iv. 34. dum hæsitabant discipuli circa ea verba, *Ego cibum habeo manducare, quem vos nescitis*; Matth. x111. 37. dum explanavit discipulis parabolam zizaniorum. Joannes ipse ceteris accuratior, si quid tropice a Domino dictum est, adjecta explicatione notavit. Cap. enim 3. ait Dominus, *Solvite templum hoc, &c.* & Joannes vers. 21. *Ille autem dicebat de templo corporis sui:* cap. 7. Christus, *Qui credit in me, flumina de ventre ejus fluent aquæ viva*, Joannes vero vers. 39. *Hoc autem dixit de Spiritu, quem accepturi erant credentes in eum:* cap. 12. Iesus, *Si exaltatus fuero a terra, omnia traham ad me ipsum*; Joan. autem vers. 23. *Hoc autem dicebat, signifi-*

cans

eans qua morte esset moriturus. Cur ergo de manducando corpore, & bibendo sanguine suo sermonem instituens, quibusdam inurmurantibus, & scandalum patientibus, Salvator lux mundi, & veritatis magister mentem suam non aperuit, nisi quod prius dixerat confirmando; neque accuratissimus Evangelista hæc consignans literis, ne pariter nos deciperemur, notulam apposuit aliquam; cur id, inquam, nisi quia illa verba, *Caro mea vere est cibus*, &, *Nisi manducaveritis carnem meam*, &c. accipi debent in proprio, literali, obvio, expresse, planissimoque sensu? Præterea inquit eo loci Christus, *Panis, quem ego dabo, caro mea est pro mundi vita*, eundemque panem longe *mannâ* præstantiorem esse demonstrat, subiciens, *Non sicut manducaverunt Patres vestri manna & mortui sunt: qui manducat hunc panem, vivet in æternum.* His autem verbis non de Incarnatione jam peracta, sed de beneficio futuro loquitur Dominus; ac de beneficio tali, quo non *figura* corporis sui, quemadmodum fuit manna, sed ipsum corpus traderetur in cibum. Ad hæc Christus priusquam talia de panc isto proferret, insigne præmisit miraculum in quinque panibus hordeaceis patratum, non utique alia ratione, nisi, *ut re docti fidem minime iis negarent, quæ postea dicturus erat*, prout scribit in hunc locum Chrysostomus, *ἵνα διδάξῃν τοὺς μὲν διαπιστῶσι τοῖς μετὰ ταῦτα λεγόμεναις.* His itaque argumentis facile hæretici verba Joannis detorquentes revincuntur, & refutantur.

Accedunt verba Christi Eucharistiam instituentis: ipse enim, ut legitur Matth. xxv. 26. Marci xiv. 22. Lucæ xxi. 19. & 1. ad Corinth. xi. 24. discipulis panem vinumque porrigens ait: *Hoc est corpus meum, Hic est sanguis meus.* Hæc autem verba sensum proprium tantummodo patiuntur; quod proximis adnotationibus ostendo. I. Oratio ista, *Hoc est corpus meum*, enuntiativa est, & operatrix, vera est enim, ac pronuntiata ab ipsamet Veritate panem in manibus tenente: non esset autem vera, si tunc panis in priori permanisset substantia, veluti si in Cana Galilææ accipiens in manus suas hydriam aquæ dixisset, *Hoc est vinum*, nec aquam in vinum vertisset, mentitus esset, & illuisset convivis: quare sermonem hunc Christi esse operatorium, haud secus, ac sermo, quo Deus ab initio condidit omnia, scribunt Ambrosius, Damascenus, alique patres paulo post laudandi. II. Hæc verba a Sacramentariis explicantur per *metonymiam*, quasi hunc reddant sensum, *Hic panis est signum corporis mei*, propterea quod circumstantiæ temporis, proximæ scilicet passionis, ostendebat fore ut quamprimum Christi corpus adinftar panis contrectaretur ac frangeretur. Sed eædem circumstantiæ ora perfidorum obtundunt. Etenim Christus hoc Sacramentum loco *testamenti* reliquit: in testamentis autem condendis verba

verba plana, & apertissima debent esse, ne inter hæredes oriatur contentio. Loquebatur etiam Dominus cum discipulis suis, non coram Judæorum multitudine; nec petebat audientium conditio, ut tropis ac parabolis uteretur. Apostoli saltim orationis illius sensum scrutati fuissent, si tropice existimassent prolatam: aut si hæsitavissent animo, ipse Jesus rem explanasset, ne postea Ecclesia in fœdissimum, horrendissimumque crimen idololatriæ laberetur. Ardentissimum præterea peragendi mysteriorum desiderium, separata benedictio utriusque elementi, nec non diligentissima Evangelistarum, & Pauli narratio satis ostendunt, Christum rem fecisse maximi quidem momenti, nec ulla sermonis ambiguitate tegendam. Demum non ait Dominus, *Hic panis est corpus meum*, sed *Hoc est corpus meum*, ita, ut pronomen *hoc* non sit referendum ad panem, sed ad Christi corpus, nec sensus sit, *Hic panis est figura corporis mei*, sed: *Hoc*, quod modo prolatione verborum meorum fit ex pane, *est corpus meum*. Vide Estium dist. vii. §. 13. & 14. & in caput xi. primæ ad Corinthios. III. Insuper notendam sensum horum verborum, *Hoc est corpus meum*, eruere debemus, & explicari? Utique ex definitione iudicis vivi, cum hæretici constituentes fidei normam in privato spiritu, in his explicandis nunquam convenire potuerint: unde illos exagitavimus lib. xxi. cap. 3. Atque si huc accederent; finita esset causa. Sed quoniam solam Scripturam in dirimendis controversiis expendendam esse reponunt; confodiam nunc fuisset jaculis pervicaces. Horum quidam dicunt verba divina accipienda esse juxta nudam Grammaticæ intelligentiam, ne adversariis eludendi scripturas præbeatur occasio: alii tradunt, ubi aliquis textus videatur obscurus, atque de vera interpretatione disceptatio contingat, consulendam esse Scripturam iis in locis, in quibus eadem res perspicue tractatur; docent permulti antecedentia, & consequentia verba esse attente inspicienda, quæ ut plurimum verum nobis sensum commostrarunt: in his autem regulis aliquid utilitatis esse fateamur, negamus præcipuum, aut unicum veritatis inveniri præsidium. Principio igitur si verum est, quod ajunt, non esse a nuda littera discedendum, ubi sensus Grammaticalis perspicuus est, nec vox aliqua afficitur tropo; petimus quodnam translatitii sensus vestigium insit huic propositioni, *Hoc est corpus meum*? Nonne tam clara est, ac una ex sequentibus, *Deus erat Verbum, Verbum caro factum est, Christus est filius Dei*, aliisque subiecto, ut inquam, & prædicato constantibus? Si ergo irridemus Ebionitas, & Arianos postremas enuntiationes improprio sensu exponentes; irrisione pariter digni sunt Sacramentarii translate accipientes enuntiationem præcedentem, *Hoc est corpus meum*. Hinc Lutherus, ut dixi, rogatus ut Oecolampadii amplecteretur sententiam, ait libenter se hoc pacto incommoda-

modaturum Papatui, sed nimis urgent, inquit, & nimis clara sunt illa verba, Hoc est corpus meum. Calvinus quoque lib. 1v. Institut. cap. 17. num. 32. ait: In sacra sua cœna jubet me sub symbolis panis & vini corpus, & sanguinem suum sumere. Nihil dubito quin & ipse vere porrigat, & ego recipiam. Salomon autem Glassius, qui Grammaticis observationibus, plusquam fecerint Novatores alii, labore improbo dedit operam, sic lib. 2. tract. 2. sect. 1. art. 2. vellicat Sacramentarios: *Sensus litteralis proprius est, qui oritur ex verbis in propria & nativa significatione acceptis. Sic in verbis cœnae, Accipite, & comedite, Hoc est corpus meum, sensus litteralis proprius est, quia nulla hic occurrit vox modificata, seu tropo affecta. Accipere acceptionem proprie dictam, quæ ore vel manu fit: Comedere comestionem propriam, quæ fit ore: Hoc proprie istud, quod a Christo Apostolis manducandum præbatur: Est proprie prædicatum subiecto connexionem, & substantia sacramenti Eucharistici expressionem: Corpus proprie ipsum Dominicum corpus in hypostasi totius gloriofissima subsistens: Meum proprie, & pronominaliter significat.* Similia scribit Hornejus in Compendio Theologiæ, pag. 408. ubi addit nomine Corporis duo tantum in sacris litteris denotari, corpus Christi naturale, & mysticum, idest, Ecclesiam. *Hic autem sermo, inquit, non est de corpore Ecclesia: Ergo de vero, & naturali corpore ejus.* Quæ argumentatio tenet, etiam si dixeris falli Hornejum, & nomine corporis ulterius significari *antitypa* veterum, & Evangelium, ad Colof. 2. 17. Siquidem nec hæretici interpretantur ea verba, *Hoc est corpus meum*, ac si dictum foret, *Hoc est Evangelium meum*. IV. Si velint hæretici hujus loci, quem translate accipiendum putant, sumendam interpretationem ex aliis de eadem re pertractantibus, causâ pariter excidant necessum est. Enimvero si ad caput Joannis sextum convertamur, ibi legimus Dominicam carnem *vere*, non *tropice* cibum esse, & sanguinem Domini *vere*, non *tropice* esse potum: si Evangelistæ conferantur invicem, eandem exprimunt enuntiationem, nec quocumque legantur idiomate, metaphoram sonant, vel tropum: si consulamus Apostolum, is in priori ad Corinthios, x. 16. *Calix benedictionis, inquit, cui benedicimus, nonne communicatio sanguinis Christi est? & panis, quem frangimus, nonne participatio corporis Domini est?* Non figuram audio, aut typi communionem, sed corporis, sanguinisque *unionem*, *unionem quamdam*, ut Chrysostomus, & Theophylactus exponunt, *præstantissimam*. Ac proximo capite de indigne communicante, *Reuterit*, ait Paulus versu 27. *corporis, & sanguinis Domini*; scilicet, non de male tractata imagine pœnam luet, sed supplicium feret ipsius corporis & sanguinis indigne accepti, sive, ut scribit Hieronymus lib. 1. contra Jovinianum cap. 8. *violati*; propterea quod ad mensam Domini

ni accesserit, *non dijudicans*, idest, non discernens *corpus Domini*; ac latenti sub velamine *specierum* parem irrogaverit injuriam, ac Judas illius sanguinem tradens, & proditorium osculum insignens ori, seu Judæi, qui in ejus faciem expuerunt, & cumulatam contumeliis tradiderunt Pilato morte occidendum turpissima: his enim comparationibus Theodoretus, Oecumenius, alique sacrilegam communionem redarguunt. Sane Paulus his in locis signi aut figuræ non meminit, immo exprobens injuriam Dominico corpori illatam, præcipiens probationem quamdam peculiarem, commonensque, ut corpus Domini *dijudicetur*, & discernatur a communi quocunque cibo, demonstrat se non agere de nudo signo. Illa itaque verba, *Hoc est corpus meum*, nequeunt ob collationem aliorum locorum de Eucharistia pertrahantur, a litterali ad aliam significationem transferri. V. Nec aliud consequitur, si ex adjunctis ac proximioribus eruere velimus sensum eorumdem verborum legitimum. Eatenus quippe, ut eadem exempla, quæ obijciuntur nobis, arripiam, quod legitur Joannis 1. 29. *Ecce agnus Dei*, accipiendum est *tropice*, quatenus subjicitur, *Qui tollis peccatum mundi*; quod non convenit ovillo sæculi. Ita versus 1. cap. xv. *Ego sum vitis vera*, & versus 5. *Ego sum vitis*, vos *palmites*, habent tropicam locutionem, quoniam comparationem solam innuit quod confestim additur, *Si quis in me non manserit, mittetur foras sicut palme*: immo quod latine legitur, *vitis vera*, est in Græcis cum articulo, ἡ ἀληθὴς ἡ ἀληθινή, hoc est, *illa vitis vera*, singularis scilicet, & generis præstantioris. Quod pariter scribit Apostolus in 1. ad Corinth. x. 4. *Petra autem erat Christus*, significat petram illam, unde fluxerunt aquæ, figuram fuisse Christi; quoniam eodem versu Christus dicitur petra spiritalis, & uberrimas gratiarum aquas exundans, *Bibebant autem de spiritali*, consequente eos, *petra*. Verum in istis enuntiationibus, *Hoc est corpus meum*, *Hic est calix sanguinis mei*, nihil iavenitur adjunctum, quod litteralem evertat sensum; sed tantum priori additur in præcitata Epistola ad Corinthios, *Quod pro vobis tradetur*; alteri autem apud Matthæum, & Marcum, *Qui pro multis effundetur*: quæ sunt veri corporis, & veri sanguinis attributa. Ex quibus omnibus sequitur, quod etiam si attendenter solæ regulæ interpretandi Scripturas probatæ ab hæreticis, adhuc revincerentur aperte qui in Dominicis verbis, *Hoc est corpus meum*, præfracte, temere, & audacter affirmant nudum adesse tropum.

Momentum II. ex sacris Ecclesiæ Conciliis.

Ceterum Scripturarum sanctarum interpretatio requirenda est ab Ecclesia, quæ non semel nobis veritatem proposuit in sacrosanctis Conc.

Concilii. Etenim Nicænum primum canone XIV. & in versione Dionysii XVII. mandat ut iis, qui non offerunt, sacerdotes *ἰδόντες τὴν σῶμα τὸ Χριστοῦ, dent corpus Christi*. Ephesinum, ut diximus in prænotatis, in Epistola ad Nestorium definit, *accedentes ad mysticas benedictiones participes fieri sancti corporis, & pretiosi sanguinis Christi, neque communem carnem percipere, sed vere vivificatricem, & ipsius Verbi propriam factam*. Nicænum II. art. VI. Nullus, inquit, *subarum spiritus, sanctorum videlicet Apostolorum, aut illustrium Patrum nostrorum, incruentum sacrificium nostrum, quod in commemorationem Christi Dei nostri, ac omnis dispensationis ejus efficitur, dixit imaginem corporis ejus, ἢ τὴν εἰκόνα τὴν σῶματος αὐτοῦ, & paucis interjectis, sic de pane vinoque loquitur: Post sanctificationem corpus proprie, & sanguis Christi appellantur, sunt, & creduntur: κατὰ τὴν ἀγιασμὸν τοῦ σώματος καὶ αἵμα Χριστοῦ λήγεται, καὶ οὕτως, καὶ πικρύνεται*. Sunt quidem aliqui reprehendentes hoc in loco Epiphanium Diaconum, cujus ista sunt verba, quod negarit *symbola* post sanctificationem dici *ἄρτους*: sed dictum supra cap. 7. Græcos in hujus vocis explicatione non consentire; & expeditur paullo infra, quicquid in ea voce offenditur difficultatis. Exorta autem Berengariana heresi, plura ad hanc extirpandam Concilia coacta sunt, in quibus emissas a Berengario Confessiones fidei exprimentes dogma istud catholicum, paullo antea produximus. Addimus subsecuta Concilia Oecumenica, Lateranense sub Innoc. III. cap. 1. Constantiense sess. VII. Florentinum in decreto unionis, ac Tridentinum sess. XIII. quorum definitiones tam obviæ sunt, & apertæ, ut necesse non sit illas exscribere, aut recitare.

Momentum III. ex perpetua traditione SS. Patrum.

Neque enim sacrosancta Concilia, ut ajunt qui illorum spernunt auctoritatem, doctrinam novam, Patribusque incognitam tradiderunt; sed viguit illa quovis Ecclesiæ sæculo, prout constat monumenta veterum pervoluntanti. Ignatius Martyr ad Smyrnicos scribens, & de Simonianis verba faciens, ait pag. 37. edit. Cotel. *Εὐχαριστίας καὶ προσευχῆς ἀπὸχρηται, διὰ τὸ μὴ ἰμμελεῖν τῇ εὐχαριστίᾳ σάρκα ὅτι τὸ σῶμα τοῦ ἰσοῦ ἰσοῦ Χριστοῦ, τῇ ὑπὲρ ἡμῶν παθούσας, ἢ τῇ χριστίαν ὁ πατὴρ ὕψιστος*. Ab Eucharistia, & oratione abstinere, quod non consistantur Eucharistiam carnem esse Salvatoris nostri Jesu Christi, quæ pro peccatis nostris passa est, quam benignitate sua Pater suscitavit. Cujus loci meminit Dialogo 3. Theodoretus. Vide & Ignatii Epistolam ad Romanos pag. 77. & ad Philadelph. pag. 79. S. Iulianus Apologia ad Antoninum pag. 98. scribit in Eucharistia veram manducari Christi carnem eo modo Evangelicis verbis inductam, quo

per verbum perfecta fuit Incarnatio, dicens: *Non enim ut communem panem, neque communem potum ista sumimus; sed quemadmodum per Verbum Dei caro factus Iesus Christus Salvator noster carnem & sanguinem salutis nostrae causa habuit, ad eundem modum etiam eam, in qua per preces Verbi ejus ab ipso profecti gratia acta sunt, Alimoniam, unde sanguis & caro nostra per mutationem aluntur, in ipso & capnomandito: Iesus & caro xpi aqua ididaxnuen vna, ejusdem Incarnati Iesu carnem, & sanguinem esse, edoculi fuimus.* Sanctus Irenæus lib. 1. cap. 13. pag. 60. edit. Massuet, Marcosios refellens, narrat præstigiis suis vinum album in purpureum transmutasse, ut suaderent Eucharistiam a se magicis deliriis confectam verum sanguinem continere: quo solemnī portento nunquam studuissent fucum facere, nisi ex præconcepta in Christianorum animis præsentiae realis, ac *transubstantiationis* doctrina. Libro autem 1v. cap. 17. pag. 249. de Christo Iesu ait Irenæus, *Calicem suum sanguinem confessus est*: ac proximo cap. pag. 251. de Judæis instituendo sermonem, *Quomodo*, inquit, *constabit eis, eum panem, in quo gratia acta sint, corpus esse Domini sui, & calicem sanguinis ejus, si non ipsum Fabricatoris mundi Filium dicant?* Quibus verbis docet eos, qui Verbi negant incarnationem, denegaturos quoque Eucharistiæ veritatem, & *transubstantiationis* mysterium. Probat deinde eo loci Irenæus ex hoc eodem mysterio futuram corporum resurrectionem: eodemque argumentationis genere lib. v. cap. 2. revincit Marcionitas & Valentinianos; adversus quorum deliramenta perperam, ut infra ostendam, acueret stilum, si in Eucharistia adesset imago Dominici corporis, non substantia. Quamobrem Græbius Claudio, Albertino, ceterisque Calvinianis candidior adnot. in præcit. cap. 2: pag. edit. Oxon. 399. fatetur Irenæum, & permultos veterum sententiæ Catholicorum præcuisse.

Id cum ego testimoniis eorum, qui ante sæculum tertium flourerunt, hætenus demonstraverim, ostendam modo sententiis apertissimis ceterorum, qui scripsere ante ætatem Augustini parentis nostri. Quorum agmen ducens Tertullianus in lib. adv. Judæos cap. 10. demonstrat propheticum Hieremiæ vaticinium, *Mittam lignum in panem ejus*, spectare ad Iesum suffixum cruci, quia ipsemet Christus panem esse corpus suum pronuntiavit. Id vero de figura corporis nequit accipi; non enim corpus umbraticum, sed verum affixum est ligno: unde Tertullianus eodem vaticinio perstringit Marcionem, veram Christi carnem non consentem, libro 3. contra eundem hæreticum cap. 19. In eodem Opere lib. 1v. cap. 40. affirmat Tertullianus Dominum acceptum panem in corpus vertisse suum scribens: *Corpus suum illud fecit*; ac de percipiente Eucharistiam libro de Resurrect. carnis cap. 8. ait: *Corpore, & sanguine Christi vescitur*.

Plu-

Plura de Tertulliano Carolus noster Moreau tom. 2. verbo, *Eucharistia*. Cyprianus lib. de lapsis pag. 378. edit. novissimæ de impiis non purgata conscientia communicantibus, *Vis*, inquit, *infertur corpori ejus, & sanguini*: & epist. 63. pag. 231. contra offerentes in matutinis sacrificiis puram aquam, *Quomodo autem*, ait, *possimus propter Christum sanguinem fundere, qui sanguinem Christi erubescimus bibere*? E contra istante Galli & Volusiani persecutione concedendam censuit communionem lapsis sub Decio, erroremque suum, confitentibus, hanc rationem epist. 54. pag. 172. proferens, *Nam quomodo docemus; aut provocamus eos in confessione nominis sanguinem suum fundere, si eis militaturis Christi sanguinem denegamus*? Adis præfationem memoratæ editionis num. xiii. ubi hæc, aliaque plura invenies notatu dignissima. Gregorius Nyssenus in magna Orat. Catech. cap. 37. pag. 536. ita loquitur: Καλὸς καὶ οὗτ' ἐν τῷ λόγῳ τῷ θεῷ ἁγιαζόμενος ἄρτος ἐν σώμα τῷ θεῷ λόγῳ μεταπαύσασθαι πείνομαι, *Recte & nunc verbo Dei sanctificatum panem in corpus Dei Verbi transmutari credo*: ac paullo post, ἰδὺς αὖτις τὸ σῶμα τοῦ λόγου μεταπαύσασθαι, καὶ οὗτος εἶπται ὑπὲρ τοῦ λόγου, ὅτι τοῦτο ἐστὶ τὸ σῶμα μὲν, *statim in corpus Verbi transmutatur (Panis) sicut dictum est a Verbo, Est enim hoc est corpus meum*. Ex scriptis Cyrilli Jerosolymitani satis est proferre quæ habet Catech. Mystag. iv. pag. 528. edit. Morel. Αὐτοῦ οὖν ἀπεπαύσασθαι, ἢ εἰπόντος περὶ τοῦ ἄρτου, τοῦτ' ἐστὶ τὸ σῶμα, τίς τολμήσει ἐμβαλεῖν λόγον; καὶ αὐτοῦ βεβαιωσάμενος καὶ εἰπὼντος, τοῦτ' ἐστὶ τὸ αἶμα, τίς ὑποδείσῃ τιτὶ, λόγον μὴ εἶναι αὐτοῦ τὸ αἶμα; *Cum igitur ipse Christus sit as-firmet, atque dicat de pane, Hoc est corpus meum, quis deinceps audeat dubitare? Ac eodem quoque confirmante, & dicente, Hic est sanguis meus, quis, inquam, addubitet, & dicat non esse ejus sanguinem*? S. Ambrosius de Mysteriorum cap. 8. num. 47. probat Eucharistiam manna esse præstantiorem, quoniam hæc est *Panis vivus qui descendit de celo, & est corpus Christi*; corpus utique re, non figura; nam Christi typum etiam manna gerebat; & num. proximo 48. sic prosequitur: *Considera nunc, utrum præstantior sit panis Angelorum, an caro Christi, quæ utique corpus est vita. Manna illud de celo, hoc supra cælum: illud cæli, hoc Domini cælorum*. Tum sub-jicit: *Illis aqua de Petra fluxit, tibi sanguis e Christo*; & post pauca, *Illud in umbra, hoc in veritate*. In hujus autem rei confirmationem affert proximo capite exempla plurium miraculorum, quibus aut res de novo fuerunt productæ, aut mutatæ species elementorum. Rec-te tom. 2. pag. 337. editores Benedictini: *Porro ab hoc ipso loco ad finem usque operis tot, tamque efficacia probanda Christi in sacramen-to reali, ut vocant, præsentia suppetunt argumenta, ut ea deprome-re, atque adversus temerariam Berengarii novitatem opponere strenuissimè ejusdem Eucharisticæ veritatis propugnatores Lanfrancus*, *Guit-*

Guitmundus, Algerus, Petrus Cluniacensis, alique certatim contenderint. Neque vero ut easdem elevarent aut eluderent probationes, seigniore operam navaverunt heterodoxi. Verumtamen inanes, ne dicamus ineptas, eorum argutias, atque cavillationes esse prudens lector facile deprehendit. Mitto interim alia plura, quæ ex libris de Sacramentis, Ambrosii sub nomine commendatis, possunt depromi. Mentem vero Joannis Chrysostomi præ ceteris manifestant, quæ scribit Hom. 83. in Matth. pag. 699. affirmans novum testamentum, eodem modo Dominicum possidere sanguinem, *ὅτι ἡ πάλαι εὐχάρις τοῦ μίχου ὄχι, quemadmodum vetus pecudes, & vitulos habebat*, de Eucharistia utique verba faciens: eademque Hom. pag. 703. *ἐν τῷ ἁγίῳ πνεύματι, τὸ τοῦ ἰσίου τοῦ σώματος, ὃ ἐνδείκνυται ὡς πνεῦμα, ὃ ἐν τῷ ὀνόματι βαπτίσματος ὁρατὸν ἐστίν. Quoniam igitur Verbum dixit, Huc est corpus meum; nulla teneamur ambiguitate, sed credamus, & oculis intellectus id perspiciamus.* Docet subiinde invidendum non esse, iis, qui formam, speciem, ac vestimenta Domini videre; quia licet sub rebus sensibilibus, i. est, sub elementorum imagine, revera tamen ipsum videmus, tangimus, & comedimus: quæ inepte forent dicta, si in Eucharistia nudus adesset typus, inanisque figura. Præterea Hom. 24. in Epist. 1. ad Corinth. pag. 532. ait: *ἐν τῷ ποτὶ τὸ ἐκ ποτηρίου ἵν, ἵνα ἰσὶ τὸ ἀπὸ τοῦ πνεύματος ἰσῶν, ὃ ἵνα μὴ μετρίωμεν.* Id enim, quod est in calice, est illud vinum, quod e latere fluxit, & illius sumus participes. Paulo post Christi caritatem inde commendat, quod amatores reliqui suam in vestibus, ceterisque donariis ostendant magnificentiam, ut facit autem Christus, in sanguine nullus unquam: quod adverte dici a Chrysostomo de calice benedictionis. S. Hieronymus in caput 1. Epist. ad Titum p. 1. Tom. 4. pag. 418. ita de Eucharistia loquitur: *Tantum interest inter propositionis panes & corpus Christi, quantum inter umbram & corpora, inter imaginem & veritatem, inter exemplaria futurorum, & ea ipsa quæ per exemplaria præfigurabantur:* in Epistola 44. p. altera ejusdem Volum. pag. 547. hoc pariter discrimen statuit inter sacrificium Melchisedech. & Christianum Mysterium, quod illud oblatum fuerit *in typo*, istud vero in *Salvatoris sanguine, & corpore*. Sed de Hieronymo plura in Confessione Hieronymiana Schultingus.

Augustinus, ut ad hunc tandem deveniamus, lib. 1x. Confessionum cap. 13. num. 36. scribit beatissimam matrem Monnicam ei mandasse, ut sui memoria fieret ad altare, quod sciret in eo dispensari *vicissimam sanctam, qua deletum est cibographum, qui erat contrarium nobis.* Enarratione 1. in Psalmum 33. num. 10. demonstrat quod in Lxx. legitur *in Regum 21. Et ferebatur manibus suis*, in Davide secundum litteram non esse adimpletum, imo nec in alio nudo homine: *Quis enim, inquit, portatur in manibus suis? Manibus alio-*

aliorum potest portari homo, manibus suis nemo portatur. Impletum deinde hoc ait in Christo, Ferebatur enim Christus in manibus suis, quando commendans ipsum corpus suum ait, Hoc est corpus meum. Ferebat enim illud corpus in manibus suis. Insaniam autem necessum est, qui putat hæc de figura, & imagine posse explicari: quisque enim propriis manibus suam imaginem ferre potest, neque de hac nllus dixerit, Quis portatur manibus suis? manibus suis nemo portatur. Libro 2. contra lit. Petil. cap. 37. num. 87. scribit Pascha Judaicum passionis Domini fuisse typum, sed aliud esse quod illi de ove celebrabant, aliud autem quod nos in corpore & sanguine Domini accipimus. De peccat. meritis & remis. lib. 2. cap. 26. num. 42. affirmat eulogias catechumenis distributas esse cibis aliis sanctiores, & sui generis sacramentum; quamvis non sit corpus Christi, Eucharistia scilicet, qua non vescitur catechumenus. Vide in hunc locum Hieronymum Torrensem lib. 3. Confess. Augustin. cap. 6. §. 1. Tractatu 62. in Joannem num. 3. docet, Judam accepisse corpus Christi cum aliis Apostolis, priusquam ei porrexerit Dominus buccellam intinctam, Sacramentum a communi pane, tamen in cœna fracto, & typico, aperte secernens. Et denique, ne sim infinitus, libro xii. contra Faustum cap. 10. hæc scribit: Habet magnam vocem Christi sanguis in terra, cum eo accepto ab omnibus gentibus responderetur, Amen. Hæc est clara vox sanguinis, quam sanguis ipse exprimit ex ore fidelium eodem sanguine redemptorum. Hos interim e fontibus hausisse sat est, quippe veterum sententiam loculentissime ostendunt, & mox quosdam alios commemorabo. Qui tamen optat copiam testimoniorum uberiores, perlegat Cardinalem Perronium de Euch. Jodocum lib. vi. Thef. art. 1. Crespetium Summa Ecclesi. pag. 356. Bellarminum de Euch. lib. 2. Opus de Perpetuitate fidei, & ex Theologis ætatis nostræ proximioribus Carolum Witassium, Tract. Theolog. tom. iv.

Momentum IV. ex confutatione veterum hæreticorum.

Horum, aliorumque Patrum scripta perlegens animadverti in refutandis hæresibus, quas damnant quoque Novantes, urgere argumenta, fidei receptæ, exploratissimæque dogmatis hujus superinfixa. Nam Irenæus lib. iv. cap. 17. pag. 249. probat abrogandam fuisse legem veterem, & eliminanda holocaustomata, ut umbris veritas ipsa succederet, & ubique terrarum offerretur prænuntiatum a Malachia sacrificium, in quo Dominus creaturam panis fecit corpus suum, & vinum item sanguinem suum confessus est. Sequenti cap.

cap. xviii. pag. 251. demonstrat corporum resurrectionem, futuramque carnis incorruptionem, ex quo *sicut panis per invocationem Dei, jam non est panis, sed Eucharistia*, sic corpora nostra Eucharistiam percipientia spem resurrectionis habeant: quod argumentum repetens lib. v. cap. 2. pag. 294. *Sicut, inquit, granum tritici, & vinum percipientia verbum Dei Eucharistia fiunt, quod est corpus & sanguis Christi; sic & nostra corpora ex ea nutrita, & in terram resoluta resurgent in suo tempore*. Eodem pacto Marcionitas & Valentinos asserentes mundum hunc adspectabilem non fuisse conditum a Deo veteris Testamenti auctore, Irenaeus lib. iv. pag. 270. cap. 33. sic refellit: *Quomodo autem iuste Dominus, si alterius Patris existit, huius conditionis, quae est secundum nos, accipiens panem suum corpus esse confitebatur, & temperamentum calicis suum sanguinem confirmavit? Eosdem, aliosque haereticos negantes Verbum assumpsisse veram carnem e Maria Virgine procreatam, ita urget lib. v. cap. 2. pag. 293. Si autem non salvetur nos, videlicet nec Dominus sanguine suo redemit nos; neque calix Eucharistiae communicatio sanguinis ejus est, neque panis, quem frangimus, communicatio corporis ejus*. Quae omnia futilia nimium essent, & inepta, si in Eucharistia adesset sola Dominici corporis figura. II. Tertullianus pariter lib. iv. contra Marcionem cap. 40. eodem argumenti genere usus est scribens: *Constitit probatio corporis de testimonio carnis, probatio carnis de testimonio sanguinis*, ibique verum, non phantasticum Christi corpus ostendit ex verbis consecrationis, *Hoc est corpus meum*, & verum pariter sanguinem ex consecratione calicis. Esi autem ibi appellat panem *figuram corporis*; non loquitur de figura quae veritatem excludat, aliqui firmasset potius dogma Marcionis, quam confutasset; siquidem is reposuisset corpus dici, quod corporis solam refert imaginem. III. S. Epiphanius in Anchorato num. 57. pag. 70. demonstrat revera hominem conditum esse ad imaginem Dei, quamvis homo comprehendi possit, ac tactu percipi, Deus vero omni spiritu sit praestantior, omnique luce superior, quemadmodum panis post consecrationem vere ac proprie est Christi corpus, tamen rotundum sit, sensus expers, & membrorum careat lineamentis, & notis: quod adeo, inquit, certum est, ut nemo sit, qui ei sermone, *Hoc est corpus meum*, fidem non adhibeat: *nam qui verum illum esse non credit, a gratia & salute prorsus excidit*, ὁ γὰρ μὴ πεποιθεὶς ἑμὴν αὐτὴν ἀνάγκη, οὐς ἔπειτα ἐκπίπτει τῆς χάριτος, καὶ τῆς σωτηρίας. His autem verbis in editione Petaviana haec notula apponitur, *Insignis locus, quo Dominici corporis in Eucharistia praesentia comprobatur*. IV. S. Hilarius lib. vii. de Trinit. num. 13. pag. 954. probat divinum Verbum naturaliter esse in Patre petita ex incarnationis mysterio, & ex Eucharistiae sa-

cræ-

cramento comparatione , scribens , *Si enim vere Verbum caro factum est , & vere nos Verbum carnem cibo Dominico sumimus ; quomodo non naturaliter manere in nobis existimandus est , qui & naturam carnis nostræ jam inseparabilem sibi homo natus assumpsit , & naturam carnis suæ ad naturam æternitatis sub sacramento nobis communicandæ carnis admiscuit ? Ita enim omnes unum sumus , quia & in Christo Pater est , & Christus in nobis est . Quisquis ergo naturaliter Patrem in Christo negabit , neget prius non naturaliter vel se in Christo , vel Christum sibi inesse , quia in Christo Pater , & Christum in nobis , unum in bis esse nos faciunt . Si vere igitur carnem corporis nostri Christus assumpsit , & vere homo ille , qui ex Maria natus fuit , Christus est , nosque vere sub mysterio carnis corporis sui sumimus ; & per hoc unum erimus , quia Pater in illo est , & ille in nobis : quomodo voluntatis unitas asseritur , cum naturalis per sacramentum proprietates , perfecta sacramentum sit unitatis ? Vide quæ & nos adnotavimus Tom.2. pag. 88. solventes objectiones Arianorum . V. Cyrillus demum Alexandrinus lib. iv. contra Nestorium cap. 4. & 5. demonstrat in Christo unitatem personæ , ex quo in Eucharistia non communem carnem accipiamus , neque carnem cujusdam hominis sanctificati , divinamque inhabitationem fortitui , sed carnem vere vivificam , & ipsius Verbi propriam . Cum enim , inquit tom. vi. pag. 109. ab illa cum corpore mystica , veraque unione vivificum Dei Verbum segregaris , & omnino disjunxeris , quomodo ipsum corpus adhuc vivificum ostendes ? Dicitum supra eodem telo pugnasse Synodum Ephesinam ; eademque ratione confutaverat Paulum Samosatenum Dionysius Episcopus Alexandrinus . Legi potest Scholion Lupi ad x. Nestorii Capitalum , tom. 1. pag. 352. Frequentissime igitur in confutandis hæresibus Patres ex communi , certissimoque præsentis realis dogmate argumenta , probationesque sumpserunt .*

Momentum V. ab exemplis , quibus Veteres fidem huic Mysterio conciliarunt.

Talia Majores nostri de Eucharistia prædicantes , ne res admiranda & arcana in audientium animis gigneret hæitationem , revocabant in ipsorum memoriam patrata a Deo mirabilia . Iustinus non semel laudata ad Antoninum Apologia pag. 98. eo pacto docet mutari panem in Christi corpus , quemadmodum , *ὡς λέγει ὁ θεὸς ἐν ἱερουργίᾳ τοῦ κυρίου Ἰησοῦ ὁ ἐν τῷ ἁγίῳ , per verbum Dei caro factus est* *Jesus Christus Salvator noster* , eandemque comparationem offert præcitata Orat. Catechetica Gregorius Nyssenus pag. 537. & Hilarius , cujus verba recitata sunt nuper . S. Irenæus lib. iv. cap. 18.

26. VII.

L I

pag.

pag. 251. ea ratione Eucharistiæ fidem adstruit, quoniam conficitur per Filium Fabricatoris mundi, idest, *per Verbum, per quod lignum fructificat, & defluunt fontes, & terra dat quidem primum sanum, post deinde spicam, deinde plenum triticum in spica.* Acquiparat etiam eo loci, ut adnotatum supra, Eucharistiam resurrectioni, unum ex alio comprobans; & lib.v. cap. 2. pag. 294. ait clementa percipientia Dei verbum fieri Eucharistiam, *quod est corpus, & sanguis Christi, quemadmodum lignum vitis dispositum in terram suo fructificat tempore, & granum tritici decedens in terram, & dissolutum, multiplex surgit per spiritum Dei, qui continet omnia.* Cyrillus Hierosolymitanus Orat. mystag. 1v. pag. 528. urget exemplum conversionis aquæ in vinum, dicens: *τὸ ὕδωρ πρὶν εἶναι οὐκ μεταβάλλειν ἐν Καρῇ τῆς Γαλιλαίας, οὐκ αὐτὸν τινεῖται. ἀλλ' οὐκ ἀξιοῦσι ἵσθαι αὐτὸν μεταβάλλειν εἰς οἶνον; Aquam aliquando mutavit in vinum in Chano Galilææ sola voluntate; & non erit dignus cui credamus, quod vinum in sanguinem transmutarit?* Ambrosius de Mysteriis cap. 1x. num. 10. probat consecrationis & benedictionis majorem esse vim, quam naturæ, eo quod benedictione ipsa quoque natura mutetur, allatis exemplis virgæ Moysis in colubrum versæ, aliorumque signorum in Aegypto patratorem, Jordanis contra naturam revertentis ad suæ fontis exordium, aquæ de petra fluentis, suamque contactu ligni deponentis amaritudinem: aliisque id genus recensitis num. 51. prosequitur: *Si tantum valuit sermo Eliæ, ut ignem de celo deponeret: non valebis Christi sermo, ut species mutet elementorum?* De totius mundi operibus legisti, *Quia ipse dixit, & facta sunt; ipse mandavit, & creata sunt: sermo ergo Christi, qui potuit ex nihilo facere quod non erat, non potest ea, quæ sunt, in id mutare, quod non erant?* non enim minus est, novas rebus dare, quam mutare naturas. Sequenti autem num. 52. confirmat hujus mysterii veritatem Incarnationis exemplo, atque in hæc verba prorumpit: *Quid hic quæris natura ordinem in Christi corpore, cum præter naturam sit ipse Dominus? Jesus partus ex Virgine? Vera utique caro Christi quæ crucifixæ est, quæ sepulta est: vere ergo carnis illius sacramentum est.* Utitur quoque exemplo sermonis Christi, quo creata sunt omnia. lib. 1v. de Sacramentis cap. 4. num. 15. pag. 363. novæ editionis Parisiensis. Insistit iisdem vestigiis, profertque ad fidem hanc adstruendam exemplum creationis rerum universalium, divinique Verbi Incarnationis, S. Joannes Damascenus lib. 1v. de Fide cap. 14. cuius testimonium exscripsimus libro xxx. cap. 11. His permoti cum D. Thoma q. 83. art. 4. omnes e schola Theologi tribuunt verbis consecrationis vim effectricem, eamque nos citato cap. undecimo propugnâvimus. Nunc vero ab hæreticis petimus, cui bono Patres tam præclara exempla produxerint, si in Eucharistia panis, & vi-

num in sua persistant substantia, nullam subeant mutationem, neque ipsa re, sed *figura* duntaxat, sint Domini nostri corpus, & sanguis?

Momentum VI. ex miraculis in veritatis
confirmationem patratis.

Sed quæ Patres doctrinis, exemplisque tradiderunt, non semel Deus omnipotens confirmavit mirabili rerum eventu. Non omnia referendi est animus, quæ mandarunt litteris Guilmundus, Viguerius, Clithovæus, Genebrardus, alique apud Joannem Baptistam Scortiam de Sacrificio Missæ lib. 1v. cap. 14. Nec repetam quæ de Tarficio Christi Sacramenta portante extra viam Appiam scripsi hoc ipso volumine. Optatus ergo, ut referantur perpauca, libro 2. de schism. Donatist. num. 19. narrat canes rabie accensos dente vindice laniasse dominos suos, qui Eucharistiam projecerunt, *quasi latrones, sancti corporis reos*. Amphiloehius in Vita S. Basilii scribit, Hebræum mysteria nostra irridentem, cum adesset ipsi Basilio facienti rem sacram, vidisse illius manibus infantem partiri, cumque accederet ad altare communicationem percepturus, hostiam in veram carnem fuisse conversam; quod Theodorus Prodrum in Te-
trasticho in laudem Basilii ita complexus est carmine:

*Intuitus panem, & nigrum in cratere lyaum
Riserat Hebræus sacra mystica Christicolarum:
Hoc ubi Basilius persenserat, utraque edenda
Porrigit; illa statim truo, & caro versa refaltant.*

Idem contigit, narrante Joanne Diacono, dum Matrona quædam Gregorio Magno sacram distribuente synaxim, ac dicente, *Corpus Domini nostri Jesu Christi conservet animam tuam*, irridens reposuit; *Panem hunc manibus egomet meli pinxi*. Vide Joan. Diaconum in Vita Gregorii libro 2. num. 41. necnon Paulum Diaconum n. 23. initio tomi 1v. novæ Gregorianorum Operum editionis. Chrylostomi tempore, dum mulier Macedoniano imbuta errore simulate accederet ad communionem Dominici corporis, isto clam ancillæ porrecto, communem panem accipiens & ori admovens, sensit hunc versum in durissimum lapidem, qui diu inter donaria Templi Constantinopolitani ad fidem miraculi fuit assefvatus, uti Nicephorus lib. xi. H. E. cap. 7. & Sozomenus lib. vii. cap. 5. litteris configurarunt. Exorta insuper Berengarii hæresi, sacram hostiam a malefica muliere palliolo involutam, fuisse dimidia ex parte in carnem divinitus conversam, retenta ex alia parte *specie* panis, scripsit in Epistola ad Desiderium Abbatem Cassinensem S. Petrus Damiani: qui eadem Epistola refert quoque præsentem se fuisse, dum Episcopus

Amalphitanus interposito jurejurando narravit Stephano Romano Pontifici, *quia cum aliquando ad mensam Domini sanctificaturus accederet, sed super sacramento Dominici corporis incredulus bastaret, in ipsa confractioe salutaris hostiæ rubra prorsus ac perfecta caro inter ejus manus apparuit, ita ut digito illius cruentaret, sicque sacerdoti scrupulum dubietatis auferret.* Sed vide Ecclesiasticorum Annalium Scriptorem eximium ad an. M.LIX. num. 21. & seq. Hujus autem generis miracula evenerunt complura: inter quæ illud, quod sacerdoti celebranti accidisse anno 1264. Vulsinii, tradunt in Urbano IV. Panvinus, Sigonius lib. xix. de Regno Italiæ, Raynaldus tom. xiv. ad eundem annum, num. 26. alique Historici, scribentes, profluxisse e sacro calice sanguinem, quo pertinetum *Corporale* etiamnum religiose custoditur in Cathedrali Ecclesia Urbis veteris. Atque occasione hujus miraculi fertur institutum festum Corporis Christi: de qua re dicam infra. Idem, quod apud Vulsinios, accidisse Doracæ in regno Aragonensis anno 1239. testantur Ludovicus Granatenfis p. 2. Introducť. Symboli, Henriquez lib. ix. cap. 38. omnesque rerum Hispanicarum Scriptores. Sed quid, in his enarrandis infuso tempus? Vel sola familiæ nostræ domestica historia continet hujusmodi exemplorum innumera. Jesum enim in sacra Hostia perspicue contemplati sunt Nicolaus Tolentinas, Joannes a sancto Facundo, alique viri sanctitate conspicui: vinum in aquam, ut huic mysterio adstrueret fidem, vertit Joannes Bonus; atque Hostiam in carnem ac sanguinem mirabiliter conversam religiose servant fratres nostri in Piceni oppido Offidano, & aliam consimilem Lovanienfes, cujus pars altera custoditur in cœnobio Colonix Agrippinæ. De hac orationem habuit Christianus Lupus, inter Opuscula posthuma pag. 97.

Momentum VII. petium ex ipsis catholicæ fidei adversariis.

Gentes quoque, tametsi eis sacramenta nostra, & Eucharistiam maxime occultare studuerint Ecclesiæ Patres, aliquid de illa & simpliciorum colloquiis excipientes, causati sunt celebrari a nobis Atreas, Thyestesque epulas, in quibus scilicet trucidati infantis vescamur carnibus, ad eum modum, quo Atreus Thyesti fratri filios epulandos apposuit, ut Servius scribit in priorem librum Aeneidum, ac norunt omnes haut ignari veterum fabularum. Hujus rei causa Christianæ Religionis Apologistæ vindicant ab infanticidii crimine nostratum cœnas, quas *ut sceleris infames suggillari* conqueritur adversus Gentes Tertullianus. Ac Iustinum, ut hujus calumniæ depel-

leret atrocitatem, manifestius, quam disciplina postuleret arcani; de Eucharistia pertractasse diximus præcedenti Volum. pag. 72. Raptos ad supplicium plures martyres, atque hos inter gloriosissimum Attalum, ob ementium Thyestæ cœnæ flagitium, narrat lib. v. Hist. Eccl. cap. 1. Eusebius. Jam vero tam probrosa accusatio non videtur aliunde arripuisse occasionem, nisi ex aliquo sparso rumore, quod in convivio Eucharistico veram *Filii hominis* carnem initiati Antistites dispersirent. Quamobrem imperator Numerianus, ut suismet oculis de rei veritate sumeret experimentum, ingressus Antiochenam Basilicam adesse voluit, dum sacrum peragentes Eucharistiam conficerent, ac distribuere. Falsa itaque Ethnicorum calumniam veritatis hujus mysticis, ipsos latenti, fuit superstruxit. II. Non alia ratione ducti Christiani nominis hostes existimarunt a nobis coli tanquam numina Bacchum & Cererem, quoniam causam ignorarunt nostræ erga Eucharistiam venerationis. Si enim ad illorum aures hoc unum pervenisset, uti nos in sacrificio pane, & vino, nec intellexissent ulterius Eucharistiam a nobis adorari, atque in ea præsentiam Numinis coli; nequaquam habuissent nos tanquam idololatrias, Cererisque cultores. Nam & Sacramentarii dogma catholicum execrantes traducunt nos quasi adoratores Dei cuspidam *Panicei*. III. Manichæi etiam, qui adeo delirabant, ut crederent Christum esse in spicis, & sarmentis ligatum, apponi in eis omnibus, & rescifici homines *quadam Dei defectione*, arbitrabantur *parem nobis esse religionem circa panem & calicem*: hoc autem deliramentum refellitur ab Augustino libro xx. contra Faustum cap. 13. non quod in Eucharistico pane Christus non sit; sed quia *certa consecratione mysticus sit nobis, non nascitur*, neque est *alimentum refecutionis*, sed *sacramentum religionis*. Certe Faustus, aut Manichæorum alius ausus non fuisset dogmati suo comparare panem & calicem nostrum, & parem dicere religionem, pejus iis desipiens, qui existimarunt nos Cererem ac Liberum colere; nisi nosset credi a nobis in pane, & calice realem Christi præsentiam. At hæretici alii studuerunt hanc suis deceptionibus accomodare. Diximus Marcum præstigiatores eandem præsentiam inducendi vim tribuisse magicis incantationibus; Nestorium vero in ea opinatum unionem moralem excogitatum in Christo. Eutychiani Dominicum corpus in Eucharistia profitebantur, sed quod in divinitatem transisset, ad eum modum, quo impii de Incarnatione dogmatizabant: unde ab Anastasio Sinaita in *ἐπίτῳ* cap. 13. revincitur Timotheus Eutychianus, ex quo *teneri, frangi, dividi, & in partes distribui, & effundi, & exhauriri, & transmutari, & dentibus conteri a divinitate prorsus adhorret, διότι οὐ δύναται οὗτος ὡς κρατῖδα, καὶ κλάδα, καὶ μωρῖδα, καὶ θρίδα, καὶ ἰσχυδα, καὶ κινῖδα, καὶ μεταβάλλουδα, καὶ ὑπὲρ ἑδῖτης κατατιμῖδα;*

ἡδαι. Vide editionem Gretserianam Ingolstadii pag. 233. De Arianis dictum supra mom. 5. Valdenses dum affirmarunt corpus Christi ab indigno Sacerdote non confici, circa ministri conditionem, non, circa sacramenti substantiam deprehenduntur errasse. Joannes Hus in Apologia a se conscripta anno mcccxi. amovit a se omnem hæresis, quam profligamus, suspicionem. Protestantium capita Lutherum, & Calvinum non ausos veritatem penitus oppugnare, ostendimus in hujus capitis prænotationibus. V. Græci Schismatici (nam Orthodoxos nobiscum consentire manifestissimum est) adesse Christi corpus in Eucharistia unanimi ore fatentur. De Gabrielis Philadelphienfis Metropolitæ libro, inscripto, *Fides Ecclesie Orientalis*, plura post Perronium Novetus, Simonius, Arnaldus: nos exscribemus tantum sequentia pag. 9. edit. Parisiens. *ὅτι μετασώματος ὅπως καὶ αὐτοὶ εἰσὶν ὅπως ἡ τίσις, καὶ εἰς τὸ Χριστὸν. διὰ τὴν ἀποσυνύστασιν μὲν, ἀλλὰ καὶ λατρίαν, ὅμνις transubstantiatus panis cum vino, sanctus, ac perfectus est, & CARO Christi; quare non colitur tantum, verum etiam adoratur patriæ cultu.* VI. Gajanita, (genus quoddam hæreticorum, qui ab initio unionis unam in Christo proprietatem adstruebant, divinam atque impassibilem) in disceptatione habita, Alexandriæ cum Orthodoxo, pag. 349. Operum Anastasii Sinaitæ, ita a Catholico interrogatur: *Dic mihi, obsecro, si ut divinitas, ita & corpus Christi, & ab ipso unionis exordio immortalitatem habet, num communio sacratissimi corporis & sanguinis Christi, quam offers & participas, vere est verum corpus, & sanguis Christi filii Dei, vel nudus panis, qualis ostiatim venditur; vel vicem duntaxat, & figuram gerit corporis Christi, ut sacrificium birci, quod Judæi offerunt?* Cui interrogationi Gajanita respondet: *μὴ γίνετο, ἡμᾶς οἰκτιρῶν ἐπιτύχων τοῦ σώματος Χριστοῦ, τῆς ἁγίας κοινῆς, ἢ μὴ οὕτως. ἀλλ' αὐτὸ τὸ σῶμα, ἢ αἷμα ἀλλοῦς χριτοῦ τοῦ ἡ τοῦ θεοῦ μεταλαμβάνουσιν, τοῦ σακραμέντου, ἢ γινώσκοντες ἐκ τῆς ἁγίας θωπίου, καὶ ἀπαρδὸν Μαρίας. Ἄβει, ut dicamus sacram communionem esse tantum figuram corporis Christi, aut nudum panem, sed ipsum corpus & sanguinem Christi Dei incarnati, & nati ex sancta Deipara, & semper Virgine Maria, vere accipimus.* Egregium fane monumentum, quo constat quid senserint de Eucharistia sexto sæculo, quo floruit Sinaita, Orthodoxi, quid hæretici, non Gajanitarum sectæ tantum, sed & Severiani, Jacobitæ, alique idem cum Gajanitis sentientes, ut legitur eo loci. VII. Demum quænam sit Orientalis Ecclesiæ sententia, perspicue liquet ex Censura, quam ad Germanos conscripsit Hieremias Patriarcha Constantinopolitanus; in qua cap. x. legitur: *Δεῖξάν δὲ καθολικὴ ἐκκλησία, ὅτι μετὰ τὴν ἁγιασμόν, ὃ μὲν ἄρτος μεταβάλλεται εἰς αὐτὸ πρὶ σῶμα τοῦ Χριστοῦ, ὃ δὲ αἶμα εἰς αὐτὸ τὸ αἷμα, διὰ πτωμάτων ἁγία: ἵμωδίσκιον εἰς Καθολικὴν Ecclesiam, panem quidem post consecrationem μετα-*

tari in ipsum Christi corpus, vinum autem in ipsum sanguinem, virtute Spiritus sancti: ac subinde declarans quid Christus Apostolis porrexerit, dum ait, *Hoc est corpus meum*, subiungit: *ὅτι τὸ τοῦ σώματος αὐτοῦ, ἢ τὸν τοῦ σώματος, ἀλλὰ τὸν ἐν τῷ σώματι, καὶ τὸ αἷμα μου, Non dixit, Hoc est panis azymus, aut figura corporis, sed, Hoc est corpus meum, & Hic est sanguis meus*: quæ verba Græce, & Latine producta sunt, quoniam Claudius Carentonensis minister doctissimum Cardinalem Perronium audacter criminis insinulavit quasi Hieremiæ textus torserit, & mutilaverit. Eadem cum Hieremia scribit Nicolaus Cabasila in Expositione Liturgiæ cap. 27. & sequentibus. Verum hæc pro confirmatione catholici dogmatis abunde sufficiunt: quamquam momenta alia suppeditabunt Regulæ capite proximo subiiciendæ.

C A P U T IX.

*Solvuntur præcipua hæreticorum argumenta, & traduntur
decem regulæ, quibus dubitatio omnis eliditur,
& veritas confirmatur.*

PRÆCIPUA vero argumenta hæreticorum ista sunt. Nil ex sacris litteris produci potest ad Eucharistiam spectans, quod tropice non sit accipiendum, sive regulæ metaphoricæ locutionis attendantur, sive singillatim revocentur ad trutinam quæ leguntur cap. vi. Joannis, sive persistentur verba Domini Jesu Eucharistiam instituentis. Quantum ad primum attinet: sacramentis singulis inest hæc ratio, ut in iis signo rei signatæ tribuatur *nomen*: ideoque unica regula sacramentalis locutionis litem dirimit, demonstratque in oratione cænæ tropum esse retinendum, ut inquirunt in ultima admonitione Westpal. Calvinus, & lib. 2. de Re Sacrament. Theodorus Beza. Hac ratione Gen. xvi. 10. circumcisio dicitur *passum*, & sœdus, & Paschalis agnus Exodi xxi. 11. appellatur *Pbase*, attributis sensibili signo ipsarum rerum vocabulis. Deinde S. Augustinus lib. 3. de Doctrina Christ. cap. 16. num. 24. docet in Scriptura figuratam esse locutionem, si præceptiva est, & flagitium aut facinus videtur jubere, aut utilitatem, aut beneficentiam vetare: ex qua regula infert S. Pater figuratam esse locutionem illam, *Nisi manducaveritis carnem filii hominis*, propterea quod facinus, vel flagitium videtur jubere: quo testimonio nimium gestiens Phereponus Append. Augustinianæ pag. 526. scribit hoc loco Augustinum non male verba Domini interpretatum, & ex hac regula, licet non accurata, colligi non posse homines Dominici corporis fieri participes: atque ante

Phæ-

Phereponum id observatum a Zuvinglio, Petro Martyrè, ceterisque Sacramentariis, apud virum doctissimum Claudium de Saintes Repetit. 3. cap. 1. pag. 60. Tertio insolitum non est, dum Scriptura de Christo loquitur, metaphoris orationem contexere: constat enim illum appellari *ostium, vitem, pastorem, petram, leonem, agnum*, Joan. x. 7. xv. 5. xi. 14. i. 29. &c.

Ex his descendentes ad caput Joannis sextum, non uno in loco inveniemus ibidem *tropicam* locutionem. Primum hortatus jam Christus fuerat Apostolos ad fidem, & hanc appellaverat vers. 27. cibum, *qui permanet in vitam æternam*, & consequenter *Panis vite*, de quo prolixè agit a versu 28. ad 60. qui tribuit *vitam æternam*, est fides. Ait præterea de hoc pane v. 52. non futurum morti obnoxium, qui *ex ipso manducaverit*; cum bene multi sacramentum Eucharistiæ suscipiant, qui tamen spiritaliter pereunt: cum e contra promittatur paullo supra credenti æternæ vitæ, vers. 48. *Qui credit in me habet vitam æternam*. Insuper murmurantibus Capharnaitis, declaravit Dominus non litterali sensu, sed spiritali accipienda esse, quæ dixerat: *Verba* (ait versu 64.) *quæ locutus sum vobis, spiritus & vita sunt*. Immo commendat eo loci *spiritualem* manducationem, commendationem vero carnis, quam excogitaverant auditorum quidam, damnat tanquam prorsus inutilem, subjiciens: *Spiritus est qui vivificat, caro non prodest quicquam*. Ulterius Patres caput illud sextum mystico sensu exposuere, Origenes hom. 7. in Levit. Clem. Alex. lib. 1. Pedag. Basilii ep. 141. Hieronymus in Pl. 147. Augustinus lib. 111. de Doctrina Christi. cap. 16. in Pl. 98. Tract. 26. in Joannem, &c. Cum denique Wiclefus, & Joannes Hus capite 6. Joannis abuterentur ad probandam necessitatem communionis *sub utraque specie*, urgentes versum 59. *Nisi manducaveritis carnem filii hominis, & biberitis ejus sanguinem, &c.* negarunt Theologi præstantissimi agi eo in capite de Eucharistia: ita nimirum affirmavero Petrus Cardinalis de Alliaco, Joannes de Ragusio, Gabriel Biel, Hesselius, Tapperus, & alii, prout fatentur Tournely pag. 17. Carolus Vitalis pag. 251. & Auctor Op. de Re Sacram. pag. 406.

Multa sunt pariter, quæ in verbis institutionis *tropicam* locutionem demonstrant. Ac primo eam innuit contextus ipse verborum. In hac enim enunciatione, *Hoc est corpus meum*, pronomen demonstrativum refertur ad *panem*, & sensus est, *Hic panis est corpus meum*, ideoque remanet in Eucharistia substantia panis, ipsaque est, quæ *corpus* nuncupatur. Neque enim idem pronomen refertur ad *corpus*; foret quippe cacoethes quædam orationis, & propositio, ut Scholæ loquuntur, *identica*, veluti si diceres, *Corpus est corpus*. Istud quoque vocabulum, *Corpus*, apponitur *metaphorice*: nam dicitur 1. ad Corinth. xi. 24. *τὸ ὑπὲρ ὑμῶν ὑψίστου*, *Quod pro vobis fran-*

frangitur. At *frangi* non vero Christi corpori, sed pani tantum competit: unde Apostolus ait præced. cap. x. v. 16. *Panis, quem frangimus*. Verbum quoque *est* non raro idem valet, ac *significat*, ut liquet in his locutionibus, Gen. xli. 26. *Septem boves, septem anni sunt*, Dan. ii. 38. *Tu es caput aureum*, Matth. xlii. 37. *Qui seminat bonum semen, est filius hominis*. *Ager autem est mundus*. *Bonum vero semen, hi sunt filii regni*. *Zizania autem filii sunt nequam*. Mitto exempla id genus innumera. Enimvero unum valde affine est, quod supra attulimus, & legitur Exodi xli. 11. ubi de agno dicitur, *Est enim Pbase, idest, transitus Domini*, & ubi *est* valet proculdubio idem, ac, *significat*. Atque hoc exemplum divinitus insinuatum est Zuvinglio, postquam biduo apud Tigrinos de Eucharistia disputaverat, prout ipsemet refert in libro, quem inscripsit, *De subsidio Eucharistiae*. Præter hanc verborum vim & proprietatem, confirmare videntur Sacramentarium hæresim rei circumstantiæ. Christus enim priusquam ea verba, *Hoc est corpus meum*, pronuntiaret, accepit panem, benedixit, ac fregit, & post eadem verba mandavit, ut idem discipuli facerent in sui commemorationem: quemadmodum ergo quod Christus accepit, & fregit, panis erat; ita panis est, quem frangunt sacerdotes, & laicis communicant. Quod etiam Eucharistia conficiatur *in Christi memoriam*, illius commonstrat absentiam: siquidem non rerum præsentium, sed præteritarum dicitur fieri commemoratio. Fractio insuper panis, ac distributio, nec non utriusque *speciei* separatio, cum corporis Christi immolationem, effusionem sanguinis, hujusque applicationem indigent, satis *tropicam* locutionem demonstrant: nam quando aliqua enuntiatio istiusmodi actionibus conjungitur, non propria & litteralis est, sed symbolica. Ita, inquit Sociniani, Ezechiel detonsis capillis, & dispergens tertiam horum partem, ac dicens cap. v. 5. *Ista est Jerusalem*, ea capillorum dispersione monstravit urbem Jerosolimam dispersum iri, non autem, quod insanientis foret excoecitare, conversam Jerusalem in capillos. Hæc præterea *tropica* locutio magis apparet in verbis, quibus calicem consecramus. Illa Apostolus citato cap. xi. vers. 25. ad hunc refert modum, *Hic calix novum testamentum est in meo sanguine*. Neminem porro negaturum fore arbitramur, quin *calix*, sive vas vino plenum, dicatur *testamentum* translatitio sermone. Quod si *calicem* accipiamus pro vino; & hæc est metaphora, qua continens ponitur pro re contenta. Ipse Christi *sanguis* nequit appellari *testamentum*, nisi per synecdochen, ac parte pro toto usurpata: nam sanguis non est quicquid testamentum novum complectitur, sed testamenti arrhabo, sigillum, ac munimentum. Vide Epistolam ad Hebræos cap. 10. 20. Postremo etiam consecratione peracta vinum dicitur *genimen vitis*, Matth.

xxvi. 29. & consequenter in sua permanet qualitate, ac substantia :

Ubcrrimis hisce argumentis accedunt alia pariter ex sacris Scripturis de prompta, quæ nos compellunt ad figurate accipienda quotquot leguntur de corpore Christi in sacris symbolis permanente. Ac primo Iesus ut compesceret loquacitatem Judæ detrahentis mulieri, quæ ad pedes Domini libram unguenti nardi pistici effudit, ac submurmurantis, *Quare hoc unguentum non venit trecentis denariis, & datum est egenis?* respondit Joannis xii. 7. *Sinite illum, ut in diem sepulture mee seruet illud. Pauperes enim semper habetis vobiscum; me autem non semper habetis:* quibus verbis ostendit se apud homines non diu moram esse facturum. Refurgens deinde a mortuis, ut omnem a discipulis amoveret dubitationem, ait Lucæ xxiv. 39. *Videte manus meas, & pedes meos, quia ego ipse sum: palpate, & videte quia spiritus carnem & ossa non habet, sicut me videtis habere.* His autem verbis probatur veritas carnis, ex quo possit palpari, & videri; ideoque non est caro quidquid videri & palpari non potest. Ascendens posthac ad cælos alium *Paraclitum* misit, ut sponderat Joan. xvi. 7. solatium præbens discipulis discessu sui contristatis. Sedere Christum in cælis ad Patris dexteram, neque inde unquam descensurum ad extremam usque diem, nullus ambigit; nam de illo agebat Petrus Act. i. 21. *Quem oportet quidem suscipere usque in tempora restitutionis omnium.* Id vero, si ad nos quotidie in Eucharistia descendat, penitus erit falsum. Frustra etiam Apostolus ad Coloss. i. 1. nos ad cælestia hac exhortatione inflammasset, *Quæ sursum sunt quarite, ubi Christus est in dextera Dei sedens;* si apud nos Iesus latitaret sub Eucharisticis speciebus. Quid plura? Testatur idem Apostolus i. ad Corinth. x. 3. & 4. nobiscum antiquos Patres fide, quæ una semper extitit, potius hoc munere, quod nos Eucharistiam appellamus: ut ergo illi, ita nos *in figura* nutrimur corpore, & sanguine Redemptoris: *Omnes, inquit Apostolus, eandem escam spiritalem manducaverunt, & omnes eundem potum spiritalem biberunt.* His itaque Scripturæ locis adversum nos belligerant Sacramentarii.

Majorem hæc testimonia vim habent, si adjiciantur sententiæ Patrum. Horum qui floruerunt temporibus Apostolicis ac proxime subsecuti sunt, nihil expresse & perspicue tradiderunt de corpore Christi *sub speciebus sacramentalibus* existente. Nam si id ore, vel scripto prodidissent, Gentiles philosophi ea ratione oppugnassent, qua exagitarunt Trinitatem, Incarnationem, & cetera Christianæ religionis mysteria. Aliquis saltem martyrum tentatus crudelissimis, atrocissimisque suppliciis, reddidisset sacrificii, conviviique sacri rationem aliquam. Sed quæ silentio veterum subnixæ sunt, omittamus. Complures Patres non corpus Christi, sed *figuram* corporis Christi appel-

appellaverunt Eucharistiam. Ac principio Græci, ut ex illorum, constat Liturgiis, de quibus præcedenti capite, divina munera, etiam post consecrationem vocant *antitypa*, quo sanc vocabulo commonstratur aliquid rebus oppositum, seu *typicum*, aut symbolicum. Etiam Cyrillus Jerosolymitanus, cujus auctoritate plurimum Sacramentarii exagitantur, catechesi iv. Mystag. Eucharistiam appellat *panem*, & *antitypum*, adeo, ut valide Albertinus & Claudius adversus Cyrilli auctoritatem clypeo ipsius Cyrilli se protegant. Ex Latinis perspicue *figuram* agnoscunt in Eucharistia Tertullianus, Ambrosius, & Augustinus. Tertullianus quippe lib. 1. contra Marcionem cap. 14. Eucharistiam appellat panem, quo Christus ipsum corpus suum representat: & lib. iv. cap. 40. ait, *Acceptum panem & distributum discipulis corpus suum illum fecit, Hoc est corpus meum dicendo, idest, figura corporis mei*. Ambrosius lib. iv. de Sacram. cap. 4. n. 20. illum, qui sacram percepit communionem, ita alloquitur: *Sicut mortis similitudinem sumpsisti, ita etiam similitudinem pretiosi sanguinis bibis*; & cap. proximo num. 21. de sacra oblatione, *Quod figura est (inquit) corporis & sanguinis Domini nostri Jesu Christi*. S. P. Augustinus lib. contra Adimantum Manich. cap. xii. num. 3. affirmat Christum dixisse, *Hoc est corpus meum, cum signum daret corporis sui*, & Enarrat. in Psalmum 111. num. 1. supremam, cœnam appellat *convivium*, in quo Dominus corporis & sanguinis sui figuram discipulis commendavit & tradidit. His accedunt testimonia Patrum, qui diserte negant alia ratione Christi carnem a nobis manducari, quam *spiritualiter*, & per fidem. Ita Origenes Hom. 7. in Leviticum, S. P. Augustinus lib. 111. de Doctr. Christi. cap. 16. in Ps. 98. & Tract. 85. in Joan. ubi num. 12. habentur apertissima illa verba, relata in cap. *Ut quid, de Consecrat. dist. 2. Ut quid paras dentes, & ventrem? Crede, & manducasti*. Enervatur denique Catholicæ Ecclesiæ traditio ex eo, quod primus omnium apud Orientales præsentiam Christi in Eucharistia tradiderit circa Annum 630. Anastasius Sinaïta; apud Occidentales vero non ante annum 818. Paschasius Monachus Corbejenfis: hunc autem non ausi fuissent impugnare Amalarius, Rabanus, Bertramus, Joannes Erigena, alique viri docti, & conspici, si Paschasius dogma promulgasset in Ecclesiæ receptum, atque pervetusta traditione suffultum.

Deserentes postremo Patrum auctoritatem, quam fluxam ac labilem Novatores omnes existimant, urgent vero tantummodo ubi putant illa nos magnopere perturbandos, hæreseos suæ querunt a ratione præsidium. Primum ad ideam corporis confugientes, negant posse illud propria dimensione exspoliari, ita, ut nequeat corpus Christi illic esse, ubi caret membrorum suorum quantitate, figura, delineamentis, contactu. Docent præterea philosophi, & si Pe-

ripateticos excipias, fere omnes, corpoream substantiam constitui certa partium tenuissimarum combinatione, quæ determinatam habeat speciem, ubi sit certa particularum congeries, ac dispositio: ideoque *hostia* consecrata constans suis adhuc partibus, eademque dispositione permixtis, retinet priorem panis substantiam. Si illud autem Aristotelicis concedatur, quantitatem, figuram, saporem, & hujus generis reliqua, nomine *accidentium* distincta, aliam a substantia rem esse; superat nihilominus humanum captum, quod hæc omnia in Eucharistia permaneant, re ipsa sublata, quæ juxta Aristotelis præceptiones eorundem accidentium est fulcrum, & sustentaculum. Illud præterea imperceptibile est, idem corpus in cælo, ac in terris, istic vero in locis propemodum infinitis simul existere, cum omne corpus circumscriptum sit, suisque finibus limitatum. Sed & istud est valde portentosum ac perabsurdum, corpus totum & integrum in *hostiola* contineri; & cum sit unum, in qualibet parte ejusdem hostiæ, necnon sub utraque *specie*, panis scilicet & vini, reperiri absque multiplicatione indivisum. Physicis autem rationibus addunt heterodoxi morales. Indecorum est, inquit, manducari Christi corpus ab impiis; ac Domini nostri dedecet majestatem, quod sub elementis lateat, ut nos propriis enutriat carnibus, necnon corpus immaculatum, immortale, & summa gloria circumdatum manibus frangatur, teratur dentibus, ac sit, quod nefastissimum & turpissimum est, obnoxium secessui. Quid postremo realis hæc præsentia confert emolumenti? Nihil prorsus. Nam si credas, eadem esca spiritali nutriris, tibi que hoc præstat figura, quod antitypus; *eandem* quippe *escam spiritalem* manducarunt olim Patres in Christum credentes, ac edant modo cum fide suscipientes Eucharistiam: at nisi credas, mortifera profecto tibi erit esca Sacramentalis. Spiritus propterea, animusque tam signis, quam rebus alitur, adhæret Deo, suoque modo augefcit. Mitto haud eximii erga nos amoris esse argumentum, quod Christus ad tempus, & quoadusque perseverent *species*, brevi tempore perituræ, nobiscum permaneat; cum nobis promiserit præsentiam suam perpetuam ac diuturnam, non corpoream proinde, sed spiritalem. Pluribus itaque argumentis hoc fidei caput impetitur, sive Scripturarum attendantur oracula, sive dogmata Patrum, sive philosophiæ rudimenta, sive denique præjudiciorum expers humana ratio.

Talia, ac tanta Sacramentarium cavilla, quæ ex innumeris eorum commentationibus conatus sum methodice breviterque complecti, exercuerunt summorum Theologorum ingenia, hosque impulerunt ut amplissimas disputationes conscriberent, quibus solis pervolutandis nec studiis nostris præstituta tempora satis forent. Sed dabo operam, & ni fallor, nec minimam, nec inutilem, ut certis

certis præmissis regulis quidquid ex hæreticis obiectum est, vel obijci potest, si momentis Catholicorum æquiparetur, insulsum appareat, putidum, & commentitium. Sunt autem hæ regulæ, quæ sequuntur.

R E G U L A I.

Quamvis *substantia* panis in Eucharistia transmuta sit in Christi corpus, & possit jure negari quod consecratione peracta sit *panis*, sicut negat Ambrosius lib. v. de Sacram. cap. 4. num. 24. & Auctor sermonis inter Augustinianos de verbis Dom. 191. nunc Append. 48. merito tamen Eucharistia appellatur *fractio panis*, Lucæ 24. 35. *Sacramentum panis*, ab Augustino lib. 3. de conf. Evangelist. cap. 25. num. 72. *panis*, a Cyrillo catech. iv. mystag. pag. 532. Atque id sine ulla prorsus contradictione. Principio quippe negatur quod sit *panis* si spectetur rei subjectæ substantia; & affirmatur quod *panis* sit, si consideretur spiritalis vitæ alimentum. Hinc Auctor serm. de Cæna Dom. inter Opera Cypriani pag. 97. edit. novissimæ ait: *Hoc Sacramentum aliquando carnem, & sanguinem, aliquando panem, aliquando corpus suum Christus appellat; panis dicitur propter nutrimentum vitæ, caro & sanguis propter veritatem naturæ, corpus propter unitatem substantiæ.* Deinde Eucharistia non *panis* appellatur duntaxat, sed panis superveniens, cœlestis, supersubstantialis, sive, ut Græci dicunt, *ἐνιόντι*, proptereaquod Deum ipsum nobis copulet, qui animæ substantiam regit, perficit, ac donat æternæ vitæ; idque docent citatis in locis Ambrosius, Augustinus, Cyrillus. Isidorus Pelusiota lib. 1. epist. 113. vocat *panem angelorum, panem vitæ, panem divinum, panem sanctum*; & Auctor Vitæ S. Antonii apud Metaphrasten, *ἡρώματι ἁγίῳ panem Deo incorporatum*. Panis præterea Eucharistia dicitur, quoniam retinet panis accidentia: quoniam præfigurata est in pane, & vino oblati a Melchisedech, in panibus propositionis, & in manna, quod scriptura appellat *panem Angelorum, & panem cæli*; & quoniam ipse Christus natus in viculo Bethlehem (quæ interpretatur *domus panis*) nominat sese Joan. 6. 51. *panem vivum*, uti observarunt Hieronymus prologo libro v. in Hierem. & Gregorius Hom. 8. in Evangelia. Retinet demum Eucharistia nomen *panis* & ratione conversionis, ad commonstrandam materiam, quæ in corpus Christi convertitur, quemadmodum virga Aaron in colubrum versa adhuc appellatur *virga*, Exodi vii. 12. ubi legitur, *Devoravit virga Aaron virgas eorum*; & ratione *speciei*, qua sensibus subjicitur, sicuti Angeli, qui sub specie hominum apparuerunt, nunc homines, nunc angeli sunt appellati. Vide Bulengeri Diatribem 111. cap. 39. & Bossuetium in Hist. variat, lib. 11. num. xxxix, necnon Estium in iv. dist. xi. &

in cap. 26. Matth. Idem, quod de pane, de vino est dicendum: nam & in vino sanguis Christi præfiguratus est, dum Noe inebriatus, & *patentibus femoribus recumbens* extitit Dominicæ passionis figura; & dum Gen. 49. de Juda, ex cuius tribu ortus est Dominus, fuit prænuntiatum, *Lavabit in vino stolam suam*: quæ, & alia plura profert epist. ad Cæcilium pag. 225. sanctus Cyprianus. Nec sanguis tantum nobis sub specie vini propinatus, verum etiam cæleste convivium, in quo beati torrente voluptatis potantur, dicitur *vinum*, & *genimen vitis*, Matth. xxv 1. 29. quem locum alii de Eucharistia, alii forte melius de gloria Sanctorum, Lucæ xx 11. 29. comparata convivio, interpretantur.

REGULA II.

Dicitur Eucharistia *signum & figura corporis Christi*, tametsi contineat ejusdem corporis veritatem. Ac principio nullum dubium est, quin recte dicatur sacramentum, & signum comparate ad gratiam; id enim proprium est omnium sacramentorum: unde sicuti veteres, ubi commemorant signa, & sacramenta *aquæ*, & *olei*, internam ablutionem & unctionem demonstrant; ita commemorantes signum, & sacramentum panis, aut corporis Christi, innuunt spiritale gratiæ cælestis effectum, sive animæ nutrimentum. II. Non repugnat deinde Eucharistiam appellari *figuram* ratione specierum, ac *veritatem* spectata rei substantia: quamobrem legitur de Consecrat. dist. 2. cap. 89. *Corpus Christi quod sumitur de altari figura est, dum panis & vinum extra videtur; veritas autem, dum corpus & sanguis Christi in veritate interius creditur*. Ita conciliantur Patres, qui Eucharistiam *figuram* dicunt, cum iis, qui id negant. Videlicet dissertationem Christiani Lupi de quibusdam PP. locis, tom. v. pag. 329. Illustrat hæc omnia Hugo Victorinus 2. lib. in caput 1. Dionysii de Cælesti Hierarchia, scribens: *Quare ergo sacramentum altaris similitudo esse non potest & veritas, alio quidem modo similitudo, & alio veritas? Nam cum unum sit sacramentum, tria ibi discreta proponuntur, species scilicet visibilis, & veritas corporis, & virtas gratia spiritualis. Aliud est enim visibilis species, quæ visibiliter cernitur; aliud est veritas corporis & sanguinis, quæ sub visibili specie invisibiliter creditur; atque aliud spiritualis gratia, quæ cum corpore & sanguine invisibiliter, & spiritualiter percipitur*. Hinc infert Hugo, *speciem visibilem esse sacramentum veri corporis & veri sanguinis*: atque id explicat exemplo mortis & resurrectionis Christi, quæ simul fuerunt *veritas & imago*, nam mors Christi exemplum fuit, *ut moriamur peccato*, & resurrectio exemplum *ut iustitia vivamus*. Hæc ille tom. 1. pag. 243. Venetæ edit. III. In Sa-

cra-

cramentariorum, Lutheranorumque confictu, hi numquam negarunt; auctore Meldenium Episcopo lib. iv. Variat. num. xi. Eucharistiam esse *fignum*, utpote qui bene noverant, non semper signo rei præsentiam excludi: non enim ægrotus mortuus est, dum exhibit signa vitæ; neque externa religionis officia, quæ interioris indicia sunt, arguunt animum ipsius religionis expertem. Hæc autem exempla, producta a Bucero disputante adversus Oecolampadium, adhibentur etiam a nostratibus, præsertim vero a Francisco Panigarola in disceptationibus Calvinicis, discept. xv. pag. edit. Mediol. 391. Quarto corpus Domini occultatum in Eucharistia est vere *fignum*, & *figura* suipius, quatenus Christus inter nos versabatur, & quatenus pro nobis obtulit semetipsum in cruce: quod profecto sentit Tertullianus, dum lib. contra Judæos cap. 10., & lib. 111. contra Marcionem, cap. 19. de Christo interpretatur vaticinium Jeremiæ, *Venite mittamus lignum in panem ejus*: nam revera *lignum in corpus missum est*, inquit ibidem Tertullianus. Quare dum interdum scribit corporis *figuram datam pani*, accipiendus est de figura corporis ligno crucis suffixi. Nec aliter Augustinus Enarrat. in Psalmum 3. ubi totus est in demonstrando, quomodo in prodicione Judæ evenerint quæ contingerunt Davidi fugienti a facie Absalon, & quomodo Christus dederit proditori *fignum* repræsentativum mortis suæ. Cum enim profertur consecrationis verba, signum est Dominum obtulisse corpus suum in sacrificium; dum extollitur *hostia*, signum est fuisse elatum in cruce; dum consecratur calix, sanguinem profudisse; dum panis frangitur, lanceâ fuisse vulneratum; dum in os ingeritur, reclusum sepulcro. Ita ergo Christus sub *speciebus* panis, & vini, sui ipsius pro nobis truci, & cruento sacrificio immolati figura est. V. Eadem de Incarnatione, & de Eucharistia sunt dicenda, quandoquidem nemo, exceptis Phantasiastis, veram Christi carnem negabit, ex quo dicatur hæc aliquando *forma*, ac *similitudo*. Hinc Tertullianus lib. v. contra Marcionem cap. 20. inquit: *Plane de substantia Christi putant & hic Marcionita suffragari Apostolum sibi, quod phantasma carnis fuerit in Christo, quum dicit, quod in effigie Dei constitutus non rapinam existimavit parari Deo, sed exhaust semetipsum accepta effigie servi, non veritate*: & in similitudine hominis, *non in domine*; & figura inventus homo, *non substantia, idest, non carne*; quasi *non & figura, & similitudo, & effigies substantia quoque accedant*. Bene autem, quod & alibi Christum imaginem Dei invisibilis appellat. Numquid ergo & hic qua in *effigie eum Dei collocat, aque non erit Deus Christus vere, si nec homo vere fuit in effigie hominis constitutus*? Quo in loco Tertullianus demonstrat Paulum scribentem ad Philippenes 2. 7. de Christo, *In similitudinem hominum factus*, veritatem assumptæ carnis adstruere, sicuti ad Co-

los.

Ios. 1. 15. dum ait, *Qui est imago Dei invisibilis*, nequaquam ei detrahit divinitatem. Ergo apud Patres, ac Tertullianum maxime, hæc vocabula *forma*, *imago*, *similitudo*, *effigies*, & his confimilia haud negant substantiam rerum, prout in Omniloquio Rationali tom. 2. pag. 171. erudite animadvertit Augustinianus Tertulliani Scholiastes. Ex Tertulliano deprompta est ingeniosa illatio Guilelmi Estii inter Scholasticos præstantissimi, dist. v. 111. §. 15. *Qui ergo dicunt: Eucharistia est signum corporis Domini, ergo non est corpus Domini, argumentantur more veterum hereticorum dicentium, Christus in similitudinem hominum factus est, & habitu, seu figura inventus ut homo, ergo non erat verus homo*. Addendum & istud, a Calvino damnatum igni Servetum, quod negasset Christum esse vere ac naturaliter filium Dei, quia dicitur ab Apostolo, *imago, & figura divinitatis*. Itaque multiplici titulo falsa est illa ratiocinatio, Est figura, igitur non habet rei figuratæ substantiam.

R E G U L A III.

Confimili ratione loquendum de Græco vocabulo *Antitypo*: nonnulli quippe post consecrationem divina dona appellant *antitypa*, permulti vero negant ita esse appellanda. Dixi de hac re cap. vii. prop. 3. pertractans de verbis, quibus symbola consecrantur. Addam nunc aliqua. Primo cum particula *ἄντι* aliquando sit idem ac *Pro*, & aliquando idem, ac *Contra*, compositum inde *Antitypum*, modo accipitur pro *figura*, & imagine, modo pro eo, quod figuræ contraponitur, & substituitur loco *typi*. Priori sensu Paulus Epist. ad Hebræos ix. 24. appellavit Sancta veteris Testamenti *ἁγία τύπων ἀντιτύπων*, exemplaria verorum: & secundo sensu Petrus epistola 1. cap. 111. 21. Sacramentum Baptismi *ἁγία τύπων* arcæ Noe, quod reddidit Interpretes Latinus, *similis forma*. Plura Nicolaus Du-Mortier Etymol. sacræ pag. 58. Eucharistia ergo non est *antitypa*, quatenus panis infert corporis Christi figuram; sed *antitypa* est, quatenus veteribus symbolis prænuntiata, aut quatenus corpus Christi *sub sacramentalibus speciebus* representat idem corpus immolatum in Ara crucis. Ita ergo Stephanus Auxentianus, Damascenus, Theophylactus, & posteriores Græci negantes dona jam sanctificata dici *antitypa*, conciliantur facillime cum Basilio, Gregorio Nazianzeno, & Cyrillo Jerosolymitano de Eucharistia idem vocabulum usurpantibus. II. Adhæc particula *ἄντι* sæpenumero in compositione idem est, ac *pro*, æqualitatemque significat, ut in Lexicis tradunt Henricus Stephanus, Robertus Constantinus, & Scapula, necnon Richardus Simon in notis ad Apologiam Severi pag. 232. Hinc Elias Cretensis in Orationem primam Apologeticam Nazianzeni pag. edit. Morel. 201. scri-

scribit: *Per Antitypum autem isotypum intelliges, siquidem de magnis illis mysteriis, hoc est, de sanctissimo Christi corpore, & pretioso sanguine istud accipias (sic enim magnus quoque Basilus hoc appellavit) propositio enim hæc æri nonnunquam æqualitatem etiam significat.* Vidit hæc eruditissimus Lupus tom. v. pag. 439. vet. edit. Eadem vero Elias repetit pag. 623. in orationem xi. scribens: *Sciendum est, quod per antitypa hoc loco isotypa intelligat: id quod frequens est tum apud externos, tum apud divinos nostros magistros: ibi autem apposuit scholion dignum lectu Jacobus Billius. III. Possunt quoque sacra munera post consecrationem vocari antitypa, in quantum ad futura referuntur mysteria, in quibus sempiternæ felicitatis futuri sumus participes, & fruituri manifesta Christi præsentia, qua modo donamur corporibus commixti, & temperati. Id tradit priori in loco laudatus Elias Cretensis: nec dissentit Joannes Damascenus, qui lib. iv. Orthodoxæ fidei, postquam ait Basilium in Liturgia appellasse panem & vinum, corporis & sanguinis Domini figuram ante, non post consecrationem, scribit tamen in fine capitis: *Figura porro rerum futurarum idcirco dicuntur, non quod non vere corpus ac sanguis Christi sint; sed quod nunc quidem divinitatis Christi per ea participes efficiamur, tunc autem intellectuali modo, ac per solum aspectum.* Atque hac ratione petitas ex voce *Antitypi* objectiones diluerunt Rossensis principio libri 2. adversus Occolampadium, Stephanus Vintoniensis in respons. ad object. 185. Claudius Sanctesius Repet. 3. cap. 4. ne recenscam posteriores, qui fere eadem suppressis auctororum nominibus conscripserunt. Hæc si dictis prop. 3. cap. vii. adjiciantur, nulla remanebit circa vocabulum *Antitypi* dubitatio.*

REGULA IV.

Mirum est hæreticos quærere perversi dogmatis præsidia in his, aut confimilibus locutionibus, *Caro non prodest quidquam, Verba, quæ locutus sum vobis, spiritus & vita sunt, Littera occidit, &c.* Ista porro non ita sunt intelligenda, quasi nullam nobis afferant utilitatem panis vinique Eucharistici sacramenta, aut verba Christi accipiendi sint *tropice*, aut fallax sit scriptura litteris exarata. Nam si id nobis in mentem veniat; oportet universam Evangelii doctrinam subvertamus, amandantes ad *tropum* quæ de Christo filio Dei facto homine, crucifixo, & redivivo leguntur, sacris voluminibus igni traditis; nec Sacramentarii sumus, sed Ebionitæ, Phantasiastæ, Judæi, athei. Commonemur itaque istiusmodi locutionibus, ne quæ dicuntur, carnaliter accipiamus, atque, ut faciunt qui fide sunt destituti, nil concipiamus communi, humanaque narratione sublimius;

mius. Ita quod legimus, *Verbum caro factum est*, prohibemur carnaliter intelligere, non ut negemus verbi incarnationem, aut confusionem suspicemur naturarum, quorum unum Judaicum foret, alterum Eutychianum; sed ne opinemur Filium Dei factum hominem, quomodo alii homines generantur, virili semine, & carnali complexu. Atque hac ratione non sunt carnaliter accipienda, quæ leguntur cap. 6. Joannis, quia non debemus existimare manducandam nobis Christi carnem aut sectam membratim, aut assam, aut elixam, adinstar carniū, quæ in macello venduntur, ita, ut simus, quemadmodum affirmarunt quidam paganorum, carnivori & anthropophagi. Audiamus Augustinum Tract. xxvi. in Joan. n. 5. *O Domine magister bone, quomodo caro non prodest quicquam, cum tu dixeris, Nisi quis manducaverit carnem meam, & biberit sanguinem meum, non habebit in se vitam? An vita non prodest quidquam? & propter quid sumus quod sumus, nisi habeamus vitam æternam, quam tua carne promittis? Quid est ergo, non prodest quidquam caro? Non prodest quidquam, sed quomodo illi intellexerunt: carnem quippe sic intellexerunt, quomodo in cadavere dilaniatur, aut in macello venditur, non quomodo spiritu vegetatur. Perinde sic dictum est, Caro non prodest quidquam: quomodo dictum est, Scientia instat. Jam ergo debemus odisse scientiam? absit. Et quid est, scientia instat? sola, sine caritate. Ideo adjunxit, Caritas vero adificat. Adde ergo scientiæ caritatem, & utilis erit scientia: non per se, sed per caritatem. Sic etiam nunc caro non prodest quidquam, sed sola caro: accedat spiritus ad carnem, quomodo accedit caritas ad scientiam, & prodest plurimum. Nam si caro nihil prodesset, Verbum caro non fieret, ut inhabitaret in nobis. Si per carnem nobis multum profuit Christus, quomodo caro nihil prodest? Similia Tertullianus lib. de Resurrect. carnis cap. xxxvii. Chrysostomus Hom. 46. in Joannem pag. edit. Commel. 241. Theophylactus in cap. 6. Joan. pag. 655. edit. Morel. & alii passim.*

REGULA V.

Quod Patres priorum sæculorum aperte non scripserint contineri in Eucharistia Christi corpus ac sanguinem, minime hæreticis suffragatur, immo hi ex eo capite a Theologis clarissimis refellantur ob disciplinam arcani, de qua tom. vi. cap. 5. aliisque in locis disse- rui. Nunc vero huc spectantia contingam. S. Basilus de Spiritu sancto cap. 27. inter Arcana, à *oīdi innotuū iēxi vōis apōstoli*, quæ fas non est intrare nondum initiatis, comprehendit, fatente Albertino, Eucharistiam. Chrysostomus Hom. de Prodit. Judæ recitatis illis verbis, *Hoc est corpus meum*, Norunt, inquit, *initiati quæ di-*
cun-

cantant ἰσταν οἱ μνηστῆρες τὰ λόγισμα, & rursus, *Norunt initiati ca-*
licem istum; scietis vos (catechumeni) *infra paucos dies.* ἰσταν οἱ
μνηστῆρες τοῦ πετρῆς τούτου. ἰσταν καὶ ὑμεῖς μικρὸν ὕστερον. Homilia item
xxx. in 2. Epist. ad Corinth. *Scietis*, inquit, *quid dicatur vos, qui*
participatis mysteriis, ἰσταν οἱ ἄγ. μυστηρίων μετέχοντες τὸ λόγισμα. Epi-
phanius hæc. 42. Marcionitis vertit vitio, quod perficerent myste-
ria videntibus catechumenis: quod & in Arianis damnat apud Atha-
nasium Apol. 2. synodus Alexandrina. Theodoretus quodque in
priori Dialogo inducit Orthodoxum ita loquentem ad Eranistem de
hoc mysterio pertractaturum: *Oro te, ut obscurius respondeas,*
adsunt enim fortassis aliqui mysteriis non initiati, Ἀξίω σε μυστικώτερον
ποικιλλῆσαι. τοῖς γὰρ ἰσταν παρασκευάζει ἑμῶντοι: *Mystice mystica dicta sunt,*
& perspicue declarata quæ non sunt omni-
bis nota, μυστικῶς ἑρμηνεύονται τὰ μυστικά, καὶ σαφῶς ἐκλάσθαι τὰ πᾶσι γνωστά.
Hos vtro e Græcis sufficit produxisse. Inter Latinos pariter, cum
Cæcilius apud Minutium Felicem sacrificium nostrum reprehenderet,
quasi occisi infantis audeamus sanguinem lambere, ac membra dis-
cerpere, respondet ille in Octavio fieri non posse, *ut tam molle,*
tam parvulum corpus fata vulnere capiat, ut quisquam illum ru-
dem sanguinem novelli & vix dum hominis cadat, fundat, exbau-
riat, ac neminem hoc posse credere, *nisi qui possit audere*, nulla
aut Eucharistiæ, aut panis & vini mentione facta. Atque idem præ-
stitisse Apologistas alios, Justino excepto, dictum supra. Memo-
ravimus etiam hoc in libro Tarficium, qui maluit occidi, quàm
prodere sacramenta, nec non Tertullianum hortantem, ut uxor
caute custodiret ac sumeret Eucharistiam. Idem lib. 1. ad Nationes
cap. 7. crimen epularum Thyestis hoc argumento retundit: *Oro vos,*
extraneis unde motitia? cum etiam iusta & licita mysteria omnem ar-
bitrii extraneum caveant. Meminit Ambrosius hujus arcani lib. 1.
Offic. cap. 50. & lib. 1. de Abraham cap. 5. ut ostendit in dissert.
Apolog. pag. 72. Em. a Schelstrate. Idem Ambrosius de Mysteriis
scripturus cap. 1. num. 2. ait: *Nunc de mysteriis dicere tempus ad-*
movet, atque ipsum sacramentorum rationem edere: quam ante ba-
p-tismum si putassemus insinuandam nondum initiatis, prodidisse po-
tius, quam edidisse estimaremur. S. P. Augustinus agens de catechu-
menis, frequenter ait nescire illos, *quid accipiant Christiiani*, Vide
Tract. xi. in Joan. num. 3. & 4. scribens item ad Honoratum cate-
chumenum epist. 120. nunc 140. num. 48. de sacrificio novi Testa-
menti ait: *Quod ubi & quando & quomodo offeratur, cum fueris ba-*
p-tizatus, invenies. Huc spectat & illud, *Norunt fideles quid acci-*
piunt, ejusdem Augustini habentis ad populum conciones, ut serm. 5.
de Lucta Jacob num. 7. & serm. 132. num. 1. At de his plura citata
dissert. Schelstratus, Bulengerus in Exercit. 17. Casauboni, & Lu-

pus in dissert. de quibusdam Patrum locis : nonnulla quoque ex Scholasticis Juenin quæst. iv. cap. 1. art. 6. Tournelius q. 2. art. 4. &c. In hoc autem omnes consentiunt, Patres aliquando de Eucharistia obscure locutos, quod nollent infidelibus prodere arcana Sacramentorum mysteria. Cur hæc Iustinus patefecerit, dixi Volumine vi. pag. 72.

REGULA VI.

Fuerunt nonnulli, præsertim post exortam hæresim Berengarii, novam quamdam Christi carnem, quam benedictio recens consecravit, in Eucharistia adstruentes, non illam, quam assumpsit ex Virgine, & in qua mortem subiit, resurrexit, & ascendit ad cælos. Venerunt propterea, ut dixi hujus disceptationis initio, in suspicionem hæreseos. Principio itaque Indubitatum est, contineri in Eucharistia idem corpus de Virgine conceptum ac natum, prout clamat universa Patrum traditio, & Berengarius ipse in professionibus fidei coactus est confiteri. Ratramnus tamen monachus Corbejensis negat in Eucharistia corpus Christi reperiri, *quod de Virgine natum est*: ob quem loquendi modum ad suas partes illum trahunt adversarii. At ita exponendus est, ut idem corpus neget quantum ad affectiones, & idem fateatur quoad substantiam. Negat enim, adesse in Eucharistia corpus Christi *nervis ossibusque compactum, membrorum varietate distinctum, propriosque motus exercens*; quæ omnia ab aliis catholicis traduntur, eo quidem sensu, quod nec membra Dominici corporis in Eucharistia naturali statu consistant, nec exerat animæ vitales motus. Ea ratione Ratramnus affirmat, *quæ fidelium ore percipiuntur figuram esse secundam speciem visibilem, at vero secundum invisibilem substantiam veram corpus & sanguinem Christi*. Eadem ratione Rupertus Abbas in Epistola ad Canonem, præfixa ipsius in Joannem Commentariis, scribit corpus Christi *differre specie, at esse unum idemque tribus essentia modis, nimirum nomine, re, & effectu*. Perperam ergo garrunt Mornæus, Albertinus, & Claudius, Doctores Catholicos propter istiusmodi loquendi formulas vellicando. At lege Gabrielem Gerberum in Apolog. pro Ruperto, Mabillonium Præf. 2. in vi. sæculum Benediçt. & Lupum dissert. paullo ante laudata cap. 1. Hæc eadem regula explicantur testimonia illorum Patrum, qui aliquando affirmant manducari a nobis *corpus crucifixum, & bibi sanguinem pro nobis effusum*; aliquando scribunt id intelligendum *invisibiliter, ac spiritaliter*: cujus generis locutiones sunt apud Augustinum frequentissimæ. Sed quælibet antilogiæ & oppositionis umbra evanescit, si visibilis species panis ab invisibili substantia corporis distinguatur. Verum id proximis regulis, octava, atque nona.

R E G U L A VII.

Disputatum aliquando, an Eucharistia dici possit *Imago corporis Christi*. Negaverunt id Nicephorus Patriarcha Constantinopolitanus Antirrhético 2. contra Iconomachos, Epiphanius Diaconus in VII. Synodo Aetione VI. & alii subsecuti hæresim Iconoclastarum: alii tamen vetustiores id affirmaverunt. Istorum judicia ad concordiam revocantur ex dictis Regula 2. & 3. Nil nostra refert, si Nicephorus, & Epiphanius decepti fuerint vitiato codice, aut falsa interpretatione Liturgiæ Basilianæ. Satis de hac ego disserui septimo capite; adeatque lector, si fluctuet adhuc, Arcudium, Allatium, Goarium eo loci laudatos. Duo tantummodo hic animadvertam: unum, quod Iconomachi corpus Christi in Eucharistia fatebantur, ut cultum aliarum imaginum excluderent; quoniam (ajebant) Eucharistia non est falsa imago, cui non subest substantia carnis, uncta Spiritu sancto, & divinitati conjuncta, sed est *divinum corpus ad sanctificationem pertingens*: cum aliæ imagines careant subsistente persona, & idololatriæ viam sternant. Vide tom. VII. Concil. Lab. pag. 447. Patres itaque, dum Iconomachos oppugnarunt, negarunt Eucharistiam dici *imaginem*, ut facilius exsufflarent hujusmodi cavillationem; reponentes frustra ab Eucharistia peti exemplum, utpote quæ non est *imago* corporis Christi, sed substantia, atque *ipsum corpus*. Nulla ergo lis vertebatur inter Iconoclastas, & defensores Imaginum circa Christi corpus in Eucharistia existens; sed quærebatur id unum, an post consecrationem retinendum foret nomen *figurae & imaginis*. Id recte advertit Simonius in Apologiam Scvri pag. 229. Alterum dignum adnotatione est, quod recentiores Græci utuntur hujusmodi momenti ad probandum, quod consecratio non perficiatur verbis Dominicis, absque subjectis precibus, propterea quod etiam post illa verba panis & vinum dicantur *imagines, & antitypa*, corpus autem & sanguis post preces; ideoque Græci omnes nobiscum conveniunt in hoc de reali præsentia dogmate, quamvis nonnulli dissident circa *formam* consecrationis. Hac autem regula deteguntur hæreticorum fallaciloquentiæ, ac præstigiæ, dum obiectant acta VII. Synodi, Græcorumque dissidia,

R E G U L A VIII.

Non semel adfirmant Patres manducari a nobis Christi carnem *spiritualiter*, ac per fidem: quod assertum recte, sapienterque; primum quia Eucharistia pascit animam *spirituali gratia*, & continens Christum est cibus *spiritualis, & vivificans*, ut ait Chrysostomus hom. 87. in Matth. Deinde quia non videtur oculis *corporalibus*, sed

*mentis, ac spiritus; ut inquit Cyrillus Hierosolymitanus catech. v. ex mystagogicis. Rursus quia non simplex caro hominis est, sed Dei, ut in cap. 26. Matth. explicat Theophylactus. Insuper, quia præbet nobis poculum sanguinis, qui ἀπὸ τοῦ πύκτου ἱεροῦ τοῦ ματιᾶς, a petra fluxit spiritali, ut lib. iv. in Joan. scribit Cyrillus Alexandrinus: tandem, quia nisi accedas cum fide, & gratia sanctificante, quamvis recipias sacramentum visibile, nullum tamen percipis fructum, sed animæ detrimentum; ut docet S. Pater Tract. xxvi. in Joan. num. 18. Hujus, cui alii consonant, verba sunt: *Qui non manet in Christo, & in quo non manet Christus, proculdubio nec manducat spiritualiter carnem ejus, nec bibit ejus sanguinem, licet carnaliter & visibiliter premat dentibus sacramentum corporis & sanguinis Christi: sed magis tantæ rei sacramentum ad judicium sibi manducat & bibit, quia immundus præsumit ad Christi accedere sacramenta.* Ille ergo spiritualiter manducat, qui credit, invisibilia judicat, & dignus accedit: ac spiritualis communicio, si non excludit sensibile sacramentum, excludet multo minus corpus Dominicum, invisibile, immortale, vivificum.*

REGULA IX.

Affirmarunt quidam, ac inter hos Hieremias Patriarcha Constantinopolitanus in sæpe laudata Censura, nequaquam a nobis comedi carnem, quam Christus gestabat. Ὅστι μὴ (inquit Hieremias) νότι δέδωκεν τῆς σαρκὸς τοῦ κυρίου, ἢ ἔσθῃ ἐκ βρώσῃ τοῦς Ἀποστόλους, ἢ τοῦ πύκτου ἐκ τῆς, ἢ πῶς ἐν τῇ δεξιᾷ μεταγωγῇ καταβάσας τοῦ κυρίου εἶματος ἐξ οὐρανοῦ. βλασφημῶν γὰρ. Neque tunc data est caro Domini, quam gestabat, Apostolis in cibum, nec sanguis in potum: neque nunc in divina Liturgia, aut sacro ritu, descendit Dominicum corpus de cælo. Id enim blasphemum est. Hæc verba prætermisit Cardinalis Perronius, idcirco a Claudio in violatæ fidei crimen adductus, ut præmonui ad calcem superioris capituli. Inde quoque colligit Albertinus, a Latinis alienos esse Hieremiam, ceterosque Græcorum; quod hi negent a nobis manducari Christi carnem; ac bibi sanguinem. Sed proh quanta hæretici comminiscuntur! Audire ab his vellem, quomodo hæc Hieremiæ verba cohæreant cum aliis tam aperte confirmantibus fidem Latinæ Ecclesiæ, ac superius scriptis; & cur ipsis Withembergensibus Theologis persuasum fuerit Hieremiam nobiscum sentire, cum Censuram illam evulgantes, apposuerunt e regione Græci textus vocabulum *Μεταγωγῆς, Transubstantiatio*. Ubi ergo Hieremias, & si qui sunt alii, negant manducari a nobis, eam, quam Christus gerebat, carnem; de carne accipiendi sunt, ut manducandam putarunt Capharnaitæ, scilicet sub spe-

specie carnis, ut dixi Regula IV. & VI. at non de carne, aut de sanguine sub panis, vinique *speciebus*. Hoc docens ipsemet Hieremias, immediate profequitur: ἀλλὰ καὶ τότε, καὶ νῦν μεταποιεῖται καὶ μεταβαλλομένη τὴ ἐπιλήσει ἢ κέρτι τοῦ παροδυστάμ καὶ τληταρχικῷ πνεύματος, διὰ τοῦ θεοῦ ἢ ἰσχυρὸν ἐνχρὸν καὶ λυγρὸν, τὸν μὲν ἄρτε ἐς αὐτὴ τὴ κυρὸν σῶμα, τοῦ δὲ εἶναι ἐς αὐτὴ τὴ κυρὸν αἷμα, scilicet, *Sed tunc, & nunc convertitur & transmutatur*, invocatione & gratia omnipotentis illius, & sacrorum rituum antistitis Spiritus, intervenit divinarum & sacrarum precum, atque oraculorum, panis quidem in ipsum Domini corpus, vinum autem in ipsum Domini sanguinem. Apparet hinc, quam ineptæ, & fucatæ sint Claudii, & Albertini argutiolæ.

REGULA X.

Quid vero, agendum est, dum hæretici nos impetunt philosophicis argumentis? Sunt hæc moderata disquisitione expendenda; nec vacillandum in fide, etiamsi humanum superent captum. Non enim hoc unum in suo corpore exhibuit nobis miraculum Christus Dei virtus ac sapientia. Exiit ille virginalia claustra, cum minime disrupisset: surrexit e tumultu clauso, & januis oclusis confisit coram discipulis; substravit se carnis pedibus fluens elementum: *Mirum*, inquit Ambrosius in caput 22. Lucæ num. 168. *Quomodo se natura corporea per impenetrabile corpus insuderit, invisibili aditu, visibili conspectu, tangi facilis, difficilis æstimari*. Si credimus, hæc curiose minime investigabimus, memoria repetentes monitum Augustini lib. XXI. de Civitate Dei cap. 5. plura esse, *de quibus ratio reddi ab homine non potest, & tamen sunt, & ipsi rationi natura videntur esse contraria*. Humiliter autem credentes ipsa spiritalis esca confirmabit in fide, implebitque læticia; nam & hoc memoravit Propheta Psalm. CIII. 15. dicens, *Panis cor hominis confirmet*: quem locum de Eucharistia in fine libri de Mysteriis interpretatur Ambrosius. Sed nobis, inquis, cum incredulis agendum est. Respondeo hos vel paganos esse, vel hæreticos. Pagani primum ad notitiam Christianæ religionis petrahendi, deinde mysteriis initiandi sunt; quippe si Christum Deum, hominemque susceperint, non erunt in ejus sacramenta injurii. Christum utique agnoscunt Sacramentarii (si agnoscunt tamen,) sed in hoc sunt imprudentissimi, quod ei credunt dicenti, *Ego sum Dei filius*; non credunt adferenti, *Hoc est corpus meum*. Si semel statuatur in humana ratiocinatione fidei norma, utrumque negandum foret, ut faciunt Sociniani, siquidem non minus Verbi Incarnatio, & divinarum Trinitas personarum supergrediuntur humanæ mentis acumen, quam Eucharistiæ divinum, altissimumque Mysterium. Sociniani autem semel admissis divinis litteris faci-

facile refelluntur, scribente Apostolo in priori ad Corinthios 11. 4. sitam esse Evangelicam prædicationem, *non in persuasibilibus humana sapientiæ verbis, sed in ostensione spiritus & virtutis*, & fidem nostram *non in sapientia hominum, sed in virtute Dei*. Frustra nos itaque homines hujus fursuris aggrediuntur ratiocinationibus philosophicis. De Lutheranis non loquar modo: quamquam enim de *transubstantiatione* sentiant pessime; dum tamen Christi corpus in Eucharistia fatentur adesse, premuntur iisdem difficultatibus, petitis maxime ex replicatione corporum, horumque extensione. Hinc horum unus Erasmus Schmidius in cap. 26. Matth. pag. 349. hæc conscripsit: *Jubet Christus, ut accipiamus, edamus, & bibamus. Hoc ergo faciamus. Dicit idem, hoc quod in sacramento edimus & bibimus, esse suum corpus, esse suum sanguinem. Hoc ergo pie credamus, etiamsi modum ignoremus: quia, ut beatus (sunt Schmidii verba) Lutherus Marburgi anno 1529. ad Oecolampadium dixit, Dominus meus Jesus Christus hoc facile præstare potest cum vult, & velle se ipse suis verbis testatur: quibus ego constanter nitor, donec ipse per suum verbum mihi diversum dixerit. Jam vero traditæ a nobis regulæ finem habeant.*

OBJECTA HAERETICORUM DILUUNTUR.

His præmissis regulis, facile solvuntur argumenta ab initio propozita. Quod enim petitur ex *locutione sacramentali*, infirmissimum est, cum ratio *Sacramenti* sit in hoc sita, quod aliud significet, & efficiat, quam exterius appareat. Sufficit ergo, ut in Eucharistia *Sacramenti* ratio persistat, si corpus Christi, & spiritalis gratia, quorum signum est, exterius non sentiantur. Immo ex *Sacramenti* ratione refelluntur heterodoxi; non enim metonymicis locutionibus, sed propriis Sacramenta instituuntur, & promulgantur; ut constat de baptismo, in quo, cum sit sacramentum regenerationis *ex aqua, & Spiritu sancto*, vere abluimur *aqua*, & vere, nisi prævæ voluntatis ponamus obicem, *Spiritus sancti* gratia renascimur. Etsi enim eo dementiæ Calvinus, & Sociniani progressi sunt, ut ille *aquam* solum Spiritum, hi vero solam doctrinam interpretentur; demonstrat tamen Evangelica historia, Samaritas, familiam Cornelii, Eunuchum Reginæ Candacis, domum Stephanæ, aliosque permultos *aqua* naturali fuisse tinctos. Sacramentalis itaque institutio, addita præsertim circumstantiis aliis, postremæ cœnæ, novi Testamenti, & significationis amoris præcipui, quo Christus *in finem dilexit suos*, atque, ut aiebat Juvencus presbyter,

Discipulos docuit proprium se tradere corpus;

institutio, inquam, Sacramentalis propriam inserit, non *tropicam*, locu-

locutionem . Neque ad rem faciunt exempla duo , quorum unum ex *circumcisione* petitur , alterum ex *agno Paschali* . Quid enim , si negemus circumcisionem solam dici *pactum* ? At id negari potest : nam legimus Gen. xvi. 10. *Hoc est pactum , quod observabitis inter me & vos , & semen tuum post te : Circumcidetur ex vobis omne masculum , &c.* Non ergo circumcisio , sed præceptum circumcisionis dicitur *pactum* : & quoniam consuetum fuit inire fœdera nota aliqua , & charactere , quemadmodum arcus cœli est signum fœderis initi cum Noe , & tumulus erectus ad ripam Jordanis nota fœderis Israëlitarum ; idcirco circumcisio , & stigma impressum carni sunt monumentum & signum pacti & fœderis , non pactum ac fœdus . Sed detur circumcisionem dici fœdus & pactum , quandoquidem legitur versu 13. *Eritque pactum meum in carne vestra* : non solum ratio fœderis ineundi , quam modo attuli , verum etiam contextus ipse commonstrat circumcisionem esse fœderis notam , & characterem ; nam versu 11. legitur , *Et circumcidetis carnem praputii vestri , ut sit in signum fœderis inter me & vos* . Est ergo circumcisio *signum* duntaxat , sive attendatur fœderis conditio , sive textus ipse Scripturæ . At Christus Eucharistiam instituens , nec illam dixit *signum corporis sui* ; nec si dixisset , corpus suum esse negasset ; nam & Apostolus circumcisionem ipsam appellat ad Rom. iv. 11. *signum circumcisionis* . Sicut enim circumcisio pacti initi cum Abraham , ita Eucharistia *signum* est novi fœderis ac Testamenti . His , ni fallor , & argumentum solutum est , & illo revincuntur adversarii . Ad hunc enim modum illud retorqueo ; Ut Deus feriens pactum cum Abraham ait : *Circumcidetis carnem praputii vestri , eritque pactum meum in carne vestra* ; ita condens vetus testamentum inquit de vitulorum & hircorum sanguine , Exodi xxiv. 8. & ad Hebræos ix. 20. *Hic sanguis testamenti , quod mandavit ad vos Deus* : ac postremo instituens testamentum novum , Matth. xxvi. 28. *Hic est sanguis meus novi testamenti* , aut Lucæ xxii. 20. *Hic est calix novum testamentum in sanguine meo* . Sicut ergo pactum , aut signum pacti cum Abraham est vera , & propria circumcisio carnis ; & vetus testamentum , sive signum veteris testamenti est verus ac proprius sanguis hircinus ; ita testamentum æternum ac novum , seu hujus testamenti signum , & memoriale est verus & proprius sanguis Domini Jesu , qui continetur in calice . Ad alterum nunc exemplum progrediamur . Hebraicum vocabulum *Pbasse* non significat solum transitum Angelii , sed etiam ipsam Paschatis solemnitatem , illius ritum , mactatum agnum , ejusdemque immolationem & sacrificium . Id enim ostendunt hæ Scripturæ locutiones , *celebrare Pbasse , facere Pbasse , immolare Pbasse , comedere Pbasse , assare Pbasse* , hisque consimiles eodem cap. xii. Exodi , & xxx. ac xxxv. 2. Paralipomenon .

Itaque ea verba versu 11. *Est enim Phasē, idest, transitus Domini* (quamvis a Lyrano, aliisque tribuantur interpreti) nulla vi illata textui, pro sacrificio & victima possunt, ac debent accipi, ut sensus sit, *Est enim sacrificium pro transitu*, usurpata voce פֶּסַח *Pesach*, pro פֶּסַח וְכֶחָד, *Zevach Pesach*. Nam & Rabbini atque Interpretes omnes hic accipiunt *Pesach* pro agni oblatione, & eodem cap. xii. Exod. 27. legitur: *Victima transitus Domini est*. Exemplum ergo istud, quod Zuinglius a dæmone didicit, & a spiritu, de quo scribit ipse, *Ater, an albus fuerit, nihil memini*, ab iis, qui delitescent in tenebris, frustra opponitur. Debebat autem Zuinglius reponere patri erroris, atque mendacii: Phasē de quo legitur, *Est enim Phasē*, vere est Phasē, sive, *victima transitus*: id igitur, de quo ait Dominus, *Hoc est corpus meum*, est vere corpus, & veri corporis immolatio. Quare hoc exemplum infligit vulnus, non clypeum præbet Zuinglianis. Sed demus etiam idem esse Phasē, ac, *signum transitus*. Certe non alia ratione agnus mactatus dicitur, *signum transitus*, nisi quatenus illius sanguis illicitus postibus signum erat angelo transeunti, & Aegyptios percutienti, ut parceret dominus Judæorum. Ostendunt id ea verba לֶחֶם הוּא פֶּסַח, *Pesach illud Domino*, & in lxx. πάχα ἱερὶ τοῦ πάσχα, *Pascha est Domino*, & quæ in singulis Versionibus subjiciuntur, *Erit autem sanguis vobis in signum in adibus, in quibus eritis: & videbo sanguinem & transibo vos; nec erit in vobis plaga disperdens, quando percussero terram Aegypti*. Quid ergo mirum, si fateamur *signum*, ubi tam aperte divina Scriptura *signum* declarat? Sed nec *signum* illud in Aegypto fuit vacuum, & sine re: siquidem revera pertransiit angelus, revera percussit primogenitos Aegyptiorum, revera domibus in superiliminari, & in utroque poste sanguine illitis, perpercit. Veniam ad regulam Augustini. Principio ab hæreticis petimus, cur ad regulam illam confugiant, non autem ad alteram communem, planissimam, & ab eodem Augustino sæpenumero inculcatam, qua præferibitur deferendum non esse *litteralem sensum*, ubi perspicua est narratio, nec addendum sensum nostrum divinæ Scripturæ sensui? *Non enim hoc fit*, inquit Doctor eximius lib. v. contra Julian. eap. 2. *humana ignorantia, sed præsumptione perversa*. Aut cur non teneamus regulam alteram S. Patris eodem libro 111. de Doctrina Christiana cap. 1v. n. 8. commonentis, rarissime & difficillime in propriis verbis divinorum librorum inveniri ambiguitatem, *Quam non aut circumstantia ipsa sermonis, aut interpretum collatio, aut præcedentis lingua solvat inspectio*? Has quidem regulas silentio prætereunt, ne teneantur inferre hanc sibi peremptoriam consecutionem: Protulisse Dominum Jesum ea verba, *Hoc est corpus meum*, narrant libri Evangelicæ historiæ; continent illa perspicuam enuntiationem; quidquid præce-

dit

dit, exponitur secundum litteram, atque ita ea verba accipiendæ consentiunt interpretes: audaçter itaque, imperite, *nec ignorantia humana, sed intentione perversa*, intelliguntur tropice tantum, & figurate. Sed quoniam coarctant nos hæretici ad solam regulam *præceptivæ locutionis*, quæ sonat flagitium; age, de ea paullulum disseramus. Ait egregius doctor, *Si Scriptura flagitium, aut facinus videtur jubere, aut utilitatem, & beneficentiam vetare, figurata locutio est*. Non figurata omnino; sed figurata, quatenus videtur jubere flagitium aut facinus, aut vetare beneficentiam. Videtur flagitium, ut exemplis rem explicem, si pater occidat filium, si propheta accedat ad fornicariam mulierem, si captivi dominorum suorum eripiant spolia: id tamen Dominus præcepit Abrahamo, Heseæ, filiis Israel. Num historiæ id narrantes accipiendæ sunt figurate? Ita est, prout *videntur jubere facinus*, idest, homicidium, furtum, fornicationem. At si ea præcepta attendantur, non secundum id quod *videtur*, sed secundum id, quod est revera; quoniam nec homicidium, nec furtum, nec fornicatio, nec flagitium, nec facinus est mandante supremo Domino facere, quæ Abrahamo, Heseæ, & filiis Israel fuerunt præcepta; idcirco *præceptivæ locutiones* ad hæc spectantes, si attendantur in se, non secundum id, quod videtur, *propriam* habent significationem, non *metaphoricam*. Ita, inquit Augustinus, præceptivæ locutio, *Nisi manducaveritis carnem filii hominis*, facta præsertim nondum instituto Eucharistiæ Sacramento, *facinus & flagitium videtur jubere*: visum quippe Cappharnaitis manducandam Christi carnem, *quomodo in cadavere dilaniatur, aut in macello venditur*, ut idem Augustinus ait Tract. in Joan. xxvi. Hoc pacto *figura est, præcipientis passioni Domini esse communicandum*. Verum quatenus non videtur jubere flagitium, præcepitque corporis Christi sacramentalem communionem, absque horrore cruoris, & absque laniatione membrorum; non figurata locutio est, sed litteralis, ac propria. Hinc colliges Augustinum loqui de figurata locutione, quæ propriam minime excludit; ut constet ex libro 2. contra Adversarium legis cap. ix. num. 33. ubi ait Christi carnem a nobis suscipi & manducari *corde, & ore*; tamen si possint Manichæi horrere, male intelligentes quod Dominus ait, *Si quis non manducaverit carnem meam, &c.* atque horribilius videatur humanam carnem manducare, quam perimere, & humanum sanguinem potare, quam fundere. Quo in loco *figuratam* locutionem ita tradit, ut etiam propriam defendat. Habet similia quæst. lvi. in Levit. num. 4. Enarrat. i. in Psalmum xxxiii. n. 8. & Enarrat. 2. num. 12. ferm. 131. aliàs 2. de Verbis Apost. n. 1. Cum vero his in locis ad Eucharistiam referantur ea verba Joan. vi. *Nisi manducaveritis, &c.* consequens & illud est, minime Augusti-

num putasse, quod præcit. capite 6. non agatur de hoc Sacramen-
to; tametsi aliquando explicaverit eadem verba de mystica man-
dicatione, seu incorporatione in Ecclesiam. Atque id confirmatur
ex quo S. Pater lib. 3. de Conf. Evangelist. n. 2. sermonem institui-
turus de cœna postrema, & de institutione Eucharistiæ, recitatis
aliorum Evangelistarum verbis, *Joannes* (inquit) *de corpore & sanguine Domini hoc loco nihil dixit, sed plane alibi multo uberius hinc Dominum locutum esse testatur*. Ubi autem, quæso, nisi sexto, de quo differimus, capite? Plura dicta sunt, (utinam absque le-
ctorum fastidio) de verbis Augustini in 111. de Doctr. Christ. cap. xv. ad castigandam etiam temeritatem Phereponi; quem pluri-
bus in locis ostendi iniquum & malevolum detractorem. Compensabo autem in solutione objectionis tertiæ multiloquium brevitate; ac tropos in Scriptura plurimos esse fatebor. At nego ubique, & pro libidine hominum intrudendos, commemorans adversariis aureum Augustini proloquium in 111. de Doctr. Christ. cap. x. num. 15. *Si animum occupavit alienum erroris opinio, quicquid aliter asseruit Scriptura, figuratum homines arbitrantur*. Argumentis verò primò ordine collocatis hætenus responsum est.

Ad ea, quæ ponuntur secundo loco, primum occurrimus generali responsione, non esse consequens, ut si verba aliqua in cap. 6. Joannis nequeunt literaliter accipi, idem sit de omnibus asserendum. Semel enim recepta hac, quæ hæretici utuntur, argumentandi ratione, tropice quoque exponi poterunt quæ refellunt hæreses perniciosissimas; cujus generis sunt, *Verbum caro factum est, Ego & Pater unum sumus, Hic est filius meus dilectus*, quibus Nestoriana, Ariana, & Felicianæ hæreses refutantur: nec Novantes ipsi suos poterunt retinere, quin ad novos Ebionæos, Socinianos scilicet, transeant, sensu hoc metaphorico Reformatæ quoque religionis scita, irridentes: quod fecisse complures probat ipsorum Protestantium testimonio in suo *Examine* art. 13. pag. 227. Taddæus Caluschius, Augustiniani instituti orator, & Theologus celeberrimus. Deinde solvit argumenta omnia præmissa Regula 1v. ubi explicavimus quo sensui littera occidat, & caro nil prosit; nimirum si adinstar Capharnaitarum nil iis, quæ communi sensu apprehenduntur, excogitemus sublimius, & sacramenta corporis & sanguinis Domini absque fide, animique expiatione, premantur dentibus, & ore deglutiantur. Brevi tamen singula discutientes, dicimus Christum longam de fide in se ipsum præmississe orationem, ac præterea quæ dicturus erat, confirmasse miraculis; quoniam tunc exponendum Sacramentum rationem carnalium hominum superabat. Nam si sermonem instituisset aut de signo corporis sui, aut de hujus perceptione per solam fidem; quo jure, quæso, dixisset Eucharistiam præstantiorem mannâ, & cum

cum audientes censerent rem narrari novam ; atque absurdissimam , passus foret a se non Judæos tantum , sed & quosdam discipulorum abalienari ? Jam vero quod additur solam fidem impertiri vitam æternam , commentum est aliud hæreticorum , a nobis refutatum lib. XIX. cap. 5. Neque juvat hæreticos versus ille vicesimus septimus : nam ea verba , *Operamini non cibum , qui perit , sed qui permanet in vitam æternam* , non fidem sterilem commendant , sed conjunctam operibus : quo sensu ait Christus Joan. 1v. 34. *Meus cibus est , ut faciam voluntatem ejus , qui misit me* . Utitur autem ea phrasi , quoniam ideo turba ad eum venerat , quia ex panibus manducaverat , expectabatque fortassis *iterum manducare , iterum discumbere , iterum saginari* ; ut alt. Traët. xxv. num. 10. Augustinus . At nota , quomodo hinc arripiat Dominus occasionem de Eucharistia pertractandi . Reponentibus Judæis credere se Moyse , quoniam patribus *panem de cælo dedit manducare* , ac præferentibus manna , quod scriptura *panem* appellat *cæli* panibus nuper multiplicatis , respondit Jesus daturum se ad manducandum semetipsum , quod profecto signum est mirabilius , quam pluuere de cælo manna . Non ergo manducare Christi carnem est solum *credere* , sed est signum quoque , & sacramentum credentium . Quod cum nollent Judæi humiliter assentiri , pravoque acciperent sensu , vere carnem suam cibum esse Dominus affirmavit , quemadmodum , vere manna patres manducaverunt , cum hoc discrimine , quod manna non conferebat vitam spiritalem , & gratiam , quam Panis iste vivus largitur credentibus : quibus ostendit esse se verum cibum , qui animam vivificet ; & eos certiores reddidit , *ὅτι μὴ νομίζοντες ἀνθρώπου σῶμα τὸ ἐσθίσαι ἢ παραβολὴν , ἀλλ' εἰδότες , ὅτι δὴ πᾶντὸς σαρκὸς τὸ σῶμα αὐτοῦ* , *Ne anigma , & parabolam esse crederent , quod dicebatur , sed scirent omnino comedendum esse corpus ejus* , inquit Chrysostomus , cui subscribunt Ammonius , Severus , & Cyrillus , Catenæ Patrum in Joannem pag. 195. Quo autem sensu manducetur caro Christi per fidem ac spiritualiter , supra Regulâ VII. explicatum est . Theologos , qui ea verba , *Nisi manducaveritis , &c.* negarunt de Eucharistia accipienda esse , ne communionem sub utraque specie cogerentur admittere , id bona fide negasse , ac terrore , ut ajunt , panico , censent utique plurimi recentiorum ; notatque illos Tournelius boni ac simplicis animi , Vitassius vero nimis imprudentis atque temeritatis . Vide citatas in argumento paginas . Præcœnuerant iis Maldonatus in caput VI. Joan. num. 53. Ego vero non is sum , qui Cardinali de Alliaco , Joanni de Ragusio , Tappero , aliisque viris doctissimis dicam istam impingam . De capite VI. Joannis etiam inter Tridentinos Patres acerrime disputatum est , ac Scripandus noster optime advertit de hoc testimonio , *Nisi manducaveritis &c.* , duo esse litigia ; *alterum cum be-*
reli.

reticis, an ibi ex divino praecepto, & ex necessitate salutis cunctis fidelibus praescribatur Eucharistiae sumptio sub utraque specie: alterum inter Catholicos, an ibi sermo sit de communione sacramentali, an de sola spirituali. Hæc Pallavicinus lib. xv. 1. Hist. Conc. cap. 11. num. 4. Ac de litigio, quod nobis est cum hæreticis, postea. Nunc autem Catholicorum diffidium, quod nobis opponit Dallæus, facile componitur; si dicamus illis verbis contineri præceptum *de communione sacramentali*, & vera manducatione corporis Christi, si referatur ad quosdam fidelium, aut ad unam duntaxat *speciem*: præceptum vero *de manducatione mystica*, sive adhæsiōe corpori Ecclesiæ, quæ est mysticum corpus Christi, si referatur ad omnes omnino, sive parvulos, sive adultos. Nam hoc postremo sensu illa verba spectare ad parvulos docuit frequentissime S. Pater disputans cum Pelagianis; errantque, me iudice, qui Augustinum interpretantur de perceptione Eucharistiæ, quamquam & parvulis collatum aliquando fuerit hoc Sacramentum. Nil ergo mirum, si disputantes de communione *sub utraque specie*, adversus autumantes illam esse singulis necessariam, negaverint agi versu 54. cap. vi. Joannis *de communione sacramentali*; tametsi de hac etiam agatur, si loquamur de præcepto, prout aliquos tantum obstringit, aut præscribit unam, vel alteram *speciem* disjunctivè. Sed de hoc infra. Videas interim Estium accurate explicantem quot modis intelligatur manducari corpus Christi, in 1v. dist. 9. §. 1.

Nunc ad argumenta, quæ impetunt probationem nostram verbis institutionis innixam. Ac ad primum dico errare Lutheranos & Calvinistas, qui ajunt ex communi sententia pronomen *Hoc* referendum ad *panem*. S. Thomas enim q. 88. art. 1. docet eo vocabulo designari substantiam *absque determinatione propria naturæ*. Major, Gabriel, Sylvius, Estius, id, quod præsens est, aut fit, si oratio sit efficax, & operatrix: & si quidam Catholici putant eo pronomine demonstrari *panem*, censent quoque ampliandam propositionem, ita, ut sensus sit, *Hic panis, qui loquente me panis est, in termino prolationis est corpus meum*. Nullam proinde cum hæreticis movebo quæstionem, an verborum consecrationis panis sensus sit, *Hic quomodo est panis sit corpus meum*, aut, *Hoc, scilicet hæc res, est corpus meum*, & in consecratione calicis, *Hic est sanguis meus*, ad, vero, *Hoc, idest, hæc res est sanguis meus*: ac modo intelligatur sensu expposito, admittam utrumque. Neque opponas, nondum esse corpus, dum pronuntiatur pronomen *Hoc*: ad enuntiationes enim *efficitrices* satis est, si verificentur in fine orationis. Ita salvari veritate Deus hominem creans, limumque contrectans, & inspirans animam potuisset dicere, *Hoc est corpus hominis, Hæc est anima*; sicuti producendo res, nominat quæ non sunt, quasi essent,

ut,

ut, *Fiat lux, fiat firmamentum, fiant luminaria*: ac mortuos suscitaturus, eos perinde, ac viverent, sic alloquitur, *Adolescens, surge; Lazare, veni foras*. Quod si persistant hæretici cavillis suis; dico, quod in prima propositione, *Hoc est corpus meum*, pronomen refertur ad corpus, non ad panem, quoniam in Græcis legitur, τὸτο ἐστὶ τὸ σῶμα μου, non οὗτος masculini generis, qualis est ἄρτος; ideoque τὸτο ad τὸ σῶμα, non ad ἄρτος, referendum est. Idem dico de verbis aliis, *Hic calix novum testamentum est in meo sanguine*, quæ Græce leguntur, τὸτο τὸ πνεῦμα ἢ κατὰ διακρίαν ἐν τῷ αἵματι μου, ubi οὗτος dicendum erat, non τὸτο, si referretur ad οἶνος, vinum, masculini generis. Quæ etsi perspicua sint ex sola verborum syntaxi, probantur tamen non tantum a Catholicis, verum etiam a nonnullis hæreticorum; inter quos Conradus Horneius hostis transubstantiationis acerrimus in Compendio Theologiæ lib. 2. cap. 3. num. 68. hæc scribit: *At Christus, etsi cum accepisset panem & vinum, & gratias egisset, ait, Accipite, edite: item, Bibite ex hoc omnes, tamen non dicit, Hic panis est corpus meum; sed τὸτο ἐστὶ τὸ σῶμα μου, Hoc est corpus meum, cum alias non τὸτο, Hoc, sed, οὗτος, Hic, scilicet ἄρτος, panis, dici oporteret*. Non ex Maldonato, aut ex Janfenio hæc excribimus, sed ex homine Lutherano. Si cum Schmidio ac hæreticis aliis reponas, τὸτο pro οὗτος poni propter synecdochem; subinferam, Igitur si τὸτο refertur ad panem, panis non secundum se totum accipiendus est, sed secundum aliquam tantum partem, idest accidentia, ac sensus erit, *Hoc, quod continetur sub speciebus panis, est corpus Christi*. Si dicas cum Ludovico de Dieu, in textu Syriaco ambiguum esse locutionem, maxime in verbis, *Hic est sanguis meus*, & pronomen posse referri tam ad poculum, quam ad sanguinem, cum ambo apud Syros sint generis masculini; dicam contra, Syriacæ linguæ ambiguitatem sublatam ab Evangelistis qui Græce scripserunt; neque apud Matthæum, neque apud Marcum haberi poculum, aut ποτήριον, sed, *Hic est enim sanguis meus*; atque non solam Vulgatam, sed & Tremellium, & Erasmus & alios a Novatoribus plurimum celebratos, eandem præferre lectionem. Si demum opponas, non solum Theodorum Beza & hæreticos alios, verum & Cyprianum in Epistola ad Cæciliū legisse, *Hoc est sanguis meus*, ut affirmat Lucas Brugenſis, & Nicolaus Faber in margine exemplaris sui editionis Pamelianæ; respondeo cum erudito Baluzio, ita quidem in tribus antiquis Cypriani editionibus legi, sed contra auctoritatem omnium fere veterum exemplarium. Hæc autem omnia dicta sunt, ut juniores advertant quam inepte hæretici una Græca, aut Syriaca vocula obstrepant, nugæque garriant. Atque ex his etiam liquet, hanc enuntiationem, *Hoc est corpus meum*, non esse ταυτολογίαν, sive, ut ajunt, propositionem.

idem

identicam; cum *identica* sit ea propositio, in qua eadem res, eodem vocabulo, aut synonymo de se ipsa enuntiatur, ut si dicas, *Homo est homo*, *Gladius est ensis*. Verum si pronomen, aut commune attributum enuntientur de re aliqua singulari ac determinata, sit in exemplo, *Hic fluvius est Tiberis*, *Hic est liber*, *Hic est homo*; nemo unus, qui nolit dialecticorum ferulis vapulare, appellabit *tantologiam*. Quod ajunt panem frangi, non corpus Christi, est argumentatio inepta supra quam dici possit; frangitur enim ratione *specierum*: ac præterea apud Lucam legitur, *Quod pro vobis datur*, & apud Paulum 1. ad Corinth. xi. *Quod pro vobis tradetur*: quibus verbis demonstratur, datum in cibum Apostolis ipsum corpus jam-jam tradendum in mortem, atque in cruce immolandum. Præterea sicut Christus porrigens consecratum panem ait, *Hoc est corpus meum*, quod pro vobis tradetur; ita præbens calicem inquit, *Hic est sanguis meus*, qui pro multis effundetur in remissionem peccatorum. At hæc verba, *Qui pro multis effundetur*, ad sanguinem, non ad vinum sunt referenda. Ergo & verba illa, *Quod pro vobis datur*, ad corpus, non ad panem referri debent. Sequitur objectio, quæ productis multis exemplis demonstrare conantur verbum, *Est*, idem valere, ac *significat*: quod in primis absolute negatur; nam & in metaphoris, tropisque nunquam translatio invenitur in verbo *Est*, sed vel in subiecto, vel in attributo; si enim de picta imagine dixeris, *Hic est Hercules*, tropus non reperitur in *Est*, sed in *Hercules*, qui non hominem significat, sed figuram hominis. Legi potest Maldonatus in caput xxvi. Matthæi, & Estius in caput xi. Epist. 1. ad Corinth. Et revera si *est*, idem valeret, ac *significat*; non dicendum erat, *Hic est sanguis meus*, sed *Hic est sanguinem meum*, insolitum porro ineptumque dicendi genus. Deinde quænam est inter ea quæ apparent in somniis, ut boves ac spicæ Pharaonis, aut statua Nahuchodonosor, & quæ narrantur in libris historicis, comparatio? quænam inter parabolas prophetantium, & documenta Apostolorum, quibus datum est nosse regni cælestis mysteria? Exempla denique ab hæreticis objecta diluuntur præcedenti capite ex ipsis regulis Protestantium, ubi docent quomodo Scripturæ tropos scriptura ipsa demonstret. Exemplum unum additum est ex cap. v. Ezechielis; at non meliori conatu. Illa enim verba, *Ista est Jerusalem*, non sunt pronuntiata ab eodem propheta, qui rasis, disperfitque capillos, neque supra partem horum; sed sunt verba Domini explicantis quæ Ezechielis mandaverat facienda: legitur enim, *Hæc dicit Dominus: Ista est Jerusalem, in medio gentium posui eam*, &c. Ipse ergo textus demonstrat tropum atque figuram, non minus in ea capillorum parte, ac in latere, in sartagine ferrea, in subcinericio hordeaceo, & in stercore, quibus ab Ezechiele prænnuntiata est Jeru-

Ierosolymorum obsidio & vastatio. Do tamen libenter fractionem panis, atque separationem utriusque *speciei* figuram esse corporis Christi, quemadmodum quæ narrat Ezechiel figura erant civitatis Ierusalem; si accipiat *corpus Christi*, ut vulneratum & crucifixum, juxta præcedentem regulam tertiam, & juxta ea, quæ diximus cap. 1. ubi ostendimus, quomodo in Eucharistia cum ratione Sacramenti consistat veritas. Recole autem præ ceteris caput, *Hoc est, quod dicimus*, de Consecr. dist. 2. n. 47. in quo hæc habentur: *Sicut ergo celestis panis, qui vere Christi caro est, suo modo vocatur corpus Christi, cum revera sit sacramentum corporis Christi, illius videlicet, quod visibile, palpabile, mortale in cruce est suspensum, vocaturque ipsa immolatio carnis, quæ sacerdotis manibus fit, Christi passio, mors, crucifixio, non rei veritate, sed significante mysterio: sic sacramentum fidei, quod baptismus intelligitur, fides est.* Habet consimilia S. P. Augustinus epist. 23. ad Bonifacium Comitem, nunc 99. num. 9. Proinde Eucharistia recte dicitur commemoratio, non corporis Christi, quod utique præsens est, sed immolationis, passionis, crucifixionis, ut innuit Apostolus 1. ad Corinth. x1. 26. Quod sequitur de consecratione calicis, retorquetur in adversarios; primum quia in his verbis Lucæ xx11. 20. *Hic est calix, novum testamentum in sanguine meo*, vocabulum *calix* in propria accipitur significatione: igitur idem dicendum est de vocabulo *sanguis*; ideoque *sanguis* in verbis Matth. xxv1. 28. *Hic est sanguis meus novi testamenti*, in significatione propria accipi debet. Præterea quæ leguntur Exodi 24. 8. & ad Hebræos 1x. 20. *Hic sanguis testamenti, quod mandavit ad vos Deus*, de vero hirci sanguine dicta sunt: igitur de vero sanguine Domini dictum est, *Hic est sanguis meus novi testamenti*. Utuntur hoc argumento quidam Catholici, inter quos Estius dist. v111. §. 14. demonstrans utriusque textus similitudinem, quam fatetur Daniel Heinſius Exercit. sacrarum pag. 81. scribens: *Cum dicitur, τὸ αἷμα τοῦ καινοῦ διαθήκης, manifesta illius videtur parodia, ἰδοὺ τὸ αἷμα τῆς διαθήκης, ἢ διδωτο νόμος ἀπὸς ὑμῶν.* Inquiunt hæretici, At sanguis non est *testamentum*, sed quo testamentum confirmatur. Respondeo, & ideo quod Lucas posuit in recto, *novum testamentum*, nam *διαθήκη*, posuerunt Matthæus & Marcus in obliquo, *τῆς καινῆς διαθήκης, novi testamenti*. Deinde non ait Lucas *testamentum* tantummodo, sed, *testamentum in meo sanguine*: idem est autem *διαθήκη ἐν αἵματι, testamentum in sanguine*, & *αἷμα διαθήκης, sanguis testamenti*, inquit Grotius in Lucam; quod & probat ex constructione in recto, *τὸ αἷμα ὑμῶν ἐκχυμένον, qui pro vobis effundetur*, quod casu concordat cum *διαθήκη*, genere cum *αἵματι*. Verum addunt hæretici, At sanguis non est *genimen viris*. Id quoque Regula 1. explicatum est. Insuper illius loci, *Non bibam*

To.VII.

Pp

amō-

amodo de hoc genimine vitis, exposui multiplicem significationem. Volum. 1. pag. 247. Posset præterea locus iste explicari de calice non consecrato, & post cœnam exhausto, juxta Hebræicos ritus capite tertio explicatos. Eo denique sensu dictum est, *Non bibamus amodo*, &c. quo de agno Paschali Lucæ xxi. 16. *Ex hoc non manducabo illud, donec impleatur in regno Dei*: nam sicuti hinc non sequitur, Christum post resurrectionem manducasse Pascha ejusdem generis, ita illinc non inferitur bibisse ejusdem generis vinum; præsertim cum variationem sensus demonstrent in uno loco illa verba, *Donec impleatur in regno Dei*, in altero autem ista, *Cum illud bibam vobiscum novum in regno Patris mei*. Sed de argumentis hæreticorum adversus verba institutionis plura nimis: reliqua nunc prosequamur.

Quod ergo legitur Joan. xxi. *Pauperes enim semper habetis vobiscum, me autem non semper habetis*, intelligendum est de ea præsentia, qua D. J. compatiens infirmitatibus nostris excepit corporalia officia, pollineturæ etiam, atque exequiarum; non de præsentia, qua nobiscum permanet usque ad sæculi consummationem, nos patrocinio fovens, gratia adjuvans, & in nobis sacramenti communionem immanens, ac perseverans. Atque id constat ex ipsomet loco; sunt enim illa verba alloquentis Judam prætextu misericordiæ in pauperes ægre ferentem balsami profusionem. Hinc S. Pater tract. 21. in Joan. num. 13. ait, *Me autem non semper habetis*, Judæ, avarisque dictum esse, non omnibus: additque num. proximo, non semper nobiscum Jesum permanere secundum id, quod a Judæis prebentus est, quod ligno confixus, quod de cruce depositus, quod linteis involutus, quod in sepulcro conditus, &c. De ipsamet præsentia visibili & corporali accipienda sunt duo alia loca nobis objecta, Joan. xvi. & Act. 111. Quartum ex iis verbis, *Palpate, & videte*, &c. facillimæ expeditionis est: *Affirmative* enim recte concluditur, Tangitur ac palpatur, ergo non est spiritus, neque est phantasma; at non recte concluditur *negative*, Non palpatur, non tangitur, ergo non est corpus; præsertim si existat modo quodam peculiari, ac mirabili: alioqui sequeretur non fuisse verum Christi corpus, quando ambulavit supra mare, aut ex oculis circumstantium evanuit. Sicut ergo potuit Dominus reddere corpus suum leve atque inaspetabile, ita potest facere illud impalpabile, & invisibile. In explicatione verborum Apostoli 1. ad Corinth. x. *Omnes eandem escam spiritalem manducaverunt*, vel *non omnes* ad Judæos simul, & ad Christianos referre volumus cum Augustino; vel ad solos Judæos, qui manducarunt manna, & biberunt aquam de petra, cum Joanne Chrysostomo. Si primum teneas, non alia ratione dictum est, *Omnes eandem escam spiritalem manducaverunt*, nisi quia manna erat figura

Eu-

Eucharistiæ; quemadmodum ibidem legitur, *Omnes in Moyse baptizati sunt in nube, & in mari*, quoniam nubes, ac transitus maris fuerunt typus baptismi. Idcirco Apostolus non ait absolute, *Eandem escam*, sed, *Eandem escam spiritalem*: unde Augustinus Tract. xxvi. in Joan. num. 12. inquit: *Spiritalem utique eandem; nam corporalem alteram, quia illi manna, nos aliud*. Quod si velis cum Chrysostomo non omnes referre ad solos Judæos, quod & mihi probatur quamaxime, non solum obiectio hæreticorum nulla est, verum etiam ipsos impetit, & confodit. Est enim Apostoli scopus demonstrare, quod minime satis sit percepisse baptismum ac spiritualia mysteria, nisi ulterius agamus vitam homine Christiano dignam: atque ad id commonstrandum adducit figuras baptismi, & Eucharistiæ. Sicut, inquit, omnes patres sub nube fuerunt, ac transierunt mare, (quod nonnisi Judæis convenit,) omnesque manducarunt manna, nec tamen *in pluribus eorum beneplacitum est Deo, nam prostrati sunt in deserto*; ita non omnes, qui sacræ mensæ, ac baptismatis sunt participes, censendi sunt Deo accepti: idem quippe Dominus, qui illis manna & aquam, tibi corpus præbuit, & sanguinem, non enim petra emittebat aquam, sed alia petra spiritualis, nempe Christus, totum operabatur: & *quemadmodum tu comedis corpus Domini, sic illi manna, & sicut tu bibis sanguinem, sic illi aquam de petra*: *καθὼς γὰρ εὖ τὸ σῶμα ἰδίον τὸ δαμιον, οὕτως ἰσχυρὸν τὸ μάννα: καὶ ὡστερ εὖ τὸ ἀqua πίνεις, οὕτως ἰσχυρὸν ἰδρυεῖς ἐκ πίπτας*. Ita Chrysostomus Hom. xxi. in primam ad Corinthios pag. 523. De Scripturis igitur, quibus hæretici abutuntur, hætenus.

Ad ea vero, quæ obijciuntur ex Patribus, facillima est responsio; omnia quippe in præmissis decem regulis præoccupata sunt, ac soluta. Inferiora sunt etiam, si conferantur cum iis eorumdem Patrum testimoniis, quæ absolute & sine ambiguitate sententiam confirmant nostram: quare de Oecolampadio scribit in Hist. Sacrament. Levatherus, *Sæpe antiquorum Doctorem lectione infirmitatem suam vincere conabatur, sed principio non occurrebat, quo juvaretur: crebro erat obvium Corpus Domini & Sanguis Domini*: additque non potuisse Sacramentariis accedere, nisi *semota hominum auctoritate*. Scaliger etiam, *Miror, inquit, qui fieri potuerit, ut Patres omnes crederent panem in verum Christi corpus converti*: & Socinus Epist. ad Radecium, *Legantur modo Pontificum scripta, & satis intelligetur, si præter sacras litteras Patrum auctoritati sit standum, vobis omnibus causa cadendum esse*. Nullo itaque jure possunt adversarii pugnare nobiscum Patrum auctoritate, ut fatentur illorum, plerique. Cum tamen id nitantur, ita nos jacula vitrea confringimus. Ad objectionem petitam ex aliquorum silentio, dicimus ipsam arcani disciplinam veritatis Catholicæ invictum esse argumentum:

prout Regula v. prolixè explicavimus: quamquam non solum Patres priorum seculorum Eucharistiæ, & corporis ac sanguinis Domini aliquando meminerint, ut Ignatius, Justinus, Irenæus, verum, etiam sincera Martyrum acta, Perpetuæ, quæ *buccellam comedit acclamantibus Amen circumstantibus*, quod de Eucharistiæ perceptione rectè interpretatur Ruinartius pag. 92. Hermetis, qui martyrium subiturus dicitur gustasse *oblatas a columba esca gratissimi cibi*, apud eundem scriptorem pag. 372. Luciani, qui destitutus altari paullo ante mortem refecit se Dominico corpore *supra pectus suum* consecrato, ut narrat genuina Acta, & Philostorgius lib. 2. H. Eccl. num. 14. Agnetis, quæ commonstrans ritum quemdam communio- nis, quo olim sacrabantur Christi sanguine organa sensuum, inquit; *Sanguis ejus ornavit genas meas*, ut animadvertit Tom. v. pag. 412. eruditissimus Lupus: omnium postremo Martyrum, quos ante agonem munientes *protectione corporis & sanguinis Christi*, scribit epist. 57. sanctus Cyprianus. Ex quibus constat hæreticos ex objectis quoque Martyrum Actis revinci. At objectio, quæ sequitur ex vocabulo *Antitypi*, habet ex Regula 111. plenissimam solutionem. Mirandum vero summopere, Albertinum in ea objectione Cyrilli quoque catechesim IV. producere: in qua Cyrillus sacra dona appellat utique *Antitypa*: sed ait paullo post pag. 531. *Sub specie panis datur tibi corpus; & sub specie vini datur tibi sanguis*, *ὡς τὸν ἄρτον δίδεται σοὶ τὸ σῶμα, καὶ ὡς τὸν οἶνον δίδεται σοὶ τὸ αἷμα*: ac prope finem ejusdem catecheseos, *Hoc sciens & pro certo habens panem hunc, qui videtur a nobis, non esse panem, etiamsi gustus panem esse sentiat; & vinum; quod a nobis conspicitur, tametsi sensui gustus vinum esse videatur, non tamen vinum, sed sanguinem esse Christi*: ταῦτα μαθὼν καὶ πληρῶς πορῶν, *ὡς πανήμιος ἄρτος, οὐκ ἄρτος ἐστὶν οἱ καὶ τῇ γένει αἰσθάνει, ἀλλὰ σῶμα Χριστοῦ. καὶ πανήμιος οἶνος, οὐκ οἶνος ἐστὶν, οἱ καὶ ἡ γένει τούτου βούλεται, ἀλλὰ αἷμα Χριστοῦ*. Consequens oppositio petita ex Latinis, qui Eucharistiam vocant *corporis Christi figuram*, solvitur ex 2. Regula: in qua diximus de Tertulliano scribente adversus Marcionem idem sonare, *Hoc est corpus meum*, ac si dictum foret, *Hoc est figura mei corporis*, accipienda ejus verba, quatenus corpus Christi existens sub sacramento est figura ejusdem corporis pro nobis in crucem acti. Nam ibi Tertullianus agit adversus Phantasiastas negantes verum Christi corpus affixum cruci, eosque perstringit vaticinio illo, *Mittamus lignum in panem ejus*. Id cum observaret Calvinus lib. IV. Inst. cap. 17. num. 15. maluit Tertullianum inficitæ redarguere, quam veritatem negare: scribit enim, *Conqueritur Propheta lignum positum in pane suo, significans hostium sevitiam panem suum infectum amaritudine: quemadmodum David simili figura cibum suum fuisse felle corruptum, & potum aceto deplorat, Isti allegorice corpus Christi*

Christi ligno crucis fuisse adfixum volunt. Ac ita senserant nonnulli veteres. Quasi vero non magis ignoscendum sit eorum inscitia, & sepeliendum dedecus, quam addenda impudentia, ut cogantur cum genuino Propheta sensu hostiliter configere. In his vero potius Calvinus demonstrat se insanum atque impudentem, calcatque vestigia Theodori Mopsuesteni damnati a V. Synodo, quod inter ceteros errores afferuerit locum illum Psalm. *Dederunt in escam meam fel, & in siti mea potaverunt me aceto, non esse intelligendum de Christo.* Vide Collationem iv. laudatæ Synodi, Tom. v. Concil. Lab. pag. 443. Ut ad Tertullianum revertatur oratio, potest ulterius responderi, illius ratiocinationis hanc vim esse, Inane & vacuum phantasma nequit permanentem aliquam figuram suscipere. At corpus Christi in Eucharisticis elementis habet solidam figuram panis. Igitur corpus Christi non est vacuum & inane phantasma. Etenim hunc sensum, commonstrant verba, quæ libro iv. contra Marcionem proximè consequuntur: *Figura autem non fuisset, nisi veritatis esset corpus. Ceterum vacua res, quod est phantasma, figuram capere non possit.* Stupenda deinceps res est, Albertinum obstrepere mutilatis verbis Ambrosii, ut vidimus, realem præsentiam tradit luculentissime, ejusque fidem compluribus miraculis adstruit, moveri autem Albertinum illis verbis, *Similitudinem pretiosi sanguinis bibis*; quibus Ambrosius duntaxat ait, non esse in calice externam sanguinis formam ac speciem, quæ sensum afficiat & commoveat, subiciens illico, *Ut nullus horror cruoris sit.* Ubi vero Ambrosius oblationem sacram appellat corporis Christi figuram, non de oblatione consecrata, sed tantum de præparata loquitur, ut recte observarunt Benedictini Tom. 2. pag. 371. quamvis & consecrata dona non una ratione typus & figura dicantur: quod necessum non est iterum explicare. Diluimus eadem regula 2. quæ obijciuntur ex Augustino. Hæc libris sancti Patris adfuta ab aliquo Wiclefista, existimavit cap. 57. Joannes Hesselius, quod recedant, inquit, *ab Augustini exacta locutione, & limata sermone.* Verum ne subscribamus Hesselio, faciunt exemplaria universa, codices vetustissimi, accuratissimæ editiones, & ipsa Hesselianæ conjecturæ nimia levitas. Ergo S. Pater in libro contra Adimantum Eucharistiam appellat *signum*, quod minime excludit veritatem, proferens exemplum sanguinis, qui est *signum animæ*; signum scilicet rei in brutis, qui agunt vitam, præsentis. Ubicunque vero docet corpus Christi manducari a nobis *spiritaliter*, exponendus est juxta Regulas iv. & viii. Augustiniani documentis illustratas: nam & manducari Christi corpus in Eucharistia docet apertissime serm. 2. de Verbis Apost. cap. 1. lib. 2. contra adversarium legis cap. 9. & quæst. 57. in Leviticum, ut constat ex dictis. Nullius denique ponderis est argumentum ex iis

ulti-

ultimum, quæ auctoritati nituntur. Innumeros quippe ante Anastasium Sinaitam ex Græcis, & innumeros ante Paschasium ex Latinis stetit pro Catholica veritate, perspicuum est. Quis insuper Anastasium, quis Paschasium tanquam novæ hæresis auctores damnavit? Nulla profecto adversus istos legimus celebrata concilia, nullaque emanata decreta. Exorto e contra Berengario, hunc insectati sunt universi Ecclesiarum præfetti, nec unus Episcoporum ad eum accessit; quo nomine illius hæresis fuit Arianâ, ceterisque, in quas multi consenserunt Episcopi, execrabilior atque deterior. Ipse denique Berengarius palinodiam tertio recantavit, & in catholicæ fidei confessione decessit. Berengarius itaque, non Anastasius Sinaita, non Paschasius, auctor fuit exitiosi dogmatis, ac Novator. De his, qui juxta loquendi modum a Paschasio discrepaverunt, satis dixi in prænotatis ad magnam hanc controversiam, & in vi. ex regulis a me constitutis. Itaque argumenta hæreticorum aut scripturæ, aut Patrum auctoritati subnixæ, non sunt pluribus refutanda.

Venio tandem ad argumentationes Philosophicas, præmissa declaratione Regulæ x. non humanam rationem, sed auctoritatem Ecclesiæ esse mihi normam credendi: nam neque tres in Deo reperiri hypostasies, neque Dei Verbum hominem factum ac mortuum, non asseverante Ecclesia, didicissem, & utrumque ea tradente profiteor. Illud etiam ab hæreticis peto, cur in Scriptura constituent fidei libellam, provocentque nos modo ad castra Philosophorum? Cur Protestantes Angli, atque hos inter Forbesius, censcant temerariam opinionem eorum, qui negant posse Deum efficere, ut corpus careat locali extensione, ac pluribus sit in locis, agentes neque Zuvinglium, neque Oecolampadium, neque Hospinianum affirmasse quod hæc fieri nequeant, & facta tantum negasse; succenseant autem nobis hæretici, quod credamus impossibilia? Cur Petrus Molinaus, Blondello teste, noluerit ut Synodo damnetur *realis Christi præsentia* in Eucharistia, cur Zuvinglius cum sociis in congressu Marpurgi anno 1529. Lutheranis exhibuerit communionem, cur anno 1631. in Pseudosynodo Carentonii decreverint Sacramentarii Lutheranos recipi posse, nulla facta hæresis abjuratiōe, si dogma realis præsentia fidei, rationique adversatur? Sanc longe difficilior intellectu est hæresis Lutherana, quàm sit veritas Orthodoxa: nam hæresim illam Pontificiorum dogmate abstrusiorē judicarunt Zacharias Ursinus, Wolfgangus Musculus, Theodorus Beza, Scultetus, alique plurimi ex Novatoribus, ut ostendam proximo capite; ideoque Sacramentarii a crimine idololatriæ ac superstitionis, & a nota singularis dementiæ absolventes Lutheri gregarios, damnantes vero ipsos nominibus Pontificios, judices sunt impudentissimi atque iniquissimi. Atque ne Calvinianos præteream, quo jure horum ductor

ac

ac signifer in nos e philosophia debacchatur iisdem sese tricus incautus implicans? Ait enim Calvinus in *Dilucid. exposit. san. doctr.* pag. 839. ita esse in Eucharistia corpus Christi *vere, ac substantialiter*, ut Deus in arca, & Spiritus sanctus sub specie columbæ: ait eo loci non tantum fide ac merito, verum etiam *substantialiter & reipsa* manducari a nobis Christi corpus: ait lib. iv. Instit. cap. 17. in Eucharistia Christum ipsam, in qua residet, carnem vivificam nobis tradere, ut ejus participatione ad immortalitatem pascamur: in cœnæ mysterio per symbola panis & vini Christum vere nobis exhiberi, adeoque corpus & sanguinem ejus: veram esse, substantialemque corporis ac sanguinis Domini communicationem, ita, ut non imaginatione duntaxat, aut mentis intelligentia, sed re ipsa percipiantur: non aliter animas nostras carne & sanguine Christi pasci, quam panis & vinum corporalem vitam tumentur ac sustinent, & vere Christum nos reficere carnis suæ esu, & sanguinis potu. Hæc omnia iisdem Calvinii verbis conscripta sunt. Si vero reponas incredibile videri, quod in tanta locorum distantia penetret ad nos Christi caro, ut sit nobis in cibum; respondet ille, supra sensum nostrum, eminere arcanam Spiritus sancti virtutem, ut stultum sit ejus immensitatem velle metiri, in hanc sententiam concludens citato cap. xvi. 11. num. 10. *Quod ergo mens nostra non comprehendit, concipiat fides, Spiritum vere unire quæ locis disjuncta sint.* Age vero, quandoquidem philosophicis argumentis pugnandum est, quare in cœlis existens *vere ac substantialiter* manducari potest in terris, nec potest in cœlis, & in terra simul existere? Quare potest Spiritus sancti arcana virtus me cum hominibus commorantem *substantialiter* unire Christo regnanti cum angelis, nec potest Christus *substantialiter* versari simul inter angelos, & inter homines? Quare demum non idem nos cum Joanne Calvino respondeamus, *Quod ergo mens nostra non comprehendit, concipiat fides?* Ne tamen hæc dicta videantur ad vim argumentorum vitandam; respondetur ad primum, docere Peripateticos, quod *essentia* corporis nequaquam in dimensione sit posita, cum in hoc sit constituenda, quod extensionem naturaliter tantum exigit; nam per hoc solum a spiritu sufficienter distinguitur res corporea. Recentiores quidem nonnulli contendunt, non posse corpus esse, aut cogitari, nisi extensum sit; sed fatentur tamen contineri idem corpus nunc arctiori loco, nunc ampliori, eademque partes habere pullum in ovo, seu plantam in semine, ac habeat pullus explosus, & arbor patula; licet partes in ovo, aut in semine nondum ex involucribus sint explicatæ, sed compressæ simul, atque contractæ. Sunt præterea, qui contendunt incompertam nobis esse rerum omnium *essentiam*, nec illam aliud censent, nisi quod sepositis omnibus proprietatibus reliquum manet. Prior itaque ob-

jectio

Etio nulla est; siue dicas extensionem esse corpori accidentariam; siue teneas Christi corpus in Eucharistia occupare locum angustior-
 rem, siue ingenue fatearis nescire te quid sit corpus. Eligas autem
 ex his tribus eam, quæ arrideat magis, sententiam. Hoc tantum
 admoneo, si amplectaris secundam, ne mente excidat canon tertius
 sess. xiiii. Tridentini Concilii, *Si quis negaverit in venerabili sa-
 cramento Eucharistiae sub unaquaque specie, & sub singulis ejusque
 speciei partibus, separatione facta, totum Christum contineri, ana-
 thema sit.* Salm ergo separatione facta, in qualibet parte totum
 Christi corpus agnoscas, si vis ante separationem habuisse exten-
 sionem aliquam actualem. Id solum a Synodo definitum scribit re-
 cens Auctor, & quidem Thomista, tom. i. de Re Sacrament. pag.
 428. Revera Tridentini Patres non fuerunt solliciti de Philosophicis
 altercationibus: & consulto addiderunt ea verba, *separatione fa-
 cta*, commemorante Joanne Aemiliano varias Theologorum opinio-
 nes; ut narrat Pallavicinus lib. xii. Hist. cap. 2. num. 15. Poteris
 ergo sententiam illam tenere, eamque explicare exemplo, quod le-
 gitur apud Samonam Gazæ Episcopum. Est imago tua in speculo, pro
 chrystalli extensione angustior, aut amplior; si speculum frangas,
 in unoquoque fragmine eandem imaginem videbis expressam: Ita,
 inquit Samona, *& caro Christi integra est in unoquoque fragmento: οὗτο
 καὶ σάρξ Χριστοῦ ὁ λόγος ἐν ἑκάστῳ κλάσματι.* Vide tom. xviii. Bibl.
 PP. pag. 579. Juxta diversa Philosophorum placita diluitur objectio
 altera: indubitatum quippe est permanere in Eucharistia panis & vi-
 ni *accidentia*, ut cum universis Theologis scribit lib. iv. de Sacra-
 mento Altaris Innoc. III. Damnarunt quippe Guilelmus Archiepisco-
 pus Cantuariensis, cujus judicium confirmavit Urbanus VI., & Sy-
 nodus Constantiensis sess. v. propositionem Wiclefi, *Accidentia
 panis non manent siue subiecto in sacramento Altaris.* Hinc inferunt
 Theologi præstantissimi, inter quos noster Lupus in sextum Roma-
 num Concilium S. Gregorii VII. tom. v. pag. 316. meras esse nugas,
 quæ de accidentibus a subiecto indistinctis tradit Cartesius. Multi
 tamen, a quibus alienus non est Vanroy cap. v. de Euch. q. i. & 2.
accidentia, & *species* panis ac vini remanere fatentur, sed negant
 esse *entitates* tenues a substantia distinctas. Hi nimirum ajunt *species*
 panis ac vini esse imaginem impressam materiæ subtili panem am-
 bienti, quæ imago, seu materiæ subtilis pressio persistit etiam con-
 secratione peracta, eandem in organo, visus excitans affectionem,
 ac si panis adesset. Atque idem docent de *accidentibus*, quæ sensibus
 reliquis obijciuntur. Conantur id explicare exemplo Christi, qui *sub
 hortulani specie* Magdalene dicitur apparuisse, quod nempe hu-
 jus mulieris visus a materia cælesti eodem modo fucrit affectus,
 quomodo fuisset hortulano præsentem. Possunt his aliquam asserre lu-
 cem,

cem; quæ lib. x. cap. 14. scripsimus de apparitionibus Angelorum. Hæc verò nec refello, nec probò; siquidem non tantus est mihi *Renatus Cartesius*, quantus iis, qui hoc nomen transpositis litterarum elementis conscribunt, *Tu scis res naturæ*. Alii præterea Philosophi hac responsione contenti sunt, Deum solutum esse naturæ legibus, utpote quas ipse pro suo arbitrio constituit, & esse mentis omnino non sanæ velle divinam potentiam modulo intelligentiæ nostræ metiri: quod confirmant exemplis productis ab Augustino Epist. 3. ad Volusianum, nunc 137. num. 8. ubi differens de Verbo in utero Virginis carne induto: *Hic*, inquit, *si ratio quaritur, non erit mirabile: si exemplum poscitur, non erit singulare. Demus Deum aliquid posse, quod nos fateamur investigare non posse. In talibus ratio facti est potentia facientis.* Huc denique confugit etiam Petrus Gasfendus, lib. vi. de qualitatibus rerum cap. 3. pag. edit. Lug. 385. Difficilius est argumentum tertium de Christi corpore in cælo simul, & in pluribus consecratis hostiis existente. Verum non tale est, quod compulerit Chrysostomum ne scriberet lib. 3. de Sacerd. *Qui sedet in dextera Patris, in dexteris peccatorum reperitur*, Nyssenum ne in Hom. de Paschate ita loqueretur, *innumerabilibus locis consecratur, & tamen unum corpus est*, Augustinum ne in Psalmum xxxi 11. affereret Christum Dominum, cum ait, *Hoc est corpus meum*, se ipsum portasse manibus suis. At quæris quomodo id fieri possit. Fit, inquit Scotistæ, quemadmodum duo corpora, etsi juxta naturæ legem sese invicem de loco expellant, divinitus tamen compenetrantur, eodemque ambitu circumscribuntur. Quamvis enim Calvinus neget quoque corporum penetrationem; refutatur tamen ex quo Christus ad Apostolos ingressus sit, *Januis clausis*, atque, ut ait quodam in carmine Nazianzenus,

ὡς κλῆτρον παρδύνα ἰουδαίου λύας ἰεῖλδω,
Ut claustra Virginalia, cum minime solvisset, egressus est. Atque huc faciunt quæ diximus Mom. vi. & Reg. x. Alii tamen Philosophi etsi negant idem corpus posse in pluribus locis existere *circumscriptive*, negant fieri non posse ut in locis multis existat *sacramentaliter*, & ratione extensionis panis: nam, inquit, *circumscriptio* fit extensione locali ac propria, quæ una est, nec multiplicari potest non multiplicata substantia corporis: existentia autem *sacramentalis* pendet a quantitate panis, aut vini, quæ non est una, sed quoduplex materia, quæ consecratur. Quod necessum non est prolixius exponere diu in scholis Peripateticorum versatis. Sunt etiam, qui propugnant actionem, qua conficitur Eucharistia, ex parte Dei esse ipsam conservationem corporis Christi, conservationem vero ipsammet creationem; ut censent Gabriel, Ochamus, alique plures apud Vasquez disput. 181. num. 42. quibus & nos subscribimus, si actio-

nes illas Dei *connotative* distinguant. Sicut ergo (inquit Emanuel Maignanus Philos. sacræ cap. 22. prop. 3.) sufficit in Deo una eademque actio, ut corpus producat, ut ei tribuat locum, ut ipsum conservet, ut ad plura loca successive transferat, quoniam hæc mutatio se tenet duntaxat ex parte termini; ita eadem Dei actio per se invariata potest corpori Christi tribuere locum in dextera Patris, alium verò sub his *speciebus*, alium sub aliis. Confinilli rationes probant quidam Philosophorum, ejusdem corporis posse multiplicari vicinias. Qualemcumque igitur sekeris physiologiam, habes unde eludas hæreticorum sophismata: volo enim ego iterum gratificari Calvino, ingenique mei imbecillitatem agnoscens illius verba repetere, *Quod ergo mens nostra non comprehendit, concipiat fides*. Argumenta postremo loco a conjecturis petita, quandoquidem proximis disputationibus sunt iterum pertractanda, nunc prætermittam. Peto hoc unum, cur indecorum sit, Christum frangi ratione *specierum* sacramentalium, manducari ab impiis, nobiscum permanere, & pro nobis quotidie Sacerdotum manibus immolari; posteaquam dignatus est tradi manibus peccatorum, vulnerari, crucifigi, & reputari cum sceleratis: præsertim cum in Eucharistia non sit passionis acerbitas, horror cruoris, mortisque imago teterrima; sed, ut agebat Hildebertus Cennomanensis,

Fis cibus hic ex pane caro, Deus ex elemento,

Mysterio simplex, utilitate triplex:

Utque fides adsit, terrorque recedat, & horror,

Fis cibus ipse caro, panis imago manet.

C A P U T X.

Impugnatur asserta ab hæreticis Consubstantiatio, sive Impanatio.

Quamvis duo præcedentia capita ita in Eucharistia realem corporis Domini præsentiam commonstrent, ut inde excludant substantiam panis; tamen cum hanc ibi permanere contendat Lutherani, post quosdam obscuri nominis discipulos Berengarii: illud nunc peculiari disputatione disquiram, an revera cum Christi corpore ac sanguine non solum *accidentia* persistant, verum etiam *substantia* elementorum, sive, quod idem est, admittenda num sit asserta a Catholicis *Transsubstantiatio*. In titulo autem questionis *Consubstantiationem*, & *Impanationem* commemoravi, propterea, quod non eodem tramite incedunt hostes: sed quidam cum Osiandro commenti sunt inter panem & corpus Christi ineffabilem quamdam, &

hypo-

hypostaticam unionem, qualis est inter naturam humanam & *hypostaticam* divini Verbi, & quam solent appellare *Impanationem*: quidam tenent substantiam panis ita corpori Dominico fociari, ut conjungantur utique, sed absque vinculo substantialis & *hypostaticæ* unionis, quam sententiam sequitur Lutheranorum major numerus: atque horum dogma *Consubstantiationem* vocitamus. Nos ergo totam substantiam panis & vini in substantiam corporis & sanguinis Domini transmutari defendimus: quod licet constet ex dictis, proximo nihilominus theoremate confirmamus.

PROP. In Eucharistia non manet panis vinique *substantiæ*, sed vi consecrationis in *substantiam* corporis, & sanguinis Christi convertitur.

Id enim sequentia momenta manifesto evincunt. I. Christus Eucharistiam consecrans ait: *Hoc est corpus meum*, corporis duntaxat, non panis mentionem faciens; non enim pronomen *Hoc* ad panem potest referri, cum illud sit neutrius generis. *Quæ* ergo rationes persuadebunt nobis Lutherani, in illa enuntiatione panis substantiam comprehendi? Præterea propositio illa *efficitrix* est, quandoquidem inducit, fatentibus Lutheranis, corporis Christi præsentiam: at non significat eadem propositio corpus Christi poni *cum pane*, aut *in*, aut *sub pane*; quippe non ait Salvator, *In hoc*, aut, *Cum hoc*, aut, *Sub hoc pane est corpus meum*, sed, *Hoc est corpus meum*; denotat ergo ita poni corpus Christi, ut destinat esse substantia panis. Rursus ex quo duo aut sint unita, aut simul existant, aut unum sit in altero, non sequitur quod unum de alio queat enuntiari, præsertim si ambo substantia sint, atque in suo genere disparata. Neque enim dicimus, *Anima est corpus*, *Deus est mundus*, *Pictura est paries*; licet anima uniatur corpori, licet Deus in mundo sit, licet pictura adhæreat parieti. Igitur neque per unionem, neque per inhærentiam, neque per intimam penetrationem Domini corporis potest de substantia panis verè enuntiari, *Hoc est corpus meum*. Deinde fatetur Lutherus *vere* ac *substantialiter* manducari a nobis Christi carnem, cum proprie accipienda sint ea Christi verba, *Caro mea vere est cibus*; per solam autem unionem substantiæ panis ad substantiam corporis & carnis Christi, nisi sit unio *hypostatica*, non consequitur eandem carnem vere manducari; quemadmodum, inquit Estius in dist. x1. §. 1. non sequeretur, Filium Dei passum, crucifixum, ac mortuum esse, si homo ille, qui passus crucifixus ac mortuus est, fuisset filio Dei sola *moralis*, ut aiebat Nestorius, unione conjunctus. Quod si unio admittatur inter panem & corpus Christi *hypostatica*, quanta non consequuntur absurda! Consequitur divinum Verbum assumere in unionem *personæ* irrationalem substantiam, & (quod neque in mysterio contigit Incarnationis) sub-

stantiam præditam præexistentia sua, idque non semel, sed unaquaque die sæpenumero; ut mittam confectaria omnia regularum communicationis idiomatum, de quibus lib. xxvii. cap. i. Demum a Luthero, qui sæpe monet verba institutionis Cœnæ accipienda esse *juxta nudam Grammatica intelligentiam*, ne adversariis tribuatur occasio eludendi Scripturas, illud peto, In hac propositione, *Hoc est corpus meum*, ubinam panis commemoratur? Si quando legimus, *Accipit Jesus panem*, intelligere debemus panem *solum*; cur quando dixit, *Hoc est corpus meum*, non debemus intelligere *solum* corpus? Quibus vocabulis potius, quam istis, absque fucō, & ambiguitate orationis explicare posset idem hæresiarcha *transubstantiationem* a Catholicis propugnatam? Verum de priori momento hætenus. II. Quoniam inter nos ac Lutheranos convenire non potest; necessum est ad Judicem aliquem appellemus, atque ad Ecclesiam universam in Conciliis Oecumenicis congregatam, maxime quod adversarii nec patiuntur judicium aut Calvinī, aut Zuvinglii, aut cuiuspiam e Sacramentariorum factione; illi autem pars sunt litigantium, ac nullam in propria causa habent auctoritatem. In Concilio itaque Lateranensi iv. celebrato anno 1215. sub Innocentio III. capite *Firmiter*, definitur contineri in Eucharistia corpus, ac sanguinem Domini sub speciebus panis & vini *transubstantiatis pane in corpus, & vino in sanguinem, potestate divina*. Tridentinum vero sess. xlii. cap. iv. ad hunc loquitur modum: *Per suum semper in Ecclesia Dei fuit, idque nunc denuo sancta hæc Synodus declarat, per consecrationem panis & vini conversionem fieri totius substantiæ panis in substantiam corporis Christi Domini nostri, & totius substantiæ vini in substantiam sanguinis ejus: quæ conversio convenienter & proprie a sancta Catholica Ecclesia transubstantiatio est appellata*. Scio respondere hæreticos, inauditum *transubstantiationis* dogma ante memoratam synodum Lateranensem: at præstat paucis responsum istam excutere. Principio non tantum dogma, sed & *Transubstantiationis* vocabulum expressum legitur apud Petrum Blesensem epist. 140. Floruit autem Petrus tempore Alexandri III. obiitque circa exitum sæculi duodecimi: adinventur eadem vox in Tract. de Sacram. Altaris circa idem tempus conscripto a Stephano Episcopo Eduensi, cap. 13. necnon in Confessione Albigenisum, cujus meminit in litteris datis anno 1160. Petrus tituli S. Chrysogoni Cardinalis, apud Baronium eodem an. num. 28. Atque hæc Tournelius pag. 125. aliique observarunt. Deinde xi. sæculo Berengarius fatebatur omnes fideles, quos *vulgi infantientis* nomine trahebat, transubstantiationis dogma tenere, idemque ipse ad meliorem redactus frugem professus est: ex quo *conficitur*, inquit Præf. 2. in sæculum vi. Benedict. Cl. Mabillonius, *falsi heterodoxos pla-*

plerosque, qui novum in Ecclesia Transubstantiationis dogma esse, nec ante Concilium Lateranense sub Innoc. III. inuictum contendunt. Præterea Philippus Mornæus in *Myst. iniquitatis* pag. 141. de temporibus Caroli Magni, & Adriani Pontificis scribit, *Transubstantiatio jam exerebat caput*: quem locum exagitans Coquæus noster in *Antimornæo* pag. 386. *Miror, inquit, qui scribat Transubstantiationem jam tum exersisse caput, cum ita scribat Calvinus lib. iv. Instit. cap. 17. n. 15. Bernardi quidem ætate (nimivum quadringentos post annos) etsi durior invaluerat loquendi ratio, Transubstantiatio tamen nondum agnita erat. Quomodo tantus discipulus discedit a tanto magistro? Si Satanæ Satanam ejicit, ait Dominus Matth. xii. adversus se divisus est. Quomodo ergo stabit regnum ejus?* Qua ratione tandem fieri potuit, ut anno 1215. Episcopi ccccxi. Primates, ac Metropolitæ lxxi. Regum, ac Principum omnium Oratores, Religiosi viri in dignitate constituti supra dccc. ac tantus Theologorum numerus, ut Synodus illa antonomasticè appelletur *Magna*, nullo renitente probarit dogma, quod, si hæreticos audiamus, novum erat, ignotum majoribus, inducebatque idololatriam in universum Christianum orbem? III. Verum, ut mittamus disputationem de nomine, quæ prorsus vana est, cum quælibet hæresis compulerit Patres ad intrudenda nova vocabula, ut diximus præced. Volum. pag. 6. aliisque in locis; id, quod nos intelligimus *Transubstantiationis* nomine, conversionem scilicet substantiæ panis in substantiam corporis Christi, illud idem unanimi consensu tradiderunt Latini, Græci-que Patres. Quid est enim acceptum panem *facere corpus Domini*, panem sanctificatum *in corpus Dei Verbi transmutare*, id quod est in calice *converti in illud, quod fluxit de Christi latere*; quid, inquam, istud est, nisi quod nos *Transubstantiationis* nomine designamus? Hæc vero tradidisse Patres superiori capite demonstravimus. Nec aliud sane evincunt rationes, quibus iidem Patres veritatem corporis Christi suadere conantur; veluti, dum inquirunt verbo Dei immutari naturas rerum, & quemadmodum Christus aquam convertit in vinum, ita vinum in sanguinem suum convertisse. Huc spectant hortationes illæ frequentissimæ, ut sine hæsitazione credamus panem post consecrationem non esse panem, sed mutari naturas elementorum, quidquid nobis sensus exhibeant. IV. At cum hæc ex testimoniis supra productis sint apertissima, tentant fucum facere Novatores Græcorum verborum proprietate, afferentes in Orientalium scriptis hæc tantum occurrere, μεταβολη, μεταρρυθμιζεν, μεταποιη, μεταβαλιν, μεταμελιδεν, quæ *mutationem* quidem denotant, non autem μεταμωσιν, *transubstantiationem*. Ceterum videant, quam imperite ratiocinentur. Concedunt reipsa mutationem & conversionem aliquam fieri. At hæc mutatio non fit, ut constat, in accidentibus, ac

spe-

speciebus: fit igitur in *substantia*. Norunt deinde Grammatici μεταβάδην, non esse tantum, *transire*, aut *invertere*, sed etiam *contrariam qualitatem contrahere*, apud Aristot. 6. de Animal. *cibum cognere*, & *vertere* in substantiam aliti, apud Alex. Aphrod. in præf. lib. 1. problemat. ac *degenerare de una specie in aliam*, apud Henricum Stephanum, & Budæum: quod de aliis præcitatis verbis docent univerſa Græcorum Lexica. Patres deinde Græci non ſcribunt ſolum, *panem converti*, ſed *ὡς εἶμα τὸ θεῶ λίγα μεταβαδῖναι*, ita *transmutari*, *ut ex pane fiat corpus Verbi Dei*, quemadmodum ait Nyſſenus cap. 37. orat. Catechetiæ, atque, ut addit proximo capite, *Transfementata in idem corpus eorum, quæ apparent, natura*, *ἵπὸς ἑαυτοῦ μεταβαδῖναις ἐπὶ φαινομένων τῶν οὐσῶν*, tom. 2. pag. 537. Addit Cyrillus Catech. 1v. pag. 532. ita mutationem hanc fieri, ut pro certo habendum ſit, *ὡς ὁ φαινομένης ἄρτος ἐκ ἄρτος ἐστίν, panem, quod videtur, non eſſe panem*; quæ abſque *transubſtantiatione* a nobis propugnata nequeunt conſiſtere. Inſuper Wittembergensē donantes latinitate Cenſuram Hieremiæ Patriarchæ Conſtantinopolitani, in qua legitur, *ἄρτος μεταβαδῖναις ἐκ αὐτοῦ εἶμα τὸ τὸ χρεῖν*, *Panis mutatur in ipſum corpus Chriſti*, hoc vocabulum e regione Græci textus appoſuere, *Μεταβαδῖναις*, atque ex alia parte Latinum, *Transubſtantiatione*: ideoque nullum inter μεταβαδῖναις, ac *transubſtantiarī*, agnoverunt ipſi Lutherani diſcrimen. Quid plura? Etiam vocabulum μεταβαδῖναις, frequentiffime legitur in Apologia Gabrieliſ Philadelphenſis: in qua pag. 15. de ſymbolis legitur, *ἐπὶ τὸ μεταβαδῖναις, priuſquam transubſtantientur*, & pag. 19. *ἀλλὰ ἄρτος ἄρτος ἔστιν, ἢ ἀλλὰ μεταβαδῖναις ἄρτος ἢ ἕνός. Πᾶς γὰρ μεταβαδῖναις ἄρτος ἢ ἕνός ἐστίν ἄρτος, ἢ τίς ἄρτος, ἢ εἰς τὸ χρεῖν*, *Aliud eſt panis ſanctus, & vinum, & aliud panis transubſtantiatus, ac vinum*; *omnis panis cum vino transubſtantiatus eſt ſanctus, perfectus, & caro Chriſti*. Habes ergo in ſcriptis Græcorum *Transubſtantiationis* dogma & vocabulum. Quamquam autem Gabriel eſt ceteris junior (quod forte reponent heretici verſutiſſimi) expoſuiſſe tamen illum communem Orientalium fidem teſtati ſunt Dionyſius Protoſyncellus, & Georgius Coreſius Chius: neque unum invenies ex Græcis, qui huic adverſetur, ſi excipias Cyrillum Lucarim, apoſtatam hominem, fideique patriæ deſertorem, & quem damnatum a ſuis conſugiſſe ad caſtra Calviniſtarum, narrant Allatius lib. 3. de Eccl. Occident. & Oriental. Eccl. Arnaldus in ſua ad Claudium Reſponſione, atque in notis ad Apologiam Gabrieliſ Riccardus Simon. Itaque reſelluntur Lutherani Latinarum, Græcorumque perantiqua traditione, firmiſſimoque conſenſu. V. Tanta præterea eſt perverſi dogmatis abſurditas, ut nullum apud alterius factionis homines invenerit patrocinium. Etenim Johannes Huſ apud Pezibramum inquit: *Chriſtus verbi ſui ineffabili virtute panem*
& vi-

& vinum transubstantiat in propriam carnem, & sanguinem; & in Carmine de cœna Domini apud Iodocum Hockerium sic legitur:

<i>Ave deitatis forma</i>	<i>Non es panis, sed es Deus</i>
<i>Dei unionis norma;</i>	<i>Homo, Liberator meus,</i>
<i>In te quisque delectatur,</i>	<i>Qui in cruce pependisti,</i>
<i>Qui de fide speculatur.</i>	<i>Et in carne defecisti.</i>

Hieronymus quoque Pragensis interrogatus de pane post consecrationem, an maneat, teste Poggio Florentino in Epistola ad Leonem Arretinum, respondit *apud Pistorem remanere panem*. Ita ergo censent, qui ante Lutheri apostasiam vexarunt Ecclesiam, perditissimi Hussitæ. Quid vero hæretici post Lutherum exorti? Zacharias Ursinus Hidelbergensis in Miscell. catech. 7. *Lutherani*, inquit, *accusant Christum mendacii: negant enim panem esse ipse corpus, sed dicunt corpus esse in pane: videant igitur, quomodo in extremo iudicio de hac blasphemia & calumnia sint Christo responsuri. Papiæ magis retinent verba Christi*. Zuvinglius in epist. ad Joannem Bugenhagium querebatur, non posse *Antichristum* profigari, nisi & errore consubstantiationis profigato. Consensus, ut dicitur, Orthodoxorum Sacram. §. *Ut vero*, ita loquitur: *Quam multum consubstantiationis error transubstantiationi præstet, nemo facile dixerit: absurdior certe esse, & a Christi verbis alienior Theologi Scholastici, homines acutissimi observarunt*. Scharpius in Cursu Theolog. art. de S. Cœna cap. de Consubstant. *Jam, ait, de consubstantiatione dicendum erit, quæ hæresis antiqua est, quam Lutherus secutus est, &c.* Plura vide in Conversione Joannis Georgii Rat. 36. cap. 5. & apud Lindanum in Apolog. Relig. Catholicæ. VI. Talis denique est causa, pro qua pugnamus, ut nec ipsos Lutheranos iudices formidemus. Idem namque Lutherus in libro de Abroganda missa fol. 253. scripsit, *Christum Dominum verbo virtutis suæ panem in corpus suum mutasse*. In Confessione magna de Cœna Domini commendat Nicolai Papam, quod Berengarium adegerit ad palinodiam, ibique se cum Pontificiis sentire testatur: ac pariter in Confess. minori affirmat se tenere de Cœna sententiam, quam Ecclesia semper servavit sub ipso quoque Papatu; sunt quippe ejus verba: *Sic Papiæ docent, imo non Papiæ, sed sancta Christiana Ecclesia, & nos cum ipsis*. Damnarunt propterea Lutherum tanquam nobis consentientem præcatus Consensus Orthodoxorum, Beza ad 1. partem libri Brentii, Wolfgangus Musculus in Epist. ad Martinum Bucerum, alique apud Scultetum in 2. decade Annalium. Confessio Augustana, ut anno mxxx. oblata fuit in Comitibus Augustæ Carolo V. articulum x. ad hunc modum exhibuit: *De cœna Domini docent, quod corpus & sanguis Christi vere adsint, & distribuantur vescitibus in cœna Domini, & improbant secus docentes*. Ubi, etsi aperte non tradatur transub-

stan-

stantiatio, nulla tamen substantiæ panis fit mentio; quam fecissent utique Confessionis auctores, modo in re tanti momenti noluisse invictissimum Imperatorem, & Catholicos Principes latente perfidia decipere. Atque idcirco ad articulum illum decimum ita rescriptum est, *Decimus articulus in verbis nihil offendit*: quod Lutherani quidam audacissimi, cum obmutescere deberent, nobis obijciunt, pro genuino illo articulo obtrudentes Confessionem vitiatam anno MDXL. in qua legitur: *De cæna Domini docent, quod cum pane & vino vere exhibeantur corpus & sanguis Christi vefcentibus in cæna Domini*. Indignatur Catholicis Philippus Melanchthon in Apolog. art. 2. quod hunc articulum decimum ex Germanico exemplari exhibito Augustanis Comitibus non repetant. At exemplar Germanicum coheret magis cum doctrina Catholica, utpote quod non commemorat substantiam panis & vini, sed tantummodo species: nam, ut recitatur a Valentino Erichræo Lutheranæ ad annum MDLXV. adversus Sacramentarios, idem articulus in autographo Germanico sic legitur: *Von dem abendmal des Herrē wirdt also ghelehet / das warer leib vnd blut Christi warhafftiglich vnder ghestalt des brodts vnd weins im abendmal gegenwertig sen / vnd da auß geteylet und ge nomen wirdt*. Latine: *De cæna Domini docent, verum Christi corpus, & sanguinem vere sub specie panis & vini in cæna esse præsens, in eademque distribui & accipi*. Huic ad verbum respondet Confessio Augustana, versa in linguam Belgicam ac typis cusa Wesaliæ anno 1563. Aiebat proinde Marcus Tilmannus Heshusius inter Lutheranos percelebris, periculose Protestantes adstringi ad Confessionem Augustanam, quam cum sua Apologia appellabat *humanum scriptum*, corrigendum, & doctrinā contaminatum. Vide Lindanum tom. 2. Apolog. tici pag. edit. Plantinianæ 95. Ipse demum Melanchthon Confessionis & Apologiæ auctor, ac signifer Lutheranorum, anno 1530. edidit librum adversus Oecolampadium, ubi accumulavit veterum Patrum testimonia, quibus expresse asseritur conversio substantiæ panis in corpus Christi. Profert hæc verba Chrysostomi, *Non est figura tantum & exemplar quoddam Domini corporis panis, sed in illum convertitur corpus Christi*: hæc alia Cypriani, *Panis iste non effigie, sed natura mutatus omnipotentia factus est caro*; multa denique Ambrosii, quibus productis ait: *Hæc tam longa recitatio exemplorum ostendit auctorem sensisse, panem non esse tantum signum, sed naturam panis mutari*. Talia Melanchthon. Nullus itaque error, hæresis nulla detestabilior est, simulque improbabiliior hac de *Consubstantiatione*, sive de *Impanatione*: quam prædamnavit Christus Eucharistiam instituens, præfocarunt Ecclesiæ Patres, anathematizarunt

zarunt plenariæ Synodi, refutarunt Occidentales & Orientales consensu unanimi, exosam habuerunt prædecessores Lutheri, oppugnarunt alia Novatorum sectæ, tradidit sibi ipsi repugnans Apostata. Islebiensis, confixit, aut saltem probrose occultit Augustana Confessio, hujusque apologistæ olim rejecit, ac profligavit: quæ omnia sunt a nobis evidentissime monstrata.

AD EA, QUÆ OBJICIUNTUR, RESPONSIO.

Opponent autem hæretici: Ex Scripturis eruitur potius dogma Lutheranorum. Enimvero Eucharistia appellatur *Panis*, Lucæ xxiv. 35. & in 1. ad Corinth. x. 16. & x. 26. 28. ideoque in illa remanet panis *substantia*. Præterea ex verbis Domini, *Hoc est corpus meum*, male inferunt Catholici *transubstantiationem*. Nam idem Dominus Joan. vi. 51. inquit: *Ego sum panis*. At cum ait, *Ego sum panis*, non se mutavit in panem; dicens ergo, *Hoc est corpus meum*, non transmutavit panem in corpus suum. Atque hoc argumentum urgebat Petrus Martyr in libro contra Gardinorum num. 13. Insuper salvatur veritas hujus propositionis, *Verbum caro factum est*, per unionem humanæ, divinæque naturæ: igitur & constabit veritas alterius, *Hoc est corpus meum*, per unionem utriusque substantiæ. Ad hæc, inquiunt communiter Lutherani, de ferro, quod pervaserit ignis, recte dicimus, *Hic est ignis*, & de dolio, quod vino sit plenum, *Hoc est vinum*, nulla facta aut in ferro, aut in dolio mutatione substantiæ. Cur ergo substantiæ mutationem inferendam esse arbitramur ex enuntiatione illa consimili, *Hoc est corpus meum*?

Resp. hæc nullius esse momenti. Cur enim Eucharistia appellatur *Panis*, explicatum est priori Regula capitis præcedentis. Quod sequitur est Petri martyris argutum cavillulum: nam Lutherani in iis verbis, *Ego sum panis*, agnoscunt metaphoram, quam negant in verbis Cænæ, propterea quod non absolute Christus appellavit seipsum *panem*, sed *panem vite*, idest comparate ad manna, de quo eo loci fit sermo: quod Salomon Glassius lib. v. Philolog. sacræ tract. 1. cap. 11. contendit esse *metaphoræ signum evidens*. Deinde retorquetur illa argumentatio adversus heterodoxos. Enimvero propositiones a Christo enuntiatae, cum ipse sit infallibilis veritas, aut veritatem supponunt, aut efficiunt. Hæc propositio, *Ego sum panis vivus*, supponit Dominum Iesum esse panem supersubstantialem, quo fruuntur Angeli, ideoque id hæc enuntiatio non efficit. Igitur propositio ista, *Hoc est corpus meum*, cum non præsupponat realem corporis Christi præsentiam, illam efficiat necessum est. Si autem Deus facit, ut *Hoc*, quod erat panis, sit corpus Christi, jans defini-

To. VII.

R r

nit

nit esse substantia panis, & actio illa recte dicitur *transsubstantiatio*: Vide, si hæc minus placeant, responſionem aliam Bellarmini lib. 3. de Euch. cap. 24. Proximum sic diluit: In ea propositione, *Verbum caro factum est*, Verbum *subiecti* locum tenet, ideoque ipsum Verbum factum est caro assumptione humanitatis in Deum: at in ista, *Hoc est corpus meum*, corpus non est *subiectum*, & consequenter non est id, quod fit per unionem panis ad corpus. Probaret aliquid argumentum, si quemadmodum dictum est, *Verbum factum est caro*, ita dictum esset, *Corpus meum factum est panis*: at neque hanc loquendi formam adhibuit Christus, nec panem omnino nominavit, sed nude ac demonstrative inquit, *Hoc est corpus meum*. Jure in adversarios hoc idem argumentum intorquet Estius dist. xi. §. 1. Do insuper aliam expeditissimam responſionem. Ne suspicemur conversionem naturarum in illa enuntiatione, *Verbum caro factum est*, facit & immutabilitas divinæ naturæ, & quod immediate subicitur, scilicet, *Et habitavit in nobis*: quibus verbis commonstrari divinæ humanæque naturæ distinctionem, ostendi ratione & auctoritate disputans adversus Eutychianos lib. xxv. cap. 18. In casu autem nostro neutrum habetur; quoniam neque panis substantia immutabilis est, neque subjiuntur verba, ex quibus inferri possit eam permanere. Ad exempla adducta postremo loco hæc sit responſio. Docent Rhetorici, atque inter hos Glasius Lutheræus præcat, tractatu 1. cap. 17. ubi agit *de synecdoche partis*, unam rem enuntiare de alia, aut partem usurpari pro toto ex consuetudinario sermone, hominumque instituto, quando vel est pars essentialis, quo sensu *anima* accipitur pro toto homine: vel pars integralis, quo sensu *caro* idem est, quod corpus: vel pars rei aggregatione compactæ, quo sensu *mutus* idem sonat, ac civitas; vel qualitas inherens, aut res contenta, quo sensu *urbis* significat populum, *lux* solem, *domus* familiam. Quadraut hæc quidem in exempla producta, sed non in verba Cænæ, *Hoc est corpus meum*; siquidem nulla hominum institutione, nulloque usu sermonis hoc vocabulum *Corpus* designat partem aliquam, vel accidens inherens pani, sed substantiam omnino disparatam, ac subsistentem. Addo Schlusserbergium Lutheranum fateri verba Christi tam clara esse, *ut nullus Angelus e cælis, nullus homo in terris possit clarius loqui*; ideoque nullam in illis translationem debemus excogitare.

Opp. 2. Antiquiores Scholastici tradiderunt ex Scripturis non posse *transsubstantiationem* invicte probari. Ita Ochamus in iv. q. 6. Scotus, Paludanus, Argentinas, alique in iv. dist. xi. Ipse Bellarminus lib. 3. de Euch. cap. 23. de Scoto hæc ait: *Dicit non extare locum ullum Scripturæ tam expressum, ut sine Ecclesia declaratione evidenter cogat transsubstantiationem admittere. Atque id non est omnino*

nino

nino improbable. Similia Franciscus Suarez tom. 3. in 3. p. disput. 49. sect. 2. Durandus autem in 1v. dist. x1. q. 3. aperte negat *materiam* panis transsubstantiari, atque in sola *forma* agnoscit conversionem: quamobrem graviter reprehenditur a Bellarmino in præcitato lib. cap. 13. atque ab Honorato Tournely q. 3. art. 2. Non sunt ergo verba Scripturæ tam aperta, ut inviste *transsubstantiationem* commonstrent.

Resp. Hoc unum velle acutos illos disputatores, quod spreta omnino Ecclesiæ Catholicæ auctoritate nullum sit Scripturæ testimonium, quod non possit in pravam sensum torqueri; & istud maxime, *Hoc est corpus meum*, talis esse generis, si hæc verba nude accepta philosophicis altercationibus subijciantur. Quod utique Scholasticorum judicium confirmant Lutheri, Calvini, & Zuvinglii de iisdem verbis oppositæ, & nullatenus ad concordiam revocandæ sententiæ. Nos autem etiam auctoritate Ecclesiæ præcisa, sive non spectatis de *transsubstantiatione* decretis, arbitramur Lutheranos eodem Scripturæ testimonio refelli, quoniam accipiendum est, ipsis quoque fatentibus, in sensu obvio, planissimo, & quem verba præferunt. Talis autem sensus est, id, quod manibus Christus ferebat, post ipsorum verborum pronuntiationem, *corpus* esse, non *panem*: Nihil proinde ad nos attinet quorundam disputantium opinio de sensu, qui possit Dominicis verbis aptari; quando adversarii nos provocant ad planum, & litteralem. Verumtamen ego non Scholasticos Lutheranis opponam, etsi opponere possem sanctum Thomam, q. 75. art. 2. aliosque sexcentos, sed Claudium Salmasium hæc adversus Grotium pag. 516. pronuntiantem: *Si ad litteram accipiantur verba Christi, ut debere accipi contendunt doctissimi Lutherani Theologi, longe magis doctrina Pontificiorum favent, quam Lutherana. Dixit Christus, Hoc est corpus meum, cum panem traderet. Ergo non amplius panis est, sed corpus Christi, ut ille, qui veritas est, affirmavit.* Durandus, ut in oppositione dictum est, refutatur a doctis viris: & quidem jure, meritoque; nam si permaneat *materia*, panis, remanet etiam *subjectum accidentium*, quod damnatum est sess. v111. Concilii Constant. neque fit in Eucharistia mutatio *totius substantia panis*, quod repugnat Tridentino sess. x111. cap. 4. can. 2. Attamen, ut nec Durandum vellicem, dico nomine *materiei* intellexisse quantitatem, in sententia Peripateticorum, a substantia distinctam, siquidem eadem dist. x1. quæst. 1. scribit: *Substantia panis & vini convertuntur in substantiam corporis Christi*, quibus verbis *transsubstantiationem* profitetur; additque statim: *Mediante tali conversione corpus & sanguis Christi virtute divina habent talem ordinem, seu habitudinem ad species, sub quibus fuerunt panis & vinum*; quibus videtur asserere, quod existant absque proprio subjecto *species*, & *accidentia*.

Opp. 3. Inauditum fuit ante Lateranensem iv. synodum vocabulum *Transubstantiationis*. Consensu autem Pontificiorum fides catholica novis revelationibus nequit inniti, ut docent S. Thomas 1. p. q. 1. art. 8. Canus lib. 2. de Locis cap. 1. ac Bellarminus lib. 4. de Verbo Dei cap. 9. Fluxa ergo est fides *transubstantiationis* ante x111. sæculum prorsus ignotæ.

Resp. hoc argumentum Hornæji lib. 2. Theol. cap. 3. num. 167. puerilem esse lusionem, & a vocabulo ad rem vitiosum transitum. Quod spectat ad nomen, (quamvis longe ante synodum Laterani *transubstantiatio* nominata sit, ut supra ostendimus) recte nova vocabula usurpari ad novos errores eliminandos, evincunt voces *ipsum*, & *divinum*, quarum primam Nicæna, alteram Ephesina Synodus consecravit. Quantum vero attinet ad dogma; id, quod nos explicamus *transubstantiationis* vocabulo, significarunt Veteres nomine *conversionis*, *mutationis*, atque *transflementationis*, ut constat illorum testimonia pervolutanti. Immo si antiquorum aliquis subobscurè, ac etiam falso, non explorata traditione, aut nondum latis ab Ecclesia definitionibus, dogma istud exposuisset; non idem dicendum foret, posteaquam Ecclesia in Spiritu sancto congregata diligentius veritatem investigavit, & manifestius tenendam, credendamque proposuit. Id namque utilitatis & commodi nobis hæreses contulerunt, ut quod nullo contradicente securi tradiderunt majores nostri, contranitante hæreticorum petulantia, quasi vento nubes distante, planum modo sit, & meridiano sole splendidius.

Ob. 4. At summi in Ecclesia Doctores docuerunt permanere cum Domini corpore *substantiam panis*. Enimvero S. Joannes Chrysostomus in Epistola ad Cæsarium Monachum refutans hæresim Apollinarii, & Synousiastarum asserentium in Christo *admirandam commixtionem, qua Deus & homo effecti sint una eademque natura*, ut inquit Ephræmius Antiochenus apud Photium cod. 229. demonstrat unum filium, & unum Dominum habere unitarum naturarum dominationem, & potestatem, etiamsi naturæ non consubstantiales existant, & unaquæque servet proprietatem suam incommixtam, atque ad hoc ostendendum utitur exemplo Eucharistiæ: *Sicut, inquit, antequam sanctificetur panis, panem nominamus, divina autem illum sanctificante gratia, mediante sacerdote, liberatus est quidem ab appellatione panis, dignus autem habitus est Dominici corporis appellatione, etiamsi natura panis in ipso permanfit, & non duo corpora, sed unum corpus filii prædicatur: sic & hic divina inundante corpori natura, unum filium, unam personam, utraque hæc fecerunt*. Expende quæso ea verba, *Etiamsi natura panis in ipso permanfit*, Græce, *Εἰ καὶ ἡ φύσις τοῦ πᾶντος διαµένῃ*. II. Theodoretus Dialogo 2. qui inscribitur *Inconfusus*, pariter inquit: *Neque enim symbola my-*
stica

sica post sanctificationem recedunt a sua natura ; manent enim in prioris substantia , & figura , & forma , & videri , tangique possunt , sicut & prius . Hic non tantum legitur symbola , idest panem , & vinum , in *tas vias ieiunatus quous , a propria non recedere natura ,* sed etiam , *manere in prioris substantia , in tas omnes vias .* III. Gelasius Papa in libro de duabus naturis in Christo adversus Eutychem , *Certa , inquit , sacramenta , quæ sumimus corporis , & sanguinis Christi , divina res est ; propter quod & per eadem divina efficimur consortes natura : & tamen esse non desinit substantia , vel natura , panis & vini .* IV. Berengarius in Confessione approbata a Concilio Romano vi. anno 1079. & quæ extat de Consecrat. dist. 2. cap. Ego Berengarius , ait auctoritate Evangelica , & Apostolica traditione tenendum esse , *panem & vinum , quæ in altari ponuntur , post consecrationem non solum sacramentum , sed etiam verum corpus & sanguinem Domini nostri Jesu Christi esse , & sensualiter non solum sacramento , sed in veritate manibus Sacerdotum tractari , frangi , & fidelium dentibus atteri .* Duo sunt itaque in Eucharistia , panis & vinum , idest , sacramentum , sive signum sensibile , & corpus ac sanguis Domini .

Resp. Chrysostomum nomine *quous , natura* , intelligere species , & accidentium complexionem , non substantiam proprie dictam : primo quia negat post consecrationem locum habere veram appellationem panis : deinde quia docet , non duo corpora , sed unum prædicari ; enuntiarentur autem duo , non unum , si coexistenter substantia panis ; & corpus Christi : insuper quia affirmat naturam panis permanere in ipso pane , quod profecto nequit intelligi , nisi de accidentibus , quibus natura panis vestitur , cum ineptissima sit hæc locutio , *Natura panis in pane remanet .* Neque insolitum est apud Patres , congeriem omnium accidentium , quæ rem aliquam fecernunt ab alia , nomine *quous* , & *viæ* insigniri . Nam Anastasius in *adrys* definit *quon* ; quasi sit *quon* *et* *in* , forma & qualitas rerum existentium . Ac Theodoretus Dialogo 2. de humore , & fluiditate , quæ sunt qualitates materiæ ; ait , *tas exordias quous* *in* *quous* , affines naturas misceri . Consentiant Latini , inter quos Hilarius can. x. in Matth. scribit , *Corpus per fidem mortificationem in naturam anime evadit* , & Ambrosius in Hexameron lib. 111. cap. 2. & de mysti. cap. 9. affirmat *naturas fuisse mutatas , quando et petra aqua fluxit , & ferrum aqua supernatavit* , & quando Jordanis conversus contra naturam , reversus est in sui fontis exordium . Plura exempla affert Harduinus de Sacram. Alt. cap. 3. & 4. Nil ergo mirum , si Chrysostomus vocem *quous* adhibuit ad significandam accidentium panis glutinationem . Id quidem scite admodum fecit , comprobans unitatem *Persona* , quæ naturam assumpsit humanam , com-

paratione unitatis corporis Christi, quod existit sub panis proprietatibus ac *speciebus*. Atque hoc argumenti genus erat idoneum, aptissimumque ad refellendos Synouistas, *progenitores*, ut appellantur a Facundo Hermianensi, *Eutychianis dementia*; siquidem illi ita Verbum factum carnem affirmabant, ut proprietates carnis perierint, & Verbum non solum in divinitate, verum etiam in carne factum fuerit Patri consubstantiale. Quod si Chrysostomus affirmasset remanere cum Christi corpore *substantiam panis*, catholicam, potius fidem prodidisset, quam propugnasset: recte namque ex præmissa ratiocinatione intulissent hæretici, non esse *anam personam* Dominum Jesum, quemadmodum non sunt *corpus unum* caro ejus & panis substantia. Atque ita Chrysostomus Apollinaristas oppugnans præcuiisset Nestorianis. Necesse demum non est, ut exempla, quæ producuntur, convenient rei, de qua agitur, undequaque: stultumque est hæsitare de fide Chrysostomi, qui Homilia 24. in primam ad Corinthios, atque aliis in locis compluribus discretissime docet non panem, sed *corpus Domini, & sanguinem, qui de ejus latere fluxit*, distribui nobis in Eucharistia. Idem nunc, quod ad Chrysostomum, ad Theodoretum respondeo: quid enim is intellegat *substantiæ* nomine, explicat ipsemet dicens, *Illud ergo corpus priorem habet formam, figuram, & circumscriptionem, καὶ γὰρ ἰσὺν τὸ εἶμα τὸ μὴ ἀπὸ τοῦ ἴδου ἔχει, ὃ καὶ τὸ, ὃ περιγράφει*. Docet etiam eo loci *transubstantiationem*, scribens de sacris symbolis, *Alia quidem sunt ante sacerdotis invocationem, post invocationem vero mutantur, & alia fiunt, ἄλλα μὲν ἔτι πρὶ τῆς ἱερατικῆς ἐκκλήσεως, μετὰ δὲ τὴν ἐκκλήσιν μεταβάλλεται, ὃ ἔτιμα γίνεται*. Explicandas est igitur Theodoretus de accidentibus panis; præsertim ubi instituit disputationem inter Eranistem, & Orthodoxum de forma, & circumscriptione Dominici corporis. Cum enim Eranistes fateretur *transmutari panem in corpus Christi*, atque inde inferret etiam corpus Domini in aliam naturam transiisse; illud verum esse Theodoretus affirmans, Atqui, ait, etiam in symbolis mysticis remanent figura, circumscriptio, & aliæ corporis qualitates; igitur etiam corpus Domini post resurrectionem, licet immortalitate donatum, priorem tamen retinet circumscriptionem ac formam. Etenim hoc, ut dixi, cum Eraniste disceptabatur, an corpus Christi priores adhuc habeat proprietates. Nec silentio prætereundum est, visum Magdeburgensibus Centur. v. cap. 4. hoc ipso in loco Theodoretum *confirmare transubstantiationem*, quamvis hunc Dialogum audacter rejecerint inter stipulas quinti sæculi. Corruit eadem responsione quod opponitur ex libro Gelasii, tametsi hanc suppositum aliqui suspicentur cum Baronio ad an. 496. & Cano lib. 6. de Locis cap. ult. in resp. ad 9. Gelasii enim scopus est demonstrare, quod sicuti revera panis mutatur

tur in substantiam corporis Christi, panis proprietatibus permanentibus; ita Verbum carnem assumpserit perseverante carnis circumscriptione, cum hoc tamen discrimine, quod in actione sacrorum, mysteriorum, remanet accidentium complexio, quam Gelasius appellat *naturam*, sed substantia panis mutatur in divinam substantiam, seu, quod eodem recidit, in substantiam corporis Christi: *Sicut*, inquit de pane & vino, *in divinam transeunt sancto Spiritu perficiente substantiam, permanente tamen in sua proprietate natura; sic iis, ex quibus constat, proprie permanentibus unum Christum integrum verumque permanere demonstrant.* Similia occurrunt apud Walafridum Strabonem de Rebus Eccl. cap. 16. quamvis is, quod sequiori ævo, quo vixit, indulgendum est, minus accurate solum *substantia* nomen usurpaverit. Vide Harduinum citato Opusculo de Sacram. Altaris cap. 8. Quod tandem additur de Confessione Berengarii, nullus est momenti: siquidem revera Christi corpus in Eucharistia frangitur, & atteritur, non ratione sui, sed *ratione specierum*, ut lib. 1v. de Sacram. altaris cap. 10. docet Innoc. III. & Hugo lib. 6. de Sacram. cap. 9. Notandum tamen est, quod in Confessione Berengarii edita Romæ in Concilio vi. Gregorii VII. anno 1079. non extant verba, quæ habentur in objectione. Sunt ea quidem in Confessione altera Berengarii facta in Romano Concilio anno 1059. sedente Nicolao II. & ideo fuerunt apposita, ut aperte præter sacramentales species, quæ atteruntur dentibus, fieret mentio corporis Christi, quod vere sub iisdem speciebus sumitur, & comeditur. At in confessione altera anni 1079. ad quam Berengarium adegit S. Gregorius VII. aperte his verbis continetur transsubstantiatio, *Ego Berengarius corde credo, & ore confiteor, panem & vinum, quæ ponuntur in altari, per mysterium sacræ orationis, & verba nostri Redemptoris substantialiter converti in veram & propriam, ac vivificatricem carnem, & sanguinem Jesu Christi Domini nostri, &c.* Negat utique Lucas d'Achery in notis ad Lanfrancum, emissam in Romana Synodo confessionem istam a Berengario; sed oppositum constat ex authenticis Actis, & iudicio clarissimorum virorum, Lupi in vi. Concilium Gregorii VII. pag. 313. & Mabillonii in Analectis pag. 515. Addo in hujus veritatis confirmationem testimonium Hugonis Flaviniacensis, qui floruit Berengarii tempore, & de laudata Gregorii VII. Synodo hæc habet in Chronico Virdun. pag. 214. *Denique Berengarius post longo tempore dogmatizatam impietatem errasse se coram Concilio confessus, veniam postulatam ex Apostolica clementia meruit, juravitque sic.* Profert deinde Confessionem, de qua supra.

Oppones 5. Fieri non potest *transsubstantiatio* panis in corpus Christi, si in Eucharistia maneat panis. At panem permanere videtur

paratione unitatis corporis Christi, quod existit sub panis proprietatibus ac speciebus. Atque hoc argumenti genus erat idoneum, aptissimumque ad refellendos Synoulistas, *progenitores*, ut appellantur a Facundo Hermianensi, *Entychianæ dementia*; siquidem illi ita Verbum factum carnem affirmabant, ut proprietates carnis perierint, & Verbum non solum in divinitate, verum etiam in carne factum fuerit Patri consubstantialia. Quod si Chrysostomus affirmasset remanere cum Christi corpore *substantiam panis*, catholicam potius fidem prodidisset, quam propugnasset: recte namque ex præmissa ratiocinatione intulissent hæretici, non esse *anam personam* Dominum Jesum, quemadmodum non sunt corpus unum caro ejus & panis substantia. Atque ita Chrysostomus Apollinaristas oppugnans præcinnisset Nestorianis. Necesse demum non est, ut exempla, quæ producuntur, convenient rei, de qua agitur, undequaque: solumque est hæsitare de fide Chrysostomi, qui Homilia 24. in primam ad Corinthios, atque aliis in locis compluribus distinctissime docet non panem, sed corpus Domini, & sanguinem, qui de ejus latere fluxit, distribui nobis in Eucharistia. Idem nunc, quod ad Chrysostomum, ad Theodoretum respondeo: quid enim is intelligat *substantia* nomine, explicat ipsemet dicens, *Illud ergo corpus priorem habet formam, figuram, & circumscriptionem*, Καὶ γὰρ ἔστιν τὸ εἶμα τὸ μὴ ἀπὸ τοῦ ἰδίου ἔχει, ὃ χῆμα, ὃ περιγραφή. Docet etiam eo loci *transubstantiationem*, scribens de sacris symbolis, *Alia quidem sunt ante sacerdotis invocationem, post invocationem vero mutantur, & alia fiunt*, ἄλλα μὲν εἰσι πρὶ τῆς ἱερατικῆς ἐννοήσεως, μετὰ δὲ τῆς εὐχαριστίας μεταβάλλεται; ὃ ἔστιν γένεσις. Explicandus est igitur Theodoretus de accidentibus panis; præsertim ubi instituit disputationem inter Eranistem, & Orthodoxum de forma, & circumscriptione Dominici corporis. Cum enim Eranistes fateretur *transmutari panem in corpus Christi*, atque inde inferret etiam corpus Domini in aliam naturam transisse; illud verum esse Theodoretus affirmans. Atqui, ait, etiam in symbolis mysticis remaneant figura, circumscriptio, & aliæ corporis qualitates; igitur etiam corpus Domini post resurrectionem, licet immortalitate donatum, priorem tamen retinet circumscriptionem ac formam. Etenim hoc, ut dixi, cum Eraniste disceptabatur, an corpus Christi priores adhuc habeat proprietates. Nec silentio prætereundum est, visum Magdeburgensibus Centur. v. cap. 4. hoc ipso in loco Theodoretum *confirmare transubstantiationem*, quamvis hunc Dialogum audacter rejecerint inter stipulas quinti sæculi. Corruit eadem responsione quod opponitur ex libro Gelasii, tamen si hunc suppositum aliqui suspicentur cum Baronio ad an. 496. & Cano lib. 6. de Locis cap. ult. in resp. ad 9. Gelasii enim scopus est demonstrare, quod sicuti revera panis mutat

tur in substantiam corporis Christi, panis proprietatibus permanentibus; ita Verbum carnem assumpserit perseverante carnis circumscriptione, cum hoc tamen discrimine, quod in actione sacrorum mysteriorum, remanet accidentium complexio, quam Gelasius appellat *naturam*, sed substantia panis mutatur in divinam substantiam, seu, quod eodem recidit, in substantiam corporis Christi: *Sicut*, inquit de pane & vino, *in divinam transeunt sancto Spiritu perficiente substantiam, permanente tamen in sua proprietate natura; sic iis, ex quibus constat, proprie permanentibus unum Christum integrum verumque permanere demonstrant.* Similia occurrunt apud Walafridum Strabonem de Rebus Eccl. cap. 16. quamvis is, quod sequiori ævo, quo vixit, indulgendum est, minus accurate solum *substantia* nomen usurpaverit. Vide Harduinum citato Opusculo de Sacram. Altaris cap. 8. Quod tandem additur de Confessione Berengarii, nullius est momenti: siquidem revera Christi corpus in Eucharistia frangitur, & atteritur, non ratione sui, sed *ratione specierum*, ut lib. 1v. de Sacram. altaris cap. 10. docet Innoc. III. & Hugo lib. 6. de Sacram. cap. 9. Notandum tamen est, quod in Confessione Berengarii edita Romæ in Concilio v. Gregorii VII. anno 1079. non extant verba, quæ habentur in objectione. Sunt ea quidem in Confessione altera Berengarii facta in Romano Concilio anno 1059. sedente Nicolao II. & ideo fuerunt apposita, ut aperte præter sacramentales species, quæ atteruntur dentibus, fieret mentio corporis Christi, quod vere sub iisdem speciebus sumitur, & comeditur. At in confessione altera anni 1079. ad quam Berengarium adegit S. Gregorius VII. aperte his verbis continetur transubstantiatio, *Ego Berengarius corde credò, & ore confiteor, panem & vinum, quæ ponuntur in altari, per mysterium sacra orationis, & verba nostri Redemptoris substantialiter converti in veram & propriam, ac vivificatricem carnem, & sanguinem Jesu Christi Domini nostri, &c.* Negat utique Lucas d'Achery in notis ad Lanfrancum, emissam in Romana Synodo confessionem istam a Berengario; sed oppositum constat ex authenticis Actis, & iudicio clarissimorum virorum, Lupi in v. Concilium Gregorii VII. pag. 313. & Mabillonii in Analectis pag. 515. Addo in hujus veritatis confirmationem testimonium Hugonis Flaviniacensis, qui floruit Berengarii tempore, & de laudata Gregorii VII. Synodo hæc habet in Chronico Virdun. pag. 214. *Denique Berengarius post longo tempore dogmatizatam impietatem errasse se coram Concilio confessus, veniam postulatam ex Apostolica clementia meruit, juravitque sic.* Profert deinde Confessionem, de qua supra.

Oppones 5. Fieri non potest *transubstantiatio* panis in corpus Christi, si in Eucharistia maneat panis. At panem permanere evincitur

citur ex Ambrosio lib. iv. de Sacram. cap. 4. ita differente: *Si tanta vis fuit in sermone Christi, ut inciperent esse quæ non erant, quanto magis operatorius erit, ut sint quæ erant, & in aliud commutentur?* Ita Kemnitiſ. Adde etiam S. P. Augustinum asserere, quod in Eucharistia permaneant *frumentum ac vinum*, lib. xvi. de Civ. Dei cap. 37.

Respondeo juxta Patres in Sacramento remanere panem & vinum *in genere*, & non *in specie*, eo quod prior substantia non redigatur in nichilum, sed persistentibus accidentibus fiat corpus & sanguis Christi. Substantiæ enim panis, vinique conversionem tradit eodem in loco Ambrosius scribens num. 14. *Panis iste panis est ante verba sacramentorum: ubi accesserit consecratio, de pane fit corpus Christi*: & num. 19. *Ergo didicisti, quod ex pane corpus fiat Christi*. Similia Augustinus, de quo supra cap. viii. mom. 3. Mirandum tamen, nunc hæreticos ad Ambrosium, & ad libros ipsi inscriptos de Sacramentis, confugere: quos libros Henricus Bullingerus *stupidos* vocat, continentes *falsa & ridicula* editor Cocianæ Censuræ, & Opus proleptarium Albertinus, qui tamen horum librorum auctorem a fol. 774. usque ad 830. ad partes Sacramentariorum trahere conatur invitum, ac repugnantem. Illud etiam notandum est, in Romana editione, necnon in MSS. quibusdam, quæ vidit Lanfrancus, ea verba, *Ut sint quæ erant*, non reperiri, sed legi, *Ut quæ erant in aliud commutentur*: de qua lectione frustra Albertinus ipsi Lanfranco indignatur, quasi textum contra fidem exemplarium vitia-verit; cum tamen nec Albertinus exemplaria omnia perlegerit, nec Lanfrancus omittat responſionem initio a nobis productam supposita loci, qui obijcitur, germanitate.

Opp. ult. Qui *transubstantiationem* propugnant, non conveniunt, inquit Heideggerus in Vindiciis num. 4. illam explicando, *Dominicanis productivam, Franciscanis vero in instanti adductivam mutationem urgentibus*. Addit Titius, olim cremari solitum, ut refert Hesychius, si quid panis consecrati remansisset, id vero futurum fuisse immane sacrilegium, si fideles persuasi essent panem *transubstantiari*. Postremo, ait Amelius in *Bellarmino enervato*, tolli omne signum externum & rationem sacramenti, si desit panis; nam species nihil aliud possunt significare, quam id, cujus sunt species, videlicet ipsum panem; ideoque si panis deest, species nihil omnino significant.

Resp. ad primum, ex illa scholarum controversia nullum fidei generari præjudicium. Quid nos sentiamus, colligi potest ex hætenus disputatis. Omnipotentia Dei, quæ superat modulum ingenii nostri, mirabilem hanc mutationem operatur. Firmissime itaque ego teneo *transubstantiationem* fieri, & remanere *accidentia*, modulum autem igaoro. Recte Baptista Mantuanus in vi. Fastorum:

Nam

*Nam quæ panis erat, quæ vini essentia quondam,
Pecit, ut in Christi corpus, sacramque cruorem
Transferret subito, salvis utriusque figuris.
Huc æterna suas tulit Omnipotentia vires,
Omnia quæ peragit, seu sint ingentia, seu sint
Parva: pari conatu illi sunt omnia, quæ vult,
Obvia; perfacili, quæ vult habet omnia, nutu.*

Quod sequitur facile diluitur: Hefychius enim lib. 2. in Levit. cap. 8. docet igni absumendas *species sacramentales*, quando corruptæ absque horrore manducari non possunt, ut recte observant Bellarminus lib. 1v. de Euch. cap. 5. Cardinalis Perronius fol. 857. & in Vindiciis Bellarminianis Vitus Erbermannus. Atque id esse conforme Ecclesiasticis definitionibus, dicemus infra. Ad ultimum dico permanere in Eucharistia rationem signi, quoniam remanet *visibilis species elementorum*: affirmo etiam carnem Christi, quam forma panis coopertam in sacramento accipimus, & sanguinem, quem sub vini specie & sapore potamus, sacramentum esse, eoque significari corpus Christi, *quod visibile, palpabile, mortale in cruce est suspensum*, ut inquit Lanfrancus in libro contra Berengarium cap. 14. & habetur cap. Hoc est, de Consecrat. dist. 2. quod non semel hoc ipso in libro produximus.

C A P U T XI.

*Haud invicte probatur extitisse hæresim Stercoranistarum,
quæ tamen, si fuit aliquando, facile refellitur
& confutatur.*

INfanda plurimum est, suoque nomine detestabilis hæresis, de qua temperanter dicam, videlicet, *Stercoranistarum*. Quid hi dogmatizasse credantur, scripsi in prænotatis VII. cap. neque aliam explicationem obscœna res promeretur. Nequit cadere in mentem meam, extitisse homines alicujus religionis atque pietatis, quorum animis vere inhæreret *Stercoranismus*; & hunc arbitror fuisse aut disputantium in adversarios suos probrosam criminationem, aut exortam ex verborum ambiguitate sententiam. Hujus vero judicii æquitas apparebit, posteaquam de iis, qui istius hæreseos insimulantur, atque de ejusdem insimulationis origine & causa brevissime pertrahavero.

Humbertus itaque Cardinalis in Responsione ad Nicetam Pectoratum, quæ extat in Append. tom. XI. Annalium Baronii, & Bibl. PP. tom. xv. i. eundem Nicetam appellavit *Stercoranistam*, hujus-
To. VII. S s que

que labis auctorem fecit Arium, scribens: *Sed, o perfide Stercoranista, qui putas fidei participatione corporis, & sanguinis Domini, quadragesimalia & Ecclesiastica solvi jejunia, omnino credens caelestem escam veluti terrenam per aqualiculi sordidum & sordidam egestionem in secessum emitti, plane sentis cum Arrio, qui cum pro aliis blasphemis in Filium Dei, tum etiam pro ipsa foveam delapsus in atram visceribus fufus vacuus quoque ventre remansit*. Algerus etiam libro 2. de Sacram. alt. cap. 1. tom. 21. B. PP. pag. 276. Græcis eandem impingit hæresim, aut Humberti, aut alterius scriptoris ductus auctoritate: ait enim, *Nunc sunt observanda Græcorum hæreticorum, qui merito Stercoranistæ vocantur, deliramenta*. Si ergo Stercoranismus apud Græcos unquam invaluit, aut id fuit vigentibus Ariana, & superioribus aliis hæresibus, aut undecimo sæculo, exorto schismate, & Niceta Studiensi Monacho Latinos scriptis dilacerante. Verum quod ad antiquas attinet hæreses, certum est Paulum Samosatensem dogmatizatum fuisse Christi sanguinem in Eucharistia corruptioni ac partitioni obnoxium, eo quod illum puri hominis sanguinem, communique legi crederet subiectum: id enim in Paulo damnat ac refellit sanctus Dionysius Alexandrinus. Nasquam ego legi idem asseruisse Arium, hostem divinitatis Verbi perditissimum & iniquissimum. Eundem Pauli Samosateni errorem propugnavit imperante Alexio Comneno, & circa exitum sæculi xi. Monachus quidem Scidites, qui affirmabat corpus Domini in Eucharistia dentibus scindi & conteri, atque corruptibile esse, & inanite, ac proinde non totum Christum percipi in sacrosancto mysterio, sed partem ejus duntaxat. Plura de hac hæresi Nicetas Acominatus Choniates, & ex eo Lupus tom. 3. pag. edit. Brux. 522. Hos ergo in Stercoranismum impegisse, quod Eucharistiam communibus ecclesiis æquaverint, probabile est utique, sed minime exploratum, aut certum. Dici enim potest nefaria ea dogmata de corporis Dominici natura, non de exitu comestitionis intelligenda esse, maxime si loquatur de Paulo Samosateno, quem tamen Ludovicus Cellotius in Appendice ad Historiam Gottescalchi Stercoranistis adnumerat.

Verum Nicetas Pectoratus in prænarrato scripto adversus Latinos, his objecit quod in omnibus Quadragesimæ diebus Eucharistiam confecerent, & sacrum faciant, contendens juxta Patrum traditionem, & canones Conciliorum celebrandas Missas in sabbatis tantum, Dominicisque diebus. Oblationem perfectæ Missæ, inquit, *per omnem diem facere in sacris diebus jejuniorum, sicut in sabbato, & in Dominico die, unde assuevistis, & a quo doctore accepistis?* Vide Baronium in App. tom. xi. pag. edit. Colon. 792. Atque ad id probandum urget Nicetas canonem 48. Laodicensem, statuentem ne panis offeratur in Quadragesima, nisi in Sabbato, & in die Dominico
solo,

solo, & 50. sic habentem, *Quia non oportet in Quadragesima Martyrum natalitia celebrare, sed sanctorum commemorationem facere in sabbatis, & Dominicis diebus*: canonem denique 52. Trullanum, *In omnibus sancta Quadragesimæ jejunii diebus, præterquam sabbato, & Dominica, & sancto Annuntiationis die, fiat sacrum Præstificatorum ministerium*. Hæc ita accepit Humbertus, quasi Nicetas in ea fuerit opinione, frangi a nobis Quadragesimale jejunium sacrificiis & communionibus quotidianis, atque ex hoc judicio facile Humbertus descendit in aliud, Nicetam non secrevisse synaxim sacram a communibus cibis egestionis obnoxiiis; adeoque illum appellavit *perfidum Stercoranistam*. Sed revera Nicetas in toto illo scripto, quamvis dictionum plenissimo, nunquam ait solvi sacra communione jejunium, ac multo minus hanc egeri & projici ex alvo; sed fuit hoc, fortasse non bene libratum, Humberti confectarium, prout cum Mabillonio Præf. 2. in sæculum 1v. num. 67. arbitrantur viri alii gravissimi, atque doctissimi. Quidquid sit ergo de illa accusatione spectante ad quotidianas Quadragesimæ Missas, quam more suo, uberrima scilicet eruditionis copia retundit Lupus Schol. in præcitatum Trullanum canonem; non sunt nobis argumenta firmissima, quibus demonstremus jure attributum fuisse Nicetæ Peccorato nomen illud propudiosissimum.

Audiit præterea tanquam *Stercoranista* Amalarius abbas Metensis, & Lugdunensis Chorepiscopus, hujusque hæresis insinuat a Gilberto Mauguino in Hist. Gotteschalchi cap. 18. ubi ait hæresim *Stercoranistarum* nono sæculo exortam, a Bertramno, & Paschasio fuisse confutatam, & Amalarium præsertim damnatum anno 838. in Synodo Carisiaca, in qua proscripta est sententia affirmantium corpus Christi esse *tripertitum*, quam loquendi rationem usurpat idem Amalarius in libris de divinis officiis. Subscribit Mauguino Auctor de Perpet. fidei lib. vii. cap. 11. & Amalarium refutatam a Floro, & notatum in Concilio Caristaco testatur quoque in suo Epitome Guilelmus Malmesburiensis. Verum his non possumus fidem adhibere firmissimam. Enimvero Amalarius interrogatus a Guntardo, cur Eucharistia suscepta salivam ejiceret, respondit se frequenter spueri, neque id tribuendum esse sacrorum mysteriorum contemptui: ac statim subnexuit quæstionem de corpore Domini, quo nimirum abeat post sacram communionem, ac tradidit non esse id curiosa disquisitione investigandum. *Ita sumptum*, ait, *corpus Domini bona intentione, non est mihi disputandum, utrum invisibiliter absumatur in calicem, aut reservetur in corpore nostro usque in diem sepultura, aut exaletur in auras, aut exeat de corpore cum sanguine, aut per poros emittatur, dicente Domino, Omne quod intrat per os, in ventrem vadit, & in secessum emittitur. Hoc solum cavendum est, ne corde*

¶ *Juda sumam illud & contemptui habeatur; sed discernatur saluberrime a communibus cibis.* In his profecto *Stercoranismus* aperte non traditur, neque ullibi aut Paschasius, aut Bertramnus accusavit Amalarium de infami hac hæresi. Ejusdem utique Amalarii libros vellicat, appellatque *phantasticis & hæreticis disputationibus plenos* Ecclesia Lugdunensis in libro de tribus Capitulis cap. 4. sed attinet hæc censura ad Libros *de divinis Officiis*, in quibus non semel Amalarium notare Synodus Carisiaca ob suspensionem erroris; quamquam dici potest corpus Domini *tripertitum* absque hujus hæresis labe, veluti si distinguas corpus verum a corpore mystico, & illud prout naturali modo, & prout sub speciebus sacramentalibus existit. *Qua* in re castigata admodum loquendum est: nam quidam ætate Amalarii plurimum fuerunt exagitati, quod corpus Christi natum ex Virgine ab illo, quod continetur in Sacramento, secernerent, prout de Ratramno Corbejenſi Monacho scripsi præcedenti cap. 1X. Regula 6.

Sequuntur Heribaldus Antiffiodorensis, sive, ut legitur in vetustis Codicibus Alcedronensis Episcopus, & Rabanus Maurus ex Monacho Fuldenſi Moguntinus Antistes, quos de *Stercoranismo* accusat scriptor Anonymus editus a Ludovico Cellotio in prælaudata Appendice ad Hist. Gottescalchi, qui ait: *Et bis quidem, qui dixerunt secessui obnoxium, quod numquam antea est auditum, idest, Heribaldo Antiffiodorensi Episcopo, qui turpiter proposuit, & Rabano Moguntino, qui turpius assumpsit, turpissime vero conclusit, suus ad respondendum locus servetur.* Revera Heribaldus questionem hanc Rabano proposuit, *Utrum Eucharistia, postquam consumitur, & in secessum emittitur, more aliorum ciborum iterum redeat in naturam pristinam, quam habuerat antequam in altari consecraretur.* Et Rabanus epist. 33. respondit, *Superflua est hujusmodi questio, cum ipse Salvator dixerit in Evangelio, Omne quod intrat in os, in ventrem vadit, & in secessum emittitur.* Facillimum est autem Heribaldum, & Rabanum a nota turpissimæ hæreses purgare; siquidem *Eucharistia* nomine hi non Christi corpus intellexerunt, sed *species sacramentales*, quippe istæ tantum sunt *pristina natura* exspoliata; & aliàs Rabanus lib. 1. de Institutione Clericorum cap. 31. *Sacramentum* illud appellat *quod ore sentitur, & in corporis redigitur alimentum*, symbola scilicet sensibilia. *Stercoranistas* demum vocat Thomas Valdenſis omnes *Impanatores*: quorum tamen hæresis in hoc sita est, ut cum substantia corporis Christi permaneat substantia panis

panis unione quadam mirabili: sed unionem hanc perseverare in specierum sacramentalium egestione, ego quidem apud *Impanatores* nunquam legi: immo repugnat sententia hæc alteri apud ipsos communi, & quam anno 1536. Luthero persuasit Martinus Bucerus, & Melancthon, Brentius, ceterique hujus farinae adoptarunt, corpus scilicet Domini esse in Eucharistia *in solo usu*, idest, dum sumitur & comeditur.

Quæret nunc aliquis, undenam potuerint laudati scriptores nomine hujus turpissimæ hæresis diffamari, si commentitia sit, & nata in hominum opinione? Hinc ego arbitror causam repetendam esse, quod non aperte sacramentales species distinxerint a Domini corpore, & nomen *Eucharistia*, quod utrumque complectitur, Amalarius Heribaldus, & Rabanus tribuerint *speciebus*, illud vero adversarii acceperint quasi prolatum ad significandam Christi Domini carnem. Revera in præcitata Epistola 33. Rabani quæstio Heribaldi in antiquissimo codice Sancti Galli, apud Mabillonium in Itiner Germanico, ita proponitur, *Utrum ΑΥΘΤΡΑΚΗ postquam consumitur, & in secessum emittitur, &c.* ubi proculdubio ΑΥΘΤΡΑΚΗ, in versis litteris idem est, atque *Eucharistia*: pro qua tamen voce alii nonnulli codices, male utique, aut fraudulenter reposuerunt, *Corpus Christi & sanguis*. Rabanus pariter aliquantulum imitatus veterem disciplinam arcani, permutatis elementis scripsit, *ΣΑΚΡΑΜΗΝΟΤ* *prop-roc*, & *sinuignas* ex rebus visibilibus & corporalibus conficitur; quæ verba licet evidenter pertineant ad symbola, pro corpore tamen Domini ab adversariis fuerunt accepta. Potuit & aliunde oriri suspicio hæresis. Fuerunt enim complures, qui affirmarunt, nec Sacramentalia Eucharistiæ accidentia per *aquaticulos digestus fundi*, ut auctor pseudoepistolæ Clementis ad Jacobum fratrem Domini: in qua sententia fuisse S. Joannem Chrysostomum, & S. Cyrillum Hierosolymitanum censet Lupus in notis ad 2. Concilium Romanum, S. Leonis IX. Nil ergo mirum si aliqui huc sententiæ adhærendo illos appellaverint *Stercoranistas*, quos norunt scripsisse accidentia Eucharistica per egestum emitti.

Ex his autem colliges illud, quod in Communionem dentibus atteritur, ac digeritur, esse species sacramentales, quæ aliquando *sacramentum* dicuntur, quatenus hoc nomine significatur signum sensibile: unde legimus in Missa, *Præsto demum Sacramento*, &c. Deinde inferes abstinendum esse ab hujusmodi quæstionibus, quæ nequeunt decenter tractari, atque interdum fœdissimis erroribus viam sternunt. Colliges demum recentiores Sacramentarios perperam nobis *Stercoranistas* obijcere, quasi & hi negaverint realem Christi in Eucharistia præsentiam; tum quia fictitia est propudiosa illa hæresis; tum etiam quia realem præsentiam nequaquam negat quisquis asse-

rere audeat quod fertur affirmasse *Stercoranijlas* : tum denique , quia nunquam Romana Ecclesia istorum deliramenta probavit : de quibus hæc dixisse sufficiat ; nam juxta monitum Augustini lib. 1. de Civit. Dei cap. 16. *nostra disputatio inter pudorem atque rationem quibusdam coarctatur angustiis.*

C A P U T XII.

*Ex reali corporis, & sanguinis Domini N. J. C. præsentia
in symbolis Eucharisticis, inferuntur quædam
Catholica Theoremata.*

COnsequitur apertissime ex dictis, frustra opponere nobis hæreticos *artolatriam*, sive quod pani divinum cultum exhibeamus : Id post Valentinum Erythræum, Claudium Salmasium, atque Dalmæum, nobis obijciunt omnes passim hæretici, injuriose carpentes quidquid in Eucharistiæ venerationem peragimus, illam adorando, religiosissime custodiendo, populorum exponendo adorationibus, Corporis Christi solemne Festum servando, atque illud pretiosa custodia inclusum in processionibus circumferendo : quæ omnia recte, & sancte a nobis fieri, tametsi demonstret Salvatoris nostri veri Dei, ac veri hominis sub Eucharisticis speciebus præsentia, brevi tamen subiectis thesibus ad majorem gloriam divinarum mysteriorum tradere, & confirmare conabor.

T H E O R E M A I.

Domino Jesu in Eucharistia esistenti Latriæ cultus est exhibendus. Latriæ cultum Theologi communiter appellant obsequium, servitutem, atque venerationem supremo Domino debitam, præcunte Augustino, qui libro x. de Civit. Dei cap. 1. num. 2. scribit, *latria secundum consuetudinem, qua locuti sunt qui nobis divina eloquia considerant, ea dicitur servitus, quæ pertinet ad colendum Deum.* Hoc igitur *latriæ* cultu adorandus est Christus Jesus, Deus verus, & Dominus univerforum, ac *primogenitus* ille, quem ab omnibus angelis adorandum jussit divinus Pater, cum illum introduceret *in orbem terræ*, ut Apostolus ait in Epist. ad Hebr. 1. 6. & in cujus nomine stectendum *omne genu*, docet idem Paulus ad Philipp. 2. 10. Cum autem uberrima argumentorum copia demonstratum sit, ipsummet Domini ac Dei corpus & sanguinem in Eucharistia contineri, quis, nisi hostis ejus divinitatis & majestatis, audeat ei denegare *latriæ* cultum? Jure itaque Tridentina Synodus sess. xii. can. 3.

can. 3. in heterodoxos ita vibrat anathema : *Si quis dixerit in sancto Eucharistia sacramento Christum unigenitum Dei filium non esse culta latria etiam externo adorandum , &c. anathema sit .* II. Hanc autem adorationem nobis etiam Ecclesie Patres præcipiunt : nam ex Græcis Cyrillus Hierosolymitanus Catech. v. mystagogica pag. 546. jubet ne ad sacram synaxim quis accedat expansis manuum volis, sed sinistra subiecta dexterae, *quæ tantum Regem susceptura est*, atque *propterea adorationis in modum & venerationis*, *κύπτω , ἢ τρυφῶ προσκύνῃς , ἢ σιβάσµατις*. Gregorius Nazianzenus Orat. funebri in laudem Gorgoniæ sororis suæ tom. 1. pag. 186. *Ad altare*, inquit, *εὐκτα fide procumbit , eumque qui super ipso honoratur , cum ingenti clamore invocans*, *&c. τῷ θυναστῶν προσπίπτει µετὰ τῆς πίστεως , ἢ τῆς ἐφ' αὐτῶν τιµωµένῃ ἀκαλεµένῃ µεγάλῃ τῇ βῆθ , ἢ πάσαις ταῖς κλήσεσι*, &c. ubi eum, qui supra altaria honoratur, declarat esse Christum, cujus fimbriam tetigit mulier laborans profluvio sanguinis, cujus pedes mulier alia rigavit, & cujus ibi servantur *ἅπαντα τὰ τῆς εὐµατρὸς ἢ εὐµατρὸς*, pretiosi corporis sanguinisque mysteria. Chrysostomus Homilia vii. in Matth. demonstrat Magos adorasse puerum Jesum & in assumpta carne, & tanquam Deum, redarguens Marcionem, qui ei *veritatem carnis* auferebat, & Paulum Samosatenum, qui illum *purum hominem* non Deum existimabat; atque nos hortatur, ut accedentes ad altare, & ingredientes *Betlethem , & domum spiritualis panis*; non imitemur Herodem, *enjus*, inquit pag. 69. *similes sunt qui abutuntur communione mysterii*, *ait enim de his Apostolus*, *Reus erit corporis & sanguinis Domini : τὴν γὰρ εἰκόνα οἱ οὗτως µυστήριον ἀναξίως µετέχοντες* : *ἵνα ἵσως γὰρ ὁ πῦρ ἐσται , οὗτοι τὸ σῶµατις , ἢ τὸ εὐµατρὸς τὸ λόγον*, sed simus imitatores Magorum, atque *adoraturi Christum cunctis projiciamus e manibus , καὶ πάντα ἀπὸ τοῦ χερσὶν ῥίψωµε , προσκύνῃς µέλονταις*. Theodoretus de consecratis symbolis ait Dialogo 2. pag. 85. *creduntur & adorantur , τίθεται , καὶ προσκύνῃται*. III. Eadem docent Latini Patres : quorum ut aliquos proferamus, Ambrosius lib. 111. de Spiritu sancto cap. xi. num. 79. postquam plura scripsit de loco illo Psalmi xcvi 11. 5. *Adorate scabellum pedum ejus*, hanc tandem tradidit expositionem : *Itaque per scabellum terra intelligitur , per terram autem caro Christi , quam bodieque in mysteriis adoramus , & quam Apostoli in Domino Jesu adorarunt ; neque enim divisus est Christus , sed unus : neque cum adoratur tanquam Dei filius , natus ex virgine denegatur*. Atque tam apertum testimonium, quod etiam protulerunt Bellarminus lib. 3. de Euch. cap. 12. & Peronius eodem lib. cap. 14. nequaquam debilitari cavillis Plessiel, & Albertini, ostendunt in notis Patres Sancti Mauri tom. 2. pag. 681. Versat vero eundem locum Psalmi Enarratione sua num. 9. tam perspicue Augustinus, ut nullum effugium relinquatur Neotericeis hetero-

rodoxis. *Quæro*, inquit sanctus Pater, *quod sit scabellum pedum ejus, & dicit mihi Scriptura, Terra scabellum pedum meorum. Fluvians convertito me ad Christum, quia ipsam quæro hic; & invenio quomodo sine impietate adoretur terra, sine impietate adoretur scabellum pedum ejus. Suscepit enim de terra terram: quia caro de terra est, & de carne Mariæ carnem accepit. Et quia in ipsa carne hic ambulavit, & ipsam carnem nobis manducandam ad salutem dedit, nemo autem ipsam carnem manducat, nisi prius adoraverit; inventum est quomodo adoretur tale scabellum pedum Domini, & non solum non peccemus adorando, sed peccemus non adorando.* Prætermitto posteriorum Patrum testimonia, quæ accurate collegit in disquisitione Theologica de cultu SS. Eucharistiæ Gelasius Hieber Augustinensis. IV. Me autem hic continere non possum, quin reprehendam Simplicium Verinum, sive latentem sub hujus corlo Salmasium, qui de Transubst. pag. 464. negat Patres accipiendos esse de cultu latræ, & ait commendari ab iisdem Patribus humilitatem duntaxat, ac reverentiam, quæ ad sacra mysteria debemus accedere. Nam in primis Verinus, aut Salmasius, minime sibi constat, qui eodem Opere p. 447. scribit adorationem Eucharistiæ ignotam Patribus, quos tamen, inquit, constat non fuisse minus religiosos, ac pios circa Christi cultum, quam nunc sint homines, *qui terræ vescuntur munere*: deinde vero Augustini & Cyrilli adorationem hanc præscribentium profert verba, & vocabulorum abusione detorquet. At non opus est vocibus decertemus: quando Augustinus eam adorationem commendat, quæ nulli creaturarum rerum exhiberi potest *absque impietate*, Cyrillus illam, quæ debetur *supremo Regi*, eam vero Chrysostomus quam Christo præstarunt Magi, & quam ei negavit Samosatensis hæresiarcha. Atque hanc esse *cultum latræ* nemo unus inficias ibit, nisi qui, ut fictitius iste Verinus, lapidem pro corde gerat, aut fungum pro cerebro. V. Neque sola auctoritate Patrum, sed etiam antiquissimis Liturgiis refutantur hæretici: singulæ quippe mandant, ut Sacerdos, alique ministri consecratione peracta Dominum Jesum in Eucharistia humillime adorent, atque idem faciant fideles, dum ad Communionem accedunt. De quibus Liturgiis Renaudotius, Richardus Simon, Vitassius, alique plurimi pertractarunt. Producam tantum brevitatis gratiâ *divinam Missam* Chrysostomi, in qua in Euchol. Goarii pag. 81. legitur: *Dehinc adorât sacerdos, & diaconus, in quo est loco, ter secreto dicentes: Deus propitijs esto mihi peccatori. Et populus similiter cunctus cum devotione adorât. Cum autem viderit diaconum sacerdotem manus extendentem, & sanctum panem tangentem, ut faciat sanctam elevationem, exclamat, attendamus. Et sacerdos, Sancta sanctis. Cborus, Unus sanctus, unus Dominus Jesus Christus, &c.* VI. Ad confusionem denique hæreticorum non-

Nonnulla ex ipsis heterodoxis proferam : in Ordinatio enim Ecclesie Brändeburg. fol. 157. ac item Daniæ, & Norvegiæ præscribitur, ut cantetur in Templis hymnus *Pange lingua*, & communicantes flexis genibus dicant, *Agnus Dei miserere nobis*. Joachimus Westphalus in libro contra Joannem a Lasco ait Christum in Eucharistia adorandum *ex ejusdem Christi mandato*. In Colloquio Ratifponcensi omnes hac de re convenisse fatetur Bucerus Act. fol. 179. Lutherus denique adversus articulos Lovanicenses scribit tom. 8. edit. Jenensis fol. 417. *In venerabili Sacramento, quod omni honore adorandum est*, &c. Erasmi, quem nolumus istis adnumerare, illustria profert Alanus Copus Dialogo vi. cap. 26.

Inquiunt hæretici, *idololatriæ* crimen esse panis, qui est res creata, exhibere *latriam*, cum omnes Catholici tanquam idololatrias detestentur gentiles lapidum, plantarum, ac simulacrorum adoratores. Sed alucinantur heterodoxi. Sicut enim ex quo ethnici templa construxerint, pccudisque mactaverint, non sequitur fuisse idololatrias Patriarchas, qui templum adiere, ovesque immolarunt, quoniam hi referebant cultum suum, non ad res illas creatas, quas gentes in Deorum ordine locaverunt, sed ad summum Deum conditorem universorum; ita nec nos idololatræ censendi sumus, quoniam non flectimus genua, nec thura adolemus panis, vinique accidentibus, sed Domino Jesu sub iisdem latenti; ideoque castigatissime Tridentini Patres definire adorandum *in sancto Eucharistiæ Sacramento Christum unigenitum Dei filium*; tametsi catholico sensu dici poterat, *adorandum Sacramentum*, quatenus hoc nomine non solæ species significantur, sed quod sub iis continetur. Opportune nunc reminiscor Dialogi Leontii cum Judæo disceptantis, quo Christianus productis Psalmistæ verbis, *Adorate scabellum pedum ejus*, eo adversarium adegit, ut reponeret Judæos, non scabellum, sed per illud Deum adorare: cui statim Christi cultor reposuit: *Scito & tu, quod etiam ego per cælum, terram, mare, ligna, lapides, reliquias, templa, crucem, angelos, homines, per omnem denique creaturam visibilem, & non visibilem, omnium auctori Domino, & factori, soli adorationem & latriam exhibeam*. Quod dixi opportune in mentem meam venisse, quoniam eodem Psalmistæ textu cultum Eucharistiæ, ut vidimus, aperte commendant Ambrosius, & Augustinus.

THEOREMA II.

Eucharistia in templis religiose, ac diligenter est asservanda.
Id quippe negant hæretici, quoniam fateri nolunt Christi in Eucharistia præsentiam, aut hanc agnoscunt in solo usu & actione Cœnæ.
To. VII. Tt At-

Atqui a veritate aberrant toto cœlo. Realem quippe corporis Christi præsentiam commonstravimus disputatione proluxa: eandem vero præsentiam permanentem esse, inferitur ex quo Christi corpus sub speciebus sacramentalibus efficiatur virtute verborum Domini, non fide, aut sumptione fidelium, & Christus panem consecraverit semel verba illa proferendo, non quando singulis consecrata symbola distribuit: ex quo vere panis in Domini corpus *transubstantietur*, non ei uniatur duntaxat: ex quo (ne repetam quæ in his Theorematis sunt distributa) consecrationis effectus permanens sit, quem admodum Patres unanimiter tradiderunt, præsertim Cyrillus Alexandrinus adversus Nestorianos, & Augustinus adversus Fautum.

II. Cum non adeo facile esset adire templa, vigerentque adhuc mores antiquorum, domi a quolibet fidelium, & in eremo a solitaria vitam agentibus asservabatur Eucharistia ad usum viventium, & viaticum ægrotantium, prout testantur Tertullianus in libris de Oratione, & ad Uxorem, Clemens Alexandrinus in 1. Stromatum, Cyprianus de Lapsis, Basilus in Epistola ad Patriciam, Nazianzenus in funebri Oratione sororis, Hieronymus in Apologia ad Pamachium, alique permulti, quorum testimonia negare non audent hæretici. Recte itaque eandem consuetudinem commendat Tridentina synodus sess. xiiii. cap. 6. eamque canone septimo ejusdem sessionis corroborat, vibrans in adversarios anathema; cum Christiana religione ubique diffusa, constitutisque sacris ædibus plurimis, ipsamet Eucharistia nullius commodo desit, & decentius custodiatur.

III. Negaturi non sunt hæretici servandam saltem ex antiqua disciplina Eucharistiam ad ministrandum morituris Viaticum; id enim ex traditione Majorum definitur lib. 1. Decretal. tit. 24. cap. *Officium*, his verbis: *In Sacrario Eucharistia Christi propter infirmos non desit*: quod & statuitur in Excerptioibus Egberti cap. 22. *Presbyter Eucharistiam habeat semper paratam ad infirmos, ne sine communionem moriantur*. Similia leguntur in decretis a Burchardo collectis lib. v. cap. 9. & 10. Hanc consuetudinem adeo esse antiquam, ut eam agnovit sæculum Nicæni Concilii testantur Tridentini PP. cit. sess. xiiii. cap. 6. Revera Nicænus canon 13. hæc mandat: *De his, qui ad exitum veniunt, etiam nunc lex antiqua regularisque servabitur, ut si quis egreditur e corpore, ultimo & necessario viatico minime privetur*. Cum autem Calvinus Nicænam Synodum appellaverit *sacrofanctam*, postquam repositionem Sacramenti improbavit, coactus est lib. 4. Instit. cap. 17. num. 39. hæc subicere, *Sed qui sic faciunt, habent veteris Ecclesiæ exemplum*. Nec minus ingenue Theodorus Beza scribens de antiqua hujus repositionis consuetudine p. 2. quæst. 241. *Quem morem magnopere velim restitutum*. Ac definite liber inscriptus, *Praxis pietatis*, cap. 52. *Eucharistia ægrotis est afferenda*.

venta. Poffumus ergo de hæreticis repetere, quod Moyfes ait de Aegyptiis Deut. xxxi. 1. 32. *Et inimici noftri funt iudices*. IV. Servatam olim Euchariftiam demonftrant *Turres & Columba*, quæ paffim inter veterum Ecclefiarum ornamenta connumerantur. Liber Pontificalis in Silveftro refert Conftantinum Bafilicæ Principis Apoftolorum inter cetera dona dediffe *Patenam cum auro puriffimo unam, cum Turre & Columba ornatam gemmis præfinitis & hyacinthinis*. Commemoratur pariter *Turris & Columba* in Innocentio I. & in Hilario: ac *Turrim auream* fuper altare S. Mariæ Ecclefiæ Rhemenfis locaffe Laudonem Archiepifcopum, fcribit Flodoardus lib. 2. cap. 6. S. Remigium fabricaffe *Turriculum* ex vafe aureo decem librarum, quod fibi donaverat rex Clodoveus, affirmat idem Flodoardus lib. 1. cap. 18. *Turres* 1v. *cum coopertoriis bolofertcis* memorantur in teftamento S. Aredii Lemovicenfis inter Mabillonii Analefta. *Columbas* commemorat quoque Concilium Conftantinopolitanum celebratum, fub Menna anno 536. aët. v. tom. v. Concil. Lab. pag. 159. In his *Columbis* repositam Euchariftiam confentiunt omnes: ac de ea re legi poterunt Joannes Stephanus Durantus lib. 1. de Rit. Eccl. cap. 16. Rofvveidus in not. ad Paulini Epiftolam xii. Novarinus in *Aagno Euchariftico* lib. 5. cap. 55. Gonzalez in 3. Decretal. tit. 44. Et quidem in *Columba* Euchariftiam affervaffe S. Bafilium affirmat Amphilo- chius in ejus Vita cap. 6. de eademque *Columba* intelligendus Chryfoftomus Hom. 31. ad populum Antioch. ubi ait, corpus Domini reponi fuper altare, *Spiritu fancto conveftitum*. At de *Turribus* negat vir eruditus, Joannes Harduinus Embolo 2. de Sacram. alt. cap. 1. deferviffe illas Sacramento adfervando; quoniam in libro Pontif. *Turris* distinguitur a *Columba*, & in Sacramentario Gallicano tom. 1. Mufei Italici, pag. 389. *turris* connumeratur inter vafa, in quibus divina myfteria celebrantur. Addit Harduinus quod legitur apud Gregorium Turonenfem lib. 1. de Gloria martyrum c. 86. *Tempus ad facrificium offerendam advenit: acceptaque turre Diaconus, in qua minifterium Dominici corporis habebatur, ferre cepit ad ofium: ingreffusque templum, ut eam altari fuperponeret, elapsa de manu ejus ferebatur in aera: ex quo loco colligit turrim fuiffe capfulam hoftiarum confecrandarum, de qua canon 17. Arauxicani 1. Concilii celebrati anno 431. Fallitur tamen Harduinus; ex quo enim *turris* una cum calice, & patena foret confecranda, ut legitur in Sacramentario Gallicano, infertur potius fuiffe conditorium corporis Chrifti, non panis duntaxat confecrandi: five fuiffe conditorium *hoftiarum* defervientium communioni fidelium, & in eadem *turricula* poft confecrationem affervandarum: quod & confirmat miraculum a Gregorio Turonenfi narratum, nec repugnat canonì Arauxicano: atque idem infertur ex iftarum *turrium* pretio & ornatu,*

necnon ex Epigrammate Venantii Fortunati in *Turrim* fabricatam a Felice Bituricensi, ubi legitur lib. 3. num. 25.

*Quam bene juncta decent, sacrali ut corporis Agni
Margaritum ingens, aurea dona ferant.*

Videtur potius *Colomba* super *Turriculam* posita in signum Spiritus sancti, prout animadvertit Altaferra in notis ad Anastasium, tom. 2. novæ edit. pag. 312. *Turribus* vero, & *Columbis* accedit *Pastophorium*, de quo Auctor Constitut. Apostol. lib. v111. cap. 13. pag. 405. *Cum universi, & universæ communicaverint, accipientes Diaconi, quæ supersunt, inferant in Pastophoria*. Significari hoc vocabulo *atrium templi*, aut *sacrarium* docet Du-Cange in Glossario tom. 3. pag. 186. Proprie *Pastophorium* significat *interius cubiculum, & thalamum*, ac bene hoc nomen aptari arculæ, & conditorio Dominici corporis demonstrat præcitato cap. 16. Durantus: de aliis modis Eucharistiæ asservandi vide Martenium lib. 1. de antiq. Eccl. ritib. c. v. art. 3. De sacrosanctæ Eucharistiæ conditoriis accipiunt quidam hos Paulini versus in Epistola x11. ad Severum:

*Hic locus est veneranda penus, qua conditur, & qua
Promitur alma sacri pompa ministerii.*

Hos tamen ego interpretor de vestibis, vasisque spectantibus ad sacrificium. Potius ad Eucharistiæ attinet quod legitur eadem epistola, *Divinum veneranda tegunt altaria Fædus*.

Vcrum istud etiam ambiguum est, & accipi potest de reliquiis Martyrum cruci proximis, ob ea, quæ ibidem sequuntur. Ceterum & Reliquias martyrum subtus Eucharistiæ conditorium servatas, haud obscure innuit Prudentius Hymn. 3. *supra*, illis verbis:

*Sic venerariet Offa libet,
Offibus altar & impositum:
Illa Dei sita sub pedibus.*

Vide Ruinartium in Actis S. Eulaliæ pag. 399.

Dixi autem in propositione non religiose tantum, sed etiam diligenter Eucharistiæ esse adservandam. Mandant quippe canones, ut sub fideli custodia conservetur *clavibus adhibitis*, ut constet ex cap. *Statuimus*, 3. Decret. tit. 44. Depromptum id est ex canone 20. Concilii iv. Lateranensis: quo decernitur, ut is, ad quem hæc custodia spectat, si incaute id prætermittat, *tribus mensibus ab officio suspendatur*, & si per ejus injuriam aliquod nefarium inde contigerit, puta sacrilegum furtum, aut consimilis profanatio, *graviori subiciatur ultioni*. Huc etiam spectant canones præscribentes quadraginta dierum pœnitentiam ei, cujus incuria mures comederint *species* reconditas, apud Pœnitentiale Romanum tit. xv. cap. 1. & Burchardum Wormaciensem libro v. Decretorum cap. 50. & 51. Sedulo denique attendendum est, ne Eucharistiæ *species* diuturno tem-

porè,

pore , five alia causa computrescant ; cujus rei gratiâ Concilium Bituricense an. 1031. canone 2. Rothomagensē an. 1072. canone 6. Londonensē an. 1138. can. 2. & alia , quæ omitto , decreverunt ne diutius fervetur Eucharistia , *quam de una Dominica in alteram* : quod in Pontificia Cappella , quæ Sixtina dicitur , diligentissime observatur .

THEOREMA III.

Optimo consilio solemne Festum sacratissimi Corporis Christi fuit institutum . Quis primum hanc festivitatem indixerit , non est omnino compertum , conjici tamen potest variarum historiarum collatione . Jam ergo ab anno 1208. beatæ Julianæ in suburbio Leodiensī sanctimoniali celeberrimæ , de qua Tractatus *de vera Origine Festi Corp. Dom.* ad calcem Gestorum Pontificum Leodiensium Joannis Chapeavilli , divinitus revelata fuit hujus festivitatis institutio . Julianæ revelatio post annos aliquot Joanni de Lansanno & Jacobo de Trecis Leodiensī Archidiacono patefacta , ac diligenter ab Hugone Provinciali Fratrum Prædicatorum , postea S. R. E. Cardinali , atque a Guiardo Episcopo Cameracensi , necnon a Cancellario Parisiensis Academiæ , pluribusque viris Theologis revocata ad examen , impulit Robertum Leodiensem Episcopum , ut anno 1246. coacta Synodo in universa ea diœcesi hanc solemnitatem indiceret celebrandam . Eventus deinde ad summi Pontificatus apicem memoratus Jacobus de Trecis , appellatus Urbanus hujus nominis Quartus , permotus tum supplicationibus Henrici , qui Roberto in Episcopatu Leodii successerat , tum maxime insigni miraculo apud Vulsinium patrato , ubi Sacerdote incredulo faciente rem sacram , ex fracta Hostiæ particula in subiectum corporale , quod etiamnum in majori templo Urbevetano servatur , prodigiosus sanguis effluxit ; his , inquam , permotus Urbanus anno 1264. Pontificio diplomate , quod incipit , *Transiturus de hoc mundo ad Patrem* , dato Urbeveteri die x1. Augusti ejusdem anni , non , ut legitur in Bullario , anno 1262. idem solemne Festum extendit ad universam Ecclesiam , *Quare* dicitur Urbanus hujus solemnitatis *Institutor* ab omnibus ferme Historicis , inter quos Papirius lib. v. de Episcopis Urbis Romæ tom. 3. Scriptorum Rerum Italicarum , parte 2. pag. 417. ita cecinit :

*Quamvis quotidie fiant mysteria tanti
Corporis , hic melius vult cumulare bono .
Sic digne statuit , ut in anno Corporis hujus
Tum Festum celebre fiat in orbe semel
Post Pentecostes octavas luce Jovis : nam
Consumi Christus fecerat ista die .*

De-

Decessit Urbanus quarto nonas Octobris ejusdem anni; nec statim executioni mandatum fuit quod ipse de Festo Corporis Christi ubique celebrando statuerat. Verum confirmatum fuit diploma Urbani a Clemente V. anno 1311. in Viennensi Concilio, deinde anno 1316. a Joanne xxii. anno 1429. a Martino V. anno 1433. ab Eugenio IV. & anno 1551. a Tridentinis Patribus sess. xiiii. cap. 5. & can. 6. Atque hæc de instituta Dominici Corporis Festivitate: de qua vide præcit. Tractatum adjectum Historiis Joannis Chapeavilli, Raynaldum ad annum 1264. num. 23. & sequentibus, Lupum in dissertat. de SS. Sacram. publ. Exposit. inter *Opuscula posthuma*, Gelasium Hiebert in prælaudata disquisit. quæst. 2. cap. 3. aut unicum, & qui ceteros omnes perlegit, BENEDICTUM XIV. five *Notificat. v. five de Fest. Domini N. J. C.* a num. 528. usque ad 537. five *de Serv. Dei beatific. & Beat. canoniz.* lib. iv. parte 2. cap. 30. num. 2.

Positum olim in controversia, quisnam conscripserit *Officium* Corporis Christi, quo nunc utitur Romana Ecclesia; visumque olim Papebrochio editum rogatu S. Julianæ, de qua supra, a Joanne Clerico Leodienfi. Verum constat testimonio Scriptorum omnium concordissimo, illius *Officii* auctorem esse D. Thomam, qui anno 1246. illud jubente Urbano IV. composuit. Nec aliquid in contrarium probat, quod idem *Officium* habeatur in vetustissimo *Antiphonario* Leodienfis Ecclesiæ; quoniam non apparet hoc *Antiphonarium* esse Urbani temporibus antiquiorem. Immo ex Epistola ipsius Urbani ad Evam virginem Reclusam, ab eodem Papebrochio publici juris facta ex Archivo Leodienfis Ecclesiæ S. Martini, liquet Urbanum una cum diplomate prælaudato misisse ad Evam *Quaternam*, in quo ejusdem Festi habetur *Officium*: in quem locum ipse Papebrochius hæc adnotavit tom. 1. Aprilis pag. 477. *A sancto Thoma Aquinate tunc compositum*. In libello Diestemii, de quo Serarius in lib. de Processionibus, pag. 100. de Ecclesia Leodienfi legitur: *Apostolicum Nuncium cum bullis, decretalibus, ac Officio apportatis honorifice suscepit, rejecto Officio quod Virgo Juliana confici fecerat, & utens illo Officio, quod beatus Thomas Aquinas confecerat*. In hujus rei testimonium in foribus templi Vulliniensis depictus olim fuit idem S. Thomas hoc *Officium* dictans, Curia Pontificis circumstante. Conscripsum denique sub Urbano IV. novum *Officium* Corporis Christi, innuit quoque citato in loco Papirius, subjiciens:

Hocque sui terro Papatu fecit in anno:

Officiumque novum continet ista dies.

Jure itaque Divo Thomæ vindicat hoc *Officium* Natalis Alexander dissert. 6. sæculi xiiii. art. 1. Nec exorta unquam esset hujusmodi controversia (inquit eruditissimus Pontifex notatione dxxxviii. in Festum corporis Christi) si perlegissent disputatores Constitutionem

nem Sixti IV. insertam Bullario FF. Prædicat. tom. 3. pag. 555. in qua legitur, festum, de quo loquimur, ab Urbano IV. institutum, *Propriamque ejusdem solemnitatis Officium per Beatum Thomam de Aquino tunc in ipsa Curia existentem compositum.*

Ceterum, ut jam revocemur in viam, multiplex ratio commendat prælaudatæ Festivitatæ institutionem. Principio congruum est, ut quod ex Dei mandato habet specialem Dominicæ passionis commemorationem, atque est divinæ caritatis memoriale perenne, recolatur peculiari aliqua celebritate: quod cum plene fieri nequeat feria v. majoris hebdomadæ, quoniam ea die universalis Ecclesia in pœnitentium reconciliatione, in consecutione chrismatis, in adimpletione mandati circa lotionem pedum, & in aliis quamplurimis rebus occupata est, in aliam feriam quintam fuit eadem solemnitas jure meritoque translata. Deinde hoc solemniori cultu supplenda erat devotio, quæ in frequentibus & quotidianis sacrificiis ob complurium negligentiam pravitatemque tepescit. Accesserunt præterea revelatio facta sanctimoniali Leodiensi, miraculum apud Vulsinenses patratum, plurimumque Ecclesiarum supplicationes & vota: quæ omnia tangit Urbanus IV. laudato diplomate, *Transiturus de hoc mundo, &c.* Divino denique consilio tribuendum est, quod tali cultu, in quo maxime splendet fides Catholica, instituto, & universim recepto, Ecclesia Christi victricem de mendacio, & hæresi triumphum ageret, ejusque adversarii in conspectu tanti splendoris, & in tanta universalis Ecclesiæ lætitia debilitati, & fracti tabescerent. Atque rationem hanc a Tridentino Concilio productam sess. xiiii. cap. 5. confirmat experimentum: nam Lutherus in processione SS. Sacramenti (de qua infra) repentino terrore occupatus contremuit, frigidissimumque sudorem emisit, ut ipsemet fatetur apud Aurisfabrum; ac Protestantes in Augusta Vindelicorum civitate an. 1530. cum præsentē Carolo V. fieret sollemnis Corporis Christi processio, summa confusione affecti sunt, & subierunt maximam Cæsaris indignationem, iussi, ut altera die excederent Augusta, quamvis Carolus precibus Catholicorum Principum passus sit se ab hac sententia deduci. Rem narrant Laurentius Surius in Commentario hist. pag. 150. Joannes Cochleus de Actis, & script. Luther. ad an. 1530. & Raynaldus ad eundem annum, num. 64.

THEOREMA IV.

Cum sollemni Festo jure optimo instituta est Processio, & circumgestatio sacratissimi Christi corporis. Immorandum non est in ea quæstiuncula, an *Processionem*, quæ fit in prædicta solemnitate, præscriperit Urbanus IV. præcipuus hujus Festi institutor. Negant id ex
No.

Novatoribus Centuriatores cent. xiii. cap. 10. Schmidel in libro adversus Schererum, Kemnitius p. 2. *Examinis* pag. 450. atque ex Catholicis Genebrardus lib. iv. Chronol. Juenin dissert. iv. cap. 3. art. 4. & alii. Verùm opposita sententia majori probabilitate defenditur. Quamquam enim Urbanus in Bulla, *Transiturus*, non commemoret *processionem*, §. tamen 2. mandat, *ut in ipsa quinta feria* (Corporis Christi) *devotæ turbe fidelium ad Ecclesias affectuose concurrant, & tam Clerici, quam populi gaudentes in cantica laudum surgant, omniumque corda, vota, ora, & labia hymnos persolvant letitiæ salutaris*: quæ verba commonstrare videntur celebritatem aliquam præter Clericorum psalmodiam. Deinde Onuphrius noster in Urbano, recensito mirabili eventu, qui contigit Vulfinii, ait, *Actonitus Pontifex ad se ab Episcopo loci cum Processione Urbem Veterem* (Corporale) *transferri voluit, & illud solemnitate instituta in Ecclesia Urbevetana recondidit*. Unde post Serarium & Lupum infert BENEDICTUS XIV. Notif. v. num. 6. & de Festo Corp. Christi num. 536. ex facto saltem Urbani *Processionem* hanc derivasse. Insuper Martinus V. Constitut. quæ incipit, *Ineffabile Sacramentum*, supponit jam olim processionem fuisse institutam, dum elargitur indulgentias annorum centum iis, *qui processionem, in quibus ipsum vivificum Sacramentum juxta ritus Ecclesiarum deferretur, continuo secuti fuerint*. Nullus denique post Urbanum profertur ejusdem *processionis* primus auctor; non enim dici potest cum Genebrardo institutam post centum annos Papiæ in detestationem hæresis Berengarii; tum quia Berengarius jam ab anno 1088. fati cesserat; tum quia Joannes XXII. creatus Pontifex anno 1316. meminit ejusdem Processionis, apud Diephemium, & Serarium loco citato in Theoremate præcedenti; tum demum quia in Ecclesia Papiensi anno tantum iv. sæculi quintidecimi cœpit hæc Processio obtinere, prout animadvertit Lupus in dissert. de *Process.* cap. 3.

Verum quidquid sit de hac institutione, illam hæretici improbant, obstreperantes quibusdam ineptissimis argumentis. Primum urget Calvinus lib. iv. Instit. cap. 17. num. 39. quoniam Eucharistia ad solum cœnæ usum fuit a Domino Jesu instituta. Alterum proponit Kemnitius 2. p. *Examinis* pag. 447. quod exhibere divinum honorem mero pani, sit *artolatria*. Tertium opponitur ab eodem Kemnitio, ex quo Arca, hujus sacramenti figura, quando in castra fuit adsportata, capta fuerit, & Hebræorum cæde ostenderit Dominus circumgestationes hujusmodi impias esse & sacrilegas. Ultimum argumentum, commune omnibus Novatoribus, est hanc *Processionem* contra divinam scripturam, & contra consuetudinem Apostolicæ Ecclesiæ fuisse in usu receptam.

Ceterum adversus hæreticorum insaniam stat immobilis Ecclesiæ pote-

potestas, quam alibi vindicavimus, decernendi & immutandi pro locorum, ac temporum circumstantiis, quæ spectant ad disciplinam. Hanc præterea institutionem commendat causæ in superiori theorematio productæ. Ulterius videtur præsignata hæc eadem *processio* in circumgestatione Arcæ fœderis, quam secum filios Israel portasse, constat ex libro Josue cap. 3. & ex 1. Regum cap. 4. necnon in typico manna, quod in ipsa arca inclusum, ideoque unâ cum illa adportatum, affirmat Apostolus cap. 9. ad Hebræos. Nemo insuper, qui Ecclesiasticas historias perlegerit, ignorare potest, Eucharistiam olim delatam ad fideles, qui sacris mysteriis interesse non poterant, ad Titulos, & ad Episcopos suburbicarios, & a Romanis Pontificibus missam Præsulibus, aliisque in tesseram communionis: allatam quoque ad privatas domos, ad incultas eremos, & per longinqua itinerum spatia, ut Justinus Apolog. 2. Eusebius lib. v. H. Eccl. c. 24. Basilius Epist. ad Cæsariam, Ambrosius de Excessu fratris sui Satyri n. 43. aliique plurimi tradiderunt. Quod si antiquam divini sacramenti adportationem hæretici damnare non audeant; perperam in hanc insaniunt, quæ, pro præsentis Ecclesiæ conditione, ritu solemniori peragitur.

Ad primum itaque argumentum respondemus non tolli per sacrosanctæ Eucharistiæ circumgestationem pristinum ipsius usum, scilicet communionem, sive, ut inquirunt Novatores, *actionem cenæ*; immo ad sacram synaxim vehementius incitari fideles, dum Sacramentum colitur, & exponitur adorationi, idque comprobari experimento, cum per octavam hujus solemnitatis frequentius communicaturi accedant ad divina mysteria. Quod subjicitur, Theorematem primo solutum est. Alterum retorquetur adversus Kemnitium: Arca enim, Eli summo Sacerdote annuente, majoribus natu consentientibus, præ lætitia universo populo vociferante, ac Philisthæis ingenti terrore percussis circumferebatur; & si semel capta est, contrivit Dagonis idolum, percussit Azotios, & Gethæos: aportata autem in domum Aminadab filiis Israel crexit animus, & fortitudinem contulit. Quod autem triste his accidit in castra eandem arcam transferentibus, non ipsi Arcæ tribuendum est, sed idololatriæ militum ferventium diis alienis Baalim, & Astaroth, ut liquet ex 1. Reg. cap. 7. Præterea ex quo inconsiderate filii Israel Arcam ad castra transfulerint, post cladem suorum, & victoriam Philisthiim; commonemur, ne sacra exponamus periculo profanationis: quam ob rem Eucharistia denegata est aliquando energumenis, ut suo loco dicemus, neque afferenda est ad extinguendum incendium, & ubicunque immineat periculum aliquod nefasti exitus. Ad ultimum respondemus præter sacras litteras, (quibus tamen hæc *processio* non adversatur) recipiendas esse definitiones Ecclesiæ, hujusque non

semper eandem viguisse disciplinam. Congruerat enim priscis Ecclesiæ sæculis, ut sacra mysteria Gentium profanationi subtraherentur, ænigmatice de his Patres agerent, & clanculum accederent ad illa fideles; nunc vero adversus apostatas conscios sacramentorum nostrorum, qui exierunt a nobis, palam colenda sunt, vindicanda, & quanta impietate ab hæreticis conculcantur, tanta religione a Catholicis aservanda.

Inquit Kemnitius, cur Eucharistia sub una tantum *specie* gestatur? cur non potius mos gerendus Hufsitis, qui in Sacramenti anniversary processione cum Hostia gestitant calicem? Respondeo unam circumferri *speciem*, quia sub una totus Christus, & Sacramenti ratio, non minus ac sub utraque, continetur; & quia etiam veteres, quotiescunque ipsam Eucharistiam ad alios in communionis symbolum trasmittebant, id faciebant sub *specie* duntaxat panis: mitto periculum effusionis, cui subesset vini consecrati circumgestatio.

THEOREMA V.

Laudabilis & religiosa est consuetudo aliis quoque temporibus, præter solemnitatem Corporis Christi, sacratissimam Eucharistiam exponendi, & circumgestandi, dummodo subjicienda præceptiones serventur. Principio hoc theorema demonstratur probationibus duorum præcedentium. Stabilitur deinde consuetudine in pluribus Parochiis vigente, faciendi hanc *processionem* semel in mense, atque ex piissima alia consuetudine Orationis quadraginta horarum. Ex ea insuper fructus complures percipiuntur: abstrahit namque populum a spectaculis, ab otio, a confabulationibus, trahitque illum ad templum, ac templo ipsi, veluti dum in aula Rex sub throno palam conspicitur, majorem conciliat venerationem. Vide Lupum de sacris Proceff. cap. 12.

Has vero præceptiones hac in re arbitror esse observandas. Curandum primo, ne ex frequentiori hujus devotionis usu sacrosancta mysteria vilescant, & imminuatur Christianæ plebis devotio. Thyers, alique nonnulli videntur probare solam *Processionem*, quæ sit in solemnitis Corporis Christi; pius Lupus saktim Eucharistiæ expositionem optabat frequentissimam, *bis, aut tertio per hebdomadam*. Placet nobis medium iter incedere, probamusque Expositionem & Processionem hujusmodi, quæ sunt urgente causa, annuente Episcopo, nec ubique frequenter. Ita nimirum statuerunt Synodus Farsensis celebrata a Cardinali Barberino, qui anno 1623. ad Pontificatus apicem erectus Urbani VIII. sibi nomen adscivit, Synodus Neapolitana an. 1699. Cæsenatensis an. 1693. Spoletana an. 1688. Mechliniensis an. 1607. Mediolanensis tertia, & quarta, aliæque
per:

permultæ. At singulis diebus Eucharistiam super altare non esse exponendam, decrevit Sacra R. C. die 4. Martii an. 1606. Communionem propterea hanc nostram sententiam censet Bononiensis Archiepiscopus, nunc Pontifex Maximus Notificatione edita die 5. Maii an. 1734. Ab hac tamen generali Regula excipienda est Octava Corporis Christi, in qua in Ecclesiis Collegiatis Eucharistiam exponendam esse constat ex Ceremoniali Episcoporum lib. 2. cap. 3. excipienda Oratio xl. horarum, in qua Expositio fieri solet ornatu splendidiore; & excipienda Processio semel in mense, usu, ut dixi, plurium Ecclesiarum comprobata.

Altera regula est, quod extraordinaria Eucharistiæ expositio fieri nequit absque licentia Episcoporum, cujus muneris est præscribere quidquid attinet ad publicum Dei cultum. Extat enim decretum latum a sacra Congregatione Concilii die 17. Augusti, & non semel confirmatum, quo declaratur, *non licere Regularibus etiam in eorum propriis Ecclesiis, sanctissimum Eucharistiæ Sacramentum publice adorandum exponere, nisi ex causa publica, quæ probata sit ab Ordinario: ex causa autem privata posse, dummodo sanctissimum Sacramentum e tabernaculo non extrahatur, & sit velatum ita, ut ipsa quoque hostia videri non possit.* Idem decrevit Sacra Congregatio Episcoporum & Regularium die 9. Decembris an. 1602. & sacra Rituum Congregatio die 18. Decembris an. 1647. & rursus die 10. Dec. an. 1703. in Decreto confirmato die 12. Januarii an. 1704. a Clemente XI. Utuntur propterea Episcopi iure suo, dum hoc decretum Regularibus inculcant, uti fecerunt Vincentius Maria Ursinus in Synodo Beneventana anno 1693. tit. 37. cap. 7. Marcus Antonius Barbadicus in Synodo Montis-Falisci anno 1692. cap. 18. Prosper Lambertinus anno 1734. in prælaudata Notificatione. Atque id asserunt ipsimet Regulares Theologi apud Rotarium lib. 1. de Sacram. cap. 2. num. 19.

Regula tertia est, quod expositio SS. Eucharistiæ postulat decentem altaris ornatum, cereorum splendorem, & alicujus Ecclesiastici orantis præsentiam. De cereorum numero inquit S. Carolus parte 2. Synodi IV. Mediolanensis: *Cerei præterea in Altari accensis ad summum decem, minimum vero sex: lampades item nec plures quam duodecim, vel tredecim, nec vero pauciores quam tres. Licet tamen Episcopo ob causam permittere, ut major luminum numerus aliquando adhibeatur.* Jubet paulo post eadem Synodus, ut Oratio xl. horarum fiat *splendidiore luminum apparatu.* Decreto autem S. R. C. die 15. Martii an. 1698. *quantitas luminum pietati facientis Expositionem remittitur.* De Ecclesiasticis assistentibus in prælaudata Synodo inquit loco nuper laudato Gloria Præfulum Carolus: *Dum sanctissimum Sacramentum in altari propositum est, interdiu Clerici duo, superpelliceo induti, capite aperto ad Altare semper assistant,*

quorum alter Diaconus saltem sit: noctu vero saltem unus, isque in sacro Ordine constitutus. In expositione item privata, quæ fit Pyxide velata in aperto tabernaculi ostiolo, mandat S. C. Episcoporum & Regularium præcit. decret. an. 1602. ut fiat *cum assistentia alicujus sacerdotis sola & superpelliceo induti, & cum sex saltem luminibus cereis*. Servanda in his, ceterisque pia quæque, & ab Episcopis probata consuetudo.

Postrema Regula sit, ne exponantur una cum SS. Sacramento Sanctorum Reliquiæ. Me non latet oppositum contendere Lupum in laudata dissert. *de sacris Process.* cap. 8. & assertionis suæ proferre argumentationes doctrinæ, eruditionisque plenissimas. Præferenda est tamen humanis conjecturis S. Romanæ Ecclesiæ consuetudo: de qua Ceremoniale Augustinianum parte 3. cap. 9. *Secundum decreta Romanæ emanata, nec reliquiæ, nec imagines debent poni super altare, quando SS. Sacramentum est expositum*. Posset pro eadem consuetudine proferri ratio, ob quam Bauldry p. 3. Manualis cap. 17. Thyers lib. 4. cap. 12. aliique contendunt non esse Eucharistiam exponendam in majoribus Sanctorum Festivitatibus, scilicet, quod præfente summo Domino cessare debeat honor servo exhibendus; sed huic, & consimilibus argumentis præcitato cap. 8. Lupus uberrime satisfecit.

THEOREMA VI.

Nulli fas est in itineribus Eucharistiam appensam collo deferre: Romanis tamen Pontificibus iter agentibus decenti pompa, & comitata præfertur. Non agimus modo de veteri disciplina, ex qua constat fideles sibi ad Viaticum & communionem domum adsportasse Corpus Dominicum, ut supra diximus, traditque Tertullianus ad Uxorem, & Cyprianus de Lapsis, & de Spectaculis, ejusdemque Domini Corporis præsentia ac præsidio sese longa itinera suscepturos communivisse, quemadmodum libro 1. de Excessu Satyri Ambrosius, in Epistola ad Rusticum Hieronymus, atque Patres alii scripserunt. Legimus eapropter in vetustissimis Codicibus sanctos Episcopos mundissimo panno involutam secum portasse Eucharistiam: idem de Monachis affirmant MSS. Monasterii Wingartenfis: idem de Roberto, & de Sancto Lodovico Francorum Regibus referunt Helgaldus Floriacensis, & Guillelmus Nangius: idem de Archiepiscopis Beneventanis visitantibus diocesim legitur in Archivo ejusdem Ecclesiæ. Plura de antiqua hac disciplina Angelus Rocca in Commentario de hoc argumento tom. 1. pag. 33. & Martenius de Eccl. Ritibus lib. 1. cap. v. art. 4. ubi etiam narrat Patres Societatis Jesu, sedente Paulo V. discessuros Venetiis *Hostias* singulas collo sibi singulos alligasse, atque ita urbe excessisse. II. Justis tamen de causis prisca illa consuetudo anti-

antiquata est, præscriptumque can. 3. Concilii Cæsaraugustani anno 380. sub anathematis pœna, ut quisquis in Ecclesia Eucharistiam accipit, sumat statim, nec domum, aut alium in locum deferat: quod statutum pariter canone 14. Synodi Toletanæ primæ, anno Christi 600. aliisque Ecclesiasticis definitionibus. Harum plenissima scientia præditus Ecclesiæ Romanæ Pastor vigilantissimus Constitutione sæpe hoc in libro laudata *super Græcorum Ritibus*, indixit Orientalibus Monachis, ne iter conficientes deferant Eucharistiam collo suspensam. Atque inhibitionibus istis causam æquissimam arbitror præbuisse frequentiam itinerum, schismatum pervicaciam, & custodiam, quæ ubique locorum habetur Sacramenti pro infirmorum viatico reservati: siquidem olim hujus rei gratiâ fas erat illud extra templa deferre; ejusque communio, cum sit symbolum unitatis, optimo jure percipitur ab Ecclesiæ Catholicæ sacerdotibus. III. Pristinæ autem consuetudinis viget observantia, dum iter conficit summus Ecclesiæ Rector, quoniam tunc Eucharistia deferretur honestissimo, amplissimoque comitatu; atque ne consuetum populorum occursum, & videndi Pontificis desiderium imminuat cultum Domino Jesu exhibendum, præferri solet a Præfecto Sacrarum Apostolici spatii itineris unius diei. Hac præterea ceremonia admonetur plebs Christiana cujus vicem gerat ille, qui subsequitur, Maximus Episcoporum; & quomodo nil profit adhærere Christo participatione mysterii, nisi mystici Corporis, idest, Ecclesiæ Capiti quilibet uniat, & illi tanquam ejusdem Christi Vicario reverentiam & obedientiam exhibeat. Si quis vero Romanorum Pontificum, quibus SS. Eucharistia in conficiendis itineribus præcessit, historicam narrationem, comitatum, apparatusque scire desiderat, adeat præcitatum Angeli Rocchæ eruditissimum Commentarium. Addendum iter, quo Benedictus XIII. primo Beneventum, præmissa Eucharistia, contendit anno 1727. verno tempore; nam cum eandem urbem repetiit anno 1729. processit minori, atque humili comitatu.

C A P U T XIII.

De Eucharistiæ consecrandæ, & dispensandæ ministro.

Libro xxx. cap. 13. demonstravimus non esse singulos prorsus homines ministros quorumlibet sacramentorum, cum non debeat quisque sacerdotii honorem sibi met arrogare, sed offerre sacrificia illorum munus sit, qui vocantur a Deo tanquam Aaron. Potiori jure honore isto non esse condecorandas mulieres ostendi proximo libro xxxi. cap. 11. Infertur itaque ex dictis conficiendæ Eucharistiæ pote-

potestatem non esse penes laicos, prout Valenses primum, dein de Lutherani affirmaverunt, ac multo minus penes mulieres, ut videtur Marcionitis, atque Pepuzianis: neque id valere duntaxat, quando præsentes sunt presbyteri & sacerdotes, verum etiam, si hi non adsint, cum laici & feminae omnino, absolute, & absque ulla limitatione tali facultate priventur; ac falli propterea Hugonem Grotium, qui oppositum tenet in dissertatione a se inscripta, *De Cane administratione, ubi Pastores non sunt*. Neque ex dictis tantum refelluntur dogmata hæc perniciofa, & hæretica, sed etiam ex dicendis insequenti Volumine de Sacramento Ordinis, sacrorumque ministrorum charactere atque potestate. Ne igitur eadem sæpenumero repetantur, alia autem ex parte liber, in quo versamur, suis partibus constet, quæstionem propositam breviter expediemus.

PROP. I. Eucharistiam consecrare, & conficere ad solos attingit Sacerdotes.

Demonstratur primo. Instituens enim Christus hoc Sacramentum, Apostolis, quos tunc novi Testamenti sacerdotes constituebat, ut loquitur Tridentinum sess. xxii. cap. i. ait, *Hoc facite in meam commemorationem*, eisdem, eorumque in sacerdotio successoribus, præcipiens, ut panem vinumque consecrarent, & offerrent. Quod utique præceptum, si prout importat quidquid Christus fecit, idest, non distributionem & communionem tantummodo, verum etiam consecrationem atque oblationem, obstringeret omnes promiscue fideles; omnes proculdubio tenerentur sacrificare & consecrare, quod nec proferre audent hæretici, extendentes quidem facultatem, sed non præceptum istud ad laicos. Verum de hoc argumento plura Volum. vi. in libro, & capite præcitatis. II. Addit eo loci Synodus Tridentina, *Ut semper Catholica Ecclesia intellexit & doceat*, nimirum, quod innuunt producta verba Evangelii, idem confirmat perpetua Ecclesiæ traditio. Atque ad hanc traditionem comprobendam non utar apocrypha ad Jacobum fratrem Domini Epistola, ex qua depromptus est canon, *Tribus gradibus*, de Consecr. dist. 2. num. 23. neque monumentis id genus supposititiis, (quamquam & hæc priorum sæculorum interdum fidem commonstrent) sed utar apertissimis definitionibus. Concilium quippe Nicænum ad reprimendam audaciam diaconorum, qui præsumebant Eucharistiam dispensare presbyteris, *Neque regula*, inquit can. 18. *neque consuetudo tradidit, ut hi, qui offerendi sacrificii non habent potestatem, his qui offerunt, corpus Christi porrigant*. Similia Synodus Ancyrana, quæ Nicænam vix post annos 14. est subsecuta, canone 2. Laodienfis canone vicésimo quinto, & longe antea prima Synodus Arlatensis canone quintodecimo. In Lateranensi iv. sub Innocentio III. sic legitur: *Hoc Eucharistia sacramentum nemo potest conficere, nisi sacer-*

cer-

cerdos, qui rite fuerit ordinatus secundum claves Ecclesiae: nec aliter Synodus Florentina in Instructione Armeniorum, ac Tridentina citato in loco. III. Eiusdem traditionis testes sunt Patres; nam Tertullianus de Praescript. cap. 41. carpens irregularem haereticorum disciplinam, *Et laicis*, inquit, *sacerdotalia munera iungunt*, & de Corona Militis cap. 3. scribit sumi antelucanis coetibus Eucharistiae Sacramentum, *nec de aliorum manu, quam praesidentiam*. Epiphanius haeresi LXXIX. quae est Collyridianorum ait, *Neque Diaconis Ecclesiastica Regula conceditur est peragere sacrificii mysterium, ἀλλὰ μόνον διακόνων τὰ ἱερουργήματα*, sed ministrare tantum dum perficiuntur: atque in Expositione Catholicae fidei cap. 13. redarguit quemdam pseudomonachum, Zachæum nomine, quod cum laicus esset, attingere ac sacrificia celebrare nefario ac temerario ausu esset aggressus. S. Hieronymus Luciferianos exagitans negat apud eos Ecclesiam esse, quoniam Hilarius Diaconus de Ecclesia recessit, ideoque, *Neque Eucharistiam* (inquit) *conficere potest, Episcopos & presbyteros non habens: neque baptisma sine Eucharistia tradere, & cum jam homo mortuus sit, cum homine pariter interiiit & secta: quia post se nullum clericum Diaconus potuit ordinare. Ecclesia autem non est, quae non habet sacerdotes*. Idem Hieronymus Epistola ad Evangelium de quodam diacono sese praeferente presbyteris, *Quis patietur*, ait, *ut supra eos se tumidus Diaconus efferat, ad quorum preces Christi corpus, sanguis conficitur?* IV. Idem eruitur ex diversis Ecclesiasticae historiae capitibus. Nunquam enim celebratam fuisse Collectam absque presbytero consecrante docent Acta martyrum Alutinenfium, quae tom. 2. Miscellan. edidit eruditus Baluzius. S. Athanasius Apolog. 2. impactum sibi crimen de confracto calice apud quemdam nomine Ischiram, hac ratione diluit, quod *in privata domo habitans habere non poterat poculum mysticum*. Fulbertus Carnotensis in Epistola 36. ad Guidonem Bituricensem, *extra chorum deponendum, & penitentia plectendum pronuntiat diaconum, qui se presbyterum simulavit, Missamque celebrare praesumpsit*. V. Diaconos non posse Eucharistiam conficere, vel ipsum Diaconi nomen demonstrat. Cum enim Sacerdos dicatur a sacrificando, quoniam consecrat & sacrificat, ut inquit Isidorus lib. 11. Etymol. cap. 12. extatque *cap. Sacerdos*, de Consecrat. dist. 2. num. 1. *Diaconus* sic appellatur a verbo *διακονία*, idest, *ministro*, quia ejus munus est sacerdoti consecranti inservire. Diaconus idcirco in Liturgiis Graecorum jubetur gestare sanctam oblationem, munera scilicet consecranda deferre, a prothesi ad aram majorem, & in antiquo pariter Ordine Romano, suscipere oblatas de oblationario, inservire sacerdoti divinam rem peragenti, & aliquando, ut dicam infra, Eucharistiam dispensare. Hinc Isidorus de Eccles. Offic. lib. 2. cap. 8. ait: *In sacerdote conse-*

cra-

eratio, in ministro dispensatio sacramenti est. VI. Nemo dicat valere hæc argumenta, ubi adsunt Pastores; si enim ubi Pastores & Sacerdotes desiderantur, potest laicus, aut quilibet non sacerdos Eucharistiam consecrare, aut offerre; quare scribit in Apologia 2. Justinus, missam per Diaconos ipsam Eucharistiam ad absentes, qui sacrificiis non poterant interesse? quare tanto studio illam deferrebant laici domum, & ad cremum anachoretæ, ut superiori capite dictum, est? quare ad carceres martyrum cum tanto vitæ periculo accedebant presbyteri, ut coram illis sacrificarent, quemadmodum Epistola 5. narrat sanctus Cyprianus? VI. Incredibile denique est in lege veteri ad offerenda sacrificia elegisse Dominum solos filios Levi, & percussisse Oziam lepra, ac reprobasse Saulem, quando ministeria Levitarum attentaverunt; sacrificium autem novæ legis *antitypum* veterum, omniumque figurarum completivum omnibus, etiam laicis, non autem viris gratia electis, inunctis, & peculiari charactere signatis, universaliter commississe.

Faciunt adversus hanc propositionem quæ sequuntur. Primum in nova lege omnes sacerdotes esse affirmant priori in Epistola Petrus, & primo capite Apocalypseos Joannes. Deinde Tertullianus in libro de Exhortatione Castitatis, inquit: *Nonne & laici sacerdotes sumus? Scriptum est, Regnum quoque nos & sacerdotes Deo & Patri suo fecit. Differentiam inter ordinem & plebem constituit Ecclesia auctoritas, & honor per ordinis confessionem sanctificatus. Adeo ubi Ecclesiastici ordinis non est confessus, & offers, & tinguis, & sacerdos es tibi solus.* Idem ostendit scopus, quem sibi præfigit Tertullianus; adtruit enim ibidem monogamiæ necessitatem, ex quo bigami ab altaris ministerio arceantur; ideoque profequitur: *Igitur si habes jus sacerdotis in teipso, ubi necesse est, habeas etiam disciplinam sacerdotis, ubi necesse est habere jus sacerdotis. Digamus tinguis, digamus offers? Quanto magis laico digamo capitale est agere pro sacerdote, cum ipsi sacerdoti digamo factio auferatur agere sacerdotem?* Tertia objectio probat saltem Diaconos habere jus consecrandi, idque ex canone secundo Ancyrano, & ex Actis sancti Laurentii: canon quippe Ancyranus jubet Diaconos, qui idolis sacrificarent, in posterum ab omni sacerdotali ministerio cessare, panem vel calicem offerendi, vel prædicandi; quibus proinde muneribus ceteri Diaconi fungebantur: atque Laurentius apud Ambrosium lib. 1. Offic. cap. 41. ita Xystum ad Martyrium proficiscentem allocutus est, *Experire certe utrum idoneum ministrum elegeris, cui commissisti Domini sanguinis consecrationem.* Ita enim legitur in omnibus fere MSS. & editionibus Romanam antecedentibus, non, ut recitatur in Brevariario, *Cui commissisti Domini sanguinis dispensationem.* Diaconos quidem calicem offerre Cyprianus affirmat in libro de lapsis, nec alio sensu

fenſu, inquit Grotius, accipit verbum offerendi, niſi prout *offerre* idem eſt, ac *benedicere*, *gratias agere*, *conſecrare*. Præterea laicis eamdem competere facultatem probant exempla perſpicua. Frumentius enim laicus ex Alexandria ad Indos, vel Aethiopes profeſtus, eos, qui eo commeaverant, hortatus eſt, *eo more, quo ſub Romano imperio fieri ſolebat, & convenire, & ſacra celebrare*: κατὰ τὴν παλαιὰν ἰδὼν εὐαγγελίαν, τὴν δὲ ἱερὰν ἡμετέραν λειτουργίαν, inquit lib. 2. c. 23. H. E. Theodoretus. Similia narrantur de quodam laico Monacho, quem *verbis ſanctæ oblationis panes conſecraſſe* teſtatur Sophronius Hieroſolymitanus in Prato Spirituali cap. 25. Regnante denique in Galliis Carolo V. milites Bertrandi Guiſclini, facta invicem peccatorum confeſſione, ſeſe conſecrato pane communicari narrant, inquit Grotius, illius aut proximi temporis ſcripta. Synaxim vero a temporibus Apoſtolicis feciſſe inter ſe laicos adhibita precatone, indicat Eraſmus in Epistolam ad Cutbertum Tonſtallum, quæ extat tomo Operum ejus tertio. Panem denique in agro a paſtoribus conſecratum, converſum fuiſſe in carnem teſtantur Honorius Auguſtodunenſis in Gemma Animæ, & Albinus Flaccus in libro de divinis Officiis, apud Lupum de Præſcriptionibus pag. 705. Poſtremo, obſectio militat pro feminis, & petitur ex veteri Martyrologio, in quo ad diem pridie Kalendas Junias ſic legitur: *Roma ſancta Petronella virginis. Hac fuit filia beatiffimi Apoſtoli Petri, qua poſt multa miracula ſanitatum, cum eam Flaccus Comes ſuo vellet ſociare conjugio, tridui inducias poſtulans, & cum ſancta Felicilla collactanea ſua continuis jejuniiis, & orationibus vacans, tertio celebratis Dominica oblationis myſteriis, mox ut Chriſti ſacramentum accepit, reclinans ſe in lectulo amiſit ſpiritum*. In Martyrologio Romano prætermiſſa ſunt hæc verba, *Tertio celebratis divina oblationis myſteriis*.

Ad primum ergo reſpondetur omnes in nova lege dici *sacerdotes* lata ſignificatione, quatenus Deo preces offerunt, & ſpirituali gratia inunguntur, prout diſſuſe explicavi Volumine vi. pag. 137. Ad alterum poſſet uno verbo reſponderi, Tertullianum non fuiſſe, ut Hieronymus ait, *hominem Eccleſiæ*, nec mirum talia ſcripſiſſe, poſtquam deſecit ad Montaniſtas, a quibus etiam feminas ſacerdotio donatas affirmant qui de hæreſibus pertractarunt, Epiphanius, Philaſtrius, & Auguſtinus. Sed quoniam contendunt aliqui ſcriptum librum illum a Tertulliano decem ſaltem annis, antequam deſiceret ad Montaniſtas, ut videtur innuere Hieronymus in primo libro adverſum Jovinianum, immo idem Tertullianus inter Cataphryges adſciſus improbaſſe fertur quod hi tradebant de ſacerdotio mulierum, & hujus dogmatis cauſa conſtituiſſe ſegregatum a Montaniſtis ceteris conventiculum; melius idcirco reſpondetur, ipſum quoque

Tertullianum locutum de sacerdotio late accepto : de quo ad Scapulam cap. 2. scripsit, *Sacrificas, quomodo praecepit Deus, pura prece: & Apologeici 30. Offer opimam & majorem hostiam Deo, quam ipse mandavit, orationem de carne pudica, de anima iuvenenti, de Spiritu sancto profectam*. Quod si etiam velis accipiendum Tertullianum de oblatione, quam persecutionis tempore fideles secum jam a sacerdote consecratam in cryptas latebrasque deferrent, ibique adhibitis precibus aut major natu minoribus distribueret, aut manibus suis acciperet unusquisque; neque id captu perdifficile est, aut absurdum. Verum enim vero agnoscit ibidem Tertullianus speciale sacerdotium, quod constituit *Ecclēsiae auctoritas, & honor per ordinis confectum sanctificatus*, quibus verbis Tertullianeae phrasi intelligitur origo, & institutio derivata ab Apostolis, & character impositione manus presbyterii collatus, quemadmodum libro 2. de Euch. cap. 8. demonstrat doctissimus Albaspinæus. Neque scopus pertractantis de monogamia infringit hanc responcionem: nam rationationis, quæ consequitur sensus est, neminem posse promereri gratiam oratione, & fide, quæ sunt species quædam sacræ oblationis, dum qui orat & credit, licet proprie sacerdos non sit, (hæreticorum enim amentia est, ut sacerdotalia munera laicis injungant) agit tamen pro sacerdote: neminem, inquam, posse gratiam promereri, nisi ita animo affectus sit, ut sese castitatis amore demonstret obeundis sacramentis idoneum. At plura de Tertulliano Albaspinæus paullo supra laudatus, Harduinus Embolo 1. de Sacram. Altaris cap. 2. & Dionysius Petavius in Diatriba de potestate consecrandi, quam edidit adversus Grotium.

Objeçtio 3. de Diaconis nullius momenti est. Ancyrano quippe canone statuitur Diaconos, qui sacrificarunt idolis, *παύσαντες τὸν τὸν ἱερὸν λειτουργίας τὸν τὸν ἅγιον & τὸν τὸν ἀναγινώσκον*, cessare ab omni sacro ministerio, quod est panem & calicem deferre, scilicet prohibitum ipsis Diaconis, inservire celebranti, & de protbesi, seu minore ara, portare ad altare Pontifici munera consecranda: *ἀναγινώσκον* quippe deferre est; sicuti *προβάλλω*, offerre; tametsi Dionysius Exiguus, & Chrystophorus Justellus reddiderunt offerre etiam pro *ἀναγινώσκον*. Quod gratis admittimus, si offerre sit idem, ac exhibere panem, & calicem sacerdoti consecraturus; secus vero, si offerre idem sit, ac offerre Deo sacrificium, & consecrare. Etenim Nicæna Synodus aperte negat Diaconis potestatem inesse τὸν *προβάλλω*, offerendi scilicet & consecrandi. Sensu itaque explicato Diaconus offert, quatenus gestat oblationem ad altare, ut animadvertimus supra; vel etiam quatenus sanguinem ministrat, quo sensu ait Cyprianus de Lapsis, *Calicem Diaconus offerre presentibus capit*: quod affirmari de sola administratione perspicuum est, quidquid effutiat & inconsiderate affectum

rat

fat Hugo Grotius. Eamdem *sanguinis administrationem* exercuit Sixti diaconus, & martyr invictissimus Laurentius; neque illa verba, *Dominici sanguinis dispensationem* primi invexerunt editores Romani, ita enim habent antiquissima MSS. quæ superant ætatem octingentorum annorum. Cohærent insuper eadem verba Augustino de Laurentio serm. 304. dicenti, *Laurentium Romæ Diaconi officium gessisse, ibique sacrum Christi sanguinem ministrasse*. Restituerunt nihilominus Benedictini in editione Ambrosiana pro dispensatione *consecrationem*, juxta fidem complurium codicum, & editionum antiquiorum: sed idem utroque vocabulo significatur, communione enim Dominici sanguinis sanctificamur, & consecramur; & etiamnum sacerdos immittens in calicem particulam hostiæ, ait, *Hæc commixtio, & consecratio, &c.* Vide notas PP. S. Mauri Tom. 2. Ambrosii pag. 54. Ruinart in Act. Mart. pag. 170. & Cardinalem Bonam lib. 1. de Rebus Liturg. cap. 25. num. 4.

Ad ea, quæ obijciuntur de laicis, teneas hanc responsionem. Theodoretus *ἀντὺρῆς* nomine intellexit conventus Christianorum, ad offerendas Deo preces: nam Rufinus, ex quo Theodoretus hanc historiam exscripsit, lib. 1. cap. 9. ait Frumentium negotiatoribus cum pietate educatis, qui eò navigabant, persuasisse, *Ut conventuales per loca singula facerent, ad quæ ritu Romano orationis causa confluerent*. Nec aliter Socrates lib. 1. cap. 19. & Sozomenus libro 2. cap. 24. Licet enim Act. xii. 2. & apud sacros Scriptores *Liturgia* proprie significet ministerium sacerdotum & sacrificium; attamen aliquando eadem vox usurpatur ad ea significanda, quæ cum sacrificio quamdam habent *analogiam*, quemadmodum Apostolus Evangelium gentibus administrans, ad Rom. xv. 16. *ἀντὺρῆς* dicitur, & *spiritus contribulatus*, quoniam instar sacrificii Deum placat, *sacrificium* appellatur Ps. l. 19. Addo Frumentium, ut apud Indos stabiliret Catholicam religionem, reversum Alexandriam a sancto Athanasio postulasse Sacerdotes ad gentis illius culturam, atque Athanasium ipsi Frumentio *sacerdotalem gratiam* fuisse impertitum, ut scribit citato in loco Theodoretus, immo, ut addunt Socrates & Sozomenus, etiam *Episcopatus honorem*, sine quo Frumentius in Indiam reversus non potuisset ordinare presbyteros, & sacris ministeriis præesse. At in historia narrata a Sôphronio, si eam velimus admittere, constat ex eadem narratione contigisse maximum, inauditumque miraculum, ut laici deinceps non auderent consecrationis verba proferre: unde legitur eodem cap. 25. Prati spirit. *Tunc statuit Monachorum Senior, ut nullus addisceret sanctæ oblationis verba, nisi qui ordinatus ad hoc esset, neque passim ea quisquam diceret, quocumque tempore, absque loco consecrato*. Videtis Lupum in c. xl. Tertulliani de Præscript. Factam vero ad rusticorum verba panis

commutationem, non verborum virtuti, sed omnipotentiae Dei punientis rusticorum ipsorum audaciam, tribuunt eo loci Honorio Augustodunensis, & Alcuinus: qui etiam hæc narrant ex incerto vulgi rumore, apposito verbo, *Dicitur, Fertur*. De militibus Bertrandi, quamvis ea ætate serperet hæresis Novatorum, aliud non referunt ipsa scripta a Grotio producta iv. Tom. pag. 509. præterquam Sacerdotibus destitutos loco *Eucharistiæ* panem communem accepisse, ipsi panis *Sacramenti* nomen attribuentes: *Et prenoient les ancuns de iceux du pain, & le seignoyent du nom du saint Sacrament: & le usoyent en lieu d'escommicement*. Atque hoc unum, non veram consecrationem, putat Erasinus in Epistola ad Cutbertum, fecisse aliquando laicos temporibus Apostolorum: quæ dicta sint ad ostendendam Grotii alucinationem, quamvis nulla hac in re auctoritas infit epistolæ Erasimianæ, & historiæ Bertrandi.

De Petronilla, & Felicula, quas litteratus Grotius appellat *Petronellam, & Felicillam*, respondet Petavius non haberi in Martyrologio, quod ab ipsa Petronilla celebrata fuerint *dominicæ oblationis mysteria*. Legi autem ego Acta SS. MM. Nerei & Achillei, & S. Flaviæ Domitillæ, quibus inferitur Vita SS. Petronillæ, & Feliculæ: ex quibus Actibus apparet exscripta esse verba Martyrologii. Eadem ergo Acta inter cetera hæc habent: *Postquam est autem, ut trium dierum acceptum spatium Virgo sanctis jejuniis & orationibus occuparet, habens secum sanctam virginem Feliculam collataneam suam in Dei timore perfectam. Tercio itaque die veniens ad eam sanctus Nicomedes presbyter celebravit mysteria Christi; virgo autem sanctissima, mox ut Christi Sacramentum accepit, reclinans se in lectum emisit spiritum*. Vide Acta SS. edita ab Henschenio tom. viii. Maji pag. 420.

PROPOSITIO II. Etiam Diaconi aliquando Eucharistiam dispensarunt, præsertim sub specie vini, Antistitum tamen jussu & delegatione.

Dictum enim supra, transmissam per Diaconos, immo nonnunquam etiam per acolythos Eucharistiam absentibus, prout constat ex altera Justini Apologia, atque ex historia Tarficii. Ministerium autem diaconorum fuisse olim, dum presbyteri aderant, præbere communicantibus duntaxat calicem, probatur primo auctoritate Justini, & Tertulliani, qui scribunt sumptam Eucharistiam *e manibus Præsidentium*, & Cypriani tantum affirmantis a Diaconis *oblatum calicem*. Probatur deinde ex his, quæ paulo supra diximus de S. Levita, & Martyre Laurentio, & ex his, quæ de septem Diaconis cecinit Arator:

*Jura ministerii sacris altaribus apti
In septem statuere viris, quos undique lectos*

Le

*Levitas vocitare placet. Quam splendida capis
Ecclesie fulgere manus, quæ pocula vite
Misceat, & latice cam sanguine porrigat Agni.*

Idem præterea inferitur ex quo Antiquus Ordo Romanus præscribat, ut ab Archidiacono confirmetur illi, quos communicaverit Pontifex Dominico corpore: quo in loco Confirmationis nomine designari dispensationem Calicis, dixi pagina 6. hujus Voluminis.

Advertendum hic tandem est, diaconum non posse præsentem presbytero Eucharistiam distribuere, ut canone 15. Concilii primi Arclatenfis statuitur his verbis: *Corpus Christi præsentem presbytero tradere non præsumat.* 2. Posse Diaconum dispensare Eucharistiam, si necessitas urgeat, & jubeat Antistes, ut inquit Alcuinus de divinis officiis, *In capite jejunii*, decrevitque canon 38. Concilii IV. Carthaginensis. 3. Nunquam a diacono communionem ministrandam esse presbyteris, ex præcitato canone decimo octavo Nicænæ Synodi. 4. Infirmos a presbyteris, non a diaconis esse communionem reficiendos, ut habetur cap. *Pervenit*, de Consecrat. dist. 2. num. 29. ubi legitur: *Omnimodis presbyter per seipsum infirmum communicet: quod si aliter fecerit, gradus sui periculo subiacebit.* 5. Servandam denique vetustissimam consuetudinem a Tridentinis Patribus confirmatam, sess. xii. cap. 8. *ut Laici a Sacerdotibus communionem accipiant, Sacerdotes autem celebrantes se ipsos communicent.*

C A P U T XIV.

*De sanctissimæ Eucharistiæ communionem, ac primum
de hujus præcepto.*

Communionis vocabulum non semper eodem sensu ab Ecclesiasticis Scriptoribus usurpatur: aliquando enim adhabetur ad significandum consortium & societatem fidelium; aliquando ad denotandam Eucharistiæ participationem, aliquando demum ad designandum Missæ sacrificium, necnon *antiphonam*, quæ, dum fideles communicant, cantari solet a clericis. Communio accepta in prioris significatione appellari solet *Communio Ecclesiastica*, qua interdum privantur qui gravioribus criminibus obstringuntur, *Excommunicati* propterea dicti. Spectant ad hanc communionem laudatæ apud veteres, *communio laica*, & *communio peregrina*, quæ imperite solent accipi pro sola Eucharistiæ perceptione, quatenus laicis, aut advenis distribuitur. *Communio* enim *laica* erat pœna, qua Clerici ob patratum aliquod crimen in ordinem plebis redigebantur, nec poterant communicare cum ceteris, qui erant ejusdem ordinis: & *communio* *pere-*

peregrina erat illa, quæ concedebatur Ecclesiasticis, aut laicis, cum litteris commendatitiis, quas *Formatas* vocabant, extra propriam diocesim peregrinantibus: hi enim cum ceteris ordinis sui, tum in oratione, tum in Eucharistia communicabant, sed nullo dignitatis suæ munere fungebantur. Sirmondus tamen in Hist. publicæ pœnit. & Albaspinæus lib. 1. Observat. eam dicunt *communione peregrinam*, qua clerici ob aliquod crimen in eo loco & statu collocabantur, in quo poni solebant pegrini absque litteris *Formatis* vagantes. Etiam sacrificium a Nazianzeno, ab Isidoro Pelusiota, & ab aliis Patribus, laudatis a Card. Bona lib. 1. Rerum Liturg. cap. 3. num. 2. appellari solet *communio*, quasi parte usurpata pro toto, quoniam in Missæ sacrificio fit Dominici corporis consecratio & participatio: eodemque *communio* vocabulo designatur, ut dixi, quod cantari solet, dum sacra oblatio populis distribuitur, ex vetustissima consuetudine, quam laudant S. P. Augustinus lib. 2. Retract. cap. 11. Antiphonarium S. Gregorii, Ordo Romanus, Honorius Augustodunensis, & alii. *Communio* denique, de qua dicturi sumus, est sacrosanctæ Eucharistiæ perceptio, appellata in sanctorum Conciliorum decretis *Communio Dominica*, seu *Communio divinarum sacramentorum*. Hæc autem dicta sint de *Communio* vocabulo: de quo plura Albaspinæus libro 1. de Eucharistia, Morinus lib. 2. Eccles. exercitat. Du-Cangius in Glossario, Bona de Rebus Liturgicis, Lupus in canones Nicænos, & Sardicenses, alique viri percelebres.

De hac ergo communione pertractaturus agam principio de ipsius necessitate. Diximus autem Tom. vi. pag. 87. aliisque in locis, duplicem esse necessitatem, medii scilicet, ac præcepti: neque opus est, ut hæc iterum explicemus. Eucharistiam complures necessariam putant necessitate prioris generis, adeo, ut sine illa nemo possit, sive adultus sit, sive parvulus, consequi salutem æternam. Tenent hanc opinionem quidam Græcorum apud Arcudium lib. 3. Concordiæ cap. 40. & Calviniani, ceterique Novatores passim, contententes hanc fuisse sententiam veterum omnium Patrum, maxime S. P. Augustini disputantis adversus Pelagianos. Idem de Augustino, necnon de Innocentio I. Romano Pontifice scribunt Sanctesius Repeating. 6. cap. 7. & Maldonatus in caput vi. Joan. v. 54. ut mittam Adamum, & Morainem, quos cap. iv. Vindiciarum §. 4. refellit eximius Norisius. Duplex itaque hinc oritur quæstio; una *dogmatis*, scilicet an quis salvari possit absque Eucharistiæ perceptione, altera *facti*, an parti affirmanti adhæserit Angustinus, sitque eam ob rem reprehendendus. In quæstione dogmatis conveniunt omnes, affirmantes communionem actu perceptam necessariam non esse *necessitate medii* ad salutem; & aliqui duntaxat necessariam putant communionem in voto, permoti auctoritate D. Thomæ 3. p. q. 73. art. 3. quæ tamen alia

alia ratione explicatur a Sylvio, & a multis Thomistis. Circa autem quæstionem facti, falsissimum est Augustinum existimasse, quod parvuli suscepto baptismo salvari nequeant absque actuali SS. Eucharistiæ communione, ut demonstrarunt Pallavicinus in Hist. Concilii Trident. lib. 17. cap. 12. Bona lib. 2. Rerum Liturgic. cap. 19. & ex Nostratibus Norisius citato loco Vindiciarum, Desirant in Præscript. Euch. lib. 3. cap. 4. Piette de Eucharist. q. 8. ut mittam recentiores Theologos Jueninum, Tournelium, Witassium, Trivellatium, & alios.

Facile autem dirimi possunt hæ controversiæ, si distinguamus duplicem Corporis Christi manducationem, *realem* nempe, quæ sit sumendo Eucharistiam, & *mysticam*, quæ sit adoptione in mysticum Christi corpus, idest, Ecclesiam. De mystica communione, proculdubio loquitur Augustinus lib. 3. de Peccatorum meritis & remiss. cap. 4. num. 8. scribens: *Numquid & illud ambiguum est, Nisi quis renatus fuerit ex aqua & spiritu sancto, non potest introire in regnum Dei? ... Numquid & illud, Quia nisi manducaverint homines carnem ejus, hoc est, participes facti fuerint corporis ejus, non habebunt vitam? His, atque hujusmodi aliis, quæ nunc prætereo, testimonium divina luce clarissimis, divina auctoritate certissimis, nonne veritas sine ulla ambiguitate proclamat, non solum in regnum Dei non baptizatos parvulos intrare non posse, sed nec vitam posse habere præter Christi corpus, cui ut incorporentur, sacramento baptismatis imbuuntur? Fulgentius etiam, quem Augustini mens latere non potuit, in Epist. ad Ferrandum Diaconum cap. 11. quibusdam verbis Augustini productis, *Arbitror*, inquit, *disputationem nostram præclari Doctoris Augustini sermone firmatam, nec quicquam esse aliquatenus ambigendum, tunc nunquamque fidelium corporis, sanguinisque Dominici participem fieri, quando in baptismo membrum corporis Christi efficitur, nec alienari ab illo panis, calicisve consortio; etiamsi antequam panem illum comedit & calicem bibat, de hoc sæculo in auitate corporis Christi constitutus abscedat*. Hæc Fulgentius: cujus verba adeo sunt manifesta, ut penitus dirimant controversiam, nec sinant quemquam de mente Augustini hæsitare. Quare Fulgentii producto textu Eminentissimus Bona ait: *Hinc colligitur, sensum Augustini non bene ab illis perceptum fuisse, qui perperam eum accusant, quod Eucharistiam parvulis necessariam ad salutem esse docuerit contra Ecclesiæ definitionem, qua hanc sententiam inflicto anathemate condemnavit*. Alter pariter Vaticana purpura, & doctrina conspicuus, idest, Cardinalis Pallavicinus, *Hodiene*, inquit, *primum in schola innotuit, intellectum fuisse ab Augustino caput sextum S. Joannis non de ipsa solum in re susceptione Eucharistiæ (sive etiam de illa intellectum ab ipso fuerit, necne, de quo**

quo disceptatur, nec nostra interest) sed de conjunctione, qua nobiscum Christus mystice sit unum corpus per baptismum ac fidem? Hæc ille citato cap. 12. num. 8. De ipsamet mystica communione loquitur apertissime S. Innocentius 1. in Epistola ad Patres Milevitanos, inter Augustinianas 182. olim 93. num. 5. hæc de Pelagianis scribens: *Illud vero, quod eos vestra Fraternitas asserit predicare, parvulos æterna vitæ præmiis etiam sine baptismatis gratia posse donari, persuasum est. Nisi enim manducaverint carnem filii hominis, & biberint sanguinem ejus, non habebunt vitam in semetipsis. Qui autem hæc eis sine regeneratione defendunt, videntur mihi ipsum baptismum, velle cassare, cum predicant hos habere, quod in eos creditur nonnisi baptismate conferendum.* His verbis Norisius refellit Maldonatum, & Pallavicinus Erasmus, Suavem, & Centuriatores, qui scribunt non solum Augustinum, sed etiam Innocentium putasse Eucharistiam infantibus necessariam; cum tam Innocentius, quam Augustinus negent solummodo posse vitam æternam conferri sine baptismate.

Hæc, quæ diximus de mystica corporis Christi manducatione, demonstrant quo sensu veteres quidam Scholastici affirmarunt Eucharistiam esse unicuique, etiam parvulis, necessariam ad salutem. Interpretati sunt enim cum Augustino, & Innocentio ea verba, *Nisi manducaveritis, &c.* de manducatione spiritali, animumque intenderunt ad rem sacramento significatam, sive ad unitatem Ecclesiæ, non ad actuale sacramenti communionem. Hæc certo tradit S. Thomas q. 73. art. 3. ubi ait, *rem hujus sacramenti esse unitatem corporis mystici, sine qua non potest esse salus.* Nec de Angelici Doctoris mente potest dubitare, qui legerit nonnum articulum quæstionis LXXX. in qua, ubi definivit Eucharistiam dandam non esse parvulis, & amentibus, ita in responsione ad 3. concludit: *Nec tamen per hoc aliquod detrimentum vitæ patiantur, propter hoc quod Dominus dicit Joan. 6. Nisi manducaveritis carnem filii hominis, & biberitis ejus sanguinem, non habebitis vitam in vobis: quia, sicut Augustinus scribit Bonifacio, tunc unusquisque fidelium corporis, & sanguinis Domini particeps fit, scilicet spiritualiter, quando in baptismate membrum corporis Christi efficitur.* Unum est, quod ad memoriam arbitror revocandum, Augustinum nempe accepisse quidem hæc verba, *Nisi manducaveritis, &c.* pro manducatione mystica, sive incorporatione in Ecclesiam, dum ageret contra Pelagianos; sed ulterius explicasse eadem verba, (neque uno in loco) de communione Eucharistica, prout monui supra pag. 291. Jamvero, quamvis ex prænotationibus istis facillimum sit de necessitate Eucharistiæ proferre sententiam, & sensum assequi verborum Augustini, quæ solent in contrarium torqueri; subjectis tamen thesibus quidquid in disputationem cadit, enucleabo.

THE-

THESIS I.

Eucharistia non est omnibus prorsus, sive adultis, sive parvulis ita ad salutem necessaria, ut nullus omnino possit sine illa salutem consequi. Probatur primo; nam parvuli per baptismum regenerantur in Christo, & constituuntur filii Dei, & regni cœlestis hæredes, ut ostendimus libro xxxi. cap. 25. si ergo ex hac vita migraverint, priusquam ratione ac libertate utentes gratiam & innocentiam in baptismo acceptam amiserint, minime privabuntur filiorum Dei hæreditate. Deinde nunquam Ecclesia credidit Eucharistiam absolute parvulis necessariam: hujusque perpetuæ fidei argumentum est invictissimum, quod nunquam aut laici, aut mulieres Eucharistiam ceteris dispensaverint, cum tamen baptismum contulerint urgente necessitate: quod abeunte in defuetudinem communione parvulorum, nullus Patrum scripserit denegari illis necessarium salutis remedium: quod aliquando consueverit Ecclesia negare lapsis etiam in exitu mortis communionem sacramentalem, eo quod non sit *viaticum* tam necessarium, quam reconciliatio & absolutio, prout demonstrat præstantissimus Lupus ad Nicenum canonem tertium decimum. Tridentina denique Synodus sess. xxi. cap. 4. docet parvulos usu rationis carentes nulla obligari necessitate ad sacramentalem Eucharistiæ communionem, producta ratione illa apertissima, quam initio posuimus, quoniam scilicet *per baptismi lavacrum regenerati, & Christo incorporati adeptam jam filiorum gratiam in illa ætate amittere non possunt.* Declarat ibidem sanctissimos Patres, qui etiam parvulis Eucharistiam administrarunt, *sui facti probabilem causam* pro illius temporis conditione habuisse, atque id fecisse *nulla salutis necessitate*: & canone 4. ejusdem sess. concludit: *Si quis dixerit, parvulis antequam ad annos discretionis pervenerint, necessariam esse Eucharistiæ communionem, anathema sit.* Quod autem opponunt hæretici, dixisse Dominum, *Nisi manducaveritis, &c.* probat tantum necessitatem præcepti obstringentis adultos; nisi accipiantur hæc verba de communione mystica paullo supra explicata, quo sensu spectare ad parvulos docet S. Pater, ut dixi tom. vi. pag. 507. & nunc iterum repetam.

THESIS II.

Si accipiatur manducatio corporis Christi mystico sensu, quatenus idem est, ac Ecclesiæ copulari, est omnino, aut in re, aut saltem in voto de necessitate salutis. Probatur 1. quoniam extra unitatem Ecclesiæ non potest haberi salus. Probatur 2. quia S. Pater Augustinus probat adversus Pelagianos, parvulos a vita æterna excludi.

To. VII.

Y y

den

dendos, *nisi manducaverint carnem filii hominis*, lib. 1. de Peccat. meritis & remiss. cap. 20. libro 2. contra duas Epist. Pelagianor. c. 4. lib. 3. contra Julianum cap. 1. aliisque in locis: neque Augustinus solus, verum etiam Innocentius Primus ad Patres Milevitanos, nec non Gelasius in Epistola ad Episcopos per Picenum. Atqui nequeunt intelligi de manducatione sacramentali, ut constat ex thesi præcedenti. Intelligendi ergo sunt de manducatione mystica & spiritali, sive de *Incorporatione* in Ecclesiam. Denique S. Thomas 3. p. quæst. 73. art. 3. inquit: In Eucharistia duo possunt considerari, res, & sacramentum. *Dictum est autem, quod res hujus sacramenti est unitas corporis mystici, sive qua non potest esse salus: nulli enim patet aditus salutis extra Ecclesiam; sicut nec in diluvio absque arca Noe, qua significat Ecclesiam, ut habetur 1. Petri.*

T H E S I S III.

Non erravit Augustinus adstruens communionem corporis, & sanguinis Domini singulis, etiam parvulis, necessariam, siquidem de communionem mystica, non de sacramentali sermonem instituebat. Etenim Tridentina Synodus docet distributam quidem a Patribus olim Eucharistiam infantibus, sed *nulla necessitate*; quod falsum esset, si Augustinus inculcasset necessitatem *communions sacramentalis*. Quod si dixeris Augustinum a doctrina Patrum ceterorum recessisse; idem tibi affirmandum erit de Romanis Pontificibus Innocentio, & Gelasio eandem Augustini sententiam tenentibus in prælaudatis Epistolis decretalibus. Atque ipsemet Augustinus in Epistola 186. ad Paulinum n. 29. scribit non a se tantum, sed etiam *ab Apostolica Sede* fuisse adhibitam illam sententiam, *Nisi manducaveritis, &c.* adversus Pelagianos promittentes parvulis sine baptismo denatis æternam vitam: laudatque insuper Innocentii Epistolam lib. 2. contra duas Epist. Pelag. cap. 4. num. 7. & libro 1. contra Julianum cap. 4. num. 13. Si ergo erravit Augustinus, errarunt pariter Innocentius, & Gelasius; nec Tridentini Patres mentem antiquiorum sunt assecuti. Præterea Jocutum Augustinum de *adaptatione in Ecclesiam* tradunt Theologi præclarissimi supra commemorati, & in lectione Augustinianorum Operum versatissimus, beatus Fulgentius. Deinde novum non est, nec insolitum apud Augustinum appellare *manducationem corporis Christi* unitatem Ecclesiæ, fidem caritate formatam, & mansionem in Christo: nam lib. 3. de Peccat. meritis cap. 4. docet parvulos non posse habere vitam extra Christi corpus, *cui ut incorporentur, sacramento baptismatis imbuuntur*: sermone ad infantes laudato a Fulgentio scribit, unumquemque fidelium *corporis sanguinisque Domini participem fieri*, quando in baptismo efficitur membrum Christi; & Tra-

Traſtatu xxvi. in Joannem num. 15. ait. *Hanc itaque cibum & potum ſocietatem vult intelligi corporis & membrorum ſuorum, quod eſt ſanctia Eccleſia*; ac paucis interjectis diſtinguit apertiſſime ſacramentum a re ſacramenti, ut fecit poſtmodum S. Thomas; atque demum in hanc ſententiam concludit: *Hoc eſt ergo manducare illam eſcam, & illum bibere potum, in Chriſto manere, & illum manentem in ſe habere*. Similia leguntur cap. Quid eſt, de Conſec. diſt. 2. num. 46. deprompto ex Beda in 1. ad Corinth. Ex his, ut verbis utar Noriſii, error de neceſſaria pueris præter baptiſmum reali Euchariſtiæ ſumptione a recentioribus Auguſtino attributus in ſumum evaneſcit.

Me non latet adinveniri inter recentiores, qui putant Auguſtinum accipiendum eſſe de *communione ſacramentali*, propterea quod utrumque diſtinguat, baptiſmum, & manducationem Dominici corporis; recte tamen ex illo teſtimonio, *Niſi manducaveritis, &c.* conſutaſſe Pelagianos, quia non ex propria mente aſſerebat Euchariſtiam eſſe parvulis neceſſariam ad habendam vitam æternam, ſed ex ſententia, & hypotheſi ipſorum Pelagianorum. At ſi attente legeris Auguſtinum, atque laudatas Epiſtolas Innocentii & Gelafii, percipies ſanctum Parentem, Romanosque Pontifices eo pacto demonſtraſſe parvulos ſine manducatione corporis Chriſti excludendos a vita æterna propter Dominicam ſententiam, *Niſi manducaveritis, &c.* quemadmodum demonſtrarunt expellendos abſque baptiſmate a cœleſti regno propter ſententiam alteram, *Niſi quis renatus, &c.* Hypotheſis autem Pelagianorum, ut diximus lib. xiii. cap. 1. & 8. erat diſtinguere regnum cœlorum a vita æterna: ob quam diſtinctionem vanam, atque fictitiam, Auguſtinus præter baptiſmum urgebat etiam Dominici corporis communionem, atque ita adverſarios perſtringebat: Duo in Evangelio leguntur, videlicet, *Niſi quis renatus fuerit, &c.* & , *Niſi manducaveritis carnem filii hominis, &c.* Neceſſum eſt ergo, ut baptiſmo renaſcatur, qui intraturus eſt in regnum cœlorum, & Chriſto incorporetur qui fruiturus eſt vita æterna. At parvuli ſine baptiſmo decedentes, neque ſunt renati ex aqua & Spiritu ſancto, neque incorporati ſunt Chriſto. Igitur iidem parvuli tam regno cœlorum, quam vitæ æternæ privantur.

THESES IV.

Adulti tenentur præcepto divino ad ſacramentalem communionem. Chriſtus enim Euchariſtiam inſtituens ait Apoſtoliſ, *Hoc facite &c.* id eſt, *Conſecrate, comedite, diſtribuite*; ideoque divinum præceptum eſt, ut Sacerdotes percipiant communionem ſacramentalem,

lem, eandemque distribuunt laicis. Præterea inquit Dominus, *Nisi manducaveritis, &c.* quæ verba non solum explicantur a Patribus de communione mystica unicuique necessaria, sed etiam de communione reali, præscripta iis, quibus necessarium est spirituale alimentum, ut in Christo permaneant. Eruitur hinc ratio; cum enim caro Christi *vere* sit *cibus*, & sanguis ejus *vere* sit *potus*; vitam spiritalem nequaquam custodit quisquis spernit, & negligit divinum hoc nutrimentum. Dicam vero de ejusdem frequenti usu proximo c. xvi. 11.

T H E S I S V.

Ecclesiastico præcepto adulti ad communionem sacramentalem tenentur saltem semel in anno, recurrente solemnitate Paschali. Constat ex cap. 21. Concilii Latranensis iv. in quo his verbis id statuitur: Omnis utriusque sexus fidelis, postquam ad annos discretionis pervenerit, omnia sua peccata saltem semel in anno fideliter confiteatur proprio Sacerdoti, & injunctam sibi pœnitentiam studeat pro viribus adimplere, suscipiens reverenter ad minus in Pascha Eucharistiæ Sacramentum: nisi forte de consilio proprii Sacerdotis ob aliquam rationabilem causam ad tempus ab ejus perceptione duxerit abstinendum: alioquin & vivens ab ingressu Ecclesiæ arceatur, & moriens Christiana careat sepultura. Et Tridentinum sess. xiii. can. 9. Si quis negaverit omnes & singulos Christi fideles utriusque sexus, cum ad annos discretionis pervenerint, teneri singulis annis, saltem in Paschate, ad communicandum, juxta præceptum sanctæ matris Ecclesiæ; anathema sit.

Circa hoc præceptum de communionem Paschali quæri potest, quinam dicendi sint ad annos *discretionis* pervenisse: quis sit *proprius Sacerdos*, a quo percipienda est communio: quid veniat nomine *Paschatis*; & an huic præcepto satisfiat ab eo, qui communicat extra propriam *Parochiam*. Ad primam quæstionem dico illum ad usum discretionis, quantum ad communionem attinet, pervenisse, qui non solum ratione utitur, & prolabitur in venialia peccata, ut censent plurimi apud Joannem Sanchez Abulensem disputatione inter selectas vicesima sexta, sed qui insuper idoneus est ad corpus Domini dijudicandum, divinique mysterii percipit magnitudinem, ætatis scilicet *inter annum decimum, ac duodecimum*. Principio enim usus rationis non est ad res singulas ejusdem energię; atque aliud est excercere in rebus humanis facultatem arbitrii, aliud vero ad res divinas comparatum esse, atque idoneum. Deinde ætatem illam grandiusculam, annorum saltem decem, requirunt Theologi cum D. Thoma in iv. dist. 9. q. 1. præscribunt Aetia Mediolanensis Ecclesiæ S. Caroli p. iv. Instruct. de Sacrament. & perantiquum Carmen laudatum a Martenio

tenio lib. 1. de Antiq. Rit. cap. 4. art. 10. n. 14. atque a Joanne Pontafio v. *Communis* num. 1.

*Non pueris infra bis quinque manentibus annos
Des Corpus Domini, quamvis sint corpore puri;
Quid sumant cum ignorent: ergo prohibentur.
Excipe quos urget fera mors; annis licet bis sint
Oſto, ſive novem, vel ſeptem, dum ſibi conſeſt
Scire Pater noſter, & eorum vita probata.*

Accedit praxis Eccleſiæ, quæ puerorum minorem ætatem agentium, audit utique Confeſſiones, ſed illos non admittit ad participationem ſacroſancti diviniq. myſterii.

Proprius Sacerdos, ut ad quæſtionem alteram veniamus, eſt Parochus, & quilibet eo jubente Sacramenta diſpenſat. Verum licet in cap. *Omnis utriusque ſexus*, proprio Sacerdoti dicatur faciendæ peccatorum confeſſio, ab eoque ſuſcipienda communio; non tamen eſt de Communionis & de Confeſſione eadem ratio. Satisfacit enim Confeſſionis annuæ præcepto, qui conſtitetur etiam Regularibus ſimpliciter ab Ordinario approbatis; quoniam Episcopus, (qui & ipſe proprius Sacerdos eſt) dum impertitur audiendæ confeſſionis facultatem, non excludit Paſchale tempus: ideoque qui eo temporis adit Confeſſarium quemlibet approbatum, recipit Sacramentum, *proprio ſacerdote annuente*. Damnavit propterea Joannes XXII. in Extravagan- ti, *Vas electionis*, ſententiam Joannis à Poliaco Doctoris Pariſienſis, qui irritas pronuntiabat confeſſiones factas Paſchali tempore Regularibus. Quare rigidiores quidam Theologi propugnantes neceſſitatem Confeſſionis faciendæ Parocho, ſaltim in Paſchate, & negant Episcopum *proprium Sacerdotem eſſe*, & audaſter ab Orco re- vocant damnatam Joannis de Poliaco ſententiam; prout animadver- tit Notificat. xviii. primi Voluminis Summus Pontifex BENEDI- CTUS. Id vero, ut dixi, de communionis non tenet; quoniam exceptionem hanc Romani Pontifices ſemper poſſuere, declaran- tes non ſatisfieri extra Parochiam præcepto annuæ communionis. Clemens enim VIII. anno 1592. adverſus quosdam Galliarum Paro- chos fancivit poſſe utique ſæculares confiteri peccata ſua Regulari- bus idoneis, & ab Ordinario approbatis, ſed ea conditione expreſ- ſa, *Dummodo tamen iidem ſæculares Chriſtifideles, ſacramentum Eucharistiæ die feſto Paſchalis reſurrectionis in propria Parochia ab eorum Parocho ſumant*. Et Clemens X. Conſtituit. *Suprema*, pariter declaravit, *eos qui Religioſis ſimpliciter approbatis Paſchali tempore confeſſi fuerint, Conſtitutioni, quæ incipit, Omnis utriusque ſexus, quoad confeſſionem duntaxat omnes ſatisfeciſſe cenſendos*.

Quale ſit tempus Paſchale, aperte explicavit in Conſtitutio- ne xx. quæ incipit, *Fide digna*, Eugenius IV. his verbis: *Intelligi-*
mus

mus optimo jure satisfactum esse canonē, si in hebdomada sancta, vel infra octavam Paschæ resurrectionis Dominicæ, secundum meliorem dispositionem conscientia, fideles preparatione debita sanctum Eucharistiæ pignus accipiant, & cum Domino Pascha celebrent ad salutem; & huic sententiæ omnes volumus acquiescere.

Denique communionem percipiendam esse in propria Parochia; ut impleatur Ecclesiasticum præceptum, constat ex laudatis definitionibus. Oriri tantum hic possunt dubiola quædam, E, G. an qui habet duo domicilia, quod neque canonicis, neque civilibus legibus repugnat, communicare possit in utraque Parochia, cui domicilia illa subjiciuntur: & an satis sit communicare in Metropolitana, aut Cathedrali Ecclesia, quando hæc non est Parochialis. At ad dubium, primum communis est, & certa responsio, communicandum in ea Parochia, in qua tempore Paschali communicaturus habitat. Ad alterum respondet præcitata Notif. sapientissimus, & vigilantissimus Ecclesiæ Pastor, non adimpleri Ecclesiasticum præceptum, si quis propria neglecta Parochia communicet in Cathedrali, cum nec Romæ sufficiat communicare in Ecclesia Lateranensi, quæ mater & caput est ceterarum. Hujus ratio assignari potest, quod *Parochia* nomine intelligitur *districtus Ecclesiæ presbyteri*, ut demonstrat in Glossario Du-Cangius; tum quod communicando agnoscitur Pastor proximus & immediatus: demum quod Ecclesia vult dignoscere filios præceptum hoc adimplentes, & censuris animadvertere in pervicaces; difficulter autem hoc posset apprehendere, si communicaturi omnes confluerent ad Cathedralem.

THESIS VI.

Per communionem sacrilegam non adimpletur Ecclesiasticum præceptum thesi superiori propositum. Probatur primo, quoniam Innocentius XI. anno 1679. damnavit hanc num. lv. propositionem: *Præcepto communionis annuæ satisfit per sacrilegam Domini manducationem:* ex qua proscriptio sequitur, nunc probandum non esse judicium Sylvii scribentis in 3. p. q. 80. art. 11. quæst. 2. damnandos non esse *qui partem affirmativam sequuntur*, quod vir doctissimus pronuntiavit de auctoribus, qui ante Innocentii tempora floruerunt. Deinde ante Innocentium innumera prodire decreta, quibus cautum est, ne ad Eucharistiam admittantur qui *confessione peccatorum* non fuerint præmuniti, ut statuit Synodus Lingonensis anno 1452. Burdigalensis an. 1582. Bituricensis anno 1584. aliæque apud Natalem Alexandrum de Euch. cap. 1. art. 5. Regula 9. Præterea Ecclesia sacramentalem Communionem præcipiens non promulgavit novum præceptum, sed latum a Domino, atque divinum; addiditque duntaxat
ex-

explicationem, atque determinationem temporis, ut ab omnibus observetur; ac proinde nullum dubium est, quod intendat talem communionem præcipere, qualem Christus ipse præcepit, animæ scilicet proficuum, atque vivificum. Insuper quisquis indigne manducat corpus Domini, ejusque sanguinem indigne bibit, *judicium sibi manducat & bibit non dijudicans corpus Domini*, ut inquit Apostolus 1. ad Corinth. x1. 29. At qui corporalem cibum eo modo deglutiret, ut sibi mortem inferret, non servaret, sed frangeret præceptum sustentandi ac nutriendi vitam corporis. Igitur qui ita dentibus premit sacramentum, ac panem vitæ, ut anima sibi judicium arceffat, non servat, sed infringit præceptum sumendi hunc cibum, quo ipsius animæ spiritalis vita nutritur.

Adversus hanc thesim militant argumenta, quæ sequuntur. Primum est, quod plurimorum sententia nequit Ecclesia præscribere actus internos; ideoque sacrilege in Paschate communicans frangit quidem divinum præceptum, sed non Ecclesiasticum. Alterum, quod per confessionem sacrilegam satisfit præcepto annuæ Confessionis; ergo & per sacrilegam communionem impletur præceptum communionis Paschalis. Tertium, quod Ecclesia *substantiam* actus, non *modum* ejus præscribit, sive determinat tempus agendi quod Christus præcepit. Dummodo ergo ponatur actus in tempore ab Ecclesia statuto, Ecclesiasticum præceptum minime violabitur. Proximum argumentum est, quod sacrilegium nequaquam impedit, quin Sacerdos accepto stipendio satisfaciat obligationi Missæ celebrandæ: nec simulatio, quin suscipiatur baptisumus; nec peccati macula quin satisfiat operibus in satisfactionem injunctis. Postremo, frustra datur præceptum, cujus transgressio nec potest cognosci, nec potest puniri a præcipiente.

Respondetur ad primum, sententiam eorum, qui censent non posse Ecclesiam præcipere internos actus, falsam esse, & a nobis improbatam ac refutatam libro xx. cap. 15. Ad hæc præceptum, de quo est questio, non est solummodo Ecclesiasticum, verum etiam divinum. Insuper, etsi detur Ecclesiam non præscribere aniverfim internos actus, eos tamen, omnium fere consensu, præcipit, qui ita conjuncti sunt cum externis, ut si separentur, externi actus habere nequeant rationem virtutis; quemadmodum præcipiendo orationem vocalem præcepit quoque attentionem, præcipiendo ut conficiatur, vel suscipiatur sacramentum præcipit etiam deliberationem animi, præcipiendo ut audiat missa præcipit ulterius ne ad Ecclesiam quis accedat pravo aliquo fine, nec, dum res sacra peragitur, animus ad alia voluntarie distrahatur, prout post Cajetanum, Soto, Suarezium, Lessium, Dianam quoque, ceterosque benigniores, docet Sylvius citata quest. 2. tom. 4. pag. Venetæ edit. 277. nec non
Do.

Dominicus Viva in Propositionem XIV. ex damnatis ab Alexandro VII. ac ratio apertissima, quæ in præfenti etiam casu vim habet, innititur rationi virtutis, quæ consistere nequit absque interiori animi actu: ideoque præcipiens actum virtutis præcipit necessario actum interiorem eidem virtuti conjunctum. Quod sequitur, continet propositionem XIV. nuper commemoratam, & confixam ab Alexandro VII. quæ talis est, *Qui facit confessionem voluntarie nullam, satisfacit præcepto Ecclesiæ*. Idcirco hac propositione thesis nostra, corroboratur, & hujus, atque proscriptæ ab Innocentio eadem est ratio, ut recte observarunt, qui in propositiones a Romanis Pontificibus damnatas ediderunt Commentaria, Dominicus Viva laudato in loco, Bartholomæus Riccius disput. 49. & Pius-Thomas Milante exercitat. xxxi. secundæ partis. Proximum diluitur ex dictis; *modus* enim cadit sub præcepto, quotiescunque talis est generis, ut actus virtutis nequeat sine illo exerceri. Proximum argumentum expeditur facillime: nam sacrificium Missæ suum habet valorem *ex opere operato*: Baptismi *character* non est cum simulatione infociabilis; atque ad virtutum officia, sive sint opera satisfactionis, sive alterius generis, minime requiritur, uti demonstratum est adversus Bajum libro XVIII. cap. 2. & libro XXI. cap. 4. gratia *habitualis* & sanctificans, sed sufficit actualis. Non faciunt ergo hæc tria exempla ad rem nostram, & optime ad singula responderet Aurelius Piette quæst. 7. de Eucharistia, quæ in sexto Operum ejus Tomo tenet priorem locum. Possunt præterea exempla eadem retorqueri; siquidem si desit intentio & interior animi deliberatio, neque offeratur sacrificium, neque baptismus perficitur, neque aliquid promerentur opera satisfactionis. Postremum denique argumentum omnino nullum est: nam etsi præcepto Ecclesiæ nequeat animi interna pravitas cohiberi, potest tamen unusquisque ab Ecclesia reprehendi, corrigi, & proprii officii commonescere, ideoque præceptum illud non est inutile, quemadmodum inutilia non sunt monita, & consilia, quæ suaderi possunt, compellere & invitos coercere non possunt.

C A P U T XV.

*Utrum necessum sit, vel saltem expediat, ut laici
sub utraque specie communicent?*

AD controversiam hanc diluendam præmittendum cenſeo, neminem Catholicorum negare quin ab Ecclesiæ primordiis ad sæculum usque duodecimum laici passim sub duplici *specie* communicaverint. Non opus est, ut id Bucerus Resp. 2. ad Latomum, Plessæus lib. 1.

lib. 1. de Missa cap. 12. alique hæretici demonstrare conentur. Fatetur Bellarminus Contraversiarum scriptor egregius lib. 1v. de Euch. cap. 24. *ministrasse sub duplici specie veterem Ecclesiam, quando Christiani erant pauci.* Ruardus Tapperus tom. 2. pag. 328. id observatum ait *longissima consuetudine.* Alphonsus a Castro, ex quo per multa sæcula hæc consuetudo obtinuerit, Tit. *Eucharistia*, hæresi 13. argumentum depromit ad demonstrandum quod porrigere laicis Eucharistiam sub utraque specie non sit *contra Evangelicam institutionem.* Lindanus denique libro 1v. Panopliæ cap. 56. hoc idem aperte fatetur dicens, *Utraque species passim per Occidentem communicebatur diu postea in annum usque millesimum ducentissimam.* Recentiores Theologi non solum id ingenue fatentur, sed etiam demonstrant, præ cæteris Joannes Mabillon Præfat. 1. in sæculum 3. Benedictinum, Jacobus Benignus Bossuet in libro de Communionis *sub utraque specie*, Estius dist. x11. §. 7. Gaspar Juenin de Eucharistia q. 8. cap. 4. art. 2. alique permulti. Apostolicis temporibus frequenter administratam utramque speciem inferitur ex verbis Apostoli in 1. ad Corinth. x1. 28. *Prober autem seipsum homo, & sic de pane illo edat, & de calice bibat.* De temporibus proximioribus testem habemus Justinum in altera Apologia, ubi ait distributum, *cuique presenti panem, & vinum, in quo gratia acta sunt.* Viguisse eundem morem ætate Cypriani & Ambrosii, aperte eorum scripta demonstrant. Sæculo v. Leo Primus, & Gelasius utramque speciem in publicis synaxibus præscripserunt, de qua re postmodum. Plura exempla ad commonstrandam consuetudinem proximiorum sæculorum producit Mabillon ex Actis S. Odiliæ Abbatissæ, & S. Ansharii Bremensis Archiepiscopi, ex libro 2. Consuetudinum Cluniacensium, ex Opusculo quadragesimo septimo Petri Damiani, atque ex monumentis aliis antiquitatis. Commemorat etiam vir eruditissimus calices pro communiione laicorum paratos, in quorum uno extat distichon apud Gerbertum epistola xc.

*Hinc sitis, atque fames fugiant, properate fideles:
Dividit in populos bas Præsul Adalbero gazas.*

Consuetum etiam fuit aliquando porrigere, ægris præsertim, ac pueris *panem intinctum*, de qua re dixi nonnulla capite tertio pag. 185. Istam vero consuetudinem fuisse necessario in laicorum communiione servandam, imo & servatam semper negamus, asserentes nullum frangi præceptum, nec derivare in laicos aliquod detrimenti, si communicent sub una duntaxat specie.

Posteaquam ergo vetusta consuetudo abierat in desuetudinem, & ubique fere locorum communicantes unam tantum speciem sumebant, nullo in Occidentali Ecclesia reclamante, circa annum 1414. Petrus Drefdensis Ludimagister, suffultus operâ Jacobelli Misenensis,

To. VII.

Zz

qui

qui Pragæ magno auditorum plausu conciones sacras habebat; afferere cœpit necessariam laicis communionem sub utraque *specie*, ut in Historia Bohemorum cap. 35. narrat Aeneas Sylvius Piccolomineus. Haussit ab his errorem Joannes Hus, eique adhæserunt dicti ab eodem Hussitæ, præsertim qui Roquesane duce ab usu calicis appellati sunt *Calixtini*. Ipsam calicis necessitatem persuasit Carolostadius circa annum 1521. Ecclesiæ Withembergensis: quod ægre tulit Lutherus, affirmans communionem sub utraque specie *inter res indifferentes* adnumerandam, ut constat ex epistola quam scripsit adversus reformationem Carolostadii. Sed parum Lutherus sibi constans anno 1523. in libro *de forma Missæ*, ait se nequaquam Generali Concilio assensurum, si vel utramque *speciem*, vel unam præscriberet; sed recepturum unam tantum, si Concilium decerneret sumendam utramque, contra probaturum utramque, si unam Concilium statueret: quod contentiosissimi ac superbissimi animi evidens indicium est. Deinde in libro de Captivitate Babilonica affirmavit teneri sacerdotes ad utramque *speciem* populo distribuendam, populum vero posse pro libito aut utramque, aut unam accipere: ac postremo in libro de Visitatione Saxonica communionem sub una *specie* aperte damnavit. His accessere hæretici alii negantes in sacramento concomitantiam sanguinis Domini cum ejus corpore, præsertim Calvinus lib. iv. Institut. cap. 17. num. 47. & sequentibus, ac Hermannus Hamelmannus, qui pro *utraque specie* pugnavit acerrime. Consentiunt præterea hæreticis nonnulli ex Græcis recentioribus, qui ut ait Arcudius libro 3. concordiæ cap. 50. pag. 320. ritum communicandi sub utraque *specie*, qui olim *ἀπὸ κείρου* habebatur, retinent ut fidei dogma, præeunte Hieremia Patriarcha, qui in Epilogo Censuræ suæ inter eos, quos appellat *abusos Romanæ Ecclesiæ*, connumerat communionem unius *speciei*, ita alloquens Withembergenes: *Primum utriusque speciei participes esse oportere dicitis, & recte quidem: patet ἀπὸ πρώτου, ὅτι μεταλαμβάνοντες τοῦ ἑνὸς ἁμφοτέρωθεν τῆς ἑκείνου καὶ καλῶς λέγεται*. Hinc Callixtus Helmeſtenſis librum edidit, in quo probare conatus est nunquam Orientales communicasse sub una *specie*; sed Callixtum egregie confutavit Nihusius in Annotationibus ad Dissertationem Leonis Allatii de Missa Præsanctificationum.

Ex Orthodoxis Scriptoribus nonnulli in ea fuerunt sententia, quod etsi ad salutem utraque *species* non sit necessaria, ex utriusque tamen *speciei* communione uberius gratia percipiatur. Steterunt pro hac sententia in Tridentino Concilio Melchior Canus, Antonius Uglia Franciscanus Hispanicus, & Sigismundus Fedrius ejusdem Ordinis, ut refert Pallavicinus in Historia Concilii libro xii. cap. 2. num. 5. eandemque opinionem post Alexandrum de Ales, & Arbo-

reum propugnabit Gabriel Vasquez in 3. p. quæst. 80. disput. 215. cap. 2. Eo loci Vasquez citat pro eadem sententia Casalium nostrum libro 2. de Cœna & Calice Domini; sed falso: Casalius enim eodem libro cap. 25. tam hujus sententiæ, quam oppositæ productis argumentis pag. 161. inquit: *Quæ sententia, seu opinio istarum est magis probabilis? Alia est quæstio, & de qua modo nihil agimus, nec quicquam agere intendimus.* Imitatus est vir doctus Tridentinos Patres, qui, auctore citato in loco Pallavicino, noluerunt hanc quæstionis partem definire. Et ego quidem hanc silentio præterirem, nisi animadvertens Ecclesiam studuisse semper fidelium suorum utilitati, crederem ex communione unius *speciei* nullum consequi vel minimum detrimentum, cum sub utraque *specie* totus Christus contineatur; quæ est sententia S. Thomæ citata quæst. 80. art. 12. omnium discipulorum ejus, Gabrielis Biel lect. 84. in canonem Missæ, Ruardi Tapperi in Explicat. articul. Facult. Theologicæ Lovaniensis art. 15. Estii in 1v. dist. xi. §. 7. communior denique, & longe probabilior, quam sit opposita. Complures insuper in Tridentino Concilio, etiam nomine summorum Principum, postularunt ut ad sedandos animos Bohemorum, & præripiendam Novatoribus ansam conviciandi Romanæ Ecclesiæ, restitueretur cuicque usus calicis, sublatas an. 1415. decreto Concilii Constantiensis, & anno 1437. definitione Concilii Basileensis. At Tridentini Patres re diligenter considerata sess. xxi. definierunt nequaquam teneri omnes ac singulos fideles ex Dei præcepto, vel necessitate salutis ad utramque sanctissimi Eucharistiæ Sacramenti *speciem* sumendam; totum & integrum Christum omnium gratiarum fontem & auctorem sub unica *specie* contineri & sumi; atque sanctam Ecclesiam Catholicam justis causis fuisse adductam, ut laicis, & non conscientibus clericis unam duntaxat *speciem* concederet, quod a Conciliis Basileensi & Constantiensi jam, ut dixi, fuerat definitum adversus Hussitas, & Calixtinos: in fine autem sessionis xxi. Tridentina Synodus declaravit spectare ad prudentiam & auctoritatem Romani Pontificis examinare an usus calicis ob rationes Christianæ caritati consentaneas alicui vel nationi, vel regno sit concedendus, & efficere quicquid utile Reipublicæ Christianæ ei visum fuerit. Ut igitur in gravissima hac controversia servemus cum brevitate perspicuam methodum, omniaque comprehendamus, quæ veniunt in disputationem, inquiremus primo, an communio sub utraque *specie* sit ex Christi præcepto necessaria ad salutem; deinde an inviolabiliter ad seculum usque xxi. in Ecclesia Occidentali obtinuerit; postmodum an disciplinam eandem constantissime servaverit Orientalis Ecclesia; deinceps an in una *specie* totus Christus contineatur, posthac an sumptio utriusque *speciei* gratiam conferat ampliorem; tum vero an ex justis causis lai-

cis usus calicis sublatus sit; denique an expediat modo antiquatum eundem usum instaurare.

PROP. I. Neque divinum præceptum, neque salutis necessitas exigit, ut laici sub utraque specie communicent.

In institutione quippe sanctissimæ Eucharistiæ illa tantum verba proprie sonant præceptum, quæ leguntur apud Lucam xxii. 19. & apud Paulum in 1. ad Corinth. xi. 24. *Hoc facite in meam commemorationem*: alia enim, *Accipite, sumite, bibite*, apud Matth. xxvi. 27. & Marcum xiv. 22. prolata a Domino sacra oblata porrigente, sunt potius verba distribuentis & invitantis, quam jubentis atque præcipientis: vel si præceptum continent, hoc ad eos tantum spectat, qui præsentis erant, idest, duodecim Apostolos, *tunc constitutos Sacerdotes novi Testamenti*, & ad sacerdotes reliquos, quibus pariter, ut consecrent, & distribuant, commissum est. Atqui illis verbis, *Hoc facite in meam commemorationem*, utpote absolute tantum post Dominici corporis distributionem prolatis, non præcipitur *utriusque speciei* distributio. Igitur ex Evangelica historia, narrante institutionem sanctissimæ Eucharistiæ non colligitur præceptum *utramque speciem* distribuendi. Præterea Apostolus optimis interpretis hujus institutionis, atque præcepti, alloquens Corinthiacam Ecclesiam, omnesque in ea fideles laicos & clericos, & instituens orationem de specie panis *absolute* profert eadem verba, *Hoc facite*, &c. loquendo autem de specie vini illa repetit cum determinatione, *Quotiescumque bibetis*, dicens, *Hoc facite quotiescumque bibetis in meam commemorationem*. Igitur communio sub specie vini non *absolute* a Domino præcepta est, sed de ea iustum tantummodo, ut si fiat, *quotiescumque* fiat, in Domini commemorationem fiat. Vide Estium dist. xi. §. 7. & in Paulum tom. 1. pag. 325. Idem colligitur ex quo Apostolus paullo infra versu 27. ejusdem capituli ita disjunctive loquatur: *Quicumque manducaverit panem hunc, vel biberit calicem Domini indigne, &c.* non enim sic loqueretur, nisi sentiret unam speciem sine altera sumi posse. II. Ex cap. 6. Joannis constat communionem unius tantum speciei æternam vitam conferri: nam legitur vers. 52. *Si quis manducaverit ex hoc pane, vivet in æternum*; & panis, quem ego dabo, caro mea est pro mundi vita: versu pariter 59. *Qui manducat hunc panem, vivet in æternum*. Sumptio igitur utriusque speciei ad consecutionem sempiternæ vitæ omnino necessaria non est. III. Utuntur etiam nostrates exemplo Christi, qui sub una specie fertur sacramentum distribuisse Cleophæ, & alteri discipulo, euntibus in Emmaus, qui, ut inquit Lucas cap. xxiv. 35. *Cognoverunt eum in fractione panis*. Urgent hoc argumentum Ruardus Tapperus tom. 2. pag. 327. Costerus in Enchiridio cap. 14. Bellarminus libro iv. de Euchar.

Euch. cap. 24. & recentiores passim. At negant hæretici hanc fuisse manducationem *sacramentalem*, quod prorsus certum non esse diximus & nos supra pag. 239. Vossius præterea disput. v. de Cœnæ symbolis conatur nobis hoc argumentum eripere, quoniam si *sacramentalis* fuisset ea cœna, sequeretur etiam sacerdotibus posse panem solum præberi, cum duo isti discipuli, ut Pontificii agnoscunt, fuerint ex LXX. quos Christus in Judæam miserat ad Evangelium prædicandum. Sed persistit tamen vis argumenti, siue dicas revera eam cœnam fuisse *Sacramentalem*, quemadmodum tenent Augustinus l. 3. de Conf. Evangelistarum cap. 25. Isychius Ierosolymit. lib. 2. in Levit. cap. 9. & Theophylactus in cap. 24. Lucæ, siue dicas fuisse cœnæ *sacramentalis* figuram, quod a nullo hominum negari potest. Nec Vossii argutatio probat aliquid, nam & nos fatemur sacerdotibus *non conficientibus* sufficere *speciem* unicam. Subtilius aliqui Vossius dixisset, si objectasset sequi ex facto Christi, quod consecrari possit una duntaxat *species*, ut fecit Dominus, qui porrecto pane ab oculis discipulorum evanuit: sed hæc obijcienti responderetur eo facto non immutasse Christum institutionem in ultima cœna factam, nec sacrificium obtulisse; sed commonstrasse singulari exemplo, quod una tantum *species* distribui valeat; nec mandasse, ut idem discipuli facerent, sicuti mandavit Apostolis in cœna postrema, ut consecrarent, offerrent, comederent, distribuerent: quamobrem docet Ecclesiæ praxis, & postulat ratio sacrificii, ut diximus pag. 229. ne fiat consecratio sine oblatione, neque oblatio sine consecratione calicis; cum tamen alia sacrificii, alia autem sacramenti sit ratio. IV. Utuntur etiam Catholici auctoritate Actuum Apostolorum, ubi cap. 11. 42. & xx. 7. legimus convenisse fideles *ad frangendum panem*; nam hisce in locis sermonem esse de communione Eucharistica fatentur ipsi quoque adversarii, Lutherus in serm. de Euch. & Calvinus lib. 1v. Institut. cap. 17. §. 35. Respondent utique Novatores istic *sub fractione panis* etiam poculi distributionem signari *κατὰ τὸν νόμον*, ac scripturas sub panis nomine intelligere universam hominis alimoniam, quæ in cibo, & potu consistit. Verum id gratis asserunt, quandoquidem Lucæ xxiv. 35. *fractio panis* nulla ratione potum includit, siquidem, ut dixi, Christus pane porrecto statim ex oculis discumbentium evanuit. Sed de hoc loco plura in Acta Apost. pag. 152. Joannes Lorinus. V. Tridentinum Concilium sess. xx1. can. 1. sic veritatem hanc definivit: *Si quis dixerit, ex Dei precepto, vel necessitate salutis, omnes & singulos Christi fideles utramque speciem sanctissimi Eucharistia Sacramenti sumere debere; anathema sit*. Hujus autem definitionis ratio manifesta desumi potest ex dicendis paullo infra in 1v. & v. propositione. VI. Ne interim hoc loco prætermittamus quodlibet Theologicum ratiocinium; fieri non potest,

test, ut sublata re ad salutem penitus necessaria, fideles omnes acquiescant, nec insistent, ut sibi quamprimum restituatur. Quis enim asserere audeat singulos, ignaros, doctos, laicos, Ecclesiasticos, in tantam cæcitatem, in tantum propriæ salutis contemptum devinire posse, ut præcepti divini oblivionem atque neglectum propria, aliorumque pernicie patiantur irrepere? At decursu sæculi XIV. priusquam Petrus Desdrensis utriusque *speciei* necessitatem intrudere conaretur, obtinebat in tota Occidentali Ecclesia usus unius *speciei*, nullus laicorum alteram flagitabat, nullus presbyterorum calicem, porrigebat, nullus Theologorum necessarium hunc esse propugnabat: immo cum adhuc obtinebat *intincta*, & fideles sumebant utramque *speciem*, persuasum erat Catholicis *speciem* unam sufficere, ut constat ex testimonio Guilelmi Episcopi Catalaunensis vita sancti sæculo XII. & anno 1120. quod ex vetusto membraneo Codice edidit Præfat. 1. in sæc. 111. Bened. num. 75. cœlimus Mabillon. Nulla est ergo iactata a Petro Desdrensi communionis sub utraque *specie* necessitas.

PROPOSITIO II. In Ecclesia Occidentali etiam ante duodecimum sæculum Eucharistia frequentissime sumebatur sub unica *specie* panis.

Quod diximus supra de antiquo calicis usu, non ita accipiendum est, ut frequentissime non communicarent laici sub una tantummodo *specie*. Factum id in communione domestica infertur ex Tertulliano, qui in libro ad Uxorem cap. 5. haud obscure innuit solum consecratum *panem* fuisse domi asservatum: idem constat ex his, quæ Ambrosius narrat de obitu fratris sui Satyri, & quæ de Eucharistia diu servata diximus præcedenti cap. 12. *Nullum, qui utramque speciem domi servaret, aut sumeret, novi laicum, nisi Gorgonium Nazianzeni Gregorii germanam*, inquit in dissert. de S. Leonis IX. actis Christianus Lupus tom. 3. pag. 703. Gorgoniæ id concessum ob ejusdem sanctimoniam, erectum domi altare, fratrisque ac patris præclara merita. II. Infantibus unam vini *speciem* concessam apparet ex illustri miraculo puellæ, quæ contaminata pane & mero ex immolationibus idolorum, *os labiis obturantibus* porrectum a Diacono calicem recusavit; & reluctanti infusus sanctificatus in Domini sanguine potus *de pollutis visceribus erupit*, ut narrat S. Cyprianus in libro de Lapsis pag. novæ edit. 381. Administratum puerulis sacramentum sanguinis *digito sacerdotis intincto*, constat ex Hugone Victorino lib. 1. de Sacram. cap. 20. & ex antiquis Pontificalibus laudatis a Martenio lib. 1. cap. 1. art. XV. num. 15. & art. XVI. 11. Ord. 14. III. Infirmis porrectam interdum *unicam speciem*, constat ex *Vita* Ambrosii a Paulino Diacono conscripta ad S. Patrem Augustinum, ubi num. 47. de Honorato Vercellensi legitur, *Obeulit*

San-

Sancto Domini corpus: quo accepto ubi glutivit, emisit spiritum, bonum viaticum secum ferens. Cluniacenses Monachi infirmis dabant ante annos sexcentos unam *speciem panis* madefactam vino non consecrato, asservabantque pro viatico absque specie vini quatuor hostias in pyxide, & in aurea columba super altare pendente, ut narrat Udalicus lib. 1. Consuetud. Cluniacens. cap. 8. & lib. 3. cap. 28. Unica specie communicasse Monachos S. Columbani morti proximos constat ex ejusdem vita in Sæculo 2. Benedict. n. 29. Extant apud Eminentissimum Bonam lib. 2. Rerum Liturg. cap. 18. num. 1. aliosque Scriptores, versus Rodulphi Abbatis, qui vivebat anno 1110.

*Hic & ibi cautela fiat, ne Presbyter agris,
Aut sanis tribuat laicis de sanguine Christi,
Nam fundi posset leviter, simplexque putaret
Quod non sub specie sit totus Jesus utraque.*

IV. Etiam in communione publica porrectam aliquando *speciem* unicam evincitur ex historicis monumentis. Hieronymi enim tempore sacræ virgines a vino abstinentes calici non communicabant, & ideo mulieres ingurgitantes se vino, *Abste*, aiebant, *ut ego mea Christi sanguine abstineam*; & si quam videbant pallentem atque tristem, vocabant *miseram, Monacham, & Manicheam*. Vide S. Doctoris Epist. 22. ad Eustochium, in edit. Benedict. num. 18. S. Bernardus in præcipuis solemnitatibus unam *speciem* distribuebat, ut constat ex facto cujusdam Monachi, qui indignus accedens non potuit sacram hostiam *ad interiora trajicere*, & post horam sextam ad pedes S. Patris obvolutus aperto ore ipsam quoque Eucharistiam ostendit. Narratur id in Vita Bernardi a Guilelmo Abbate conscripta, lib. 1. cap. xi. num. 51. Etsi in consecratione Episcopi ex antiquo ritu commemorato in Ordine Romano, & in Epistola 2. S. Fulberti Episcopi Carnotensis ad Finardum, Consecrato danda sit etiam communio calicis, ei tamen tribuebatur integra oblata, seu *hostia*, ex qua post communionem perceptam, quod residuum erat reservabat sibi ad communicandum unoquoque die usque ad diem quadagesimum, ut quotidiana cœlestis panis alimonia illud tempus memoria repeteret, quo per quadragenos dies Dominus discipulis apparens, & convescens refecit illos desideratæ visionis satietate; ideoque erat hæc novi Episcopi quotidiana communio *sub unica panis specie*. V. Perantiquum fuisse in Anglia usum *unius speciei* colligitur ex Hist. Venerabilis Bedæ lib. 2. cap. 5. ubi narrat idololatras quosdam dixisse Pontifici Eucharistiam post Missarum solemnia distribuenti, *Quare non & nobis porrigis panem nitidum, quem & patri nostro dabas, & populo adhuc in Ecclesia dare non desistis?* De quo loco vide Lindanum in libro IV. Panopliæ cap. 56. & in altera parte Apologiæ cap. 40.

PROP.

PROP. III. Etiam in Orientali Ecclesia obtinuit aliquando communio sub una duntaxat specie .

Quantum enim spectat ad communionem parvulorum, Græci dant recens baptizatis Eucharistiam, imbuentes tantummodo vini guttulâ ipsorum linguam, ut demonstrat Arcudius in Concordia lib. 3. cap. 40. pag. 278. Micas Eucharistici panis, quæ post celebrata Missarum solemnia supercrant, distributas feria quarta, vel sexta pueris Grammaticorum scholas frequentantibus, idque ex vetusta consuetudine, narrant Evagrius lib. IV. Hist. Eccl. cap. 36. pag. edit. Valefii 411. & Nicephorus lib. xvii. cap. 25. pag. 772. quod & factetur Calixtus Halmetensis §. 36. Exercitationis suæ adversus *Transubstantiationem*. II. De infirmis habetur apud citatum Arcudium pag. 334. regula Eliæ Metropolitæ Cretensis, ut communio accommodetur *ἐπὶ τῷ ἀδύναμ αὐτοῦ*, ad ipsorum agrotantium infirmitatem, nimirum, si comedere nequeant, solus eis ministretur potus Eucharisticus: ac Scrapioni in exitu vitæ porrectam fuisse exiguum panis particulam *in aqua intinctam*, legitur apud Eusebium lib. vi. H. Ec. cap. 44. pag. 246. Valefianæ editionis. III. In persecutione Eucharistiam domi sumptam ab unoquoque, & ab iis, qui per eremum vitam monasticam instituebant de suis manibus perceptam, scribit S. Basiliius epist. 289. ad Cæsariam Patriciam, loquens proculdubio de specie panis, quam sacerdos in manus fidelium tradebat, ut vel ori admovent, vel secum illam deferrent. IV. In Missa *Præsanctificationum*, quam & Latini ex vetusta consuetudine celebrant feria VI. in Parasceve, Græci autem in Quadragesima sæpius, solam panis speciem absument. Ajunt quidem hæretici absumi utramque speciem, vel quia idem panis fuit antea sanguine intinctus, vel quia in Missa *Præsanctificationum* ei superinfunditur vinum, quod consecratur præsanctificatæ oblationis contactu; & ideo, inquit Hottingerus, plurali numero *Præsanctificata* dicuntur, & communiter τὰ ἁγια λείψανα, δῶρα. Sed facillimum est Hottingerum refutare, tum quia præcedens illa intinctio apud omnes Græcos non fit, tum quia exsiccat pane, vini species definit & evaporat, ut recte observarunt Allatius de viii. Synodo Photiana cap. 14. & Nihusius de Commun. Oriental. §. ix. solus autem contactus nequit efficere de non consecratis consecrata: & ideo appellantur *sancta dona* plurali numero, & quia in plures particulas dividuntur, & quia sub unica specie tam corpus, quam sanguis absumitur. Legi potest opusculum Joannis Matthæi Caryophylli Archiepiscopi Iconiensis ad art. 17. Confessionis Calvinianæ editæ sub nomine Cyrilli Patriarchæ Constantinopolitani. V. Apud Maronitas, ceterosque Orientales communicare sub unica specie rusticos, pastores, & ægrotos, qui Ecclesiam adire non possunt, constat ex Epistolis Abrahami Ecchellenfis, & Gabrielis Sionitæ ad cal-

ealcem Operis Allatiani de Ecclesiæ Occidentalis & Orientalis perpetua consensione. Apud Coptos-Jacobitas ægros non communicare sacro calici omnibus compertum est, auctore in Appendice ad Patriarchas Alexandrinos sect. 3. num. 205. erudito viro J. B. Sollerio.

PROPOS. IV. Sub utraque *specie* continetur totus, & integer Christus.

Sequitur hæc propositio ex Catholico *transubstantiationis* dogmate, si enim sub *specie* panis est corpus Christi, corpus autem Christi post resurrectionem est immortale, vivens, constans substantialibus partibus, & animæ, ac divinitati *hypostatice* conjunctum; profecto fieri non potest, ut sit alicubi corpus Domini, neque sit ibidem sanguis, anima, divinitas, ac tota Incarnati Verbi persona. Quare necessum est, ut propositionem istam rejicientes in plura hæresum capita consentiant; negentque in Christo unam individuumque personam, & in divino mysterio panem illum vivum, qui de cælo descendit. Invißtissimum etiam hujus veritatis argumentum est, quod Christus accepto pane affirmavit dare se discipulis corpus suum, quod in mortem quamprimum tradendum erat, ac pariter accepto calice asseruit præbere eundem sanguinem, qui in remissionem peccatorum effundebatur. Tunc vero corpus illud vivebat, & sanguis erat in eodem corpore vividus. Quare in postrema cæna cum suo corpore sanguinem, & cum sanguine corpus distribuit; idque pari consecratione nunc est dicendum, cum nobis Christus tradat corpus & sanguinem, quæ obtulit in cruce, & quæ post resurrectionem iterum fuerunt animæ conjuncta. Non ergo necesse est, ut multa de hac questione dicamus, quæ refutatis Sacramentariis, obvia est, ac planissima. Plura tamen de ea tradunt Scholastici in iv. dist. x. & qui sequuntur D. Thomam, 3. p. quæst. 76. art. 2. Bellarminus lib. iv. de Euch. cap. 21. & alii. Merito inter fidei decreta hanc veritatem recensuerunt sacrosancta Concilia, Constantiense sess. xlii. Florentinum in Instruct. Armenorum, & Tridentinum sess. xlii. cap. 3. & sess. xxi. cap. idem tertio. Optime priori in loco Tridentinum ait, *statim post consecrationem verum Domini nostri corpus, verumque ejus sanguinem sub panis & vini specie una cum ipsius anima & divinitate existere: sed corpus quidem sub specie panis, & sanguinem sub vini specie ex vi verborum; ipsam autem corpus sub specie vini, & sanguinem sub specie panis, animamque sub utraque, vi naturalis illius connexionis, & concomitantia, qua partes Christi Domini, qui jam ex mortuis resurrexit, non amplius moriturus, inter se copulantur: divinitatem porro propter admirabilem illam ejus cum corpore, & anima hypostaticam unionem.* Mire hæc verba illustant & corroborant rationem nuper productam. Hinc etiam infero, quod si Apostoli in triduo mortis Christi panem vinumque con-

fecerassent, quoniam tunc Domini corpus separatum erat a sanguine, & utrumque ab anima, extitisset *sub specie panis* corpus sine anima & sine sanguine, ac *sub specie vini* sanguis sine anima & sine corpore; quæ tamen in resurrectione Domini propter prædictam copulationem iterum conjuncta fuissent. Atque ita etiam docet S. Thomas cit. quæst. 76. art. 2. & lib. 1v. contra Gentes cap. 64.

Pror. V. Communicanti *sub utraque specie* non confertur amplior gratia, quam conferatur communicanti sub unica.

Enimvero, ut demonstratum est modo, ac definivit Tridentina Synodus sess. xx1. can. 3. *sub una tantum specie* continetur totus & integer Christus fons omnium gratiarum, & auctor. Absumens ergo *unam speciem*, nisi accedat ad sacram mensam indignus, adhæret Domino, Christus in eo permanet, eique confertur gratia cap. v. Joannis vers. 57. manducanti carnem ipsius Christi, & bibenti sanguinem repromissa. Deinde tota virtus carnis & sanguinis Christi est a divinitate illis *hypostatice* conjuncta: si ergo tam *sub una specie*, quam *sub utraque* recipiuntur caro, & sanguis unita divinitati, tam sub una, quam sub duplici specie continetur eadem virtus sacramenti. Atque hinc est, quod præcitato cap. 6. Joannis idem prorsus effectus tribuitur modo carni, & sanguini, ut versu 55. *Qui manducat meam carnem, & bibit meum sanguinem, habet vitam æternam*; modo autem carni duntaxat, aut pani, ut versu 52. *Si quis manducaverit ex hoc pane, vivet in æternum: & panis, quem ego dabo, caro mea est pro mundi vita*. Præterea quamvis in utriusque speciei communicatione duo symbola, quorum utrumque gratiam confert, suscipiantur; eadem tamen symbola causant gratiam ratione rei, quam continent: si ergo eadem res communicatur tam *in una*, quam, *in duplici specie*, participatur quoque eadem omnino gratia. Neque enim quicquam officit, quod in absumptione utriusque speciei bis eadem res contenta distribuatur, aut eandem speciem habeant significationem, rationemque diversam; siquidem in bina illa absumptione fit una communio ac spiritalis refectio, in qua proinde species altera eo prorsus modo se habet, ac dum sacerdos post sacrificii hostiam plures absumit particulas; quo in casu uberior gratiam non recipit, nisi forte *ex opere operantis*, & ob repetitos actus devotionis; quod etiam in communione speciei *unius* fieri potest. Etsi vero duæ species habent diversam rationem; quantum tamen ad rem attinet, ejusdem sunt efficaciæ; quoniam species panis representat corpus, quod reapse est unitum sanguini, ac species vini sanguinem, qui actu corpori permixtus est: efficacia autem hujus sacramenti, ut dixi, inest symbolis ratione rei, quam continent, & significant. Hæc arbitror ad propositam v. thesim definiendam sufficere: sed qui plura desiderat, adeat Bellarminum lib. 1v. de

de Euch. cap. 23. Sylviu in 3. p. q. 80. art. 2. Joannem Cochleum , & Hoffmeisterum in Harmoniam Confess. Augustanæ pag. 413. & seq. & Gasparum Casalium lib. 2. de Cœna & Calice Domini cap. 25.

PROPOS. VI. Jure optimo, atque omni æquitate non sacerdotibus usus calicis sublatu est.

Hæc propositio ratione ista suadetur. Quod ad salutem necessarium non est, & spectat ad *solan disciplinam*, si ob hæreticorum perviciam temere & audacter propugnetur ad prava dogmata stabilienda, omni jure a Rectoribus Ecclesiarum, qui pro temporum, & locorum circumstantia immutare possunt quæ pertinent ad *disciplinam*, antiquatur & inhibetur. Talis est usus calicis, quem ad æternam salutem non esse prorsus necessarium constat ex sacris litteris, ex Conciliorum definitionibus, atque ex omnium sæculorum consuetudine, juxta quam, iis quoque temporibus, quando utriusque *speciei* communio erat frequentior, parvulis, & ægrotis, necnon illis, qui non poterant adire Ecclesiam, solebat porrigi unica tantum *species*: ex alia autem parte Novatores usu calicis abusi sunt ad dogmatizandum, quod sub una *specie* non sit Christus integer; quod sit Pontificiorum commentum asserta in panis symbolo concomitantia sanguinis, & sub specie vini præsentia corporis; quod si priventur *specie* altera, defraudantur fideles necessaria spiritus alimonia. Igitur Rectores Ecclesiæ omni æquitate servata usum calicis pro non sacerdotibus abrogarunt. Id præstitisse Concilia, Romanosque Pontifices, non *absolute*, sed ob prædictum abusum, & ob arrogantiam atque perfidiam hæreticorum inde evincitur, quod tempore Concilii Constantiensis celebrati an. 1415. & subsequentibus aliquot annis, ministri omnes altaris communicabant *sub specie utraque*, ut fatetur Ruardus Tapperus tom. 2. pag. 342. necnon Gerardus Vossius tom. 6. pag. 446. Post Synodum quoque Basileensem Romanus Pontifex aliquando *sub utraque specie* laicos communicavit, prout inquit in Epist. 7. ad Bohemos data anno 1452. Nicolaus Cardinalis Cusanus. Præterea nunquam Ecclesia Romana Græcos & Orientales damnavit, propterea quod passim absumant utrunque symbolum: ac Tridentina Synodus, ut supra diximus, declaravit spectare ad Romanum Pontificem examinare, an expediat, necne laicis perantiquum communionis usum permittere. Ipsamet Basileensis Synodus eundem usum Moravis, Bohemisque concessit, ea lege, ut *sub qualibet specie totum adesse Christum* faterentur; idemque Germanis, ad prudentiam & arbitrium Episcoporum, an. 1564. indulxit Pius IV. ut narrat Raynaldus ad eundem annum, num. 32. Cum ergo Concilia, & Pontifices Romani communionem calicis haberent tanquam indifferentem, cur illam, quæso, interdixerunt, nisi ut eadem sublata facilius prava hæreticorum dogmata extirparent.

rentur? Accesserunt autem his causæ aliæ quamplurimæ; nimirum pristini ritus defuetudo; tempore enim Concilii Basiliensis trecenti prope fluxerant anni, ex quo *sub una specie* laici communicabant, ut ostendit in Oratione sua, quæ extat tom. xii. Conc. pag. 1057. Joannes de Ragusio: necessitas deferendi viaticum infirmis quacunque hora: abstemiorum multitudo: periculum effusionis in magna, præsertim populorum frequentia: difficultas conservandi *speciem vini* absque eo quod acefcat; atque, ut causas alias omittam, consensus fere omnium Catholicorum, & irrationalis illorum hæreticorum præsumptio, qui calicem Domini symbolum pacis, & unitatis sacramentum, fecerunt tessera schismaticæ divisionis; quemadmodum demonstrant Cardinalis Cusanus in Epistolis ad Bohemos, & Hoffmeisterus noster in Confessionem Augustanam loco superius laudato.

PROP. VII. Non expedit iterum laicis permittere sublatum calicis usum.

Si enim id expediret, foret maxime, ut per hanc Ecclesiæ benignitate divulsæ a nostra Protestantium Ecclesiæ redirent ad unionem. At causa separationis non est sola pristina consuetudinis abolitio, sed pravitas dogmatum, & pertinacia doctrinæ integrum Christum *sub una specie* negantium. Præterea vel Novatores usum calicis existimant ad salutem necessarium, vel retinent tanquam ritum indifferentem. Si necessarium putant, cur illis in tam absurda opinione assentiamur? Si vero credunt indifferentem; cur potius ipsi non recedunt a variabili disciplina, ut obtemperent veræ Ecclesiæ statutis, nec ab ea separati sacrilege & inutiliter participant sacramenta, quæ *extra unitatem Corporis Christi* nequeunt prodesse? Insuper cum Romani Pontifices, ac præsertim Pius IV. quibusdam per Germaniam laicis calicem concessisset; tali humanitate adeo quidam abusi sunt, ut hoc pretextu damnatam Jacobellianam hæresim suscitarent: quod impulit S. Piam V. & Gregorium XIII. ad confessionem Pii IV. revocandam, ut narrat ad annum 1564. num. 36. Raynaldus. Cum etiam Martinus V. in festo Paschatis communicasset laicos *sub utraque specie*, atque hos inter medicum quemdam Bohemum; cepit in postea gloriari probatam tandem ab ipso Romano Pontifice hæresim Jacobelli: quod impulsisse Martinum, ut deinceps in solemnitate Paschali ritum hunc prætermitteret, litteris prodidit Henricus Kalteisen Archiepiscopus Nidrosiensis in disputatione contra Bohemos, apud Canisium Tom. iv. p. 2. Antiq. lectionum. Et si denique non omnes, quibus restitueretur usus calicis, inducerentur in impiam illam, hæreticamque opinionem, quod *utraque species* necessaria sit ad salutem, atque in una non contineatur totus Christus; alii tamen hæretici in suo firmarentur errore, & jactarent

Ro-

Romanam Ecclesiam sententiam suam retractasse, nec esse rerum credendarum Regulam irrefragabilem. His, & consimilibus rationibus Oratores illi, qui in Tridentina Synodo nomine quorundam Principum instabant pro usu calicis restituendo, persuasi, & instructi a petitione sua recesserunt: quamquam prudentissime Synodus sacrosancta declaravit pertinere ad supremum Ecclesiæ Pastorem expendere, ac decernere quid hac in re sit agendum; ut diximus paullo supra.

AD HAERETICORUM ARGUTIAS.

Partite definitis, comprobatisque hisce thesibus, non erit laboriosum ea diluere, quæ solent opponi ab hæreticis. Urgent priori loco adversum nos ea testimonia Scripturæ, quæ videntur præscribere singulis, etiam laicis, corporis sanguinisque communionem. Hujus generis sunt, quæ leguntur Joan. vi. 54. *Nisi manducaveritis carnem filii hominis, & biberitis ejus sanguinem, non habebitis vitam in vobis*: ubi occurrit particula *Et*, utramque præcepti partem æqua ratione complectens, utrumque symbolum proponens. Deinde quemadmodum Christus panem porrigens inquit Matth. xxvi. 26. *Accipite, & comedite*; ita versu proximo porrigens calicem ait, *Bibite ex hoc omnes*; atque ne a calicis potu excludantur laici, addidit prætermissum supra signum universale, *OMNES*. Et quidem repræsentabant in ultima cœna Apostoli universam Ecclesiam, nec ambigendum est, quin *ad omnes* pertineat impositum illis præceptum; Paulus etiam ex traditione Domini *utramque speciem* commendat in prima ad Corinth. xi. 24. 25. ubi tam de pane, quam de calice ait Dominum dixisse, *Hoc facite in meam commemorationem*: quod Apostolus repetens versu 26. inquit: *Quotiescunque enim manducabitis panem hunc, & calicem bibetis, mortem Domini annuntiabitis donec veniat*. Versu etiam 28. ait: *Probet autem seipsum homo, & sic de pane illo edat, & de calice bibat*. Superiori capite x. 16. 20. dehortans ab idololatria Corinthiacam Ecclesiam longe maximam partem ex laicis collectam, sic eam affatur, *Calix benedictionis, cui benedicimus, nonne communicatio sanguinis Christi est? Non potestis calicem Domini bibere, & calicem demoniorum*. Ibi autem removet Apostolus a cultu simulacrorum argumento ex calicis communionem deprompto.

Resp. frustra nobis opponere Novatores caput sextum Joannis, quod eorum plerique accipiendum esse contendunt *de manducatione fidei, non oris*, qua scilicet credamus carnem Christi pro nobis crucifixam fuisse, effusumque sanguinem ejus in remissionem peccatorum, ut præ ceteris Calvinus lib. iv. Institut. cap. xvi. num. 6. & Sacramentarii, de quibus supra pag. 272. Nullam præterea habet

viam

vim argumentum, si cum Augustino, Innocentio, & Gelasio illa verba, *Nisi manducaveritis*, Græc. accipiantur de mystica manducatione, qua per sacramentum regenerationis Ecclesiæ inferimur, & effuso pro nobis sanguine abluimur. Corruit pariter argumentum, si dicamus *sub specie panis* sumi etiam sanguinem per venas in corpus diffusum; siquidem nec hæretici, qui nobis opponunt perantiquum usum *panis intincti*, defendere possunt necessitatem proprie *bibendi*, seu vini seorsum & separatim sumendi. Sed ne recedamus a communi firmissimæ responsione, negamus illis verbis, *Nisi manducaveritis*, Græc. contineri præceptum sumendi *utramque speciem* divinum. Enimvero effectus, qui utrique *speciei* adscribitur, etiam unitantum tribuitur, ut docet Synodus Tridentina sess. 21. cap. 1. & nos supra prop. 1. demonstravimus. Quare in illo textu particula: *Et* potest optime accipi *disjunctivæ* ob contextus apertissimos ejusdem capituli sexti: tamen retinet vim propriam atque nativam, quatenus manducans carnem & panem vivum, sumit etiam sanguinem, & *sub una specie* totum Christum contineri firmissime credit. Quod sequitur solum est Tom. 6. pag. 135. ubi ostendimus verba Christi cœnam instituentis ad solos Apostolos segregato in loco disponentes, & ad sacerdotium promotos, fuisse directæ: quare non alia ratione representabant illi totam Ecclesiam, nisi eo ferme pacto, quo Primates & Magistratus representant Rempublicam. Nil proinde ex cap. xxv. Matthæi inferri potest, nisi munus sacerdotibus impositum consecrandi & distribuendi Eucharistiam: neque enim quæcunque Christus instituit, & fieri voluit, ad omnes æqualiter attinent, aliâ essent omnes in Ecclesia Doctores & Pastores, neque ullum esset inter Clericos, laicosque discrimen. Neque vero ait Christus Apostollis, *Distribuite calicem*; immo nec eo consecrato, eumque porrigens dixit, *Hoc facite*, sed tantummodo inquit, *Bibite ex eo omnes*; ut inde sacerdotes colligerent jussu utique sibi, ut de calice biberent, & sacrificium consummarent, sed non ut calicem distribuere. Hoc enim postremum nec mandavit, nec prohibuit, quoniam illorum arbitrio mutanda, & dirigenda reliquit, quæ non sunt omnibus necessaria, sed pertinent ad consuetudines, vel ceremonias. Ea itaque verba, *Bibite ex eo omnes*, dicta sunt ad singulos sacrificantes: idque apposite adnotarunt plurium Versionum auctores, qui ita exscripserunt, *Bibite ex eo omnes vos*: hanc siquidem lectionem exhibent v. tom. Polyglot. Walt. pag. 136. Syriaca, Arabica, Aethiopica. Perperam itaque Novatores extendunt *Omnes* etiam ad laicos. Maldonatus in cap. 26. Matth. scribit, ideo in fractione panis Dominum non dixisse, *Accipite omnes*, quoniam ipsemet panem fregit, & sigillatim unicuique distribuit: e contra dixisse, *Bibite ex eo omnes*, quia calicem uni tantum tradidit, ut is proximiori

& iste

& iste alteri ad ultimum usque porrigeret, unde apud Lucam cap. 22. Dominus dixisse fertur, *Dividite inter vos*. Ingeniosa est hæc observatio, ac valet plurimum ad revincenda hæreticorum sophismata; quare ibidem Maldonatus miratur expositores alios tam commodam interpretationem non advertisse; quamquam revera advertit etiam Erasmus, insertus Volumini vi. Criticorum sacrorum pag. 865. Theophylactus in Matth. pag. 162. opinatur ea verba, *Bibite ex eo omnes*, dicta fuisse propter Judam, qui porrectum sibi panem non comedit, sed occultavit: quod refero tantum, ne hoc videar prætermisisse. Ex Apostolo autem hæretici inepte argumentatur: nam in 1. ad Corinth. cap. xi. versu 25. non præcipit, ut quisque calicem bibat, sed tantum, ut *quotiescunque biberit*, id faciat in Christi commemorationem, abigens veteris legis sacrificia, & mysteria legis novæ a communi mensa secernens. Similiter versu 28. nil aliud mandat, nisi ut sacramenta, quando suscipiuntur, digne suscipiantur. In capite pariter præcedenti nihil intendit aliud, nisi quod nemo possit servire idolis, & participare Christiana mysteria, nec simul spectare ad conventicula Satanæ, & ad corpus mysticum Christi; cujus tamen unitatem commonstrari participatione *unius symboli* docet ipsemet Paulus eodem cap. x. 17. *Quoniam unus panis, unum corpus multi sumus, omnes qui de uno pane participamus*. At demente Apostoli supra propositi. 1.

Pergunt objectare Novatores: Communio percipienda est *in commemorationem* passionis Christi, ut inquit citato cap. xi. Apostolus. At passio Christi non commemoratur sola communione panis, quia hæc non repræsentat sanguinem effusum, & a corpore separatum. Igitur communio solius panis non est ea communio, quam Christus percipiendam esse mandavit. Præterea sanguinis effusione novum Testamentum confirmatum est, immo idem sanguis *Testamentum* dicitur Lucæ xxii. 20. Sicut ergo ad omnes pertinet Testamentum, ita ad omnes spectat sanguinis participatio, & communio.

Resp. Possæ Eucharistiam dupliciter considerari, ut sacrificium, & ut sacramentum est: ad rationem sacrificii requiritur mystica quædam immolatio, quæ sit dum seorsim corpus, & seorsim sanguis consecrantur, qua separata consecratione significatur sacrificium crucis, in qua Christi sanguis fuit effusus, & divisus a corpore: ad rationem vero sacramenti sufficit, ut sit sensibile signum corporis Christi pro nobis immolati; quale utique signum persistit *in una specie*, quoniam dum una species fumitur sine altera, significatur corpus Christi fuisse a sanguine separatum. Distinguo itaque minorem; in sola communione panis non habetur commemoratio passionis Christi, idest, immolatio mystica, sive imitatio cruentæ immolatio-

tio.

tionis; quæ pertinet ad sacrificium, concedo: non habetur commemoratio Dominicæ passionis, scilicet, signum corporis Christi pro nobis crucifixi, atque immolati, quod sit est ad rationem sacramenti, nego. Quod si dicas expressius immolationem crucis, & sanguinis effusionem repræsentari in duplici specie, quam in una; tenet eadem responsio, nimirum, quod illa magis expressa repræsentatio ad sacrificium utique, sed non ad sacramentum sit necessaria. Quod vero additur de Testamento, nullius est roboris; eatenus quippe sanguis appellatur *testamentum*, quatenus sanguine testamentum novum firmatum est, ut explicavimus supra pag. 297. Licet autem sanguis Domini Ecclesiæ relictus sit legato quodam testamentario, non sequitur quod omnibus sit seorsim a corpore tribuendus, sed tantummodo quod in ejus distributione servanda sit Testamenti voluntas, & attendenda illorum, ad quos pertinet testamentum, necessitas & conditio.

Insuper hæretici obijciunt: Commendat utriusque speciei communionem vetus traditio, & constans judicium antiquitatis. Servavit enim hoc de calice præceptum ultra mille annos Ecclesia universalis. Testis est in altera Apologia Justinus, Cyprianus in Epistola ad Cæciliam, & in libro de lapsis, Chrysostomus hom. 18. in 2. Epistolam ad Corinthios, & alii. Prætermittendum non est decretum Gelasii de quibusdam calicem recusantibus, relatum a Gratiano cap. *Comperimus*, de Consecrat. dist. 2. num. 12. *Comperimus autem, quod quidam sumpta tantummodo corporis sacri portione, a calice sacri cruoris abstineant. Qui proculdubio, quoniam nescio quæ superstitione docentur obstringi, aut integra sacramenta percipiant, aut ab integris arceantur: quia divisio unius ejusdemque mysteriis sine grandi sacrilegio non potest provenire.* Extat idem canon etiam apud Ivonem parte 2. n. 89. & Micrologum cap. 19. Paschasius lib. de Corpore Domini cap. 15. post ea verba, *Accipite, & bibite ex hoc omnes*, inquit, *Tam ministri, quam & reliqui credentes.* *Hic est calix, &c.* Quo in loco frustra Joannes a Lovanio, & qui eum sequitur, Bellarminus lib. iv. de Euch. cap. 26. ad 16. pro *Bibite* reponunt *Edit*; nam reclamat ratio, quæ de calice additur.

Resp. nil aliud ex prælaudatis Patribus inferri, nisi communionem utriusque symboli fuisse aliquando laicis ministratam, quod minime negamus, eruentes ex ipsomet antiquitatis fonte frequentissimam fuisse sumptionem *unius speciei*, præsertim in communionem domestica, atque in porrocta pueris, abstemiis, ægrotis, nec non in Missa ~~apostolica~~, *Præsanctificationum*. Reponunt hæretici contra veriam nobis esse de conventibus publicis; additque Cassander communionem *unius speciei* fuisse extraordinariam, præter legitimam consecrationem, & oblationem. Hujus proinde viri testimonio ni-

mum gestiunt heterodoxi. At primo negamus privatum fuisse conventum illum, quo in Actibus Apostolicis conveniebant fideles *ad frangendum panem*; & negamus pariter fuisse *extraordinariam* synaxim, quam *sub una specie* celebrabant Angli ante Bedam, Monachi vivente Bernardo, & ante Jacobellum Ecclesiæ complures. Deinde vel illa extraordinaria unius symboli sumptio erat *sacramentalis*, & proficiebat ad vitam, vel non. Si reponant hæretici non fuisse *sacramentalem*, nec vivificam; damnant ipsi potius universam antiquitatem, quæ nec extreme laborantibus dederit Sacramentum, & spiritualis vitæ alimoniam: & si fateantur proficiam, atque *sacramentalem*, concedere debent utrumque symbolum necessarium non esse, sive ad perceptionem sacramenti, sive ad consecutionem æternæ vitæ. Nonnihil difficultatis ingerit decretum Gelasii; sed occurrit duplici responsione. Prima est damnari eo decreto quosdam sacerdotes, qui post consecrationem sumebant corpus, sed abstinebant a sanguine, nam apud Ivonem, Micrologum, & Gratianum, capiti *Comperimus* hic præfigitur titulus, *Corpus Christi sine ejus sanguine sacerdos non debet accipere*. Utuntur autem hac responsione Glossa Decreti, Joannes a Daventria, Cochleus, & Hoffmeisterus in Confessionem Augustanam, aliique ævi superioris. Altera responsio est recentiorum fere omnium, qui putantes decretum illud esse Gelasii primi, & latum adversus Manichæos (quod tamen incertum est) docent idcirco Gelasium præscripsisse communionem calicis, ut hoc indicio detegerentur iidem Manichæi, qui a vino tanquam a re mala, & diabolica, *sacrilega superstitione* abstinebant; unde etiam inferunt fuisse ante Gelasium liberum unicuique sumere, aut unam speciem, aut alteram, aut utramque. Certe Manichæi, ut tutius in Urbe laterent, frequentabant Catholicorum mysteria, *sed sanguinem Redemptionis haurire declinabant*, unde S. Leo Magnus sermone iv. de Quadragesima ait, deprehensa hoc indicio sacrilega illorum simulatione, expellendos auctoritate sacerdotali *a sanctorum societate*. A moribus Manichæorum abstemias virgines dictas fuisse *Manichæas* observatum supra prop. 2. Hæc omnia reddunt postremam responsionem valde probabilem, sed etiam prima diluit objectionem, ac plana est, facilis, expedita. Paschasium accomodasse ea verba, *Bibite ex eo omnes*, ad usum sui temporis, censet Estius dist. xi. §. 8. Conjectura tamen Joannis a Lovanio, & Belarmini de interpolato Paschasii codice redditur probabilis ex integra periodo, quæ ad hunc modum se habet: *Hic solus est, qui frangis hunc panem, & per manus ministrorum distribuis credentibus, dicens: Accipite, & bibite ex hoc omnes*. Addo Christum porrigendo calicem Matth. xxv. 27. non dixisse, *Accipite, & bibite*, sed dixisse, *Bibite ex hoc omnes*. De pane duntaxat scriptum est su-

periori versu, *Accipite, & comedite*. Igitur & propter orationis syntaxim, & propter citati textus germanitatem legendum est in Paschasio, *Accipite, & comedite*: aut si retinendum est, *Bibite*; exponenda sunt verba de sanguine *sub specie panis* latente, & *per concomitantiam* permixto carni.

Denique opponunt: In Sacramento Eucharistiæ exhibetur fidei libus spirituale convivium. At convivium separatim constat cibo, atque potu. Ergo præter *speciem panis*, quæ ad cibum pertinet, dandus est communicanti potus, & calix Christi sanguine consecratus. Resp. in convivio spirituali idem esse quod continetur sub accidentibus panis, & quod adest sub speciebus vini, utrobique scilicet sumi totum, & integrum Christum, quod minime reperitur in partibus, quibus constat convivium corporale; quamvis & istud instrui possit una duntaxat re, veluti quando lacte nutriuntur infantes. Distinguenda est itaque minor, Convivium institutum ad nutrimentum corporis constat separatim cibo atque potu, transeat. Convivium paratum ad alimoniam spiritus, nego. Hinc colliges panem vinumque Eucharisticum rectius dici *species* sacri convivii, quam *partes*; cum utraque species etiam separata convivium sit plenum, & verissimum sit quod sess. xiii. cap. 3. ait Tridentinum, *santumdem sub alterutra specie, atque sub utraque contineri*.

C A P U T XVI.

Quibus exhibenda sit communio Eucharistica.

Inquiri solet hoc in loco quibus Eucharistia administranda sit: cumque ea sit Sacramentum *viventium* atque institutum ad animæ jam in vita spirituali constitutæ alimoniam ac nutrimentum, oritur prior quæstio, an ab Eucharistica mensa procul arcendi sint homines sceleribus inquinati. Deinde cum varia sint hominum genera, quibus aliquando data est, aliquando autem denegata communio, de his etiam inquiritur singillatim. Sunt vero hi, parvuli, energumeni, damnati ad mortem, & qui post vitam contaminatam perveniunt ad vitæ extrema. Mortuis quoque data fuit aliquando Eucharistia, aut cum eorum exuviis in sepulcro recondita: de qua item consuetudine flagitabit, ut dicamus aliqua, studiosus, & sacre eruditionis amator. Ergo hæc omnia suis distincta numeris explicabimus.

DE SCLETEROSIS, ET IMPIIS.

Certum est malos quoque, & sceleribus inquinatos re ipsa *sacramentaliter* manducare Christi carnem, quamvis oppositum teneant

rint quidam veterum, ut refert q. 80. art. 3. S. Thomas, eamque sententiam postea amplexus fuerit Wiclefus, ut inquit Thomas Waldensis tom. 2. de Sacram. cap. 60. Etenim de singulis Apostolis, inter quos erat proditor Judas, legitur Marci xiv. 23. *Et biberunt ex illo omnes*. Apostolus in 1. ad Corinth. cap. x. 17. postquam ait panem, quem frangimus esse communicationem corporis Domini, subjecit, *Unum corpus omnes sumus, qui de uno pane participamus*, comprehendens procudabio signo universali etiam malos, qui Ecclesie sunt membra, & quos monet ut vitent idololatrarum consuetudinem, propterea quod nemo possit *calicem Domini bibere, & calicem damoniorum*. Ac proximo cap. versu 27. indigne communicantes appellat reos *corporis & sanguinis Domini*. Docent similia Patres: nam Augustinus lib. v. de Baptism. cap. 8. num. 9. ait: *Indigne quisque sumens Dominicum sacramentum, non efficit, ut quia malus est, malum sit, aut quia non ad salutem accipit, nil acciperit. Corpus enim Domini, & sanguis Domini nihilominus erat in illis, quibus dicebat Apostolus, Qui manducat indigne, judicium sibi manducat & bibit*. Extant eadem verba cap. Sicut Judas, de Consecrat. dist. 2. num. 68. Idem habetur cap. Polluimus, ejusdem distinctionis 84. quod Gregorio attribuitur, sed exscriptum est ex Comment. Hieronymi in cap. 1. Malachie, v. 7. His non opponitur cap. *Qui discordat*, ubi legitur, *Qui discordat a Christo, nec manducat carnem ejus, nec sanguinem bibit*, ead. dist. 2. num. 65. ita enim exponendum est, indignum non manducare Christi carnem *spiritualiter*, utiliter, & quoad effectum, qui est habere Christum in se permanentem, ut explicatum est supra pag. 286. & constat ex cap. *Qui seclerate*, in ipsamet distinct. num. 24.

At licet ne peccatoribus dare communionem? Si peccatores publici sint, nequaquam. Sacerdotibus enim hæc a Domino inculcantur Matth. vii. 26. *Nolite sanctum dare canibus, nec mittatis margaritas vestras ante porcos*. Canes juxta Chrysostomum Hom. 24. in Matth. pag. 235. sunt homines perditissimi, & in impietate viventes *immedicabili*; porci vero, qui commorantur in luto in frans luxuria. His ergo deneganda est Eucharistia, cujus particulas appellaverunt antiqui Patres *margaritas*, apud Lupum disert. de quibusdam Patrum locis cap. x. Ex cap. *Pro dilectione*, deprompto ex Epistola 61. alias 2. S. Cypriani ad Fucratium, liquet denegandam esse communionem histrionibus, & magis, qui in *artis suis dedecore perseverant*. Idem dicendum de publicis usurariis, meretricibus, concubinariis. Obstringuntur eadem lege excommunicati, ac publice denunciati: & decreto Innocentii XI. an. 1683. etiam mulieres, quæ ad altare accedunt habitu ad lasciviam composito. Hujus rei manifesta est ratio, quod peccator publicus nullum jus habeat ad

ea sacramenta, quorum perceptio exigit probitatem. Illum autem dicimus peccatorem *publicum*, cujus crimen notorium est, & in publicam notitiam venit, aut per evidentiam facti, quæ nulla tergiversatione celari potest, aut per iudicium vel sæculare, vel Ecclesiasticum, in quo rei de peccato suo convicti fuerint. Ita in cap. *Tua* nos, & cap. *Quæsitum est*, de Cohabit. Cleric. ita Augustinus homilia ultima ex 50. nunc serm. 351. num. 10. Ita S. Thomas, cui Theologi omnes subscribunt, 3. p. q. 82. art. 9.

Quid vero, si crimen occultum sit, aut notum solummodo per confessionem? Eo in casu dum peccator publice petit, & coram aliis ad synaxim accedit, arceri non debet, quoniam *in facie Ecclesiæ non constat ipsum amisisse jus suum*. Ita præcatus S. Thomas in 1v. dist. 9. art. 5. q. 1. Idem docuit Salvator, qui Judæ corpus & sanguinem suum in ultima cœna minime denegavit. Legitur in Vita S. Bernardi conscripta a Guilelmo Abbate, quæ postponitur in vetustioribus editionibus, ac præmittitur in recentiori, lib. 1. cap. xi. exemplum omnino in communitate servandum: *Agebatur solemnitas quadam præcipua, & frater aliquis, quem pro secreta culpa ab altaris sacri communionis suspenderat, notari timens, & ruborem non sustinens, ad manum ejus cum ceteris nimium presumptuosus accessit. Intuitus autem eum, quoniam causa latens erat, repellere hominem noluit, sed intimo corde orabat Deum, ut de tanta presumptione melius aliquod ordinaret*. Istiusmodi orationi addi potest, nisi res insolita ingerat suspicionem, efficax hortamentum ut quisque probet seipsum, nec sese efficiat reum Dominici corporis. Quod si peccator privatim communionem petat, ei deneganda est, quoniam nec ei fit injuria aliqua, nec irrogatur infamia, nec jure suo defraudatur; nam revera jus in se non habet, tametsi illud retineat, (quandiu crimen non est publicum atque notorium) in conventu & iudicio Ecclesiæ. Excipiendum tamen arbitramur casum, quando crimen notum est sacerdoti per solam confessionem, quamvis S. Thomas citato in loco scribat: *Si sacerdos sciat peccatum alienius, qui Eucharistiam petit, per confessionem, vel quolibet alio modo, distinguendum est: quia aut peccatum est occultum, aut manifestum. Si est occultum, aut exigit in occulte, aut in manifesto. Si in occulto, debet ei denegare, & monere ne in publico petas, &c.* Idem docent Durandus, & Estius in eandem dist. 9. §. 4. Videtur his accedere Natalis Alexander de Euch. cap. v. prop. 4. Reg. 3. Adhæremus tamen nos sententiæ oppositæ, quoniam Eugenius Papa cap. *Si sacerdos*, de off. Jud. Ordinarii inquit: *Si sacerdos sciat pro certo aliquem esse reum alicujus criminis: vel si confessus fuerit, & emendare noluerit, nisi iudiciario ordine quis probare possit, non debet eum arguere nominatim, sed indeterminate, sicut dixit Christus: Unus vestrum me traditurus est. Sed* *scilicet,*

si ille, cui damnum illatum est, petierit iustitiam, potest excommunicare auctorem damni, licet etiam ei confessus sit: sed tamen non nominatim potest eum removere a communione, licet sciat eum esse reum; quia non ut iudex scit, sed ut Deus, sed debet eum admonere ne se ingerat, quia nec Christus Judam a communione removuit. Ita 1. Decret. tit. 31. cap. 2. Adde confessionis sigillum, & curam maximam adhibendam, ne peccatorum confessio in contemptum, invidiamque trahatur. Subscribunt huic sententiæ Gabr. in 1v. dist. 9. Sylvius in 3. p. quæst. 80. art. 6. Navarrus cap. 21. num. 55. Suarez disput. 97. sect. 3. Vanroy in Append. ad Tract. de Euch. art. 3. ac D. Thomam in opinione, quam junior adoptaverat, non perlitisse potest conjici ex art. 6. quæst. 80. ubi prætermissa sententia, quam tenerat in 1v. quamvis opportunum fuisset illam inscribere articulo, laudat solummodo probatque auream Augustini regulam ex postrema homilia inter 1. nunc serm. 351. *Nos a communione prohibere quamquam non possumus, nisi aut sponte confessum, aut in aliquo iudicio Ecclesiastico, vel seculari nominatum atque convictum.* Ita sentit Dominicus Soto in 1v. dist. 12. q. 1. Sed regula Augustini, consensu omnium, est de peccatoribus occultis, qui publice petunt; quorum famæ consulendum esse docet eodem art. 6. ad 2. Doctor Angelicus.

Adverte non posse sacerdotem accedenti ad communionem pro corpore Domini dare hostiam non consecratam, quando novit occultam ejus improbitatem, nec fas est eum repellere propter scandalum ceterorum. Docent id Theologi universi cum S. Thoma cit. quæst. 80. art. 6. ad 2. primum quia sacerdos quantun in se est tali in casu induceret adstantes in idololatriam; deinde quia admitti non debet hæc compensatio, *ut nos faciamus aliquid mali; ne alius gravius malum faciat*, ut inquit S. P. Augustinus q. 42. in Genes. præterea quia non impeditur ea ratione sacrilegium animo accedentis patratum, nec injuria Domino illata: postremo quia in cap. *De homine*, lib. 3. Decret. tit. 41. de celebrat. Missarum legitur impie se gerere sacerdotem, *qui propter sui facinoris conscientiam, Missam celebrare se fingit, & suppressis verbis, quibus consecratur corpus Christi, panem & vinum tantummodo pure sumit*; ibique proferitur hæc ratio, *Cum falsa sint abjicienda remedia, quæ veris sint periculis graviora.*

DE PUERIS, ALIISQUE RATIONIS USU CARENTIBUS.

Quid afferendum sit de pueris colligitur ex hætenus disputatis. Datam enim aliquando parvulis statim post baptismum Eucharistiam diximus præcedenti cap. prop. 2. & 3. At illis necessariam non esse ostendit

ostendimus cap. xiv. theoremate primo. Hinc inferitur agi hic de re ad *solum disciplinam* spectante. Cum ergo a duodecimo seculo defuerit vetusta consuetudo, ut constat ex Hagone Victorino lib. x. de Sacrament. cap. 25. & ætate divi Thomæ, seculo nempe terdecimo, invaluerit opinio affirmans pueris Eucharistiam porrigendam, non esse, id in Occidentali Ecclesia servandum est. Græci enim, Syri, & Copti priorem adhuc retinent disciplinam; ob quam immerito a plerisque Orientales redargui, observat Dominicanus Auctor de Re Sacram. tom. 1. pag. 436. Non enim reprehendendum est, quod per plura secula universaliter obtinuit, & quod Romana Ecclesia in aliis patitur: nec fovenda sunt schismata ob variabilem disciplinam. Cur apud nos abolita fuerit pristina consuetudo, non una est causa. Prior est, quod pueruli non percipiunt quid sumant, & carent devotione; ac in re minime ad salutem necessaria, præponderare debet reverentia tanti Sacramenti augmento illi gratiæ, cujus defectu parvuli nullum patiuntur spiritale detrimentum. Altera est, quod infantes nequeunt *speciem* panis digerere, *speciem* autem vini facile vomendo ejicerent. Adde tertiam causam, nempe ut recentiori Ecclesiæ usu reproberetur eorum sententia, qui censent pueros baptismate regeneratos non posse absque Eucharistia salvari, eamque sententiam adscribunt Patribus, ut diximus cap. xiv. De amentibus, qui nunquam habuerunt rationis usum, eadem, ac de parvulis habenda est ratio: si autem fuerunt aliquando compotes sui, & erga hoc Sacramentum devotionem aliquam exhibuerunt, non debent in morte privari Viatico, ex canone 76. Concilii iv. Carthaginensis, inserto secundæ parti Decreti, xxvi. q. 6. cap. *It, qui penitentium*. Mutis, surdisque, si per nutus ac signa præferant conceptum de peccatis dolorem, piamque animi præparationem, non esse Eucharistiam denegandam suadet ratio, omnesque prorsus consentiant.

DE ENERGUMENIS, ET ARREPTITIIS.

Energumenis denegatam aliquando Eucharistiam demonstrant antiquæ Liturgiæ, quæ docent Diaconum post exitum Catechumenorum alta voce clamasse, *ἐκλίνετε εἰς ἐνέργυμον, Exite energumeni*. Vide lib. viii. Constit. Apost. cap. 7. pag. novæ edit. 294. Canone etiam 29. Illiberitano præscribitur, neque energumeni nomen ad altare cum oblatione recitandum, neque permittendum, ut sua manu in Ecclesia ministret. Iste tamen canon de solis illis energumenis accipiendus est, qui ita a maligno spiritu exagitantur, ut subjecti sint diuturnæ perturbationi; nam additur, *Qui ab erratico spiritu exagitantur*. Hinc canone 37. ejusdem synodi Illiberitanæ permittitur com-

communio iis, qui a spiritibus immundis vexantur: ac possunt optime hi duo canones invicem conciliari, siue distinguantur energumenum genera, siue canon postremus accipiatur de energumenis lethali morbo correptis. Energumenis itaque, nisi actu exagitentur a dæmone, porrigenda est communio. Etenim Concilium 1. Arauxicanum anno 441. edidit hunc canonem num. 14. *Energumeni jam baptizati, si de purgatione sua curant, & se sollicitudini clericorum tradunt, monitisque obtemperant, omnimodis communicent, sacramenti ipsius virtute vel muniendi ab incurso damonii, quo infestantur, vel purgandi, quorum jam ostenditur vita purgatio.* In Collationibus Cassiani collat. vii. cap. 29. pag. 457. Germanus ait energumenos a communione Dominica quibusdam in locis perpetuo abstinere, ac de iis accipiendum quod legitur in Evangelio, *Nolite sanctum dare canibus.* At Serenus proximo capite respondet: *Communione iis sacrosanctam a senioribus nostris numquam memini interdictam, quin imo, si possibile esset, etiam quotidie eis impertiri debere censebant; nec enim secundum Evangelii sententiam, quam incongrue huic sensui coactis, Nolite sanctum dare canibus, ad damonis escam sacrosancta communio, & non potius ad purgationem ac tutelam corporis, animæque pervenire credenda est: Quæ ab homine percipit eum, qui in membris ejus insidet, spiritum veluti quoddam exurens fugat incendium.* Id exemplis confirmans addit nuper curatum hoc modo abbatem Andronicum. Puellam Arabam liberatam a dæmone accepta Dominici corporis particula narrat S. Prosper lib. de Prædict. & promiss. Dei cap. 6. Habere eandem vim ad repellendam dæmonum infestationem, sacrificium Corporis Christi, colligitur ex iis, quæ narrat de Tribunitio Hesperio S. P. Augustinus lib. xii. de Civit. Dei cap. 8. Vide Petrum Thyrazum in Opere de Dæmoniis parte 2. cap. 28. num. 7.

DE AFFICIENDIS EXTREMO SUPPLICIO.

Ultimo supplicio plestendis denegata est aliquando Eucharistia; in Gallia præsertim, & in Hispania. Hunc in Hispania servatum morem, ut damnati ad mortem priventur salutari Viatico, scribit Dominicus Soto in iv. dist. xii. q. 1. nunc vero ibi obtinere contrarium usum testatur Sylvius in 3. p. q. 80. art. 6. & nuper Guerrerus de Eucharist. §. vii. num. 174. In Galliis autem prior consuetudo perseverat: ejusque proferunt rationes quasdam Merbesius 3. p. quæst. 17. pag. 340. & Juenin quæst. vi. cap. 4. Præcipuæ hæ sunt, quoniam cruciarii, & furciferi plerunque scelera detestantur timore supplicii: unde merito dubitatur, an capaces sint sacramentalis absolutionis, quæ etiam summa benignitate illis impenditur. Deinde sunt illi monstra

stra quædam ex omnium scelerum colluvione concreta, atque ut plurimum adeo perditæ, ut neque Deum, neque homines revereantur. Præterea accepto mortis nuncio ita consternantur, ut destituti appareant rationis usu, & metu mortis mox oppetendæ de omni prorsus gradu deiciantur. Injuria deinde est maxima, quæ irrogatur corpori Christi, si trajiciatur in corpus omni libidine conspurcatum, & sanguine cædibusque respersum. Turpissimum denique est, si cum dedecore, & ignominia tortoris manu corpus illud tractetur, quod nuper supremum Regem excepit.

At non denegandam Eucharistiam extremo supplicio afficiendis persuadent nobis momenta, quæ sequuntur. Petitur primum ex cap. *Quæsitum* est, x111. q. 2. num. 30. ubi definitur iis, qui pro suis sceleribus in patibulis suspenduntur, *communione in finem faciendum canonicum jussu dandum esse*. Idem habetur in canone 27. Concilii Moguntini an. 847. in can. 80. Concilii Wormaciensis an. 868. & in canone 31. Concilii Triburiensis an. 895. Gaspar Juenin ait accipiendos hos canones de absolutione Sacramentali, quæ *communio* aliquando dicitur, quoniam Wormaciensis synodus affert exemplum latronis, cui in morte peccata dimissa sunt. At fallitur vir doctus. Nam synodus Moguntina absolutionem a communione distinguit, & de ea communione loquitur, quam appellat *Eucharistiam*, & *communione viatici*, concedendam in exitu mortis omnibus pœnitentibus, juxta canonem 26. ejusdem synodi. Triburiensis vero non solum ait strangulandis *communione gratiam esse tribuendam*, sed monet præterea, ut adjuventur *sacrosanctis mysteriis*, laudatque canonem 12. Nicænum: *Generaliter autem omni cuilibet in exitu posito, & poscenti sibi communionis gratiam tribui, Episcopus probabiliter ex oblatione dare debet*. Quo in canone, etsi non jubetur, ut omnibus prorsus in exitu mortis detur communio; de communione tamen Eucharistica ex oblationibus consecratis percipienda sermo est: ideoque hanc singulis etiam suspendendis, dummodo pœnitentiam agant, dandam censent synodus Triburiensis. At Wormaciensis ideo exemplum latronis commemorat, ut illo admoneamur, *nullam pietatis officium denegandum esse morienti*. Confirmant deinde sententiam nostram praxis Italiæ, in Hispaniis, & fere ubique Gentium servata, edicta Belgica art. 10. historia Theodosii filii Mauricii Imperatoris, cui, priusquam jussu Phocæ necaretur, datam fuisse Eucharistiam narrat Cedrenus in *Phoca*, an. 1. Extat etiam Constitutio Caroli V. quæ mandat, ne Eucharistia damnato ad mortem negetur: atque, ne Gallias prætereamus, legimus Statuto x1. synodi Remensis an. 630. *Cur ad mortem condemnatis renuitur Eucharistia, cum iis maxime conducatur ad spem, & securamen certi decessus, & presentis agonis?* Præterea non videtur contraria consue-

tudo

tudo retinenda ex rigore antiquioris disciplinæ, tum quia primis Ecclesiæ sæculis pœnitentibus cum reconciliatione dabatur Eucharistia, tamen hæc consuetudo post Novatum cœperit immutari, ut lib. 1v. de Pœnit. cap. 21. & 22. demonstrat Joannes Morinus: tum quia in Galliis ante annum 1396. denegabatur suspendio necandis absolutio quoque Sacramentalis, ut observat idem Morinus lib. x. ejusdem operis cap. 1. & fatetur Tournely de Euch. q. 5. art. 3. hoc tamen postremum fuit citato anno abrogatum edicto Caroli VI. Denique S. Pius V. in Constitutione xc1. edita pro Confraternitate nationis Florentinæ institutæ in Urbe ab Innocentio VIII. ad confortandos sententiæ Judicis morituros, quæ Constitutio incipit, *Cum sciet accepimus*, §. 21. Cappellano ejusdem Confraternitatis concessit, ut si ei videatur damnatos ad ultimum supplicium esse dispositos ad recipiendum sacrosanctum Eucharistiæ sacramentum, possit *in eorum præsentia etiam de nocte in casu necessitatis Missam celebrare, & absolutionem ac indulgentiam plenariam in forma Jubilæi impendere, & dictum Eucharistiæ sacramentum eis ministrare*.

Nil vero probant argumenta contraria: non primum, quoniam timore percussis potest Deus gratiam contritionis largiri; & quotiescunque peccata donantur, tribui debet *Dominici corporis sacramentum*, ut ait Ambrosius lib. 2. de Pœnit. cap. 3. num. 18. & habetur cap. *Potest fieri*, de Pœnit. dist. 1. §. *Sicut semel*. Non secundum, quia apud Deum ablatus baptismi, aut pœnitentiæ lavacro, *super nivem* dealbatus est. Non tertium, quia cœlesti viatico subiturus supplicium corroboratur, ut possit cum morte luctari: neque nos dandam communionem asserimus insanienti, aut in furem, vel desperationem dejecto. Non denique ultimum, quoniam exiguæ temporis intervallo mutantur Eucharistiæ *species*, ac potior est apud Deum salus morientis, quam mortis infamia; hanc enim & ipse subiit innocens pro redemptione animarum. A piis tamen iudicibus ac magistratibus quibuscumque in locis tribuitur capitis damnato, ne illa die afficiatur supplicio, qua sumpsit sacratissimum corpus Domini, quam consuetudinem laudat S. Carolus in V. Synodo Mediolanensi parte 1. Constitut. num. 9. Verum nequit hæc observari in his locis, in quibus rei post acceptum mortis nuncium vix unius noctis breviumque horarum decursu confortantium sollicitudini committuntur.

DE PœNITENTIBUS IN EXITU MORTIS.

Quod supra dixi de afficiendis supplicio, asserendum est de omnibus, quantumvis scelestissimis, qui morti proximi agunt pœnitentiam, nec ratione sunt destituti. Aliquando utique lapsis communio

To. II. C c c dene-

denegata est in extrema quoque periodo vitæ, sed indulfit præcitatus canon Nicænus, ut cuilibet in exitu poscenti communionis gratiam, si dignus judicaretur ab Episcopo, Eucharistia tribuatur. In Concilio pariter Agathensi anno 506. can. 15. legitur: *Vaticum omnibus in morte positis non est negandum*: & in canone 76. Concilii 111. Carthaginensis an. 398. de illo, qui pœnitentiam in infirmitate petit, habetur: *Si continuo creditur moriturus, reconciliatur per manus impositionem, & infundatur ori ejus Eucharistia*. Gregorius III. in Epistola ad Bonifacium num. 7. scribit quæ ab Ivone inserta sunt Collectioni canonum p. x. cap. 179. *De his vero, qui patrem, matrem, fratrem, aut sororem occiderint, dicimus ut toto vitæ tempore corpus Dominicum non suscipiant, nisi in suo exitu pro vatico*, tom. vi. Concil. pag. 1469. Denique Innocentius III. cap. *Quod in te*, lib. V. Decret. tit. 38. de Pœnit. concessit, ut etiam tempore interdicti Clericis, & laicis detur *vaticum in extremis*, quamvis hoc decretum desideretur in epistolis Innocentii editis a Sirleto, & Bosqueto.

DE MORTUIS.

Ori defunctorum non est ingerenda Eucharistia. Aliquando Eucharistiam fuisse datam mortuis, aut cum ipsis sepultam colligitur ex historiis. Etenim S. Amphilocheus in *Vita S. Basilii* pag. 224. edit. Combessii scribit: *Testamento sepeliri sanxit cum tertia portione vitæ tui moxque datione autem unanimes, a Domino data sibi communionis*. Ambiguum quidem censebatur olim hoc Amphilochei opus, non solum a Coco, Blondello, Riveto, aliisque heterodoxis, sed etiam a Baronio ad an. 363. num. 70. a Bellarmino de Script. Eccl. an. 380. aliisque Catholicis: ut prodiiit tamen operâ memorati Combessii ad regios codices emendatum, non indignum ipso Amphilocheio deprehenditur: ut in notis ejusdem Combessii pag. 256. & in dissert. Historica Philippi Labbè de Script. Eccles. in *Amphilocheio*, apertissime demonstratur. Sepultam Eucharistiam, positamque jussu S. Benedicti supra pectus cujusdam Monachi, cujus corpus terræ mandatum sequenti die repertum est extra tumulum, narrat S. Gregorius Magnus lib. 2. Dialog. cap. 24. confirmatque plurima eruditione Mabillon in Annal. Benedictinis lib. 1v. cap. 8. num. 11. Aliquando usitatum fuisse, ut sacrum Christi corpus collocaretur supra pectus Episcopi vita functi, demonstrat ex Beda, & Amalario Fortunato eruditus Menardus in notis ad Sacramentarium Gregorii n. 680. Quo in loco etiam probat S. Benedictum factò superius narrato non violasse canones, qui prohibent Eucharistiam dari mortuis, cum adverteretur quidem Conciliis communio mortuis porrecta, non
vero

vero collocatio Eucharistiæ supra pectora defunctorum : quod & adnotarunt Mabillon citato in loco, & Patres alii S. Mauri in Editione Gregoriana tom. 2. pag. 255. Perperam ergo de hujusmodi historiis quidam dubitant, ut facit in suo Commen. de Sacram. q. 6. c. 5. Gaspar Juenin.

Originem dandi mortuis communionem repetit Cl. Lupus in canonem LXXXIII. Trullanum ex hisce causis : prima est, quam insinuant Dialogi S. Gregorii, & exempla producta, ne cadavera e sepulchro ejicerentur : altera, ne demones in defunctorum corpora baccharentur ac furerent : tertia, ut qui vivi Eucharistiam non perceperant, juvarentur saltem præsentia sacrosancti Viatici. Doctissimi viri conjecturas confirmo ex iis, quæ in eundem canonem Trullanum scribit Theodorus Balsamon : *Quod autem, inquit, sanctus Panis antistitibus post mortem tradatur, & sic sepeliantur, existimo hoc fieri ad averteundos demones, & ut per ipsum, tanquam Viaticum, deducatur ad cælum, qui magna & Apostolica benedictione dignus est habitus.* Basilii Poncius parte 1. Variarum disput. p. 137. assert causam aliam, nempe, ut hoc ritu communionis avocarentur homines a superstitione Gentilium, qui mortuis obolum imponebant ori, Acheronti pro ratis navulo perfolvendum; unde Juvenalis Satyra 3. de quodam paupere inquit :

Quam sedet in ripa, tetrumque novitius borres

Porthmea, nec sperat cæuosi gurgitis alvum

Infelix, nec habet quem porrigat ore tridentem.

Ejusdem superstitionis profert vir doctissimus testimonia complura ex Luciano, Apulejo, aliisque scriptoribus Ethnicis.

Quæcunque fuerit origo ejusdem consuetudinis, vetat, ne communico detur mortuis, præcitatus canon 83. Trullanus his verbis : *Nemo mortuorum corporibus Eucharistiam communicet; scriptum est enim, Accipite, & comedite. Mortuorum autem corpora non possunt accipere nec comedere.* Extat consimilis canon in Codice Ecclesiæ Africanæ, & alius item synodi Antifiodorensis, quos omnes assert pag. 135. ejusdem Operis Basilii Poncius, nec non Parte 2. in Canones Christianus Lupus. Abiit pariter in defuetudinem mos collocandi Eucharistiam supra pectus defunctorum : ipsorumque quieti satis consultum est benedictione cæmeteriorum, quæ Pontifex benedicendo munit crucis signo, *ne demon accedat, purgat lustrali aqua, ut mundentur ab omni spurcitia inquinamento, & immundorum spirituum insidiis, oratque ut defunctis ibi sepeliendis Deus tribuat quietis sedem, & ab omni incurfione malorum spirituum tutelam.* Vide Pontificale Rom. P. 2. tit. 6.

C A P U T XVII.

De dispositionibus ad sacramentalem Communionem, de hujus frequentia, & maxima utilitate.

PLURA hoc uno in capite comprehendimus, quæ cum ad *dispositiones*, institutionemque pertineant, tali brevitate trademus, ut quæ in aliorum scriptis dispersa sunt, hic simul occurrant, & recentiorum Theologorum præcepta, veteris etiam disciplinæ inserta notitia, proponantur, & illustrentur. Ad sacram etiam communionem accessuri debent esse corpore animoque dispositi. Ad corpus attinent jejunium, castitas, habitus: ad animum vero recta conscientia, injuriarum oblivio, aliarumque exercitia virtutum.

I.

De communicantium jejunio primò scimus non esse illud divini præcepti, sed traditionis Apostolicæ: nam *liquido apparet, quando primo acceperunt discipuli corpus & sanguinem Domini, non accepisse jejunos*, ait Augustinus epist. 118. nunc 54. ad Januarium cap. 6. nec invenitur in sacris litteris præceptum Domini, ut nonnisi jejuni communicent. II. At commendat idem jejunium Apostolica traditio, & præceptum Ecclesiæ. Hujus traditionis testem habemus Tertullianum scribentem lib. de Corona Militis, sumi Eucharistiæ Sacramentum *antelucanis cætibz*, & lib. 2. ad Uxorem cap. 5. *ante omnem cibum*. S. Cyprianus Epist. 63. ad Cæciliam, Basilium hom. 1. de Jejunio, Chrysostomus hom. 27. in Epist. 1. ad Corinth. & 9. ad Populum Antiochenum idem apertissime tradunt. Augustinus vero post præcitata verba eandem traditionem comprobatur usu universalis Ecclesiæ, simulque demonstrat jure optimo fuisse institutam his verbis: *Nunquid tamen propterea calumniandum est universæ Ecclesiæ, quod a jejunis semper accipitur? Ex hoc enim placuit Spiritui sancto, ut in honorem tanti Sacramenti in omnes Christiani prius Dominicum corpus intraret, quam ceteri cibi*. Afferunt Augustinianam rationem Magister in 14. Sent. dist. 8. S. Thomas 3. p. q. 80. art. 8. & quotquot subsequuti sunt Scholastici. III. Non repugnare hanc traditionem exemplo Christi demonstrat eo loci Augustinus subjiçiens: *Neque enim, quia post cibos dedit Dominus, propterea pransi, aut cænati fratres ad illud sacramentum accipiendum convenire debent, aut sicut faciebant quos Apostolus arguit, & emendat, mensis suis ista miscere. Namque Salvator quo vehementius commendaret mysterii illius altitudinem, ultimum hoc voluit infigere cordibus, & memoria discipulorum, a quibus ad passionem digressurus erat*. Reddit rationem alteram Cyprianus laudatæ ad Cæciliam

lium Epistola scribens , *Christum offerre oportebat circa vespere-
diei , ut hora ipsa sacrificii veteris Testamenti ostenderet occasum .*
Similia habet Paschasius in libro de Corp. Dom. cap. 20. ubi ait ,
voluisse Dominum prius pascha typicum complere , ut inde ad ve-
rum Paschæ Sacramentum transiret . IV. Receperunt ab ea univer-
sali consuetudine quidam Aegyptii , qui apud Sozomenum lib. vii.
H. Ec. cap. 19. die sabbati sub vespere convenientes jam pransi sacra
mysteria percipiebant . Nonnulli etiam , licet aliis diebus communica-
rent jejuni , feria tamen quinta majoris hebdomadæ id faciebant cœ-
nati , in commemorationem postremæ Cænæ Domini ; atque hunc
morem in quibusdam Africanis Ecclesiis ætate sua adhuc perseve-
rasse affirmat Augustinus citata ad Januarium Epistola cap. 7. ut re-
cte observarunt viri doctissimi , Joannes Bona lib. 1. Rerum Liturg.
cap. 21. num. 3. Schelstratius de Ecclesia Africana dissert. 3. cap. 7.
num. 13. & Lupus in canonem 29. Trullanum tom. 2. pag. 911. Hunc
tamen morem universalem non fuisse eo loci asserit sanctus Pater
his subjectis verbis : *Hoc tamen non arbitror institutum , nisi quia
plures , & prope omnes in plerisque locis eo die lavare consueve-
runt : & quia nonnulli etiam jejunium custodiunt , mane offertur
propter prandentes , quia jejunia simul , & lavacra tolerare non pos-
sunt , ad vespere autem propter jejunantes .* Irrepsit eadem consu-
etudo in Gallicanam Ecclesiam , ut constat ex can. 9. secundæ sy-
nodi Matisconensis . Alio autem perverfoque sine Priscillianistæ sa-
crificabant , & communicabant soluto jejunio , scilicet quia dogma-
tizantes cum Marcione corpus Christi phantasticum , veram ipsius
mortem negabant , & recolendam esse dicebant absque jejunii tristitia .
Postremo consuetudinem communicandi post cœnam amplexi
sunt hæretici Hussitæ damnati an. 1415. in synodo Constantiensis .
V. At reprobarunt prænaratam consuetudinem Ecclesiæ canones .
Trullani xxix. ad hunc modum se habet : *Carthagenensis synodi
canon dicit (is est 29. Synodi 111.) ut Sancta altaris non nisi a so-
briis hominibus peragantur , excepto uno die in anno , in quo cœna
Domini peragitur ; tunc fortasse propter aliquas in iis locis occasiones
Ecclesiæ utiles sanctis illis Patribus hac dispensatione usi . Cum ni-
hil ergo nos inducat , ut accuratam observationem relinquamus , sta-
tuimus Apostolicas , & paternas traditiones sequentes non oportere in
Quadragesima postrema septimana quinta feria jejunium solvere , &
totam Quadragesimam injuria afficere .* Reliquos canones vide apud
Bonam , vel Lupum citatis in locis . VI. Ab hac lege jejunii exci-
piuntur scilicet 13. Concilii Constantiensis , usque Ecclesiæ infirmi in
mortis periculo constituti ; parvuli etiam , ubi apud Orientales com-
munionem statim post baptismum donantur : nec non sacerdotes , qui
inter sacrificandum recordentur peracta consecratione se non esse je-
junos .

junos, aut post sumptionem hostiæ advertant se calici non apposuisse vinum, aut eis perficiendum consummandumque foret sacrificium alterius sacerdotis subito morbo correpti: de quibus, aliisque casibus accurate pertractant Suarez, & Sylvius in 3. p. q. 80. art. 8. Toletus lib. v. Instit. Sacerd. cap. 15. Natal. Alex. cap. v. art. 2. §. 2. & quotquot de Morali Theologia libros ediderunt. VII. Jejunium, de quo loquimur est illud, quod appellant *naturale*, atque situm est in omnimoda cibi potusque abstinencia, etiam pharmaci sumpti valetudinis causa: quod constat ex omnium doctorum consensu, ex vetustissima Ecclesiæ praxi, & ex canone 2. Concilii VII. Toletani, præcipientis, ne celebretur Missa, aut percipiatur communio, *post cibum potumque quemlibet minimum*, & habetur cap. *Nihil contra*, Causa VII. quæst. 1. num. 16. Non frangunt autem naturale jejunium, (quicquid suadeat rudis, & nimia quorundam anxietas) quæ interius per modum cibi aut potus minime trajiciuntur, ut manans a capite humor, & saliva post degustatum condimenti alicujus saporem, si statim illud expuatur, necnon pulvis aut fumigium nicotianæ, sive, ut inquirunt, *tabaci*: quod tamen adeo indecorum est, ut Limensis synodus sub mortali indixerit sacerdotibus, ne *tabacum* mandant, vel fumidum glutiant ante rem sacram; idemque synodus tertia Mexicana præscripserit singulis ad sacram communionem accessuris. De qua re vide Franciscum Henno disput. VII. de Euch. q. 2. art. primo circa finem, Vanroy cap. 8. quæst. 1. & Monacellum in Formulario Legali tom. 1. Tit. 5.

II.

Mundiciem carnis ad communionem prærequiri demonstrat typus veteris Testamenti, in quo legimus *panes propositionis* datos tantummodo mundis *a mulieribus*, 1. Regum XXI. 4. Utitur hoc exemplo S. Hieronymus epistola 50. num. 30. ad demonstrandum, quod non debeat contingi panis ille, qui de cælo descendit, ab his, *qui conjugalibus paulo ante basere complexibus*: & habentur verba Hieronymi cap. *Sciatis*, c. XXXIII. quæst. 4. num. 1. Satis idem persuadet conditio hujus Panis, purissimi scilicet intemeratæ Virginis filii, cui ad synaxim sacram accedens exhibet corpus suum templum, atque habitaculum. II. Ut vir abstineat ante communionem a propria uxore *tribus, aut quatuor, aut octo diebus*, monet caput *Omnis homo*, de Consecrat. dist. 2. num. 21. excerptum ex lib. v. Burcharidi cap. 22. Eos item, qui matrimonio juncti sunt, *ut aliquot dies a concubitu uxorum abstineant*, hortatur Catechismus Romanus P. 2. cap. IV. n. 58. Non sunt tamen hæc monita absoluti præcepti; nam habetur cap. *Vir*, c. XXXIII. q. IV. num. 7. de sumendo corpore Dominici sanguinisque mysterio virum illum *se relinquentem esse judicio, qui conjuge non cupidine voluptatis captus, sed solum-*

solummodo liberorum creandorum gratia utitur. III. Placet autem mihi admodum regula S. Francisci Salefii p. 2. aurei libri, quem *Philotea* nomine inscripsit, ubi cap. 20. docet a proxime communicaturo conjugale debitum non esse petendum, nil vero afferre impedi-
menti, si ei, qui petit, reddatur: nam ut inquit S. P. Augustinus in Pl. 149. *Pro sanctificatione perfecti Deus tibi computabit, si non quod tibi debetur exigit, sed reddis quod debetur uxori.* IV. Caute agendum *propter tunc tu exiguam inxorem*: de qua legendum est cap. *Testamentum*, dist. vi. num. 1. depromptum ex Epistola Gregorii Magni ad Augustinum Anglorum Episcopum, quæ est 31. libri xii. In ea docet S. Pontifex illusionem non esse timendam, *cum ex natura superfluitate, vel infirmitate evenerit.* Secus dicendum, si oriaturo ex crapula, ex turpi cogitatione, ex mulierum consortio, atque ex alia hujusmodi causa, libera ac voluntaria. Tali in casu a communione abstinendum, si absque ulla nota fieri possit, docent Theologi omnes cum S. Thoma 3. p. q. 80. art. 6. Aliàs, ut aiebat Theonas apud Cassianum Collat. xxii. cap. 5. pag. 816. *Si hostis nequissimus, ut nobis celestis remedii subtrahat medicinam, custodiam sospita mentis illauserit, ita duntaxat, ut nullo irreprehensibili interveniente pruritu, nullo contaminetur oblectationis assensu, sed egestionem, aut naturali necessitate propulsam, aut recte impugnatione diaboli absque sensu voluptatis elicitam, ad impedimentum nostræ sanctificationis obtenderit, possumus & debemus ad gratiam salutaris cibi confidenter accedere.* Docet similia Isidorus lib. 3. Sent. cap. 6. relatus dist. 6. cap. *Non est peccatum.* V. Damnanda omnino est superstitio Sinenfium, qui a sacramentis arcent mulieres menstruali morbo laborantes, ut damnavit decreto suo a Clem. XI. Benedicto XIII. & BENEDICTO XIV. auctoritate Apostolica confirmato Carolus Thomas Cardinalis de Tournon. Etsi enim aliquando in-
usum receptum fuerit, ut fluorem sustinentes non participarent *impolluta mysteria*; scimus tamen mulierem, quæ fluxum sanguinis patiebatur, post tergum Domini simbriam vestimenti ejus tetigisse, & magnum Gregorium laudata ad Augustinum epistola illam superstitionem hisce verbis prædamnasse: *Femini namque & menstruus sui sanguinis fluxus agritudo est; igitur bene præsumpsit, quæ vestimentum Domini in languore posita tetigit. Quod uni personæ infirmanti conceditur, cur non concedatur cunctis mulieribus, quæ natura sua vitio infirmantur?* Depromptum est ex eadem Epistola, cap. *Ad ejus*, dist. v. num. 4. ubi prope finem legitur: *Sanctæ autem communionis mysterium, in eisdem diebus percipere non debes prohiberi; si autem ex veneratione magna percipere non præsumis, laudanda est; sed si percipias, non judicanda.* Verum de Sinenfium consuetudine, ejusdemque condemnatione plura in suo *Examine*,
cap. 13.

cap. 13. Aloysius Maria Lucinius nuper ob doctrinam atque pietatem Vaticana purpura ornatus.

III.

Talis quoque in communicantibus requiritur cultus corporis, qui omnem reverentiam, honestatemque præferat. Antiqui Tabernenses Monachi *ad Synaxim* ingredientiæ pellem deponere ovinam, ut ex Historia Lausiaca Palladii adnotat ad Collat. 23. Cassiani pag. 853. Alardus Gazæus. Balneo alii utebantur, apud Mabillonium Præf. 1. in sæculum IV. Benedikt. S. Wilfridum se nocturnis horis mundasse lustrali aqua scribit eo loci Mabillonius, & cap. 55. Concordiæ Regularum Menardus. II. Ex documentis S. Caroli P. 2. Aët. Eccl. Mediol. pag. 240. debent mares accedere cum summa reverentia, manibus pectori admotis, depositis armis, humili ac decenti habitu, sed non sordido. Mulieres autem non sumptuosis vestibus, non intortis crinibus, non vultu pigmentis illito, non pectore nudo, aut velo translucido obtecto, sed permodesto habitu, demissoque super faciem denso velamine. Videfis Natalem Alexandrum de Euch. cap. 5. art. 2. & Genettum Tract. IV. de Sacram. cap. 11. quos nemo hac in re censet rigidiores.

IV.

Quid vero dicendum de præparatione animi? Necessaria profecto est *gratia sanctificans*, & animus taliter effectus, ut sibi non sit conscius alicujus lethalis culpæ. *Quicumque enim manducaverit panem hunc, vel biberit calicem Domini indigne, reus erit corporis, & sanguinis Domini*, inquit Apostolus 1. ad Corinth. XI. 27. idest, reus erit, *ac si occidisset, & effudisset*, ait eximius verbi Dei Præco S. Thomas a Villanova Conc. 3. in die Corporis Christi, pag. edit. Colon. 247. Præmittenda est itaque peccatorum confessio illis omnibus, quos conscientia peccati mortalis gravat, quantumcunque etiam *se contritos existiment, habita copia Confessoris*, ut definit sess. XIII. can. 11. sacrosancta synodus Tridentina. II. Si Sacerdos, cui ex necessitate incumbit celebrare, Confessario destitutus celebret urgente causa, *absque prævia confessione*; mandat eadem sancta synodus præcitatæ sessionis cap. 7. *ut quamprimum confiteatur*. Hoc vero præceptum esse, non consilium, ac præceptum omni sollicitudine implendum, ubi primum Confessarii sit copia, constat ex propositione 38. ex confixis ab Alexandro VII. *Mandatum Concilii Tridentini, solum sacerdoti sacrificanti ex necessitate, confitendi quamprimum, est consilium, non præceptum*; & proxima 39. *Illa particula quamprimum intelligitur, cum sacerdos suo tempore confitebitur*. III. Studium præfertim est adhibendum, ne quis accedat ad communionem, quæ est *symbolum unitatis*, odio habens fratrem suum. Jubet quippe Evangelium Mat. v. 24. ut irato fratri reconciliemur, prius-

priusquam munus ad altare offeramus ; quod multo magis præstandum est divina munera percepturis . Tertullianus de Orat. cap. 14. plura scribit adversus subtrahentes *osculum pacis* , dum vel adstant sacrificio , vel corpus Domini accipiunt : meritoque statuta nostra vetant , ne communicet , qui ex animi deliberatione fratrem aliquem non alloquitur , Const. p.3. cap. 17. num. 6. Ut enim præclare inquit Augustinus Tract. xxvi. in Joannem num. 11. & cap. *Panem cælestem* , de Consecr. dist. 2. num. 64. *Si dimittis , dimittetur tibi : securus accede , panis est , non venenum . Sed vide , si dimittis . Nam si non dimittis , mentiris : & ei mentiris , quem non fallis . Mentiri Deo potes , Deum fallere non potes .* IV. Non dicam de exercendis virtutibus singillatim ; nam fidem exigit altitudo mysteriorum , pietatem ac dilectionem commemoratio passionis Domini- cæ , humilitatem-majestas Altissimi , timorem ipse Judex vivorum & mortuorum , spem denique pretium , quo redemptus est mundus . Non opus est ut prolixius agatur de re ipsis quoque adolescentulis notissima . Juniores docet Salesius p. 2. cap. 21. operis præcitati : Monachos caput 34. Regularum breviorum Basilii , Jureconsultos cap. *Timorem* , de Consecrat. dist. 2. num. 25. Concionatores laudata oratio 3. Archiepiscopi Valentini , Parochos Catechismus p. 2. cap. 4. num. 57. Theologos S. Thomas 3. p. q. 80. omnes denique Apostolus 1. ad Corinth. cap. xi.

V.

Circa frequentem communionem dicam primo quænam fuerit Ecclesiæ disciplina ; deinde quid canones Patresque tradiderint ; de- mum quæ regulæ in ea frequentanda servandæ sint , & quidem , ut rigor & laxitas vitentur , ex probatissimorum Scriptorum consensu . Frequentissimam itaque fuisse communionem , & sæpenumero quo- tidianam , cum exordio nascentis Ecclesiæ fideles convenirent *ad frangendum panem* , haud obscure colligitur ex Actibus Apostol. cap. 2. vers. 42. Justinus in Apolog. ad Antoninum scribit omnes , qui in agris , vel oppidis morabantur , unum in locum convenisse , conclusisque precibus percepisse Eucharistiam *die , qui solis dicitur* . Addit Tertullianus feriam quartam ac sextam , quibus diebus convenisse fideles ad sacram *Synaxim* docet etiam Epiphanius in Exposit. fidei num. 22. Eo loci *Synaxeos* nomine intelligendam esse Eucharis- tiam negat in libro de freq. Commun. cap. 9. Antonius Arnaldus ; sed immerito : nam quamvis eo vocabulo significetur *conventus* & *collectio* , immo interdum modulatio Psalmorum , ut in Regula S. Columbani cap. 7. & apud Domnitium in Vita Mathildis lib. 1. cap. 21. ubi legitur ,

More suo sanctis surgit cantare Synaxim ;

nihilominus apud Græcos designari eadem voce divina participatio- nem

nem Eucharistiæ testatur Pachymeres non uno in loco in suis adnotationibus ad Dionysium. Adde quod olim fidelium conventus sine communione Eucharistica, aut nunquam, aut perraro celebrabantur. Adnumerat Basilius prædictis feriis sabbatum, disclique cultui Martyrum destinatos, in sua ad Cæsariam Patriciam epistola. II. Frigefcente posthac devotione communio primum coarctata fuit ad singulos dies Dominicos, in quibus nunquam olim fuisse prætermisam scribit auctor sermonis xxv. inter adscriptos Ambrosio, & in libro de Divinis Off. cap. 120. Joannes Belet; ubi ait etiamnum in Græcia sub anathemate eum puniri, *qui a tribus diebus Dominicis non communicaverit*. Atque hoc etiam in consuetudinem abeunte, indicta est communio sub præcepto in tribus solemnitatibus, ita ab eodem Beletio enumeratis, *Modo autem nos tenemur in tribus solemnitatibus, nimirum Paschate, Pentecoste, & Natali*. In cap. Omnis, de Consecrat. dist. 2. definitur, eum, qui iisdem tribus diebus a communicando abstinerit, non esse *inter catholicos* connumerandum. Lateranense Concilium coarctavit postea communionis præceptum ad Resurrectionis Domini solemnitatem, ut dictum est supra. III. At Monachi semper consueverunt ad Eucharistiam accedere semel in hebdomada, aut singulis saltem mensibus. De Tabernaculis dixi paullo supra ex Alardo Gazæo, qui ex Palladio, & Cassiodoro etiam refert abbatem Hellen vestum a crocodilo transisse ingentem fluvium, ut sacerdotem accerferet, ne diutius monachi divino cibo carerent. Vivente S. Benedicto monachos omnes in solemnioribus diebus simul communicasse demonstrat Mabillon Præf. 1. in sæcul. iv. num. 168. Idem servant instituti nostri fratres, juxta Ordinis Constitutiones parte 1. cap. 9. Ut monachi *in prima Dominica mensis ejuslibet semper communicent*, statuit Clemens V. in Viennensi Concilio, five caput, *Ne in agro Dominico*, Clementinarum lib. 3. tit. 10. num. 1. §. *Sane*. Atque hæc sunt, quæ ad disciplinam & consuetudinem spectant.

VI.

Suadent vero Patres, & canones communionis frequentationem, Cyprianus præsertim in libro de Orat. Dominica, Basilius prælaudata ad Cæsariam Epistola, Chrysostomus hom. v. in primam Epist. ad Timoth. Horum testimonia, cum ea collegerit Natal. Alex. lib. 2. Theolog. Moral. cap. 5. gratia brevitatatis prætermitto. Ad frequentem præterea communionem hortatur Tridentina synodus sess. xii. cap. 8. S. Gregorius VII. in epistola ad Comitissam Mathildem conscripta an. 1073. Theodulphus Aurelianensis in Capitul. num. 44. jam ab anno 797. exaratis. Virginitatis præsertim, qui nondum lascivientis ætatis vitio labefactantur, ac provectæ ætatis hominum, qui peccare desinunt, juxta Concilium quoddam Cloveshovie an. 747. cano-

canone 23. usus communionis debet esse frequentior . Idem docuit postea Salscius parte 2. cap. 20. adhibito exemplo cerasi Aproniani, mali armeniaci, fragorum, aliorumque fructuum, qui saccharo confecti diutius servantur . II. Quidam Eucharistiæ frequentationem nec laudant, nec reprobant. Laudantur Augustini nomine, etiam citato in loco a Salscio, hæc verba cap. *Quotidie*, de Consecr. dist. 2. num. 13. *Quotidie Eucharistia communionem percipere nec laudo, nec vitupero. Omnibus tamen Dominicis diebus communicandum. Ius adeo, & hortor: si tamen mens sine affectu peccandi sit.* Hæc verba sunt Gennadii in libro de Ecclef. Dogmat. cap. 53. qui falso adscribitur Augustino. Sunt tamen sancti Patris, & exscripta ex Epist. 54. ad Ianuarium cap. 3. verba, quæ in eodem cap. *Quotidie*, sequuntur, parum præcedentibus abimilia: *Faciât unusquisque quod secundum fidem suam pie credit esse faciendum. Neuter enim eorum exhonorat corpus & sanguinem Domini, si saluberrimum Sacramentum certatim honorare contendunt. Neque enim litigaverunt inter se, aut quisquam eorum se alteri præposuit, Zachæus, & ille Centurio, cum alter eorum prædicens in domum suam suscepisset Dominum, alter dixerit, Non sum dignus, ut intres sub tectum meum.* Addit paulo post Augustinus hanc similitudinem, *Quod in primo populo unigenique manna secundum propriam voluntatem in ore sapiebat: & concludit, Contemptum solum non vult cibis ille, sicut manna fastidium.* Adhibuit eandem moderationem S. Hieronymus, qui Epistola 30. alias 50. ad Pammachium ait: *Scio Romæ esse consuetudinem, ut fideles semper Christi corpus accipiant; quod nec reprebendo, nec probo. Unusquisque enim in suo sensu abundat.* III. Ceterum Patres docent illis a communione esse abstinendum, qui adhuc habent voluntatem peccandi, ut constat ex præcitato cap. *Quotidie*, necnon eis, qui eadem die utuntur uxoris amplexibus, de quibus loco nuper laudato Hieronymus: *Eorum conscientiam convenio, qui eodem die post coitum communicant, & juxta Persium noctem flumine purgant.* Alludit Hieronymus ad Satyræ 2. Persii, qui de profano lumine ad sacra post nocturnum inquinamentum accedente:

..... Tiberino in gurgite mergis

Mane caput bis, terque, & noctem flumine purgas.

Ac ne repetam, quæ dixi secundo paragrapho, iis, qui scelerate vivunt, atque in eadem peccata prolabantur, Eucharistiæ perceptionem *nil ad emundationem proficere*, docet lib. 1. Sent. cap. 24. S. Isidorus relatus in cap. *Qui scelerate*, de Consecrat dist. 2. n. 24.

VII.

Verum quid ex varia hac disciplina, atque ex his Patrum documentis pro frequentatione communionis inferitur? Principio illud quidem, quod utilius est frequentius communicare, quam a com-

munionem desistere; perniciosum autem contemnere, aut fastidire cibum mannâ præstantiorem: Atque id commonstrant consuetudo nascentis Ecclesiæ, & Conciliorum ac Patrum monita saluberrima. Adde, quod ex parte Sacramenti semper est utilissimum, si sumatur, ut docet q. 80. art. 10. S. Thomas verbis Ambrosii lib. 1v. de Sacram. cap. 6. num. 28. quæ etiam extant in Decreto, de Consecrat. dist. 2. num. 14. *Si quotiescunque effunditur sanguis Christi, in remissionem peccatorum effunditur, debeo illum semper accipere, ut semper mihi peccata dimittantur. Qui semper pecco, semper debeo habere medicinam.* 11. At ex parte sumentium, si desint prænarratæ dispositiones, nulla utilitas ex Eucharistia percipitur, sed, si sumatur sacrilege, maximum detrimentum, & reatus sceleris omnium gravissimi. Etiam in dispositis, ut docet Augustinus, commendari potest *Centurionis humilitas*, si nempe censeant sese indignos, qui Christum recipiant: quamquam, ut recte animadvertit Sylvius in præcit. art. 10. tom. 1v. pag. Venet. edit. 276. abstinentia communionis oriri solet ex timore, frequentatio autem ex amore: atque sunt quæ ex amore procedunt, reliquis operibus laudabiliora. 111. De frequenti autem communionem has regulas trado. Prima est Salefii Philotheam alloquentis parte 2. cap. 20. ut qui caret affectu peccati, atque sacræ synaxeos desiderio inflammatur, ad eam *singulis Dominicis diebus* accedat. Altera est S. Bonaventuræ in 1v. dist. 12. part. 2. q. 3. ut qui innocenter vivit, virtutemque sectatur, atque imitari studet nascentis Ecclesiæ pietatem ac devotionem, (quod nullus debet de seipso præsumere) arbitrio prudentis Confessarii etiam *quotidie* communicet. Tertia est pii doctique Scriptoris Ludovici de Ponte Tract. xiv. de Christiani hominis perfect. cap. 6. §. 4. ut qui cœlibem agit vitam, & sedulo in Dei obsequium incumbit, proficitque plurimum in exercitatione virtutum, sectetur consuetudinem supra a Basilio laudatam, servatamque a monachis sub Apollo abbate, ut refert Palladius cap. 48. communionem facram percipiendi *ter, aut quater* in eadem hebdomada. Regula 1v. est, ut conjugati Deum timentes, sed officiorum suorum gravati onere, & soluti etiam, qui alteri famulantur, nisi queant frequentius, communicent *quintodecimo die*, aut semel in mense; prout monet eo loci Salefius. Postrema tandem, & certissima regula est, ut quisque sequatur docti prudentisque Confessarii consilia: is vero memor sit Dominici præcepti non absque causa dati in Exodo c. xvi. 16. de manna, *Colligat unusquisque quantum sufficit ad vescendum; & moniti, quod legitur Proverbiorum xxv. 16. Mel invenisti, comede quod sufficit tibi, ne forte satiatus evomas illud.* IV. Postremo a rigidioribus Confessariis memoria tenendæ sunt propositiones duæ ab Alexandro VIII. anno 1690. proscriptæ: prima num. 22. *Sacrilegi sunt*

sunt iudicandi, qui ius ad communionem percipiendam pretendunt, antequam condignam de delictis suis pœnitentiam egerint: altera, num. 23. Similiter arceſſendi ſunt a ſacra communione, quibus nondum ineſt amor Dei puriſſimus, & omnis mixtionis experti.

VIII.

Reliquum eſt, ut dicamus de ſacræ communionis effectibus. Horum primus eſt gratia, quæ nos Deo vehementiori caritate coniungit, infirmitatem corroborat, confirmat fidem, ſpem erigit, ac ſpiritali gaudio perfundit. De hac gratia legitur in Clement. de Reliq. & Ven. Sanct. lib. 111. tit. 16. *Dedit igitur nobis ſe in pabulum, ut quia per mortem homo corruebat, per cibum releuaretur ad vitam: cecidit homo per cibum ligni mortiferi, relevatus eſt homo per cibum ligni vitalis: in illo pependit eſca mortis, in iſto pependit viſa alimentum. Illius eſus meruit læſionem, iſtius guſtus intulit ſanctitatem: guſtus ſauciavit, & guſtus ſanavit. Vide quia unde vulnus eſt ortum, prodiit & medela; & unde mors ſubiit, exinde vita evenit. De illo ſiquidem guſtu dicitur, Quæcumque die comederis, morte morieris: de iſto vero legitur, Si quis comederit ex hoc pane, vivet in æternum. Hic eſt cibus, qui plene reſcit, vere nutrit, ſummeque impinguat: non corpus ſed cor, non carnem ſed animam, non ventrem ſed mentem. Hæc Richardus in iv. diſt. 9. art. 1. q. 2. his complexus eſt verſibus.*

*Inflamat, memorat, ſuſtentat, roborat, augeſt
Hoſtia, ſpem reſcit, purgat, vitam dat, & unit;
Confirmatque fidem, munis, fomitemque remittis.*

Aliquando Eucharistiâ conferri *per accidens* primam gratiam, ostendit lib. xxx. cap. 21. num. 2. Delet deinde communio venialia peccata, præſervatque a futuris; ac proinde appellatur a Tridentino ſeſſ. XIII. cap. 2. *Antidotum, quo liberamur a culpis quotidianis, & a peccatis mortalibus præſervamur.* His accedit, ut teſtatur Eccleſia, *pignus futura gloriæ.*

C A P U T XVIII.

De variis ritibus in Sacramentali Communione ſervatis.

Ubi de ſacræ communionis ritu pertractatum erit, ſinem imponam diſſertationi de Eucharistiæ Sacramento. Pertinet autem ad illius ritus notitiam fractio panis, diſtributio, verborum formula, & ſubſequens ceremonia; peculiaris item modus communicandi in Miſſa cum ſimplicis ſacerdotis, tum Pontificis, præſertim feria v. maioris hebdomadis, deinde extra Miſſam, ac demum quando Eucharistiâ

ristia deferenda est ad infirmos. De his vero ii, quibus notationes hæ nostræ minime satis erunt, poterunt perlegere Josephum Vicecomitem, Menardum, Lupum, Martenium, BENEDICTUM XIV. aliosque viros doctissimos, quorum opera, & loca singulatim commemorabo.

I.

Igitur quantum spectat ad panis *fractionem*, Christus manibus suis panem fregit, priusquam illum singulis distribueret, Matth. xxv. 26. Divinat autem Hospinianus, qui parte 1. de Re Sacram. pag. 31. putat verisimilius Dominum confregisse panem in duas partes, quarum unam dederit illi, qui proximus ei accumbebat ad dexteram, alteram illi qui ad sinistram, ut ipsi deinceps proxime accumbentibus porrigerent, donec singuli particulam sibi decerpissent. Rabbinii antiquarum rerum Judaicarum periti tradunt azymos panes coqui solitos *incisionibus in particulas plures signatos*, ut ad esum non sit opus illas incidere, sed solum frangere. Vide Baronium ad an. 58. Et revera Dominum panem *fregisse* innuit Evangelista. Vossius disput. xx. thesi 8. multiplici eruditione demonstrat incisos eodem pacto fuisse panes, quos Græci vocabant a *βουκίη*, *exigua buccella*, *βουκίαι*, Latini autem *buccellatos*; cujus generis erant panis militaris & nauticus. Consueverunt autem Græci oblationem partiri ferro, quod *λίσσιν*, *lanceam*, dicunt, idque etiam servant Aethiopes; ut narrant Nicolaus Cabasilas in Exposit. Liturg. cap. 5. Humbertus Cardinalis in disput. de Azymo adversus Græcos, & Gaspar Sanctius in Act. Apost. cap. 2. vers. 42. Consuetudinem Romanæ Ecclesiæ, quæ pro communione parat tenues, exilesque *particulas*, esse perantiquam constat ex dictis pag. 200. Tenuissimam sacræ oblationis partem in communione sumendam, ut sciamus, quod *non satietati, sed sanctimonie deservit*, scribit quoque Gelasius Cyzicenus apud Lupum Volum. v. pag. 407. Partitio ante consecrationem facta id etiam affert commodi, quod minora conterantur fragmenta, dicta a Patribus *margaritæ*.

II.

Nunc de *distributione*. Tradebatur olim panis in manus laicorum. Perspicua sunt de hac re testimonia apud Nazianzenum Orat. in laudem Gorgoniæ, Cyrillum Ierosolymitanum Catech. v. Myltag. Chrysostomum Hom. 3. in cap. 1. ad Ephesios, Hieronymum epist. 39. aliâs 62. ad Theophilum, & Augustinum lib. 2. contra litteras Petil. cap. 23. num. 53. Huc spectat quod legitur de Novato apud Eusebium H. E. lib. v. 1. cap. 43. pag. edit. Valesii 245. in distributione Sacramenti coegisse miseros homines ad iuramentum, apprehensis manibus, quibus adhuc tenebant Eucharistiam, his verbis, *ἡμῶν μὴ κατὰ τὸ εὐαγγέλιον ἢ τὸ ἀποστόλου τὸ κυρίου Ἰησοῦ χριστοῦ, πιστεύοντες μὴ*

καταλήγει, ὡς ἐκπεριπατοῦντες τὸν κόσμον, *Jura mihi per corpus & sanguinem Domini nostri Jesu Christi, te nunquam me deserturum, nec reversurum ad Cornelium*. Refert etiam Cyprianus de Lapsis p. 381. iniquum quemdam pro Eucharistia, quam acceperat, apertis manibus cinerem invenisse. II. At. mulieres mundo linteamine manus quibus accepturæ erant corpus Christi, cooperiebant; atque anno 578. Antifiodorensis synodus edidit hunc canonem num. 36. *Non licet mulieri nuda manu sua Eucharistiam sumere*; & canone 42. statuit eadem synodus, ut unaquæque mulier, quando communicat, accipiat corpus Domini mundo linteo, quod appellat *Dominicale*. Idem docet S. Cæsarius serm. 229. in Appendice Agustinianorum. Plura de his Martenius lib. 1. de Antiq. Eccl. Ritib. c. 1v. art. 10. n. 8. Menardus in Sacrament. Gregorii Not. 1042. & Lupus in can. 101. Trullanum tom. 2. pag. 1065. Ex hoc canone intelligimus nonnullos communionem excepisse *vasculis aureis*: quod eo loci damnat Trullana synodus. III. Perperam Hospinianus lib. 2. de Re Sacrament. p. 33. Theodorus Beza Epist. 2. ad Tilium, & Vossius disput. xxi. thesi 4. & 5. præferendam ajunt illam consuetudinem alteri, qua Eucharistia in os laicorum ingeritur. Primo enim orta est vetustior consuetudo ex necessitate, quam sævientibus persecutionibus habebant fideles deferendi secum Eucharistiam. Deinde etiam Græci illam consuetudinem reprobarunt more inducto sumendi Eucharistiam cochleari, non manu: quem morem illustris Lupus tom. v. pag. 411. institutum putat a S. Joanne Chrysostomo. Obtinuit præterea præsens dispensandæ communionis modus ante magni Gregorii tempora, ut liquet ex lib. 111. Dialog. cap. 3. Eandem insuper consuetudinem confirmatam invenimus sæculo nono statutis Concilii Rothomagenfis. IV. Quod inquirunt heterodoxi derivatum nostri ævi morem a *superstitiosa veneratione signorum*, calumnia est singularis: nam & veteres qui manu symbola excipiebant, ad ea junctis manibus accessisse, exhibito Eucharistiæ patriæ cultu, diximus supra. Ministrabatur autem populo *ex sublimi loco*, teste Hieronymo in Altercatione Lucif. & Orthodoxi tom. 1v. pag. 290. Hunc locum Græci *Soleam* dixere apud Goarium pag. 18. in Notis ad Euchologium. Ad eum locum accessisse percepturos communionem *conjunctis manibus*, refert S. P. Augustinus lib. 2. contra Epist. Parmen. cap. 7. num. 13. Communicasse flexis genibus putat Joseph Vicecomes lib. v. de Rit. Bapt. cap. 27. pag. 367. At negant Habert, Valesius, Thiersius, Martenius. Stantes communicabant, quoniam accedebant ad limen Sanctuarii; & extra cancellos positi vix flexis genibus oblata dona percipere potuissent. In *adorationis* tamen signum accedebant corpore proni, inquit Catech. v. Cyrillus Jerosolymitanus; stabant *demissis oculis*, ait Chrysostomus Orat. in Encomia, atque

atque *adinſtar Seraphim* expandebant alas caritatis, inquit Hom. in Seraphim idem Chryſoſtomus.

III.

Utebantur ſacri miniſtri Euchariftiam diſpenſantes, & utuntur etiamnum, aliqua verborum formula. Tempore S. Gregorii hæc erat in uſu, *Corpus Domini noſtri Jeſu Chriſti conſeruet animam tuam*, ut conſtat ex ejus Vita conſcripta a Joanne Diacono lib. 2. cap. 41. Proferit Alcuinus hanc aliam, *Corpus Domini noſtri Jeſu Chriſti cuſtodiat te in vitam æternam*. Illyrici utuntur iſta, *Corpus & ſanguis Domini noſtri Jeſu Chriſti proſit tibi in remiſſionem omnium peccatorum, & in vitam æternam*. In Galliis hæc olim obtinuit, *Corpus Domini noſtri Jeſu Chriſti ſis tibi ſalus anima, & corporis*. Græci ex Euchologio pag. 82. hanc adhibent, *Μεταſίδου εἰς τὸ τιμὴν, καὶ ἔχειν τὴν εὐχὰν τῶ κυρίου, καὶ διὰ, καὶ εὐχὴν ἡμῶν λέγει, καὶ ἀπὸν ἀμάρτιαν, καὶ εὐχὴν αἰώνων, Ἰμπεριὸν τῷ πρεſοβυτέρῳ, ſanctum, & illibatum corpus Domini, Dei, & Salvatoris noſtri Jeſu Chriſti, in remiſſionem peccatorum, in vitam æternam*. Ea formula, quam nos proferimus, nota eſt ſingulis. II. Particulam *Amen* pronuntiatam olim ab iſis, qui Euchariftiam ſumebant, dixi pag. 263. hujus Voluminis: aperta ſunt autem teſtimonia Cyrilli præcitata Catech. 5. Myſtag. Ambroſii lib. 1v. de Sacram. cap. 5. Hieronymi Epift. ad Theophilum, aliorumque. Menardus not. 1046. in Sacram. Gregorii, Goarius in Miſſam Chryſoſtomi pag. 150. & Lupus in v. 11. Concilium Romanum tom. v. pag. 529. erudite de ipſamet particula pertractarunt. Sectatores Novati, ut reſert cit. lib. Eusebius, loco *Amen* dicebant: *Non deinceps ad Cornelium revertar*. III. Mos eſt pervetuſtus, ut communicaturi imitantes humilitatem Cenſurionis dicant verba, quæ apud nos ante prædictam formulam tertio a ſacris miniſtris repetuntur, *Domine non ſum dignus, &c.* hujusque vetuſtatis Durantus lib. 2. de Ritib. Eccl. Cathol. cap. 55. num. 21. & Cardinalis Bona lib. 2. Rerum Liturg. cap. 17. num. 1. alique complures, teſtes proferunt Origenem, & Chryſoſtomum. De Communione calicis, de Intincta, & de ritu ſignandi pretioſo Sanguine organa ſenſuum, quoniam in variis hujus libri locis pertractavi, nil modo repetam. IV. Conſuetum fuit olim, dum Euchariftia diſtribuebatur, pſalmum aliquem canere, cujus rei gratia antiphonam Miſſæ appellari *Communionem* præmonui capite 14. Præcitato in loco cruditiſſimus Bona comprobat conſuetudinem iſtam ex Liturgia S. Jacobi, ex Ordine Romano, ex Miſſa Aethiopum, & ex Auguſtino lib. 2. Retraſt. cap. 11. Canebatur, dum ſacra ageretur Synaxis, præſertim Pſalmus xxxi. *Benedicam Dominum in omni tempore*; eſt enim de panibus propoſitionis, & de Davide, qui immutavit vultum ſuum coram Abimelech: & recte

recte, inquit Micrologus Eccl. Observat. cap. 18. *Eucharistia accommodatur*. Actæ denique gratiæ, sicut & Christus celebrata Cœna, eam discipulis hymnum dixit, ait S. Thomas 3. parte, quæst. 83. art. 4. At de hoc etiam hymno pertractatum est capite 3. hujus libri pag. 186.

V.

Fere omnia quæ diximus, servantur in communione, quæ ex Missali & Rituali Romano, si fiat in Missa, ut faciendam monet synodus Trident. sess. 22. cap. 6. fieri debet *post communionem celebrantis ante purificationem*. Non esse administrandam communionem *post missam* a sacerdote celebrante, docuerunt Brancanius, Thierius, Le-Brun, laudati a BENEDICT. XIV. de Sacrif. Missæ p. 4. sect. 2. num. 160. At sapientissimus Pontifex sacrificio peracto administrandam docet, si magnus sit communicantium numerus; quoniam adstantes possent tædio affici, aut agendarum rerum urgeri sollicitudine: quod & docuit Gavantus in Thes. sacrorum Rituum p. 2. tit. 10. In hujus sententiæ confirmationem addo Concilium v. Mediolanense, in quo tom. xv. Concil. pag. 587. præscribitur, ut sacerdos, si communicare velit peracta jam Missa, utatur iisdem vestibus, quibus in eadem Missa usus est, *casula tantum deposta, & manipulo item*. Idem legitur in Sacramentali Ambrosiano pag. 74. extatque de communione *post Missam* faciendâ præscriptio in Antiq. Rit. Eccles. Salisburg. pag. 61. Permittitur eadem communio decretis Sacræ Congreg. Visit. Apostolicæ, latis sedente Urbano VIII., ea tamen cautione, ut Sacerdos *nec planetam, nec manipulum deponat*: profertque eadem decreta Cajetanus Meratus Observat. 29. in prælaudatum Gavanti titulum. II. Etiam in Missa defunctorum, posse Eucharistiam administrari sententia probabilior est, eamque tenent quamplurimi, quibus subscribunt doctissimus Pontifex citat. loco num. 161. ac duobus sequentibus, & Meratus num. 28. nec aliud censet in Ceremoniali Ordinis nostri Hispanice edito Antonius de Castro pag. 445. Sancta enim Tridentina synodus citato in loco peroptat, *ut in singulis Missis* fideles communicent, iis, quæ aguntur pro defunctis, nequaquam exceptis. In his quoque Sacerdos ait in Canone, *Ut quotquot ex hac Altaris participatione, &c.* & in Rubricis Agendæ pro defunctis pariter legitur: *Si qui sunt communicandi, eos communicet, antequam se purificet*. Atque his præsertim rationibus permoti, recedunt viri docti ab opposita aliquorum sententia, innixa cuidam decreto S. R. Cong. an. 1701. quod tamen eadem Congregatio die 21. Martii an. 1711. vetuit, ne deinceps promulgaretur. III. Quæri potest, an communio administrari valeat in nocte Nativitatis Domini, & feria v1. ac sabbato majoris hebdomadæ. In nocte Nativitatis Salvatoris nostri communicant in

To. VII.

Ecc

fo-

solemni missa Clerici omnes Vaticanæ Basilicæ sacerdotio nondum initiati : & communicabant olim Carthusiani , & antiqui monachi : sed decreto S. Rit. Congregationis die 7. Sept. 1641. cautum est , ne post decantatam Missam aliæ celebrentur , & in eis communio exhibeatur fidelibus eam deposcentibus . FERIA VI. in Parasceve *solis infirmis* dandam communionem sancivit eadem S. R. C. die 19. Februarii 1622. In sabbato etiam sancto a communione abstinendum , commonstrat praxis Ecclesiæ , quam vetustissimam esse colligitur ex quo in Missa illius diei non cantentur antiphona , quæ appellatur *communio* . Vide in præcitata sect. 2. num. 164. præstantissimum , doctissimumque Pontificem .

V.

In *Cena Domini* fit ex antiqua consuetudine sollemnis totius Clerici communio ; quam laudant in Capitul. Theodulphus Aurelianensis Episcopus scriptor x. sæculi , Joannes Abrincensis auctor sæculi xi. & Ordo Romanus ; eamque ex præfco more servari a Græcis tradit lib. 111. de Eccles. Occidentalis & Orient. consensu cap. 17. Allatius . In Cerem. Episcoporum lib. 2. cap. 23. præscribitur , ut sacerdotes deferant *stolam a collo pendentem supra coctam* . Antiqui Monachi ea die communionem sumebant de manu Abbatis , prout observat Martenius de Antiq. Monach. ritib. lib. 3. cap. 13. num. 44. Decreto S. Rit. Cong. 2. Sept. 1608. omnes de Clero Eucharistiam sumere debent de manu Celebrantis , quamvis sint Canonici . Altero ejusdem Congreg. decreto 8. Aug. 1643. administrare eam debet Episcopus per seipsum . Commendat hujus communionis ritum , prima sacrosanctæ Eucharistiæ institutio , ipsiusque facta duodecim , Apostolis dispensatio , cujus tunc anniversaria commemoratio recollitur . Quidquid ad Communionem hanc spectat , collegit , produxit , & explicavit Notificat. dici 26. Februarii an. 1735. prælaudatus Romanus Pontifex .

VI.

De Communione privata , quæ extra Missam administratur ; iis , quæ traduntur in Rituali Romano , addi possunt perpauca . Meratus tom. 1. pag. 614. docet quod paranda sint mappa munda , & vasculum cum vino , vel aqua ad purificationem , ac danda sit benedictio pyxide jam reposita , clausoque Tabernaculi ostiolo . Manuale Cameracense pag. 52. advertendos docet ignaros , purum ibi contineri vinum , aut puram aquam ; quod tamen quisque deprehendit ex quo vasculum extra altare consistat , neque a Diacono , sed a minori clerico porrigatur . Sacramentale Ambrosianum ex documentis sancti Caroli pag. 71. præcipit , ut communio primò ministraretur maribus , tum feminis , nullo habito conditionis discrimine , & loco (de laicis sermo est) remotiori aliquantulum ab altari , *Decreto de-*
mum

num Congregationis Concilii confirmato an. 1679. ab Innocentio XI. indicitur ne uni major, alteri minor *hostia* præbeatur, cum idem Dominus etiam sub minima contineatur, nec apud Deum sit personarum acceptio.

VII.

Quum de Eucharistia pro infirmorum Viatico servanda prolixè egerim capite XI. theoremate 2. nil aliud dicendum remanet, nisi sacrosanctam Eucharistiam deferendam ad infirmos a sacerdote *in decenti habitu, superposito mundo velamine, honorifice ante pedes, cum omni reverentia, & timore semper cum lumine præcedenti.* Verba hæc sunt Honorii III. cap. *Sane*, 3. Decret. tit. 41. num. 10. Remensis synodus jam ab anno 852. definierat rem esse *horribilem ac detestabilem*, si ab alio, quam a presbytero ad infirmos Corpus Domini deferatur. Vide caput, *Pervenit*, de Conf. dist. 2. num. 29. Decentem habitum esse *superpellicium cum stola*, demonstrat ex Ecclesiasticis definitionibus tom. 3. in Decret. pag. 816. eruditus Gonzalez. Cetera singulis nota sunt. Ad ægrotos, qui ob morbi gravitatem nequeunt sacram Communionem accipere, nullatenus deferenda est Eucharistia, ut illam adorent & venerentur, cum id Ecclesiastica decreta prohibeant, repugnante etiam praxi & disciplina; quæ juxta Pastorum statuta est accurate, diligenterque servanda.

VIII.

Unum restat solummodo, quod forte a me quæret aliquis, cur Romanus Pontifex solemniter celebrans ratione a sacerdotibus aliis diversa communicet: etenim postquam ad altare consecravit oblata, in Pontificali folio sumit dimidium *hostiæ*, distributa parte altera inter Cardinalem Diaconum, & Subdiaconum, fugitque pretiosum Sanguinem aurea fistula. Verum de hoc ritu dissertationem edidit noster Angelus Rocca, quæ extat Volum. 1. Operum ejus, pag. 15. Prætermisissis autem omnibus, quæ eo loci afferuntur, arridet mihi plurimum ea ratio, quod Pontifex in altari symbolum gerit Redemptoris nostri, quatenus in Cæna postrema Eucharistiam fregit, & consecravit; in sublimi autem folio communicans contractam hostiam, & facie ad omnes conversa, gerit typum ejusdem Redemptoris palam in cruce immolati, & lancea clavisque transfixi. In memoriam quoque passionis, & calami, quo Jesus degustavit sel & acetum, utitur fortasse Pontifex ea fistula; quam tamen apud veteres invenimus aliquando ad Sanguinem facilius exfugendum. Vide, si lubet, quæ de eodem ritu literis consignarunt etiam Innocentius III. lib. 6. Myst. Missæ cap. 9. & Guilelmus Durandus lib. 1v. Rat. Divin. Offic. cap. 54. nam ego de Eucharistia, quatenus *Sacramentum* est, pro modulo ingenii mei hætenus pertractavi.

CAPUT XIX.

Demonstratur in Missa offerri Deo verum ac proprium sacrificium.

JAM vero de Eucharistia, *quatenus sacrificium est*, in hac dissertatione agendum erit: qua in re, cum Theologi omnes in hoc amplissimo argumento versentur, moderate saltem necessaria, & graviora attingemus. Quoniam vero huc attinent quæ dicta sunt de oblatis, de consecratione, hujusque ministro, necnon alia plura in superioribus pertractata; illam instituo in præsentia questionem, an in Missa verum offeratur Deo sacrificium. Inter eos, qui negarunt in nova lege sacrificium esse offerendum, Carolus V. & Catholici Principes in respons. ad Confess. Augustanam connumerarunt Arianos, *de quibus Augustinus* (inquit in Harm. Confess. pag. 469.) *ait negasse faciendam oblationem pro vivis. & mortuis*. At nihil tale apud Augustinum invenies. Scribit solum S. Pater Arianos dixisse, *offerri pro dormientibus non oportere*, observatque de hæresib. num. 53. id Aerium proprio Marte addidisse ad dogmata Arianorum. Auctores itaque illius responsionis similitudo vocabulorum fecellit. Inter veteres hæreticos invenies perpaucos, qui de medio substulerint sacrificia. Hoc tamen scelus attentarunt Petrobrussiani, Albigenes, atque hos subsecuti ceteri Novatores. Nam Lutherus in *Formula Missæ* edita anno 1523. oblationem Missæ appellat *abominationem*. Oecampadius in resp. ad Confess. Luth. vocat altaria *impias lapidum congeries*. Eadem Petrus Martyr adversus Gradinerum part. 3. ad object. 16. comparat aræ Baal; ac similia effutunt reliqui tum Calvinistæ, tum Lutherani.

Quæret forte aliquis, qua ratione in Confessione Augustanæ tam primum edita anno 1530. quàm post annos decem reformata scripserint hæretici: *Falso accusantur Ecclesia nostræ, quod missam aboleant: retinetur enim missa apud nos, & summa reverentia celebratur*. Ergone falsas in illos calumnias impingimus? Absit. Celebrant utique nonnulli hæreticorum Missam, sed cum velint homines sola in Christum fiducia justificari, nefarias consecutiones trahentes, ex quo Scriptura doceat ipsum Christum factum esse oblationem & sanctificationem pro totius mundi peccatis, atque una oblatione consummasse sanctificatos omnes, affirmant inferri injuriam passioni Christi si alia repetatur oblatio, negant aliud sacrificium præter immolatum in cruce vim aliquam habere *propitiationis*, & concludunt ad hoc tantum deservire Missam, ut facta Dominici transitus commemoratione, & fiducia excitata sacramentum Eucharistiæ cre-

credentibus porrigatur. Negant igitur hæretici revera Missam, *quatenus sacrificium est*. Eam ob rem Lutherus in præcitata Missæ *formula* omnes Liturgiæ partes delevit, quæ spectant ad oblationem. Calvinus pariter docuit Genevenses, & Zuvinglius Helveticos, ne ullatenus *oblationis* nomen usurparent; & quidam pro altari lapideo posuerunt in templis ligneam mensam, retinentes communionem sacrificio rejecto. Atque ob eandem rationem *privatas* Missas, in quibus populus non communicat, damnant abusus, & nefariæ superstitionis. Idcirco in Confessione Augustana paulo post verba citata legitur: *Cum missa sit communicatio sacramenti, servatur apud nos una communis missa, singulis feriis, atque aliis etiam diebus, si quis sacramento velint uti, ubi porrigitur sacramentum his, qui petunt*. Et in Confess. reformata an. 1540. additur: *In institutione cæne Domini non mandat Christus, ut offerant sacerdotes pro aliis vivis ac mortuis. Qua igitur auctoritate hic cultus, tanquam oblatio pro peccatis, sine mandato Dei institutus est? Quare, ut adversus hæreticos recta methodus teneatur, principio investigandum est, an Christus Eucharistiam instituerit etiam ut sacrificium, quod in Missa proinde sit offerendum: deinde, an sacrificium istud sit etiam propitiatorium, idest, offeratur pro peccatis, & pœnis peccatorum remittendis; ac præterea, num probandum sit sacrificium absque adstantium communionem, hoc est, Missa, quæ dici solet solitaria, aut privata. Quæ hoc, & duobus proximis capitibus discutientur, nam reliqua ad hanc materiam spectantia tradentur postea*.

Prænotandum est autem *sacrificii* nomine minime nos intelligere qualecunque opus bonum, quod eatenus sacrificium appellatur, quatenus ex bona voluntate procedens acceptum est Deo, ejusque indignationem avertit, & promeretur benevolentiam; quo sensu Pf. XLIX. 14. legitur: *Immola Deo sacrificium laudis*. Pf. L. 19. *Sacrificium Deo spiritus contribulatus*; & apud Augustinum lib. x. de Civit. Dei cap. 6. *Sacrificium verum est omne opus quod agitur, ut sancta societate inbæatur Deo*; sed intelligimus *sacrificii* nomine, externum religionis officium, quo Deo tanquam supremo univerforum Domino sit aliqua rerum sensibilibus oblatio, ut cum in lege naturæ, vel scriptæ in ara a sacerdotibus immolabantur fruges, effundebantur libamina, mactabantur pecudes, & holocausta cremabantur. Definitur autem sacrificium a Theologis omnibus, *Externa oblatio a legitimo ministro facta soli Deo, qua in ejus cultum, & supremi domini argumentum res aliqua sensibilis ritu mystico consecratur, & immutatur*. Ex qua definitione percipimus, in sacrificio offerendam esse rem aliquam extra nos positam, non voluntatem duntaxat, animique affectum: oblationem hanc non a quocunque, sed ab iis, quibus id muneris commissum est, & religioso ritu esse perficiendam; rem denique

que

que oblatam; ut quodammodo suprema Dei potestas resplendeat; esse mystice destruendam, aut absumptione ignis, aut divisione partium, aut liquidorum effusione, aut rerum oblatarum consummatione: alioqui, nisi talis mutatio intercedat, habebitur quidem oblatio, sed non sacrificium. Interim hæc prænotasse sufficiat; nam, varia sacrificiorum genera initio proximi capitis afferentur.

PROP. I. Christus instituens Eucharistiæ sacramentum, obtulit in ea sacrificium.

Hæc propositio, quæ in hac controversia caput est ceterarum, demonstrata est auctoritate Scripturarum, ac Patrum libro xxv. 11. cap. 7. ubi etiam soluta sunt objecta hæreticorum. Summa autem illius capitis hac brevi argumentatione comprehenditur: Christus a Davide Ps. cix. 4. & a Paulo ad Hebræos vi. 11. 15. appellatur *sacerdos secundum ordinem Melchisedech*: atque, ut docent Patres, & ratio suadet, hujus appellationis hæc est causa, quod idem Christus obtulit sacrificium juxta ritum & similitudinem sacerdotii Melchisedech, qui Genes. xiv. 18. dicitur *sacerdos Dei altissimi*. Atqui hujusmodi ritus, ac similitudo sacerdotii Melchisedech in eo sita est, quod sicuti Melchisedech obtulit panem & vinum, quæ erant typus ac symbolum Eucharistiæ, ita Christus Dominus sacerdotio functus est, dum ipsam Eucharistiam sub speciebus panis & vini institutam consecravit, & obtulit. Igitur Christus Eucharistiæ Sacramentum instituens verum & proprium obtulit sacrificium. Vide tom. v. p. 337. & sequentibus.

PROP. II. Christus Eucharistiam instituens præcepit Apostolis, ut illam in sacrificium offerrent.

Demonstratur proximis argumentis. Principio ait Dominus ad Apostolos Lucæ 22. 19. *Hoc facite in meam commemorationem*; at ipse obtulit sacrificium, ut alibi demonstratum est: igitur jussit, ut Apostoli idem sacrificium offerrent. Hinc apparet jure meritoque Tridentinam synodum sess. 22. cap. 1. hæc docuisse: *Sacerdotem secundum ordinem Melchisedech se in æternum constitutum declarans, corpus & sanguinem suum sub speciebus panis & vini Deo patri obtulit, ac sub eorundem rerum symbolis, Apostolis, quos tunc novi Testamenti sacerdotes constituebat, ut sumerent traditis; & eisdem, eorumque in sacerdotio successoribus, ut offerrent præcepit per hæc verba, Hoc facite in meam commemorationem, &c.* II. Probatur traditione Patrum. Etenim S. Cyprianus epist. 63. ad Cæciliam non solum ait Christum fuisse sacerdotem, & obtulisse hoc idem quod Melchisedech obtulerat, id est, panem & vinum, suum scilicet corpus & sanguinem; sed etiam ait pag. 230. novæ edit. *Si Jesus Christus Dominus & Deus noster, ipse est summus sacerdos Dei Patris, & sacrificium Patri seipsum primus obtulit, & hoc fieri in sui commemorationem præ-*

præcepit; utique ille sacerdos vice Christi vere fungitur, qui id quod Christus fecit imitatur, & sacrificium verum & plenum tunc offert in Ecclesia Deo patri, si sic incipiat offerre secundum quod ipsum Christum videat obtulisse. Irenæus lib. iv. cap. 32. ex diff. Massuet. 17. num. 5. postquam Eucharistiæ institutionem commemoravit, Novi Testamenti, inquit, novam docuit oblationem, quam Ecclesia ab Apostolis accipiens in universo mundo offert Deo. S. Joannes Chrysostomus Hom. 24. in 1. epist. ad Corinth. pag. 533. aperte de Eucharistia, & de pane, quem frangimus, verba faciens, Pro cade brutorum (inquit) Christus seipsum iussit offerri, ipsumque sacrificium mutavit, tunc dicitur autem dominus, & non arri & dicitur quædam iussit quædam mutavit. Eusebius Cæsariensis Demonstrationis Evangel. lib. 1. cap. 10. docet pariter Christum in cæna admirandam hostiam Patri sacrificando immolasse memoriam nobis tradendo, ut nos vice cruenti sacrificii eandem in perpetuum sacrificemus, prius ipse præparavit arri dicitur tunc dicitur dominus quædam iussit quædam mutavit. Similia Oecumenius in Paulum, ubi exponens ea verba, Tu es sacerdos in æternum, inquit, Deditque ipsis Apostolis in cæna illa mystica modum ipsiusmodi sacrificii: & præparavit autem in tunc præparavit dicitur tunc præparavit quædam iussit quædam mutavit. Theodoretus quoque in Epistolam ad Hebræos tom. 3. pag. 431. quærens, cur novi testamenti sacerdotes mysticam Liturgiam peragant, Quoniam, ait, id nobis præcepit ipse Dominus dicens, Hoc facite in meam commemorationem: tunc præparavit autem & dicitur quædam iussit quædam mutavit. Addamus post Græcorum testimonia, quædam inter Latinos præstantissimorum Antistitem. Ac Cypriani quædam exscripsimus paullo supra. Ambrosii in libro de Benedict. Patriarch. cap. 9. num. 38. Hæc sunt verba: Panem dedit Apostolis, ut dividerent populo credentium, hodieque dat nobis eum, quem ipse quotidie sacerdos consecrat suis verbis: & in Psalmum 38. num. 25. Sequimur principem sacerdotum ut possumus sacerdotes, ut offeramus pro populo sacrificium: etsi infirmi merito, tamen honorabiles sacrificio; quia etsi Christus nunc non videtur offerre, tamen ipse offertur in terris, quando Christi corpus offertur: immo ipse offerre manifestatur in nobis, cujus sermo sanctificat sacrificium quod offertur. S. Hieronymus lib. 3. Dialogi adversus Pelag. tom. 1v. pag. 545. ait: Sic docuit Apostolos suos, ut quotidie in corporis illius sacrificio audeant loqui, &c. & infra pag. 547. Recurre ad Gesum, & Melchisedech regem Salem, huius principem invenies elicitatis: qui jam tunc in typo Christi panem, & vinum obtulit, & mysterium Christianum in Salvatoris sanguine & corpore dedicavit. S. P. Augustinus Enarrat. 1. in Ps. 33. num. 5. ita loquitur: Erat autem, ut nostis, sacrificium Judæorum ante secundum ordinem Aaron in victimis pecorum, & hoc in mysterio; nunc erat sacrificium

corporis & sanguinis Domini, quod fideles norunt & qui Evangelium legerunt, quod sacrificium nunc diffusum est toto orbe terrarum. Demonstrat deinde hoc sacrificium esse secundum ordinem Melchisedech, qui Deo panem vinumque obtulit. Habet similia lib. xv. de Civit. Dei cap. 22. lib. 1. contra Adversarium legis & Prophet. c. 20. epist. 95. nunc 177. ad Innoc. n. 12. aliisque in locis compluribus.

PROP. III. Sacrificium, quod Christus instituit, & in Ecclesia offerendum præcepit, non est sacrificium improprie acceptum, atque, ut contendunt hæretici, sola Dominici Corporis distributio & communio, sed vera oblatio habens proprii sacrificii rationem.

Demonstratur primo ex antiquis figuris ac vaticiniis. Intes quæ mitto sacrificium Melchisedech, quod non fuisse nudam oblationem cibarium factam Abrahamo, comprobatum est alibi. Præmitto etiam immolationem Paschalis Agni, de qua disserui Volum. iv. pag. 75. nam & Paschalem agnum figuram fuisse Eucharistiæ, inde constat, quod Apostoli in cæna corpus Domini sacramentaliter manducarunt, ideoque præcessit hujus corporis immolatio; quoniam, ut inquit Theophylactus in cap. 28. Matth. *ἰδὲ ἰδὼν οὗτος μὴ ἀποκτείνω ἱσχυόμενος ἵνα*, Nemo quicquam edit, nisi prius fuerit immolatum. Etiam omitto typos alios veterum sacrificiorum, quos accurate expendit doctissimus Bellarminus lib. v. de Eucharistia c. 8. Ad revincendos enim hæreticos sufficit celebre vaticinium Malachiæ cap. 1. *Ab ortu solis usque ad occasum, magnum est nomen meum in Gentibus, dicit Dominus: & in omni loco sacrificatur, & offertur nomini meo oblatio munda.* Quæ est enim oblatio facta Domino ubique locorum, nisi Missæ sacrificium? De hoc utique sacrificio Patres omnes vaticinium illud interpretati sunt. Justinus in Dialogo cum Tryphone, Irenæus præcitato capite 17. Joannes Chryllostomus in Pl. 95. Hieronymus, & Theodoretus in Malachiam, S. Pater Augustinus lib. 19. de Civitate Dei cap. 23. & in primo contra Adversarium legis cap. 18. Damascenus lib. iv. Orthodoxæ fidei c. 14. & alii plurimi. Quorum testimoniis, cum obvia sint, & in unum collecta a Lindano tom. 2. Apologetici, a Bellarmino cap. 10. citati libri, & ab omnibus Polemicæ Theologiæ tractatoribus, addi possunt veteres omnes Rabbinæ, qui apud Galatinum lib. xi. cap. 9. Malachiæ verba explicarunt de vero sacrificio absque victimarum cruore, & sine loci coarctatione, offerendo. Perspicue enim vocabula Hebraica מנחה *Minchah meorà*, quæ Latinus reddidit, *Oblatio munda*, significant externum aliquod sacrificium, ac præsertim oblationem similem, & molitæ farinæ, Levit. 11. 2. nec aliam est vis Græcarum dictionum, *θυσία καθάρη*, sacrificium mundum. Etiam Drusus 2. p. tom. iv. Criticorum Anglicanorum pag. 801. interpretatur hæc verba, *Munus, quod offertur ex farina mundissima*:

& Hu-

& Hugo Grotius tom. 1. Comment. pag. 567. *Oblationes fidelium, ex quibus & Eucharistia fiebat.* Præterea multæ aliæ fuere ejusdem sacrificii vaticinationes, ut Isaïæ xix. 19. prædicitur altare in Ægypto erigendum, & cap. ult. 21. necnon Jeremiæ xxxiii. 22. prænuntiantur Sacerdotes & Levitæ alterius generis ab Aaronicis. Huc etiam spectat versus 16. Psalmi lxxi. *Et erit firmamentum in terra, in summis montium;* etenim in codice Hebraico habetur pro *firmamento*, פִּסְסַת בָּר פִּסְסַת בָּר *Pissath bar, placenta frumenti*, & Chaldaicis legens יהי קרן דבורא בארעא כריש טוריא כנישיתא, idest, *Erit sacrificium frumenti in terra in capite montium Ecclesie*, quo in loco prænuntiatur fuisse sacrificium Messie, *in placenta frumenti* offerendum, tradunt antiqui Rabbinæ apud Raymundum Martinium in Pugione fidei 3. p. dist. 3. cap. 15. Petrum Galatinum lib. 10. cap. 4. & Josephum de Voisin de Lege Divina cap. 4. Jam vero sacrificium extra Jerusalem, in regionibus Gentium, super altaria in Ægypto, aliisque in locis constructa, & a ministris in sacerdotium electis immolandum, & offerendum, esse verum propriumque sacrificium, diversum ab Aaronico, necnon a cruento Christi peracto in Golgotha, res est clarior luce meridiana. II. Fatentur hæretici Eucharistiam in ultima cœna datam Apostolis, eamque nascentis Ecclesie fideles frequentasse, quod evidentissime historia Evangelica, Acta Apostolorum, & Paulus scribens ad Corinthios memoriæ posterorum tradiderunt. Sed commendant hæc omnia Eucharisticum sacrificium. Enim vero quantum ad cœnam attinet, in ea Christus Eucharistiam appellavit *Pascha*, dicens: *Desiderio desideravi, hoc Pascha, &c.* Nam et si hæc verba etiam ad Agnum typicum referri possunt; tamen verba proxima, *Ex hoc non manducabo illud, &c.* non nisi ad Pascha Christianum, scilicet Eucharistiam, possunt accommodari, ut animadvertit Calmet in Lucam xxii. 16. & Estius in iv. dist. 12. §. 11. Etiam Theophylactus in Evangelia pag. 513. ea verba refert ad mysteria ταῖς τοῦ καινοῦ διαθήκης, *quæ sunt novi testamenti.* Porro *Pascha* sacrificium est, ut demonstravi pag. 289. docetque Apostolus 1. ad Corinth. v. 7. ideoque in Eucharistia Christus verum obtulit sacrificium. Eapropter gratias egit, benedixit symbola, segregavit, & saltim mystice sanguinem separavit a corpore, quæ sunt actiones sacrificiorum. Spectat etiam ad sacrificii consummationem quod ipsemet Christus sumpsit Eucharistiam, atque, ut fieri solebat in sacrificiis pacificis, distribuerit eam discumbentibus. Aiebat propterea Cyrus Theodorus Prodromus in Matthæum pag. 119.

Θὺς τὸ δῶμα, ὃ τὸ δῶμα ἔδωκε

καὶ κλῆς τὸν ἄρτον ἄρτος, ὃς κατὰρ πίσις,

ἄμπε γὰρ ὁ σὺ, ὃς δὲ τὸν ὃς δῶμα.

Tu, qui sacrificium es, sacrificium; qui cœna, comedis;

To. VII.

FFF

Qui

Qui panis es, panem frangis: qui calix es, bibis;

Utique enim es, & Sacerdos, & hostia.

In Actibus Apostolicis xii. 2. legimus: *Ministrantibus autem illis Domino, & jejuantibus, dixit illis Spiritus sanctus, &c.* ubi pro ministrantibus est Græce λειτουργούντων, sacrificantibus. Hanc utique locum Theophylactus in Acta pag. 118. & Oecumenius pag. 110. interpretantur, τῶν λειτουργούντων, hoc est prædicantibus: sed Græca vox omne ministerium, & præcipue sacrificium significat, nec Theophylactus & Oecumenius hoc excludunt. Si liquidem, qui Domino ministrabant, erant sacerdotali charactere insigniti, etenim Saulo & Barnabæ manus imposuerunt; ideoque prædicare erat ministerii ipsorum pars tantum una. Si ergo λειτουργούντων accipiatur pro munere sacerdotum præcipuo; bene redditur sacrificantibus, ut explicant Sanctius, Estius, Lorinus, A Lapide. Adde Erasmus, qui reddit, Operantibus sacra, & H. Stephanum, Dantibus operam rebus divinis. Præterea subjicitur τῷ κυρίῳ, Domino: at prædicatio, licet divinum opus sit, hominibus potius impenditur, quam Deo. Est in Syriaco participium מתכשרין, Methchascbpin, quod in Polyglottis Waltonianis tom. v. pag. 566. vertitur, dum preces auspiciantur: sed adverte Guidonem Fabricium Boderianum in Lexico Syrochaldaico explicare idem participium, Methchascbpin, Exercentes actionem, qua vel sacrificant, vel preces concipiunt. In Bibliis denique Roberti Stephani edit. Parisiensis an. 1532. legitur in margine, Sacrificantibus; ideoque rectissime utuntur hoc testimonio adversus hæreticos Pontificii Theologi: quorum argumentationi non absere crit has breves notulas adjecisse. Ut nunc ad Apostolum veniamus; is ad Corinthios i. cap. x. 18. ut ab idololatria fideles averteret inquit: *Videte Israel* (nota quarti casus vocem esse τὸν ἱερὸν, in quod multi impeerunt) *secundum carnem: nonne qui adunt hostias, participes sunt altaris?* Mox vero: *Sed quæ immolant gentes demoniis immolant, & non Deo. Nolo autem vos socios fieri demoniorum: non potestis calicem Domini bibere, & calicem demoniorum: non potestis mensa Domini participes esse, & mensa demoniorum.* Ex hoc loco apparet in mensa Domini, scilicet Eucharistia, absumi rem aliquam prius sacrificio immolatam. Illius enim argumenti hæc vis est: Israelitæ ut sacrificii fierent particeps, admittebantur ad comedendum de hostiis Deo oblati: atque idem fieri solet in sacrificiis Gentilium, qui proinde edentes victimas demoniis mactatas, communicant & ipsi sacerdotum suorum immolationibus. At vos, qui mensæ Domini participes estis, & communicatis sacrificio, quod offertur Domino, non potestis manducare quod immolatur idolis, nisi velitis pariter communicare sacrificiis idololatrarum. Atque hoc argumentum supponit in mensa Eucharistica

stica sumi sacra munera jam sacrificio immolata, ideoque Eucharistiam esse sacrificium, quod prius offertur, deinde sumitur; quemadmodum fiebat in sacrificiis Judæorum, atque Gentilium. Præclare itaque Tridentini Patres sess. xxii. cap. 1. de Sacrificio Missæ ita loquuntur: *Et hæc quidem illa munda oblatio est, quæ nulla indignitate aut malitia offerentium inquinari potest, quam Dominus per Malachiam nomini suo, quod magnam futurum esset ingentibus, in omni loco mundam offerendam prædixit: & quam non obscure innuit Apostolus Paulus Corinthiis scribens, cum dicit non posse eos, qui participatione mensæ demoniorum pollati sunt, mensæ Domini participes fieri: per mensam altare utrobique intelligens, &c.* III. In Eucharistia fieri sacrificium, & oblationem a communione sacramenti distinctam demonstrat vetusta, & perpetua traditio. Atque hujus traditionis exhibet testimonium Nicæna Synodus, quæ canone 18. vetat, ne Diaconi sacramentum porrigant sacerdotibus, cum nec regula nec consuetudo tradiderit, ut hi, qui potestatem non habent offerendi, præter illorum præceptum, his, qui offerunt, dent Christi corpus: ubi aperte communio ab Eucharistiæ oblatione seceratur. Protulit quoque adversus Oecolampadium Cuthbertus Tonstallus vetustissimum ejusdem canonis fragmentum, in quo legebatur sumi in altari immaculatum Dei Agnum, additurque hæc ipsa divinum, incruente & sine maculatione immolatum: atque hujus fragmenti si revocetur in dubium ἀντοψία, nequit in dubium revocari vetustas. Accedunt Patres, qui non solum in Eucharistia sacrificium agnoscunt, ut præcedenti propositione dictum est; sed ulterius in hoc sacrificio a distributione, & communione sacramenti distinguunt oblationem Deo factam. Nam Justinus prælaudata ad Antoninum Apologia pag. 97. ait prius deferri panem & poculum vini & aquæ ei, qui fratribus præest: ab ipso deinde offerri τῷ πατρὶ Ἰησοῦ δυνάμει τοῦ ἐνὶ ψυχῇ τοῦ ἁγίου, Patri universorum per nomen Jesu Christi, & Spiritus sancti; & peracta Eucharistia, seu gratiarum actione, panem & vinum distribui unicuique præsentium. Quo in loco oblatio populi, sacrificium, & communio apertissime distinguuntur. Addit paullo post sanctus Martyr hoc idem fieri per imitationem docuisse pravos demones in mysteriis & initiationibus Mithræ. Μίθραν Gentiles appellabant solem, ut docent Kircherius in Obelisco Pamphili fol. 282. & Daniel Classenius de Theolog. Gentili lib. 1. cap. 7. ac Mithræ immolabatur animal in editissimis montibus, utpote cælo proximioribus; & post immolationem sacerdos singulis, qui intererant sacrificio, distribuebat frustum carnis. Quod utique reddit verba Justiniani planissima. Deprehenditur etiam oblatio in aliis Patrum testimoniis paullo supra productis: a quibus propterea repetendis abstineo; addens tantummodo

modo quod lib. 2. Qq. Evangelicarum q. xxxi. 11. num. 5. ait Augustinus de vitulo faginato, epulisque a Patrefamilias refipiscenti filio paratis: *Et ista epula atque festivitas nunc celebrantur per orbem terrarum Ecclesia dilatata, atque diffusa. Vitulus enim ille in corpore, & sanguine Dominico & offertur Patri, & pascit totam domum*. IV. Eruitur idem ex omnium fidelium populorum Liturgiis. In illis enim, quibus utuntur Græci, ac præsertim in Missa Chrysostomi pag. Euchol. 77. peracta consecratione Sacerdos alta voce ait: *ὡς ἐὰν ἐν αὐτῷ οὖν οἱ προσκύψωμεν, Τὴν ἐκ τούτων, scilicet donis, tibi offerimus*. In Missa Acthiopum, cujus Canonem Latinum reddidit Petrus Paulus Gualtcrius Arretinus legitur: *Offerimus tibi hunc panem & hunc calicem, tibi que gratias agimus, quod per hoc sacrificium dignos nos fecisti standi in conspectu tuo, & sacerdotale officium coram te exequendi*. Habentur similia in Liturgia Syriaca, quæ prodit Romæ juxta vetusta exemplaria an. 1594. In Missali Maronitico, ut vertit Simonius in notis uberioribus ad Apologiam Severi, hæc habentur: *Deus, qui recepisti oblationem Abelis in campo, & Noæ in Arca, & Abrahami in vertice montis, & Davidis in area Doronis Jebusæi, & Elie in monte Carmelo, & minata viduæ in Gazophylacio, suscipe oblationes istas, &c.* Liturgia Armeniorum ex typographia Congr. de Propag. fide pag. 8. *Et tua, inquit, hæc ab his tuis, tibi offerimus secundum omne, & pro omnibus: quæ verba consimilia sunt præcætatæ ex Missa Chrysostomi; & in quæ editi Commentarii S. Germani, Marci Ephesini, Nicolai Cabasilæ, aliorumque agnoscunt veri, propriique sacrificii rationem. Verum est tamen, quod essentia sacrificii, juxta communiorum Theologorum sententiam, non consistit in oblatione facta prædictis Liturgiarum verbis a Sacerdote, suo, & totius Ecclesiæ nomine; sed potius in consecratione, cujus verbis, quasi spiritali quodam gladio, exhibetur Christi sanguis ut effusus, & separatus a corpore, atque ita nomine Christi offertur victima salutaris, ut paullo post explicabo. At Liturgiæ omnes illam quoque consecrationem, & oblationem præscribunt: ad quam consequitur oblatio verbis expressa, qua Ecclesia offert, oratque ut acceptabile fiat sacrificium eadem consecratione immolatum. Ex quibus apparet hæreticorum, qui Liturgias mutilarunt, temeritas & audacia. V. Valent plurimum ad id confirmandum Altaria ab exordio Ecclesiæ pro sacrificiis erecta. Quamquam enim per catachresin altare aliquando sumitur, pro acervo lapidum, aut monumento in testimonium rei, non ad sacrificium erecto, ut Josue xxii. 10. attamen eo vocabulo absolute pronuntiato significatur Ara, aut potius superior Ara pars, in qua Deo sunt sacra, ut etiam Festus apud Vossium in Etymologico, Servius in Eclogam v. Virgillii, & scriptores plurimi tradiderunt.*

Sa-

Sacræ utique litteræ vocabulum illud hac significatione accipiunt trecentis in locis: nec obstat e libro Josue citatus, in quo *altaris* nomine significari tumulum positum ad divisionem, non ad rem sacram agendam, constat ex textu: nam molem illam appellat Hebraicus Codex, *מִזְבֵּחַ גָּדוֹל לְמִרְיָם* *Altare magnum ad videndum*, Græcus *Aram spectatu maximam*, *ὄψων μᾶλλον τὸ ἰδεῖν*, Vulgata *Altare infinite magnitudinis*. Altaria igitur proprie dicta, idest, pro sacrificiis in nova lege constructa, commemorat Apostolus scribens ad Hebræos x111. 10. *Habemus altare, de quo edere non habent potestatem, qui tabernaculo deserviunt*: ibique Græci legunt *θυσιαστήριον*, altare scilicet pro sacrificio, nam *θυσία sacrificium est, víctima, hostia*. Horum autem altarium vetustatem comprobant sacra antiquæ Romæ monumenta, ubi adhuc visitur in *Catacumbis* altare lapideum vetustissimum; aliud existit in Titulo Equitii, in quo rem sacram faciebat sanctus Silvester: consecratum alterum ab eodem Pontifice in Vaticana Basilica xiv. Kal. Decembris, tradunt MSS. antiquiora Lateranensis Archivi: constructa denique altaria supra Martyrum sepulcra commemorat S. P. Augustinus serm. 313. num. 5. & 318. num. 1. S. Paulinus Nat. 3. Prudentius in Hymno S. Hippolyti. & in altero S. Eulaliæ, aliique apud Bosium, Aringhium, Boldetium. Diximus & nos nonnulla de Altaribus Tom. vi. pag. 562. atque in hoc vii. pag. 332. Quæ de altari diximus, confirmat ordo Ecclesiasticæ Hierarchiæ, in qua extiterunt semper Pontifices, ac Sacerdotes, & quidem veri, proprie dicti, atque consecratione initiati, quod volumine altero demonstrabimus. At sicut altaria pro sacrificiis eriguntur; ita *omnis Pontifex ad offerendum munera, & hostias constituitur*, ut inquit Apostolus ad Hebræos vi11. 3. Sacerdos etiam, Isidoro teste, *a sacrificando nomen habet*. VI. Postremo nihil in Missa desideratur, quod necessarium sit ad sacrificium constituendum. Adest enim *minister legitimus*, & consecratus cum impositione manuum Presbyterii: offertur Deo *res sensibilis*, idest, Christi corpus & sanguis sub panis vinique speciebus: est etiam *mystica* quædam immolatio & mactatio, & quædam *mystica* effusio sanguinis, dum calix consecratur separatim ab alio symbolo, seu a pane in Christi corpus transubstantiato, unde Lucæ xx11. 20. de poculo sanguinis legitur, *τὸ ὑποὶ ὑμῶν ἐκχυννόμενον, quod pro vobis funditur*: quæ verba nequeunt intelligi de sanguinis effusione facta duntaxat in Cruce, tum ob participium præsentis temporis, tum ob orationis syntaxim, nam *τὸ ἐκχυννόμενον, quod funditur*, refertur ad *τὸ ποτήριον, poculum*, casus recti, non ad ea verba, *in sanguine meo, ἐν τῷ αἵματι μου*, ut constat Græca inspicienti. Atque hinc apparet etiam in consecratione *Panis* participium *ἐκχυννόμενον, quod datur*, præsentis temporis, referendum esse ad corpus Christi existens sub spe-

specie panis, unde Apostolus 1. ad Corinth. x. 24. pro *idolum* posuit *idolum*, quod frangitur; quoniam idem Christi corpus, quod immolatum est in Cruce, frangitur in altari, non quidem in se, sed ratione *specierum*, ut dixi pag. 296. Tandem in sacrificio nostro est etiam *rei oblatae consumptio*, quæ fit, dum sumitur Eucharistia, & a Sacerdote utraque species deglutitur: neque huic consummationi obstat quod reservetur ex oblatis pro communione fidelium, & pro infirmorum viatico; nam & olim de victima oblata servari aliquid poterat diem alteram; & aliquando sacrificium igne absumebatur, aliquando comedebatur ab offerente, aliquando partim igne cremabatur, partim vero cedebat in cibum offerentium, & Levitarum.

OBJECTORUM REFUTATIO.

Quæ faciunt adversus Christi sacerdotium, & sacrificium in ultima Cœna peractum, refutata sunt lib. xxv. 1. cap. 8. Remanent nunc dilucenda, quæ adversus incruentum Missæ sacrificium obijciuntur: quorum unum est, Missam humanum esse institutum, non Christi mandatum. Nam Sacrificii *ordinem* primi ediderunt Jacobus, & Marcus: & horum quoque Liturgia, si non *apocrypha*, dubia est saltem. Theodorus enim Balsamon libro v. Juris Græco-Romani illam in dubium revocat, & Bellarminus de scriptoribus Ecclesiasticis Liturgiam Jacobi precum additione *locupletatam* esse fatetur. Nec suspitione carent, quæ circumferuntur sub Chrysostomi, & Basilii nomine; nam a multis Proclo Constantinopolitano Archiepiscopo tribuuntur. In his præterea Græci a nobis dissentiunt circa *formam* consecrationis, in qua potissimum sita est, juxta Pontificis Scriptores, ratio sacrificii.

Respondeo nil concludi adversus sacrosanctum & incruentum sacrificium ex his, quæ hæretici de sacris Liturgiis commentantur. Primo, quia licet Apostolorum successores divino *ministerio* preces addiderint, & ritus ac ceremonias immutarint; non sequitur ab Ecclesiæ incunabilis non fuisse institutum Agnum Christum in altari immolatum, neque sacrum ministerium & sacrificium peractum in mensa Domini; cum oppositum doceant Acta Apostolica, Paulinæ Epistolæ, antiquus scriptor Justinus, universorumque Patrum consensus. Deinde ex his, quæ de Liturgiis affirmant, ita hæreticos ipsos perstringimus: Quemcumque auctorem variæ Liturgiæ habeant, antiquissimæ sunt tamen, & quæ sub Basilii & Chrysostomi celebrantur nomine, obtinebant quarto Christiani nominis sæculo. Tunc ergo temporis in Ecclesia Christi incruentum sacrificium offerebatur. Sed nec probabile est Basilium, Chrysostomum, aut alium quem-

quempiam novum sacrificium adversus Patrum traditionem inexistere, universa Ecclesia approbante. Habent præterea antiquæ Liturgiæ invictum testimonium ex canone 32. Trullano, in quo legitur, *Nam & Jacobus Christi Domini nostri secundum carnem frater, cui Hierosolymitana Ecclesia thronus primum est creditus, & Basilii Cæsareensis Ecclesia Archiepiscopus, cujus gloria omnem terrarum orbem pervasit, mystico nobis in scriptis tradito Sacrificio, ita consecrandum in divina Missa ex aqua & vino sacrum calicem ediderunt.* In unaquaque deinde Ecclesia vetus aliqua Liturgia custoditur, recepta ab immemorabili tempore, & longe antequam Lutherus & Calvinus prodirent. Possunt denique omnia, quæ de Liturgiis controvertuntur, facile componi, si dicamus Apostolos quemdam ritum instituisse, ut sacrificium Eucharisticum certis precibus perageretur, quo in ritu contineri *Orationem Dominicam* scribit Hieronymus lib. 3. Dialogi contra Pelagianos: Jacobum preces alias addidisse pro Hierosolymorum Ecclesia; idem præstitisse pro Ecclesia sua Institutores alios; Basilium deinde, Chrysostomum, ac forte etiam Proclum, ex Liturgiis variis unam aliquam collegisse; ita, ut si prior Liturgiæ origo spectetur, auctores habeat Apostolos; si ampliatio, aut collectio, sanctissimos, & præstantissimos Episcoporum. De forma autem consecrationis dictum est supra.

Oppones 2. Innititur dogma de incremento Missæ sacrificio institutioni Cænæ, in qua creditur Dominus Jesus sacrificasse corpus, & sanguinem suum sub panis, vinique speciebus, declarans seipsum ratione rerum oblatarum Sacerdotem *secundum ordinem Melchisedech*. Verum id falsum est: legimus quippe in Evangelio Dominum cum Apostolis sedisse, fregisse panem, distribuisse discumbentibus: obtulisse sacrificium non legimus.

Resp. falsum esse, quod Christus in ultima cœna non obtulerit sacrificium. Principio enim quod ajunt hæretici, id non legi in Evangelica historia, est argumentum negans, & nullius ponderis; deinde & obtulisse legitur, & ulterius præcepisse Apostolis ut offerrent. Legitur obtulisse, in veteris, novique Testamenti locis, quæ eum appellant sacerdotem *secundum ordinem Melchisedech*: & legitur etiam in verbis Institutionis, ubi calicem porrigens inquit: *ὅτι τὸ ποτήριον ἡγιασμένον, Hoc est poculum, quod funditur*, quæ, ut diximus, præsentis sunt temporis, & referuntur ad calicem prætorio sanguine plenum, ideoque fuit in cœna immolatio, & mystica effusio sanguinis. Deinde, quamvis verba hujusmodi non legerentur; aperte tamen legitur Christum consecrassse calicem seorsim a pane, illumque appellasse calicem sanguinis sui: quod sufficit ad sacrificium comprobandum. Nostræ enim communionis Theologi docent *essentiam sacrificii* sitam esse in consecratione; & quamvis nulli

nulli addant etiam fractionem specierum, earumque sumptionem; non tamen hæc duo spectare censent ad sacrificii substantiam, sed unum ad repræsentationem passionis Christi, alterum ad consumptionem rei oblatæ. Etenim eo ipso, quod Christi sanguis exhibetur, ut separatus a corpore, *mystice* mactatur, & immolatur, ideoque in ea separata consecratione potissimum sita est ratio sacrificii, & *oblatio*, non quidem verbis expressa, qualis habetur in Liturgiis paullo supra commemoratis, & quæ supponit oblationem factam nomine Christi, sed oblatio actu perfecta, sive, ut inquit Scholastici, *in actu exercito*, eo ferme pacto, quo ipsa mactatio victimarum erat oblatio sacrificii, etsi forte Levita non dixerit, *Offero, sacrificio, macto*. Vide Estium dist. xi. §. 12. Sylviu in quæst. 83. art. 1. Bellarminum de Euch. lib. v. cap. 1. Juenin dissert. v. quæst. 2. cap. 2. &c. Cum igitur Christus separatim symbola consecraverit; verum obtulisse sacrificium inferitur ex ipsa consecratione in Evangelicis narrata.

Rursus oppones: Eucharistia sacramentum est; igitur non est sacrificium. Repugnat enim, quod eadem res sacrificii & sacramenti rationem habeat: siquidem sacramentum nobis exhibetur, & sacrificium offertur Deo.

Respondeo falsam esse consequentiam, huiusque probationem inanem & ludicram: siquidem nulla repugnantia est, quod eadem res sub diversa ratione sit simul & sacramentum, & sacrificium; sacramentum, prout institutum est tanquam signum efficax nostræ sanctificationis; sacrificium vero, quatenus mystico ritu a nobis offertur supremo Domino. Etenim agnus Paschalis sacramentum erat ut Christum præsignabat, & sacrificium ut Deo immolabatur: ac fatentibus hæreticis idem Christi corpus vere a nobis comeditur in Eucharistia, & vere pro nobis fuit immolatum in cruce. Fieri præterea non potest, ut Deo offeramus aliquid, quod non sit datum nobis ab ipso Deo: nam, ut Dominum alloquebatur sanctus David 1. Paralip. xxix. 14. *Tua sunt omnia, & quæ de manu tua accepimus, dedimus tibi*.

Præterea oppones: Unicum & singulare est sacrificium Christi, atque illud est, quod obtulit in cruce, factus pro nobis hostia, sanctificatio, & redemptio. Nullum ergo sacrificium, illo uno excepto, agnoscendum est. Probatur antecedens ex Epistola Pauli ad Hebræos. In ea cap. vi. 23. novum Testamentum præfertur veteri, quod in veteri multi extiterint sacerdotes, quorum unus alteri vita functo succederet; in novo unus sacerdos sit, immortalis, & successorem non habens: *Et alii quidam plures* (ait Apostolus) *fassi sunt sacerdotes, ideo quod morte prohiberentur permanere: hic autem eo quod maneat in æternum, sempiternum habet sacerdotium*.

Si

Si ergo nullus est sacerdos præter Christum, nullus est etiam minister legitimus, qui offerat sacrificium. Pergit Apostolus commonstrare nullum aliud sacrificium, præter cruentum crucis, esse admittendum, ex quo istud semel oblatum a Pontifice, qui sanctus erat, innocens, impollutus, segregatus a peccatoribus, & excelsior cœlis factus, longe superaverit sacrificia quælibet vetera, propterea quod ipse Pontifex, cum esset innocens, non tenebatur offerre hostias pro peccatis suis, & alias rursus hostias pro peccatis populi; & cum esset excelsior cœlis, & filius Dei, ac præterea obtulerit semetipsum, hostiam scilicet summi pretii, non opus erat aliud adjicere sacrificium: *Qui non habet*, verba sunt Pauli, *necessitatem quotidie, quemadmodum sacerdotes, prius pro suis delictis hostias offerre, deinde pro populi: hoc enim fecit semel seipsum offerendo*. Qui ergo incruentum sacrificium propugnant, maximam sacrificio Crucis irrogant injuriam, quasi fuerit aut sacerdotis peccato obnoxii, qui priorem illam hostiam pro se immolaverit; aut sacerdotis exigui meriti, cujus unicum sacrificium non valuerit ad omnia totius populi expianda delicta. Proximo capite nono ejusdem Epistolæ versu 12. legitur: *Introivit semel in sancta, æterna redemptione inventa*: versu 26. *Semel in consummatione sæculorum, ad destitutionem peccati per hostiam suam apparuit*: versu 28. *Semel oblatus est ad multorum exhaurienda peccata*: & demum cap. x. 14. *Una oblatione consummavit in sempiternum sanctificatos*. Hæc vero quomodo possunt explicari ab iis, qui sacrificia quotidiana commendant? Si Christus cruenta crucis immolatione invenit redemptionem æternam, si hæc una oblatio exhaurire potest universa peccata, si ab hac una perficitur omnis iustitia, omnis sanctitas; nonne quælibet alia oblatio inutilis prorsus est, & cedens in Crucis injuriam, & contumeliam? Atque hoc est præcipuum in hac controversia argumentum.

Ut vero facilius solvatur, tria sunt breviter explicanda: primum, quomodo Christus sit *Sacerdos in æternum*, neque aliquem habeat successorem; alterum, qua ratione oblatio ejus sit una; tertium, quid præstet efficiatque oblatio sacrificii incruenti. Est igitur Christus *sacerdos in æternum, ratione personæ*, quia ipse ministerio sacerdotum semper sacrificium offert: *ratione officii*, quia semper vivit ad interpellandum pro nobis; & *ratione effectus*, quia per sacrificium crucis factus est singulis hominibus causa redemptionis & salutis æternæ. Neque in Sacerdotio aliquis Christo succedit, quia *successor* ille dicitur, qui subrogatur in locum alterius vel amoti, vel abeuntis, vel mortui; Christus autem per ministros suos erogat fide libus verbum prædicationis, sacramenta, & corpus ac sanguinem suum, quem semel in cruce obtulit. Quare sacerdotes novæ legis non sunt *successores* Christi, quemadmodum Aaroni successit Eleazar, To. VII.

Eleazaro Phinees, atque ita deinceps; sed sunt potius *ministri*, & *dispensatores mysteriorum Dei*, sicut in prima ad Corinthios cap. iv. 1. ait Apostolus. Hac itaque ratione Christus est Pontifex permanens *in æternum*, & cui nullus succedit. Sacrificium autem a Christo oblatum unum est, quatenus in uno crucis sacrificio pretium solutum fuit pro redemptione hominum universorum, neque alia hostia necessaria est ad exhauriendam peccata, cum illa infiniti fit pretii, & quidquid nobis gratiarum impenditur, descendat ex illius sacrificii merito, & efficacia. Ex quo tamen incruentum sacrificium minime excluditur; quoniam istud non offertur, ut redimatur mundus, aut solvatur salutis pretium, sed ut virtus passionis nobis applicetur per sacrificium, quod in ejusdem passionis commemorationem peragitur. Neque enim oblatio crucis excludit media, quibus ejus virtus & effectus hominibus applicetur: alioquin & baptizmus, & poenitentia, & bona opéra, & cetera salutis media superflua forent, & Crucis sacrificium his quoque mediis adhibitis maxima afficerent injuria. Quod ergo diximus pertractantes de Christi Redemptione lib. xvi. & xxvi. aliud esse oblationem pretii, aliud actuale ejus applicationem, quemadmodum aliud est, quod a medico paretur saluberrimum remedium, aliud quod applicetur ægrotis, tænet etiam in casu; siquidem per sacrificium crucis pretio soluto, & condigna satisfactione redempti sumus, & per sacrificium incruentum ad nos pretium illud, & gratiarum copia derivat: quod utique cedit in sacrificii cruenti laudem & commendationem; quemadmodum laudatur medicus, ejusque commendatur remedium, quotiescunque applicatur infirmis, atque his impertitur pristinam valetudinem. Denique sacrificium crucis, & sacrificium Missæ, licet attento oblationis modo diversa sint, spectato tamen primo ac summo Sacerdote, idest, Christo, & considerata hostia, quæ offertur, ipsius nempe sacratissimo corpore, & sanguine, idem sacrificium sunt, sive unum est alterius applicatio. Hæc omnia tradit sacrosancta synodus Tridentina sess. xxi. cap. 2. his verbis: *Una enim eademque est hostia, idem nunc offerens sacerdotum ministerio, qui seipsum tunc in cruce obtulit, sola offerendi ratione diversa. Cujus quidem oblationis, cruentæ, inquam, fructus per hanc uberrime percipiuntur: tantum abest, ut illi per hanc quovis modo derogetur.*

His præmissis ad primum Apostoli testimonium respondeo, loqui illum de sacerdotibus summis, idest Pontificibus, quorum unus eligebatur mortuo altero, ut liquet ex illis verbis, *Idcirco quod morte prohiberentur permanere*: Sacerdotes enim alii, summo Pontifici subiecti, plures simul ministrabant. Id non solum interpretes nostri tradunt unanimiter, sed etiam editores Bibliorum Londinensium

fium tom. v. pag. 862. qui lectionem Syriacam reddiderunt, *Multifuerant Pontifices*, & Grotius qui in hunc locum scripsit: *הקדש, Sacerdotes*, idest, *per excellentiam הקדושים, Pontifices magni*. Ex quo autem Christus successores non habeat, non sequitur plures non habere ministros; atque inter istos unum quoque ceteris sublimiorem, qui *Maximus* appelletur in ordine ministrorum, vicarius Christi, & Petri successor, non autem *successor* Christi, ut inquit in suis ad hanc Paulinam Epistolam adnotationibus Jacobus Cappellus. Deinde ex quo Christi sacerdotium *eternum* sit, potius inferitur, quod in Ecclesia a Christo per ministros, ipsius personam gerentes usque in finem sæculi debeat exerceri, ut recte ratiocinatur Estius dist. xii. §. 13. ad 3. Egregie autem ratiocinationem Estii confirmat Oecumenius in hanc Epistolam pag. edit. Sonnil 348. scribens: *Neque enim de eo, quæ semel a Deo facta est oblatio, & hostia, dixisset, In æternum: sed respiciens ad præsentis ministros, per quos medios Christus sacrificat, & sacrificatur: διὸ ὡς πρὸς χρόνον ἱερουργεῖ, & ἱερουργεῖται*. Quod opponitur ex versu 27. ejusdem capituli, diluitur ex dictis. Semel enim Christus obtulit semetipsum in cruce, & illa unica oblatio efficax fuit ad omnium peccatorum remissionem: at inde non sequitur inutilem esse oblationem aliam, per quam applicetur nobis effectus illius primæ oblationis; nec sequitur unam cedere in alterius injuriam; præsertim cum sacrificium incruentum offeratur in commemorationem cruenti, atque ut offeratur, præcepit ipse Dominus. Quis enim dixerit affici aliquem injuria, dum præcipuum ac præstantissimum ejus opus colebatur, & collitur, atque executioni mandatur, quod ipse præcepit; cum in iis etiam, quæ non continent religionis actum, non adferunt utilitatem, nec augent meritum obedientiæ, *Consentienti, & volenti*, ut fert commune proloquium, *nulla fit injuria*? Ad ea pariter, quæ subjiciuntur ex cap. 9. & 10. responso patet ex dictis. Fatemur enim & nos sufficere ad redemptionem, & sanctificationem universorum, unicum crucis sacrificium; sed negamus excludendum esse sacrificium incruentum, quod ratione *rei oblata* cum ipso crucis sacrificio est unum, & idem; atque institutum est, non ut alia hostia pro nobis immoletur, sed ut illius, cruentæ scilicet immolationis, a nobis fructus percipiatur, quemadmodum inquit Tridentinum Concilium paulo supra laudatum.

At dices: Si etiam in novo testamento iteratur sacrificium, igitur tollitur distinctio a Paulo inter utrumque testamentum facta, atque inde petita, quod sacerdotes Aaronici plures hostias mactaverint, Christus vero unam, eamque semel obtulerit.

Respondeo falsam esse consequentiam: persiluit enim statutum a Paulo discrimen, etiamsi a nobis iteretur sacrificium: nunquam

enim Levitæ offerebant eandem numero hostiam, & sæpenumero mactabant victimam diversi generis, puta vitulum, ovem, turturam. Deinde una victima non offerebatur pro expiatione omnium peccatorum, neque deservire poterat pro holocausto, & pro hostia pacifica: & insuper pro peccato offerebatur vitulus, aut hircus, aut capra, pro legali immunditia agna, vel turtures, aut columbæ, &c. Præterea nulla oblatio vel ex se, vel ex alia ejusdem testamenti habebat vim sanctificandi & remittendi peccata. E contra in novo Testamento immolatur semper eadem numero *Hostia*, hæc una est omnis sanctificationis origo, per hanc unam delentur omnia peccata, & ab hac una semel in ligno crucis oblata, vim habent quotidianæ oblationes, per quas fidelibus applicatur Dominicæ passionis virtus.

Insuper oppones: Legitur Joannis iv. 24. *Eos, qui adorant eum, in spiritu & veritate oportet adorare*; quo in loco adorationis nomine intelligitur quilibet cultus Deo exhibitus, præsertim vero sacrificium, nam his verbis demonstrat Christus advenisse finem æ Prophetis prænuntiatum veterum sacrificiorum, quæ a Judæis in Templo Jerosolymitano, a Samaritanis in monte Garizim immolabantur. In lege ergo Evangelica nullum offerendum est sacrificium, præter spirituale, & internum.

Resp. perperam abuti hæreticos hoc loco ad excludendum non sacrificium tantummodo, sed etiam usum templorum, peregrinationes, ceremonias, omnemque Dei cultum externum. Nam Christus quoque adoravit in templo, ibique post ipsius ascensionem quotidie orabant discipuli; & sacræ ædes, ritus, oblationes, ac preces non solum corde, verum etiam ore prolatæ quovis sæculo obtinuerunt. Evangelicæ itaque sententiæ sensus est, quod sublato errore Samaritarum sacrificantium in monte Garizim, & sublati etiam cruentis victimis, quæ Jerosolymis mactabantur, offerenda erat oblatio *mundæ* ubique locorum, in spiritu, & veritate, non in figura, & futurorum typo, sed in fide, & spiritali devotione, non exclusis tamen vel loco, vel externa actione, vel oblatione rei sensibilis, quæ hominibus animo & corpore constantibus, visibili congregationi fidelium, & religionis Christianæ officiis sunt necessaria. Atque his adde sacrificium nostrum *spiritalis* esse, quatenus externo ritu, & sub aspectabilibus symbolis immolatur victima salutaris, quæ non videtur, sed creditur; non jugulatur gladio, sed immutatur verbis; non absumitur dilaniata, sed spiritaliter manducatur, sensu exposito cap. ix. Regula iv. & viii.

Postremo objicies: Hostia, quæ in sacrificium offertur, debet occidi; Christus in Eucharistia non occiditur; igitur Christus in Eucharistia non offertur in sacrificium. Neque huic argumento satisfacit
res.

respondendo in Missa etiam Christi sanguinem fundi, ut supra dictum est: siquidem Græcum participium *ἐκχυνόμενον*, in Latina quoque vulgata redditur, *Quod effundetur*, futuri temporis: eodem modo pronuntiatur in Canone Missæ, quo utitur Romana Ecclesia, atque a Cypriano ad Cæcilium scribente. Ea versione nos pariter usi sumus pag. 296. ad probandum in calice contineri verum Christi sanguinem effusum in cruce. Nulla ergo in altari intervenit effusio sanguinis; immo nec hostiæ immutatio, necessaria ad sacrificii rationem.

Resp. primo negando majorem; nam quamvis in sacrificiis *cruentis* effunderetur victimarum sanguis, plura tamen fuerunt sacrificia *incrumenta* absque sanguinis effusione, ac talis fuit etiam oblatio sacerdotis Melchisedech, cujus *ordinem*, ac similitudinem oblatio nostra imitatur. Appellat propterea Cyrillus Ierosolymitanus hanc oblationem Catechesi v. mystagogica τὸν ὑδάματινον θυσίαν, τὸν ἀδαμάτου λατοῦν ἐπὶ τῆς θυσίας τὸ ὕδαμα, *spirituale sacrificium, cultumque incrementum super ipsa propitiationis hostia* peractum; & Chrysostomus hom. 52. in S. Eustathium Antiochenum, *Est, inquit, sacrificium etiam sine sanguine: sciunt hi, qui mysteriis initiati sunt, quod dicitur, ἱεὶς θυσία καὶ ὕδαμα ἀδαμάτου. ἱεραὶ οἱ μυστηρίων ἐκχυνόμενα*. Gregorius quoque Nazianzenus carmen XII. ad sacerdotes Constantinopolitanos sic incipit:

ὦ θυσίας τριπτῶτος ἀδαμάτου ἱερῆς;

O Qui sacra Deo offertis non tincta cruore.

Deinde respondeo fundi etiam sanguinem in Eucharistiæ sacrificio *mystice*, dum calix consecratur separatim; qua consecratione *vi verborum* ponitur *ut a corpore effusus*, licet per *concomitantiam* cum sanguine adsit etiam corpus, ut sæpe diximus: atque hæc mystica effusio sufficit ad sacrificium, quod non est *cruentum*, sed sacrificium *cruentum in symbolis* repræsentat. Demonstratur eadem effusio mystica in participio præsentis temporis, quo in Consecratione calicis usus est Christus: quod absque ulla contradictione Vulgata, Canon Missæ, & Cyprianus proferunt, *Quod effundetur*; quoniam etiam in cæna & in poculo Eucharistico effusus est *mystice*, sive ratione symboli, idem Christi sanguis, qui fundendus erat in sacrificio cruento crucis, *in remissionem peccatorum*. Relucet in hac mystica immolatione etiam mutatio victimæ, ut explicatum est supra, & consummatio in specierum assumptione, quæ est *incruenti sacrificii pars integralis, & complementum*.

De Theologicis Disciplinis

CAPUT XX.

Demonstratur sacrificium Missæ esse sacrificium Propitiatorium.

PLura sacrificiorum fuerunt genera, quæ a Theologis dividi solent vel ratione legis, vel ratione rei oblatæ, vel ratione ritus, vel denique ratione finis. Ratione legis alia sunt sacrificia *legis naturæ*, qualia obtulerunt Abel, Enos, Noe, Abraham, & Melchisedech: alia *legis scriptæ*, quæ juxta Levitici mandata obtulerunt Aaron, & filii ejus: aliud sacrificium *legis novæ*, de quo differimus in præsentia. Ratione rerum oblatarum aliud est *Hostia*, seu victima, aliud *Immolatio*, aliud *Libamen*. *Hostia* appellabatur res animata, ut vitulus, ovis, hircus: *Immolatio* erat rei inanimatæ ac solidæ oblatio, ut similit, hordei, faris, aliarumque frugum, quæ torrebantur igni, mola frangebantur, & conspergebantur sale: *Libamen* autem oblatio liquidorum, ut sanguinis, vini, olei. His verò sacrificiis utebantur etiam Gentiles, æmulante dæmone, ut sæpe diximus, veræ Religionis mysteria. Conferas secundum caput Levitici cum primo libro Pastorum Ovidii, ubi legitur:

Vitima, quæ cecidit dextra victricis, vocatur.

Hostibus a domide hostia nomen habes.

Ante, Deos homini quod conciliare valeret,

Far erat, & pari lacida mica salis.

Spectato ritu, five oblationis modo, aliud erat *Holocaustum*, aliud *Hostia pacificorum*. In *holocausto* tota comburebatur victima, quod demonstrat ipsam vocabulum ab ὅλον, totum, & καίω, arde. Fundebatur in holocausto sanguis victimarum per altaris circuitum, deinde illæ adolebantur super altare, juxta caput primum Levitici; & de gentium itidem holocaustis in iv. Aeneidum Virgilius:

Et solida imponunt taurorum viscera flammis.

In *hostiis pacificorum*, sanguine effuso, una pars igni consumebatur, altera cedebat in usum sacerdotum, vel offerentium. Atque hinc apparet hostiarum & victimarum sacrificia *cruenta* fuisse: immolationum autem, vel libaminum *inscruenta*. Ratione denique finis sacrificium vel est *λατρεῖον*, *Latreuticum*, quod spectat ad Dei obsequium, sic appellatum a λατρεία, *servio*, *colo*: vel *εὐχαριστίον*, *Eucharisticum*, quod offertur in gratiarum actionem, dictum ab εὐχαριστία, *gratias ago*: vel *Impetratorium*, oblatum pro beneficiis obtinendis; vel *Propitiatorium* pro remittendis peccatis, aut pœnis, supplicisque peccato debitis.

Igitur Novatores postquam coacti sunt confiteri Patres univer-

fos

los commendasse Eucharistiæ sacrificium, ne prorsus errorem pristinum retractarent, in Apologia Confessionis Augustanæ dixerunt fideles in actione cœnæ conscientia fide erecta gratias agere pro beneficio & passione Christi, & uti ipsa ceremonia ad laudem, ut hæc obedientia gratitudinem ostendat, & testentur se magnificare dona Dei: atque ita fit ceremonia sacrificium laudis. Hinc exitit appellatio Eucharistiæ in Ecclesia, &c. Quibus verbis fatetur admitti posse sacrificium Eucharisticum, & Laventicum, sed non propitiatorium, & impetratorium: quamvis revera nullum proprium sacrificium admittant, quia nullam agnoscunt oblationem Deo factam; atque his verbis nil affirmant aliud, nisi in Eucharistia laudari Deum, & ei reddi grates. Nos itaque certissima fide tenemus valere plurimum Eucharistiæ sacrificium etiam ad remissionem, aliaque beneficia obtinenda; unde consequitur offerri jure, meritoque non solum pro conscientiarum consolatione, & gratiarum actione, seu laude, ut legitur in citata Apologia, verum etiam pro aliis, tam viventibus, quam defunctis, quibus potest Christi passio applicari. Quamquam vero hæretici id præfacte negantes, ne oblationi crucis irrogetur injuria, refutati sint capite superiori; majoris tamen dilucidationis gratia proximas addo propositiones.

PROP. I. Incruentum Missæ sacrificium est vere Propitiatorium.

Sacrificium enim propitiatorium est, quod offertur ad supremum Numen placandum, & pro remittendis peccatis, & peccatorum pœnis suppliciiisque avertendis. Tale esse sacrificium Eucharistiæ demonstrant ea verba Lucae xxii. 20. *Hic est calix novum Testamentum in sanguine meo, qui pro vobis fundetur*: quæ verba ob participium præsentis temporis, *ἐκχυνόμενον*, & Græcæ orationis syntaxis reservatur ad poculum Eucharisticum. Igitur Eucharistiæ sacrificium vere propitiatorium est. II. Idem probatur definitione Tridentini Concilii, cujus extat canon 3. sess. xxii. *Si quis dixerit Missæ sacrificium tantum esse laudis, & gratiarum actionis, aut namdam commemorationem sacrificii in cruce peracti, non autem propitiatorium, vel soli prodesse sumenti, neque pro vivis & defunctis, pro peccatis, pœnis, satisfactionibus, & aliis necessitatibus offerri debere; anathema sit*. III. Non recessit Tridentinum in hoc statuendo canone a traditione Majorum: nam ex Græcis Cyrillus Jerosolymit. præcitata Catech. v. appellat hoc sacrificium *θύσις τῆ ἡμέρας, ἡστίαν propitiαν*: & Ioannes Chrysostomus libi. vi. de Sacerdotio cap. 4. ait Sacerdotem, qui offert jube sacrificium, *legatum & deprecatorem esse apud Deum, ut propitius fiat tuis iniquitatibus, & ἡμῖν ὅσων μὲν, ὅσα & ἡμῖν ἀναδίδωται, omnium peccatis, non viventium modo, verum & mortuorum*. Ambrosius, ut recensam nonnullos quoque Latinorum, in Exhortat. ad Virgines c. xiv. num.

num. 94. sacrificium, quod in templis offertur, appellat *hostiam salutarem, per quam peccatum mundi hujus aboletur*. S. P. Augustinus in Enchiridio ad Laurentium de sacrificiis altaris cap. 110. inquit: *Pro valde bonis actiones gratiarum sunt, pro non valde malis (loquitur de defunctis) propitiationses sunt*. Habet similia quæst. 2. num. 4. ad Dulcitium. IV. Idem Augustinus q. 57. in Levit. num. 4. rationem suppeditat pro hac propositione firmanda: sacrificia enim legis veteris erant propitiatoria. Igitur tale est a fortiori sacrificium Eucharisticum in illis præfiguratum: *Illis sacrificiis, inquit, unum hoc sacrificium significabatur, in quo vera sit remissio peccatorum*.

PROPOS. II. Non pro viventibus tantum, verum etiam pro iis, qui cum pietate defuncti sunt, hoc propitiatorium sacrificium debet offerri.

Ita definit præcitato can. 3. Synodus Tridentina. Ac demonstratur primo ex quo defunctorum complures a peccatis solvi possint, ut inquit Judas Machabæus lib. 2. Machab. cap. 12. qui etiam pro iis, qui in prælio ceciderant, obtulit sacrificium: de qua re alibi. Interim sufficit advertere ex Machabæorum libris commendari *sacrificium pro mortuis oblatum*, ut ait S. P. Augustinus in libro de Cura pro mortuis gerenda cap. 1. num. 3. Deinde, cum Augustinus eo loci scribat, *Esse nusquam in scripturis veteribus legeretur, non parva est universæ Ecclesiæ, quæ in hac consuetudine claret, auctoritas*; propositio ex Ecclesiæ consuetudine comprobatur. Apparet ea consuetudo ex Christianorum populorum Liturgiis: nam in Basiliana, & Chrysostomiana sacerdos orat: *ὁ ἱερεὺς πάντας τοὺς κοιμώμενους ἐν ἡμῶν ἀναστάσει ζῶντων αἰνῶν, Et memor est omnium dormientium in spe resurrectionis vite æternæ*: & infra, dum singulatim eos commemorat, pro quibus offertur, ait, *ὡς τὸ ἀναπαύειν ὁ ἐπίσκοπος τὸν Ιάκωβον τὸν ἀδελφόν σου, Pro quiete, & remissione anime servati*, N. Vide Eucholog. pag. 78. & 170. In Liturgia etiam, qua utuntur Syri latine reddita ab Andrea Masio, legitur: *Memento Domine ad aram tuam celestem eorum omnium, qui transferunt de hoc mundo angustiarum plenissimo. Erue ipsos ex tenebris & caligine, apparetque eis facies tua pacifica, neque intres cum ipsis in iudicium, &c.* Similia in Liturgiis aliis habentur. His accedunt diptycha, quæ olim tempore sacrificii a Diaconis legebantur; quorum alia comprehendebant nomina Episcoporum, qui laude sanctitatis inclaruissent; alia viventium Antistitum, Regum, eximiorumque virorum; & alia defunctorum, qui in communione decessissent, ut erudite demonstrat lib. 3. de Ecclef. Occiden. & Oriental. Consens. cap. xv. num. 4. Allatius. Eandem consuetudinem exempla illustra confirmant: etenim in funere Constantini Episcopos, ac sacerdotes preces, & ceremonias percipisse, *Ut populo Dei in Ecclesiâ soci-*

ciaretur, divinisque liturgiis, & mystico sacrificio, atque sanctarum precum communione potiri mereretur, narrat Eusebius in illius Vita lib. iv. cap. 71. pag. edit. Valesii 562. S. Ambrosius obtulit sacrificium pro anima fratris sui Satyri, ut liquet ex libro 1. de hujus excessu num. 80. atque de Obitu Valentiniani num. 56. inquit: *Dante manibus sancta mysteria, pio requiem ejus poscimus affectu: date sacramenta caelestia, animam Nepotis nostris oblationibus prosequamur.* De sancta matre Monnica hæc Augustinus scribit cap. ultimo libri ix. Confess. *Namque illa imminente die resolutionis suæ non cogitavit suum corpus sumptuose contegi, aut condiri aromatibus, aut monumentum electum concipivit, aut curavit sepulcrum patriam. Non ista mandavit nobis, sed tantummodo memoriam sui ad altare tantum fieri desideravit, cui nullius dei prætermissione servierat, unde sciret dispensari victimam sanctam, quæ deletum est cibograpbum, &c.* Neque audiendi sunt hæretici, quorum aliqui cum Melanchthone negant locutam Monnicam de propitiatione sacrificii, aliqui cum Calvino ajunt id condonandum vetulæ mulieris simplicitati, & aliqui cum Bucero dicunt viguisse consuetudinem hanc in sola Ecclesia Africana. Nam, ut prætermittam quæ adversus istiusmodi effugia profert lib. iv. Panopliæ cap. 53. Lindanus, Monnicam hæc postulasse, *ligando animam suam vinculo fidei ad pretii nostri sacramentum, ne se interponeret vi aut insidiis leo & draco, atque esset in pace cum viro, tradit ibidem Augustinus; oratque ipsum librum legentes, ut ad altare Monnicæ, & Patricii, dulcissimorum Parentum suorum, reminiscantur.* Atque id rogasse Monnicam, & Augustinum litteris consignasse, juxta fidelium omnium consuetudinem, constat ex dictis. Adde non in Africa, sed apud Ostia Tiberina parentem piissimam obiisse. Pro Augustini item anima oblatum sacrificium commemorat in ejusdem vita cap. 31. sanctus Possidius; appellatque Cassianus Collat. 2. cap. 5. sacrificia pro mortuis memoriam & oblationes pausatium. Vetus consuetudini, de qua hætenus, accedit sanctorum Patrum traditio, ipsorum testimoniiis firmata. Ex Græcis Cyrillus Catech. v. pag. 539. interprete Grodecio ait: *Denique pro omnibus oramus, qui inter nos vitam sanctam sunt, maximum esse credentes animarum juvamen, pro quibus offertur precatio sancti illius, & tremendi, quod in altari positum est, sacrificii.* Epiphanius hæresi 75. pag. edit. Petavianæ 908. connumerat inter errores Aerii, quod negaret sacrificia pro mortuis, quod etiam scribit Augustinus de hæresibus; & in Anchorato ait idem Epiphanius: *ἐν αἰγῇ ἰσθμῶν ἐξ ὁρίων τῶν παλαιῶν συντάται τὸ τῶν ἀδελφῶν ἀποδίδωαι τιμὴν, ἢ λατρίαν, ἢ ἱεροποιῖαν, ἢ ἱεροποιῖαν.* In sancta hebdomade nominatim defunctorum memoriam faciunt, offerentes preces, cultum, & sacrificium. Joannes Chrysostomus hom. 3. in Epistolam

ad Philippenſes aſſerit ab Apoſtoliſ legem fuiſſe conſtitutam, *ut in venerandis, atque horrificis myſteriis memoria eorum fiat, qui deceſſerunt*, ſubjiciens, *πῶς οὐ δύναμεθα ὑμῖν ταῦτα τῷ θεῷ παρακαλῆσαι; Quomodo Deum non placabimus pro iſtis orantes?* Ac Theophylaſtus in cap. 12. Lucæ ait non omnes, qui moriuntur, mitti in gehennam, quod a ſe dici teſtatur, *δὲν τὰς τῶν τῶν ἀποκαίρουται πομπῶν; propter factas pro mortuis oblationes*. Quid vero Latini? Sacrificia pro mortuis commemorat Tertullianus de Corona Militis cap. 3. his verbis: *Oblationes pro mortuis annua die facimus*. Cyprianus epiſt. 66. ſtatutum reſert ab antecelloribus Epiſcopis de illo, qui ad tutelam vel curam Clericos nominaverit, *ne offerretur pro eo, nec ſacrificium pro dormitione ejus celebraretur*. Poſtremo Auguſtinus (hos enim ſufficit laudaviſſe) præcitato cap. 110. Enchiridii concludit: *Neque negandum eſt deſunctorum animas pietate ſuorum viventium relevari, cum pro illis ſacrificium Mediatoris offeratur*. Rationem, qua denique propoſitio ſuadetur, commonſtrat ipſemet Auguſtinus lib. xx. de Civit. Dei cap. 9. ubi ait: *Neque enim piorum animæ mortuorum ſeparantur ab Eccleſia, quæ etiam nunc eſt regnum Chriſti; alioquin nec ad altare Dei fieret eorum memoria in communicatione corporis Chriſti; ex quibus verbis eruo ratiocinationem iſtam: Cum ſacrificium Miſſæ, ut propitiatorium eſt, pro iis applicetur, qui poſſunt percipere fructus paſſionis Chriſti, debet pro iis offerri, qui ſpectant ad Chriſti regnum, ideſt corpori ejus myſtico conjuncti ſunt, & remiſſione ac propitiatione indigent. Sed plurimorum deſunctorum animæ, quæ nimirum cruciantur in purgatorio, ſpectant ad regnum Chriſti, ejuſque corpori myſtico ſunt conjunctæ, atque egent condonatione, & remiſſione poenarum, quibus excruciantur. Igitur ſacrificium propitiationis pro iſdem animabus offerri debet*.

PROPOſITIO III. Neque pro damnatis, neque pro Sanctis in celo regnantibus offerri poteſt ſacrificium tanquam *Propitiatorium*: pro ſanctis tamen civibus cœleſtis Jeruſalem aliis ex cauſis peragitur.

De damnatis probatur auctoritate Auguſtini ſcribentis in libro de Origine Animæ cap. 9. *Quis offerat corpus Chriſti, niſi pro iis, qui membra ſunt Chriſti?* Confirmatur exemplo Chriſti Domini, qui etſi pro omnibus in cruce oravit, & ſanguinem fudit, non tamen mortuus eſt pro iis, qui uſque ad mortem cor impœnitens habuerunt, & jam in parte diaboli computantur, ut docet, idem S. Pater lib. xxi. de Civit. Dei cap. 24. Demonstratur denique ratione, quoniã in perpetuum ſeparatis a Chriſto, & in carcerem, ubi nulla eſt redemptio, detrufis, applicari nequit Dominiç paſſionis fructus; qui ad eos tantum extenditur, qui vel ei uniti ſunt, vel ſaltem uniri poſſunt, quemadmodum demonſtravimus lib. xvii. & xxviii.

diſ.

differentes de universorum hominum redemptione. De sanctis pariter thesis probatur ex Augustino, qui serm. 159. aliàs 17. de verbis Apostoli inquit: *Injuria est pro martyre orare, cujus nos debemus orationibus commendari*, & Tract. 84. in Joan. *Ad ipsam mensam non sic eos commemoramus quemadmodum alios, qui in pace requiescunt, ut etiam pro eis oremus: sed magis, ut orent ipsi pro nobis*. Accedit ratio: qui enim Beati sunt, nullam habent peccati maculam; & nulla excruciantur miseria, a qua per sacrificia oblationesque liberentur. Plura de utraque hujus propositionis parte lib. 111. cap. 9. ubi pertractavi de presenti statu animarum sanctarum, & libro x. cap. 17. in quo disserui de pœnis dæmonum & damnatorum hominum sempiternis. In memoriam tamen, & honorem sanctorum sacrificium multiplici ex causa offertur. Præcipuas tradit Synodus Tridentina sess. 22. c. 3. idest, ut de illorum victoriis Deo gratias agamus: ut eorum patrocinium imploretur: ut ipsi pro nobis intercedere dignentur in cœlis, quorum memoriam facimus in terris. Habentur similia in Liturgia Missæ, in Catechesi v. Cyrilli Jerosolymitani, in libro 22. de Civit. Dei S. P. Augustini cap. 10. in Epistola 34. Cypriani, & in Catechismo Romano P. 2. cap. 4. num. 73.

PRÆCEDENTIUM CONSECTARIA.

Ex dictis quædam inferuntur notatu digna. Ac primo, nunquam a nobis sacrificium offerri Sanctis, sed Deo, Domino universarum rerum supremo: unde Augustinus lib. vii. de Civit. Dei cap. 27. ait: *Quis autem audivit aliquando fidelium stantem sacerdotem ad altare, etiam super sanctum corpus martyris ad Dei honorem cultumque constructum, dicere in precibus: Offero tibi sacrificium, Petre, vel Paule, vel Cypriane, cum apud eorum memorias offeratur Deo, qui eos & homines & martyres fecit, & sanctis suis angelis cœlesti honore sociavit: ut ea celebritate & Deo vero de illorum victoriis gratias agamus, & nos ad imitationem talium coronarum atque palmarum eodem invocato in auxilium ex eorum memoria renovatione adhortemur?* Fere eadem leguntur in prælaudato capite tertio Tridentini Concilii: Rifu propterea excipienda est miserrima illa hæreticorum comparatio, qua sacrificia in honorem beatissimæ Virginis Mariæ Deo oblata solent iis æquiparare, de quibus Jeremie vii. 18. *Mulieres conspergunt adipem, ut faciant placentas reginæ cœli, & libent dñis alienis*. II. Præterea sequitur, sacrificium propitiatorium pro omnibus viventibus esse offerendum, omnes enim vel uniuntur Christo, vel possunt uniri: ideoque etiam pro infidelibus scelestissimisque hominibus in sacrificio rogamus, quosiam & pro omnibus mortuus est Christus, & pro omnibus orandum esse.

docet Apostolus, & id commendat Cyprianus ad Demetrianum scribens, & legimus olim sacrificia peracta pro Nabuchodonosor, pro Heliodoro, pro Spartiatis, & denique pro omnibus orat Ecclesia in sancto die Parasceves. Dum enim oramus, ut convertantur impii, ut catechumeni regenerentur baptismo, ut pagani & infideles Dominum nostrum agnoscant; non tam pro his rogamus, quam pro Ecclesia Catholica, ut augeatur, & tranquilla pace fruatur.

III. Quid vero de Excommunicatis? Pro his sacrificium *nominativum* & *publica oblatione* offerre nefas est, ut constat ex cap. *A nobis*, de sent. Excommunicat. num. 28. & ex cap. *Saceris*, eodem tit. num. 38. sed licet tamen privatim pro eis orare, ut redeant ad unitatem, & communionem fidelium, uti docent gravissimi Theologi, Soto dist. 22. quæst. 1. Suarez in 3. p. q. 83. art. 3. Sylvius in eundem articulum q. 9. Cardinalis Gotti de Sacrif. 1. q. 2. dub. 2. §. 2. & alii. Qui vero oppositum censent, ni fallor, accipiendi sunt de oblatione facta pro Ecclesia ejusque membris, cujus excommunicati nequeunt esse participes, si vitandi sint, nec tolerati ab eadem Ecclesia.

IV. Movent nonnulli quæstionem de Catechumenis, & de excommunicatis, si moriantur, priusquam illi baptizentur, & isti reconcilientur Ecclesiæ; sed attendendum est, quomodo obierint: nam si Catechumeni fuerint in numero *Competentium*, & decesserint cum voto baptismi, computantur inter fideles; secus si fuerint in classe *Audientium*, & regenerationis sacramentum neglexerint. Facile conciliantur hac distinctione sententiæ, non re, sed nomine tenus oppositæ. Pro excommunicato, si ante ejus mortem *manifestæ penitentiae signa præcesserint*, offerendum sacrificium tradidit Innocent. III. præcitato cap. *A nobis*, hac producta ratione, *Quia etsi communicatum non fuerit, communicandum tamen illi fuisset, quem non contemptus religionis, sed necessitatis articulus impeditis*. Quoniam tamen, licet quoad vinculum culpæ solutus sit apud Deum, non absolvitur apud homines, nisi quando sententiæ vinculum relaxatur; priusquam pro tali excommunicato sacrificii *publica oblatio* fiat, debet ei etiam defuncto beneficium absolutionis impendi. Refert S. Gregorius lib. 2. Dialog. cap. 23. corpora duarum monialium, quas ob linguæ intemperantiam S. Benedictus excommunicatione innodaverat, clamante diacono, *Si quis non communicet, det locum*, de sepulcro exiisse, & a S. Benedicto absolutas, iterum monumentum ingressas, sacræ oblationis fuisse participes.

V. Certum est pro iis, quibus sacrificium est propitiatorium, etiam *impetratorium* esse, scilicet, offerri pro pace, pro tranquillitate, pro pestilentia avertenda, pro peregrinantibus, pro infirmis, & pro omnibus, qui egent auxilio. Certum quoque est, sacrificium pro sanctis oblatum partim esse *Eucharisticum*, partim *propitiatorium*,

rium, ut recte Estius dist. xii. §. 15. eodem quippe sacrificio aguntur Deo gratiæ pro sanctorum glorificatione ac triumpho, nobisque impetratur venia eorundem sanctorum intercessionibus. At quæri solet, an comparate ad sanctos possit sacrificium appellari etiam *impetratorium*: quod multi quidem affirmant, quoniam sanctis, ut diximus Volum. 1. pag. 261. majorem in Ecclesia cultum, & *accidentalem* gloriam apprecamur. Verum hoc non est proprie aliquid impetrare pro sanctis, sed potius impetrare nobis gratiam, ut sanctos digno honore prosequamur; quemadmodum non oramus pro Deo, ut ei aliquid impetremus, quando frequentissime dicimus, *Sauetificetur nomen tuum*. Vide Syluium in prælaudatum articulum quæst. xi. tom. iv. pag. Venet. edit. 229.

C A P U T XXI.

De Missis privatis, quæ aguntur sine adstantium communione.

Missa nunquam proprie loquendo *privata* est, nam quælibet missa est commune & publicum sacrificium, a publico & legitimo ministro peragitur, ritu publico & probato ab Ecclesia offertur, & pro publica commoditate, idest, pro omnibus fidelibus, qui ad corpus Christi pertinent, celebratur. Invaluit tamen usus, ut *privata* dicantur eæ Missæ, in quibus solus sacerdos *sacramentaliter* communicat, & quæ vel aguntur absque publico conventu populi, quæ frequentia, vel celebrantur a presbytero absque sacrorum ministrorum, clericorumque comitatu. *Solitaria* etiam hæ Missæ dici solent, atque ut habetur cap. *Et hoc attendendum*, de Consecrat. dist. 2. num. 52. *Missæ peculiare*. Privatas ergo Missas damnant communiter Novatores, eo quod negantes veri sacrificii oblationem, velint Missam eo tantum fine institutam, ut porrigatur sacramentum his, qui petunt: eas autem missas, in quibus non ministratur communio, & ceteras omnes, præter unam communem & publicam, porrigendi sacramenti gratia servatam, nonnisi quæstus causa inductas esse, ajunt hæretici Confectionis Augustanæ tertio articulorum, in quibus recensent quæ ipsi mutarunt. Luherus de *abroganda Missa privata* librum edidit dæmone instigatore, ut ipsemet testatur tom. vii. pag. 228. edit. Vittemb. eique postea Novatores alii accesserunt. Scripserunt autem pro Missis privatis Joannes Cochlaus in præcitatum articulum 3. Conf. Augustanæ, Bellarminus de Euch. lib. vi. cap. 9. Veranus tom. 3. Theologiæ Polemicæ l. vii. cap. 10. Bona lib. 1. Rerum Liturgic. cap. 14. Estius in iv. dist. xii. §. 17. Syluius in 3. p. q. 83. art. 5. ut mittam alios recentiores innumeros,

meros, in quibus nil occurrit, quod fuerit ab illis prætermissum. Nos, ut undequaque hæreticos exagitemus, primò demonstraturi sumus *privatas* Missas agendas esse; deinde male hæreticos, iis subblatis, statuisse unam tantam Missam communem ad ministrandum fidelibus sacramentum; posthac multitudinem Missarum non esse inductam quæstus causâ, aut pravo aliquo fine. Addemus postremo quæstionem nuperrime exortam, quasi hujus disputationis mantissam.

PROP. I. Missæ *privatæ* nullo Theologico argumento demonstrari possunt illicitæ.

Si enim illicitæ forent, id esset, quoniam istiusmodi Missis aut violaretur Christi præceptum, aut intrusa esset consuetudo repugnans veterum institutis ac traditionibus, aut profanaretur Ecclesiasticum ministerium; ad hæc enim capita reducuntur hæreticorum calumniæ & mendacia. Atqui nulla harum rerum evincit *privatas* Missas esse, illegitimas; sed hisce potius capitibus apparet retinendas esse, & summo opere commendandas. Igitur ex nullo capite *privata* Missa demonstratur illegitima, illicita, & reprobanda. Probatur minoris propositionis pars prima. Nullum in sacris litteris invenitur præceptum, ut sacerdotes publice tantum, & in conventu Ecclesiæ offerant sacrificium, neque ut a communicando abstineant, quando nullus adest laicorum, qui ex eorum manibus percipiat communionem. Duntaxat Apostolis mandatum est, ut etiam non consecratis distribuant Eucharistiam; sed ut distribuant semper, & quotiescumque sacrificant, tantum abest quod præscriptum sit, quin vetitum est, ne dent *sanctis canibus*, neque indignis porrigant sacramenta, ideoque si peragant rem divinam, ipsorum est dispensandæ communionis adjudicare locum, tempus, atque opportunitatem. II. Probatur ejusdem minoris pars altera. Quemadmodum semper fuit liberum fidelibus accedere ad communionem, vel ab ipsa abstinere; ita semper liberum Sacerdotibus, non urgente necessitate, publice, aut privatim offerre: nam Marcellum Papam rem divinam peregisse in domo Lucinæ commemorant ipsius acta: Gregorius Nazianzenus Orat. 19. in laudem Patris sui, asserit illum in cubiculo privatim egisse sacrum: Ambrosius Romæ in quadam domo trans Tiberim, auctore Paulino in ejus Vita, obtulit sacrificium: S. Paulinus Nolanus paucis ante obitum horis, Uranio teste, idem fecit in altari ante lectulum suum præparato: Lucianus martyr attritus vulneribus, & ara destitutus supra pectus suum, ut narrat lib. 2. Hist. Eccl. Philostorgius, sacra mysteria percgit: Theodoretus sacrificium obtulit in cellula Maris monachi, ut ipsemet narrat capite Historiæ Religiosæ vicesimo. Ex omnibus hisce exemplis apparet saltim celebratam fuisse missam absque cœtu fidelium; & ex his, quæ dicta sunt de Patre Gregorii Nazianzeni, de Paulino Nolæ Episcopo, & de Luciano, etiam

etiam infertur in sacrificiis prælaudatis neminem, sacerdotibus exceptis, communicasse. Demonstrant autem vetustissimam *privatarum* Missarum consuetudinem argumenta alia complura; quorum tria tantum producam. Sit primum: Non omnes fideles Chrysostomi ætate, & subsecutis temporibus quotidie communicabant, cum tamen multi Sacerdotes quotidie sacrificarent, nemine ad sacram communionem accedente: nam Chrysostomus adversus eos, qui tantum in Quadragesima ad sacra accedebant mysteria, Hom. 3. in Epist. ad Ephesios inquit: *Frustra est quotidianum sacrificium: frustra adstantis altari: nemo est, qui participet: vix duria καθύπερθε, vix παρὴν ἔχον τῷ θυνάκῳ, ἵδου ὁ πατὴρ, & hom. 17. in Epist. ad Hebræos, Multi, inquit, hujus sacrificii sunt participes semel toto anno: alii autem, bis: alii vero sæpe, πολλοὶ τῶν θυνάκων ταύτης ἑκατὶ μεταλαμβάνοντες τὴν χάριν ἱερῶν, ἱερὴ δ' ἐστὶ, ὅλην ὁρῶμεν.* Cassius Narniensem quotidie celebrasse, sive adessent, sive non adessent communicantes, scribit S. Gregorius Hom. 37. in Evangelia. Quotidie pariter sacrificasse sanctum Goar anachoretam, S. Geremarum abbatem Flaviacensem, Licinium Andegavorum episcopum, aliosque quamplurimos sæculo 6. ac 7. demonstrat Præf. in 2. Benedict. Joannes Mabillon. Illo itaque tempore Missarum *privatarum* numerus erat maximus. Sit vero argumentum alterum: Leontius Cyprius in Vita S. Joannis Eleemosynarii cap. 41. hæc beati viri proferit verba: *Ego propter vos descendo in sanctam Ecclesiam: nam poteram, facere vobis missas in Episcopio.* Adeas Vitas Patrum RosWeydi pag. 201. Igitur testimonio hujus Archiepiscopi Alexandrini, laudibus Romani Martyrologii x111. Januarii, Græcorumque Menologii x11. Novembris, multorumque scriptorum celeberrimi, scilicet, Joannis, manifestum est licitas esse *privatas* Missas, ac publice agi ob solum commodum populorum. Sequitur argumentum tertium: Anno 506. Concilium Agathense canone 18. jussit ut sæculares communicarent ter in anno, idest, *in die Nativitatis Domini, Pasche, & Pentecostes*: canone autem 47. mandavit ut *singulis diebus Dominicis* ipfimet sæculares Missam audirent. Sexto itaque sæculo ineunte debebant Pastores animarum singulis Dominicis Missas agere, quamvis nemo laicorum vellet sacramentum percipere; ideoque tunc temporis Missæ sine adstantium communionem frequenter peragebantur. III. Probatur tandem minoris propositionis pars tertia. Quotiescunque offertur Deo verum ac perfectum sacrificium, quo redditur cultus ipsi Deo, quo celebratur Sanctorum memoria, quo fidelibus vivis atque defunctis pax, venia, requies, omniaque bona impetrantur; non profanatur, sed summo honore afficitur sacerdotale ministerium. At in sacrificio Missæ, tametsi nullus laicorum mysteria sacra percipiat, offertur Deo sacrificium hujus generis,

neris, ut demonstratum est duobus præmissis capitibus. Igitur in sacrificio Missæ *privatæ* honore afficitur, non profanatur Ecclesiasticum ministerium. Recte idcirco Carolus V. & Catholici Principes præcitatum tertium articulum Confessionis Augustanæ hac animadversione perstrinxerunt: *Super omnia reprehensione dignum est, quod missæ privatæ in quibusdam locis desierunt. Hac enim abrogatione missarum cultus Dei minuitur, sanctis subtrahitur honor, ultima voluntas defunctorum corrumpitur & irrita fit, debitis defuncti spoliatur suffragiis, & vivorum devotio aufertur & frigescit.* Vide Harmoniam Confessionis Augustanæ edit. Colonæ anno 1573. pagina 469.

PROV. II. Impie, & sacrilège hæretici unam tantum Missam communem, reprobatis ceteris, commendant & prædicant.

Hujus impietatis & sacrilegii enormitatem refellit principio audacia, qua unus sacrificii, in locum omnium veterum subrogati, repetitas oblationes, cum tanto Christianæ pietatis divinique cultus detrimento de medio tollunt, atque etiam novum & singularem illum ritum, quem alii *Cenam*, alii *communem Missam* appellant, absque vera celebrant oblatione: quod utique quam scelestum sit, quam sacrilegum atque nefarium, evidentissime apparet ex dictis. Deinde, cum ad majorum consuetudines provocent, (qui aliàs dum sua interest, nil habent magis solemne, quam parvipendere traditiones majorum) comprobant missarum multitudinem ingens numerus sacerdotum: inter quos lege Honorii & Theodosii in sola Constantinopolitana Ecclesia constituti sunt *nongenti & quinquaginta decani*, ut constat ex Cod. Justiniani tit. de Sacrosanctis Eccles. l. *Non plures*, atque in Ecclesia Romana initio schismatis Novatiani, prout scribit S. Cornelius apud Eusebium lib. vi. H. E. cap. 43. pagina Valesianæ editionis 244. connumerabantur, clericis aliis exceptis, *presbyteri quadraginta*. Præterea ab Ecclesiæ incunabulis consuetum fuit alios præter Parochos & Ecclesiarum rectores ad sacerdotium promovere: quæ sane promotio fuisset frustranea, si præter unam communem Missam a Parochis pro commoditate populi agendam, celebratæ non essent absque *collecta & synaxi* Missæ solitariæ ac privatæ. Rursus non leve pro Missarum multitudine argumentum desumitur ex privatis Oratoriis, quorum duo in summitate Cassini montis ædificavit S. Benedictus, quatuor in suo Monasterio S. Maurus ejus discipulus, alia plura laudant lib. 1. Institut. Laicalium Jonas Aurelianensis, ceterique Ecclesiastici Scriptores apud Eminentissimum Cardinalem Bonam citato in loco. Permultas deinde Missas eodem die celebratas demonstrat idem præstantissimus Auctor ex Constitutionibus Angelberti Abbatis, ex antiquitatibus Fuldensium, ex multitudine altarium in eadem Ecclesia, atque ex monumentis aliis

aliis Ecclesiasticæ eruditionis , ex quibus satis est hæc tantummodo produxisse .

PROP. III. Frustra calumniantur hæretici multitudinem Missarum pravo fine fuisse introductam .

Ut jure a se abrogatas fuisse *privatas* Missas persuadeant gregariis suis hæretici pestilentissimi , has obtinent causas , quod collatæ sint ad quæstum , & celebrentur tantum propter mercedem atque stipendium : quod a nobis Missæ fiant pro quotidianis delictis ; & quod agantur etiam pro mortuorum suffragiis . At vero postremæ duæ causæ paullo supra refutatæ sunt : & in hoc potius hæretici maximo detinentur errore , quod repetunt a sola fide justitiam , continent sacrificia , & pessime sentiunt de statu animorum a corpore separatuum . Quod pertinet autem ad stipendium , nemo nostrum pecuniam , aut rem aliquam recipit *tanquam sacrificii pretium* ; nec est qui ignoret simoniacum & damnatum esse pro spiritali opere mercedem . repetere temporalem . Verùm stipendium recipere , non tanquam pretium sacrificii , sed ratione *propriæ sustentationis* , res est Apostolicis testimoniis , Ecclesiæ praxi , & omni jure probata . Etenim Apostolus in priori ad Corinthios ix. 13. ait : *Nescitis quoniam qui in sacrario operantur , quæ de sacrario sunt edunt , & qui altari deserviunt , cum altari participant ?* Deinde stipendia hæc , sive potius elemosynæ pecuniariæ succedere oblationibus , quæ initio Ecclesiæ fiebant non tantum pro sacrificii materia , verum etiam pro usu ministrorum & pauperum . Nemo præterea est , qui non laudet pietatem ac religionem aut Caroli Francorum Regis cognomento Calvi , qui Monachis S. Dionysii pro Missis agendis dedit villam *Scindeliciarum* , aut Ludovicii Pii , qui pariter eo fine Parochialibus , & viris religiosiis territoria legavit , aliorumque plurium , de quibus legendi sunt Grodegandus in Regula Canonicorum , Bona laudato in loco , Mabillon Præf. 1. in sæculum 3. num. 63. Du-Cangius v. *Elemosyna* . Ratio denique postulat , ut quisquis officium suum impendit aliis spiritalia ministrando , temporalibus adjumentis , stipendiis , ac privilegiis fruatur , spectatis quoque legibus Imperatoriis , de quibus dixi libro xx. cap. 17.

At obijciunt hæretici : Christus ait , *Hoc facite in meam commemorationem* : sed ipse quando consecravit , distribuit : ergo sacerdotes , dum consecrant , debent Eucharistiam distribuere . Rursus Apostolus ad Corinth. x. 16. appellat panem , quem frangimus , *participationem corporis Domini* , & cap. xi. 20. scribit , manducari *Domini carnem* in Ecclesia , ubi in unum conveniunt plures ; ideoque privata Missa , in qua Eucharistia non frangitur , nec distribuitur , & ad quam non conveniunt communicantes , non est *Cæna Domini* . Præterea in Latinorum Liturgia habetur , *Ut quotquot ex*

hoc altaris participatione sacrosanctum filii tui corpus & sanguinem sumperimus, ibique leguntur alia verba, quæ significant adstantium communionem, in omnibus fere precibus, quas ob præsentium multitudinem *Collectas* dicimus. Deinde Orientales, ut constat ex eorum Liturgiis, quæ nullo negotio ab omnibus consuli possunt, nunquam sine communicantibus Missas agunt. Ad hæc canon decimus inter Apostolicos privat communionem fideles, qui ingrediuntur Ecclesiam, *nec sanctam communionem percipiunt*; ita enim legitur in vetere Conciliorum editione Petri Crabbii, & in primo Volumine Conciliorum editionum ceterarum. Insuper Chrysostomus ciata Hom. 3. in Epistolam ad Ephesios ait, *frustra* fieri quotidianum sacrificium, *si nemo sit, qui participet*: additque comparisonem ejus, qui ad convivium invitatus, si manus laverit, & accubuerit, deinde participes non fuerit mensæ, eum, qui invitavit, afficit contumelia. Ad quæ non aliud habemus quod respondeamus, quam hæc *non interpretandum* dicta esse, ut lib. 2. de Missa cap. 10. ait Bellarminus. Uterius S. Franciscus in Epistola ad Sacerdotes sui Ordinis inquit: *Monet præterea & exhortor in Domino, ut in locis, in quibus morantur fratres, una tantum Missa celebretur in die, secundum formam sanctæ Romanæ Ecclesiæ; si vero in loco plures fuerint sacerdotes, sit per amorem caritatis alter contentus audita celebratione sacerdotis alterius*. Unam ergo Missam in die commendat vir sanctitate clarissimus, idque secundum institutionem Romanæ Ecclesiæ. Rursus Walafridus Strabo lib. de Rebus Ecclesiasticis cap. 22. circa finem, & Humbertus Cardinalis in Responsione ad Nicetam cognomento Pestoratum docent legitimam esse Missam, perfectamque Cœnæ Dominicæ commemorationem, in qua est fractio, benedictio, & distributio, intersunt autem sacerdos offerens, respondens, & communicans. Denique in esu Agni plures ad eandem cœnam conveniebant, ut habetur capite Exodi duodecimo: erat autem Agnus ille typus convivii Eucharistici; quod proinde institui non debet absque cœtu fidelium, & convivarum.

Resp. ad primum impleri a sacerdotibus mandatum Christi, etiam dum celebrant *privatas* Missas, quantum attinet ad sacrificium, & hostiæ consecrationem, oblationem, & consumptionem: in eo autem præcepto *Hoc facite, &c.* distinguenda sunt quæ pertinent ad substantiam rei, & quæ ad loci, vel temporis circumstantias: ad substantiam spectat, quod agantur Deo gratiæ, benedicantur & consecrentur oblata, de his participet qui sacrificat, & hæc omnia fiant in commemorationem passionis Christi, his enim constat Eucharistici sacrificii finis, ratio, & *essentia*: quod vero huic sacrificio adsit populus, communionem petat, & porrigatur illi una, vel utraque species, idque fiat in hujus, vel alterius loci, aut temporis,

cir-

circumstantiis, istud non attinet ad sacrificii *substantiam*, & arbitrio Rectorum Ecclesiæ relictum est: alioqui si omnia, quæ Christus fecit, caderent sub præcepto; post cœnam, semel in anno, a discumbentibus, feminisque seclasis, Eucharistia esset percipienda. Distinguenda est itaque prima propositio, Christus ait, *Hoc facite in meam commemorationem*, omnia, quæ fecit, eadem ratione præcipiens, nego: relinquens Pastorum dispositioni quæ non spectant ad sacrificii substantiam, concedo. Huic communi responsioni aliam addo: Christus in ultima cœna non solum communionem distribuit, ut objiciunt hæretici; sed etiam instituit verum sacrificium, ut demonstratum est supra. Jussit utique, ut in ejus memoriam idem fieret in Ecclesia, sed non jussit ut utrumque fieret *simul*; ideoque potest communicatio distribui & sacrificii tempore, & extra: & quemadmodum populus frequenter percipit a sacerdote communionem, licet sacerdos tunc non offerat sacrificium; ita sacerdos potest sacrificium offerre, etiamsi nullus è populo percipiat communionem. Ex Apostolo nihil aliud colligitur, nisi communione percipi *corpus Christi*, & istud fidelibus distribui *convenientibus in unum*; at hinc non sequitur idem corpus nunquam fuisse oblatum absque conventu, & participatione fidelium; quemadmodum non sequitur fidelium, quamplurimos nunquam privatim, & absque congressu, aliorumque conventu idem sacratissimum corpus manducavisse. Cœna autem Domini communis dicitur, quoniam pro omnibus est instituta, omnibus legitime petentibus ministratur a Parochis, omnesque eundem omnino panem accipiunt. Quod sequitur de Liturgiis hac ratione diluitur. Sacerdos etiam in Missis privatis, in quibus nullus alius communicat, pronuntiat numero multitudinis ea verba, *Ut quotquot ex hac altaris participatione, &c.* quoniam multi sæpenumero, etsi non semper, de altari participant, nonnulli communicant spiritualiter; & sacerdos suo, aliorumque fidelium nomine offert, & orat. Ceterum ab hæreticis illud petendum est, qua fronte ipsi talia verba objiciant, quæ sacrificii oblationem, & uberrimum fructum expresse significant, & quæ proinde hæreticos ipsos confodiunt, ac premunt. *Collectas* vero esse orationes solius Missæ publicæ scripserunt Micrologus, Honorius Augustodunensis, Innocentius III. & alii apud Lupum de Præscript. pag. 752. nec probabilitate caret, fuisse olim prætermisissas in sacrificiis privatis: sed jure, meritoque in his etiam recitantur, cum sacerdos fungatur legatione pro populo, & oret pro Ecclesia universa. Proxima objectio petita ex moribus Orientalium facit plurimum contra adversarios: Græci enim sæpissime offerunt sine populi communione, quamvis finita publica Missa soleant præsentibus distribuere *panem*, unde excisa est oblata, & quem non Eucharistiam appellant, sed *arridunon*, quasi *loco sacramenti datum*. *Qui non credit*

(ait Allatius increpans mendacia Chytraei lib. 3. Conf. Ecclesiarum cap. 15. num. 3.) *adeat ipsas Græcorum Ecclesias ubicunque terrarum constitutas: in omnibus sacerdotes ut plurimum, nulla interveniente communione, tum privatim, tum publice celebrant.* Proximum argumentum ex canone x. inter Apostolicos, solvendum est ab hæreticis, qui negant fideles obstringi præcepto aliquo Ecclesiastico. Deinde non damnantur eodem canone, qui in Missis singulis non communicant, sed qui, dum communicant alii, consuetudinem Ecclesiarum perturbant & aspernantur, quod in Ecclesiæ primordiis erat occasio scandali: atque id manifestum est ex verbis, quæ subjiciuntur, *veluti inquietudines Ecclesiæ commoventes*, sive, ut est in Græco, & apud Dionysium Exiguum, *ὡς ἀταξίας ἐκπονεῖται τῇ ἐκκλησίᾳ, καὶ confusionem afferentes Ecclesiᾷ*. Ex eodem Græco textu eruitur responsio altera, nam canon ille Apostolicus ita in Græco extat: Πάντας τοὺς πιστὰς πνεύματι, καὶ ὁ ὅλος ὄραται ἀνέστης, καὶ μετὰ πάντας καὶ τῇ ἀγάπῃ μεταλλήσῃ, ὡς ἀταξίας ἐκπονεῖται τῇ ἐκκλησίᾳ, ἀποκρίσθαι χεῖρ. Quicumque fideles Ecclesiam ingrediuntur, & scripturas audiunt, neque usque ad preces & sanctam communionem permanent, eos tanquam qui ordinis in Ecclesiæ perturbationem inducant, a communione arceri oportet. Atque hæc versio est Haloandri, & collatione 2. canonis Antiocheni, necnon interpretatione Zonaræ probatur a Vossio disput. 22. thesi 2. ubi idem Vossius concludit: *Itaque sententia canonis erit, non ut quisque, quoties adest, communice, sed ne, nec dum peracta communione discedat.* Obiectio pariter deprompta ex verbis Chrysostomi valet ad hæreticos revincendos: nam si ille quotidianum offerebat sacrificium, quamvis nullus perciperet communionem, nisi bis, aut semel in anno; optime profecto noverat hujusmodi sacrificii oblationem non esse illicitam, aut illegitimam. Non est ergo cur hæretici subirascantur doctissimo Bellarmino agnoscenti in oratione Chrysostomi rethoricam quandam hyperbolem. Adde sanctissimum & eloquentissimum Archiepiscopum reprehendere negligentiam eorum, qui perraro communicabant, & parabolam invitantis ad mensam, ad eos esse directam, qui nec dominicis diebus, nec quando ille ad communionem hortabatur, sese corpore Domini resciebant: nam Hom. xviii. in Epistolam ad Hebræos, quam supra laudavimus, proficitur a se neminem compelli ad quotidianam synaxim, neque se magis acceptare, qui semel in anno, quàm qui sæpius, aut qui raro communicant: optare tamen, ut accedant qui mundo sunt corde; hi vero, qui tales non sunt, nunquam id audeant. Quæ proxime sequitur obiectio, a Joanne Eckio in Enchiridio, & a Bellarmino lib. 2. de Missa cap. 10. solvitur negando illam epistolam revera conscriptam fuisse a divo Francisco, aut, si genuina est, de alia die accipendam, quam de feria v. majoris hebdomadæ. Wadingus, alique

ex

exponunt Seraphici Patris verba de Missa conventuali. Cardinalis Bona lib. 1. Rerum Liturgicarum cap. iv. num. 6. ait ea verba, *secundum formam Romanæ Ecclesiæ*, ad ritum Missæ, non ad consuetudinem, quæ eo temporis obtinuerit, esse referenda, virumque sanctissimum humilitatis causa fratres monuisse, ut uni adessent oblationi, ne ex frequentiori celebratione fierent tepidiores. Videtur hæc postrema responsio planior, & ceteris præferenda. Joseph Viccomes volum. 3. de Rit. Missæ cap. 29. pag. 279. demonstrat ætate beati Francisci in Ecclesia Romana celebratas fuisse *privatas* Missas complures, & fuisse tantum in more positum apud aliquos Cœnobitas agere Missam unam, ad quam omnes convenirent: quod de Carthusianis, aliisque Monachis affirmat ipsemet Bona cap. xv. 11. ejusdem libri. Hinc eruo aliam responsionem, traditæ ab Eminentissimo Scriptore, non repugnantem, probatam vero ab Eman. Gonzalez in 3. Decretal. tit. 41. pag. 796. scilicet, Seraphicum Patriarcham adhortatum fuisse (non tamen mandasse) ut sui in agendis Missis consuetudini potius aliorum Cœnobarum, quam ceterorum Presbyterorum sese accomodarent. At proxima argumentatio hæreticorum nullius est ponderis: quamquam enim in distributione Eucharistiæ representetur aliqua Christi actio peracta in ultima cœna, ut docent Walafridus & Cardinalis Humbertus: tamen in Missa (etsi fiat absque tali distributione) continetur quidquid spectat ad *essentiam* sacrificii, in postrema illa cœna instituti, & representatur passio Domini, & Sanguinis ejus effusio, immo, ut docent qui Missæ exponunt mysteria, quidquid Christus Jesus pro humani generis redemptione peregit. Ultima quoque objectio solvitur quamfacillime: tum quia necessum non est, ut figuræ per omnia respondeant veritati: tum quia totus Agnus non poterat ab uno manducari, & Christus integer sumitur tam a singulis, quam ab uno: tum denique, quia nec cœna Paschalis erat *una communis*, sed per singulas domos familiæ ad esum Agni conveniebant, juxta præceptum Domini, Exodi xii. 3.

A P P E N D I X.

In quæstionem cadit, an sacerdos *privatim* Missam celebrans teneatur laicis petentibus Eucharistiam distribuere. Videntur præstantissimi Theologi supponere non adesse tale præceptum, nisi qui celebrat, sit Parochus. Nam Bellarminus præcitato lib. 2. de Missa c. 19. num. 13. solvens argumentum adversus *privatas* Missas peticum ex Liturgiis, quæ innuunt distributionem Eucharistiæ, ait: *Semper fieri potest, ac debet Sacramenti distributio in Missa eorum sacerdotum, qui curam animarum ex officio gerunt, si sint aliqui parati ad communicandum.* Estius pariter in iv. dist. 12. §. 18. scribit: *Presentibus* (agit

(agit de Missis privatis) ac legitime petentibus ejus communio negari non debet, cum hoc Sacramentum sit institutum in cibum fidelibus omnibus communem. Nec vero dubium est, quin legitime petat, qui petit a Parocho. Franciscus Sylvius in 3. part. quæst. 83. art. 5. animadvertit idem asserendum non esse de sacerdotibus, qui animarum curam non gerunt; atque hinc depromit pro Missa privata argumentum istud: *Certum est vetustissimam esse consuetudinem ordinandi Presbyteros etiam eos, quibus nulla animarum cura incumbit: ergo hi poterant celebrare, neque tamen obligati erant populum fidelem communicare.* Similia apud Theologos alios occurrunt, ac tam perspicua, ut nulla cgeant explicatio. Hugo Grotius in Annotatis ad consultationem Cassandri de solitariis Missis ait laicos admittendos ad communionem, & invitandos, ut communicare velint, cum apud Græcos id nunc quoque fiat, & in Occidentis monasteriis multis, & dicat Henricus Gorichemus, *teneri Presbyterum admittere laicos cupientes communicare.* At fallitur Grotius obtendens consuetudinem Græcorum; Henricus itidem de Gorichem in Tract. de Effectu Missæ prop. 23. loquitur de Parochis, reprehendens pastores quosdam suæ ætatis, qui ægre ferebant nonnullos parochiæ suæ subiectos frequenter petere divini sacramenti communionem; id, quod Georgius Cassander tradiderat in præcitata Consultatione. Eadem sententia, quod sacerdotes Missam celebrantes teneantur ministrare Eucharistiam fidelibus, qui paratos ad ipsam recipiendam se exhibent, ac petunt sacrificii, cui adsunt, fieri participes; paullo ante pullulavit in nonnullis Italiæ diocesisibus; atque hac de causa dedit ad Italiæ Episcopos litteras Apostolicas die xiiii. Novembris præteriti anni mdcclxii. vigilantissimus Ecclesiæ Pastor BENEDICTUS XIV. His autem litteris controversia tota dirimitur. Inde enim eruitur Missas, in quibus solus Sacerdos sacramentaliter communicat, & quas *solitarias* appellant, jure meritoque celebrari, quemadmodum definivit Tridentina synodus, atque nos argumentis plurimis demonstravimus. Afferitur præterea convenire veteri disciplinæ, juxta quam fideles in publicis conventibus adsistentes Missis, de sacrificio participabant, necnon institutioni, atque exemplo Christi, si fideles in singulis Missis, quibus adsunt, non solum spirituali affectu, verum etiam sacramentali Eucharistiæ perceptione communicent, ut ad eos perveniat hujus sacrificii fructus uberior; prout se optare inquit sess. xxii. cap. 6. laudata synodus Tridentina, ejusdemque verbis repetit Beatissimus æque ac Sapientissimus Pontifex. Additur veterem disciplinam non esse necessario servandam, sed cuncta in Ecclesia ordinate, & congruenter disponenda esse, ut ex una parte minime fraudetur pietas fidelium, ex alia autem vitetur quælibet occasio perturbationis & scandali. Concluditur nullam injuriam ipsis

ipsis fidelibus fieri, si juxta disciplinam, quæ modo viget, & in qua facilius est, quam fuerit priscis sæculis, ad participationem sacramentorum accessus, in tanta Missarum multiplicitate non semper admittretur communio; neque importune insistendum esse, ut ministretur in iis loci, temporis, & personarum circumstantiis, quas Ecclesiarum Pastores excipiendas esse declarent, maxime, quod nec justa, nec rationalis est eorum petitio, qui ostendunt animum contumacem ac refractarium. Ex his ergo litteris Apostolicis tria apertissime consequuntur; primum, communionem adstantium nequaquam esse necessariam ad sacrificii essentiam ac perfectionem; Parochos vero, qui ministrare sacramenta legitime petentibus tenentur ex officio, posse pro variis circumstantiis ad nutum Episcopi in Missa, & extra Missam Eucharistiam distribuere, ipsorumque Episcoporum monita ab aliis quoque sacerdotibus esse observanda. Alterum, rem esse magnopere congruam, si in singulis Missis aliquis adstantium, communicet sacramentaliter. Tertium denique, in his ceterisque rebus ad disciplinam spectantibus sedulo dandam esse operam, ne fraudetur pietas, ne oriantur scandala, & ne sub devotionis prætextu pravum aliquod, ac perniciosum dogma subrepat. Nulla profecto argumenta pro adstruenda obligatione ministrandi Eucharistiam in singulis Missis possunt, me iudice afferri, nisi petita ex Liturgiis, ex praxi & disciplina veteris Ecclesiæ, ex Collectis precibusque Missarum, atque ex cænæ Dominicæ institutione. Verum hæc argumenta congruitatem inferunt, non præceptum, & a sacrificii ratione ad participationem sacramenti fallaciter transiunt; denique sunt illa eadem, quæ urgent hæretici, ut demonstrent *privatas* Missas esse illicitas & abrogandas: in quibus argumentis refellendis paullo supra versati sumus.

C A P U T XXII.

*Quædam alia ad sacrificium Missæ spectantia proponuntur,
& explicantur.*

Permulta sunt, quæ ad *Missam* pertinent, & ad Polemicam, moremque Theologiam, necnon ad sacros Ritus referuntur: quorum notitiam saltem aliquam tradere capite hoc postremo conabor; cum de singulis plene & accurate differere nec instituti nostri ratio postulet, nec hujus libri patiantur angustię. Prima igitur quæstio erit de *Missæ* vocabulo, quod aliqui Hebraicum putant, permulti vero Latinum, nonnulli etiam Græcum. Censent Hebraicum Baronius ad annum 34. num. 59. Joannes Reuchlinus lib. 2. Hebraicæ cruditionum, Hector Pintus in cap. 3. Danielis, Claudius de Saintes, Pamelius

melius, & Genebrardus in Liturgiam, Munsterus quoque in Dictionario Hebraico, & alii. Hi *Missa* nomen derivatum esse propugnant a verbo מִסָּח, *missat* quod significat *oblationem* liberali animo factam, Deut. xvi. 10. ubi legimus, מִסָּח נָדָבָה יָדְךָ *Oblationem spontaneam manus tue*. Significatur eadem voce aliquando *Mysterium*, *res sacra*, *arcanum*, præsertim littera מ in ס commutata: unde ex ipso nomine Catholici Principes in Censura Confess. Augustinæ colligebant *Missam* esse verum sacrificium. Prædictum vocabulum esse Latinum communior sententia est, Bellarmini lib. v. de Euch. cap. 1. Jo. Stephani Duranti initio lib. 2. de Eccles. Ritibus, Cardinalis Bonæ lib. 1. Rerum Liturgicarum cap. 1. num. 4. Scholasticorum omnium cum Magistro lib. 1v. sent. dist. 13. & D. Thoma 3. p. q. 83. art. 4. Du-Cangii in Glossario, & sapientissimi Pontificis de Sacrif. Missæ sect. 1. num. 66. a quo recentiores plurimi, qui sententiam tenent eandem, commemorantur. Repetunt vero idem nomen a *mittendo*, quasi idem sit *Missa*, ac *missio*, quemadmodum *remissa* idem est ac *remissio* apud Cyprianum, Tertullianum, aliosque veterum. Ideo autem incruento sacrificio hoc nomen tributum fuit, quod læto Evangelio dimitterentur Catechumeni: unde Victorinus lib. 2. de Eccles. Officiis cap. 41. ait: *Dicit Diaconus, Ite Missa est, quasi revertimini ad propria. Ab hac missione, idest, dimissione Missam dicunt appellari. Qui à Græcia originem nominis hujus arcessunt, ortum putant a vocabulo μῆνος, initiatio, mysterium, sive a verbo μῆνω, doceo, instituo; unde & Musa apud Eusebium libro 2. de Præparat. Evangel. cap. 2. Prima istarum opinio videtur falsa, quoniam nec apud Syros, nec apud Græcos, (qui tamen alia hebraica nomina ab Apostolis usurpata, retinuerunt) legitur *Missæ* nomen. Tertia singularis est, levissimæ innititur conjecturæ, & ratione ipsa scribendi refellitur, nullibi enim *Myssam*, aut *Musam* pro *Missa* scriptum inveni. Restat ergo secunda sententia, probata eruditorum omnium suffragio, prout Exercit. 16. in Baronium fatetur Casaubonus. Confirmat eandem sententiam, quod sæpenumero apud veteres legitur nomen *Misse* usurpatum pro dimissione ab Ecclesia, peracto officio, cujus generis exempla extant apud Cassianum lib. 2. de Cænob. institut. cap. 7. 13. & 14. Avitum Viennensem Epist. 1. & Luithprandum lib. v. cap. 9. Atque hæc tantum de *Missæ* vocabulo, de quo plura viri omnes prælaudati.*

II.

Neque hoc solo nomine incruentum Sacrificium designari solet, sed compluribus aliis, quorum nunc præcipua producam. Latini *Missam* appellant *Oblationem*, *Communionem*, *Collectam*, *Domini-cum*, *Sacrum*, *Agendam*. Occurrit *Oblationis* nomen apud Tertullianum de cult. femin. cap. 11. Cyprianum epist. 27. Optatum lib. 1. de

de Schismate Donatist. Augustinum epist. 54. aliàs 118. Ennodium Tinenfem in Apologetico, & in Capitularibus Caroli Magni fæpissime: eodemque nomine in Ordine Romano, & apud Anastasium in Melchiade significatur etiam *Hostia consecrata*; quæ appellari solet *Oblatio formata*; nam & hostia, quæ offertur, vulgo *oblatio* dicitur, sive *oblata*, a Latinorum *offero*, non (ut visum Casaubono in Athenæum lib. 3. cap. 25.) a Græcorum *ἵθωια*, *pæne tosto*, aut offermento, quod dicebatur de donariis in templo factis. De vocabulo *Communions* dictum supra pag. 349. *Collecta* dicitur, ex quo populus, ut sacrificio intersit, simul colligatur: ideoque hoc nomine significatur etiam *collectio Monastica* in Regulis SS. Isidori, Fructuosi, & Pachomii: item *oratio*, quæ expleto canonico Officio, omnium adstantium nomine, recitabatur voce altiori, ut inquit in Observat. Eccles. Micrologus, & lib. 2. Instit. cap. 7. Cassianus. Plura de *Collectis* Lupus in caput 43. Tertulliani de Præscriptionibus. *Dominicum* dicitur mysticum sacrificium a Cypriano epist. 63. ad Cæcili-um, ab Augustino in Brev. Collat. contra Donatistas, & in Actis Proconsularibus S. Saturnini apud Baronium ad an. 303. num. 84. & Bollandum x1. Februarii, necnon in Martyrologio Romano 25. Decembris. Eodem nomine, utpote adjectivo, designatur etiam *Templum* apud Cyprianum, Rufinum, Hieronymum, aliosque productos in Glossario a Du-Cangio. Idem de *Sacro* dicendum est. *Agenda* passim occurrit in Antiphonario S. Gregorii, in Concilio Carthaginensi 2. sub Cælestino canone 9. in Epist. Innocentii I. ad Decen- tium, & in Vita S. Martini scripta a Severo Sulpitio. Ita Missa ap- pellatur, quoniam veteres dicere solebant *Agere Missas*, & sacrificare Deo *alio* quædam est singularis ac præstantissima. Hinc *Actio- nis* nomine præcipue significatur *Canon Missæ*; quia in eo *Sacramen- ta* conficiuntur *Dominica*, inquit Walafridus Strabo de Rebus Eccl. cap. 22. *Agenda* sine addito apud Bedam, Durandum, & Anastasium Bibliothecarium denotat Missam pro defunctis; & recte *parvo* pro mortuis *Missali* vocabulum hoc præfigitur. At plura de his Missæ vocabulis Bona, Dartis, Vicecomes, Raynaudus, Du-Cangius.

Habent & Græci ad sacrificium Missæ designandum plura nomi- na, quorum præcipua sunt, *λειτουργία*, *Liturgia*, *μυσταγωγία*, *Mysta- gogia*, *ἱερουργία*, *Hierurgia*, *συναξίς*, *Synaxis*, *τελετή*, *Telete*, *δωρία*, *Thy- sia*, *ἀναφορά* *Anaphora*, & *προσφορά*, *Prosfpora*; Liturgia publicum mi- nisterium significat, est enim a *λῆναι*, *publicum*, & *ἔργον*, *opus*: unde hoc vocabulo *publica munera* appellant Isocrates, Syncellus, & Suidas. Significari autem hoc nomine oblatum Deo sacrificium in- cap. 13. Aët. diximus paullo supra; eademque voce *λειτουργίας* Lucæ 1. 23. exprimitur Sacerdotale ministerium Zachariæ. Occurrit eadem vox in Pandectis, & Novellis Justinianeis, ac præfigitur Missæ fan-
 To. VII.

ſtorum Baſilii, & Cryſoſtomi. Exponuntur ex iſta proximæ duæ voces *μυσῳγία*, & *ἱερουργία*: quatum una idem eſt, ac *myſtica actio*: altera, *actio ſacra*. Synaxis idem ſonat, ac apud Latinos *Coſſectā*, a verbo *συνάγω*, *congrego*; unde & *ſynagoga* appellatio. *Thyſia* ſacriſcium ſonat a *θύω*, *muſto*, *ſacrificio*: quare legitur apud Ignatium ad Smirnenſes, *θύς σου ἀπορριπνέται, ſacrificium immolare*, & apud Gregorium Nazianzenum, *ἀναιμκτος θύς σου, ſacrificium incuruentum*. Vide ſupra cap. xix. prop. 3. *Telete* a *θύω*, *perſicio*, ſignificat *conſecrationem*; & Græci eo vocabulo utuntur tam ad designandum ſacrificium, quàm ſacrorum Ordinum initiationes, & conſecutionem, atque benedictionem chriſmatis. Uſurpat idem vocabulum S. P. Auguſtinus lib. x. de Civit. Dei cap. 23. ſcribens: *Dicit etiam Porphyrius, divinis oraculis fuiſſe reſponſum, non nos purgari luna teletis, atque ſolis*: quem locum intactum reliquerunt Coqueus, & Vives. Poſtrema duo vocabula derivata ab *ἀναπίπτω*, & *ἀπορρίπτω*, denotant *oblationem*; quamquam maximum eſt inter hæc duo verba diſcrimen, explicatum ſupra pag. 346. Agunt de Græcis hiſce vocabulis Bona, Durantus, Goarius, Du-Mortier. Conſimilia ſunt nomina, quibus utuntur Syri, & Maronitæ, explicata parte 3. *Euopliæ* fidei Catholicæ a Fauſto Nairono.

III.

Explicatis nominibus, agendum de variis Miſſarum generibus: quorum plura vel ſolo nomine ſatis percipiuntur: qualia ſunt, quæ habent appellationem a tempore, ut *Miſſa ſerialis*, *Matutina*, *Dominicalis*; vel a ritu, ut *Latina*, *Ambroſiana*, *Illyrica*, *Maſzarabica*; vel ab auctore, ut *Jacobi*, *Baſilii*, *Gregorii*, vel ab officio, ut *de Tempore*, *pro Sanctis*, *Votiva*; vel denique a celebrandi ratione, ut *publica*, *ſolemnis*, *privata*. Hæc ergo ſufficiat ſolummodo commemorare. Sed legimus præterea Miſſam *Catechumenorum*, Miſſam *ſacramentorum*, ſeu *ſideliam*, Miſſam *Præſanctificatorum*, Miſſam *ſecam*, vel *nauticam*; necnon Miſſas, quas barbara voce appellarunt *Bifaciatas*, aut *Trifaciatas*: quæ omnia forte hæc legentibus ignota ſunt. Itaque *Miſſa Catechumenorum* erat Liturgiæ noſtræ pars complectens Epistoſas & Evangelia, quibus recitatis *Audientes* dimittebantur, *Competentibus* vero tradebatur ſymbolum; atque ita Catechumeni omnes exhibant ante Offertorium, clamante Levita, *Si quis Catechumenus remanſit, exeat*. Ab hac diſmiſſione derivatum, ut diximus, nomen *Miſſæ*. Egimus de his rebus Volumine vi. pag. 535. ubi tradidimus brevem Catechumenatus narrationem. Dimiſſos autem fuiſſe Catechumenos, ut eis ſacra myſteria celarentur, obſervatum quoque eſt cap. 9. huius libri, *Regula v. Miſſæ Catechumenorum*, & præſertim Episcoporum concionibus, quæ liturgiæ præmittébantur, ad eſſe poterant hæretici etiam, atque

atque Judæi, cum nulli hominum deneganda sit gratia prædicationis, ut habetur cap. *Episcopus nullum*, de Consecr. dist. 1. num. 67. de prompto ex canone 84. Concilii IV. Carthaginiensis. Legimus aliquando Missam Catechumenorum celebratam fuisse a Diaconis: quoniam hi Evangelium legebant, dimittebantque non initiatos; Cæsarianus enim lib. XI. Instit. cap. 15. narrat Monachum quemdam *unus* fuisse tentatum, *quia celebrabat velut Diaconus Catechumenis Missam*. At quæ sequebatur Catechumenis dimissis, complectens sacramentum *Actionem*, cui solis fidelibus adesse fas erat, appellabatur *Missæ fidelium*, sive, ut epistola 219. scribit Ivo, *Missæ Sacramentorum*.

De Missa, quam *ἡ προσευχή*, *Præsanctificationum* vocant, quædam scripsi pagina hujus Voluminis 368. Dicendum nunc quam brevissime de illius origine, & qualitate. Vetustam esse apud Græcos constat ex canone 52. Trullano, in quo præcipitur, *ut in omnibus sancta Quadragesima jejunii diebus, præterquam sabbato, Dominica, & sancto Annuntiationis die, nihil in ἡ προσευχή culpa sit Præsanctificationum dies*, vel, ut habet vulgaris lectio, *Fiat sacrum Præsanctificationum ministerium*. Probant viri docti eandem antiquitatem ex canone 49. Laodicensi, quo pariter in Quadragesima, sabbatis, & Dominicis exceptis, prohibetur *ἡ προσευχή*, *Panem offerre*: sed nulla eo in canone mentio *προσευχῆς*. Horum synodorum Laodicensis scilicet, & Trullanæ monumentis eruditus Du-Cangius in Glossario refellit Gregorium Protosyncellum, qui in Epistolam Marci Ephesini istius Missæ auctorem facit S. Gregorium Magnum. Sed lapsus est Du-Cangius: nam Protosyncellus ait ex Gregorii magni institutione factum esse, *ut Quadragesimali tempore apud Romanos Missæ sacrificium integrum peragatur*: quod etiam Anastasius Bibliothecarius, & Marianus Scotus tribuunt Gregorio Secundo, non primo. Michael Constantinopolitanus, & Simeon Thessalonicensis repetunt originem hujus Missæ a temporibus Apostolicis, nec aliter opinatus est Joseph Vicecomes falsa cujusdam loci Dionysii de Ecclesiastica Hierarchia, interpretatione deceptus. Nil certi de institutione ejusdem Missæ definiri potest; sed fuisse illam in usu, quando omnes quotidie communicabant, haud obscure colligit ex illius Liturgia Leo Allatius. Verum in Ecclesia Latina longe ante S. Gregorii tempora, & ab Apostolorum ætate quovis Quadragesimæ die *divina mysteria celebrabantur*, exceptis duntaxat duobus diebus, idest, Feria sexta Parasceves, & Sabbato sancto; & hujus etiam diei Missa in proxima nocte agebatur; quod & commonstrat hodiernum Officium. Arauxicana enim synodus juxta veterem Collectionem Decretorum lib. XIV. cap. 16. statuit, *ne divina mysteria bis duobus diebus celebrantur*, & Innocentius I. in Epistola ad Decentium conscripta.

an. 416. testatur ex traditione Ecclesiæ, *istò biduo Sacramenta penitus non celebrari*. Quare cum Missa sabbati, quæ agebatur in nocte, fiat modo ante meridiem, more ob jejunantium debilitatem inducto, ut in libro 3. de specialibus Missæ observat. censet Hugo Victorinus; consequitur Missam *Præsanctificatorum* ex traditione vetustissima celebrari solo die Parasceves, & falli non solum Protosyncellum, verum etiam Marianum Scotum, & Anastasium. Atque hæc de Missæ antiquitate. In hac autem Missa nullam fieri consecrationem ex quo vinum præsanctificato panis symbolo superinfundatur, dixi præcitata pag. 368. Idcirco a Cardinali Bona lib. 1. Rerum Liturg. cap. 15. appellatur *equivoce dicta*: quo nomine designatur etiam Missa *nautica*, vel *secca*, in qua nulla fit consecratio. At de Missa *Præsanctificatorum* legendi sunt Allatius & Nihusius ad calcem Operis de Eccl. Occident. & Orient. Consensione, Goarius pag. 205. Euchologii, Bona citato in loco, Lupus in Trullanum canonem 52. & Eximius Pontifex in Feriam v. majoris hebdomadæ num. 319. & sequentibus.

Missam seccam, vel *nauticam*, malè Vicecomes de Ritib. Missæ lib. 5. cap. 9. confundit cum Missa *Præsanctificatorum*, in quo & alios alucinatos observarunt in loco nuper laudato Bona, Lupus, Allatius. Etenim Missam *seccam* Eckius Annotatione ad art. 21. Confess. Augustanæ ait esse *Missæ simulationem, sacerdote agente qua sunt celebrantis, cum Introitu, Collecta, Epistola, Evangelio, & canticis; qui tamen, quia non vult communicare, non consecrat, ita, ut Missa sit sine corpore, & sanguine Domini*. At in Missa *Præsanctificatorum* est verum Christi corpus, atque communio. *Seccam* Missam *nauticam*, seu *navalem* quidam dixerunt, quod aliquando celebrata sit in navi, cum ob fluctuum agitationem vix possit ibidem peragi *Missæ perfectæ*: quam tamen quandoque celebratam in navibus ostendam infra. Nunc de Missa *secca* quæstio incidit, num licitum sit eam agere; nam Genebrardus illam approbat in lib. de Liturgia Apostolica cap. 30. celebratam jussu S. Ludovici, dum è trasmarinis partibus remearet in Galliam, narrat in libro Gestorum ejus Guillelmus de Nangiaco. Durandus Mimatensis Episcopus in Rationali l. 1v. c. 1. n. 23. & licitam asserit, & ritum ejus describit. Lupus, quamquam *bisfrionalem* vocat, affirmat tamen usitatam fuisse apud Belgas. At in hanc Missam declamavit Eftius Orat. 13. Theologica, illamque refutarunt Sylvius 3. p. q. 83. art. 3. ac Lupus in citatum Trullanum canonem, & abrogatam *provida Episcoporum cura*, scripsit Joannes Cardinalis Bona præcitato cap. xv. num. 6. His proculdubio subscribendum est; quoniam *Missæ secca* est revera, ut Eckius & Lupus asserunt, *bisfrionalis simulatio*: atque hæc simulatio apparet in sacerdote, qui tanquam ad sacrificium dispositus, sacrificæ indumentis orna-

ornatus ad altare, idest, ad sacrificii locum accedit, ritusque Liturgiæ servat; & licet canonem omittat, præmittit tamen orationes ac preces, quæ ad sacrificii oblationem directæ sunt, & quarum, nonnullæ oblationem ipsam præsignant; recitat denique orationes alias, in quibus peractæ communionis fit mentio, & gratiæ de ipsa famet perfolvuntur. Reprobarunt deinde Missam hanc *secam* Innocentius III. in litteris ad Rectores Romanæ fraternitatis cap. *De nomine*, in 3. Decretal. tit. 41. cap. 7. ubi *simulationem* appellat Missam ab impio quodam sacerdote sine consecratione peractam, illum damnans non solum quod *deceperit populum*, quale utique crimen non esset in Missa *seca*, verum etiam quod ritus simulatione *Deo illuserit*. Prohibuerunt præterea Missam *secam* Concilium Parisiense an. 1212. can. 12. Sarisberienſe an. 1217. can. 38. Synodus Iprensis Martini Rithovii tit. 15. cap. 10. secunda Cameracenſis tit. 3. cap. 7. praxis denique universarum Ecclesiarum. Qui Missas *secas* probaverunt, nitebantur exemplo piorum virorum, Ritualibus quarumdam Ecclesiarum præscribentibus hujus Missæ ritum ac formam, & præsertim auctoritati Dionysii, qui de Ecclesiastica Hierarchia cap. 7. ait Catechumenis præsentibus pro defunctis fieri solemne sacrum. Verum ad hæc respondemus, commendari a nobis virorum sanctorum devotionem atque pietatem, laudari etiam privatarum Ecclesiarum consuetudines, haberi denique rationem Durandi, Guidonis, aliorumque auctorum; his tamen præferendam esse disciplinam veritati consonam, majori approbatione firmatam, & ab universali Ecclesia receptam: Dionysium vero nequaquam eo loci verba facere de catechumenis, nam ibidem pag. Plantinianæ edit. 410. ait, *non incongrue ordines qui expiantur, admitti ad ea, quæ geruntur, ut perspicue discant, & advertant mortis incertitudinem, & sanctorum præmia*; ab his autem expiandorum ordinibus excludit catechumenos scribens: *Ceterum observa, quomodo non omnes, qui expiationi vocant ordines, pro more jam dimittantur, sed soli Catechumeni a sacro choro arceantur, quod nimirum hic ordo sacri omnis mysterii sit expers, neque fas sit illi quidquam, sive parvum, sive magnum, eorum quæ sancte peraguntur adspicere*. Hæc vero potius hinc eruat pro Missa, quam *secam* vocant, non video: cum potius hinc eruat Missam quoque pro defunctis *formatam* esse, non *secam*. Quidam alii respondent Dionysium non de Missa, sed de aliis precibus instituisse sermonem.

Bisfaciatæ, & Trisfaciatæ Missæ ita sunt appellatæ, quasi multiplicem habentes faciem, erantque Missæ, in quibus improbi quidam sacerdotes, ut pro uno sacrificio stipendia plura reciperent, plures Missas diversi generis, E. G. de Sancto, & pro mortuis, atque votivam etiam, vel quam voluissent, celebrabant usque ad Of-

ferto.

fertorium, unam post aliam : deinde ex ordine tot secretas orationes recitabant, quot Missas inceperant ; ac semel recitato Canone, & una consecratione, & communione peracta, totidem in fine addebant *Collectas*, quot initio præmiserant. Jure autem hujus generis Missas Petrus Cantor in Verbo Abbreviato cap. 29. tanquam *detestabiles abusus* perstringit & vellicat, Durandus cit. cap. 1. num. 24. illas damnat ac reprobat, Cardinalis Bona appellat *monstruosus, contrariasque institutioni, & consuetudini Ecclesiæ*, & recens Auctor de Re Sacrament. tom. 1. pag. 511. portentosas, & prava turpissimi lucri cupiditate introductas.

IV.

Nunc *de loco* ad celebrandam Missam idoneo dicturus, præmitto in Ecclesiæ cunis, furentibus persecutoribus, & priusquam tria priora sacula forent transacta, in quolibet loco sacrificium fuisse oblatum, *in agris, in solitudine, in navibus, in carceribus, in diversoriis*, quemadmodum scribit Alexandrinus Episcopus Dionysius apud Eusebium lib. VII. H. E. cap. 22. pag. Vales. edit. 268. Hæc tamen, pro re sacra potissimum loca præligebantur, *privata fidelium domus*, atque in his vel superior pars, ubi veteres habebant cœnacula, vel subterranea, oculisque paganorum impervia ; *carceres* item, in quibus Christi Confessores occludebantur, prout colligimus ex epistola quinta ad Presbyteros & Diaconos sancti martyris Cypriani ; & *Cryptæ* demum, cœmeteria, & *loca illa*, quæ, sive a Græcorum *κρητὰ*, & *τρυφὰς*, juxta *tumbas*, sive potius a Latinorum *Cymba*, quod ad instar navigii essent concava & longiora, sive denique a Sabinorum *Cumba*, unde Festus putat derivari *cubiculum*, appellaverunt Majores nostri, & adhuc appellant Scriptores Ecclesiasticarum rerum, *Catacumbas*. Sed quoniam de his locis nonnulla dixi paullo supra differens de Missis *solitariis*, prolixius vero de iisdem egi pertractans de Titulis S. Evaristi, plura nunc dicenda esse non arbitror.

V.

Postquam ergo illuxerunt feliciora tempora, cœperunt ad fidelium conventus peragendos, Missasque celebrandas erigi & consecrari templa, & aedes, quibus apposuerunt nomen *Basilicarum*, & *Domnicorum*, quoniam in cultum supremi Regis, ac Domini construebantur ; *Templorum* etiam, *Oratoriorum*, *Martyriorum*, quæ vocabula a loco, qui cernitur & contemplatur ex omni parte, in quo oratur, & habetur sanctorum memoria vel monumentum, etymologiam suam deduxerunt ; quamquam *Basilica* appellentur communiter, quasi ob magnificam regiamque structuram, ampliores Ecclesiæ ; ut Vaticana, atque Lateranensis, quæ & *Aurea* dicta est propter ornatum, sacrorumque donariorum pretium, numerum atque amplitudinem : *Oratorii* titulus ad privata & angustiora facella coarctari

stari soleat ; *Templi* vero nomen potius sacris paganorum , quam Christianorum ædibus , ut docet Codex Theodosianus , conveniat . Neque vero majores nostri sacras has ædes construxerunt , deficiente ab Apostolicis institutis . Nam , ut omittam Templum Salomonis in toto olim orbe celeberrimum , & non ex idolatrarum consuetudine , sed jussu Domini ædificatum ; eas ædes , ad quas Apostolorum ætate conveniebant fideles , in priori ad Corinthios cap. xi. a privatis domibus distinguuntur : Prædis quoque , & Pudentiæ domum in Ecclesiam consecrassè fertur Princeps Apostolorum ; & Philo apud Eusebium lib. 2. Ecclesiasticæ Historiæ cap. 17. de Alexandrinis ad Christum conversis tradidit , habuisse in singulis locis *consecratam orationi domum* , & in ea celebrasse *casta vita mysteria* . Ut ergo his in locis , non promiscue in omnibus , divina agantur officia præcipiunt vetusti canones collecti de Consecrat. dist. 1. a Gratiano , & novissime a Gilberto de Sacram. tit. v. sect. 6. idest , Concilium Toletanum xvi. an. 698. cap. 8. Romanum an. 826. Excerpta Egberti cap. 9. Capitularia Theodulphi Aurelianensis cap. 11. & Ecclesiastica alia decreta quamplurima . Quibus acceperunt etiam Principum Catholicorum constitutiones , Novella 57. Justiniani , Capitularia Caroli Magni an. 789. num. 9. & Regum Francorum lib. vii. cap. 43. aliaque producta ab erudito Martenio lib. 1. de Eccles. Ritib. cap. 3. art. 5. num. 9. His vero definitionibus adstipulatur aperta ratio ; siquidem cum certa loca ad judicia , & ad publica munia deputentur , congruit pariter ut deputata sint ad rem sacram , atque ad cetera divini cultus , & pietatis officia , in quibus convenient necessum est , qui Christianorum instituta sequuntur , atque in uno Religionis nomine colligantur .

VI.

Ut vero hæc loca pro sacrificiis , & pro fidelium conventibus erecta Deo ab Episcopis consecratione dedificentur , multiplex ratio suadet . Principio enim dedicationem templi Salomonis narrat Regum Historia lib. 3. cap. 8. unde Ecclesiarum nostrarum , in quibus dignior ara statuitur , & immolatur sacrificium longe præstantius veteribus , commendat dedicationem Honorius Fortunatus , carmen sextum libri tertii sic modulans :

*Cum Salomon coleret generosi encania templi ,
Israeliticis fecit adesse viros .
Levitas , procures , pueros , juvenesque , senesque
Undique certatim regia pompa trahit .
Massantur vituli , tauri jugulantur ad aras
Et populi in votis gaudia cadis erant .
Nunc vero adsurgit rita placitura beato ,
Tempore decurso , justior Ara Deo .*

De.

Dedicationem pariter, post contaminationem gentium, factam sub Juda Machabæo legimus in libro Machab. 1. cap. 4. Ut quædam proferamus ex Ecclesiastica Historia, Romæ in Exquilis a Principe Apostolorum consecratam Ecclesiam, testantur vetera Martyrologia, demonstratque Florentinius Exercitatione xi. in qua alias quoque antiquiorum templorum dedicationes vestigat. Ab eodem Apostolorum Principe consecratas in Ecclesiam sanctorum Prædis & Pudæntianæ domos diximus paullo supra. Cæcilia quoque, sicut in fine Actorum ejus habetur, postulavit ante obitum *triduanas inducias*, ut sanctus Urbanus domum suam consecraret *Ecclesia nomine*. Item Lucinæ ædes dedicavit Marcellus, quas in *atabulum*, idest, stabulum jumentorum vertit Maxentius, animalium curæ sanctissimo Pontifice mancipato. Eusebius lib. x. H. Eccl. cap. 3. pag. 370. commemorat festivitates, *ἐξαιναι κατὰ πόλιν ἢ ἀπὲς τῶν αὐτῶν ἀποδιδόναι* *ejus*, *dedicationem per singulas urbes Oratoriorum recens* (idest post restitutam Ecclesiæ pacem) *fructuorum*: & lib. iv. de Vita Constantini cap. 43. pag. 548. narrat dedicationem Ecclesiæ Jerosolymitanæ, ad quam Augustissimus Imperator invitavit omnes Episcopos, qui ad synodum Tyri convenerant. Athanasius in sua ad Constantium Apologia commendat dedicationem Ecclesiarum ab Alexandro, aliisque Patribus celebratam, affirmans aliquando se ante Encæniam sacrificasse, (quod ei objiciebant Ariani) ob Ecclesiarum angustias, & populorum frequentiam. Vide eandem Apologiam numero 17^o sufficiat autem ex historiis innumeris hæc tantummodo produxisse. Huc præterea spectant canones superiori numero laudati. Rationem insuper insinuant cap. *Tubernaculum*, de Consecrat. dist. 1. num. 2. excerptum ex epistola prima Felicis 1v. (quam tamen permulto censent esse suppositam) in quo capite hæc extant: *Si Judæi, qui umbræ legis deservebant, loca habebant divinis supplicationibus consecrata, ad offerendum sacrificium; quanto magis nos habere convenit, quibus veritas patefacta est?* Neque enim consecratio templorum pertinebat ad classem illarum ceremoniarum, quæ cum essent futurorum umbræ, erant in lege nova abrogandæ, sed ad moralia præcepta, quibus præscribuntur divini cultus & religionis officia; ut dixi pertractans de Sacramentorum Ritibus capite ultimo libri tricesimi. S. Thomas q. 83. art. 3. ad 3. ait Ecclesias *ex consecratione acquirere spiritualem quamdam virtutem*, sed hoc non esse accipiendum, quasi loca inanimata *sint gratia susceptiva*; nimirum Deus in Ecclesiis peculiari quadam ratione præsens est, preces exaudiens, & peccata dimittens: unde Ambrosius in fine libri de Exhortatione Virginitatis num. 94. ait: *Te nunc, Domine, deprecor, ut supra hanc domum tuam, supra hæc altaria, quæ hodie dedicantur, supra hos lapides spirituales, quibus sensibile tibi in singulis templum sacratur*,

sur, quotidianus presul intendas, orationesque servorum tuorum, quæ in hoc loco funduntur, divina tua suscipias misericordia. His consonant quæ leguntur in Officio dedicationis Ecclesiæ. Solemni denique Ecclesiarum benedictione loca Deo sacrata purgantur; idque etiam miraculis comprobatum est; aliquando enim dum consecrarentur Ecclesiæ, inde sub porcorum imagine immundos demones exiisse demonstrant quæ de Consecratione Ecclesiæ sanctæ Agathæ in *Suburra* narrat S. Gregorius lib. 3. Dialogorum cap. 30. & de Carthaginiensi Basilica Fausti, etiam ab Augustino serm. 111. & 261. laudata, scribit Victor Vitenfis de Persecut. Vandalica lib. 2. num. 6.

VII.

Oritur nunc quæstio, quando Ecclesia polluta sit, neque possit in ea divinum peragi sacrificium. Jureconsulti in titulum xl. tertii libri Decretalium has, quibus Ecclesia violatur, causas enumerant. Prior est *violenta ac voluntaria sanguinis effusio*, de qua caput, *Si Ecclesia*, ejusdem tituli num. 10. & cap. *Ecclesiis*, & de Consecrat. dist. 1. num. 20. Si ergo effusio sanguinis *voluntaria* non sit, veluti si fiat ab homine furioso, Ecclesia nequaquam polluitur. Si etiam percussio levis sit, neque ex ea effluat magna sanguinis copia, ut interdum contingit in rixa puerorum, communis sententia est Ecclesiam non violari. Violaretur tamen, si jussu tyranni trucidaretur in ea martyr; quoniam licet patientis caritas sit Deo grata, illi tamen injuriola est occidentis impietas. Si vulneratus extra Ecclesiam, in eam ingressus expiret, vel effundat cruorem, nulla consequitur sacri loci pollutio; secus, si intra Ecclesiam infigatur vulnus, mors autem, & effusio sanguinis foris contingat. Non violatur insuper Domus Dei, si in ea existens lapidem vel jaculum emittat, quamvis alterum extra positum afficiat lethali vulnere: violatur e contra, si exterius mittatur lapis, aut jaculum, percutiatque in sacris ædibus commorantem. Em. Gonzalez in 3. Decretal. pag. 774. & vir doctus hujus ævi in Pontif. Roman. p. 2. pag. 225. docent ex sententia Suarezii violari Ecclesiam, *si lapis, aut lancea ab Ecclesia emittatur, idus verò extra Ecclesiam fiat, vel è contrario*. At Suarez in 3. partem disput. 81. sect. 4. scribit quidem pollui Ecclesiam, si quis *jaculo lapide percutiat aliquem in Ecclesia existentem*, sed hæc subjicit: *Secus vero esset, si è contrario, qui existit intra Ecclesiam sagitta vulneraret alium extra Ecclesiam existentem: tunc enim non violaretur Ecclesia; nam licet actio vulnerativa, & effusio sanguinis in Ecclesia inchoetur, tamen ipsa vulneratio, seu effusio extra Ecclesiam fit*. Polluitur item Ecclesia *voluntario homicidio* etiam absque sanguinis effusione patrato, sive a seipso, sive ab alio, quamvis fieret præcedente sententia judicis. Si percussio, aut altera violationis causa, contingat extra Ecclesiæ januam, & in ipso quoque portæ limine

extra clausuram ostii, sive in sacratio, in turri, in cæmeterio, in conclavium aliquo, non pollui Ecclesiam consentiunt omnes. Plura ad hanc rem pertinentia memoratus Gonzalez in titul. de Consecrat. Ecl. vel altaris, Augustinus Barbosa lib. 2. Juris Ecclesiast. cap. 4. Navarrus in Manuali cap. 27. Cabassutius in Theoria Juris Canon. lib. v. cap. 21. Et ex Scholasticis in 3. p. q. 83. art. 3. Franciscus Sylvius, Suarez, alii.

Polluitur deinde Ecclesia *voluntaria humani seminis effusione*, cap. *Ecclesiis*, de Consecrat. dist. 1. quæ tamen si occulta sit, habet sacrilegii crimen, non *canonicam* templi violationem. Quæritur, an polluat Ecclesia ex duorum conjugum concubitu. Violari negat in præcit. caput *Ecclesiis*, Glossa, Amicus, Arriaga, & ex nostratibus Basilius Ponceus. Affirmant tamen Turreeremata, Passerinus, Sanchez. Gonzalez in 3. Decretalium, productis aliorum opinionibus, locisque laudatis, concludit Ecclesiam nequaquam pollui, quando conjuges alibi mutuum congressum habere nequeunt, diuturno tempore in ea detinentur, & vitare incontinentiam non possunt. Navarrus, Vivaldus, & Sylvius etiam in hoc casu putant adesse violationem Ecclesiæ, & illicitam esse conjugum commixtionem; propterea quod si abstinere debent altero eorum absente, idem facere teneantur ob sacrorum locorum reverentiam. Habet robur tantummodo hæc opinio, quando res publice est nota, & amovendum est scandalum, atque devotio populi est reparanda; alioqui consentientibus omnibus, quod citra peccatum committitur, neque notorium est, nullam infert *canonicam* violationem, de qua differimus. Atque hac brevi notatione facillimum est oppositas conciliare sententias.

Censetur præterea Ecclesia polluta, *si in ea sepeliatur notoriè excommunicatus*, capite *Consuluit*, cit. tit. xi. num. 7. quod affirmandum itidem est, si in eadem Ecclesia sepulturæ mandentur corpora infidelium, vel paganorum, cap. *Ecclesiam*, de Consecrat. dist. 1. num. 27. & sequenti. Idem asserendum, si in Ecclesia humetur puer non baptizatus; non tamen, si nondum materno ex utero sit extractus, & unà cum matre demortua sepeliatur: quoniam, etsi puer ille nondum natus, non pertineat ad maternum corpus, ut diximus libro xxxi. cap. 18. non ei tamen tanquam personæ a matre distinctæ beneficium sepulturæ impenditur, quando simul cum illa redditur terræ. Cavendum tamen, ne puer semel ab utero matris separatus, ac sine baptismo mortuus, iterum inter materna viscera claudatur, ut eodem cum matre condatur sepulcro; id enim fieret duntaxat in gratiam pueri: nec desunt qui tenent in tali casu Ecclesiam violatum iri. Certe id sentit haud vulgaris Theologus Franciscus Sylvius in *Questionem* 83. tertiæ partis. Suarez cit. disput. 81. sect. 4.

fest. 4. putat pollui Ecclesiam, si dum mater sepelitur, occidatur filius in ejus utero clausus, secus si id contingat extra Ecclesiam: sed illo in casu violatio a crimine homicidii repetenda est, non a sepultura enecati pueruli.

Disputari solet, an polluatur templum, quando Ecclesia consecratur per Episcopum excommunicatum. Veteres omnes ante Suarez, Paludanus, Angelus, Tabiena, Panormitanus, Oltiensis, & alii scripserunt, omni dubio procul violari. At Suarez oppositum tradidit, eique accesserunt Gibalinus de Censuris disq. v. 1. quæst. 5. Henno de Sacrificio Missæ disput. 23. Fagundez, Ugolinus, Gonzalez, alii. Ducuntur hi potissimum hac ratione, quod talis violatio in jure non sit expressa, argumenta vero, quæ in contrarium urgeri possunt ducta paritate a sepultura excommunicati, vim non habeant in his quæstionibus ad Jus Canonicum pertinentibus. Addunt, si paritate certandum sit, nec violari Ecclesiam, quando in illa excommunicatus Missam celebrat, juxta cap. *A nobis*, de Sacramentis non iterandis. Non cecidit tamen a jure suo sententia illa vetustior, nam pro ea pugnant Sylvius citato in loco, Cabassutius item lib. v. cap. 21. num. 6. Barbosa præcit. cap. 1v. num. 25. & Jurisperitorum, Theologorumque permulti. Ajunt enim eandem sententiam regulis Juris consentaneam esse, ex quo fuerit aliquando communis, & nunquam Ecclesia statuerit contrariam. Revera Suarez fatetur se non invenisse autores aliquos sibi sentientes; quod videtur esse sufficiens argumentum falsitatis. Ex his verò saltem oritur non leve dubium, quo stante optimum consilium est, si Ecclesia reconcilietur. Extra controversiam denique positum est, consecrandas iterum Ecclesias ab hæreticis occupatas, ut habetur cap. *Ecclesias*, & cap. *Arianorum*, de consecrat. dist. 1. num. 21. & 22. idque confirmant quæ ex magno Gregorio, & Victore Vitenfi laudata sunt in fine paragraphi præcedentis. Videtur autem eandem de hæreticis, ac de excommunicatis habendam esse rationem.

Quocumque modo polluatur Ecclesia, si ante fuerat consecrata, nonnisi per Episcopum debet reconciliari, ex Rescripto Gregorii IX. ad Episcopum Astoricensem, cap. *Aqua*, de Consecrat. Eccles. 9. Si autem Ecclesia consecrata non fuerit, reconciliari potest, assente Episcopo, per simplicem sacerdotem, cap. finali ejusdem tituli, *Si Ecclesia*. Clementem IV. non semel indulsisse simplici presbytero facultatem pollutas Ecclesias reconciliandi, observarunt JCC. in 111. decretalium; atque hæc indulta de Ecclesiis non consecratis exposuerunt Oltiensis, & Fagnanus. Verumtamen delegatione Summi Pontificis posse a singulis presbyteris Ecclesias reconciliari & consecrari, diximus superioris libri capite v. 11. agentes de ministro Confirmationis.

VIII.

Itaque juxta canones superiori numero v. laudatos, *privatis in domibus, atque omnino extra Ecclesiam, & ad divinam tantum cultum dedicata oratoria*, peragi Missæ sacrificium non potest, atque ne id Episcopi in suis diocæsisbus patiantur, jubet in decreto de observandis & vitandis in celebratione Missæ, quod canones sess. xxi. immediate consequitur, sacrosancta synodus Tridentina. Hoc decreto revocata est facultas, quam olim habebant Episcopi licentiam largiendi, ut in privatis oratoriis agantur Missæ, ex cap. *Missarum*, de Consecrat. dist. 1. atque circa potestatis hujus abrogationem omne dubium eliminavit in epistola Encyclica anno 1615. summus Pontifex Paulus V. In ædibus tamen, quas inhabitant, possunt episcopi privata oratoria ad sacrificandum habere: sed ut erigantur in privatis aliorum domibus, petenda est ab Apostolica Sede facultas. Athenensis Synodus an. 506. canone 21. statuit, ne Missæ celebrarentur in oratoriis *in Paschate, Natali Domini, Epiphaniam, Ascensione Domini, Pentecoste, Natali S. Joannis Baptiste, & si qui maximi dies in festivitibus habentur*; ac fieri solet exceptio consimilis in facultate oratoriorum privatorum, quando ab Apostolica Sede conceditur, ne scilicet in his celebretur Missa *in die Nativitatis Domini, Epiphaniam, F. v. in Cæna Domini, Paschatis, Pentecostes, Annunciationis & Assumptionis beatissimæ Virginis Mariæ, SS. Apostolorum Petri & Pauli, & omnium Sanctorum*. Istæ enim Festivitates a S. R. Congregatione die 17. Novembris an. 1607. declaratæ fuerunt præcipuæ atque solemniores. Præterea in aliis locis cum *altare portatili*, de quo infra, celebrari potest Missæ sacrificium, *urgente necessitate*, ut in castris sub papilionibus, aut sub dio; in littore ab Ecclesiis remoto; in plateis, vel in agro, si diruantur, aut terræmotu quatiantur templa, necnon si horum angustia in magna aliqua populorum frequentia capere non valeant multitudinem confluentem: in quo tamen postremo casu consulendum Episcopum docent gravissimi, doctissimi que scriptores. Disputatum a Theologis, & Jureconsultis in utramque partem, an sacrificium Missæ peragi possit in navibus. Negant verò id permulti ob inconstantiam fluctuum, ac subitæ tempestatis pericula. At alii ex adverso reponunt languere interdum fluctus malacia & tranquillitate, peritosque nauceros præsentire ventorum commotiones atque procellas: fas proinde esse fluctibus quiescentibus facere rem sacram; & si forte subita excitaretur tempestas, servare quod fieret in templis si Missas agentibus improvisum & inopinatum accideret impedimentum. Addunt ex Baronio ad annum 700. num. 3. peractum in navis sacrificium a Wulfranno Senonensium Episcopo; quod Scriptor Eminentissimus refert ex Jona Monacho, & Surio ad diem 20. Martii; Maximianum quo-

quoque Siracusanae civitatis Episcopum, omnesque, qui cum ipso erant in navi Adriatici maris fluctibus quassata, data sibi invicem pace, *accepisse corpus & sanguinem Redemptoris*, ex Gregorio Dialogorum tertio, cap. 36. Hoc tamen postremum exemplum potius de communione Eucharistiae in illa navi asservatae, quam de peracto sacrificio, accipiendum esse demonstrant verba ipsa Gregorii. Videtur nunc controversia ista finita; nam posse in navibus peragi sacrificium *ex privilegio tantum Apostolicae Sedis*, tradunt unanimiter viri percelebres, Pignatellus tom. viii. Consultat. 124. num. 1. Cardinalis Petra in Comment. ad Constit. 2. Urbani V. Rotarius in Theologia Regularium tom. 3. lib. 1. cap. 2. Meratus in Gavantum p. 1. tit. 20. alique permulti, quibus adhæret sect. 2. de Sacrificiis num. 53. eruditissimus Pontifex. Hi nimirum demonstrant celebrari Missas, tranquillo cœlo, in navibus Indicis ex privilegio Clementis VIII. & Pauli V. privilegium hujusmodi denegatum a summo Pontifice triremibus maris Mediterranei; concessum denique, prævio voto S. Congregationis Concilii, a Clemente XI. die 13. Martii anno 1706. strenuissimis Ordinis Hierosolymitani Equitibus.

IX.

Spectant insuper ad sacrificii locum altaria, de quibus dixi nonnulla pag. 412. & seq. Appellanti Hebræi altare מִזְבֵּחַ *Mizbeach*, a radicali מָכַח, *zabach*, *sacrificavit*; quemadmodum Græci θυσιαστήριον, a θύω *θύω*, *sacrifico*: Latini *Altare* dixerunt, sive quod pro holocaustis ignem *aleret*, sive potius ab *altitudine*, quod scilicet in tumulis a terra exaltatis sacra facerent diis superis. Hinc Virgilius Ecloga v. *aras* Daphnidi, *altaria* Phœbo erecta aliquo discrimine notat: quamquam & altaria Jovi posita appellat *aras*, ubi de Jarba ait Aeneidum iv.

Centum aras posuit, vigilemque sacraverat ignem.

Quare & latinissime *ara*, & *altaris* nomine utimur indiscriminatum. At de his alibi dictum est, nec iterum occupare nos debent observationes Grammaticorum. Altaria in lege veteri alia terrea erant, alia lapidea, alia aenea, alia aurea. De terreis legimus Exodi xx. 24. *Altare de terra facietis mihi*, ubi nudam humum, aut lateritium opus significat tum hebraica phrasis, מִנְכַּח אֲדָמָה, *Mizbeach adamah*, *Altare terram*; tum Versio lxx. θυσιαστήριον. Altare lapideum commemorant proximus versus ejusdem capituli vicefimi, & loca alia Scripturarum innumera. Legitur eodem versu altare non ædificandum *de sectis lapidibus*, sed de rudibus & impolitissimis, forte ne abrasis scalpello particulis Judæi ad superstitionem, vel magicas artes abuterentur. Altare aeneum, quale describitur 2. Paralip. iv. cremandæ hostiæ deserviebat: unde & ædificatum *de lignis setim*,

Exo-

Exodi xxvii. tabulis æreis tegebatur, ne læderetur à flamma. Altare aureum, de quo Exodi xxx., erat pro adolendo *thymiamate*, quod erat suffumigii genus ibidem descriptum, ideoque Græci appellantur idem altare *θυμιατήριον*. At de his plura sacri Interpretes: exquisita verò in Myrothecio ii. litteratissimus Scacchus. In lege nova quædam altaria fuisse lignea colligimus ex Athanasio epist. ad Solit. Optato libro vi. contra Parmenianum, & Augustino lib. v. de Baptismo cap. 20. ac lib. 3. adversus Cresconium cap. 43. Servatur Romæ in Titulo S. Pudentianæ ligneum altare, in quo fertur sacrum peregrisse Petrus princeps Apostolorum. Turrecremata in cap. *Altaria*, de Consecrat. num. 31. refert S. Silvestrum in Lateranensi Basilica consecrassse altare ligneum, de quo etiam lib. i. cap. 4. Cæsar Rasponus in Opere de eadem Basilica. Verum Silvestri sæculo fuisse in usu altare lapideum demonstrat ex oratione Nyseni in Christi baptisma, & ex monumentis aliis lib. i. Rerum Liturg. cap. 20. eruditissimus Bona: atque jam ab anno 517. a Concilio Epæonensi statutum fuit, ut altaria tantum lapidea chrismatis unctione sacrentur. Vide præcit. cap. *Altaria*.

Altarium consecrationem commendant varii canones apud Gratianum de Consecrat. dist. 1. & in 3. Decretalium tit. 40. Eandem & ratio suadet, quod non solum oporteat, ut sacer sit locus sacrificii remotus, verum etiam proximus, & in quo peragitur ipsummet sacrificium. Id natura ipsa tradente præstitit Jacob, qui Genes. xxviii. 18. lapidem erexit in titulum, *fundens oleum desuper*. Hoc ritu non fudit Jacob oleum, ut servaretur memoria visionis, ad hoc enim satis fuisset erectio lapidis, sed ut Deo locus consecraretur: unde & locum ipsum appellavit *Bethel*, idest, *domum Dei*. Impositum vero fuisse hoc nomen ob loci sanctitatem inde apparet, quod erecto ibidem a Ieroboamo uno ex vitulis aureis, transierit nomen *Bethel* in *Bethaven*, quod significat *domum idoli*, seu *vanitatis*. In illa unctione figuratum aliquid quod ad magnum pertineat Sacramentum, scribit sapientissimus Augustinus lib. xvi. de Civit. Dei cap. 38. & Nazianzenus Orat. 2. de Theologia, seu xxxiv. *Jacob*, inquit, *columnam innungendo dedicavit arcano baud dubie consilio, quo lapidem nostri causa innuntium denotaret*. Quæ obiter dicta sint ad refellendum Du-Vertium scribentem nil mysticum in ea unctione inveniri. Apparent evidentius hujus consecrationis mysteria ex altarium expiatione, & dedicatione, de qua Levitici 16. Exodi 40. & i. Machab. cap. 4. In his quippe locis unctionem factam *sanctificationis* atque *emundationis* causa demonstrant scripturæ verba. Diximus autem alibi in altarium consecratione necessarias esse Reliquias Sanctorum Martyrum; quod confirmant canon 5. Concilii Africani anno 424. sive cap. *Placuit, ut altaria*, de Consecrat. dist. 1. n. 26.

cano-

canon 7. Concilii Gen. v. 1. an. 787. Hieronymus adversus Vigilantium cap. 3. Ambrosius in Epistola ad sororem suam Marcellinam, Augustinus lib. 20. contra Faustum cap. 21. & Paulinus, cujus Natali 1x. hæc sunt verba:

*Namque & Apostolici cineres sub calite mensa
Depositi, placitum Christo spirantis odorem
Pulveris inter sancta Sacri libamina reddunt.*

Orat propterea Sacerdos accedens ad Missæ Introitum, *Per meritum Sanctorum tuorum, quorum Reliquia hic sunt.*

Altarium numerus non est Ecclesiasticis definitionibus constitutus, tametsi Carolus Molinæus lib. 2. Controv. cap. 17. contendat *unicum* in singulis Ecclesiis permittendum, tum ex Apostolica consuetudine, tum ex Hieronymo scribente in caput 2. Osæ vers. 13. habere Ecclesiam *unum altare*, hæreticos *plurima*. Sed facillimum est Calvinianum illum hominem refutare; siquidem ut Ecclesiæ status felicior nunc est, & presbyterorum numerus amplior, ita major est altarium multitudo, quemadmodum diximus supra de Missis. Præterea variabilis est, uti in ceteris, hac in re temporum, locorumque disciplina. Nec altarium numerus postremis sæculis adausus est: nam Gregorius lib. v. epist. 43. ad Palladium *tredecim* ejusdem Ecclesiæ altaria commemorat, & Nolanus Episcopus Paulinus prælaudato Natali cecinit:

Speñant de superis altaria tota fenestris.

Hieronymus autem *altaris* nomine intelligit fidem, atque communionem, unde ait eo loci de hæreticis, *Habent tot altaria, quot schismata*. Usurpatur eadem phrasi de iis, qui secedunt ab Ecclesiæ unione, *Erigere altare contra altare*; quod invenies apud Cyprianum, Optatum, atque Augustinum.

X.

Præter altare immobile & loco adhærens, datur altare motorium; quod *Altare viaticum* appellat Durandus in Rationali, *Tabulam itinerariam* Ordo Romanus, *Altare gestatorium* S. Anselmus, & Hugo Flaviniacensis, *Lapidem portatilem* alii apud Mabillonium. Præf. in Sæculum 3. Bened. num. 78. Demonstrat Cardinalis Bona ex Capitulis Hincmari, *altaris portatilis* olim usum fuisse, cum celebrandum foret in altaribus fixis nondum consecratis, aut in oratoriis privatis, quorum aris tempore duntaxat Agendæ *sacer lapis* apponeretur, chrismate ab Episcopo delibutus: unde & nunc Orientalis Ecclesia utitur *arrumæis*, *Antimenso*, adhibendo tantum, quando oblatio Liturgiæ fit in altari, de cujus consecratione non constat. In privatis ergo oratoriis non erant olim altaria *consecrato lapide* ornata. *Altaris viatici* privilegium concessum quibusdam Regularibus legimus cap. *In his*, in v. Decretalium tit. 33. de Privilegiis, num. 30.

num. 30. itemque Episcopis omnibus, cap. *Quoniam*, in vi. eodem titulo, num. 12. At quantum ad Regulares spectat, omnino privilegium illud revocatum fuisse, post definitiones alias complures declaravit die 15. Decembris an. 1703. summus Pontifex Clemens XI. ideoque peculiari tantum indulto Gregorii XIII. utuntur eodem Altari Missionarii Societatis Jesu. Quantum vero pertinet ad Episcopos; tametsi ad quosdam abusus eliminandos, aliquorum præsertim, qui ut gratificarentur laicis, *tabula itineraria* in horum aedes asportata sinebant ibidem a suis Cappellanis immolari vivificam Christi hostiam, ipsimet Episcopi comprehendere videantur præcitata Clementis XI. inhibitione; non eis tamen sublatum est privilegium expressum cap. *Quoniam*, sed jure utuntur *altare portatili* in iis laicorum domibus, in quibus occasione visitationis, vel itineris excipiuntur hospitio, vel in casibus aliis a Jure permixtis moram faciunt; prout declaraverunt Innocentius XIII. & Benedictus XIII. tradiditque hujus nominis, auctoritatis, ac throni Hæres Beatissimus, sect. 2. de Sacrif. Missæ num. 48. In his quoque *Viaticis aris* necessum est includantur Sanctorum Reliquiæ, ut constet ex dictis præcedenti num. & decrevit S. Rituum Congregatio die 10. Novembris 1612. easdemque aras iterum consecrandas, *si contractum sit sigillum*, colligitur ex cap. *Ad hæc*, de Consecrat. Eccl. ubi Juris Canonici Tractatores *sigilli* nomine designari docent Sacrum Reliquiarum operimentum.

XI.

De iis altarium ornamentis, quæ ad cultum splendoremque spectant, non est loci hujus differere: audiendus tantum Paulinus Natali 3. pag. Plantin. edit. 540. canens de S. Felicis Basilica:

*Aurea nunc niveis ornantur limina velis,
Clara coronantur densis altaria lychnis,
Lumina ceratis adolentur odora papyris.
Nocte, dieque micant, sic non splendore diæ
Fulget, & ipsa dies cælesti illustris honore
Plus micat innumeris lucem geminata lucernis.*

Ad sacrificium tamen spectant *lintea*, *crux*, *cerea lumina*. Lintea, quæ *mappas* etiam dicunt, & in Concilio Ravennati an. 1311. can. 8. necnon in Cæremoniali Romano *tobaleas*, in Aëstis autem Mediolanensis Ecclesiæ, *sindones*, apponi ex more vetustissimo liquet ex Optato Milevit. lib. vi. num. 2. ubi scribit notum cuique fidelium, altaria *in peragendis mysteriis linteamine cooperiri*. Vide in hunc locum Albaspinæum. Ex his linteis impide fecisse sibi indusia, & femoralia Proculum exercitus Genserici regis imperatorem, tradit in priori libro de Persecut. Vandalica n. 12. Victor Vitenfis. Tribus mappis cooperiendum altare, oblonga una, brevioribus aliis, vel una duplicata, insertur ex cap. *Si per negligentiam*, de Consecrat. dist. 2.

dist. 2. num. 27. de Cruce extant versus Paulini Epist. xxi. ad Severum pag. 147.

Divinum veneranda tegunt altaria sedes,

Compositis sacra cum cruce martyribus:

Cuncta salutiferi coeunt martyria Christi,

Cruce, corpus, sanguis, martyr ipse Deus.

Corporis Domini sub Cruce positi meminit synodus Turonensis anno 570. canone 3. ac plura in hanc rem monimenta collegit Joannes Baptista Scortia lib. 3. de Sacrif. Missæ cap. 3. Amalarius lib. 1. de Ecclef. Off. cap. 14. alique omnes, qui de sacris mysteriis pertrahant, ajunt ante nos locari crucem, *ut Christum quos pendentem in ea mente teneamus:* addit lib. v. Operis Paschalis Sedulius,

Neve quis ignoret speciem Crucis esse colendam.

Cum itaque crux ante oculos statuenda sit, ut facilius excitetur Crucifixi memoria, atque adoretur signum redemptionis nostræ; consequitur in altari, dum agitur Missa, ponendam crucem esse, quamvis sit ibi expositum sanctissimum Sacramentum, prout decrevit Sacra R. Congregatio die 14. Maii an. 1707. e contra necessum non esse, ut ponatur alia crux (quicquid scripserint aliqui Ceremoniarum præceptores) quando adest in altari *magna statua SS. Crucifixi*, quemadmodum eadem S. R. C. declaravit 16. Junii 1663. De cereis vero, quoniam plura dixi lib. xxx. cap. 23. & quædam etiam supra p. 339. ubi egi de SS. Eucharistiæ expositione, nil addam in præsentia, nisi decretum Tridentini Concilii sess. xxi. prohibens *candelarum certum numerum, qui magis a superstizioso calui, quam a vera Religione inventus est.*

XII.

Sequitur, ut nonnulla dicamus de sacris celebrantium indumentis, contrahe tamen & breviter; de his enim universim egimus præcitato capite tertio ac vicefimo. Sunt autem, quibus sacerdotes omnes utuntur, *Amictus, Alba, Cingulum, Manipulus, Stola, Planeta.* Amictus, inquit Cardinalis Bona, appellatur etiam *Superbumerale, Amblogium, Anabolarium*, & per analogiam ad legatum sacerdotum indumenta, *Ephod*. Ac priora duo vocabula, cum latina sint, satis sunt nota. Tertium *Amblogium* idem est, ac Græcorum ἀμβολάριον, a verbo ἀναβαλῖν, *induo*: anabolarium vero est idem cum ἀναβολάριον, ornamentum scilicet, quo humeri proteguntur: Ephod ab ἔφα, *ligavit*, seu, *cinxit*, derivat. Claudius De-Vert amictum adhiberi censet ad collum undique cingendum, ne contrahatur raucedo: sed attendenda potius significatio mystica, de qua Bruno Signienfis de Vestimentis Episc. *Amictus quidem, quo & collum stringitur, & pectus tegitur, interioris hominis castitatem designat: tegit enim cor, ne vanitates cogitet; stringit etiam collum, ne inde ad*

To. VII.

M m m

lin-

linguam transeat mendacium. Indecorum esse sacrum facere, hærente in capite amictu, fatentur Parisienses Theologi Joannes Du-Tour, & Honoratus Tournellus, tametsi hiberno tempore ita Missas agere consuetum sit in Ecclesia Parisiensi. Vide Tournely de Euch. pag. Vennetæ edit. 441. Viget idem mos, rigente hieme, in Polonia: permittendum censent aliqui apud Sinenses, ubi detectio capitis non est honoris significatio. Nemini ex decreto S. R. C. 3. Augusti 1652. fas est sacrificium peragere *cum casarie fîcta*. Albam vocant etiam Ecclesiasticarum rerum illustratores *camisiam*, *subuculam*, *vestem*, *talarem*, *lineam dalmaticam*, & Græco vocabulo *παιδῶν*, *poderem*; quod usque ad *pedum* talos dimittatur. Hujus mentionem fecere Carthaginense Concilium IV. celebratum anno 398. cap. 41. Hieronymus adversus Pelagianos, Magnus Gregorius I. libro in Ezechielem cap. 11. aliique bene multi. Hac veste designari vitæ innocentiam, ornamenta virtutum, bonorum operum perseverantiam, & vestem albam, qua Herodes illusit Christo demonstrat lib. 3. Rationalis cap. 2. clarissimus Mimatenfis Episcopus. Sacerdotes quoque Isidis *vestibus lineis* utebantur, testibus Apollonio, Apulejo, Plinio, Ovidio, quorum scriptorum loca laudant Saussajus, Bona, Durantus: imitati siquidem sunt idololatrarum typum, de quo Apocalypsis xix. 8. *Byssinum enim justificationes sunt sanctorum*. Cingulum, quod & *balticum*, ac *zonam* appellant, indicium esse castitatis docent Innoc. III. lib. 1. de Myst. Missæ cap. 15. Stephanus Eduensis de Sacram. altaris cap. 10. Rabanus Maurus lib. 1. Institut. Clericorum cap. 13. Ex Concilio Aurelianensi an. 511. can. 20. *Monacho in monasterio zonas habere non licet*, ut legitur cap. *Monacho* 27. q. 1. c. 32. Cur nam, quæso, si zona castitatis est symbolum? Pro zonis quidam legendum putant *Tzangas*, idest, cothurnos, quos & in urbe singulis vetat Codex Theodosianus l. 2. *de habitu, quo uti oportet*, & Clericis Capit. Caroli M. lib. 7. cap. 304. Alii Aurelianensem canonem exponunt de munusculis a muliere acceptis: sed prior interpretatio comprobatur veteri lectione, quæ apud Jacobum Petitem habet *ciamgas*: de qua voce agit in Glossario Du-Cangius. *Manipulum* appellatum quoque invenimus *Panemem*, *Mappulam*, & a Græcis *μῆνιμα*, quasi *supermanicale*. Substitutum utique est loco mantilis, quo sacri ministri frequenter tergebant manus, & interdum affluentiam lacrymarum, ut de Arsenio legimus in Martyrologio Bedæ xiv. Kal. Augusti. At hinc non sequitur *manipulum* mystica significatione carere. Illo Honorius Augustodunensis ait denotari poenitentiam, S. Bonaventura patientiam atque humilitatem, quibus *tanquam clypeo* munimur ad spiritale certamen, Theodorus Balsamon vincula Christi manibus implicata, Latina autem Ecclesia dolorem ac fletum, cui in altera vita copiosa merces rependitur. Ideo ponitur *in sinistra*, quæ

quæ significat vitam hanc transitoriam. Episcopo imponitur tantum confessione peracta (inquit Bona) prisco more, quoniam tunc *Casula* elevabatur, ut celebrantium brachia essent ad divinum opus expedita. *Stola* nomen, derivatum a *stila*, *instruo*, *orno*, usurpabatur a veteribus de quovis indumento, a Latinis vero pro veste muliebri usque ad imos pedes demissa; pro muliebri æquæ, & virili a scriptoribus Græcis. Frequentius usurpatum est idem nomen ad significandum honestum, splendidumque ornamentum; unde legimus Gen. 41. 42. a Pharaone Joseph donatum *stola*, eadem ab Asuero Esther 6. 11. vestitum Mardocheum, Aaronem quoque ceterosque Pontifices Eccli. 45. 12. indutos *stola sancta*. Veneti cives stolam appellant panni segmentum oblongum & dodrantalis latitudinis, quod humero injiciunt sinistro. At rerum Ecclesiasticarum Scriptores designant eo vocabuli interdum *Pallium Archiepiscopale*, & communiter vestem angustam in modum fasciæ, quam diaconi, ac presbyteri gestant in humeris, & quam veteres appellare solent *Orarium*. S. Antoninus, & JCC. tradunt deferri stolam in signum jurisdictionis, ideoque summum Pontificem universalis Ecclesiæ Pastorem, semper procedere stola ornatum. Amalarius, Stephanus Eduensis, Durantus, alique plures ab eo laudati lib. 2. de Rit. Eccl. Cathol. cap. 9. docent stola collo superposita demonstrari *ministerium Evangelicæ predicationis*; at oratio a presbyteris illâ se ornamentibus recitata communstrat *stolam* symbolum esse justitiæ & immortalitatis, quam amisimus in Adami prævaricatione. Hanc immortalitatem appellat *stolam* S. P. Augustinus lib. vi. in Genes. cap. 27. num. 38. eique subscribit S. Bernardus serm. 3. de sanctis. Sequitur *Planeta* sic dicta, quod oris errantibus evagetur; olim autem quod totum hominem a collo usque ad pedes ambiret, & veluti parva casa circumdaret, *Casula* appellabatur. Græci *purpura* dicunt: quod vocabulum occurrit 2. ad Timotheum 4. 13. ubi noster vertit *Penulam*. Hinc plura de veste illa Pauli dissidia, de quibus ad annum 58. num. 67. Baronius, contendentibus aliis vestem illam Troade apud Carpum relictam fuisse sacram, aliis communem pro depellendis imbribus, aliis etiam librorum thecam. Sed nihil ex Græca, aut Latina versione hinc pro sacra veste inferas; siquidem tam Latinorum *penula*, quam Græcorum *purpura*, sive *purpura* est superius, spissumque indumentum, aptum arcendis imbribus, dictum a *purpura*, quod est, *in aqua fluit*. Hinc Hieronymus, Chrysostomus, & Theophylactus Commentariis in Paulum *τὴν purpura* interpretantur *vestem hyemalem*. Ad significandum tamen indumentum sacerdotale hæc vocabula recte adhibentur: nam *Planetam* legimus apud Rabanum, Ivonem, Hildebertum, & jam ab anno 633. adhibita fuit eadem vox cap. 27. in 1v. Synodo Toletana: *purpura* occurrit in omnibus libris Græcorum.

Liturgicis; *Casula* denique in libris Alcuini, Ruperti, Honorii, aliorumque. *Casula* olim super brachia complicabatur, unde Latini, ut facilius sacris operarentur, coeperunt paullatim eam ad latera scindere & decurtare: de quo plura lib. 1. cap. 24. num. viii. Cardinalis Bona. Stephanus Eduensis in *Casula* denotari existimat veterem & novam Ecclesiam, Innocentius III. Hugo, Ivo, Alcuinus, aliique complures duo caritatis praecepta, nonnulli inconfutilem Christi vestem. Erudite pertractat de *Casula*, praeter Auctores de divinis Officiis simul Romanis typis collectos, & recentiores permultos, Joannes Stephanus Durantus lib. 2. de Rit. Eccl. Catholica cap. 9. num. 17. & 19.

XIII.

Quaedam addam modo de *Calice*, *Patena*, *Corporali*, *Hamulis*, & *Campanula*. Calicem Varro dictum putat vas, quo veteres utebantur ad calidam potionem, Isidorus a *καλόν*, *lignum*, quod vasa potoria initio lignea fuerint, ac Priscianus a *καλός*, quod est *ornatus confectum*. li. quibus in sacrificiis utimur, *calices*, prisci saeculis lignei fuerunt, vitrei, stannei, pro varia temporum conditione, ut demonstrant viri clarissimi, Bona lib. 1. cap. 25. eximius Pontifex sect. 1. num. 26. Boldetius de Cæmeteriis lib. 1. cap. 39. & alii. At non defuerunt, furentibus etiam persecutionibus, calices pretiosiores; nam & argentea pro sacrificio vasa inventa sunt in Cæmeteriis Romanæ Urbis: quare Prudentius hymno 2. *ad eum* describit præfectum Urbis, dum a Laurentio peteret Ecclesiæ thesauros, ita loquentem:

Hunc esse vestris Orgiis

Moremque & artem proditum est,

Hanc disciplinam fœderis

Libent ut anno antisites.

Argenteis scyphis ferunt

Fumare sacrum sanguinem,

Auroque nocturnis sacris

Adflare fixos cereos.

Stannei calices per vetustis servantur adhuc Romæ in Ecclesiâ SS. Cosmi & Damiani in Foro Boario, & in Basilica Lateranensi. Calicem illum, in quo Christus Dominus consecravit, fuisse argenteum, diuque servatum Jerosolymis, scribunt Beda de locis SS. cap. 2. & Baronius ad annum 34. num. 63. ex achate, vel onychino lapide fuisse confectum probare nititur Saussajus lib. 8. Panopl. Sacerdot. eumque viri graves asservatum tradunt in majori Valentiniæ civitatis Ecclesia. At Chrysostomus hom. 60. ad populum Antioch. sive potius 51. in Matth. pag. edit. Commel. 455. ait nil in Cæna, præter sacra mysteria, pretiosum interfuisse. Triburienſe Concilium anno 895. cap. 18. inquit Zephirinum Romanum Pontificem xvi. statuisse ut Missæ celebrarentur *patenis vitreis*: Urbanum autem I. *ministra sacra fecisse argentea*: decrevitque idem Concilium, ut calix cum patena, *si non ex auro, omnino ex argenteo fiat*: si quis autem

autem

antem pauperrimus est, *saltem stanneum calicem habeat*: de aere, aut aurichalco non fiat, *quia ob vini virtutem facit eruginem, pariterque vomitum provocat*; nullus denique Missas in ligneo, aut vitreo calice præsumat agere. Vide cap. 44. *Vasa*, & cap. 45. *De calice*, de Consecrat. dist. 1. necnon cap. 14. *Litteras*, de Celebrat. Missarum, in 3. Decretal. Tit. 41. Erant & *Calices ministeriales*, ceteris ampliores, ac pleni vino, in quos refundebat Archidiaconus paululum sanguinis *ad complementum communionis* laicorum. Errant propterea, qui censent factam in hujusmodi calicibus consecrationem atque oblationem. In unum ex his calicibus S. Remigius Remensis Episcopus apud Hincmarum in ejus Vita hos versus inscribi iussit:

*Hauriat hinc populus vitam de Sanguine sacro
Injuncto, æternus quem fudit vulnere Christus,
Remigius reddit Domino sua vota sacerdos.*

Qui versus mire confirmant sententiam V. Cl. Dominici Georgii in Liturg. Romani Pontif. lib. 1. cap. 3. de usu *Calicis ministerialis*. Quæ de calice diximus, eadem de *patena* dicenda sunt: nam *utreas patenas* servarunt nobis cæmeteria Calixti, Prætextati, & Priscillæ, & quidem distinctas a communibus; quoniam sacræ angustioris sunt formæ, Christi, & Apostolorum imagines referunt, & carent etiam inscriptione illa profanarum, (cavæ namque erant, & potioræ) *Uvite, Bibite*, aut Græcolatina, *Pieto, Zesete*. Legendus in Observationibus suis Boldetius Tom. 1. pag. 189. Patenas verb *argenteas*, vel *aureas* commemorant Anastasius in Silvestro, & in Nicolao, Alcuinus Poemate 3. ubi ait: *Sic lata argenteo constat fabricata patena*, &c. Debet tam calix, quàm patena ab Episcopo consecrari, ut dixi præcedenti libro cap. 10. de benedictionibus chrismate peragendis. *Corporale* appellatur etiam ab Ecclesiasticis Scriptoribus *palla*, ac *pallium*, quo *sacra munera conteguntur*; sed usus invaluit, ut *palla* dicatur parvum lineumque calicis operimentum: ac revera Meldense Concilium apud Burchardum lib. 1v. cap. 13. *pallam* a *corporali* distinguit. Utrumque simul nomen complectuntur Sacramentarium Gregorii, & Ordo Romanus, ubi legitur *Corporalis palla*. De Corporali omnes interpretantur quod legitur apud Anastasium in Silvestro, sacrificium *non in serico, neque in panno tineto, sed tantum in lineo* faciendum esse. In manticula, quam *bursum* vocant, corporalem sindonem recondi ex antiqua consuetudine, infertur ex adinventâ in sancti Berini tumulo, filiis aureis contexta. Super hanc deferri nequit a Sacerdote linteolum, quo manus terguntur, ex decreto S. Congregat. Rit. 1. Septemb. 1703. Velo calicem in anteriori parte post communionem cooperiendum esse, alio decreto 1. Martii 1698, statuit eadem S. R. C. Quid verb significant

salix

calix, patena, & corporale, explicavit Hildebertus Cenomanensis de Myst. Missæ Tom. xx 1. Bibl. PP. pag. 163. hisce versibus:

*Ara crucis, tumulique calix, lapidisque patena,
Sindonis officium candida byssus habet.*

Hamularum frequenter meminit Ordo Romanus: hamulasque argenteas legimus apud Anastasium in Silvestro, & in Gregorio IV. sed vitrearum communior usus, & ad vinum distinguendum ab aqua, magis aptus. Invenimus *hamulas offertorias* dictas aliquando *gemelliores* ob formæ similitudinem, communiter autem *ampullas*. Extat in carmine de Episcopis Eboracensibus:

*Fussit & obryzo non parvi ponderis auro
Ampulla ut major fieret, qua vina sacerdos
Funderet in calicem solemnia sacra celebrans.*

Adhibetur denique in sacrificio *campanula*. Instituisse Gregorium IX. ut hæc pulsaretur, dum conficitur *Corpus Domini*, scribit Auctor Viæ Gregorii tom. 3. Script. Rer. Italic. pag. 582. cum Spondano ad an. 1239. num. 12. Sed Bona lib. 2. cap. 13. num. 2. & Mabillonius in Ordinem Romanum cap. 7. demonstrant ex epistola 142. Ivonis Carnotensis, qui obiit anno 1115. atque ex statutis Gailemi Episcopi Parisiensis, qui floruit eodem fere tempore, consuetudinem illam esse Gregorio vetustiore. Cæsius Heltorbacensis apud Lupum de sacris Proceff. cap. 10. tribuit eandem institutionem Guidoni Cisterciensi, S. Romanæ Eccl. Cardinali, Episcopo Prænestino, & Innocentii III. in Germaniam Legato. Sed hæc accipienda sunt de institutione hujus ritus apud Germanos; nam Innocentius anno tantum 1198. vi. Idus Januariæ electus est summus Pontifex.

XIV.

Rebus omnibus ad sacrificium paratis, opportunum tempus est attendendum. Persecutionum metu olim peragebantur in nocte fidelium conventus, quos Tertullianus de Corona militis vocat *antelucanos*; qua voce usus est etiam Cicero describens cœnas Catilinariorum, & comotationes usque ad diluculum. Plinius in Epist. ad Trajanum de Christianis refert, *Quod essent soliti stato die ante lucem convenire*: ac propterea iidem Christiani a gentilibus dicti sunt, ut legitur apud Minucium Felicem in Octavio, *latebrosa & lucifuga natio*. Censebant tamen antiqui fideles celebrandos esse, ubi convenire possent, diurnos cœtus; obiciebatque idem Tertullianus Valentinianis *nocturnas initiationes*. Peculiari nomine pervigiliam agebant, & pernoctabant in solemnibus Paschæ, ut referunt ipse Tertullianus lib. 2. ad Uxorem cap. 4. & Lactantius lib. vii. cap. 19. Pace itaque Ecclesiis restituta agebantur publicæ Missæ *hora tertia, sexta, ac nona*; paucis diebus exceptis, in quibus noctu celebrabantur, idest, in Nativitate Domini, Sabbato sancto, in festo

fecto S. Joannis Baptiste, & in collatione sacrorum Ordinum in sabbatis Quatuor temporum. Atque in his quoque servatur nunc dierum aliorum consuetudo, una excepta nocte Dominicæ Nativitatis. Joannes Belet de Divinis Officiis cap. 10. Micrologus cap. 58. Gerson in Summa Theol. cap. 4. de Euch. rationem afferunt, cur Missa prædictis horis sit celebranda, nimirum quod *hora tertia* Christus crucifixus fuerit linguis Judæorum, *hora sexta* mortis sententiam subierit, & *hora nona* emisit spiritum. Sed Petrus Paludanus in 1v. dist. 3. q. 2. hinc inferebat celebrandam quoque Missam in aurora, quia tunc Principes sacerdotum *concilium fecerunt adversus Jesum*. Peragebatur itaque Missa hora nona diebus jejuniorum, ob jejunantium communionem, ut constat ex Concilio Moguntino apud Ivonem p. 4. decret. cap. 35. ceteris diebus ante meridiem, ut fideles sacro peracto domum ad prandendum adirent. Privatæ Missæ *ab ineunte aurora usque ad meridiem* sunt peragenda; ac vespertinas omnino prohibuit an. 1556. S. Pius V. Quod in quibusdam Ecclesiis Venetiæ, & in Cathedrali Veronensi in Vigilia Nativitatis fiant sub noctis initia, est peculiare Apostolicæ Sedis indultum. Regularibus causa itineris, & ex superioris licentia fas est Missam celebrare integra hora ante diluculum, seu ante primam aeris illustrationem, quæ solet præcedere ortum solis, plus, minus, per horam alteram, ac semihoram. Sed plura de his Thomas-Franciscus Rotarius lib. 1. de Sacram. cap. 2. puncto xi. num. 9.

XV.

Licet semel tantum in die Missas agere cuilibet sacerdoti, ut decreverunt Alexander II. Honorius III. Innocentius III. cap. *Suffeis*, *Te referente*, *Consulisti*, de Consecrat. dist. 1. & de Celebrat. Missarum. Ex vetusta tamen consuetudine tres celebrantur in die Nativitatis Domini: idque institutum a Telesphoro, sæculo Ecclesiæ secundo, affirmant Walafridus de Rebus Eccles. cap. 21. cui subscribunt quamplurimi; tametsi epistola Telesphori, unde exscriptum est cap. *Nocte sancta*, cit. dist. 1. de Consecrat. censeatur supposititia. Morem tamen illum antiquum esse constat ex VIII. Homil. S. Gregorii, quæ incipit, *Quia largiente Domino Missarum solemnitas ter hodie celebratur sumus*. In privatis quoque Oratoriis, ubi in solemnioribus diebus permittitur una Missa in gratiam infirmorum, qui e domo nequeunt egredi, possunt eadem Nativitatis die ex decreto S. Congregat. 20. Januarii 1725. celebrari tres Missæ. In ceteris diebus neque ob viaticum infirmorum, neque in commodum agentium itinera, neque ob celebrationem nuptiarum fas est eidem Sacerdoti iterum Missam peragere, cum hi casus necessitatem absolutam non inferant. Mos est in regno Aragoniæ, quod etiam regna Valentiniæ & Catalanniæ complectitur, ut in die Commemorationis om-

omnium defunctorum sacerdotes seculares duas Missas, Regulares autem tres Missas celebrent: quod alii a Julio III. alii a Paulo III. concessum affirmant. Eamdem facultatem petierunt quidam alii ab Apostolica Sede, ut fecit sedente Clemente XI. Archiepiscopus Pragensis; sed res a Consultoribus S. Congregationis Concilii, jussu Pontificis Maximi, revocata ad examen die 4. Martii 1711. passa est supplicationis repulsam. At plura de his Pontificum Decus in Opera de Sacrif. Missæ sect. 2. num. 35.

XVI.

De stipendio, & eleemosyna pro Missis agendis, dictum est supra: quare ad memoriam tantummodo revocanda sunt statuta quædam saluberrima ad avaritiam coercendam lata, & omnino consona æquitati. Primum est, *Sacerdotes, qui tenentur Missas celebrare ratione beneficii, seu Capelle, legati, aut salarii, si eleemosynas etiam pro aliis missis celebrandis susceperint, non possunt eadem Missa utrique obligationi satisfacere.* Alterum, *Est contra justitiam pro pluribus sacrificiis stipendium accipere, & sacrificium unum offerre.* Tertium, *Sacerdos, cui Missa celebranda traduntur, non potest per alium satisfacere, collato illi minori stipendio, alia parte stipendii sibi retenta.* Quartum, *A sacerdotibus tot Missæ absolute celebranda sunt, quot ad rationem attributa eleemosyna præscripta fuerunt; alioqui graviter peccant, & ad restitutionem tenentur.* Atque hæc iisdem verbis constitutionum Romanorum Pontificum, Urbani VIII. Alexandri VII. & Innocentii XII. conscripta sunt. Adde ex decreto Congregat. Cardinalium approbante Paulo V. die 5. Novembris 1605. licitum non esse sacerdoti *anticipare sacrificium applicare pro eo, qui postea daturus est eleemosynam, cum suspensione effectus sacrificii.* Hæc autem, quoniam singulis nota sunt, attigisse sufficiat.

XVII.

Reliquum est, ut brevissime percurramus præcipuas Missæ partes, de quibus egerunt prolixè Amalarius, Ivo, Rupertus, Alcuinus, Rabanus, Durandus, Bellarminus, Bona, atque ut præteream ceteros, sæpe quidem, at nunquam digne laudatus, Supremus Ecclesiæ Rector. Itaque Confessione præmissa recitatur, aut canitur a choro *Introitus* ex vetusta consuetudine, qua ante sacrificium decantabantur Psalmi Davidis; quibus per Horas Canonicas distributis, selecti fuerunt versiculi ad excitandam devotionem idonei: quare *Introitus* a Psalmis non de prompti, dicuntur a pertractantibus de Re Liturgica *irregulares*. Introitu significantur Prophetarum de Christo oracula, Patrum vota, atque ipse Salvatoris adventus: ideoque dum solemniter res divina peragitur, cantari incipit, priusquam sacerdos, typum Christi gerens, accedat ad aram. Ceci.

Cecinit propterea de hujusmodi accessu in Carmine superius citato
Turonensis Episcopus Hildebertus :

Secreta siquidem procedis ab ade minister,

Orta secreto venit ad ima Deus.

Sequitur *Kyrie eleison*, non ex institutione S. Gregorii, ut quidam dixerunt, sed ex consuetudine vetustiori, quam ante Gregorium laudas can. 3. Concilium Vasense celebratum anno 529. Græca verba sunt, idem sonantia ac *Domine miserere*. Græcis aliquando verbis utimur, quemadmodum & Hebraicis, ut demonstremus undique collectam Ecclesiam. Etsi definitus olim non erat numerus, & protractur etiamnum in Missis Pontificis, donec perdurat reverentia illi a Purpuratis Patribus exhibenda, novies tamen repetitur *Kyrie eleison*, ut a tribus SS. Trinitatis Personis imploretur misericordia *adversus triplicem miseriam ignorantia, culpa, & pœna*; quemadmodum docet S. Thomas q. 83. art. 4. Mitto conjecturas alias, quas afferunt Turrecremata in cap. *Jacobus*, de Consecrat. dist. 1. Amalarius lib. 1v. cap. 2. & Innocent. III. lib. 2. Myster. Missæ cap. 19.

Hymnus Angelicus locum habet post *Kyrie eleison*: de quo hymno Hildebertus,

Angelicum post hæc sacrific pater incipit bymnum,

Inceptum complet vociferando cborus:

Incipiens memorat quæ Salvatoris in ortu

Gaudia pastores Angelus edocuit.

Cantica, quæ post hunc Superi cecinere, recenset

Gloria, quam complet vociferando cborus.

Quidam hunc hymnum Telesphoro, alii Symmacho, nonnulli Hilario Pictavorum Episcopo tribuerunt. Joannes Stephanus Duranti adscribit Apostolis, quod fere integer extet lib. vii. Constit. Apostolicæ. cap. 47. infirmissima, ut liquet, ratiocinatio. Nos contenti erimus eruditione Patrum Synodi 1v. Toletanæ an. 633. quorum can. 13. hæc sunt verba: *Nam & ille hymnus, quem nato in carne Christo Angeli cecinerunt*, Gloria in excelsis Deo, & in terra pax hominibus bonæ voluntatis; *reliqua quæ ibi sequuntur Ecclesiastici Doctores composuerunt*, &c.

Orationi præmittitur *Dominus vobiscum*, quæ est populi saluti, & ad proximas preces invitamentum. At Episcopi dicere solent, *Pax vobis*, quod imperite quidam dixerunt repugnare can. 3. Concilii Bracarensis, quod an. 562. statuit *ne populos aliter Episcopi, aliter presbyteri salutarent*. Verum observarunt viri docti perstringi illo canone Priscillianum contendentem semper ab Episcopo dicendum, *Pax vobis*, & semper a presbytero, *Dominus vobiscum*: unde sequitur in canone, *non sicut Priscilliana pravitas permittavit*. Vide notas Binii ex Garzia Tom. v. Concil. pag. 844. Collect. Labbeanæ.

Tom. VII.

N n n

Post

Post *Collectas*, sive orationes recitatur *Epistola*, tum *Graduale*, *Alleluja*, vel *Tractus*: olim quippe in Missis sacrarum litterarum lectionem fuisse habitam aperte colligitur ex Iustino Apolog. 2. Tertul. Apogetici capite 39. & Auct. Constit. Apostol. lib. 2. cap. 5. Lectori olim demandatum hoc munus, scribunt Micrologus, Durandus, & Martenius: sed legimus canone 4. Concilii Remensis an. 813. *Subdiaconi ministerium esse Apostolam legere*. Animadverto autem ex præcit. cap. 57. Constitut. Apost. ex Pachimere ad cap. 3. Eccles. Hierarchiæ, & ex Gregorio Turonensi lib. 1. de Miraculis S. Martini cap. 6. olim Prophetica lectionem Apostolicæ, seu Paulinæ fuisse præmissam. Illa ergo ad minores clericos, hæc ad Subdiaconum spectat juxta canonem Remensem, & vlgentem adhuc consuetudinem, quando lectio præmittitur Liturgiæ. *Graduale* nomen accepit, ex quo caneretur dum per gradus Diaconus in ambonem lecturus Evangelium conscenderet. *Alleluja*, quæ vox idem sonat, ac *Laudate Deum*, tam laudis signum est, quam spiritualis exultationis: ideoque juniorum tempore prætermittitur, substituto *tractu*, qui juxta Innocentium III. Alcuinum, & Stephanum Eduensem significat *Ecclesiæ gemitum*, inde sortitus nomen, quod *tractum*, & voce graviore canatur. De *Epistola*, *Graduali*, & *Alleluja* hæc Hildebertus:

Lectio, quæ sequitur doctrinam signat eorum,

Qui sunt præmissi Septuaginta duo.

Illorum monitis dum responsoria cantat,

Edocet assensum se tribuisse chorus.

Alleluja sequens memorat, quæ gloria mentis,

Quam pia laus oris sit comitata fidem.

Evangelium ex primæva institutione legi in Missa, manifestum est ex Concilio Laodicensi, Carthaginensi 1v. Arauxicano 1. aliisque Ecclesiasticis monumentis collectis a Cardinali Bona lib. 2. cap. 7. Ivo, Micrologus, Alcuinus, & alii observant legi Evangelium *in sinistra, & aquilonem versus*, ad demonstrandum quod lux Evangelii illuxerit gentibus, frustra diabolo contrahente. De *Symbo*, & illius traditione facta Catechumenis dictum est alibi: item de oblationibus, & de aqua vino admiscenda, hoc ipso in libro pag. 194. 215. 346. &c. *Præfatio*, quæ dicitur quoque *Inmolationis*, & *Consecratio Missæ*, & qua populi affectus excitatur, ac deponitur, ut humanæ vocis supplicatio uniatur laudibus supernarum Virtutum, commendatur a Cypriano in libro de Oratione, ab Augustino in Epistolis ad Dardanum, ad Honoratum, ad Probam, a Milevitano Concilio, atque a Cyrillo Ierosolymitano, Anastasio Sinaita, & Chrysostomo, adeo, ut ipsius *Præfationis* antiquitas, & auctoritas nequeat ab ullo sanæ mentis in dubium verti. *Præfationi*

tioni adnectitur *triumphum*, sive hymnus, quem Græci *innum*, idest, *Triumphale carmen* appellant, *Sanctus, Sanctus, Sanctus, &c.* Hymnum hunc Deo convenire demonstrant sacre litteræ, *Matæ* vi. 3. & Apocalypsis iv. 8. eodemque hymno distinctionem Trinitatis, & Divinitatis unitatem prædicari docet Ambrosius lib. 3. de Spiritu S. cap. 18. Idem asseruit Hildebertus his verbis:

*Ter positum Sanctus Trinum notat esse; sed Unum
Declamat Dominus, atque Deus Sabaoth.*

Canon secundum vocis significationem sonat idem ac *Regula*, & completitur ritum, regulamque sacrificii peragendi; unde & *Actio* per antonomasiam appellatur, ut dictum est supra, necnon *Legitimum* ab Optato lib. 2. adversus Parmenianum, atque a Concilio Eboracensi *Secretum Missæ*. Disertissimè de Auctore *Canonis* pertractant Joannes Stephanus Duranti lib. 2. cap. 39. Menardus in Sacrament. Gregorii, & Bona lib. 2. cap. 11. Institutum multis ante sæculis docet sess. xxii. cap. 4. synodus Tridentina: idque evincitur ex quo in illo antiqui tantum Martyres commemorentur; ex quo permulta *Canonis* verba legantur lib. iv. de Sacramentis inter Opera Ambrosii, ex quo denique contineatur idem Canon in Antiquo Ordine Romano, atque explicetur ab Alcuino, & Amalario, qui floruerunt Caroli Magni temporibus. Recitandum *Canonem* submissa voce non una suadet ratio: siquidem sacra mysteria servare in occulto dignitatem suam scribit S. Basilii de Spiritu S. cap. 27. atque idem confirmant quæ diximus pag. 249. & 283. Christus quoque offerens semetipsum in Cruce oravit in silentio, septem verbis, vel sententiis exceptis, alta voce juxta Evangelistarum narrationem prolatis.

Orationem Dominicam habent in Liturgiis suis omnes Christianorum populorum nationes, illamque ex Christi, & Apostolorum institutione quotidie recitari in *sacrisseio Domini Corporis* affirmat lib. 3. adversus Pelagianos splendidissimum Ecclesiæ Lumen Hieronymus. De hac vero oratione plura scripsimus libro xxii. cap. 13. Perantiquam esse *fractionem hostiæ* constat ex Clem. Alexandrino libro 1. Stromatum, Gregorio Nazianzeno epist. 240. ad Amphilo- chium, Chrysostomo hom. 24. in priorem Epistolam ad Corinthios, ac S. P. Augustino epist. 59. nunc 149. ad Paulinum. Varias trium *hostiæ* partium significationes recenset lib. iv. *Rationalis* Durandus: ac de iis agit etiam S. Thomas quæst. 83. art. 5. & in eundem articulum Sylvius. Proferemus eam tantummodo, quæ exprimitur per- vulgato metro:

*Tres partes facta de Christi Corpore signant,
Prima suam carnem, sanctosque secunda sepultos,
Tertia viventes: hæc est in Sanguine tinta.*

Ut in Missis tempore confectionis Dominici corporis dicatur, *Agnus Dei*, &c. statuisse fertur Sergius I. ad Pontificatum eveetus an. 687. sed apud Græcos id prius obtinuisse ostendunt antiquæ ipsorum Liturgiæ. Ea tamen verba, *Dona nobis pacem*, addita fuisse posterioribus temporibus ad schismata Ecclesiæ tollenda, auctor est Innoc. III. lib. v. de Myst. Missæ cap. 6. Desiderari in antiquis Missalibus, nec recitari in Basilica Lateranensi, in qua tertio repetitur juxta antiquam consuetudinem, *Miserere nobis*, scribit lib. 2. cap. 16. num. 5. Eminentissimus Bona. Cæsar Rasponus lib. 1. de Basilica Lateranen. cap. 2. scribit in eadem Basilica non addi, *Dona nobis pacem*, sed congeminari illud, *Miserere nobis*, quia videlicet in celesti Ecclesia, cujus typum hæc gerit, sempiterna pax nunquam non invenitur. Idem ex Paulo Diacono de eadem Basilica cap. 6. refert Martenius: etsi in Ecclesia Sanctorum neque culpa, neque calamitas est ulla; cujus causa illud *Miserere nobis* ingeminetur. De communione, collectis, ac dimissione populi, quoniam egimus in superioribus dissertationibus, supervacaneum foret iterum pertractare. Hæc ergo sunt, quæ conscripsimus de sacrosancto Eucharistiæ Sacramento; cumque nihil eo dignius possimus offerre Deo, sive in gratiarum actionem, si quid recte diximus, sive in expiationem incertiæ, & ignorantiae nostræ, si forte in multis erravimus, finem imponemus libro tricesimo tertio verbis Alcimi Aviti in Poemate de transitu Muriis rubri, prout extant tom. v. 111. Bibliothecæ Patrum, editæ per Margarinum De la Bigne pag. 614.

*Ergo agnosce tuum in nobis rex Christe errorem,
Atque tuos edue Aegypti e carcere servos;
Et quocunque loco sanctus mactaberis Agnus,
Inque cibos sanctum porrexeris hostia corpus
Christe tuum, non attingat tua dextera vindex.
Præterea veterem exutos formæque, virumque,
In vitæ novitate tuum fac sumere corpus,
Et sacrum æterni calicis potare cruorem.*





DE THEOLOGICIS DISCIPLINIS

LIBER TRIGESIMUS QUARTUS,

*In quo agitur de Sacramento Pœnitentiæ,
& de actibus, qui in pœnitente ad
ejusdem Sacramenti integritatem re-
quiruntur, nempe Contritione, Con-
fessione, & Satisfactione.*



LXORNANTI mihi Volumen hoc septimum, & magna alacritate ipsi conscribendo operam impendenti, propterea quod agnoscerem haud longe abesse illius exitum, atque majori ex parte perfectum esset, compressit primum ac fregit, deinde excitavit & vehementius incendit animam magnitudo adversarum rerum, quibus vexabatur Italia nostra, inter regiones orbis universas pulcherrima, ac florentissima. Etsi enim in illa Urbe consisto, quæ caput est ceterarum, & in qua floret religio, pax regnat, nec auditur armorum fragor, moderante rempublicam Pontifice Gloriosissimo; ad aures tamen meas interdum pervenerunt dispersi ac sinistri rumores, quibus aliquando nunciatum est amica oppida ingenti terræmotu concussa; tum

Mef.

Messanam vetustissimam, munitissimamque Siciliæ Urbem, non absque magna finitimarum gentium formidinae, oppressam pestifera contagione; affici insuper incommodis plurimis, propter exundantes exterorum militum copias, provincias, atque civitates opulentissimas: quæ sane narratio, addita supremi Pastoris sollicitudine, supplicationum frequentia, arctiori viarum custodia, necnon populari loquacitate, quamquam ut plurimum ineptiarum atque mendaciorum plenissima, meipsum haud mediocriter commovebat. Interea temporis qui appellantur philosophi, & qui amant existimari politici, causam huiusmodi eventuum investigantes, animum meum ita affectum exacerbare potius videbantur, quam recreare: dum illi in disputationem traherent, afferant ne pestilentiaë illuvionem occulti quidam spiritus presentissimo infecti veneno, an vero pertenuis vermiculi mercibus peregrinis inclusi, qui prolis mortiferæ fecundissimi, illinc erumpentes pervadant, inficiantque viventium corpora; ac præterea disceptarent, sit ne causa effectrix motus & hiatus telluris impetus exhalationum, an coniectus aer, an ignis, an copia nitri vel sulphuris isti autem, qui tempe dicuntur politici, introirent Regum penetralia, divinarent consilia procerum, dirigerent stationes militum, ac sæpe inter rerum gestarum ephemerides roderent inviolabilem Principum majestatem. Verum quicquid otiosi homines fabulentur; Auctor & Gubernator universorum, quemadmodum testantur divina eloquia, *respicias terram, & facis eam tremere; mortificas, & vivificas; vincis bellum, & creas pacem; & armas creaturam ad ultionem inimicorum.* Quamobrem illud summopere attendendum est, præcipuam causam irruentium in nos malorum esse iniquitatem nostrarum gravitatem & multitudinem, atque Deum Optimum, Maximum exercere nobiscum relictissimi Judicis severitatem, quoniam offendimus amantissimi Patriæ misericordiam, & abutimur clementissimi Domini patientia. Dum hæc itaque animadverterem, & me occuparent timor mei, & aliorum commiseratio; Quid vero, dixi, deliberandum in hoc rerum discrimine, quid exequendum? Piissimus Dominus, ut Tridentini Patres aiebant, cognoscens figmentum nostrum, *illis etiam viæ remedium contulit, qui se in peccati servitutem, & demonis potestatem tradidissent, Sacramentum videlicet poenitentiaë, quo lapsi post baptismum beneficium mortis Christi applicatur.* Profecto, si deleantur hoc Sacramento peccata, avertetur supremi Judicis indignatio, ipsomet per os unius Prophetarum clamante: *Convertimini, & agite poenitentiam ab omnibus iniquitatibus vestris; & non erit vobis in ruinam iniquitas.* Atque hæc, humanissime Lector, animum meum paullo ante languidum ac torpentem impellunt rursus & incitant ad scribendum; maxime quod Opus a me susceptum ad per-

tra.

tractandum de ipſo Pœnitentiæ Sacramento, Deo adjuvante, proceſſerit. Quoniam tamen Volumen iſtud prope ad aliorum moleſem accedit, nimiumque excreſceret, ſi in eo comprehenderentur quæcunque de Pœnitentia dicenda ſunt; ubi pertractâvero de priorè illius parte, nimirum, de Contritione, finem imponam, reliqua tomo altero proſecuturus. Neque enim vereor, quin interim ceſſent Dei flagella, & ceteri etiam pœnitentium actus protinus conſequantur; ſi præceſſerit vera deteſtatio peccatorum, & ſalutaris contritio.

C A P U T P R I M U M.

Quæ de Pœnitentiâ, ut virtus eſt, ſolent huic diſſertationi præmittere Diſputatores Scholaſtici.

NON una Pœnitentiæ vocabulo ſubeſt ſignificatio. Grammatici enim Pœnitentiæ nomine intelligunt ipſum pœnitendi actum, quo aliquem facti pœnitet, ſive quo aliquis dolet ob factum noxium, vel occaſionis prætermiſſionem, quacunque ex cauſa huiusmodi dolor concipitur. A pœna originem habet ſuam, a qua verbum pœnitet; quamvis Iſidorus nomen derivet etiam a *punio*, quoniam *homo pœnitendo punit quod male admittit*; Pierius verò, adſtipulante Eraſmo, velit pœnitentiam dici, quod *pœnè teneat*. Utimur autem pœnitentiæ vocabulo cum ea, quæ conſilio & voluntate facta ſunt, ineipiunt diſplicere; tametiſi antiquis pœnitere interdum idem fuerit, ac *parum videri*, prout obſervat Donatus in illud Terentii Eunuch. Act. v. ſc. 7. *An pœnitebat flagitii, te auctore, quod feciſſet*. Verum Theologi Pœnitentiæ nomine tria præſertim ſignificant, nempe intimum doloris ſenſum ob perpetratum aliquod crimen, cum vitæ malè actæ expiatione & vindicta, quæ modo fiat in compensationem injuriæ Deo illatæ, conſtituit peculiarem virtutem: externum, ſacrumque ritum, quo per miniſterium clavium dimittuntur peccata; & hæc Pœnitentia eſt *Sacramentum*, de quo ſumus diſceptaturi: pœnam denique ipſam, vindictam ſcelerum, & injunctam reſiſcentibus ſatiſfactionem.

Habent & Græci voces ſuas ad exprimendum id, quod Latini ſignificant nomine Pœnitentiæ, *Μετάνοια*, *Μετανόημα*, *Ἐξομολόγησις*, *Ἐξομολόγησις*, & *Ἐπίμιον*, *Ἐπίμιον*. *Μετάνοια* idem ſonat, ac *Reſiſcentia*; nam eſt à *μετανοία*, *ad mentem redeo*: atque Pœnitentiæ, ut virtus eſt, egregie nomen iſtud accomodatur. *Ἐξομολόγησις* idem ſignificat ac Latine *Confefſio*, & eſt a verbo *ἔξομολογέω*, *Confiteor*: quare hoc nomen, licet aliquando deſignet reconciliationem Pœnitentem.

tentium; omnesque ipsorum actus, maxime in Epistolis Cypriani-
cis, & apud Tertullianum; propriè tamen commoſtrat *Confessionem*
Sacramentalem. *Interitum* denique idem eſt, ac *pœna*, ſeu *multa*
peccatis debita; derivatque ab *interitum*, ſive *interitus*, *interminor*,
vel *reprehendo*: ideoque aptiſſimum eſt, hoc poſtremum vocabu-
lum ad ſignificandum ſupplicium, & ſubeundam peccati animadver-
ſionem.

Pœnitentia itaque priori ſignificatione ſpectata, nihil eſt aliud,
quam *Virtus*, qua *commiſſa a nobis ſcelera deſectamur*, ac *præmiſſa*
certa firmeque deliberatione prævas conſuetudines & corruptos mo-
res emendandi, eadem ſcelera ſponte vindicamus, in compenſatio-
nem injuriæ Deo illatæ. Hæretici, qui negant opus eſſe, ut perpe-
trata ſcelera compenſentur digna aliqua ſatiſfactione, propterea,
quod autement impium juſtificari ſola in Chriſtum fiducia; conten-
dunt etiam nihil aliud requiri ad veram pœnitentiam conſtituendam,
præter melioris vitæ propoſitum, ac rectius proinde appellari *reſi-*
piſcentiam, quam *Pœnitentiam*, cum hoc nomine importetur pœna
aliqua, vel inſiſta, vel ſponte ſuſcepta. Urgent quidam Recen-
tiores ad hæreticos reſellendos præmiſſum Græcæ vocabulum *μετάνοια*,
eo quod *μετάνοια* idem ſonet, ac *ſcelerum pœnas exigere*, pro-
ductis verſibus Auſonii ex Epigrammate xli. in ſimulacrum Occa-
ſionis, & *Pœnitentiæ*,

Sum Dea, quæ facti, non factique exigo pœnas:

Nempe ut pœniteat, ſic Metanœa vocor.

Sed infirmum eſt argumentum peti-
tum a ſola nominis Græci ety-
mologia; cum revera *μετάνοια* ſit idem ac *reſipiſcere*, *recedere*
a priori ſententia, atque proprie, ut diximus, *redire ad mentem*.
quod tamen minime juvat hæreticos; ſiquidem ſeſe convertere, & ad
ſanam mentem redire, unde *Metanœa* nomen habet, eſt pœnitenti-
um prior actus, quem conſequuntur patratorum ſcelerum dolor,
& vindictio: immo & his, ceteriſque pœnitentium operibus ip-
ſum *Metanœa* nomen tribuitur; unde & corporis inflexiones, alia-
que mortificationis genera *Metanœa* dici ſolent, ſed per ſynecdo-
chen. Ita Theodoretus narrat nonnullos in Simeone Stylita nume-
raſſe 244. *metanœas*, & S. Petrus Damiani refert Monachos feciſſe
pro uno fratre deſancto *metanœas ſeptingentas*. Verum de his legen-
di Novarinus, Suicerus, Morinus, & Dumortierius.

Faſſa hæreticorum opinio reſutatur apertiſſimis Scripturarum
ſanctarum teſtimoniis, quæ pœnitentiam non ſolum per melioris
vitæ præpoſitum, verum etiam per culpæ deteſtationem, amaritu-
dinem animi, criminumque punitionem deſcribunt. Atque ut non-
nulla ex multis producam, Iſaias cap. xxxviii. 15. inquit: *Reco-*
gitabo tibi omnes annos meos in amaritudine animæ meæ. Joel ii. 12.

Con-

Convertimini ad me in toto corde vestro, in jejuniis, & in fletu. & in planctu, & scindite corda vestra. Lucas 3.8. *Facite ergo fructus dignos paenitentiae.* Huc spectant paenitentium opera, quæ sacri libri commendat, gemitus Davidis, jejunia & sordidatæ vestes Nivitarum, lacrymæ a muliere peccatrice profusæ, humiliatio Publicani pectus tudentis, ac Petri post triam negationem amarus fletus. Docent similia Ecclesiæ Patres: inter quos Nazianzenus Orat. xxxix. in Sancta Lumina Paenitentiam appellat *τὸ τῆς δακρύων βάπτισμα, Lacrymarum Baptismum*; & S. P. Augustinus epist. 153. num. 54. ad Macedonium, inquit: *Nihil aliud agit, quem veraciter paenitet, nisi ut id, quod mali fecit, impunitum esse non finat.* Verum de his plura ubi de contritione, & satisfactione pertractabitur.

Certum insuper est hanc Paenitentiam esse veram propriamque virtutem, quemadmodum docent omnes Theologi cum D. Thoma 3. p. q. 85. ar. 1. Etenim paenitentia nobis a divina lege præcipitur, juxta illud Matth. 111. 2. & Act. 111. 19. *Paenitentiam agite; Paenitemini, & convertimini, ut deleantur peccata vestra.* At lex divina, cum sancta sit & immaculata, præscribit duntaxat actus virtutum. Deinde virtus definitur eo loci a S. Thoma *habitus electivus secundum rectam rationem.* Quid autem magis rationi consentaneum, quam detestari peccata, de iis dolere eo modo, quo dolendum est, propositam intentionem habere ea vitandi, & pro virium nostrarum modulo exhibendi summo Deo debitam satisfactionem? Pertinet ergo Paenitentia ad veram propriamque virtutem, & quidem juxta Doctorem Angelicum art. 3. ejusdem quæstionis ad Justiciam, quatenus hæc inter Deum & creaturam locum habet: quamquam sunt, qui distinguendam putant rationem, quæ ad paenitentiam ipsam trahit, adeo, ut si concipiatur paenitentia ob offensam Dei summo-pere diligendi, spectet ad caritatem, & si oriatur ex injuria Deo illata, quam compensare satagat, ad justiciam: quod minime D. Thomæ repugnat.

Quid verò dicendum de Paenitentia, quam in nobis excitat timor gehennæ, ac turpitudine peccati? Illam proculdubio inter veras virtutes connumerare debemus. Quamquam enim volumine quarto pag. 205. a nobis tradita est definitio illa virtutis, *Virtus est ordo amoris*, quæ utique definitio Augustiniana est, Augustini verbis contexta, & Augustinianæ doctrinæ munimentis firmata; non tamen inde inferre quis potest, denegari a nobis veras, propriasque virtutes a caritate distinctas. In eodem quippe volumine iv. eodemque capite testati sumus dari plures virtutum supernaturalium habitus absque caritate, quod iterum asseruimus libro xxi. cap. 10. commostrantes veram ac supernaturalem fidem remanere in homine impio, ac rursus cap. 12. ubi adversus Novatores ostendimus timorem

servilem esse bonum ac supernaturalem, atque inter dona Dei adnumerandum, neque in eo inveniri aliquid vitii, quod *eidem timori* sit adscribendum. Affirmavimus itaque, iterumque profiteamur, & cuique forte hæc legenti declaramus, eo sensu a nobis virtutem locari *in ordine amoris*, quoniam etiam *absque caritate* virtutes sunt plurimæ, eaque actus suos bonos exerunt; debet nihilominus caritas iisdem virtutibus dare *formam*, ac perfectionem, illas *ad finem suum dirigendo*, ne inflatæ sint, aut recto ordine destitutæ; quemadmodum virtutes *morales* juxta ea, quæ scripsimus lib. xviii. cap. 3. non debent desistere ab incommutabili regula nobis indita. Hoc autem iisdem, aut consimilibus verbis in ipso iv. volum. pag. 208. 489. & 507. aliisque in locis absque ulla ambiguitate tradidimus. Idem ergo, eodemque sensu nunc affirmamus de Pœnitentia: quæ prout oritur ex Dei amore, & detestatur peccatum huic amor contrarium, attinet *ad caritatem*, & ab illa elicitur, atque emanat; prout verò proficiscitur ex timore, aut ex ratione alia supernaturali, ad rationem ipsam redigitur; constituitque etiam *specialem virtutem*, quatenus in id incumbit & nititur ut deleantur peccata præterita, & injuria illata Deo compensetur. Sed undevis oriatur, & cujusvis generis virtus sit; ut habeat virtutis *formam*, & complementum, ac sit recta undequaque, idest, non tantum in se spectata, verum etiam ex parte ejus, quem pœnitet, debet a caritate dirigi in finem suum. Hæc eadem est expressa doctrina S. Thomæ cit. quæst. 85. art. 2. ubi ait: *A caritate derivatur aliquis actus dupliciter. Uno modo, sicut ab eo elicitus; & talis actus virtuosus non requirit aliam virtutem præter caritatem, sicut diligere bonum, gaudere de eo, & tristari de opposito. Alio modo aliquis actus a caritate procedit, quasi a caritate imperatus; & sic quis ipsa imperat omnibus virtutibus utpote ordinans eas ad finem suum, actus a caritate procedens potest etiam ad aliam specialem virtutem pertinere. Si ergo in actu pœnitentis consideretur sola displicentia peccati præteriti, hoc immediate ad caritatem pertinet, sicut & gaudere de bonis præteritis: sed intentio operandi ad deletionem peccati præteriti requirit specialem virtutem sub caritate.*

Indubitatum quoque est Pœnitentiam esse virtutem *infusam*, & ex genere earum, quæ supernaturali adjutorio Spiritus sancti inspirantur, tamen ex parte nostri requirat motus arbitrii, at dispositiones fidei, timoris, spei, ac dilectionis non absque gratia præveniente a nobis præmittendas, ut consequamur justificationem; quemadmodum sess. vi. cap. 5. & 6. docet sacrosancta Synodus Tridentina, atque nos itidem scripsimus lib. xix. cap. 4. Perpicue pœnitentiam ex Deo esse tradit divina Scriptura, cujus hæc sunt verba: *Converte nos Deus salutaris noster, Converte me & convertar, Postquam*

quam convertisti me , egi pœnitentiam , Gentibus pœnitentiam dedit Deus , Psal. 84. 5. Jerem. xxxi. 18. Act. xi. 18. Idem commonstrant orationes Ecclesiæ , quibus Deum gratiarum omnium largitorem precamur , *ut errantium corda respiciant , ut peccata nostra plangere valeamus , ut ad veram pœnitentiam nos perducere dignetur .* Hoc denique definit præcitata sels. vi. can. 3. Synodus Tridentina , confirmatque quidquid de necessitate gratiæ ad omnia opera salutaria contra Pelagianam , & Semipelagianam hæresim disputavimus .

His nequaquam adversantur , quæ Zach. 1. 3. leguntur : *Convertimini ad me , ait Dominus exercituum ; & convertar ad vos ;* quo loco abutebantur etiam Pelagiani apud Augustinum lib. de Grat. & lib. arbitrio cap. v. Ibi enim num. 10. hæc reponit invictissimus Gratiæ Dei propugnator : *Talia ergo de scripturis colligunt : quale est hoc unum , quod paullo ante dixi , Convertimini ad me , & convertar ad vos , ut secundum meritum conversionis nostræ ad Deum , detur gratia ejus , in qua ad nos & ipse convertitur . Nec attendunt qui hoc sentiunt , quia nisi donum Dei esset ipsa ad Deum nostra conversio , non ei diceretur , Deus virtutum converte nos : & , Deus tu convertens vivificabis nos ; & , Converte nos Deus sanitarum nostrarum ; & hujusmodi alia , quæ commemorare longum est .* Præcitatæ itaque Zachariæ verbis admonemur duntaxat *libertatis nostræ* , quam aliis posterioribus verbis ab Augustino productis confitemur *gratia Dei præveniri ;* ut prælaudato capite 5. sels. vi. pariter docuit Synodus Oecumenica .

Multæ quidem instituuntur de virtute Pœnitentiæ quæstiones , inter quas præcipuæ sunt , quæ versantur circa ipsius pœnitentiæ necessitatem , circa remissionem peccatorum , & circa vim , qua bona opera reviviscunt . Sed quoniam hujusmodi quæstiones variis hujus libri capitibus sunt inferendæ ; hoc unum in præsentia adiam , quomodo Pœnitentia quæ est virtus , a Pœnitentia , quæ Sacramentum est , distinguatur . Igitur virtus Pœnitentiæ est dolor ac detestatio peccatorum , de qua modo diximus , sita in actibus & operibus Pœnitentium , & quovis tempore hominibus , qui se mortali peccato inquinaverunt , ad obtinendam justificationem necessaria . *Pœnitentia* autem accepta secundo modo , *est Sacramentum novæ legis a Christo Domino institutum , quo fidelibus post baptismum lapsis vere pœnitentibus & confessis vi clavium , & potestatis Ecclesiæ absolutio Sacramentalis impenditur .* Ex qua definitione obvia , & pervulgata , apparet discrimen , de quo nunc agitur . Enimvero virtus pœnitentiæ tota ex parte pœnitentis se tenet ; at Pœnitentiæ Sacramentum , exigit præterea Sacerdotis judiciaria potestate præditi absolutionem . Pœnitentiæ virtus est Sacramenti hujus pars & materia , ut infra ex-

placabitur. Illa inquit S. Thomas q. 89. art. 1. est gratiæ prævenientis effectus; istud vero *causa* effectrix gratiæ sanctificantis. Hæc autem omnia ex proximis disquisitionibus perspicua fient.

C A P U T II.

Demonstratur adversus hæreticos Pœnitentiam esse verum Sacramentum a Christo institutum.

INTER Hæreticos, qui primum negarunt Sacramentum Pœnitentiæ cum Bellarminus lib. 1. cap. 9. tum Doctores Scholastici recensent Montanistas, & Novatianos. Gaspar Juenin, Le-Droint, ac recentiorum alii sentiunt ab hoc errore hæreticos istos fuisse immunes, atque in eo tantum errasse, quod crederent aliqua solum, sed non omnia peccata posse Ecclesiæ potestate remitti. Ac de Montanistis hoc videtur adferere Tertullianus, qui de pudicitia cap. 2. ait mundaria delicta, *quæ quis in fratrem, non in Deum admisit*; atque cap. 19. distinguit inter *peccata graviora & exitiosa, quæ veniam non capiunt*, ut homicidium, idololatriam, fornicationem, blasphemiam, & inter alia peccata leviora, quæ appellat *quotidianæ incursum*, ut iracundiam, detractionem, & prolatum temere juramentum. Atque istorum peccatorum veniam concedi Tertullianus addictus Montanistis existimat. De Novatianis etiam scribit S. Ambrosius lib. 1. de Pœnit. cap. 3. num. 10. *Sed ajunt se exceptis gravioribus criminibus, relaxare veniam levioribus*. Ceterum S. Epiphanius hæresi 59. num. 1. ait Novatum affirmasse eum, *qui post baptismum delinqueret*, nullam posse consequi misericordiam, quod & affirmat S. Philastrius hæresi 82. & apud Photium Cod. 182. S. Eulogius Episcopus Alexandrinus, atque ipsemet Ambrosius, præced. cap. 2. num. 5. ubi ait Novatianos *Stoicorum quodam more omnia peccata paribus æstimasse mensuris, & æque eum, qui gallum, ut ajunt, gallinaceum, atque illum, qui patrem suffocaveris, perpetuo celestibus abdicandos mysteriis*, quod merito quidem Ambrosius connumerat inter Stoicorum errores, quos & Venusinus Poeta Satyra 3. lib. 1. refellit dicens:

*Nec vincet ratio hoc, tantundem ut peccet, idemque
Qui teneros cauleis alieni fregerit borti,
Et qui nocturnus Divum sacra legerit. Adfu
Regula, peccatis quæ pœnas irroget æquas.*

Idem de Novato, ac de Montano literis consignavit S. Hieronymus, affirmans ab iis errantibus manum non porrigi, præcipitari jacentes in baratrum ne levantur, ad omnes pene delictum observari fores

fores Ecclesie : quæ Hieronymus tradit epist. 27. ad Marcellum pag. 65. ad Pammachium 307. & ad Oceanum 659. edit. Martianæi. Etsi autem reponit memoratus Jueninus quæst. 1. cap. 1. de Pœnit. eximios hos Patres nequaquam Novatianorum mentem & systema fuisse affectos, confidenter tamen, ac irreverenter hæc dicta sunt; cum facile possint omnia revocari ad concordiam, si dicamus tam Montanistas, quam Novatianos, cum æqualitatem illam criminum nimis odiosam esse cognoscerent, ab ea postmodum recessisse. Atque id aperte affirmat S. Ambrosius post verba nuper producta, *Sed ajunt se exceptis gravioribus criminibus, relaxare veniam levioribus*, immediate subjiciens: *Non hoc quidem auctor vestri erroris Novatianus, qui nemini dandam pœnitentiam putavit*. Ex quibus apparet falli recentiorum plerosque, qui censent neminem ante sæculum XVI. bellum sacramento Pœnitentiæ indixisse. De Valdensibus, Wiclefistis, & Hussitis subscribendum omnino est doctissimo Meldensium Episcopo, qui in Hist. Variat. lib. XI. num. 104. & 165. docet ab his hæreticis nunquam Sacramentum istud fuisse negatum, cum in hoc tamen pessime sentirent, quod vellent sacerdotes improbos tanquam ad laicorum ordinem redactos carere potestate tam absolvendi, quam administrandi reliqua sacramenta. In hoc autem hæreticos istos errasse, & non in dispungenda Pœnitentia ex albo Sacramentorum, recte observant prælaudatus Juenin Concl. 3. Toirnelius pag. 12. Witaſſius 6. Le Droint 21. quod ex Concilio Constantienſi, Thoma Valdensi, Raynero, atque ex ipſo Wicleſi Trialogo, Boſſuetius primum, deinde hi, ceterique Theologi demonſtrant.

At pertinaciter sacramentum Pœnitentiæ denegarunt posteriorum hæreticorum permulti. Principem hos inter locum tenet Zuinglius, qui in libro de vera & falsa Religione cap. de Sacramentis negat his Pœnitentiam adnumerandam. Calvinus lib. IV. Institut. cap. 19. num. 17. contendit Pœnitentiam non esse sacramentum a baptismo distinctum, & nos, quocunque baptizemur tempore, in omnem vitam ablui & purgari, ita, ut si post baptismum lapsi fuerimus; repetenda sit baptismi memoria, & hac armandus animus, ut de peccatorum remissione semper sit certus atque securus. Kemnitius in Examine Concilii Trid. ad can. 1. de Pœnit. Matthias Illyricus, Wigandus, alique plurimi absolute duo tantum sacramenta recipiunt, Baptismum, & Eucharistiam. Lutherus, & Melancthon videntur alicubi Pœnitentiam accensere sacramentis, alicubi ab horum numero illam expungere: sed sive admittant, sive non, negant absolutionem sacerdotis esse actum judiciale, quo remittantur peccata, autumantes esse illam pronuntiationem quamdam, & declarationem extrinsecam, qua absolutus excitatur ad fidem, & credens a Deo remissa sibi peccata, arripit hac ab omnibus fere Novatoribus jacta-

jaçtata fiducia commentitiam illam justificationem, sitam in sola imputatione justitiæ Christi. Illiduntur eidem scopulo qui Confessionem sectantur Augustanam: in qua licet art. xi. admittatur peccatorum confessio; sacrilege tamen definitur pœnitenti necessariam non esse delictorum enumerationem, modò *ex Evangelio, seu absolutione* (animadvertas, quæso, qua fraude absolutionem appellitent Evangelium) *credat propter Christum remitti peccata.*

Plura itaque, ut undequaque refutentur hæreses execranda, & nobis in disputationem trahenda sunt: Primum, an sit aliquod Sacramentum, in quo judiciaria Sacerdotum potestate lapsi post baptismum Deo reconcilientur: alterum, an hoc Sacramentum sit aliud præter baptismi reminiscentiam: tertium, an per illud remitti possint peccata omnia, quantumvis gravia, & detestabilia: proximum, an pœnitentibus necessum sit in confessione singula enumerare delicta: postremum, an sacerdotes absolventes remittant peccata, an verò tantum pronuntient & declarent esse remissa. Sed quoniam ex his tria pertinent ad varias hujus libri partes; expediam nunc duo priori loco recensita, demonstrans Pœnitentiam verum sacramentum esse, & a baptismo distinctum, nonnulla addens de hujus Sacramenti institutione, atque necessitate, quæ sunt primi hujus capituli consuetudina, de reliquis opportunitiori loco dicturus.

PROP. I. Pœnitentia est verum ac proprium novæ legis Sacramentum, quo judiciaria sacerdotum potestate remittuntur peccata.

Sit prior hujus dogmatis demonstratio ex scripturis. Christus contulit sacerdotibus facultatem remittendi peccata eorum, qui ad Ecclesiæ claves confugiunt. Atqui id sacerdotes præstant per veri propriique nominis Sacramentum, quod appellamus Pœnitentiam. Hæc itaque sacramentum verum ac proprium est. Datam potestatem illam a Christo; perspicuè commonstrant quæ leguntur Matth. xvi. 19. ubi inter alias Petri prerogativas hæc habetur, *Quodcumque ligaveris super terram erit ligatum & in cælis: & quodcumque solveris super terram erit solutum & in cælis.* Quæ prerogativa tamen competit peculiari titulo supremo Ecclesiæ Rectori ob jurisdictionis maximam, plenissimamque amplitudinem, collata est etiam ceteris Apostolis Joannis xx. 21. quando illis Dominus inquit, *Accipite Spiritum sanctum: quorum remiseritis peccata remittuntur eis: & quorum retinueritis, retenta sunt.* Ex collatione autem hujusmodi potestatis consequi Pœnitentiam esse verum sacramentum, sic demonstro. Ad Sacramentum constituendum requiritur, quod sit a Deo institutum, quod externo aliquo symbolo sanctificantem gratiam significet, & quod hanc efficienter producat: quamquam hoc postremum hæretici præfracti ac temere denegent. At in præcatis Evangelicis testimoniis expressam habes divinam institutionem. Hinc etiam erui-

tur

tur ext ernus ritus , & gratiæ symbolum ; siquidem si sacerdos solve-
re velit peccata sua confitentem , opus est , ut iudicium proferat , &
exteriori signo appareat quibus juxta collatam sibi auctoritatem di-
mittat crimina , quibus autem retineat : præterquamquod exhibet
etiam *signum rei sacræ* tum pœnitens , qui provolutus ad confitendi
pedes , & factus accusator sui commonstrat sese a viis pessimis aver-
tisse ; tum sacerdos , qui absolutionem impendens ostendit quomodo
exerceat factam sibi a Domino potestatem . Atque inde etiam sequi-
tur *collatio gratiæ* , sine qua , ut demonstravimus agentes de justifi-
catione impiorum , neque abstergemur a maculis peccatorum , ne-
que renovamur Spiritus sancto , neque induimus novum hominem ;
qui in justitia & sanctitate creatus est . Hinc Concilium Tridentinum
sess. xiv. cap. 1. ait : *Dominus autem Sacramentum pœnitentiæ tunc
præcipue instituit , cum a mortuis excitatus insufflavit in discipu-
los suos , dicens : Accipite Spiritum sanctum : quorum remiseritis
peccata remittantur eis , & quorum retinueritis retenta sunt . Quo
tam insigni factō , & verbis tam perspicuis , potestatem remittendi , &
retinendi peccata ad reconciliandos fideles , post baptismum lapsos ,
Apostolis , & eorum legitimis successoribus fuisse communicatam uni-
versorum Patrum consensus semper intellexit .*

Tridentinæ Synodi postrema verba insinuant nobis alteram pro-
positionis probationem , ex Patrum confessione petitam . Sed cum
plura ex libris Patrum producenda sint ubi de ipsa peccatorum con-
fessione , & de absolutione sacerdotis data opera pertractabitur ; ali-
qua nunc tantum sunt recensenda . Tertullianus de Pœnit. cap. 7.
sermonem instituens de peccatis post baptismum patrat , ait : *Hæc
igitur venena prævidens Deus collocavit in vestibulo pœnitentiæ se-
cundam , quæ pulsantibus patefaciat : & proximo cap. 9. eandem
pœnitentiam describens , ne quis forte putet loqui Tertullianum de
sola impiorum resipiscencia , subjicit : Hujus pœnitentiæ secunda ,
quanto in arto negotium est , tanto operosior probatio est ; ut non sola
conscientia præferatur , sed aliquo etiam actu administretur .* Transit
deinde ad *exomologesim* , & delictorum manifestationem , de qua ali-
bi . S. Cyprianus in libro de Lapsis pag. 383. commendat , & apud
Deum gratam esse testatur *Remissionem factam per sacerdotes* . Epist.
54. quæ Synodica est , hæc ad Cornelium pag. 171. scripsit : *Nec
enim fas erat , aut permittebat paterna pietas , & divina clementia
Ecclesiam pulsantibus claudi ; & dolentibus ac deprecantibus spei sala-
taris subsidium denegari , ut de seculo recedentes sine communicatione
& puce ad Dominum dimitterentur , quando permisit ille qui le-
gem ædedit , ut ligata in terris etiam in celis ligata essent , solvi au-
tem possent illic , quæ prius in Ecclesia solverentur .* Idem Cyprianus
Epist. 67. pag. 247. queritur a Marciano Arelatensi pacem & com-
munio-

munitionem denegatam fuisse servis Dei paenitentibus, & dolentibus; & Ecclesiam lacrymis & gemitu & dolore pulsantibus; atque Epist. 69. pag. 264. ita Florentium Pupianum alloquitur: *Subvenias Pupianus, & sententiam dicar, & judicium Dei & Christi in acceptum referat, ne tantus fidelium numerus, qui sub nobis arcessitus est, sine spe salutis & pacis exisse videatur*. S. Joannes Chrysostomus l. 3. de Sacerdotio cap. 5. demonstrat maximam sacerdotum dignitatem, ex quo Deus optimus ipsis tantum, non autem Angelis, vel Archangelis dixerit, *Quaecunque alligaveritis in terra, &c. ac, Quorum remiseritis peccata, &c.* unde infert habere illos ampliorem, quam habeant terrestres principes, potestatem, quoniam hi solvunt vincula duntaxat corporis; *Id autem quod solvunt sacerdotes, ipsam animam contingat, atque ad caelos usque pervadat*, *ut non si quis autem peccata tua solvit, sed diabolum tuum habet*. Demonstrat proximo capite, quantum Judaeorum sacerdotibus sint Evangelici praefereendi, ex quo illis datum fuerit corporis lepram purgare, immo verius haud purgare quidem, sed purgatos probare: *At vero nostris sacerdotibus, non corporis lepram, verum anima forder, non dico purgatas probare, sed purgare prorsus concessum sit*, *ut non si quis lepra contaminatus, aut avaritia solvit, sed avaritiam suam habet*. Similia docet in cap. xx. Joannis, & post eum Cyrillus Alexandrinus, Theophylactus, alique Graecorum. Ambrosius lib. 1. de Poenit. cap. 2. num. 6. arguit Novatianos reservantes soli Deo remittendorum criminum potestatem, praecitato textu, *Accipite Spiritum sanctum: quorum, &c.* Ait proximo numero Ecclesiam in utroque servare obedientiam, *ut peccatum & alliget & relaxet*, num. 8. addit: *Munus Spiritus sancti est officium sacerdotis, jus autem Spiritus sancti in solvendis, ligandisque criminibus est; quomodo igitur munus ejus vindicant, de cuius diffidunt jure & potestate?* Proximo cap. 3. num. 10. habet verba relata in cap. *Dens*, de Poenit. dist. 1. *Sed Deus distinctionem non facit, qui misericordiam suam promisit omnibus, & relaxandi licentiam sacerdotibus suis sine ulla exceptione concessit*. Verum cum Ambrosius exagitet potissimum Novatianos negantes graviora crimina relaxari, iterum egregios illos de Poenitentia libros delibabimus. S. Hieronymus lib. 1. Dialogi adversus Pelagianos pag. 504. scribit hominem redimi a peccato sanguine Salvatoris, *aut in domo baptismatis, aut in Poenitentia, qua imitatur baptismatis gratiam per ineffabilem clementiam Salvatoris, qui non vult perire quemquam, nec delectatur mortibus peccatorum, sed ut convertantur & vivant*. Idem in Epistola ad Demetriadem pag. 790. appellat poenitentiam *secundam post naufragium tabulam*, qua phrasi perperam a Calvino suggillata lib. 14. Instit. cap. 19. num. 17. utuntur etiam Tridentini Patres sess. xiv. canone 2. S. P. Augustinus

de

de Hæresibus num. 38. de Catharis, seu Novatianis ait: *Secundas nuptias non admittunt, Pœnitentiam negant*: quibus profecto verbis intelligit Sacramentum Pœnitentiæ; siquidem Novatiani illam pœnitentiam negabant, qua ab Ecclesia omnibus lapsis datur pax & reconciliatio, hanc tamen a Deo petendam esse affirmantes. De ipsa met pœnitentia ait S. P. in Enchiridio num. 17. *in Ecclesia remitti peccata: ideo ipsam Ecclesiam Spiritum sanctum pignus accepisse, sine quo non remittuntur ulla peccata; ita ut quibus remittuntur, consequantur vitam æternam*. Tract. XLIX. in ea verba, *Solvite illam, & finite abire*, Joan. XI. 45. comparans reconciliationem peccatoris resurrectioni Lazari, atque pœnitentium confessionem, absolutionem Sacerdotis, & gratiæ consecutionem commemorans, inquit n. 24. *Quando contemnis, mortuus jaces: quando confiteris, procedis. Quid est enim procedere, nisi ab occultis velut exeundo manifestari? Sed ut confitearis, Deus facit magna voce clamando, id est, magna gratia, vocando. Ideo cum processisset mortuus adhuc ligatus, confitens & adhuc reus; ut solverentur peccata ejus, ministris hoc dixit Dominus, solvite illam, & finite abire. Quid est, Solvite, & finite abire? Quæ solveritis in terra, soluta erunt & in calo. Similia serm. 352. num. 8. Tractatu insuper cxxi. num. 4. in ea verba, *Quorum remisistis, &c.* inquit: *Hoc continuo de peccatorum remissione ac detentione subjecit*. Denique Victor Vitenſis libro 2. de Persecut. Vandalica num. xi. inducit fidelium turbæ cereos manibus gestantes, suosque infantulos ante vestigia martyrum projicientes, ac voce ista clamantes: *Quibus nos miseros relinquitis, dum pergitis ad coronas? qui hos baptizaturi sunt parvos fontibus aque perennis? qui nobis pœnitentiæ munus collaturi sunt, & reconciliationis indulgentia obstrictos peccatorum vinculis soluturi, quia vobis dictum est, Quæcunque solveritis super terram, erunt soluta & in calis?* In his utique, & in testimoniis aliis compluribus, illa nobis Pœnitentia delineatur, quæ includit *Exomologesim*, & delictorum manifestationem; qua Sacerdotis ministerio pœnitentibus & dolentibus Ecclesia pacem & remissionem largitur; & in qua Ministri Domini animarum maculas distinguunt, purgant, solvunt, remittunt. Atqui Pœnitentia istiusmodi est Sacramentum, quale Ecclesia Catholica profitetur. Igitur Sacramentum Pœnitentiæ, ut supra diximus cum Tridentino, demonstratur & confirmatur *universorum Patrum consensu*.*

Proxima est argumentatio deducta ex perpetua Ecclesiarum omnium confessione: cujus primum invictissimumque argumentum est, quod hæretici nequeant ostendere quis primus Sacramentum istud invexerit sive apud Orientales, sive ob Occidentales, qui unanimiter sacramentalem Pœnitentium absolutionem agnoscunt, hujusque exhibent in Ritualibus libris formulas varias, a Morino, Martenio,

aliisque doctis viris collectas. Deinde perpetuam hanc apud Orientales fidem testantur Jobus Monachus, Simeon Theſſalonicenſis, Joannes Paleologus, Hieremias Patriarcha Conſtantiopolitanus, Gabriel Severus Philadelphenſis, Gregorius Hieromonachus, Synodus Cypria Germani Epifcopi Amathuntis, & Conſtantiopolitana Parthenii adverſus apoſtataſ Cyrillum Lucarim; nec non monumenta alia quamplurima, quæ iterum adferre, cum partim conſcripta ſint ab Allatio Confeſſionis Eccleſiarum libro tertio cap. 16. partim verò a nobis præcedenti volumine lib. xxx. cap. 3. laudata, præter rem foret, ac ſupervacuum. Apud Jacobitas etiam, & Coptos, quamvis referat Chronicon Orientale abrogatam Sacramentalem Confeſſionem a Joanne Abulmagedo, perpetuò tamen obtinuiſſe in Eccleſiis Catholicis demonſtrant apud Sollierium in Appendice ad Patriarchas Alexandrinos num. 208. & ſequentibus Bernatus, Vanſlebius, & Naironus. Permulti denique Lutheranorum. quamvis negent omnia peccata eſſe maniſeſtanda, atque a ſola poenitentium fide juſtitiam repetant, nihilotamenminus Sacramentum Poenitentiae agnoverunt cum Luthero, qui in libro de Captivitate Babylonica inter Sacramenta recenſet *Baptiſmum, Poenitentiam, & Pauem*, cui ſubſcripſit Melanchthon in locis communibus an. 1543. In Confeſſione Auguſtana art. xi. legitur, *De Confeſſione docent, quod abſolutio privata in Eccleſia retinenda ſit*. Quod repetitur art. proximo, ubi damnantur Novatiani, qui *volebant abſolvere lapſos poſt baptiſmum*, itemque art. iv. inter illos, qui inſcribuntur, *Abuſus muſati*. Idem de Poenitentia ſtatuit Confeſſionis hujus Apologia, ut obſervat in Hiſt. variat. Meldenſis Epifcopus lib. 3. num. 48. Retinuit idem Sacramentum Henricus VIII. apud ipſummet Auctorem præſtantiſſimum libro vii. num. 24. Atque id egiſſe apoſtatas, quoniam negare non poterant quod toto orbe profitebatur Eccleſia, auctor eſt in præſtatam articulum xi. Auguſtanae Confeſſionis Fabricius Leodius. Sive ergo Eccleſiarum attendatur conſenſus, ſive Patrum doctrina, ſive auctoritas Scripturarum ſanctarum, ſive ratio illinc deprompta, maniſeſtum eſt optimo jure ſacroſanctam Synodum Tridentinam ſtatuiſſe hunc primum de Poenitentia canonem: *Si quis dixerit, in Catholica Eccleſia Poenitentiam non eſſe vere & proprie Sacramentum pro fidelibus, quoties poſt baptiſmum in peccata labuntur, ipſo Deo reconciliandis a Chriſto Domino inſtitutum; anathema ſit*.

Adverſus hanc propoſitionem hæc opponunt hæretici. Dimittere peccata ſpectat ad ſolam Domini auctoritatem, quum Marci 11.7. ſcriptum ſit, *Quis poteſt dimittere peccata, niſi ſolus Deus?* Nul- lum ergo datur Sacramentum pro remittendis peccatis a Chriſto inſtitutum. Deinde in veteri lege nullum tale Sacramentum extitit, licet neceſſaria eo etiam temporis fuerit poenitentia *universis hominibus*,

alibus, qui se mortali aliquo peccato inquinassent, prout c. 1. sess. xiv. fatetur eadem Synodus Tridentina. Igitur neque in nova lege caritatis & gratiæ Sacramentum illud erat instituendum. Iosuper sacræ litteræ tribuunt remissionem peccatorum soli *impiorum conversioni* & resipiscentiæ, ut Psalmo l. 19. Ezech. xvi 11. 21. Non opus est ergo hac in re externo ritu alicujus Sacramenti. Præterea ad Sacramentum requiritur cum subiecta materia quædam forma verborum. Hæc vero necessaria non est ad remissionem peccati; quod animi voluntate dimittitur. Denique infirma sunt, quæ ad Sacramentum hoc adstruendum proferuntur ex Scripturis. Nam quæ leguntur Matth. xviii. 18. *Quicumque ligaveritis, &c.* intelligenda sunt de injuriis invicem condonandis; referuntur enim ad præcedentia verba, *Si peccaverit in te frater tuus, &c.* Unde S. Pater serm. xvi. de verbis Domini, nunc 82. num. 7. inquit: *Capisti habere fratrem tuum tanquam publicanum, ligas illum in terra; sed ut julle alliges, vide, non injusta vincula dirumpit justitia. Cum autem correxeris & concordaveris cum fratre tuo, solvisti illum in terra. Cum solveris in terra, solutus erit & in celo.* Quæ verba habentur, cap. *Capisti*, 11. q. 3. Affert eandem interpretationem Theophylactus in Matth. pag. edit. Morel. 106. Cap. autem 20. Joannis fit sermo de remissione peccatorum in collatione baptismi, ut mox videbimus.

His, de quibus iterum in proximis disputationibus occurret sermo, ad hunc modum respondemus. Si primum argumentum vim haberet ad Sacramentum Pœnitentiæ oppugnandum, impeteret etiam baptismum, quod conferri *in remissionem peccatorum* testantur Act. Apostolica cap. 2. 38. Consimilis itaque erat objectio Novatianorum, qui apud Ambrosium lib. 1. de Pœnit. cap. 2. num. 6. agebant, *se Domino deferre reverentiam, cui soli remittendorum criminum potestatem reservent.* Sed respondet egregius doctor verbis paullo supercitatis, jus quidem in solvendis, ligandisque criminibus esse Spiritus sancti, sed munus Spiritus sancti esse officium Sacerdotis. Quæ repetens, & illustrans lib. 3. de Spiritu Sancto cap. 19. nunc. 18. num. 137. *Ecce, inquit, per Spiritum sanctum peccata donantur; homines autem in remissionem peccatorum ministerium suum exhibent, non jus alicujus potestatis exercent.* Eadem perspicue docet prælaudatus Augustinus. Ac S. Joannes Chrysostomus hom. 85. in Joannem explicat discrimen iater Deum, ac Sacerdotes comparatione illius, quod intercedit *inter regem, & præfectos ab eo missos cum potestate reos in carcerem detrudendi & liberandi*: *ναταις*, inquit: *τῆς βασιλεὺς ἀρχῆς ἀντιπῶν ἐξουσίας οὗ δυνάστητος ἐμβαλλόντες οἱ ἀρχαῖοι διδωσιν.* Quare distinguenda est prioris objectionis major: Spectat ad solum Deum peccata dimittere jure potestatis, auctoritate suprema, propriaque virtute, concedo: munere Spiritus sancti, ministerio, at-

que officio, id nego. Ad alterum nego consequentiam. Ex quo enim necessaria semper fuerit Pœnitentia, quatenus virtus est, nemo inferre potest in lege caritatis & gratiæ non fuisse instituendam Pœnitentiam, in quantum est Sacramentum, ad facilius assequendam remissionem peccatorum, quam ex se, efficienter, & ex opere operato producit, nec non ad pœnites erigendos conscientia tranquillitate, & morali quadam certitudine veniæ. Falsa pariter est proximæ oppositionis confectio; nam quemadmodum juxta hæreticos contritio, cordisque conversio, quibus sacræ litteræ indulgentiam veniamque promittunt, minime excludunt necessitatem fidei in Christum, & lavacrum baptismi, ita nec excludunt Pœnitentiæ Sacramentum; præsertim cum ille, quem vere pœnitet, contemnere nequeat præstituta sibi remedia, eademque contritio sit ejusdem Sacramenti materies. Proximum argumentum diluitur negando necessariam non esse prolationem verborum, ad peccatorum remissionem, quæ fiat in foro Ecclesiæ, & potestate illa judiciaria, quam Christus contulit Sacerdotibus. Postrema objectio facile solvitur, si attendatur, ea verba, *Quaecumque alligaveritis, &c.* Matt. xvi. 18. peculiari ratione spectantia ad Ecclesiæ præfectos, extensione quadam ad singulos pertinere, quatenus Deus ratam habet condonationem injuriarum, quibus afficiuntur; cum hoc discrimine, quod laicis conceditur remittere duntaxat illatas sibi contumelias & injurias, *commiseratione caritatis*, aut de iis poscere iudemnitatem ac pœnam, *aquitate justitiæ*; Ecclesiæ autem præfecti possunt delere quæcunque crimina *potestate judiciaria*. Id vero docet Augustinus, qui eadem verba speciatim Sacerdotibus absolventibus tribuit præcitato Tract. 49. in Joannem, serm. 98. num. 6. & 352. num. 8. atque in iisdem verbis agnoscit *claves datas Ecclesiæ* libro 1. contra adversarium legis cap. 17. num. 36. necnon *judicium præpositorum* libro 20. de Civit. Dei cap. 9. num. 2. & Tract. 22. in Joan. num. 7. Eadem vero sentit Theodoretus, qui citata pag. 106. injuriarum remissionem distinguit ab ea, qua crimina *non nisi in ipsius, solvant Sacerdotes*: quod & præstat in eundem locum Chrysostomus, aliique Græci apud Corderium pag. 255. sed de his rursus.

PROP. II. Pœnitentiæ Sacramentum diversum est a Sacramento Baptismi.

Validissimè demonstratur hæc thesis a Patribus Tridentinis cap. 2. de Pœnit. sess. xiv. ubi plura assignant utriusque Sacramenti discrimina. Primum discrimen est, *quod materia & forma, quibus Sacramenti essentia perficitur, longissime dissident*; materia enim baptismi est aqua, ac forma, *Ego te baptizo*, quorum neutrum adhibetur in pœnitentia. Discrimen alterum est ex parte ministri, & subiecti, cum non oporteat ministrum baptismi judicem esse, Ecclesiæ in nemi-

nem

nem iudicium exercente , *qui non prius in ipsam per baptismi januam fuerit ingressus* ; minister autem sacramenti Pœnitentiæ sit Sacerdos , ad cuius tribunal baptizatos , qui se crimine aliquo contaminaverint , Christus Dominus tanquam reos sisti voluit . Tertia discriminis ratio in hoc sita est , quod baptismus iterari nequeat , per Pœnitentiam vero possumus *ab admissis peccatis liberari* , quoties ad ipsum Ecclesiæ tribunal confugiamus . Tandem alius baptismi , alius Pœnitentiæ effectus , & *fructus* est : siquidem per baptismum Christum induentes , *nova prorsus in illo efficiuntur creatura , plenam & integram peccatorum omnium* , tam originalis , quam actualium remissionem consequentes : at per pœnitentiam sola actualia relaxantur , & iungitur satisfactio ; adeo ut ad integritatem & novitatem *sine magnis nostris stictibus & laboribus* , divina id exigente iustitia , nequaquam pervenire possimus . Quæ omnia satis perspicua sunt , & iisdem fere verbis Synodi Tridentinæ conscripta .

Demonstratur eadem veritas ex Augustino , cuius præsertim auctoritate abutuntur hæretici . Etenim S. P. epist. 23. ad Bonif. num. 98. num. 2. ait parvulum regenerari per baptismum , in quo est *aqua forinsecus exhibens sacramentum gratiæ , & Spiritus operans intrinsecus beneficium gratiæ* ; si vero adultus propria impietate gratiam amittat , & ætatis accessu malus evadat , *Tunc propria incipiet habere peccata , quæ non regeneratione auferantur , sed alia curatione sanentur* : quod repetit Enchiridii cap. 46. num. 13. Deinde per Augustinum minister baptismi est etiam laicus & paganus , cum Ecclesia filios aliquando sibi generet *per ancillaram uterum* , ut S. P. inquit 1. de Baptif. cap. xvi. 25. eos autem qui peccata solvunt illos esse , *per quos Ecclesia nunc gubernatur* , & quibus *iudicium datum est* , de quo legitur , *Quæ ligaveritis in terra , &c.* tradit S. Pater capite 9. vicesimi libri de Civit. Dei , aliisque paullo supra laudatis locis . Insuper baptismum non repetendum sententia est Augustini sæpe in omnibus adversus Donatistas lucubrationibus tradita : at pœnitentiam saluberrime a baptizatis iterandam affirmat eximius Doctor epist. 54. nunc 153. ad Macedonium , num. 7. unde depromptum est cap. In tantum , de Pœnit. dist. 3. necnon epist. 108. nunc 265. ad Seleucianam , ubi confoditur Novatiana hæresis ; atque , ut alia præteream , sermone , seu libro 1. de Symbolo cap. 7. num. 14. ubi docet quomodo *semel* abluamur baptifmate , *quotidie* a venialibus , sine quibus esse non possumus , oratione : *gravia* autem & immania scelera non nisi *in humilitate* *maiore Pœnitentia* expiuntur . Diversum denique utriusque sacramenti effectum commonstrat fulgidissimum Ecclesiæ lumen tum postremo hoc in loco de symbolo , tum præcitata ad Seleucianam epistola ; in qua num. 7. ait : *Agunt homines ante baptismum pœnitentiam de suis prioribus peccatis , ita tamen*

men ut etiam baptizentur; & post pauca: Agunt etiam pœnitentiam, si post baptismum ita peccaverint, ut excommunicari, & postea reconciliari mereantur. Docent his similia alii Patres; de quibus lib. 1. de Pœnit. cap. 13. Cl. Bellarminus. Merito itaque, cum Baptismatis & Pœnitentiæ diversa sit materia, diversa forma. diversus minister, diversum subiectum, diversus effectus, edidit adversus hæreticos sacrosancta Tridentina Synodus hunc canonem num. 2. *Si quis sacramenta confundens, ipsum Baptismum Pœnitentiæ sacramentum esse dixerit, quasi hæc duo sacramenta distincta non sint, atque ideo Pœnitentiam non recte secundam post naufragium tabulam appellari; anathema sit.*

Opponent hæretici: Catholici sacramentum Pœnitentiæ commendari putant illis verbis Joan. xx. 23. *Quorum remiseritis peccata, &c.* At his verbis nihil aliud ostenditur, nisi Apostolis fuisse præscriptum a Domino, ut Evangelium annuntiarent, & baptizarent credentes in remissionem peccatorum; & eundem sensum hæc verba habent ac ea, quæ leguntur Matth. ult. 19. *Euntes ergo docete omnes gentes, &c.* Igitur remissio peccatorum, quæ Pœnitentiæ tribuitur, Baptismati est adscribenda, ideoque Pœnitentia aut sacramentum non est, aut idem est ac baptismus, ejusque remissio. Præterea Marci 1. 4. legimus Joannem prædicasse *baptismum pœnitentiæ in remissionem peccatorum.* Quid ergo ad incerta confugimus, inquit Calvinus, quasi verò apertius quippiam requirendum sit, quam quod recitat Evangelista? Insuper omnis peccatorum remissio, etiam subsequens, baptismati tribuendam esse, Apostolus, Augustinus, & ratio ipsa suadent. Etenim Apostolus ad Ephes. v. 25. ait: *Christus dilexit Ecclesiam, & seipsum tradidit pro ea, ut illam sanctificaret, mundans lavacro aquæ in verbo vitæ, ut exhiberet sibi gloriosam Ecclesiam, non habentem maculam, aut rugam, &c.* quibus verbis omnis mundatio, omniumque macularum absterio soli baptismatis lavacro tribuitur. S. P. Augustinus lib. 1. de Nuptiis & Conc. cap. 33. n. 38. his verbis Apostolicis recitatis, *Sic, inquit, accipiendum est, quod ait Apostolus, ut eodem lavacro regenerationis, & verbo sanctificationis omnia prorsus mala hominum regenerantium mundentur, atque sanentur; non solum peccata, quæ omnia nunc remittuntur in baptismo, sed etiam quæ posterius humana ignorantia vel infirmitate contrahuntur, non ut baptismus quoties peccatur, toties repetatur; sed quia ipso, quod semel datur, fit ut non solum antea, verum etiam postea quorumlibet peccatorum venia fidelibus impetretur.* Eadem repetit S. P. initio proximi capitis, necnon de Peccato Originali cap. 39. & 40. lib. 3. contra duas Epistolas Pelagianorum cap. 3. & in vi. contra Julianum cap. 13. & 18. His, ut dixi, coheret ratio; siquidem credenti, & suscipienti baptismum Marci ult. 16. promitti-

mitti.

mittitur æterna salus; Baptismus ipse nunquam deletur; in illo communicatur nobis, atque imputatur justitia Christi. Atqui divina promissio semper manet, & virtus baptismi semper viget, adeo, ut ex communi scholasticorum sententia, si quis fide ad baptismum accederet, recedente fictione, recipiat gratiam, quæ ipsius baptismatis effectus est; ac denique justitia Christi persistens, ac perpetua, semel imputata nunquam amittitur. Igitur nulli alteri externo signo, præter Baptismum, aut divinam promissionem, aut ipsius lavacri virtutem, aut demum communicationem justitiæ Christi spectata, potest adscribi peccatorum remissio. Hæc Novatores.

Resp. ad 1. nego mi. constat enim longe diversum esse sensum verborum Joannis xx. & Matth. ult. neque unam unius textus syllabam in altero reperiri. Nonnulli quidem Patres, ac præsertim S. Cyrillus libro xii. in Joan. ajunt etiam in Baptismo vim habere quod legitur apud Joannem, *Quorum remisistis, &c.* ideoque hæreticorum nonnulli primam hanc, insulam, fractamque objectionem communire tentant mutilato Cyrilli textu. Sed vafre, ac dolose id faciunt; nam Cyrillus eo loci ait remitti *duobus modis* peccata, uno quidem, *dignos ad baptismum vocando vita gravitate & constantia fidei probatos: sed alio modo*, inquit, *peccata Spiritu afflati homines remittunt ac retinent, nempe cum filios Ecclesiæ peccantes corripiant, vel pœnitentibus ignoscunt*: καὶ ἴτερον ὅπως ἀφαιρῶν τὸ ἢ κρατοῦν ἀμαρτίας ἐπιτιμῶντος μὴ ἀμαρτανῶσι τῆς τῆς ἐκκλησίας τιμῆς, μετανοοῦν ὁ συγγνωσκων: ibique profert Cyrillus exemplum illius Corinthii fornicarii, quem Paulus. tradidit in carnis interitum, ac denuo complexus est, ne vehementia doloris absorberetur. At quod sequitur, nullius est momenti, siquidem baptismum Joannis appellari baptismum *Pœnitentiæ*, quoniam non conferebat *vi propria* Spiritum sanctum, atque in eo Præcurfor Domini hortabatur ad se confluentes, ut pœnitentiâ pararent viam Domino, & Dei Agno tollenti peccata mandi, ostendimus libro xxxi. cap. 2. proluxa dissertatione. Ad tertium est plana & expedita responsio, si dicatur baptismati omnem renovationem & gratiam adscribi, non solum, quia per ipsum tollitur originarium, ac præcedens omne peccatum, verum etiam per ipsum baptismum induimus Christum, & inferimur Ecclesiæ, in qua non desunt remedia, quibus consequentia peccata abluantur, eo ferme pacto, inquit Eftius in iv. dist. 4. §. 8. quo generationi atque natiuitati tribuitur quoque incrementum, robur, & perfectio virilis, nec non morborum sanatio, quæ tamen etiam naturalis facultas in his operetur, absque externis adminiculis non proveniunt. Ita ergo valet ad omnem remissionem baptismus, quia per ipsum regeneramur & renascimur, & nisi per ipsam spiritalis vita daretur, nec Pœnitentiæ, nec sacramenta alia proderent; quæ tamen valent plurimum

rimum ad spiritalem vitam nutriendam, corroborandam, sanandam, quemadmodum corporalem vitam juvant cibis, potus, medicamenta. Vide quæ scripsimus lib. xxxi. cap. 24. Hanc esse mentem Apostoli constat, nam præter lavacrum vitæ tribuit ille salutem fidei, spei, caritati, monet ne vivamus secundum carnem, eodemque cap. 5. (in quo proculdubio baptizatos alloquitur) ut exurgamus a mortuis, ut redarguamus infructuosa opera tenebrarum, ut vitemus immunditiam, avaritiam, turpitudinem, stultiloquium, scurrilitatem, non vero ut reminiscamur dumtaxat suscepti lavacri. Atque Augustinus aperte sententiam suam exponit tum ubi docet peccata baptismum consequentia sanari *alia curatione*, & subijci iudicio illorum, *per quos gubernatur Ecclesia*; tum iisdem locis quæ obijciuntur. In primo enim libro de Nuptiis & Concup. immediate post verba ab adversariis producta hæc subijcit Augustinus: *Quid enim prodesset vel ante baptismum penitentia, nisi baptismus sequeretur, vel postea, nisi præcederet?* & lib. 3. contra duas Epist. Pelagianorum cap. 3. num. 5. ait: *Si a me quisquam quaesierit, utrum per baptismum salvi facti fuerimus; negare non potero, dicente Apostolo, Salvos nos fecit per lavacrum regenerationis, & renovationis Spiritus sancti. Sed si quaesierit, utrum per idem lavacrum omni prorsus modo jam nos fecerit salvos; respondebo, non ita est.* Demum & lib. vi. adversus Julianum, posteaquam scripsit pervenire hominem baptizatum etiam ad perfectionem futuri sæculi; demonstrat hominem renovari *de die in diem*, atque id fieri quando adjuvante gratia Dei *Opera spiritus eriguntur, opera carnis mortificantur*. His verb corruit subiectæ hæreticorum ratiocinatio; quandoquidem promissio æternæ salutis facta credentibus & baptizatis *conditionata* est, nec penitentiam, sacramenta, & custodiam mandatorum excludit: neque per solam *imputationem* justitiæ Christi, sed per gratiam *inherentem*, eamque *amissibilem* justificamur; sicuti demonstratum est libro xix. cap. 2. & 9. Ex quo autem virtus baptismi producat *sublato obice* effectum suum, ut diximus tom. vi. pag. 252. minime sequitur, quod producere valeat effectum aliorum sacramentorum, & remittere peccata, quæ *alia curatione sanantur*. Vide eundem tomum vi. pag. 542.

At dices: Tridentina Synodus sess. xiv. canone 3. damnat eos, qui negant ea verba, *Accipite Spiritum sanctum, quorum remiseritis, &c.* esse intelligenda de potestate remittendi, & retinendi peccata in sacramento Pœnitentiæ, eaque detorquent ad auctoritatem prædicandi Evangelium. Verum cum in confesso Patrum de hoc canone ageretur, Ambrosius Pelargus Dominicanus Electoris Trevirensis Theologus, monuit illa verba vix ab ullo Patrum exponi de hoc sacramento, & a nonnullis accipi de baptismo: itaque eos, qui

qui eadem verba ad solam institutionem Sacramenti Pœnitentiæ restringant, & hæreticos pronuncient omnes, qui aliter accipiant, magnam adversariis palmam dare, & materiam gestiendi ob damnatam in Concilio veterem Ecclesiæ doctrinam. Hæc Paulus Sarpi in Hist. Trident. Concilii pag. edit. Genev. 428. Revera cum verba illa Christus dixerit post resurrectionem suam, antequam mitteret Apostolos in universum orbem ad Evangelium annuntiandum; comprobatur Pelargi monitum, & interpretationem Patrum, quos ille laudavit, ipsa temporum circumstantia. Si ergo præcitata verba, *Quorum remisistis peccata, &c.* intelligenda sunt juxta Tridentini definitionem de Sacramento Pœnitentiæ, aliàs autem admonente insigni Theologo accipiuntur de Baptismo ab omnibus fere Patribus, consequitur manifesta illatione Baptisum & Pœnitentiam esse unum & idem Sacramentum.

Respondeo cum Eminentissimo Pallavicino lib. xii. H. C. cap. 12. num. 7. nunquam ab ore Pelargi eruditi viri potuisse hæc elabi, quæ cadere minime potuissent in mentem cujusvis quamquam imperitissimi. Pelargus enim in eo theatro præsens fuerat, ubi jam pro hoc Sacramento producta fuerant universæ antiquitatis testimonia. Inter quæ, ut constat ex dictis, multa sunt, quæ demonstrant verba illa, *Quorum remisistis, &c.* esse accipienda de potestate peccata dimittendi, & retinendi, tradita Sacerdotibus. Neque obstat, quod nonnulli Patrum eadem interpretati sint de remissione, quæ fit per baptismum, aut quod a Christo prolata sint quando misit Apostolos ad gentes fide imbuendas & baptizandas: nam, præterquamquod in capite xx. Joannis nullus de prædicando Evangelio, aut de conferendo baptismo fit sermo, Tridentinum Concilium nequaquam illos proscriptis, qui recensitis verbis aliquam aliam sententiam tribuerent, sed eos damnavit qui illa detorquebant contra institutionem Sacramenti Pœnitentiæ. *Quare* (inquit Pallavicinus) *quod quispiam eadem sic explicet, ut simul de hoc loquantur, & simul de facultate Sacerdotibus tradita tanquam ministris ordinariis baptismi, quid tandem is peccat? & quis ab ipso tum commodus ad oppugnandum aditus adversariis reaseratur? in quantum dialectica traditum est, affirmationem unius esse alterius diversæ, sed non contrariæ, infirmationem?* Distinguo itaque propositionem illam, Ea verba accipiuntur de Baptismo; tantum, nego: de baptismo, & de facultate absolvendi baptizatos a culpis post baptismum propria voluntate patris, per Sacramentum Pœnitentiæ a baptismo diversum; concedo. Vide quæ paulo supra diximus de Cyrillo.

Opp. ultimum: Quamvis in consecratione panis, & vini diversa sit materia, diversa forma, diversum symbolum Sacramenti; utraque tamen species pertinet ad eandem Eucharistiam: idem ergo affirmo.

To. VII.

Q q q

firma.

firmare possumus de Pœnitentia ac de Baptismo, quæ, licet in his diversa materia, & diversa forma habeantur, poterunt ad idem Sacramentum referri. Habetur rursus diversitas materiæ, formæ, nec non effectus in Presbyteratus, & Episcopatus Ordinibus; & nihilo minus Episcopatus non est Sacramentum ab ordine Presbyteratus diversum, sed ampliatio duntaxat & extensio characteris ad muncra, quæ excedunt facultatem Presbyteri, puta ordinandi, vel confirmandi, aut si Sacramentum diversum est, non tamen sententia hoc negantium spectat ad fidem. Pari ergo ratione affirmare possumus pœnitentiam esse extensionem quamdam gratiæ & characteris baptismatis, aut saltem non aberraturum a fide, quisquis id assereret.

Resp. ad 1. haberi quidem in duabus Eucharistiæ *speciebus* diversam materiam, diversamque formam; sed tamen utramque speciem significare eandem unionem cum Christo, referri ad eandem spiritalem animæ refectiorem, eandemque gratiam producere: unde Theologi docent cum D. Thoma 3. p. q. 75. art. 2. Eucharistiam utique esse Sacramentum *materialiter* multiplex, unum tamen perfectione signi, & gratiæ productione. E contra in baptismo, ac Pœnitentia, diversa confertur gratia, ac diversa est etiam significationis ratio, siquidem baptismus est spiritalis regeneratio, Pœnitentia vero reconciliatio regenerantium; ideoque hæc duo Sacramenta non *materialiter* tantum diversa sunt, verum etiam, ut inquit Scholæ, *formaliter*. Ad postremum respondetur eos, qui negant Episcopatum, esse ordinem a Presbyteratu distinctum, negare etiam quod conferrat gratiam *ex opere operato*, & quod hujus gratiæ signum practicum sint materia & forma, quæ in Episcopi ordinatione adhibentur; cum ad constituendum Sacramentum non sufficiat materia & forma, quæ habentur etiam in Sacramentalibus & in quolibet sacro ritu, sed ulterius necessum sit efficax signum gratiæ. Nulla est ergo vis hujus oppositionis, quoniam dato Episcopatum non esse Sacramentum (quod tamen maxime controvertitur, nec sine magna probabilitate negatur a multis;) Sacramentum est tamen Pœnitentia, quæ relaxando peccata actualia non solum constat propria materia & propria forma, sed etiam gratiam suamet efficacitate producit. Illud tandem advertendum est, Episcopatum, sive sit Sacramentum conferens gratiam, sive non sit, nequaquam conferre characterem suum, aut ampliationem characteris, per solam reminiscentiam presbyteratus; ac propterea his, aut consimilibus argutationibus nullatenus juvari hæreticos, qui repetentes justificationem a sola fide docent pœnitentibus dimitti peccata per solam recordationem baptismi, ut explicatum est supra.

PROPOSITIO III. Sacramentum Pœnitentiæ institutum *præcipue* fuit, cum Dominus a mortuis excitatus insufflavit in Discipulos suos

suos dicens, *Accipite Spiritum sanctum: quorum remiseritis, &c.*

Hæc propositio est Tridentini Concilii sess. xiv. cap. 1. Ac demonstratur; cum enim Sacramentum Pœnitentiæ illud sit, quo *judiciaria potestate* a Sacerdotibus remittuntur peccata; tunc præcipue institutum fuisse dicendum est, quando Dominus discipulis suis eandem contulit potestatem. Atqui Dominus hanc potestatem contulit, dum post resurrectionem suam insufflavit dicens, *Accipite Spiritum sanctum, &c.* ut diximus prop. 1. & definit ipsa Tridentina Synodus canone 3. ejusdem Sessionis. Igitur Sacramentum Pœnitentiæ tunc a Domino fuit *præcipue* institutum.

Advertas tamen ideo a nobis appositam particulam illam *præcipue*, a sacrosancta etiam Synodo consultò adhibitam, quoniam de potestate judiciaria remittendi peccata explicantur etiam a Patribus ea verba, *Quæcumque ligaveritis, &c.* utique ante resurrectionem Domini pronunciata. Sed cum his verbis revera *potestas judiciaria* discipulis data non sit, sed prædicta tantum, atque promissa; non relucet in illis *præcipua* ac propria institutio, quemadmodum sententia nostra nec Baptismus propriè institutus est, dum Christus ait Joan. 3. *Nisi quis renatus fuerit, &c.* quamquam hæc verba ab omnibus de baptismo explicantur, eo quod sonent potius Sacramenti instituendi necessitatem atque virtutem, quàm ejusdem institutionem. Nec etiam Sacramentum Pœnitentiæ potest dici *præcipue* institutum in ultima cœna, quando Apostoli fuerunt sacerdotali *charactere* exornati; nam sacerdotium dat potestatem offerendi sacrificium, non remittendi peccata; confert enim potestatem in verum Christi corpus, sed in iis, quæ pertinent ad corpus mysticum, & ad exercendum in ipso munus judicis, necessaria est quædam illius potestatis ampliatio. Suarez disput. xvi. sect. 1. assert. 3. scribit existimasse Cyprianum, quod institutum fuerit hoc Sacramentum *in nocte cœnæ*, laudato sermone de Ablutione pedum, in quo commemoratur aliud a baptismo *lavra*, a Domino eadem nocte præscriptum. Verum neque sermo ille opus est Cypriani, nec de alio lavacro agit, quam de humilitatis officio, ut ostendimus lib. xxx. cap. 6. Videtur denique sententia S. Thomæ q. 84. art. 7. *actus pœnitentis*, qui sunt hujus sacramenti materia, indictos fuisse a Domino initio prædicationis; *officium ministrorum* insinuatum Matth. xvi. post resurrectionem denique *efficaciam hujus Sacramenti* manifestatam. Rectè itaque Oecumenica Synodus apposuit particulam illam *præcipue*.

PROP. IV. Pœnitentiæ Sacramentum hominibus post baptismum lapsis ad salutem assequendam est necessarium.

Demonstratur 1. Sacramentum Pœnitentiæ, ut diximus est illud, quo judiciaria potestate a Sacerdotibus peccata solvantur, juxta ea, quæ leguntur in Evangelio, *Quæcumque solveritis, &c.*

atque, *Quorum remisistis, &c.* Sed absque solutione, aut remissione peccatorum nemo post baptismum lapsus salutem consequi potest. Igitur, &c. II. Tridentina Synodus sess. xiv. cap. 2. his verbis hanc propositionem definit: *Est autem hoc Sacramentum Pœnitentiæ lapsus post baptismum ad salutem necessarium, ut nondum regeneratis ipse baptismus.* Qui ergo post lavacrum regenerationis actualibus criminibus inquinantur, non assequuntur æternam vitam, nisi re, aut voto (sicuti diximus de Baptismo libro xxxi. cap. 23.) Pœnitentiæ Sacramento solvantur. III. Augustinus scribens ad Honoratum epist. 180. nunc 228. n. 8. ait: *Si ministri desint, quantum exitium sequitur eos, qui de isto seculo vel non regenerati exeunt, vel ligati? Quantum est etiam luctus fidelium suorum; qui eos secum in vitæ æternæ requie non habebunt?* & de adult. conjugijs lib. 1. cap. ult. n. 35. *Quæ autem baptismatis, eadem reconciliationis est causa.* At plura ex Patribus proferenda erunt, ubi de necessitate Confessionis, quæ hujus Sacramenti pars est, differetur. IV. Hanc necessitatem ratio ipsa commonstrat. Si enim sacerdotes in Ecclesia iudices, & absolutionis ministri sunt a Domino constituti, ipsorumque iudicium in cœlis ratum ac firmum est, profectò apud Deum rei permanent, qui ad ipsos Sacerdotes, cum possint, absolutionem impetraturi nolunt accedere; quemadmodum in republica quisquis patravit homicidium, aut furtum, censetur reus, ac supplicio legibus constituto puniendus, donec a principe, vel a præfecto illius vicem gerente, post cognitam causam proferatur iudicium, atque absolvatur.

Oppositiones, quæ militant adversus postremam hanc thesim, quoniam partim solutæ sunt propositione prima, partim vero solvendæ erunt ubi, de Confessione, & absolutione tractabitur, iisdem in locis perlegi poterunt, & expendi.

C A P U T III.

An detur peccatum aliquod irremissibile.

CONSUEVERUNT Scholastici materiam Sacramenti Pœnitentiæ duplicem constituere, quarum unam appellarunt *circa quam*, alteram *ex qua*. Cum enim, ut dicturi sumus, tribus partibus Sacramentum istud potissimum constet, idest, contritione, confessione, & satisfactione, hæc verò circa peccata abolenda versentur; eadem peccata materiam *circa quam*, ipsam vero contritionem una cum aliis necessariis actibus pœnitentium dixerunt materiam *ex qua*. Nos, hac distinctione non repudiata, dicimus peccata esse, ad quorum remissionem Deus misericordiarum, cognoscens signum nostrum
hoc

hoc Sacramentum instituit, quo lapsis post baptismum beneficium mortis Christi applicatur; illos autem poenitentis actus, quos commemoravi, esse id, quod ex parte poenitentis requiritur ad integritatem Sacramenti, plenamque, & perfectam ipsorum peccatorum remissionem. Quæ iisdem Tridentinæ Synodi verbis dicta sunt. Sane ex quo Sacramentum istud institutum sit, tanquam remedium illorum, qui sese post baptismum tradiderunt in peccati servitutem & dæmonis potestatem, evidenter consequitur non spectare ad hoc Sacramentum ea peccata, quæ ante regenerationem patrantur. Certum quoque est quotidiana & venialia peccata expiari posse aliis ab hoc Sacramento remediis, præsertim oratione fidelium, atque elemosynis, quemadmodum docet magnus Augustinus in Enchiridio cap. 7. num. 2. de Symbolo num. 14. in Opere imperfecto lib. 2. n. 71. atque innumeris aliis in locis. Hinc Tridentina Synodus sess. xiv. cap. 5. postquam ait oportere a poenitentibus, omnia peccata mortalia, quorum post diligentem sui discussionem conscientiam habent, in confessione recenferi, etiam si occultissima sint, *Venialia*, inquit, quibus a gratia Dei non excluduntur, & in quæ frequentius labimur, quamquam recte & utiliter, citraque omnem præsumptionem in Confessione dicantur, quod piorum hominum usus demonstrat; taceri tamen citra culpam, multisque aliis remediis expiari possunt. Quare Theologi peccata mortalia materiam Sacramenti hujus necessariam appellant, peccata autem venialia materiam sufficientem.

Cum igitur Novatiani, prout priori capite dictum est, negaverint in Ecclesia potestatem remittendi peccata post baptismum commissa, quod eorum aliqui universim asseruerunt, omnia peccata paribus æstimando mensuris, alii autem id affirmarunt de gravioribus tantum criminibus, cujus generis sunt idololatria, homicidium, fornicatio, & blasphemia; videtur præsens quæstio utilissima, & summo opere necessaria tum ad vindicandam potestatem Ecclesiæ a Christo collatam, confirmandumque Catholicum dogma de Sacramenti Poenitentiae existentia ac virtute, tum ad refellendam hæresim Montanistarum, & Novatianorum, quam assertionem ista convellimus, atque explodimus.

PROPOSITIO: Nullum omnino datur peccatum, quod per Poenitentiam expiari, & ab Ecclesia remitti non possit.

In hujus veritatis confirmationem principio afferri possunt innu-mera Testamenti veteris loca, in quibus misericors Deus non uni poenitentium, quantumvis nefandis sceleribus inquinato, pollicitus est, & contulit remissionem. Hujusmodi sunt, quæ laquantur Is. 1. 16. *Lavamini, mundi estote, auferte malum cogitationum vestrarum ab oculis vestris: quiescite agere perverse; & versu 18. Si fuerint peccata vestra ut coccinum, quasi nix dealbabitur; & si fuerint rubra quasi*

*quasi vermiculus, velut lana alba erant. Jeremiæ xxxiv. 3. Revertatur unusquisque a via sua pessima, & propitius ero iniquitati & peccato eorum. Ezech. xviii. 21. Si autem impius egerit pœnitentiam ab omnibus peccatis suis, quæ operatus est, & custodierit omnia præcepta mea, & fecerit judicium & justitiam; vita vivet, & non morietur. Omnium iniquitatum, quæ operatus est, non recordabor; in justitia sua, quam operatus est, vivet. Joëlis ii. 12. Convertimini ad me in toto corde vestro, in jejuniis, & in fletu, & in planctu: & scindite corda vestra & non vestimenta vestra, & convertimini ad Dominum Deum vestrum; quia benignus & misericors est, patiens & multa misericordiae, & præstabilis super malitia. Quæ, aliæque proferunt epist. 52. ad Antonianum S. Cyprianus, prima ac tertia ad Sæmpronianum S. Pacianus Barcinonensis Episcopus, & in duobus libris de Pœnitentia S. Ambrosius. Huc spectant exempla eorum, quibus post nefanda scelera Deus peccata dimisit, & de quibus citata Epist. i. Tom. iv. Bibl. PP. pag. 306. ait S. Pacianus: *Nonne Davidi post cædis & adulterii reatum pro Bethsabæ pœnitenti Propheta respondit, Dominus abstulit a te peccatum tuum? Nonne Babyloniam regem post tot idololatriæ facinora damnatum Exomologesi liberavit? &c.* Accedunt loca innumera, quibus Deus aut pœnitentiam indicit, aut impœnitentibus comminatur æternam mortem: *Nunquam enim (inquit ibidem Pacianus) Deus non pœnitenti comminaretur, nisi ignoscere pœnitenti; & Ambrosius pariter lib. i. de Pœnit. cap. i. num. 4. Quid autem durius, quam ut indicant pœnitentiam, quam non relaxent; cum utique veniam negando incentivum auferant pœnitentiæ? Nemo enim potest bene agere pœnitentiam, nisi qui speraverit indulgentiam.**

Sed quoniam Novatiani minime inficiabantur posse a Deo peccata dimitti, & hanc potestatem denegabant tantummodo Ecclesiæ; refutantur evidentius Evangelicis testimoniis, quibus præced. cap. prop. i. eandem Ecclesiæ potestatem vindicavimus. Neque enim iis verbis, *Quæcunque solveritis, & Quorum remiseritis, &c.* collata Ecclesiæ potestas ad quædam peccatorum genera limitatur; unde prælaudatus Ambrosius cap. 2. num. 10. ita Novatianos exagitat: *In eo igitur patrem vestrum propria damnatis sententia, qui distinctionem peccatorum facitis, quæ solvenda a vobis putetis, & quæ sine remedio arbitremini; sed Deus distinctionem non facit, qui misericordiam suam promisit omnibus, & relaxandi licentiam Sacerdotibus suis sine ulla exceptione concessit.* Idem docet præcitata epist. S. Cyprianus, simulque Novatianos validissimo hoc argumento refellit: *Si invenimus a pœnitentia agenda neminem debere prohiberi; deprecantibus atque exorantibus Domini misericordiam, secundum quod ille misericors & pius est, per Sacerdotes ejus pax potest concedi. Præterea*

ex

ex Evangelicis parabolis ita Pacianus divinam erga omnes misericordiam commendat: *Quid ad illa tot similitudinum dominicorum argumenta respondent? Quod drachmam invenit mulier, & gratulatur inventam; quod pastor ovem reportat erraticam; quod filio revertenti post prodacta omnia bona, & cum meretriciis & fornicariis epotata, pater blandus occurrit, & invidum fratrem offensa ratione castigat, Filius, inquam, mortuus erat, & revixit, perierat & inventus est. Quid ille, in via vulneratus, a Levita & Sacerdote prateritus? Nonne curatur? Revolve quæ Spiritus dicat Ecclesiis. Ephesos deserta dilectionis accusat, stuprum Thathyrenis imputat, Sardos in opere cessantes, Pergamēnos docentes diversa reprehendit, Laodiceenorum divitias inurit; & tamen omnes ad penitentiam satisfactionis invitat. Post hæc verò responsum Novatianorum paullo supra productam ita impetit: Solus hoc, inquit, Deus poterit. Verum est: sed & quod per sacerdotes suos facit, ipsius potestas est. Nam quid est illud, quod Apostolis dicit, Quæ ligaveritis in terris, ligata erunt & in caelis, & quæcunque solveritis in terris, soluta erunt & in caelis? Cur hoc, si ligare hominibus ac solvere non licebat? Ex scripturis itaque divinam misericordiam commendantibus, & penitentiam singulis indicentibus, nec non ex potestate ligandi ac solvendi collata Apostolis, hæresis Novatiana invictè refellitur.*

Præterea demonstratur propositio Ecclesiasticis definitionibus. Exorta quippe Novatiana hæresi, S. Cornelius coacto Concilio sexaginta Episcoporum, mense Octobri anno 251. opinionem Novati declaravit immanissimam, & a fraterna caritate alienam; decrevitque fratres, qui in calamitatem inciderant, curandos esse & conservandos. Eadem Synodo (quamquam duas diversas Romæ a Cornelio celebratas censet Baronius, & qui eum sequitur Labbeus) confirmata fuere decreta Concilii Carthaginensis de lapsis recipiendis, paullo ante, persecutione Decii sopita, coacti opera Cypriani, uti constat ex ejus ad Antonianum epistolis. Collegit etiam Cornelius sententias Episcoporum, qui Romanæ Synodo non interfuerant, per Italiam, & Africam, aliorumque locorum provincias, sicuti libro vi. c. 43. pag. 242. scribit Eusebius, ibique idem Cornelius in Epistola ad Fabium Antiocheum. Hinc eruitur, quæ de Cornelio scribit Hieronymus de Script. Eccl. cap. 66. *Scripsit Epistolam ad Fabium Antiochenæ Ecclesiæ Episcopum de Synodo Romana, Italica, Africana*, accipienda esse, de præcatis sententiis a Cornelio collectis, ut contendit Pagius ad annum 251. num. 26. tametsi alii Italicam Synodum adversus Novatianos celebratam fuisse velint, non minus ac Romanam, & Africanam. Sed aut Episcopi Itali, qui Romano Concilio non interfuerant, alio in loco coadunati sint, ut ad Cornelium suas adversus Novatum sententias mitterent, aut singulatim id fecerint;

con-

constat omnes dogma Catholicum propugnasse. Libellus Synodicus commemorat Synodum Antiochenam Demetrii, in qua legitur depositum Novatum, *ut ista quæque sit, tanquam qui peccatoribus patrocineretur*, ubi vereor, ne desit aliquid. A sæculo autem tertio ad hoc usque semper Ecclesia Novatianos execrata est; ideoque Concilium Lateranense IV. an. 1215. per antiquas definitiones confirmans, *Si post susceptionem Baptismi* (inquit cap. 1.) *quisquam prolapsus fuerit in peccatum, per veram potest semper Pœnitentiam reparari*: ac Tridentinum sess. XIV. cap. 1. *Novatianos remittendi potestatem olim pertinaciter negantes, magna ratione Ecclesia Catholica tanquam hæreticos expulsi atque condemnavit*.

Corroboratur ulterius Catholica veritas testimoniis Patrum: quorum plura producta sunt præcedenti cap. prop. 1. nonnulla Cypriani, Paciani, & Ambrosii paullo supra: quædam mox proferentur. Unius nunc Augustini verba recitabo ex libro de Agone Christiano cap. 31. num. 33. ubi de Novatianis hæc habet: *Nec eos audiamus, qui negant Ecclesiam Dei omnia peccata posse dimittere. Itaque miseri, dum in Petro petram non intelligunt, & nolunt credere datas Ecclesie claves regni celorum, ipsi eas de manibus amiserunt*. Et infra: *Nam quibus veniam peccatorum negant, non eos aliqua sanitate custodiunt, sed agris subtrahunt medicinam*. Idem Augustinus in Epist. ad Vincentium Rogatistam 93. num. 42. invehitur in eos, qui negabant reconciliationem adulteris, *& claves Ecclesie pulsantibus subtrahabant*: cumque lib. 1. de Serm. Domini in monte scripserit aliquod peccatum dari, quod nequit remitti: in priori Retractationum cap. 19. num. 7. tanquam id minus accurate assertum corrigens inquit: *Addendum fuit, si in hac tam scelerata mentis perversitate impius finierit hanc vitam: quoniam de quocumque pessimo in hac vita constituto non est utique desperandum, &c.*

Probatum denique Catholica veritas rationationibus Theologicis: quarum prima petitur ex quo misericors Deus veniam obtulerit peccatoribus scelestissimis, Caino etiam, qui omnium primus fraterna cæde sanguinem effudit humanum: unde Epiphanius hæresi 59. p. 493. infert neminem, *si exciderit, ab Ecclesia deferendum esse*. Quod argumentum, ut diximus, exemplis aliis illustribus, necnon parabolis Evangelicis confirmatur a Paciano. In idem Caini factum intendens animus Claudius Victor lib. 2. in Genesim cecinit:

*At verò nulla est hominis tam dira nefandi
Culpa, Deus quam non animo clemente remittat,
Si modo pœniteat fœli: quod teste Caino
Accipimus, quem tunc fraterna cæde madentem
Arripuit, & leviter tanto pro crimine punit.*

Aliud argumentum petitur ex quo Dominus Ecclesiam suam validissimis

finis adversus portas inferi præsidii instruxerit; nec omnino credendum sit, plus virium ad perdendas animas esse dæmoni per Christi mortem deviſto, quam sit Ecclesiæ ad animas ipsas sanandas: ideoque S. Pacianus Epist. 1. *Habetne*, inquit, *tam diurnum serpens venenum, & Christus non habet medicinam? Diabolus in mundo interficit, Christus hic non potest subvenire?* Ambrosius itidem lib. 1. de Pœnit. cap. 3. num. 14. *Pro quibus ergo Christus interpellat, eos Novatianus damnat ad mortem. Quibus Christus dicit, Tollite jugum meum super vos, & discite a me quia mitis sum, Novatianus dicit, Immitis sum.* Ac S. Hieronymus epist. 82. ad Oceanum pag. 646. tom. 1v. ita loquitur: *Dicit enim esse aliqua, quæ Christus non possit purgare sanguine suo, & tam profundas scelerum pristinorum inherere corporibus atque animis cicatrices, ut medicina illius attenuari non queant. Quid aliud agit, nisi ut Christus frustra mortuus sit? Frustra autem mortuus est, si aliquos vivificare non potest.* His accedunt alia complura, nimirum quod Deus velit, ut Ecclesiæ ministri misericordiam suam imitentur, ut ignoscant omnibus, pro omnibus orent, ne neminem deserant, singulos paternis visceribus complectantur, atque de nullius salute in hac mortali vita desperent, quæ omnia fatis ex dictis perspicua sunt.

OPPOSITIONUM REFUTATIO.

Adversus dogma catholicum ista militant. Ut sunt in veteri testamento quæ exaltant Dei misericordiam, ad pœnitentiam hortantur, & exemplis divinam indulgentiam commoſtrant; ita plura sunt, quæ in gravia, vel in eadem scelera pluries lapsis comminantur indignationem Dei, ac sempiternum interitum, demonstrantque rerum eventu inutilem esse perditissimorum hominum pœnitentiam. Ecclesiasticus enim cap. xxi. 4. semel lapsum ad respicientiam exhortans, *Quasi romphæa*, inquit, *bis acuta omnis iniquitas, plagæ illius non est sanitas.* In Prov. cap. 1. 24. Is. lxxv. 12. & Jerem. vii. 13. testatur Deus se subſannaturum illos, qui irruente repentina calamitate ad eum clamabunt, eo quod aliquando neglexerint increpationes. Amos cap. 1. & 2. Deus de Damasci, Gazæ, Tyri, Moab, & Israel populi repetit: *Super tribus sceleribus, & super quatuor non convertam eum.* De peccatis autem in Deum, & in Sanctuarii ministerio patratitis ita Heli ait ad filios suos 1. Regum 11. 25. *Si peccaverit vir in virum, placari ei potest Dominus: si autem in dominum peccaverit vir, quis orabit pro eo?* Exempli item occurrunt pœnitentiæ iniquorum a Deo reprobatæ: nam de Antiocho legitur in secundo libro Machab. ix. 13. *Orabat autem hic scelestus Dominum, a quo non esset*
Tom. VII. Rrr mise-

misericordiam consecuturus : & de Esau ad Hebr. xii. 17. *Non enim invenit pœnitentia locum, quamquam cum lacrymis inquisisset eam*. Patrocinantur itaque tam veteris Testamenti sententiæ, quàm exempla systemati & doctrinæ Novatianorum.

Respondeo nullum ex his locis suffragari Novatianis ; non enim in eis sermo fit de potestate Ecclesiæ in remittendis peccatis, sed de execrabili impiorum conditione, de atrocitate scelerum, & de falsa aliquorum pœnitentia : ac propterea si hæc loca probarent aliquid, evincerent nec apud Deum crimina atrociora remitti ; quod Novatus nunquam ausus est affirmare. Singula autem adducta loca percurrens dico Ecclesiasticum asserere peccata divinam majestatem irritare, atque homini æternam mortem, ac tale vulnus inferre, cui solus Deus præstare potest gratia auxiliatrice, & sanante medicinam. Quæ sequuntur dicta sunt in reprehensionem eorum, qui perverse sperando (ut inquit S. P. Augustinus serm. 87. de Verbis Evang. cap. 9.) de die in diem differunt conversionem, ac male sperando, & differendo miserrimè pereunt ; quoniam, dum voluntur in flagitiorum gurgite, atque in mortifera delectatione, claudunt sibi metipsis ostium indulgentiæ, & a Deo, quem pervicaciter deferunt, iusto rectissimoque judicio deferuntur. Verba Amos ita explicantur a Hieronymo tom. 3. pag. 1374. *Primum peccatum est cogitasse quæ mala sunt. Secundum cogitationibus acquiescisse perverfis. Tertium, quod mente decreveris, opere complexisse. Quartum post peccatum non agere pœnitentiam, in suo sibi complacere delicto*. Teodoretus, alique ita hunc locum exponunt, quod multiplicata scelera Deum compellunt ad punitionem. Incepcionis Eli planus est sensus ; nam cum Sacerdotes pro omnibus interpellent, si ipsi in Dominum peccaverint, nullus è populo accedit ad altare pro iisdem offerens sacrificia, ut rectè interpretatur hunc locum S. P. Augustinus concione 2. in Psal. 36. & libro 2. contra litteras Petiliani c. 105. Addit S. Pater hæc in lege veteri dicta esse, in qua nobis promittebatur sacerdos, *pro quo nullus possit orare*, idest, Christus ; ceterum tum etiam Sacerdotibus fuisse locum pœnitentiæ, & potuissent unum pro altero hostias offerre. Ambrosius verò in primo de Pœnit. cap. 9. num. 40. scite observat illa phrasi, *Quis orabit pro eo*, queri, non excludi *qui in tali causa orare possit*, exponens hunc locum collatione similitum, ut Psalmo xiv. 1. *Quis habitabit in tabernaculo tuo* ? xxiii. 3. *Quis ascendet in montem Domini* ? Lucæ xii. 42. *Quis fidelis dispensator & prudens* ? Observat præterea, quo major est culpa, eo majora quærenda esse suffragia ; non enim quicumque de vulgo, sed Moyses rogavit pro Judæorum populo, quando vitulum adoraverunt : & Hieremias quoque, licet ei dictum fuerat a Domino, *Noli orare pro populo isto*, oravit tamen, & veniam promeruit.

ruit. Postremò exempla Esau, & Antiochi non sunt ad rem; de Esau enim scribit Chrysostomus Homilia xxx. in Epist. ad Hæbreos: *Non ut oportuit egit pœnitentiam, & pœnituit ut iſta.* Nimirum de amissa hæreditate, non de commissis sceleribus eum pœnituit, sed continuo in Jacobum fratrem suum odio, & invidia contabuit: & insuper Apostoli verba alium patiuntur sensum, Esau nempe non potuisse lacrymis consequi benedictionem paternam: unde ibidem *non invenire locum pœnitentiæ*, est non obtinere id, cujus causa contristabatur; & inquirere *pœnitentiam*, metonymicè idem sonat, ac expetere benedictionem ipsam atque hæreditatem; prout manifestum est legentibus ipsum Apostoli textum, & Genesis xxv 11. 34. Antiochus etiam, ut præcitato Machab. cap. legitur, doluit quoniam *per momenta singula doloribus suis augmenta capientibus fetorem suum ferre non poterat*: unde S. P. Augustinus serm. 343. num. 2. infert, Antiochum non fuisse dignum, cui misericordia a Domino præstaretur.

Opp. 2. Sunt in novo testamento loca quædam expressa & perspicua, ex quibus constat dari aliquod peccatum prorsus irremissibile. Primus locus est Matth. xii. 31. *Omne peccatum & blasphemia remittitur hominibus Spiritus autem blasphemia non remittitur. Et quicumque dixerit verbum contra Filium hominis, remittetur ei: qui autem dixerit contra Spiritum sanctum, non remittetur ei neque in hoc sæculo, neque in futuro.* Similia habentur Lucæ xii. 10. & Marci iii. 29. Alter locus occurrit in Epist. ad Hebr. cap. vi. 4. *Impossibile est enim eos, qui semel sunt illuminati, gustaverunt etiam donum caeleste, & participes facti sunt Spiritus sancti, gustaverunt nihilominus bonum Dei verbum, virtutesque sæculi venturi, & pro lapsi sunt, rursus renovari ad pœnitentiam, rursus crucifigentes sibi metipsis filium Dei, & ostentui habentes.* Tertius habetur in eadem Epistola cap. x. 26. *Voluntarie enim peccantibus nobis post acceptam notitiam veritatis, jam non relinquitur pro peccatis hostia.* Habetur quartus in prima Joannis Epistola cap. v. 16. *Qui scit fratrem suum peccare peccatum non ad mortem, petat, & dabitur ei vita peccanti non ad mortem. Est peccatum ad mortem, non pro illo dico, ut roget quis.* Sunt ergo aliqua peccata prorsus irremissibilia, idest, blasphemia in Spiritum sanctum, apostasia, & peccatum quod a Joanne dicitur *ad mortem*, sive idem cum apostasia sit, sive diversum.

Resp. primum testimonium ex Matthæo depromptum opponi hærcsi Novatianæ: primo, quia si omnis blasphemia, & omne peccatum remittitur, cur hæretici *alligant vincula que non solvunt? cur nodos neclunt quos non relaxant?* inquit Ambros. libro 2. de Pœnit. cap. 4. num. 20. præterea quia si Filius æque ac Spiritus sanctus est Deus, & nihilominus blasphemia in Filium remittitur; igitur non

a gravitate peccati, sed aliunde repeti debet, quod aliquod peccatum non remittatur. Deinde (ut directe respondeam) dico blasphemiam in Spiritum sanctum, quæ nunquam remittitur, juxta Augustinum serm. 71. de Verbis Evangelii Matthæi num. 23. esse *peccatum impenitentia contra donum Dei, & gratiam regenerationis vel reconciliationis, quæ fit in Ecclesia in Spiritu sancto*, E. G. peccatum hæreticorum, & schismaticorum, quos non pœnitet ejus peccati, quo alieni sunt ab Ecclesia Dei; in qua per gratiam Spiritus sancti fit remissio omnium peccatorum. Tale utique peccatum nunquam dimittitur, cum extra Ecclesiam gratia, remissio, & salus haberi nequeant. Tournely de Pœnit. pag. 21. ait juxta Patres alios, præfertur Hieronymum in Matth. Pacianum, & Ambrosium cit. loc. blasphemiam in Spiritum sanctum eam esse, qua veritas manifesta impugnatur, & Christi miracula dæmoni tribuuntur; videri autem interpretationem Augustini falsam esse, quia nec blasphemia in Filium remittitur, si cum impenitentia finali sit conjuncta. Idem scripserat Bellarminus lib. 11. de Pœnit. cap. 16. sed (quod honore debito dictum sit) non videntur prælaudati viri Augustinianam doctrinam, assecuti. Non enim docet S. Pater blasphemiam in Spiritum sanctum esse duataxat impenitentiam finalem; sed docet blasphemiam in Spiritum sanctum esse dividi a Christo, & velle extra unitatem corporis ejus remissionem peccatorum, ita, ut si quis ab Ecclesia separatus agat penitentiam, & non redeat ad unitatem, nequaquam salvari possit: unde citato sermone 71. hæc subjicit: *Si quemquam extra Ecclesiam suorum pœniteat peccatorum, & hujus tanti peccati, quo alienus est ab Ecclesia Dei, cor impenitens habeat, quid ei prodest illa penitentia, cum isto solo verbo dicat contra Spiritum sanctum, quo extraneus est ab Ecclesia, quæ accepit hoc donum, ut in ea in Spiritu sancto fiat remissio peccatorum?* Et epistola ad Bonifacium 185. alias 50. exponens quale sit peccatum, quod nunquam dimittitur, inquit: *Hoc est autem daritias cordis usque ad finem vite, qua homo recusat in unitate corporis Christi, quod vivificat Spiritus sanctus, remissionem accipere peccatorum.* Similia habet cap. 82. Enchiridii num. 22. Igitur in sententia Augustini vere, ac proprie nunquam blasphemiam in Spiritum sanctum dimittitur, quia nunquam est particeps divinæ caritatis qui hostis est unitatis, & neminem extra corpus Ecclesiæ vivificat Spiritus sanctus; sed qui in Ecclesia est, tametsi dicat blasphemiam in Filium, si pœniteat, veniam consequitur quærens Spiritum sanctum in corpore Christi; dum e contra ab Ecclesia alienus, repugnans gratiæ, & non rediens ad corporis unitatem, vivificari nequit Spiritu Christi, qui est Salvator tantummodo corporis sui. Arbitror eadem cum Augustino sentire beatum Ambrosium: qui posteaquam præcit. cap. 4. ait blasphemiam in Spiritum sanctum esse illo-

illorum iniquitatem, qui dixerunt in Beelzebub Christum dæmonia ejicere; docet in iis eos designari, qui *membra Christi discerpunt, & separant Ecclesiam Domini*, additque num. 24. in horum numero comprehendi omnium temporum hæreticos & schismaticos, quibus indulgentiam negat; quod omne peccatum circa singulos est, hoc in universos. Soli enim sunt, qui volunt solvere Christi gratiam, qui Ecclesie membra discerpunt, propter quam passus est Dominus Jesus, Spiritusque sanctus datus est nobis. Hinc vero non sequitur, ut dicam paullo infra, irremissibilia esse schismaticorum, hæreticorumque peccata; sed tantum sequitur remissionem non haberi extra Ecclesiam. Puto etiam Augustinianam expositionem plurimum Evangelico textui cohærere: nam Dominus arrepta occasione dæmonii a se ejecti demonstrat pervenisse ad nos regnum Dei, alligari a se fortem, & diripi domum ejus, atque omnes, qui a se segregantur, stare contra se; his autem expositis, statim subjicit quæ supra objecta sunt: *Idcirco dico vobis, Omne peccatum, & blasphemia, &c. Quænam est ergo blasphemia in Spiritum sanctum irremissibilis, nisi eorum prævicacia, qui ad regnum Beelzebub, domumque direptam, idest, extra Ecclesiam confugientes putant salvari, ubi non est salus, atque ex arbore mala percipere fructum bonum? Hæc autem dicta sint de Augustiniana interpretatione, quæ utique plana est, atque omnino dirimit objectionem. Ceterum si velimus blasphemiam in Spiritum sanctum in præcitato Matthæi textu esse perverciaciam illorum, qui manifestam veritatem oppugnant, & Christi miracula tribuunt virtuti dæmonum: (quod utique ob auctoritatem aliorum Patrum asseritur recte, neque a nobis refellitur) duplici ex causa dicitur peccatum istud irremissibile: primum quia hujusmodi peccatum neque ex ignorantia, neque ex infirmitate procedit, ideoque non habet illam spem resipiscentiæ, quæ oritur ex veritatis assecutione, per quam depellitur ignorantia, atque ex depressione terrenarum cupiditatum, per quam sanatur infirmitas. Deinde quia hebraica, phrasi dici solet, *Hoc fiet, istud vero non fiet*, ad commostrandum multo esse difficilius id, quod posterius ponitur, ut Isaïæ LIV. 10. *Montes commovebuntur & colles contremiscent: misericordia autem mea non recedet a te*; & Matth. v. 18. *Donec transeat calum & terra, aut xxiv. 35. Calum & terra transibunt, verba autem mea non præteribunt*. Ad hunc modum Virgilius Eccl. 1.*

Ante leves ergo pacentur in æthere cervi,

Et freta desiliunt nudos in litore pisces:

Ante pererratis amborum finibus exul

Aut Ararim Parthus bibet, aut Germania Tigrim.

Planus ergo verborum quæ obijciuntur sensus est, peccatum apertissimam veritatem negantium ceteris difficilius remitti: unde
in

in hunc locum Chrysostomus Hom. 42. pag. 391. *τί νῦν ἰσὺς ὁ θεός; ἐν ὁρίσῳ λέγεται ὁ ἀμαρτία ἀνθρώπου. Quid igitur est, quod dicit? Significare voluit, prae omnibus hoc peccatum minus esse ignoscibile.*

Aterius loci sensus est, illos, qui semel per sacramentum baptismi renovati sunt, si rursus in peccata labantur, non posse repetito baptismo consequi amissam regenerationis gratiam; quoniam sicuti Christus semel mortuus est, ita semel in baptismo conscriptus in Christo; ejusdemque baptismatis iteratio est maxima injuria facta Domino, quasi semel affixus cruci rursus mori debeat ad exhaurienda peccata. Id vero non facit, quin patrata a baptizatis crimina deleri possint per Pœnitentiam; semel enim renascimur, & innovamur, sed liberari a vetustate, ac sanari possumus iterum, iterumque; quemadmodum & carne semel gignimur, semel nascimur, perditam autem valetudinem sæpe sapius instauramus. Tradit hanc responsum S. Epiphanius h. 59. pag. 495. S. Joannes Chrysostomus Hom. 1x. in Epist. ad Hebræos, & S. Ambrosius lib. 2. de Pœnit. cap. 2. num. 8. eamque legitimam esse iidem Patres ostendunt. Nam Epiphanius advertit Apostolum loqui adversus eos, qui Judaicis moribus assueti volebant baptismum identidem usurpare, (quod constat ex principio ejusdem capituli sexti) illorumque pœnitentiam, & saniora consilia ipsum Apostolum confidenter expectere, prout apparet ex versu nono, & sequentibus. Chrysostomus insuper expendens ea verba, *Rursum crucifigentes sibi metipsos filium Dei*, demonstrat hæc quadrare in baptismum, in quo crucifigitur vetus homo, in quo conscriptus sumus cum Christo in mortem, & in quo conformes facti sumus similitudini mortis ejus, sicuti ad Rom. vi. & ad Ephesios iv. scribit ipsemet Paulus. Eadem Ambrosius repetit, addens Apostolum, qui donavit Corinthiis peccatum per pœnitentiam, non potuisse adversus factum suum prædicare, propriamque sententiam reprehendere. Inconculsa est itaque hæc responsio; quamquam nonnulli malint aliam adhibere, scilicet, quod in Epistola ad Hebræos Paulus sermonem instituat de crimine apostasiæ, quod perraro & difficulter ob causas paullo supra productas dimittitur; adco, ut *impossibile* dicatur ab Apostolo quod arduum, & difficillimum est, usitata in sacris litteris phrasi, ut diximus lib. 2. cap. 6. explicantes quot modis dicatur aliqua res *impossibilis*.

Valet præcitata responsio ad solvendum quod objicitur tertio loco. In cap. enim x. ejusdem Epistolæ nomine *bestiæ* intelligitur mors & passio Christi, cui in baptismo configuramur. Audiat S. Joannes Chrysostomus Hom. xx. pag. edit. Commel. 1884. *Hic rursus nos adorantur, qui tollunt pœnitentiam, & quicumque cunctantur venire ad baptismum. Hi quidem dicunt non esse eis tutum venire ad baptismum, siquidem non est secunda remissio: illi vero dicunt non esse*

esse tutum eos, qui peccaverunt, impertiri mysteriis, siquidem non est secunda remissio. Quid ergo dicemus utrique? Quod hic non tollit pœnitentiam, neque eam, quæ per pœnitentiam fit, placationem; neque expellit, aut dejicit per desperationem eum qui lapsus est. Non est utique adeo inimicus nostræ salutis: sed secundum anfert lavacrum. Non enim dixit, non est amplius Pœnitentia, neque est amplius remissio; sed, non est amplius hostia, hoc est, non est amplius crux secunda: hoc enim vocat hostiam, &c.

Quod opponitur ex epistola prima Joannis, solvitur ab Augustino lib. de Corrupt. & gratia cap. 12. num. 35. dicendo peccatum illud esse *Fidem, quæ per dilectionem operatur, deserere usque ad mortem*. Enimvero de quocunque pessimo peccatore in hac vita constituto non est desperandum; nec pro illo imprudenter oratur, de quo non desperatur. Quamquam vero de peccato ad mortem possunt multa & diversa sentiri, ut ibidem ait Augustinus; videtur tamen hæc responsio ceteris præferenda, quod plana sit, expedita, necnon confirmata canone quinto secundæ Nicænæ, sive VII. Synodi: *Peccatum ad mortem est quando quidam peccantes incorrupti persistunt*.

Opp. 3. Per multa sunt testimonia Patrum asserentium peccata regeneratorum esse irremissibilia, apostasiam præsertim, & blasphemiam in Spiritum sanctum, manifestæ scilicet veritatis oppugnationem; aut si Pœnitentiæ locum dedere, ejus vim denegarunt comparatè ad peccata graviora, & post consecutam semel remissionem perpetrata. Hermas enim, Pastor dictus, similitudine VII. libri III. pag. 110. de iis, qui Deum abnegaverunt, inquit: *His igitur non est locus pœnitentiæ*. Tertullianus de Padicitia cap. 1. de quodam edicto promulgato a Zephyrino Pontifice scribit: *Audio etiam edictum esse propositum, & quidem peremptorium; Pontifex scilicet Maximus, quod est Episcopus Episcoporum, edicit: Ego & mæchia & fornicationis delicta pœnitentia functis dimitto. O edictum, cui adscribi non poterit, Bonum factum! De Pœnitentia autem cap. 7. Collocavit (inquit) Deus in vestibulo pœnitentiam secundam, quam pulsantibus patefaciat; sed jam semel, quia jam secundo, sed amplius nunquam, quia proxime frustra*. Auctor Constitut. Apost. I. 2. cap. 23. pag. 233. ait: *Si quis instructa veluti acie rebellis delinquat tentans Deum quasi malos non insectantem; hujusmodi veniam carebit*. Origenes & Theognostus laudati a S. Athanasio Epist. ad Serapionem num. 9. docuerunt illos, quibus in baptismo Spiritus sanctus tribuitur, si ad peccata redeant, non consecuturos remissionem: idemque Athanasius proximo num. 12. approbat sententiam illam, si restringatur ad blasphemiam in Spiritum sanctum; quam proximo num. 16. adscribit Phariseis, qui aiebant Beelzebulis esse Christi opera, nec erubescabant in diabolum transferre Dei testamentum

tem, concludens jure merito Salvatorem declarasse, quod istiusmodi blasphemia nec veniam habeat nec remissionem. S. Cyprianus in lib. de lapsis pag. 379. demonstrat nec Moysen pro peccatis populi orantem obtinuisse peccatoribus veniam, atque his insuper applicat quæ leguntur Ezech. xiv. 20. Si *Noë, Daniel, & Job fuerint in medio ejus, vivo ego, dicit Dominus, quia filium & filiam non liberabunt.* S. Pacianus Epist. 3. tom. iv. Biblioth. Patrum pag. 312. postquam ait blasphemiam in Spiritum sanctum esse cæcitatem, qua impius non vult videre quod videt, deputatque diabolo sancti-Spiritus opera, *Hoc est ergo (inquit) quod non dimittetur; reliqua bonis penitentibus, frater Symproniace, domantur.* Ambrosius etiam lib. 2. de Pœnit. cap. 4. num. 24. testatur hæreticis, & schismaticis denegari indulgentiam, prout diximus paullo supra: atque de lapsu Virginis consecratæ cap. 8. num. 38. *Inbare, inquit, penitentia usque ad extremum vita, nec tibi præsumas ab humana de veniam dari, quia decipit te qui hoc tibi polliceri voluerit. Quæ enim proprie in Dominum peccasti, ab ipso solo te convenit in die judicii expectare remedium.* Postremo S. Hieronymus in cap. xii. Matth. tom. iv. pag. 50. scribit: *Qui autem manifeste intelligent opera Dei, quum Dei virtutem negare non possit, eandem stimulatus invidia calumniatur; & Christum Dei que Verbum, & opera Spiritus sancti, dicit esse Beelzebub; isti non dimittetur neque in presenti saculo, neque in futuro.* Et Epistola ad Marcellam eod. Vol. pag. 164. demonstrat adversus Novatianos verbum in Spiritum sanctum non esse culpam illorum, qui tormentis compulsi, & variis eviscerati cruciatibus Dominum negant, sed eorum, qui cum in virtutibus videant opera Dei, calumniantur, & clamitant dæmonis esse virtutem. Atque istorum peccatum fatetur irremissibile his verbis: *Probet itaque Novatianus aliquem de his, qui sacrificare compulsi sunt ante tribunal judicis, respondisse omnia, quæ in Evangelio scripta sunt, non a filio Dei, sed a Beelzebub principe dæmoniorum fuisse perfecta; & tunc poterit approbare irremissibilem in Spiritum sanctum esse blasphemiam.* Et paullo infra: *Doceat igitur aliquem negatorem Beelzebub vocasse Christum, & altro referam gradum, negatorem non posse veniam consequi post ruinam.*

Resp. Patres, qui peccata aliqua dixerunt *irremissibilia*, aut locutos fuisse de iis, qui peccare nunquam desistunt, aut de iis, qui deficientes a Christo degunt inter Ethnicos, vel propter hæreses vel schismata separatos, aut locutos de iis criminibus, quæ non infirmitate, aut ignorantia, sed plena & prorsus inexcusabili perversitate patrantur, ideoque dicuntur *irremissibilia*, quia in se nihil habent excusationis, & quia difficilius, quam peccata reliqua, condonantur. Hanc esse mentem Pastoris inde constat, quod eadem similitu-

dine

dine 8. posteaquam descripsit plura genera hominum, qui iusto iudicio deferuntur a Deo, & traduntur in reprobum sensum, concludit: *Qui sic cito pœnitentiam egerint, in turri sedem habebunt; si vero tardius egerint, in muris habitabunt; si autem non egerint, mortem sibi acquirunt.* Hermas itaque de impœnitentibus & perversicacibus verba facit. Idem præstat Pseudo-Clemens, sive Auctor Constitut. Apostolicarum; quamvis huic diversi diversa reponant. Post objecta enim verba immediate prosequitur, *Venia carebit, licet secum ipse dicat, Bene mihi sit, ambulabo in consuetudine cordis mei pravi; qualis existit Amon Manassis filius.* At enim Scriptura: *Et decepit se Amon mala cogitatione transgressionis, & dixit, Pater meus a puerulo multa inique egit, & in senectute pœnitentia ductus est: & nunc ego ambulabo prout desiderat anima mea, & postea ad Dominum me convertam.* Amon vero in hac perversa cogitatione, insidiis servorum interfectus est, ut lib. 1v. cap. 21. narrat sacra Regum historia. Legitur in Constitutionibus Apostolicis initio ejusdem capituli: *Gravius delictum idololatria non reperitur; est enim in Deum impietas: nihilominus tamen & illud per sinceram pœnitentiam condonatum est.* Quæ verba e diametro Novatianæ hæresi sunt opposita. At Tertullianus, cum edidit librum de Pudicitia, jam defecerat ad Montanistas: quare hujus libri auctoritate nullatenus permovemur, tametsi de solo mœchiæ crimine differat, & disciplinam Ecclesiæ lapsos recipientis, quam alibi commendaverat, non vim pœnitentiæ ibidem reprehendat. In libro autem de Pœnitentia demonstrat non ideo hanc esse institutam, ut pateat aditus delinquendo, præmittens præclaram illam sententiam: *Nemo idcirco deterior sit, quia Deus melior est, totiens delinquendo, quotiens ignoscitur.* Hinc infert pœnitentem ita debere esse comparatum, ut semel Deo reconciliatus, nunquam prævaricaretur in posterum: atque de his, qui iterum deliquerint, e vestigio prosequitur: *Verum non statim succidendus, ac subruendus est animus desperatione, si secunda quis pœnitentia debitor fuerit: pigeat sane peccare rursus, sed rursus pœnitere non pigeat: pigeat iterum periclitari, sed non iterum liberari. Neminem pudeat. Iterata valetudinis iteranda medicina est.* Origenis & Theognosti sententiam officiose præterire possumus, maxime quod num. 12. prælaudatæ ad Serapionem epistolæ scribat Athanasius, *ambiguam illam esse, atque indigere mediocri quadam inquisitione.* Deinde respondeo ab Origine, & Theognosto duo affirmari, auctore citato, in loco Athanasio, primum blasphemiam in Spiritum sanctum esse, cum ii, quibus in baptismo donum Spiritus sancti tribuitur, ad peccata recidunt, *ὅτι ἐν καθάρσει ἐν τῷ βαπτισμῶτι τῆς χάριτος τοῦ ἁγίου πνεύματος, παλαρμένονος ὡς τὸ ἁμαρτάνειν*, alterum hos remissionem minime consecuturos, *οὐδὲ ἄρτι αὐτοὺς λυτῶσαι.* Ac prior hujus sententiæ pars refellitur ab

Athanasio num. 12. & 13. quoniam blasphemiae in Spiritum sanctum accusantur Pharisei, qui lavacrum regenerationis non acceperant; & Paulus Corinthium, qui post baptismum peccaverat, poenitentem in caritate firmavit, iterumque reformare studuit Galatas retrorsum abeuntes: quod, ut mox dicam, asseruit itidem ad Marcellam scribens Hieronymus. Quod vero baptizatorum peccata non remittantur, Origenes non absolute affirmavit, sed comparate ad peccata eorum, qui delinquant ante susceptum baptismum, attendens ad disciplinam, qua olim lapsi rejiciebantur a fidelium communione; nam lib. 3. contra Celsum pag. 154. edit. Cantabr. hæc de Deo scribit: *Qui peccata sua damnant toto peccatore, seque ipsos desunt ac lu-
gent tanquam ob malefacta merito perditos, ac mox mutationem
præferunt, quæ respicientes deceat, eis demum propter mutatam
in melius mentem condonat errata præterita.* Idem verò credendum est fensille Theognostum, cujus opera perierunt. De Cypriano, quoniam de veteri disciplina, non de potestate Ecclesiæ eo in libro pertractat, dicam cap. xv. Quantum ad Athanasium, qui blasphemiam in Spiritum sanctum appellat *irremissibilem*, id S. Doctor pronunciat supposita conditione, quod hujus criminis rei in pervicacia persistant, quod utique ob malitiæ perversitatem ut plurimum contingit. Etenim eadem Epistola num. 22. blasphemiam illam adscribit etiam Ariani, qui cum cernerent Dominum divina opera facientem, illum creatis rebus adnumerabant; affirmatque Ariatorum & Phariseorum errores inter se collatos esse conformes, & utrosque in vallem amaræ stultitiæ confertim esse collapsos, additque num. 23. illis verbis, *Qui
vero dixerit adversus Spiritum sanctum, non remittetur ei, decla-
rasset Dominum, tam illis, quam illis nullam fore supplicii debiti re-
missionem.* Et nihilominus Athanasius in Synodo Alexandrina, cui interfuerunt Eusebius Vercellensis, Asterius Arabs, & Episcopi ex Aegypto quamplurimi, anno 362. decrevit Arianos esse recipiendos, modo ejurent hæresim, & Nicenam fidem amplecterentur. Vide Athanasii Vitam præmissam editioni Maurini pag. lxxix. Censuit ergo Athanasius blasphemiam in Spiritum sanctum, accedente poenitentia, remitti: omnemque dubitationem eliminat, dum in libro de communi Essentia Patris, Filii, & Spiritus sancti num. 49. ait: *Sunt alii, qui in Spiritum sanctum impugnant, qui scilicet in
Christi deitatem blasphemiam dicunt, ajuntque, In Beelzebub prin-
cipe demoniorum, ejicit demonia.* De istis intelligendum est, quod ait: *Non remittetur neque in præsentis sæculo, neque in futuro.* Quia & hoc observandum est, non dixisse Christum blasphemanti, & poenitentiam agenti remissionem dandam non esse, sed blasphemanti, idest, in blasphemia perseveranti. Quandoquidem nullum est peccatum irremissibile apud Deum illis, qui vere ex animo, & ut par est poeni-

penitentiam agunt. Idem de S. Paciano asserendum est: qui enim nolunt videre quæ vident, sunt inpenitentes, & sponte in malo obdurati. Quare ibidem monetur lector, ne Paciani verba pravo accipiat sensu, cum eadem Epistola demonstret Ecclesiæ potestate quælibet peccata remitti, extendi hanc potestatem ad omnia crimina quantumvis gravia, & Novatianos aperte refutari Dominica sententia, *Quæcunque solveritis, erunt soluta*; siquidem, ait ibidem Pacianus, *Cum Christus hæc dixit, nihil excepit, non magna, non modica peccata.* Ad Ambrosium quod attinet, sunt qui ajunt dixisse blasphemiam in Spiritum sanctum irremissibilem *figura concessionis*; neque enim evincerent Novatiani quælibet graviora crimina baptizatorum non posse relaxari ab Ecclesia, etiam si gratis daretur unum tantum inveniri scelus inexcipiabile. Præterea Joannes Morinus libro. ix. de Pœnit. cap. 28. num. 6. 7. & 8. non veretur concedere tam Ambrosium, quam alios Patres, etiam cum Ecclesiæ auctoritatem amplificant, & videntur nullum peccatum excipere quod nequeat ab illa condonari, in universali assertionem non comprehendere unum illud prævaricationis crimen, quod in Evangelio appellatur verbum contra Spiritum sanctum. Neutram vero responsionem probo. Nam Ambrosius lib. 1. de Pœnit. c. 2. n. 5. de Novatiani ait: *Si unum tantum crimen exciperent sacrilegii, cui veniam negarent, dare quidem, sed tamen divinis tantum redargui viderentur sententiis, assertionibus tamen suis convenirent.* Dominus enim nullum crimen excepit, qui peccata donavit omnia. Non ergo Ambrosius concedit unum aliquid scelus inexcipiabile; sed ait duntaxat, fore tolerabiliorem, suisque principiis & ratiocinationibus magis consentaneam sententiam Novatianorum, si irremissibile dicerent unicum tantum crimen; quamquam & id nimis dure affirmaretur, ac posset divinis testimoniis revinci. Immo eodem cap. iv. lib. 2. de Pœnit. ubi Ambrosius inquit denegari indulgentiam hæreticis, quos reos censet blasphemiae in Spiritum sanctum, blasphemiam ipsam plurimis Judæorum condonata fuisse fatetur. Ipse denique Morinus in Admonitione ad Lectorem posterius addita testatur nullum revera dari peccatum prorsus irremissibile, ac Patres accipiendos de quibusdam circumstantiis, propter quas Deus interdum subtrahit impiis pœnitendi auxilia. Rejctis itaque responsionibus istis, dico S. Ambrosium cap. 4. lib. 2. de Pœnit. asserere irremissibile crimen hæreticorum, quoadusque vivunt *extra unitatem Ecclesiæ*, ut supra dixi mentem S. P. Augustini explicando. Asserens namque ad exprobrandum crimen discerpentium membra Christi Evangelicam sententiam, *Aut facite arborem bonam, & fructum ejus bonum: aut facite arborem malam, & fructum ejus malum*; quæ legitur eodem capite xii. Matth. ubi de blasphemia in Spiritum sanctum fit sermo, *Arbor itaque* (ait Ambro-

bus) congregatio est, fructus bonæ arboris filii Ecclesiæ sunt: ac statim orationem convertens ad Novatianos, *Et ideo, inquit, reverentissimi ad Ecclesiam, si qui vos separastis impie; omnibus enim conversis pollicetur veniam, quia scriptum est, Omnis quicumque invocaverit nomen Domini, salvus erit. Denique etiam Judæorum populus, qui dicebat de Domino Jesu, Daemonium habet, qui dicebat, In Bethsabee ejecit demonia, qui crucifixis Dominum Jesum, Petri prædicatione vocatur ad baptismum, ut sceleris tanti merita deponat.* Igitur manifesta res est, S. Ambrosium appellasse inexcusabile hæreticorum scelus pro eo tempore, quo segregantur a Christi membris, eundem Ambrosium consentire Augustino in explicanda blasphemia contra Spiritum sanctum, utrique assentiri Athanasium; nullamque in istorum Patrum sententiis remanere, præmissa Augustiniana doctrina, speciem difficultatis. In ejusdem Ambrosii libro de lapsu Virginis nulla offenditur difficultas, si attendatur severa illius temporis disciplina denegandi in vita indulgentiam prolapsis in execranda flagitia. Nil ergo aliud innuit S. Doctor, nisi mulierem illam, Susannam nomine, quæ post promissam ad aras virginitatem, sæpius ab impudico adolescente vitata, cum maxima plurimorum offensione, & cum summo generis sui dedecore conceptum infantem dicebatur necasse, debere in pœnitentia ad extremum usque vitæ persistere. Ceterum eo in libro lapsam ad pœnitentiam stimulus lenis, eamque ita alloquens, *Sed tu, quæ jam ingressa es agonem pœnitentiæ, insiste misera; fortiter inhare tanquam in naufragiis tabule, sperans per ipsam te de profundo criminum liberari;* hæc, inquam, auctor scribens. demonstrat quam alienus sit ab hæresi Novatiana. Atque hinc etiam apparet eos falli, qui ob apprehensam hæreseos vestigia eundem librum abjudicarunt Ambrosio, cum Riveto, Coco, Erasmo, & aliis; de quibus legenda *Admonitio* Patrum S. Mauri tom. 2. pag. 304. Postremo S. Hieronymus *Comment. in Matth. & in Epistola ad Marcellam* scribit utique blasphemiam in Spiritum sanctum nunquam remitti, sed hypothese facta, quod improbi in perversitate permaneant, ut faciunt sæpenumero qui peccant non ignorantia, aut infirmitate, sed sola perversitate malitiæ: non enim Hieronymus ignorabat, quæ adversus Novatianos ipse scripsit in præcitata ad Oceanum Epistola. Addo Hieronymum in Ep. ad Marcellam demonstrare adversus Novatianos blasphemiam in Spiritum sanctum non esse quodlibet mortiferum crimen baptizatorum: quod egregie probat iisdem fere argumentis, quibus in Epistola ad Serapionem usus est Athanasius, nimirum, quia Judæi de nece Domini cogitantes tali peccato non fuissent obstricti; & quia Petrus Apostolus ancillæ interrogatione perterritus Dominum negavit, & tamen flevit amare, ac trinam negationem trina postea confessione delevit, *Unde vero*

Hiero-

Hieronymus infert falli Novatianos, qui blasphemiam in Spiritum sanctum lapsis omnibus impingebant, cum proprie blasphemia illa sit scelus eorum, qui Beelzebub vocant Christum, omniaque in Evangeliiis tradita adscribunt principi demoniorum. Atque de hac etiam re ait fuisse *prolixius differendum*, commonstrans se Novatianorum alucinationem refutasse, prætermissa quæstione, Quo pacto blasphemia in Spiritum sanctum sit irremissibilis, de qua interrogatus non fuerat a Marcella. Hæc vero nos ad objecta Patrum testimonia respondemus: num recte, penes illos iudicium sit, qui non solum Theologicas dissertationes, verum etiam ipsorum Patrum scripta perlegerint.

C A P U T IV.

Quid de prima Pœnitentiæ parte, idest, Contritione tradant unanimi sensu Doctores Catholici.

Diximus supra cum Tridentinis Patribus sess. xiv. cap. 3. esse *quasi materiam* huius Sacramenti tres pœnitentis actus, Contritionem, scilicet, Confessionem, & Satisfactionem: in quo Catholici omnes conveniunt, etiam si disceptare soleant Scoti, ac S. Thomæ discipuli, num hi actus sint sacramenti materia, ut inquirunt, *intrinseca*, an *objectiva*, seu extrinseca tantum. Horum itaque dissidium Scholasticis exercitationibus indefinitum relinquens Synodus sacrosancta, caute actus illos, non materiam, sed *quasi materiam* appellavit, tradiditque requiri actus ipsos in pœnitente ad integritatem sacramenti, & ad plenam, perfectamque remissionem peccatorum. Mens enim ejusdem Synodi erat perstringere Novatorum errores, ac præsertim Lutheranorum, qui duas tantum Pœnitentiæ statuerant partes, *terrores conscientie incussos agnito peccato, & fidem conceptam ex Evangelio, seu absolutione, qua quis credit sibi remissa esse peccata*. Hanc hæreticorum doctrinam expressam articulo xli. confessionis Augustanæ, ipsa Tridentina Synodus canone iv. ejusdem sessionis ferit anathemate. Illa namque hæreticorum assertio multiplex ex capite falsa est; ac primo male pœnitentiæ partem vocat incussos terrores; male etiam his adnumerat fidem; male absolutioni adtribuit munus Evangelii; male denique confessionem peccatorum, & satisfactionem explodit. Hæc tamen coacti sunt hæretici evomere, repentes justificationem a sola fide.

Principio itaque conveniunt Catholici in tribus illis partibus constituendis, requirentes ex parte pœnitentium contritionem cordis, confessionem oris, atque satisfactionem operis. Etenim cordis

con-

contritionem; etsi male in incusso terrore constituunt, necessariam tamen agnoscunt iidem hæretici, eamque commonstrant loca Scripturæ producta priori in capite, atque paullo post repetenda. Cetera duo studiosius suis in locis tradentur. Omnia tria simul comprobabat ratio Sacramenti, quod per modum iudicii institutum est; & in quo peccatoris resipiscentia atque dolor necessariò requiritur ad vitæ emendationem, & tanquam obtinendæ reconciliationis dispositio: peccatorum confessio præmittenda est, ut iudex cognita causa sententiam proferre possit; satisfactio denique, ut injuria Deo illata compensatione aliqua reparetur. Præterea tres ipsas partes commemorat S. P. Augustinus scribens in Psalmum cxlv. v. 3. *Sanat contritos corde, sanat confitentes, sanat seipfos punientes*. Partes eadem viri docti permultis rationibus comprobant. Quidam ajunt peccatores contritione Deum, confessione Ecclesiam, satisfactione proximorum sibi metipsis conciliare. Alii penitentem filio prodigo comparant, qui vitam pristinam detestatus, & ad pedes patris provolutus, sese hujus disciplinæ subjiciens tres illos actus præmonstravit. Hos nonnulli explicant exemplo Publicani, de quo legimus dolore percussum noluisse oculos ad cælum levare, se accusantem clamasse, *Deus propitius esto mihi peccatori*; pectusque tundentem suum exhibuisse opera penitentiae. Afferunt scripturarum interpretes penitentiam Ninivitarum, quibus Jonas contritionem indicens ait, *Convertatur vir a via sua mala*; confessionem insinuans inquit, *Et clament ad Dominum in fortitudine*; & satisfactionis præscribens opera dixit, *Operiantur farris homines, & jumenta*. Sunt & qui docent peccatorem domi mortuum esse cum filia Archisynagogi: in foribus cum filio viduæ, & in sepulcro cum Lazaro: revocari autem ad vitam domi per contritionem, in foribus per confessionem, in sepulcro per satisfactionem. Sed horum plura symbolica sunt potius, quam firma & inconcussa argumenta.

Nos ergo iis, quæ priori loco proposita sunt, addemus aliqua; duas illas penitentiae partes ab hæreticis constitutas perspicue oppugnantia. Ac principio *terrores incussi* non sunt contritio, sed illud potius, unde contritio nascitur; quamvis hæc non uno ex capite oriri possit. Deinde contritio ac penitentia virtus est, non quatenus importat necessariam, ineliberatam, & extrinsecus proveniente[m] *passionem*; sed prout dicit motum aliquem liberum, rectamque voluntatis electionem. Vide S. Thomam 3. p. q. 85. art. 1. ad 2. At terror incussus *passionem* dicit, externa poenarum intimatione excitatam, non electionem, non propositum voluntatis, non liberum aliquem motum: igitur terror ipse neque penitentiae, neque contritionis, neque virtutis alicujus rationem habere potest. Docent præterea hæretici nasci terrores, quos *contritionem* appellant, cum verbo Dei redar-

redarguuntur peccata . Cur autem peccata arguuntur , nisi ut peccator percipiens patratorem a se criminum scditatem , debitumque supplicium , concutatur timore ? Terrores igitur illi ex culpae discussione , suppliciiue atrocitate peccatoribus incutiuntur . At per hreticos , quos oppugnamus , dolor proveniens ex terrore , poenarumque formidine , non poenitentem aliquem facit , sed hypocritam magis & peccatorem . Igitur terrores illi nequeunt , in hreticorum sententia , salutaris poenitentiae partem esse . Insuper si terrores pars poenitentiae dicendi sunt , quoniam Evangelium redarguens peccata , terrores incutit : cur poenitentiae pars non erit spes , cum Evangelium gratiam remissionemque promittens spem excitet ? cur non caritas , cum hanc Evangelium praecipiat ? Cur non virtutes aliae , ad quas nos Evangelium hortatur ? Recte Andreas Leodius in Harm. Confess. Augustanae p. 235. *Si ita philosophari oporteat* (quemadmodum philosophantur hretici , dum statuunt duas illas poenitentiae partes , terrores incussos , quia Evangelium arguit peccata , & fidem , quia docet propter Christum remitti) *cur pariratione spem , caritatem , Dei timorem , temperantiam , castitatem , ceterasque virtutes non faciunt esse poenitentiae partes ?*

Idem asserimus de fide , quam ad remissionem peccatorum esse necessariam Catholici omnes fatentur , sed poenitentiae partem esse iure negant . Non enim sequitur , *Fides ad poenitentiam praequiratur : ergo fides poenitentia pars est* ; sicuti non tenet illatio ista , *Cognitio dilectionem praecedit : igitur cognitio est dilectio , aut pars dilectionis* . Inepte etiam ratiocinantur hretici , dum ajunt , *Fides est primum gratiae donum , quod in peccatore causat poenitentiam : igitur fides est poenitentia pars* ; quemadmodum ineptissime quis ratiocinaretur ad hunc modum , *Deus est rerum creatarum effectrix causa ; ergo & pars earumdem* . Ipsis quoque hreticorum principiis doctrina eorum subruitur . Primum quia fidem post terrores incussos enumerant . Qui autem non credit Deum iniquis indignari , eosque perdere in gehennam ; nec Dei timet indignationem , nec gehennae sempiterna supplicia . Fides itaque praecedat , non subsequatur incussionem terroris . Docent praeterea hretici veram fidem in peccatore non esse : quando igitur peccatori offertur per Evangelium remissio , quomodo potest credere , & justificari per fidem ? Rursus asserunt oportere , ut peccator credat fide per caritatem formata ; alibi vero propugnant fidem caritate formatam nunquam in peccatore inveniri ; aliis itidem in locis hominem justificari absque caritate , & absque ullo opere per solam fidem . Quisnam maximam hic non miretur incoharentiam ? Enimvero si proponente Evangelio remissionem peccatorum iniquus habeat fidem caritate formatam ; necessum est , ut sit iustus priusquam ei tribuatur remissio : si fides illa sit absque caritate , nec

nec donum Dei est in istorum hæreticorum sententia; si vero caritati sit conjuncta, non ergo justificat, ut ipsi autumant, fides sola. Quapropter hæreticam doctrinam tres pœnitentiæ partes negantem, constituentem vero ipsam pœnitentiam in fide atque in terrore per Evangelium incusso, rectissime confixit Leo X. cum reliquis Lutheri articulis; appellarunt traditioni universæ Ecclesiæ contrariam Carolus V. & Catholici Principes in Augustanis Comitibus; damnavit prælaudato canone iv. Synodus Tridentina; Philippus ipse Melancthon Confessionis Augustanæ architectus eodem anno 1530. coactus est tres pœnitentiæ partes fateri, quamvis paulo post illas in Apologia iterum obruere molitus sit: execrati demum sunt hæreticam illam de Pœnitentia doctrinam quotquot Confessionem ipsam animadversionibus dispunxerunt, Casander, Leodius, Hoffmeisterus, Virvesius, deinceps vero innumeri Catholicorum dogmatum propugnatores.

Tribus igitur Pœnitentiæ partibus constitutis, *Contritio*, quæ in his priorem habet locum, definitur a Tridentinis Patribus, *Animi dolor, ac detestatio de peccato commisso, cum proposito non peccandi de cetero*. Fatentur autem Theologi, quod hunc dolorem atque detestationem præcedat fides, timor, spes, & aliqua etiam dilectio. Ad justificationem quippe disponimur, dum excitati, & adjuti divina gratia, fidem ex auditu concipientes, libere movemur in Deum, credentes quæ divinitus revelata & promissa sunt. Porro inter ea, quæ sunt revelata, non solum connumerantur Unitas, ac Trinitas divinarum Personarum, & Incarnationis Oeconomia, verum etiam Deum esse remuneratorem bonorum operum, vindicemque malorum, impios thesaurizare sibi iram in futurum, venturam Dominum ad judicium, sempiternas fore damnatorum hominum pœnas, aliaque plura, quæ imbuti fide repetentes memoria, utiliter divinæ justitiæ timore concutimur; idemque propterea timor gignitur in nobis fide, supernum donum est, atque pœnitentiæ salutaris initium. Qui enim peccati vinculis innectuntur, nunquam fere se illis extricare curarent, nisi accepta per legem cognitione peccati, ad evadendum supplicium, quod peccati *stipendium* est, divina excitante gratia stimularentur. Quare II. xxvi. 18. legitur: *A facie tua Domine concepimus, & quasi parturivimus, & peperimus spiritum*; sive ut legunt LXX. *A timore tuo, &c.* In Proverbijs etiam xiv. 27. *Timor Domini spes vite, ut declinent a ruina mortis*. Hinc rectè sapienterque Scholastici docent initium pœnitentiæ esse *ex timore*; ut iniquiant Magister dist. xv. S. Thomas q. 75. art. 5. necnon sapientissimus Augustinus Tract. ix. in Epist. 1. Joannis num. 4. *Timor primo occupat mentem*. Sed non sinit pœnitens in solo timore; verum perpendens impium justificari per gratiam Christi, & hunc esse propi-

tiatorem pro totius mundi peccatis , a timore ad considerandam Dei misericordiam se convertens , in spem erigitur , fidens Deum propter Christum sibi propitium fore , ut sels. 6. cap. 6. docet præcitata Synodus Occumenica . Atque ita præconceptum timorem spes firma consequitur . Tum vero spe fretus Deum tanquam omnis iustitiæ fontem diligere incipiens movetur adversus peccata odio quodam , & detestatione , statuens cessare ab iisdem peccatis , & proponens novam inchoare vitam , adeo , ut peccatum , quod cœperat homini displicere propter supplicia , displiceat postea propter Dei offensam , & turpitudinem suam , prout citato art. 5. ad 1. ait S. Thomas . Ex his , quæ vellem propter ea , quæ subsequuntur , sedulo adverti , & de quibus nulla apud Catholicos oriri potest dissensio , cum iisdem fere verbis tradantur a Tridentino Concilio sels. vi. cap. 6. & sels. xiv. cap. 4. ex his , inquam , infertur primo timorem servilem esse donum Dei , disponere ad gratiam , atque , ut ait Augustinus , *quasi locum preparare caritati* : infertur deinde nos minime a pœnitentia fidem removere , quod insolenti verborum strepitu in comitiis Augustanis vociferabantur hæretici : denique infertur assertam a nobis contritionem non esse extortam & coactam , sed libero arbitrii motu conceptam , ut fide tenendum est . At recole quæ de Iustificacione scripsi libro xix. cap. 4. & de timore libro xxiii. cap. 12.

Sequitur ex dictis ad contritionem necessarium esse novæ vitæ propositum : idque Tridentinum citato capite iv. his verbis definit : *Declarat igitur sancta Synodus non solum cessationem a peccato , & vitæ novæ propositum & inchoationem , sed veteris etiam odium continere , juxta illud : Projicite a vobis omnes iniquitates vestras , in quibus pravaricati estis : & facite vobis cor novum , & spiritum novum .* Solet duntaxat disputari , an propositum istud debeat esse explicatum , atque , ut Scholæ loquuntur , *formale* : quod nos probabilius existimamus cum Soto In iv. dist. 17. quæst. 2. art. 1. Cajetano ac Sylvio in supplem. 3. p. q. 1. Suarezio disp. iv. sect. 3. aliisque Theologis probatissimis . Ducimur autem his momentis . Primo ipsum *propositi* nomen deliberationem aliquam , & actusalem voluntatis intentionem , susceptumque consilium sonat . Deinde producta Concilii verba eadem ratione vitæ veteris odium , ac vitæ novæ propositum in vera contritione contineri declarant . Ad hæc inter præcipuos pœnitentiæ fines est emendatio vitæ : emendare autem vitam præteritam , & inchoare novam suat prorsus idem . Denique constat tutiorem esse hanc sententiam , nec in re magni momenti inconsideratè repudiandam . Joannes Pontasius ex doctrina Sylvii videtur tradere oppositum v. Contrit. casu. 4. & revera Sylvius citato in loco docet *ad essentiam contritionis non requiri , ut hujusmodi propositum sit formale* , atque expressum , quoniam , inquit , *tota definitio contritionis*
To. VII. *T t t* *repe-*

reperitur in eo, qui peccatum ex animo detestatur, doletque se illud admisisse, virtualiter proponens non amplius peccare. At idem Sylvius hanc proximam conclusionem 3. subnectit: *Per se, seu ordinarie loquendo propositum non peccandi debet esse formale & expressum. Nam aliquando frustra hanc partem, cum proposito non peccandi de cetero, in definienda contritione addidissent Concilia Florent. & Trid. nisi intellexissent illud propositum, per se loquendo, debere esse explicitum, quia implicitum continetur in priori parte illa, dolor de peccato commisso. Fieri enim non potest, ut is ex animo doleat de præteritis, qui non statuit, saltem virtute, deinceps cavere similia.* Hæc Sylvius: qui propterea negat duntaxat necessitatem propositi expressi *per accidens*, nempe si pœnitens tota cogitatione defixus in detestanda vita præterita, in imploranda Dei misericordia, in excitando se ad amorem Dei, non dicat intra se, *Volo emendare vitam*; quoniam in illa detestatione includitur propositum, de quo est sermo: contingere namque potest, ut idem Spiritus sancti impulsus inspirans erga patrata scelera actum odii, excitet etiam melioris vitæ consilium: immo forte unum ab altero divelli nequit, si odium illud sit efficax. Hoc interim indubitatum est, Concilium, dum exigit ad contritionem non solum cessationem a peccato, & novæ vitæ propositum, sed etiam veteris odium atque detestationem, repellere articulum illum hæreticum, quo asseritur, *contritionem, quæ paratur per discussionem, collectionem, & detestationem peccatorum, non præparare ad gratiam Dei, recte damnatum* sess. xiv. can. 5. sive præter resipiscentiam, & melioris vitæ institutum, requirere amaritudinem animæ ponderantis peccatorum suorum multitudinem, ac sæditatem, quod Lutherani temere denegabant.

Huic contritioni, quæ propositum melioris vitæ, odiumque antea actæ complectitur, has condiciones tribuunt unanimi sensu Theologi, ut interior sit, vera & non ficta, supernaturalis, omniaque peccata detestans. Atque necessariam esse interiorem animæ contritionem demonstrant cum præmissa Tridentini definitio, tum Scripturæ præcipientes, ut *toto corde* ad Dominum convertamur, ipsæque in animo sedem habens ratio virtutis ac meriti. Quapropter etsi commendandus est sensibilis dolor, quandoque in lacrymas gemitusque prorumpens; non est is tamen contritio verax, nisi animus diverberet & excruciet. Nimium hic videntur acuti, qui obiectant dolorem nihil aliud esse, quam affectionem sensuum: nam & detestationem cordis dolorem appellat, qui Psal. xli. 2. ait: *Quandiu ponam consilia in anima mea, dolorem in corde meo per diem?* Affectio etiam sensuum ex animo corporeis vinculis alligato nascitur in hominibus ratione præditis. Sequitur conditio altera, ut contritio non sit fallax & adumbrata, qualis utique nequit esse, si oria-

tur ex toto corde . Cavendum propterea est , maxime in iis , qui continentur peccati consuetudine , ne tenues quædam animi commotiones , & desideria inefficacia & sterilia , existimentur veræ contritionis effecta . Oportet insuper , ut contritio sit supernaturalis ; nam Innoc. XI. anno 1679. proscripsit hanc propositionem num. 57. *Probabile est sufficere attritionem naturalem , moto honestam* ; ac Tridentinum Concilium sess. 6. can. 3. definivit neminem *sine Spiritus sancti inspiratione pœnitere posse , sicut oportet* . Qui ergo aut propter dedecus & infamiam , aut propter pœnas humanis legibus statutas , aut propter mortem corporis , morborumque vehementiam , aut etiam propter scelus fœditatem , quatenus naturali honestati repugnat , patratorem criminum conscientia angeretur , is utique nondum haberet sufficientem contritionem , sed inutilem , extortam , & qualem præcedenti capite diximus fuisse in Antiocho . Demum , contritio *universalis* esse debet , scilicet peccatorum omnium , quæ commissa sunt , detestatio . Cum enim peccatum detestandum sit , quatenus est offensa Deo illata , non possumus revera ob causam istam dolere , nisi odio habeamus quicquid summum Deum afficit injuria . Quare Ezechielis xviii 30. ait Dominus ; *Convertimini & agite pœnitentiam ab omnibus iniquitatibus vestris , & non eris vobis in ruinam iniquitas . Projicite a vobis omnes prævagationes vestras , in quibus prævaricati estis , & facite vobis cor novum , & spiritum novum* . Hæc ergo sunt , in quibus penitus consentiunt Doctores omnes Catholici .

C A P U T V.

Cujus generis dolor ad gratiam , remissionemque peccatorum in Sacramento Pœnitentiæ consequendam sit necessarius ?

PERUTIAM aggredior quæstionem , magnisque animorum contentionibus agitatam , sit ne ad gratiam in Sacramento Pœnitentiæ percipiendam necessarius dolor , qui aliquem Dei amorem includat ; an ille sufficiat , qui concipitur ex supernaturali timore gehennæ , cui nulla accedat dilectio Dei super omnia , sive dolor ille imperfectus , quem appellare solent Theologi benè multi *Attritionem* . Ut eadem quæstio perspicua methodo dirimatur , brevi primum tollendam puto æquivocationem verborum , deinde exponendam sententiarum diversitatem , ac postremò in certas theses totam controversiam distribuendam . Quantum ergo ad vocabula attinet , non semper , neque eadem significatione nomen *Attritionis* invenimus usurpatum : ab illo antiquiores omnes Theologi abstinerunt , cœpitque in Scholis dun-

taxat audiri circa annum 1230. Ignotum fuit Hugoni, & Richardo a S. Victore, Roberto Pullo, Petro Pictavensi, Magistro sententiarum, Joanni Sarisberienfi, ceterisque a Carolo Vitaſſio fingillatim enumeratis pag. 77. Primi omnium inveniffe iſtud nomen dicuntur Guilelmus Pariſienſis, Alexander de Ales, & Albertus Magnus. Sed nullum de hac re cum adverſariis diſſidium: nova ſiquidem vocabula, novis exortis quaſtionibus, utiliter, & quandoque neceſſario inducuntur. Sane *Contritionis* vocabulum fuit quovis tempore uſitatiſſimum, ſacrarumque litterarum, Patrum, & Theologorum teſtimoniis frequentiffime inſertum.

Quod ſpectat ad vocabuli ſignificationem, *Aſtrictio* ſignificat penes omnes *contritionem imperfectam*. Poſteſt autem ex multiplici capite hæc imperfectio derivare. Imperfecta primo erit, ſi conditionibus paullo ſupra enumeratis ſit deſtituta, ſcilicet, ſi ex corde non proſecta; ſi naturali rationi innixa, ſi ad aliquod peccati genus coarctata; quo in caſu non eſſe ſufficientem probi omnes faſtentur. Imperfecta dicitur ulterius contritio, quæ ex turpitudine peccati, vel ex gehennæ, & pœnarum metu, & quidem ſupernaturali, concipitur, ſed exſpoliatur dilectione Dei benevola; quæ eſt deſtandæ peccata ratio timore illo perfectior. Denique imperfecta dici poſteſt; quoniam concepta ex metu gehennæ procedit ad amorem *initialem*, adeo, ut peccata, quæ incipiunt diſplicere propter ſupplicia, odio habeantur quatenus ſunt offenſa Dei ſummopere diligibilis, ſed nondum tamen eſt caritate formata, neque amore illo perfectio, qui non eſt abſque peccatorum remiſſione. Si ergo petas, quomodo *Aſtrictio* diſtinguatur a *Contritione*, ſive imperfectus a perfecto dolore; reſpondemus a nonnullis diſcrimen utriuſque doloris repeti ex intenſione caritatis, adeo, ut dolor perfectus ſive *Contritio* procedat ex caritate perfecta, ſive amore Dei prædominante, ideſt, tam vehementi, ut omnes ad peccatum affectus ſuperet & excedat: dolor autem imperfectus, ſive *Aſtrictio* non ex tali dilectione prædominante & flagrantiffima oriatur, ſed ab amore initiali, tenui ac remiſſo: alios vero diſcrimen illud in hoc conſtituere, quod dolor ille ſit perfectus, qui oritur ex amore caritatis, cujuſcunque intenſionis & gradus ſit; dolor autem imperfectus, qui concipitur ex ſolo metu ſempiterni ſupplicii, nullo benevolæ dilectionis actu accedente. Quare non omnes, qui ſcripſerunt *attritionem* in ſacramento ſufficere, amoris initialis negarunt neceſſitatem; ſed attritionis nomine id intellexerunt, quod in eodem genere & ordine exiguum eſt ac pertenuè, quaſi grammaticalem ſignificationem ſpectantes; nam Latini dicunt rem illam *atari*, quæ ad alteram teritur, & quaſi defricatur, aut leviter imminuitur; *conteri* autem, quæ tunditur, frangitur, atque in pulverem, trituramque redigitur.

tur. Jam vero qui propugnant *Attritionis* sufficientiam, solent illam a *Contritione* ita distinguere, ut in eodem ordine, sive, ut inquit, *specie* non comprehendatur, penitusque excludat benevolam Dei dilectionem. Quare Nostrates ad omnem vitandam ambiguitatem, duplicem statuunt *Attritionem*; unam, quæ oritur ex metu pœnarum, & includit initialem amorem Dei, qua impius ex consideratione turpitudinis peccati, & ex metu gehennæ patratam culpam execratus, movetur ulterius ad eam detestandam tanquam offensam Dei summo amore digni: alteram, quæ sistit in solo timore, & culpa odio prosequitur, quatenus peccatorem sempiterno supplicio reddit obnoxium; ac primam appellant *Attritionem initialem*, alteram verò *Attritionem servilem*. Neque commentitia est hæc distinctio, sed deprompta ex D. Thoma, qui 2. 2. q. 19. art. 4. docet *objectum timoris servilis esse pœnam, cui accidit, quod bonum, cui contrariatur pœna, ametur tanquam finis ultimus, & per consequens pœna timeatur tanquam principale malum*; & art. 5. ad 2. timorem servilem respicere Deum, *sicut principium inflictiuum pœnarum*. De timore autem *initiali* scribit art. 8. esse illum, *qui competit statui incipientium, in quibus inchoatur quidam timor per inchoationem caritatis*; & in resp. ad 2. a. timorem initialem non timere pœnam, *sicut proprium objectum, & actum ejus manere cum caritate imperfecta*. Rectissime itaque nostri attritionem, quæ habet initium aliquod caritatis appellent, *Attritionem initialem*; alteram verò, quæ respicit duntaxat inflectionem pœnæ, *Attritionem servilem*, & quidam expressius, *Attritionem pure formidolosam*. Atque hæc pro vitanda vocabulorum ambiguitate sint dicta.

Trado nunc sententiarum diversitatem. Hæretici tempore Tridentini Concilii autumabant *contritionem, quæ paratur per discussionem, collectionem, & detestationem peccatorum, non præparare ad gratiam, nec remittere peccata; sed potius facere hominem hypocritam, & magis peccatorem, eamque contritionem dolorem esse coactum, & non liberum*. His verbis errorem hæreticorum propositum fuisse Patribus Tridentinis constat ex Pallavicino libro xii. Hist. cap. x. Refutatur autem, & damnatur cap. iv. & canone v. sessionis xiv. Ut recte hæreticorum mentem percipias; hi, Lutherani præsertim, affirmabant, quidquid sine caritate agitur, peccatum esse; caritatem imperfectam, & timori conjunctam esse impedimentum ad introitum regni cælestis; ipsam caritatem timoris vitio contaminari; nullam proinde contritionem esse bonam, nisi concipiatur solo amore, qui timorem omnem expellat, & si quis sibi contritionem parare vellet recogitando annos in amaritudine animæ suæ, & ponderando peccatorum suorum multitudinem ac scditatem, nec non amissionem æternæ beatitudinis, & æternæ damnationis incursum; illum hypo-

critam

eritam fore, non poenitentem. Adversus igitur Lutheranam hæresim firmissime tenendum est timorem, qui prævenit caritatem, rectum ac saluberrimum esse; ab illo haberi poenitentiae initium; imperfectam caritatem, quæ timorem ipsum non excludit, nullam maculam ab illo contrahere; contritionem in nobis parandam esse consideratione peccati, ponderatione iudicii, & discussione poenarum: quæ omnia nos & asserimus, & adversus hæreticos propagamus. Ceterum an solus timor contritionem sufficientem efficiat, necne nullatenus spectat ad hæresim hanc oppugnandam, nec habet cum ea aliquid affinitatis.

Inter Catholicos autem quatuor sunt celebriores sententiae. Prima est eorum, qui dicunt contritionem *caritate perfectam*, quæ deleat culpam apud Deum, idest, conjunctam caritati habituali, & gratiæ sanctificanti, præcedere debere Poenitentiae Sacramentum; idque nullatenus derogare ejusdem Sacramenti virtuti, quoniam peccatores per contritionem interius vivificantur, per ministerium autem Sacerdotale absolvantur a poena, & admittuntur ad Sacramentorum communionem. Huic sententiae permulti veterum adhererunt, Hugo Victorinus, Richardus, Albertus Magnus, Alexander Alensis, S. Bonaventura, Gabriel Biel, aliique quamplurimi. Sententia altera illorum est, qui tenent sufficere ad gratiam in Sacramento recipiendam *attritionem servilem*, non tantum a caritate perfectam, verum etiam a caritate initiali, & ab omni actu amoris benevoli sejunctam; attritionem nempe illam, quæ ex turpitudine peccati, & ex metu gehennæ concipitur, & quam Lutherus negabat esse initium Poenitentiae, quæ sententia iudicio doctissimorum virorum nata post Tridentinum Concilium, adeo celebris evasit, ut omnem aliam, saltem scriptorum numero, videatur superasse. Tertia præter attritionem ex metu gehennæ conceptam, necessarium in Sacramento putat amorem aliquem spei, quo Deus diligitur, ut bonus nobis, sive ut finis noster, atque beatitudo, non autem amorem caritatis, quo diligitur propter se: atque hæc sententia plures itidem habet assertores, & facile cum præcedenti conciliatur. Postrema denique sententia, quam Augustiniani omnes, alique celeberrimi viri propugnant, tenet non quidem requiri in Sacramento Poenitentiae contritionem caritate perfectam, quæ hominem Deo reconciliat, priusquam hoc Sacramentum actu suscipiatur, requiri tamen amorem aliquem initialem, sive actuale dilectionem Dei super omnia, nec satis esse attritionem servilem, quæ in solo gehennæ timore persistit, neque ad amorem procedit; oportere etiam, ut ipse amor caritatis sit, nec sufficere amorem concupiscentiæ, vel spei.

Quoniam vero sententiam istam velicare nonnulli ausi sunt tanquam Lutheranæ affinem errori, alii Tridentino Concilio repugnante

tem dixere, complures illam nimis rigidam appellaverunt, ac multi innumeris argumentis conati sunt oppugnare, ex eo præfertim capite, quod certiffimum putant attritionem fervilem excludere voluntatem omnem peccandi, ideoque effe in Sacramento ad gratiam confequendam difpofitionem fufficientem ac proximam, necnon amorem omnem Dei benevolum, initialem quoque & remiffum iuftificare impium vi fua, & abfque Sacramenti actu fufcepti adminiculo; principio eandem fententiam poſtram ab omni cenſura vindicare conabor, oftendens quantum diftet a damnatis erroribus; deinde inquiram, an Tridentino Concilio contraria, an potius confentanea dicenda fit; ac tandem proferam ea momenta, quorum cauſa ſententiæ ceteris eſt præferenda, omniaque exequar moderate, ut decet Auguſtini difcipulum, poſtulantque illa duo, sæpenumero a ſanctiſſimo Protoparente commendata, veritas nimirum, & caritas.

PROP. I. Sententia propugnans neceſſitatem amoris *initialis* ad gratiam in Sacramento Pœnitentiæ obtinendam nulla poteſt cenſura notari, quemadmodum nec oppoſita.

Demonſtratur primò ex decreto Sanctiſſimi Domini noſtri Alexandri Papæ VII. qui anno 1667. die 5. Maii provide in virtute ſanctæ obedienciæ, & ſub pœna excommunicationis latæ ſententiæ reſervata Sanctæ Sedi præcepit, *cunctis, & ſingulis fidelibus, quacun- que gradu, ac dignitate, Episcopali & majori, immo & Cardinalis fulgentibus, ut ſi deinceps de materia attritionis ſcribent, vel libros aut ſcripturas edent, vel docebunt, vel prædicabunt, vel alio quovis modo pœnitentes, aut ſcholares, ceteroſve erudiant, non audeant alicujus Theologiæ cenſuræ, alteriuſve injuriæ, aut contumeliæ nota taxare alterutram ſententiam, ſive negantem neceſſitatem aliqualis dilectionis Dei in præſata attritione, ex meta gehenna concepta, quæ hodie inter Scholaſticos communior videtur, ſive afferentem diſtæ dilectionis neceſſitatem; donec a Sancta Sede fuerit aliquid hac in re definitum, &c.* Benedictus XIII. in Inſtitutione Chriſtiana, quæ extat in Appendice ad Concilium Romanum celebratum an. 1725. & quæ probatur Tit. 32. ejuſdem Concilii cap. 3. utriuſque ſententiæ meminit, neutram ab Apoſtolica Sede definitam eſſe declarans. At nunc Eccleſiam Paſtorali ſollicitudine regens, & ſingulari doctrina colluſtrans BENEDICTUS XIV. ut anno 1741. accepit virum nobilitatis genere, & eruditione conſpicuum, Joſephum Gorinium ab ingreſſu Xenodochii Mediolanenſis prohibitum, quod ſententia noſtra in inſtruendis ægrotis uteretur, non tantum hanc immunem aſſeruit, ac ſarram teſtam præſata Alexandri VII. Conſtitutione; verum etiam nobilis viri pietatem, editos Soliloquiorum libros, impenſamque infirmis operam ſummis laudibus commendavit, egitque officiſſimis litteris ad Eminentiffimum Archiepiſcopum, & ad Urbis Medio-

Mediolanensis Rectorem die 3. Aprilis ejusdem anni conscriptis, ut spirituale ac temporale subsidium monicis, studioque viri præclarissimi ægrotantibus iterum impenderetur.

Deinde constat propositio ex pluribus Thesibus in celeberrimis Accademiis, urbibusque primariis ad hanc usque diem approbantibus supremis Judicibus, propugnatis. Nam in Ædibus sacra Facultatis Parisiensis hanc thesım, *Attritio ex meta gebenna concepta non est dispositio sufficiens ad justificationis gratiam in Sacramento obtinendam, nisi includat amorem Dei super omnia saltem inchoatum*, in tribus duntaxat annis, a die scilicet 28. Maii 1672. usque ad 23. Julii 1675. a XXI. celeberrimis Magistris traditam defensionem constat ex Appendice ad librum de *Contritione* Lovanii Gallice editum an. 1673. In Lovanienſi Archigymnasio eandem tradiderunt Ruardus Tapperus, Joannes Hesselius, Judocus Ravesteijn, Martinus Rythovius, Thomas Stapletonius, & ne singulos recenseam, contra adversarium strenuum Maximilianum Ledent, Franciscus noster Farvacques, ac postmodum Antonius Rolliers, Christianus Lupus, Leonardus Vanroy, & Aurelius Piette. In Duacensi Guillelmus Estius, & Franciscus Sylvius; atque, ut attingam tempora & loca proximiora, in Regio Taurinenſi Lyceo non semel anno 1739. ac proxime præcedentibus, hæc positio fuit solemnioribus concertationibus proposita, *Attritio, quamvis hominem non faciat magis peccatorem & hypocritam, sed sit bonus ac utilis motus, sine formali tamen caritatis saltem initialis actu, minime sufficit ad justitiam in Sacramento Pœnitentiæ recipiendam*. Eandem arste, mordicusque tenent institutores seminariorum Italiæ, Veronenſis maximè, ac Patavini: atque hoc ipso anno, quo hæc mando litteris, Romæ tum Cistercienses doctissimi Patres in Collegio S. Crucis in Jerusalem, cum Religiosissimi Scholarum Piarum Præceptores in Collegio Nazareno, accuratissima discussione præmissa, eandem sententiam adoptarunt, publicisque disputationibus iterum, iterumque exposuerunt; illi quidem his verbis, *Ad hoc ut attritio concepta ex fœditate peccati, & pœnarum metu sit dispositio proxima ad gratiam sanctificantem in Pœnitentiæ sacramento recipiendam, requiritur, ut adnexum habeat aliqualem amorem Dei benevolum, qui Deum omnibus præponat, imperfectum tamen, & qui extra Sacramentum non iustificet*: hi vero verbis istiusmodi, *Quamvis attritionem mere servilem bonam, & utilem, motumque Spiritus sancti, non quidem inhabitantis, sed prævenientis esse doceamur a Concilio Tridentino sess. XIV. cap. 4. eam tamen sufficere ad gratiam in Sacramento Pœnitentiæ recipiendam, si quemcumque amorem Dei benevolum excludat, constanter negamus; nec opinionem nostra contrariam unquam docere visa est Synodus Tridentina*.

Ter-

Tertio theſis corroboratur auctoritate veterum Theologorum, qui ante Tridentinum Concilium floruerunt, de iis enim, qui ſubſecuti ſunt, agendum poſtea. De illis ergo fatetur vir præſtantiffimus Pius Thomas nuper ex Ordine Prædicatorum ad Episcopalem Sedem Stabiles euectus 3. Volumine Exercitationum in Propoſit. ab Apoſtolica Sede proſcriptas pag. 210. neminem ambigere, quia veteres omnes indifcriminatim adſeruerint contritionem, quæ aliquam caritatem ſaltim imperfectam includat, neceſſariam eſſe ad Sacramenti Pœnitentiæ valorem. Auctor alter percelebris ejuſdem familiæ, qui de Re Sacramentaria eruditos edidit Commentarios, tom. 2. pag. 67. ſcribit ſententiam propugnantium ſufficientiam timoris ſervilis, Theologis, qui a duodecimo ſæculo ad tempora Tridentini Concilii floruerunt, eſſe aperte contrariam; atque idcirco eamdem ſententiam reſellit ob novitatem doctrinæ. Idem docet Joannes Morinus lib. viii. de Pœnit. cap. 4. & in Opere poſthumo de Contritione, in quo per ſingulos Theologos accurate diſcurrens demonſtrat ſancti Thomæ, omniumque illius, ac præcedentis ſæculi Theologorum, quorum ſcripta ſuperſunt, fuiſſe circa neceſſitatem contritionis conſtantem exploratamque ſententiam, illos vero, qui videntur adſtruire Attritionis ſufficientiam, aliud eo vocabulo ſignificaffe, quàm eodem deſignent Scholaſtici recentiores. Idem præſtat q. 3. de Pœnit. ar. 6. ſect. 3. argumento tertio Vitaſſius, alique hujus ævi ſcriptores. Dominicus etiam Soto in iv. diſt. 18. q. 3. art. 2. ſcribit: *Doctrina hæc de Attritione, quæ in Sacramento fit contritio, licet ſit vera, non eſt tamen multum vetus. Patres enim antiqui ſolam contritionem agnoſcebant neceſſariam ad confeſſionem.* Miſto Joannem Launojum in libro de mente Concilii, qui habetur tom. 1. editionis poſtemæ pag. 143. Utrum res ita ſe habeat, diſjudicare nequit, niſi qui Theologorum ſcripta pervolutarit. Horum teſtimonia collegerunt iidem, Morinus, Vitaſſius, & præcitatus auctor Operis Gallicè conſcripti de *Contritione*. Inferius nos loca indigitabimus inſigniorum. Interim hæc validè aſſertum confirmant noſtrum: quis enim adeo perfri-catæ ſit frontis, ut carbone tetro notet ſententiam, quæ ſola ad ſextumdecimum uſque ſæculum vel obtinuit, vel ſaltim dicitur obtinuiſſe?

Denique Sacra Pariſienſis Facultas in comitiis celebratis die 23. Julii, anno 1716. declaravit ſanam eſſe, & a Patribus acceptam, ſuiſque tradendam doctrinam, quæ his propoſitionibus continetur: *Timorem gehennæ, etiam ſupernaturalem, quavis ſit bonus & utilis, non excludere affectum peccandi, nec ſufficere in adultis ad juſtificationem, etiam in Sacramentis Baptiſmi, & Pœnitentiæ obtinendum; ſed præter hunc timorem, actusque fidei & ſpei, requiri amorem Dei, quo Deum, tanquam omnis juſtitia fontem, ut docet* To.VII. Vuu Con-

Concilium Tridentinum, diligere incipiamus: Hunc amorem ferri in Deum, tam ut in se summe bonus est, tam ut est summum bonum nostrum, quæ duo completitur caritas inter virtutes Theologicas tertia: Hoc solo amore converti voluntatem ad Deum, & averſi a creatura: Amorem Dei super omnia, qui caritatis inchoatæ saltim actus sit, necessarium esse, ut ab adultis obtineatur remissio peccatorum in Sacramentis baptismi & pœnitentiæ. Quæ omnia, servatis iisdem, quoque vocabulis, docent sententiæ nostræ propugnatores.

PROP. II. Eadem sententia propugnans necessitatem amoris *initialis* ad gratiam in Sacramento Pœnitentiæ obtinendam è diametro opponitur doctrinæ hæreticorum a sacrosancto Tridentino Concilio proscriptæ.

Decretum paullo supra laudatum Alex. VII. opportune latum fuit ad compescendas contentiones in Belgio circa quæſtionem, de qua agimus, servescentes. Quidam enim affirmarunt eos, qui tenent *contritionem ex solo metu gehennæ, sine motivo caritatis conceptam sufficere ad justificationem in Sacramento Pœnitentiæ*, esse sequaces Lutheri, atque in eos a Tridentina Synodo intortum *anathema*. Quinam hi fuerint constat ex Apologia Xenii edita a Farvacquesio pag. 3. & ex mandato Episcopi S. Pontii emanato Biterris pag. 37. At facillimi negotii est demonstrare quomodo nostratum sensus adversus hæretici dogmatis pravitati. Principio iidem hæretici docuerunt pœnitentiam solo amore concipi, nec ex amore timori conjuncto, sed perfecto, metum quemlibet expellente. Id liquet ex Luthero qui in assertione art. vi. rejicit *Theologiam illam, quæ inter odium & gratificantem amorem mediam fingit, quod contritionem parat*: & Joannes Eckius lib. 1. de Pœnit. cap. 1. ostendit in hoc sitam summam disputationis inter Lutherum, atque catholicos, quod ille vellet *Pœnitentiam non nisi amore concipi*. Hinc impius hæresiarcha inferebat, eum, qui *contritionem sibi parare vellet in amaritudine animæ suæ, reddi hypocritam & magis peccatorem*. Nos vero affirmamus pœnitentiam prius *ex timore* concipi, & hunc viam sternere amor, caritatem initialem, (non impios Deo gratificantem) esse post metum gehennæ necessariam ad contritionem, parari in nobis contritionem ipsam discussione peccati, recogitando in amaritudine animæ vitam præteritam, & ponderando peccatorum multitudinem, gravitatem, sæditatem, supplicium; atque impium hac ratione disponi ad gratiam, non magis inquinari peccato. Deinde Lutherus affirmavit *amorem initialem* conjunctum timori non esse dispositionem ad gratiam, sed impedimentum: ait namque in assertione art. iv. *Verum est imperfectam caritatem esse impedimento ad introitum regni propter vitium, quo imperfecta est*; scilicet, propter metum gehennæ, qui in hæreticorum sententia inficit, maculatque omnia, quæ ante caritatem perfectam & justificantem efficiuntur ab impio, etiam actum

actum amoris initialis, cui timor conglutinetur. At nos constanter negamus amorem ipsum inchoatum atque imperfectum, necnon alia impiorum opera propter conjunctum timorem corrumpi; ac tantum abest, quod asseramus istiusmodi initialem amorem esse impedimento ad gratiam, quin è contra necessarium illum existimamus ad gratiæ consecutionem. Tertio, ut diximus præcedenti cap. hæretici Lutherani in Confess. Augustana art. xii. duas tantum Pœnitentiæ constituerunt partes, idest, *terrores incussos*, & *fidem*, jure meritoque damnati canone iv. sess. xiv. a sacrosancta Tridentina Synodo. Tam ergo rejiciebant tanquam necessariam ad remissionem peccatorum detestationem peccati ob sempiterni supplicii metum, quàm opus aliud liberi arbitrii, præter fidem, a qua sola repetebant justificationem; & idcirco admittebant terrores incussos, non quasi ad gratiam disponant, sed ut impius incusso terrore & peccato agnito, concipiens fidem ex Evangelio & absolutione, certo credat sibi propter Christum dimitti peccata, & ita consolatione percepta liberetur ab incusso terrore. Hæc expresse traduntur in prædicto articulo Confessionis Augustanæ. Hæc Philippus Melanchthon in Apologia ejusdem articuli, ubi ait: *Intelligunt omnes boni viri utiliter & pie reprehensam esse doctrinam Sophistarum, & Canonistarum de Pœnitentia. Nam hæc dogmata aperte falsa sunt, & non solum aliena a Scripturis, sed etiam ab Ecclesiasticis Patribus. Quod per attritionem mereamur gratiam: Quod susceptio sacramenti Pœnitentiæ ex opere operato, siue bono motu utentis, hoc est, sine fide in Christum consequatur gratiam.* Hæc longe antea Lutherus in xii. ex articulis a Leone X. damnatis, *Si per impossibile confessus non esset contritus, si autem credat se esse absolutum, verissime absolutus est.* Duo ex his inferuntur; unum, quod hæretici repetant justificationem a sola fide; alterum, quod falso calumnientur catholicos, quasi tradant Sacramentum Pœnitentiæ absque motu suscipientium gratiam conferre. Quid autem consentientes nobiscum Theologi? Docent non a sola fide, ejusque motu justificationem pendere, sed ad hanc disponere fidem, timorem, spem, dilectionem; justificationis vero gratiam, tanquam *causa instrumentali*, tribuunt Sacramento. Distant ergo toto cælo a Lutherano dogmate, directè sese opponunt doctrinæ Confessionis Augustanæ, & undequaque calumnias Melanchthonis exsufflant. Insuper ipse Melanchthon in eadem Apologia art. xii. non tantum Scholasticis objeçtat, quod doceant *nos per attritionem promereri gratiam*, sed ulterius quod doceant *nos propter contritionem, non fide in Christum, consequi remissionem peccatorum*. Primam propositionem ideo Melanchthon falsam esse contendit, quoniam propter Christum gratis remittuntur peccata: alteram falsam item pronuntiat, quia, inquit, *non prius dilectio adest, quam sit*

*fide reconciliatio facta: hæc enim non fit sine Christo juxta illud, Per Christum habemus accessum ad Deum. Hæc Melanchthon. Quid nostrarum partium Theologi? Tenent fidem esse salutis initium, hominem gratis justificari, & nihil eorum, quæ justificationem precedunt, sive fidem, sive opera, justificationis gratiam promereri; ad hanc tamen disponi adultos fide eorum, quæ revelata sunt, timore divinæ justitiæ, spe atque fiducia, atque ulterius dilectione benevola, adeoque haberi accessum ad Patrem per fidem quidem, at non per fidem inanem ac sterilem, sed per illam, quæ per dilectionem operatur. Atque id, quæso, nonne est toto cælo a Melanchthone distare, eique in omni assertionem adversari? Præterea hæretici magis insectabantur sententiam nostram, quàm nobis contrariam asserentium attritionis servilis sufficientiam; cum enim justitiam a sola fide repetent, damnabant eos, qui detestationem peccati & dilectionem Dei propugnabant tanquam necessarias ad justificationis gratiam. Quare in Confessione Augustana reformata ann. 1540. art. xii. legimus: *Damnant illos, qui non docent remissionem peccatorum per fidem gratis propter Christum contingere, sed contendunt contingere propter dignitatem contritionis, dilectionis, & aliorum operum.* Et Philippus Melanchthon in Apologia Catholicis objicit, quod dicant, *peccatorem per actum contritionis recipere remissionem peccatorum; quod nititur oppugnare infulso illo argumento: Hoc nihil est, nisi legem docere, delecto Evangelio, quia lex exigit dilectionem.* Quæ exagitant Joannes a Daventria in Harmonia Confess. pag. 241. *Acute, inquit, & plane ut Monophthalmos decet, disputant. Sic enim ratiocinantur: Quia lex dilectionem exigit, ergo qui dilectionem requirunt, deserto Evangelio, legem docent; demonstratque subinde vir doctus, dilectionem exigi etiam ab Evangelio, ideoque hæreticos frustra Catholicis esse insectos. Ita etiam compellat hæreticos ipsos Virvesius Philippica ix. pag. Harm. Confess. 164. *Rejicitis, & inter hæreticos adnumeratis eos, qui docent remissionem Peccatorum contingere propter nostram dilectionem, aut crasse nimis obliiti, aut impie damnantes, quod Christus ait Lucæ vii. Dimissa sunt ei peccata, multa, quoniam dilexisti multum.* Jam vero ad hunc modum ratiocinabor: Præter doctrinam dogmatizantium non contingere remissionem peccatorum propter præcedentem actum dilectionis, nil opponitur magis, quàm sententia docens ipsam dilectionem ad gratiam in Sacramento recipiendam prærequiri, ac sufficienter disponere. Atqui id tenet sententia, cui adhæremus. Igitur nil magis, quàm sententia nostra, opponitur perverso dogmati hæreticorum: & qui de illa sinistram habuerunt opinionem, aut penitus ignorarunt, aut minime perceperunt nefarium, & hæcenus expositum dogma ipsum Lutheri, Melanchthonis, & Confessionem Augustanam recipientium.**

PROB.

PROF. III. Quæ reponere possunt adversarii objicientibus sententiam, quæ propugnat sufficientiam attritionis *servilis*, in Tridentina Synodo anathema subisse, eadem omnia sententiam nostram catholicam, & directè hæreticis oppositam esse declarant.

Abist, ut hoc in loco adversariis nostris impingam ego hæreticæ labis notam, nec religiosissimè obtemperem Apostolicæ Sedis decreto. Fuerunt nihilominus, qui ausi sunt id asserere, quod Tridentini Patres proscripserint, non, ut jactant, definierint eorundem nobis adversantium opinionem. Joannes Morinus, ut alios mitam, vir in litteraria republica præclarissimus, capiti x. Operis de *Contritione & Attritione*, pag. 57. hunc præfigit titulum: *Concilium Tridentinum non modo non sancivit dolorem ex solo pœnarum terrore ortum justificationi sufficienter præparare, sed etiam hoc asserentibus anathema dixit*. Ad quod probandum vir doctus præmittit Concilium sess. xiv. in fine cap. 3. eos damnare, qui *pœnitentia partes inuictos terrores, & fidem esse contendunt*. Deinde demonstrat per terrores inuictos intellexisse hæreticos pavorem, & dolorem conscientia cogitantis, & quærentis. quomodo pœnam gehennæ possit effugere: atque id Morinus evincit ex art. 12. Confess. Augustanæ, ex Melanchthone in cap. de Pœnit. ex Chemnitio parte 2. Examinis, nec non ex Calvino lib. 3. Instit. cap. 3. sect. 3. Hi omnes apertissimè asserunt terrores inuictos, sive, ut Calvinus inquit, *mortificationem*, includere dolorem animæ, & detestationem peccati propter æternæ damnationis judicium. *Altera pars pœnitentia est contritio, hoc est, terrores inuictos conscientia agnito peccato, in quibus & iram Dei agnosceimus, & dolemus nos peccasse, & peccata detestamur, ac fugimus*; ita Confessio Augustana. *Vocamus contritionem pavores conscientia agnoscentis iram Dei adversus nostra peccata; & dolentis propter peccatum*; ita Melanchthon. *Pavor & dolor excitat, & urget conscientiam, ut cogitet, & querat, an, & quomodo effugere possit iram Dei, & judicium damnationis*; ita Chemnitius. *De pœnitentia docti quidam viri* (Melanchthonem, aliosque Confessionistas intellige) *dixerunt constare duabus partibus, mortificatione, & vivificatione*. *Mortificationem interpretantur animæ dolorem & terrorem ex agnitione peccati, & sensu judicii Dei conceptum*. *Ubi enim quis in veram peccati cognitionem deductus est, tum vere peccatum odisse, & execrari incipit, tum sibi ipsi animo displicet, miserum se, & perditum fatetur*; ita Calvinus. Hinc apparet in ea parte pœnitentiæ, quam hæretici *timores inuictos* appellant, contineri dolorem animi, & odium, atque execrationem peccati. Audias nunc Morinum ex dictis hæc inferentem: Igitur *contritio, quæ procedit ex solo terrore pœnarum conscientia inuicta, nullumque aliud habet motivum, non est pars pœnitentia, ut docet Concilium adversus hæreti-*

cos id afferentes. Subjicit Morinus hujus argumenti confirmationem : *Cam negat Concilium* (canone IV.) *terrores conscientiae incussos & fidem partes esse poenitentiae, baud negat ista ad contritionem formandam concurrere* ; canone enim sequenti contrariam sententiam aperte damnat. Negat igitur Concilium terrores conscientiae incussos esse, partem poenitentiae, *quae ad justificationem consequendam nos sufficienter disponat, ideoque hoc sensu ab haereticis docebatur contritionem ex his solis terroribus constantem veram esse contritionem, & poenitentiam partem*. Haec Morinus.

Huic Morini argumento facile occurrent patroni attritionis *servilis*, respondendo, rectissime damnatas a Tridentino duas illas poenitentiae partes, *terrores incussos, & fidem*, non quod insufficiens sit dispositio dolor conceptus ex metu gehennae absque motivo caritatis & dilectionis ; sed ob haereses complures sub hac male feriata divisione partium poenitentiae latentes. Haeresis prima est, quod in tali divisione excluduntur *Confessio, & Satisfactio* : altera quod justificatio tribuitur duntaxat fidei, & timor, odium peccati, hujusque execratio ad gratiam in haereticorum sententia non praeparant : tertia, quod ipse timor, detestatio peccati, & quicquid justificationem praecedat, inquinatum est, magisque animam inficit, nil aliud praestans, nisi ut impius dejectus, & consternatus tremat, animum despondeat, desperet ; *donec enim fides accedat*, inquiunt haeretici, *contritio est fuga Dei, & fremitus, quibus tandem ruitur in aeternum exitium* : quarta tandem haeresis est, quod inter veram & falsam contritionem intersit hoc unum planum, & illustre discrimen, quod post incussos terrores & detestationem peccati, si accedat fides, habeatur contritio Petri, & Davidis, atque justificatio ; nisi accedat fides, contritio Judae, & Saulis, necnon mors aeterna. Quatuor haec asserta iisdem verbis haereticorum, maxime Melancthonis, conscripta sunt : a quibus cum longe distent patroni attritionis *servilis*, falso Joannes Morinus probare nititur istorum sententiam proscriptam a Tridentino, ubi damnat qui contendunt poenitentiae partes esse *terrores conscientiae incussos & fidem*. Haec ego candide Morino pro adversariis nostris respondeo, me illis gratificari confidens ; atque, si sensa ipsorum penetro, certò sciens nequaquam hanc ab eis responsionem repulsam iri. Nunc mihi vices, uti ad gratificandum sunt longe procliviores, alterna lege rependant. Qui tradimus necessitatem *amoris initialis*, non excludimus duas poenitentiae partes, *confessionem atque satisfactionem* : non adscribimus justificationem *soli fidei* : non asserimus timorem & detestationem peccati esse animi inquinamenta : non constituimus inter veram, & falsam contritionem hoc unum discrimen, quod si terroribus accedat fides, sit contritio Petri, & justificet ; nisi accedat fides, sit contritio Judae, tra-

hatque

hatque in æternum exitium. Defendimus è contra confessionem peccatorum, satisfactionem operum, reſtitutionem timoris, detestationem peccati, & conſtanter negamus ſolam fidem diſcernere inter contritionem veram & falſam. Igitur quæ proferre poſſunt adverſarii in deſenſionem ſententiæ ſuæ contra ſcribentes eam non diſferre a dogmate hæreticorum; eadem omnino adduci poſſunt a nobis in deſenſionem ſententiæ noſtræ.

PROP. IV. Tridentinum Concilium non definiit ſeſs. xiv. cap. 4. attritionem *ſervilem*, & ab amore *initiali* ſejunctam ad gratiam, remiſſionemque peccatorum in Sacramento Pœnitentiæ obtinendam, *ſufficienter* diſponere.

Hæc propoſitio ex dictis perſpicua eſt. Si enim conſeras doctrinam hæreticorum theſibus permiſſis expoſitam cum capite quarto ſeſſionis xiv. ſynodi ſacroſanctæ, percipies iſiſdem verbis ab ea daminari quicquid illi impie dogmatizant de contritione. Hæretici negant iſſam contritionem continere odium peccati, & recogitationem vitæ præteritæ in amaritudine animæ, tanquam præparationem quamdam ad gratiam; cum ea omnia, quæ præcedunt firmiſſimam illam fiduciam, quæ excitatur in impio abſolutione & Evangelio, juxta hæreticos eundem impium deſiciant tantum, proſternant, in deſperationem trahant, & hypocritam magisque peccatorem conſtituant; idque, ut evidenter oſtendi, effutiunt etiam de amore *initiali*, non expellente gehennæ timorem. Perlege nunc, præjudiciis ſepoſitis, quartum, de quo agimus, caput; & perſpicias reſta methodo pernicioſæ hæreſis dogmata radicitus extirpari. Definitur primo contritionem manare ex anteaſtæ vitæ odio, & peccatorum detestatione. Statuitur deinde attritionem imperfectam, quæ concipitur ex conſideratione turpitudinis peccati, vel ex gehennæ & pœnarum metu, eſſe donum Dei, & Spiritus ſancti impulſum, *quo pœnitens adjutus viam ſibi ad juſticiam parat*, non autem reddere hominem magis peccatorem: quod proſecto intelligitur etiam de attritione *initiali*, quantum Lutherus aſebat vitiari a timore, & eſſe ad gratiam impedimento; ideoque Concilium non inquit, Attritionem, *quæ includit ſolam turpitudinis peccati conſiderationem, vel ſolum gehennæ, & pœnarum metum*, ſed *quæ hinc communiter concipitur*, & ad initialis amorem ſolet procedere. Declarat poſtea illam contritionem imperfectam per ſe ad juſtificationem non perducere, ad gratiam tamen in Sacramento Pœnitentiæ impetrandam diſponere; quoniam contritio, quæ hominem juſtificat antequam Sacramentum actu ſuſcipiatur, eſt *caritas perfectæ*; contritio autem imperfecta, quæ ex metu pœnarum *communiter concipitur*, non eſt impedimento ad gratiam, ſed ad eam viam ſternit, ac præparat; remote quidem ſententiâ noſtrâ, ſi in timore perſiſtat; proximè, ſi accedat *caritas initialis*.

tialis. Profert denique exemplum Ninivitarum, qui hoc timore utiliter concussi ad Jonæ prædicationem plenam terroribus pœnitentiam egerunt, & misericordiam a Domino impetrarunt: non utique absque amore, ut dicam paullo infra; sed ex timore *concupientes*, non in solo timore conceptum animi dolorem fervantes.

Nisi huic analysi, & collationi hæreticis cum Orthodoxa doctrina acquiescas; non unum depromam pro firmanda thesi argumentum ex Historia Concilii ab Eminentissimo Pallavicino conscripta. In ea primò legitur lib. xii. cap. x. num. 24. sententiam complurium Theologorum, qui Concilio interfuerunt, fuisse, necessariam esse in Sacramento Pœnitentiæ caritatem aliquam initialem. *Didacus Lanius* (inquit illustris Historicus) *qui primo loco inter minores Theologos sermonem habebat, dixit; Sacramento esse necessariam pœnitentiam, timorem, dilectionem, contritionem, absolutionem. Dilectionem pariter tanquam necessariam enumeravit Jacobus Ferrarius, Hispanus, Segovienſis Episcopi Theologus, & per hoc eundem articulum improbavit, causatus solis terroribus minime contineri dilectionem, quæ absolute necessaria est, cum Christus pronuntiaverit. Remittuntur ei peccata multa, quoniam dilexit multum; & Dilexit, inquit, per præteritum, quia dilectio remissionem anteceffit. Infra num. 25. At Melchior Avoſmedianus, tunc Pucenſis Episcopi Theologus, postea vero reversus ad Pii Concilium Guadicensis Episcopus, dixit, prius nos propter pœnæ metum dolere, dein propter Deum; postea vero, agebat, peccata confitemur. Et Bernardus Colloredus Dominicanus, Forolivienſis Episcopi Theologus, tanquam necessaria numeravit timorem, detestationem, ac fidem, ex qua spes oriatur, & ab hac dilectio. Ejusdem sententia fuit Franciscus Contreja ex Ordine Minorum Observantium. Addit num. 26. Aliquod duntaxat vestigium comperio opinionis negantis necessitatem amoris, in iis, quæ Granatenſis disputavit. Hinc proximam eruo argumentationem: Superat omnem fidem, voluisse Tridentinos Patres proſcribere sententiam a celeberrimis Theologis propugnatam, & cujus opposita in unius Granatenſis disputationibus tradi tantummodo videbatur. At sententia, quam Theologi præstantissimi propugnabant, ea erat, quæ adſtruit in Sacramento Pœnitentiæ necessitatem amoris. Superat ergo fidem voluisse Tridentinos Patres in eandem sententiam, quæ defendit amoris necessitatem, animadvertere.*

Prosequitur eximius Historicus cit. num. 25. *Quantum ex Actis conjicio, Theologorum mens erat, ut error hæreticorum damnaretur, tanquam inonestum improbantium pœnæ timorem, non item, ut ferrent sententiam de Scholastica questione, an hujusmodi timor non solum absque contritione animi perfectæ (de quo controversia vix fuit, sicut patebit) sed etiam absque eo, quod ullus exciteretur amor imperfectus,*

fectus, sufficiat ad peccatorum remissionem in Sacramento. Hinc nostra roboratur assertio: etenim quæstio propugnans in Sacramento necessitatem caritatis initialis, scholastica est, ac nullam habet affinitatem cum impia hæreticorum assertione, quin huic opponitur e diametro, ut ostendi prop. 2. De hac ergo quæstione noluit veneranda Synodus proferre iudicium. Deinde Pallavicinus producit invitum hujus rei argumentum, statim subiciens: *Id vero clare liquet ex ipsa probatione Concilii, qua hujus articuli doctrinam firmat capite quarto, nimirum, Ninivitarum pœnitentiam ex timore profectam ipsis profuisse, cum certum esset eo tempore, quo Sacramentum Pœnitentiæ adhuc non extabat, eam formidolosam pœnitentiam minimè sufficere per seipsum ad peccatum delendum: sed vim tantummodo habuisse ad impetrandam novam gratiam, cujus ope adjiceretur caritatis affectus, quem omnes necessarium fuisse fatentur ante novam legem ad justitiam recipiendam.* Quæ verba hanc nobis argumentationem suppeditant: Voluit Concilium attritionem formidolosam utilem esse, & vim habere ad impetrandam gratiam, qua auxiliante conciperetur amor aliquis initialis; non ergo statuit formidolosam illam attritionem ad gratiam justificationis obtinendam sufficere, si amore ipso initiali sit exspoliata. Concilium præterea attritionem ex timore conceptam utilem esse pronunciat, quoniam Ninivitæ timore illo concussæ pœnitentiam egerunt, & impetrarunt a Domino misericordiam. At Ninivitæ ideo misericordiam impetrarunt, quia per timorem adepti sunt gratiam sanctæ dilectionis, non facti sunt pervicaciores & magis improbi. Igitur Concilium commendat approbatque attritionem ex timore profectam, quia adjuvat impium, ut impetrare queat gratiam caritatis, non vero, ut aiebant hæretici, illum inquinat magis, deprimit, redditque scelestiorem.

Rursus narrat Historicus alia ratione prius exaratum fuisse Synodi Tridentinæ decretum, atque hisce verbis conceptum: *Illam contritionem, quam Theologi attritionem vocant, quod imperfecta sit, & solum vel ex turpitudinis peccati consideratione, vel ex gebennæ, & pœnarum metu, qui servilis timor dicitur, concepiatur, si voluntatem peccandi excludat, & dolorem qualemcunque de commissis delictis exprimat, statuit hæc sancta Synodus, & declarat, non solum non facere hominem hypocritam & magis peccatorem (ut quidam blasphemare non verentur) verum etiam sufficere ad Sacramenti hujus constitutionem, ac donum Dei esse, & Spiritus sancti impulsu verissimum, non adhuc quidem inhabitantis, sed tantum moventis, quo pœnitens adjutus, cum sine aliquo dilectionis in Deum motu esse vix queat, viam sibi ad justitiam munit, & per eum ad Dei gratiam facilius impetrandam disponitur.* Hujusmodi autem decretum ad eummodum, quo legitur in præsentia, instante Joanne Aemiliano Tude-
To.VII.

tano Episcopo, reformatem est. Nunc vero non extat particula *solum* in ea periodi parte, in qua legitur attritionem ex turpitudinis peccati consideratione, vel ex gehennæ, & pœnarum metu concipi, & illius particula loco adverbium *communiter* est substitutum. Desunt quoque modò adjuncta illa pœnarum timori, *Qui servilis timor dicitur*. Dispuncta ulterius sunt ea verba, *Sufficere ad Sacramenti hujus constitutionem*. Itidem desiderantur insequentia, *Cum sine aliquo dilectionis in Deum motu vix esse queat*. Hinc primum infero, in decreto, quod promulgatum confirmatumque est, sermonem non coarctari ad solam attritionem servilem, quoniam explosi est particula *solum*, atque pariter verba illa expuncta sunt, *Qui servilis timor dicitur*; ideoque possumus optimè Concilium interpretari de attritione, quæ *communiter* quidem concipitur ex timore servili, sed aliquando oritur quoque ex amore initiali, sive ex timore ad amorem procedit; præsertim, quod hanc etiam attritionem initiali amore conjunctam damnabat Lutherus, & impie de ea pronuntiabat reddere hominem magis impium, & impedimento esse ad gratiam. Dein vero ex quo abrasa sint ea verba *sufficere ad Sacramenti constitutionem*, infero noluisse Concilium præjudicium afferre sententiæ veterum Scholasticorum affirmantium opus esse in Sacramento *contritione perfecta*, in qua proculdubio sententia fuit Joannes Aemilianus, ut paullo supra scripserat Pallavicinus: *At vero Joannes Aemilianus Hispaniensis Tudetanus Episcopus extremum oppositum sententiæ tenuit, hoc est, opus esse contritione perfecta; nec tamen hinc argui per Sacramentum peccatum non remitti, quippe quæ Sacramentum jam invenit remissa præeuntis contritionis efficacitate: siquidem agebat, ipsa contritio id præstat virtute Sacramenti, cujus votum in ea continetur*. Quod si Concilium noluit præjudicium ullum inferri sententiæ adfluenti necessitatem contritionis perfectæ, quæ efficacia sua remittit peccata priusquam Sacramentum actu suscipiatur; quanto magis immunem, integramque reliquit sententiam eorum, qui docent necessitatem amoris duntaxat *initialis*, qui amor peccatum efficacitate sua non remittit? Si vero Adversarii contendant in decreto, prout nunc extat, agi de attritione servili, & omni amore expoliata, propterea quod expuncta sunt ea verba, *Cum sine aliquo dilectionis in Deum motu vix esse queat*; fateantur pariter necessum est, in eodem decreto pertractari de dispositione ad gratiam remota, & quæ viam sternit dilectioni, non autem de dispositione proxima atque sufficiente, quoniam & ea verba abrasa sunt, *Sufficere ad Sacramenti hujus constitutionem*. Aut è contra, si placet adversariis Concilium, dum ait de contritione imperfecta, quæ concipitur ex gehennæ metu, *Ad gratiam in Sacramento Pœnitentiæ impetrandum disponit*, de dispositione sufficiente & proxima fuisse locutum, quoniam

niam in priori conscriptione decreti assererebatur attritionem hanc *sufficere ad Sacramenti hujus constitutionem*; fateantur vicissim pertractare Concilium de Attritione, quæ ex timore quidem concipitur, sed ulterius ad inchoatam caritatem pertrahit timentem; nam & in prima delineatione legebatur, *Cum sine aliquo dilectionis in Deum motu vix esse queat.*

Tandem ne reformationis illius decreti causam proprio Marte fingamus, hanc memoratus Historicus assignans ait: *Laudatus Episcopus, Joannes Aemilianus, monuit falso dici hujusmodi dolorem sine amore vix unquam concipi posse: quos autem hac attritio satis esset Sacramento constituendo, ita ut homini attrito deleantur peccata absolutionis supervenientis vi, variare auctorum sententias, adeoque id esse tollendum: quomobrem decretum, sicut nunc extat, reformatum est.* Ex his apertissimè constat, sacrosanctum Concilium delendo verba illa, quibus assererebatur contritionem imperfectam in Sacramento *sufficere*, pepercisse auctoribus docentibus necessitatem contritionis perfectæ, quæ vi sua remittat peccata; quandoquidem in Decreto ante reformationem legebatur attritionem *sufficere*, quoniam *absque motu dilectionis vix esse potest*; ideoque sermo tunc erat de attritione initiali, non autem servili: abradendo autem verba, exprimentia sufficientiam attritionis imperfectæ, simulque ea, quæ exprimebant motum dilectionis conjunctum timori, demonstrasse attritionem servilem ab omni actu dilectionis sejunctam (indubitatum quippe est, amorem ac timorem posse invicem separari) esse quidem impulsu Spiritus sancti, & ad gratiam disponere, non tamen sufficienter, & proxime.

Instituunt hoc in loco auctores sententiæ nostræ quæstionem, an in decreto prius delineato, in quo aperte tradebatur attritionis sufficientia, ageretur de attritione *servili* omni amore exspoliata, an de attritione *initiali* conjuncta amoris imperfecto. De hac pertractatum fuisse commostrant superiora argumenta; mihiq; persuasum est factam decreti reformationem in gratiam adstruentium necessitatem contritionis perfectæ. Qui hac in parte fluctuat; adeat Auctorem Opusculi de mente Concilii Tridentini circa Contritionem, & Attritionem p. 1. cap. 8. Petrum Lambertum Le-Drou differt. 1. c. 3. Leonardum Vanroy de Pœnit. cap. 1v. q. 7. Aurelium Lovaniensem q. 1. §. 2. Ceterum non ero de hac re plurimum sollicitus, sed utar satis obvio dilemmate: Aut de attritione conjuncta imperfectæ dilectioni in priori decreto agebatur, aut de attritione pure servili; si de hac postrema, inepte ex Concilio infertur *sufficere* in Sacramento, cum verbum istud *sufficere* expunctum sit: si de attritione imperfectæ caritati conjuncta; ineptius in nos detorquent adversæ partis Theologi, quæ nec feriunt adstruentes necessitatem contritionis, & caritatis perfectæ.

Accedit in hujus theſis confirmationem, quod ex iſti Theologi, & qui Concilio interfuere, & qui illud ſubſecuti ſunt, ſententiæ ſubſcripſerunt noſtræ, ut dicam infra Propositione vi. & de nonnullis tetigi paulo ſupra, Nec prætereundum eſt per Gallicanos Antifites anno 1700. hanc propoſitionem num. 87. *Concilium Tridentinum adeo expreſſe definiit, attritionem, quæ non vivificet animam, quæque ſupponatur ſuo amore Dei eſſe, ſufficere ad abſolutionem, ut anathema pronuntiet adverſus negantes*, fuiſſe ſequenti cenſura confirmam: *Hæc propoſitio falſa eſt, temeraria, Concilio Tridentino contraria, & in errorem inducit*. Vide perpolitum ſcriptorem de Re Sacrament. tom. 2. pag. 94.

PROP. V. Sententia ad gratiam in Sacramento conſequendam, exigens *initialem* amorem ipſi Tridentino Concilio, ſacris litteris, Patribus, & rationi videtur eſſe conformis.

Expulſis cenſuris, & adverſantium machinamentis diſjectis, quæ ſuperſtrui ſolent damnato Lutheranorum dogmati, & orthodoxæ Concilii Tridentini doctrinæ, progrediendum mihi eſt ad ſtabiliendam ſententiam hætenus ab erroris ſuſpicionem purgatam. Neque enim, ſi quicquam ſapimus, immunis eſt ſolum, & diſputantium arbitrio reſiſta; ſed vera etiam, atque in primis eidem Oecumenicæ Synodi undequaque cohærens. Hujus veritatis haud obſcura veſtigia occurrent pacata mente legentibus præmiſſas duas poſitiones. Inde enim liquet ſacroſanctum Concilium, dum ageret de diſpoſitione ſufficienti ac proxima appoſuiſſe *motum dilectionis in Deum*; & de hoc motu ſilens expunxiſſe, quæ ſonant ſufficientiam: quod utique argumento eſt, perſuaſum Patribus conceptam ex metu attritionem, niſi ad diligendum Deum progrediatur, non conſtituere contritionem illam, quæ eſt pars ſacramenti, & ad gratiam juſtificationis proxima diſpoſitio. Illud inſuper ſententiam, quam ſequimur, plurimum corroborat, quod Tridentinum prælaudato cap. iv. declarat quovis tempore neceſſarium fuiſſe ad impetrandam veniam motum contritionis, ad hanc requiri averſionem a peccato, & converſionem cordis ad Deum, neceſſarium quoque eſſe animi dolorem, & odium ac deteſtationem peccati, oportere inſuper, ut attritio voluntatem peccandi excludat: quæ omnia adverſarii noſtri fatentur, & attritioni pure *ſervili* ineſſe exiſtimant. Qua in re ſi fallantur, quemadmodum eos falli ſuadent nobis ratiocinationes paulo infra ſubjiciendæ; ſequitur conſecutione legitima ſententiam hanc noſtram non everti, nec aliquatenus impeti, ſed fulciri, ac firmari ejuſdem Tridentini Concilii firmiſſima & ineluctabili auctoritate. Poſtquam hæc leviter attigimus, recitanda ſunt, quæ de neceſſaria ad gratiam diſpoſitione docet ipſummet venerandum Concilium ſeſs. vii. cap. 6. *Diſponantur* (inquit) *ad ipſam juſtiſſiam, dum excitati divina gratia,*

tia, & adjuti, fidem ex auditu concipientes, libere moventur in Deum, credentes vera esse, quæ divinitus revelata, & promissa sunt, atque illud in primis, a Deo justificari impium per gratiam ejus, per redemptionem, quæ est in Christo Jesu, & dum peccatores se esse intelligentes, a divina justitia timore, quo utiliter concutiuntur, ad considerandam Dei misericordiam se convertendo, in spem eriguntur, fidentes Deum sibi propter Christum propitium fore; illumque tanquam omnes justitia fontem diligere incipiunt; ac propterea moventur adversus peccata per odium aliquod, & detestationem, hoc est per eam penitentiam, quam ante baptismum agi oportet. Hinc argumentum istud eruitur: Præparatio animi necessaria ad obtinendam justitiam in Sacramento baptismi desideratur pariter in Sacramento Pœnitentiæ. At necessaria est in Sacramento baptismi ea præparatio, quæ præter fidem, timorem, & spem, includat initialem amorem, quo diligatur Deus tanquam fons omnis justitiæ. Igitur hæc animi præparatio desideratur pariter in Sacramento Pœnitentiæ.

Occurrunt huic argumento adversarii, reponentes Concilium accipiendum esse de amore concupiscentiæ, aut saltem de amore abstrahendo ab amore concupiscentiæ, vel caritatis. Amorem verb concupiscentiæ nec ipsi excludunt, siquidem cum attritione servili spem requirunt, quam expresse Concilium ipsum sels. xiv. cap. 3. commemorat. Quid ergo, si de amore caritatis Concilium accipiendum esse monstretur? At istud demonstratur perquamfacillime. Principio cum decretum antea delineatum foret absque illis verbis, *Illumque tanquam omnis justitia fontem diligere incipiunt*, postmodum addita hæc fuere, instantibus Theologis præstantissimis, ut infereretur actus aliquis caritatis, sine quo infructuosa esset pœnitentia. Arrige aures Eminentissimo Pallavicino hæc lib. viii. cap. 13. num. 13. enarranti. *Quod attinet ad id, quod dicitur de dilectione Dei, advertendum est, per tamen decreti prius delineati nullam fieri dilectionis mentionem, sed Salvatorem Alepium Archiepiscopum, Turritanum, Claudium Jajum Societatis Jesu, Lippomanum Vero-nensis adjutorem, & Pium Franciscanorum præsidem admonuisse, ut aliquis caritatis actus infereretur; cumque id ad omnium Patrum judicium relatum fuerat, cum aliis præcipuis notis, ut indicavimus, viginti tres ex ipsis diserte illud comprobasse; adeoque insertum Decreto: sed postea aliis haud probatum; verum a Theologis strenne propugnatum, & per hæc verba retentum: Non est sermo eo loco de habitu caritatis; sed cum in particula, quæ loquitur de Pœnitentiæ, nulla fiat mentio amoris, visum est cum fide & spe jungere aliquem dilectionis actum; quia si pœnitentia tota esset ex timore, sine amore justitiæ, & dolor esset propter penam tantum, & non propter Dei offensam, infructuosa esset. Præterea non alia ratione, quidam addita-*

men-

mentum illud improbabant, nisi quia caritas, quæ diffunditur in cordibus nostris per inhabitantem Spiritum sanctum, est *forma justitiæ*, non ad justitiam præcedens dispositio; sed ubi formatores decreti affirmarunt aliud esse actum caritatis, aliud habitum, & cum actu illo haberi quidem desiderium justitiæ, non semper obtineri justitiam ipsam; assensum singuli præbuerunt, statueruntque in habitu infuso caritatis, non in quolibet actu locandam justitiæ formam; quamobrem pergit memoratus Historicus cap. xiv. num. 3. *Quibusdam pariter animadvertentibus, caritatem superiori capite memoratam recenferi sub illius initium inter ea quæ præparant animum ad justitiam suscipiendam, postea vero tanquam ipsius justitiæ formam poni; responderunt Decreti formatores, in primo loco sermonem esse de quodam actu caritatis, cum insit aliqua dilectio in homine non quidem obtinente, sed exoptante justitiam: at in secundo significari habitum caritatis. Paucis te volo, qui negas de amore caritatis loquutum esse Concilium. Cur de amore concupiscentiæ accipiendum illud est? Quoniam, inquis, dilectio & amor caritatis est forma justitiæ, aut saltem hanc semper obtinet. At falleris; primum, quia formatores decreti asserunt actum caritatis, qui præparat ad justitiam, hanc exoptare, non obtinere: deinde, quia docent illius dilectionis actum præparare animum ad justitiam suscipiendam, cujus dilectionis habitus est ipsa justitia. Hujusmodi autem habitus est ne habitus spei; an habitus caritatis? Caritatis utique ex eodem Concilio proximo c.vi. Igitur dilectio præparans ad justitiam est dilectio caritatis, non concupiscentiæ, vel spei. Addo exigi a Patribus Tridentinis dilectionem, ut pœnitentia sit *propter Dei offensam*; quod auctore D. Thoma 3. p. q. 85. art. 5. ad. 1. *pertinet ad caritatem*; verumtamen id paullo inferius expendam. Quid præterea opus erat commemorare præter spem actum dilectionis ad commonstrandum amorem concupiscentiæ a spe, cui non additur caritas, indivulsum? Hoc denique in loco amorem caritatis intellexerunt auctores Catechismi Romani, dum p. 2. cap. 5. num. 8. juxta doctrinam Tridentinæ exponentes gradus, quibus ascenditur ad pœnitentiæ virtutem, fide, timore, atque spe recensitis, *Postremo, inquirunt, caritate corda nostra accenduntur, ex qua liberalis ille timor probis & ingenuis filiis dignus oritur; atque id unum illud veriti, ne qua in re Dei majestatem laedamas, peccandi consuetudinem omnino deferimus*. Intellexerunt idem omnes illi Scholastici; qui cum Francisco Suarez Theologo Societatis Jesu doctissimo in 3. p. disput. iv. sect. 8. demonstrant hominem non posse Deo ad juris apices satisfacere pro semetipso, quia si id posset, posset præsertim per actum caritatis, quo diligeret Deum super omnia, qui tamen *actus amoris* (inquit Suarezius) *est dispositio, non autem formalis causa justificationis ex Tridentino sess. vi. cap.**

cap. 6. Intellexerunt idem Tannerus , eoque satente , communi sensu Doctores alii ; prout diss. 3. cap. 2. §. 1. demonstrat noster Le Drou:

Neminem debet movere , quod præcipiat Tridentinum amorem , quo diligamus Deum , *tanquam omnis justitiæ fontem* ; non enim his verbis præscribitur duntaxat amor Dei , quo diligatur propter nos , & tanquam causa justitiæ nostræ ; sed ulterius exigitur amor , quo diligatur Deus propter se , ut summum bonum , ut illum , a quo est omnis justitia , & in quo , non tanquam in rivulis dispersa , tenuis , exhausta , quemadmodum in hominibus , sed tanquam in fonte permanet plena , incommutabilis , indeficiens . Primum namque hoc mente versabant editores decreti , ut exprimeretur actus dilectionis , quo *propter Deum* , non causa nostri , odio prosequamur peccata . Deinde amor justitiæ , quatenus est justitia nostra , & peccatorum remissio , nonne includitur in spe , qua erigitur animus , & qua fidimus Deum nobis propter Christum propitium fore ? Nonne docet Scholarum Lumen S. Thomas 2. 2. q. 17. art. 8. pertinere ad spem illum amorem , *quo quis amat aliquid , non secundum seipsum , sed ut illud bonum sibi ipsi proveniat* ? Immo nonne amor iste præcedit spem , quæ teste Augustino cap. viii. Enchiridii num. 2. *sine amore esse non potest* ? Stulti ergo fuissent , nimiumque solliciti decretorum formatores , dantes operam ut præter spem apponeretur dilectio , ne penitentia redderetur infructuosa ; nisi aliam dilectionem intellexissent , quam spei comitem & pedisequam . Hospes præterea est in Augustini lectione quisquis nescit nil esse aliud amare Deum *tanquam omnis justitiæ fontem* , quam illum diligere tanquam rationalis creaturæ finem ultimum , a quo sine sese peccator avertit . Audiatur S. Pater lib. x. de Civit. Dei cap. 3. num. 2. *Ipse enim* (inquit de Deo) *fons nostræ beatitudinis , ipse nostræ appetitionis est finis . Hunc eligentes , vel potius religentes , amiseramus enim negligentes , ad eum dilectione tendimus , ut perveniendo quiescamus* . Si velis expressum justitiæ nomen ; S. Pater docens quomodo amandus sit Deus in lib. de Catech. rud. cap. 27. num. 55. *Amandus est* (inquit) *non sicut aliquid quod videtur oculis , sed sicut amatur sapientia , & veritas , & sanctitas , & justitia , & caritas ; non quemadmodum sunt in homine , sed quemadmodum sunt in ipso fonte incorruptibilis & immutabilis sapientia* . In Psalmum itidem lxi. num. 21. ait : *Ergo cum sis injustus , esse non potes justus , nisi convertendo te ad quamdam justitiam manentem : a qua si recedis , injustus es ; ad quam si accedis , justus es* , subinde demonstrans fusiori oratione , hujus justitiæ fontem esse Deum , qui est sua justitia , sua bonitas , sua veritas , summum denique bonum propter se diligendum .

Præterire non possum , quod sæpe in præcedentibus monui , agere Tridentinos Patres de dispositionibus ad gratiam adversus hæretici-

reticos repetentes justificationem a sola fide. Demonstravi autem Lutheranos negasse ad justitiam disponere fidem adnexam operibus, & caritati inchoatæ, quam ob conjunctum timorem aiebant esse impedimento ad justitiam; & neminem proinde ante justificationem diligere Deum amore casto & innoxio. Hinc Lutherus in cap. 2. Epist. ad Galatas scribit: *Sopbia cæci* (hoc nomine ab Apostata condecoramur) *somniant fidem non justificare, nisi ornata sit operibus caritatis*. Quid ergo magis veritati consonum, quàm si Concilium pertractans de dispositionibus ad justificationem, de illa dilectione verba faciat, quam hæretici negabant ad justificationem disponere? Sane, ne levem putes hanc conjecturam, Lovanienſes Theologi ar. iv. in definitione contritionis apposuerunt ea verba *propter Dei offensam*, quæ non extant in definitione contritionis tradita a Conc. tr. ſs. xiv. cap. 4. subintelliguntur tamen, ut postea dicam: apposuerunt autem, inquit Ruardus Tapperus in Exposit. ejusdem articuli, *propter Martinum Lutherum, & Philippum, qui docent peccatorem non posse dolere de peccatis ob Dei offensam ex ejus amore, antequam remissum sit peccatum*. Eundem habuisse scopum Patres Tridentinos ſs. v. cap. 6. eo est verisimilius, quod ibi omnia, quæ præcedunt justificationem, disertissime connumerantur.

Manet ergo primum hoc argumentum ab inani adversariorum effugio integrum, & inconcussum; nam quod quidam reponunt agere Concilium de justificatione extra Sacramentum, aut de dispositione congrua, sed non necessaria; deterior est responsio, nec alia indiget refutatione. Loquitur enim Concilium de justificatione suscipientium baptismum: eodemque cap. vi. ad dispositionem illam spectare docet quod legitur in Aët. Apost. cap. x. *Pœnitentiam agite, & baptizetur unusquisque vestrum in nomine Jesu Christi, in remissionem peccatorum*. Transiens posthac ad causas justificationis enumerandas, declarat ipsum Sacramentum baptismi esse *causam instrumentalem*. Exigit quoque, ut qui disponuntur ad justitiam, incipiant Deum diligere, ut moveantur adversus peccata *per odium aliquod & detestationem, hoc est, per eam pœnitentiam, quam ante baptismum agi oportet*. De justificatione, quæ fit in Sacramento, necesse præterea est pertractet ea Synodus, quæ studet evellere hæreticum dogma adscribens justitiam fidei, quæ tanquam oppignoratione divina exciteatur verbis Evangelicis, quibus Sacramentum administratur. De necessaria autem dispositione Concilium peragere, demonstrat verbum *oportet*, repetitum canone 3. evincit eadem de fide, de timore, de spe, atque de amore initiali loquendi ratio; unde sicut illa, ita iste necessario requiritur: confirmat additamentum decreto factum, ne pœnitentia evadat *infructuosa*. Cum igitur quæ ad consequendam justificationem in baptismo a Tridentino Concilio præscribuntur, a
for-

fortiori necessaria sunt ad ipsam justificationem obtinendam in Sacramento Pœnitentiæ, quæ laboriosus quidam baptismus appellatur ab eodem Concilio, necnon contritionem exigit, non tantum ut impius præparetur ad gratiam, qua ratione fuit quovis tempore necessaria ad veniam impetrandam, verum etiam tanquam partem Sacramentum constituentem; haud immerito existimamus Theologos pro necessitate caritatis initialis pugnantes nec latum unguem discedere a mente Patrum Tridentinorum.

Sacris etiam litteris conformis videtur sententia nostra, siue attendantur quæ de caritate, & dilectione Dei in iisdem leguntur, siue quæ specialiter traduntur de conversione impiorum, atque de Pœnitentia. Quantum ad dilectionem attinet, habemus de illa primum omnium maximumque præceptum Deut. v. 5. Matt. xxii. 37. *Diliges Dominum Deum tuum ex toto corde tuo, & in tota anima tua, & in tota mente tua*. Habemus singulare exemplum in muliere peccatrice, de qua legitur Lucæ vii. 47. *Remittuntur ei peccata multa, quoniam dilexit multum*. Habemus caritatis necessitatem apud Apostolum scribentem in priori ad Corinthios xi. 1. fidem, etiam si montes transferat, eleemosynam, martyrium, aliaque sine caritate opera *nihil prodesse*. Quantum ad præceptum, tamen non obliget semper, cum sit affirmativum, certum nihilominus est, aliquo tempore obligare, ac nimium laxos fuisse illos moralis Theologiæ Tractatores, qui vel dixerunt illud generale esse mandatum, & pleacervari si cetera adimpleantur, vel asseruerunt per se obstringerenduntaxat in mortis articulo, vel semel in vita, aut post longum temporis intervallum. Obviæ sunt damnatæ hac in re ab Innoc. XI. anno 1679. die 2. Martii propositiones. Si autem præceptum diligendi Deum obligat aliquando, tunc præsertim obligandi vim habet, quando peccator vult Deo, quem graviter offendit, reconciliari. Primo quia aliàs fieri posset, ut scelestissimus homo nunquam in vita dilexerit auctorem suum, ac tandem supplicii terrore percitus peccata confiteatur, statim verò absolutione percepta extremam diem obeat, ideoque justificatus sit, quamquam toto vitæ suæ tempore Deum non dilexerit. Deinde quia revera auctores nonnulli, ex eorum numero, qui defendunt sufficientiam attritionis pure fervilis, architecti fuerunt earum propositionum, quas diximus ab Innocentio XI. fuisse proscriptas, cohærenti ratiocinio animadvertentes, quod si dilectio Dei ad justificationem non sit necessaria, nequaquam aut dum primum illucescit ratio, aut dum humana vita transfigitur, aut dum imminet fatum irreparabile, necessum sit Deum amare, nisi forte haberi nequeat alia justificationis via, intercluso ad Sacramentum accessu. Quid enim ultra ad salutem æternam desideratur, quando impius justitiæ gratia exornatus est, adoptatus in Dei fi-

To. VII.

Y y

lium

lium, & factus divinæ confors naturæ habet pignus & arrham hæreditatis? Quod utique si præstat servilis timor, frustra opus aliud indicitur. Hinc adverbiorum unus, a cujus nomine abstinco, p. 2. Explicat. Decalogi cap. 3. §. 2. scribere non est veritus, *præceptum caritatis impositum fuisse ob justificationem impij, solum igitur obligare, quando impius, quia Sacramentum penitentiae non est in promptu, non habet aliam viam, qua se justificet, nisi eliciat actum contritionis, quæ semper aliquo tandem modo actum amoris Dei super omnia dilecti involvit.* Id utique damnatum est decimanona ex laudatis confixis thesibus: sed hinc tamen apparet, ipsis propugnatoribus attritionis servilis persuasum aliquando, quod semel eorum sententia probata, nunquam obliget primum decalogi præceptum, nisi *indirectè*, & quando nulla alia adest via, *qua justificari possimus.* Nos ò contra, cum illud præceptum frequenter inculcandum esse, arbitremur juxta ea, quæ scripsimus libro xxiii. cap. 15. maxime illud implendum asserimus, dum irato Deo volumus reconciliari, atque ea de causa ad sacerdotis pedes provolvimur, memores scriptum esse Deut. iv. 29. *Cum quaeseris Dominum Deum tuum, invenies eum, si tamen toto corde quaeseris, & in tota tribulatione animæ tuæ:* & Ezech. xlviii. 31. *Facite vobis cor novum, & spiritum novum.*

Videtur propterea nobis magnopere cavendum, ne qui solo timore supplicij ad veniam petendam accedunt, a Deo, qui scrutatur renes & corda, tanquam adhuc corde averſi, & prava cupiditate irretiti, divina misericordia censeantur indigni. Conantur hæc Doctores nostri explicare comparatione mulieris, quæ in adulterio deprehensa, & permota solâ egestate, aut timore, peteret donari veniam, virique consortio; at nunquam id assequeretur, si maritus gravi affectus injuria averſum a se mulieris animum introspiceret: non ita tamen, si foret ille timor uxoris castæ maritum suum diligentiſ. Atque exemplum istud acceperunt ab Augustino serm. 161. num. 9. & in Pf. 127. num. 8. Eodem nos usi sumus iv. Volumine de variis timoris generibus differentes. Utitur consimili exemplo Albertus Pighius Controversia ix. pag. edit. Paris. 139. ubi ad ostendendum nunquam dolore solo, quo detestetur peccata *ob gehennæ metum*, veniam ab impio impetrari, *Si quis* (inquit) *homini, quem offendit, si servus Domino diceret: Doleo equidem vehementer, quod te offenderim, non tamen propter te; sed propter me doleo, quia ob tuam offensam merito cador, vinculis constringor, bonis, quibus tibi obsequentes suaviter perfruuntur, ego miser careo; nunquid hic tali penitentiâ offensa istiusmodi a Domino impetraret veniam?* Idem scribit Tapperus, de quo paullo infra; & Joannes a Daventria ad art. xii. Confessionis Augustinæ resutans hæreticos negantes dilectio-

lectionem castam præcedere justificationem, *Numquam*, ait, *inimicus reconciliatur, nisi prius diligat eum, quem prius odio prosequatur: nunquam ingratus agnoscat beneficium in se collatum, nisi prius male affectum animum exuat, idest, inimicus, & ingratus non justificatur, nisi caritate & gratia intervenientibus.* Ideo Catholici tradunt non sufficere ad peccati remissionem, si tantum timeat, & peccatorum remissionem speret, sed quod oporteat eum ex toto corde dolere, & converti ad Deum, ita, ut non tantum timeat, sed diligat Deum. Vide Harmoniam Confess. Augustinæ pag. 239.

Addidi supra exemplum Magdalenz. Dicent, opinor, adversarii hanc sine virtute Sacramenti fuisse justificatam. Non tantum id fateor, sed etiam vehementem illam caritatem in paucis adesse credo. Ad rem tamen nostram exemplum istud proferitur: primum, quia in Tridentino Concilio hoc idem protulerunt Theologi, ut *actus dilectionis* capiti sexto sess. vi. inferretur, ut dixi prop. 4. deinde quia Lutherana hæresi exorta adhibuerunt Catholici idem exemplum, ut evincerent dilectionem nostram requiri ad gratiam remissionis obtinendam, prout constat ex Philippica ix. Virvesii, de qua in prop. 2. Ulterius, quia Petrus Soto (de quo plura Lupus in Epistola ad Norisium cap. 2.) in Instrucl. Sacerdotum Lect. xiv. disertissime docet nec veram, nec sufficientem esse contritionem sine illa dilectione Dei, de qua dictum est, *Dimissa sunt ei peccata multa, quia dilexit multum*: insuper quia doctus gravisque auctor sermonis vii. inter Angustinianos de Tempore, nunc Append. 117. num. 10. ita penitentes sese ad sacramentum disponentes alloquitur: *Vos modo debetis amare Deum, & de timore jam ad dilectionem transire, quia sic legimus in Evangelio de peccatrice illa, Cui multum dimittitur, multum diligit.*

Commemoravi præterea Apostolum in prima ad Corinthios scribentem, nec donum linguarum, nec fidem, nec eleemosynam, nec ipsum martyrium ad vitam æternam absque caritate prodesse. De martyrio, quod tantum valet ad dimittenda peccata, quantum si quis abluitur sacro fonte baptismatis, neque ex opere operantis producit gratiam, sed ex se, & quatenus est imitatio passionis Christi, sicuti demonstratum est lib. xxxi. cap. 23. inquit laudato cap. 13. num. 3. prædicator veritatis: *Et si tradidero corpus meum ita ut ardeam, caritatem autem non habuero, nihil mihi prodest.* Sine caritate igitur non percipitur martyrii fructus; quamvis martyrium sit species quædam baptismi; atque ex opere, ut inquirat, operato conferat gratiam: ergo neque sine caritate percipi potest fructus Pœnitentiæ & sacramenti, quamvis istud vi sua, & supra dispositionem suscipientium, gratiam producat. Quod respondere solent, loqui Apostolum de caritate *habituali*, sine qua non habetur meritum.

Y y z de

de condigno, non una ratione manifestè refellitur. Nam egregius Pauli interpretes Chrysostomus hom. 32. pag. 609. caritatem illam explicat iis, quæ Matth. xx. dicta sunt a Domino filiis Zebedæi, & quæ Joannis xxi. dicta sunt Petro; ubi commendantur exercitia caritatis, præsertim vero imitatio Christi, qui animam suam dedit pro humani generis redemptione; appellatque Chrysostomus caritatem illam *καρπώδεια*, nimirum, ut in 1. Officiorum scripsit Cicero, *refte factum*. Ac S. P. Augustinus, serm. xv. de Verbis Apostoli nunc 169. num. 14. ad caritatem illam, de qua Paulus, explicandam, utitur exemplo latronum, qui effossis quoque lateribus, & penè perditis membris nolunt oblatione nequissima prodere confcios criminis, nec nomina sua confiteri: quod utique sine magno amore non faciunt, amore nempe cupiditatis, quo amant conscientiam scelestum, gloriantque facinorum; hæc subjiciens de caritate martyrii necessaria: *Nec tu poteris communicare Christi passionibus sine amore. Sed quæro, quo amore? Non sit cupiditas, sed sit caritas*. Ubi perspicuum est, Augustinum caritatis nomine intellexisse motum animi se convertentis in Deum, quemadmodum nomine cupiditatis intellexit motum animi se convertentis ad res creatas: Et revera Sanctus Pater *motum animi* cupiditatem, caritatemque a se appellari, testatur in tertio libro de Doct. Christi. cap. 10. num. 16. Insuper Apostolus eo loci memorat linguas, fidem, distributionem rerum, & caritatem, & quæ priori ordine complectitur, refert ad actum, non ad habitum, dicens, *Si linguis loquar, si distribuero, si montes transferam, &c.* Itaque & caritatem pro dilectione, non pro forma, & habitu accepit. Hinc Tannerus disp. 2. de spe q. 2. dub. 3. num. 95. ait: *Apostolus loquitur de caritate considerata quoad actum secundum, ut Sancti quoque intellexerunt, & constat ex antitbesi linguarum, qua vel solum, vel maxime ad actum secundum pertinent*. Tandem ut quis per martyrium consequatur vitam æternam, necessum non est, ut exornatus sit caritate *habituali*, & gratia sanctificante. Si ergo Apostolus ait martyrium absque caritate nihil prodesse, de caritate actuali, non de *habituali*, instituit proculdubio sermonem. Vide Hieronymum Harts in libro, quem inscripsit *Catholica & salutaris Astitio*, pag. edit. Antwerp. 11.

Peculiarem denique de Pœnitentia locum legimus in 2. ad Corinth. vii. 10. *Quæ enim secundum Deum tristitia est, pœnitentiam in salutem stabilem operatur; secali autem tristitia mortem operatur*. Ex quo loco Florentius De-Cocq. Præmonstratensis de Pœnit. sect. vii. alique posteriores inferunt attritionem formidolosam non operari *salutem stabilem*, cum non sit tristitia *secundum Deum*, sed secundum nos ipsos. Nec videtur mihi argumentatio ista imbecillis. Etenim S. Thomas lect. 3. in caput vii. nuper laudatum scribit: *Sciendum est quod tristitia*

tristitia, & gaudium, & communiter omnis affectio ex amore causatur. Tristatur enim quis, quia caret eo, quod amat. Qualis autem est amor, talis est tristitia ex amore causata. Est autem duplex amor. Unus, quo diligitur Deus, & ex hoc causatur tristitia secundum Deum. Alter, quo amatur seculum, & ex hoc causatur tristitia seculi. Si ergo tristitia pœnitentium debet esse secundum Deum, ex amore Dei oriatur necessum est. Dicent fortasse adversarii, idcirco Lutheranos damnaſſe timorem servilem, quod proveniat ex amore noxio. At nihil ad rem præſentem istud est: ostendimus enim lib. XXI. cap. 12. amorem inordinatum nequaquam esse de essentia timoris, ac servilitatem, amoremque noxium, si timori inſit, vitium esse timentis, non timoris. Ac dato inſuper timorem servilem derivare ex recto amore ſui, in quo nulla foret perversitas nec etiam ex parte timentis; non eſſet tamen pœnitentia inde tantum concepta derivata ex amore Dei, ideoque non constitueret tristitiam secundum Deum. Memini nunc opportunè eorum, quæ scribit Tapperus in Explicat. articulorum Lovaniensium pag. 112. edit. Colon. Demonstrat ibidem falsam esse opinionem Scholasticorum afferentium sufficere in Sacramento attritionem servilem valido hoc ratiocinio: Nam Apostolus Paulus in Actis solum annuntiat pœnitentiam, quæ secundum Deum est, & ad Corinthios, Tristitia (inquit) quæ secundum Deum est, pœnitentiam in salutem stabilem operatur: Tbi Ambrosius in Commentariis (fateor ego non esse Ambrosii) manifestam, inquit, est; quia qui tristis est quia peccavit, secundum Deum tristis est, dolet enim quia fecit quod odit Deus. Idem Beatus Chrysostomus, & Theopbylaſtus. Nam ne homo quidem justus placaretur, cum is, qui læſus, nullam ipsius in dolore habet rationem, nec ab eo in amicitiam reciperetur, qui jacturam propriam ſentit, & dolet, non amici offensionem. Oportet igitur cum attritione, quæ sit ob meritum supplicii, aliam affectus mutationem conjunctam esse, ut ſcilicet rationes, ob quas de peccatis dolemus, moveant ad altioreſe conſiderationem, mentisque ad Deum etiam affectionem.

Plura ſunt alia, quæ Theologi noſtri proferunt ex ſacris litteris, ut quod legitur Matth. x. 37. *Qui amat patrem, aut matrem plusquam me, non est me dignus*: quod ait Apostolus prope finem epistolæ 1. ad Corinthios, *Si quis non amat Dominum noſtrum Jeſum Chriſtum, ſit anathema*; & quod habetur 1. Joannis 111. 14. *Qui non diligit, manet in morte*, ex quibus legitime inferunt eum, qui non amat Deum ſuper omnia, indignum eſſe gratia & reconciliatione, habere in ſe obicem ad vitam ſpiritualem, atque divinæ executioni obnoxium eſſe. De quibus Le-Drou cap. 1. diſſ. 3. De-Cocq citato in loco, Juenin. quæſt. 1v. de Contrit. §. 3. Witafſe quæſt. 3. ſect. 3. argument. 1. Auctor librorum de Re Sacrament. lib. vi.

cap. 1v.

fat est producere, quæ Billio interprete leguntur Hom. iv. in Epist. 2. ad Corinth. *Cum peccaveris, ingemisce: non quod penas daturus sis, nihil enim hoc est, sed quod Dominum Deum tuum offenderis, tam benignum, tam te amantem, tam denique saluti tuæ appensum, ut filium quoque suum tui causa tradiderit; quæ Græcè extant: τὴν γὰρ αἰτίαν σου ἡμῶν, καὶ ἐπὶ καλῶς ἔχεις μὴδως. τὸν γὰρ ἰδίον. ἀλλ' ἐπὶ σπουδαίως οὐ τῷ δυνάμει, τῷ ὅτις ἡμῶν, τῷ ὅτις σε ὁλοῦσι, καὶ ἡμεῖς αὐτῶν τῶν σπουδαίως τῶν σῶν, καὶ ὅτι πᾶν ὅς ἐστιν ὁ πᾶν ὅς ἐστιν οὐ.* Augustinus fere totus exscribendus foret, si producenda essent loca ejus omnia quæstionem hanc attingentia. Quædam paullo post theologicis rationibus inferam. Sufficiat modo ea tantum præmittere, quæ sunt fundamenta ceterorum. Principio S. Pater docet sine caritatis officio, de quo legitur, *Diliges Dominum Deum tuum, &c.* nil prodesse *inter quantumque tormenta* confiteri Christi nomen: ita Conc. xx. in Psalm. 118. num. 8. ac Tract. vi. in Joan. num. 23. ut mittam sermonem 53. de Tempore a nostris laudatum, rejectum tamen in Appendicem. num. 108. Docet præterea *ad caritatem referri omne præceptum*; quod non refertur ad caritatem nondum fieri, *quemadmodum fieri oportet*, quamvis fieri videatur; sola dilectione & caritate *filios Dei discerni a filiis Diaboli*; ante caritatem, qua eligat, & diligat Deum, *hominem impium esse, nec veraci corde secula renunciare*: ita cap. ultimo Ench. 32. Tract. v. in Joannis Epistolam num. 7. de Patientia cap. 17. num. 14. atque Epist. 89. nunc. 157. ad Hilarium num. 34. Docet denique neminem posse *absque caritate* cum timore & tremore salutem propriam operari; neminem, nisi Dei & proximi amator sit, *de sinistra ad dexteram posse transferri*; atque unumquemque ex servo peccati fieri servum justitiæ, si *liberaliter* serviat, idest, *caritate potius, quàm timore*: ita citato libro de Patient. cap. 25. num. 22. lib. xv. de Trinit. cap. 18. num. 32. & epist. 144. nunc. 145. ad Anastasium num. 4. In hoc postremo loco, ut unum saltem proferam integrum, ait S. Pater: *Inaniter autem putat victorem se esse peccati, qui pæna timore non peccat; quia etsi non impletur foris negotium malæ cupiditatis, ipsa tamen malæ cupiditas intus est hostis. Et quis coram Deo innocens invenitur, qui vult fieri quod vetatur, si subtrahas quod timetur? Ac per hoc in ipsa voluntate reus est, qui vult facere quod non licet fieri, sed ideo non facit quia impune non potest fieri. Nam quantum in ipso est, mallet non esse justitiam, peccata prohibentem atque punientem. Et utique si mallet non esse justitiam, quis dubitaverit, quod eam si posset auferret? Ac per hoc quomodo justus est, justitia talis inimicus, ut eam, si potestas detur, præcipientem auferat, ne comminantem vel judicantem ferat? Inimicus ergo justitia est, qui pæna timore non peccat: amicus autem erit, si ejus amore non peccet: tunc enim vere timebis peccare. Nam qui*

geben-

gebennas metuit, non peccare metuit, sed ardere. Ille autem peccare metuit, qui peccatum ipsum sicut gebennas odit. Hæc Augustinus. Quis autem, obsecro, eum ad recipiendam justiciam idoneum dixerit, qui illum prosequitur odio, qui nequit victor esse peccati, qui ipsi peccato *serviliter* subjicitur, qui nondum salutem propriam operatur, qui veraci corde perveris operibus non renunciat, qui nec credit, nec sperat, nec agit poenitentiam, quemadmodum oportet, ut justificationis gratia illi conferatur? At hujusmodi esse hominem, qui Deum non diligit super omnia, timetque tantum ardere, res est in Augustini libris frequentissime repetita. Cyrillus Alexandrinus Hom. viii. in festis Paschalibus scribit, *plenitudinem omnium, quæ in lege præcipiuntur, effici a studio colende caritatis: eam vero qui negligat, vetitis se criminibus alligari.* Atque ad hoc comprobandum utitur illius comparatione, qui paratus est alienum thorum invadere, hominemque interficere, nisi præ studio caritatis abhorreat a molestia cuique inferenda, nec a pudore, & reverentia erga illum, cui necem intentat, traducatur ad facilitatem, animique mansuetudinem, concludens illustri hac sententia; *ὁ ἀπὸς τῆς ἀγάπης τὴν πληρωσὴν ἵκναι.* Lex igitur ad omnem nos virtutem informans, plenitudinem hæc in caritate. Vide p. 2. tom. 5. edit. Joan. Auberti pag. 95. Sanctus Petrus Chrysologus serm. 94. pag. Ven. edit. 115. ad hunc loquitur modum: *Audistis quemadmodum celestis creditor totum debitum caritate compensat, & ad incrementum totius sanoris amoris solius exigit, & requirit usuram?* Et infra: *Absolvi vis? Ama: caritas cooperiet multitudinem peccatorum. Negationis crimine quid pejus? & tamen Petrus amore solo valuit hoc delere, probante Domino, cum dicit: Petre amas me? Inter omnia præcepta amor obtinet principatum; & prope finem sermonis: Fratres, si nos esse peccatores novimus, & esse volumus peccatores, pedibus Christi demus lacrymas, spargamus capillas, figamus oscula, pietatis oleum tota devotione fundamus, ut dicatur nobis: Dimittuntur vobis peccata multa, quia dilexistis multum.* Proximus est Sanctus Leo, qui sermone vii. de jejunio septimi mensis post commemorata duo caritatis præcepta inquit: *Christo Domino docente cognovimus, quod in his duobus mandatis tota lex pendet & propheta, tantaque est sub hujus gemina caritatis edicto utriusque copula testamenti, ut sine istarum connexionem virtutum nec lex quemquam inveniatur justificasse, nec gratia.* Magnus Gregorius in lib. i. Moralium cap. 26. num. 37. hæc de Sancto Iobo habet: *Bene autem dicit, Timens Deum, & recedens a malo, quia sancta electorum Ecclesia simplicitatis suæ, & rectitudinis vias timore inchoat, sed caritate consummat: cui tunc est funditus a malo recedere, cum ex amore Dei ceperit jam nolle peccare. Cum vero adhuc in ore bona*

bona agit, a malo penitus non recessit: quia eo ipso peccat, quo peccare vellet, si peccare inuito potuisset. Recte ergo cum timore Deum Job dicitur, recedere etiam a malo perhibetur; quia dum metum caritas sequitur, ea quæ metu relinquitur, etiam per cogitationis propositam culpa calcatur. Scribit consimilia lib. vi. cap. 15. num. 42. Vide & sanctum Paterium Gregorii discipulum lib. x. in 4. Reg. c. 3. S. Bernardus epist. xi. n. 3. de caritate ea verba interpretatur, Lex Domini immaculata convertens animas, eo quod sola caritas sit, quæ ab amore sui, & mundi avertere possit animum. Nec timor quippe, nec amor privatus convertit animam. Mutant interdum vultum vel actum, affectum nunquam. Thomæ Aquinatis Scholasticorum principis producā nonnulla in proximis ratiocinationibus Theologicis. S. Thomas a Villanova Concione in Dominica Passionis docens opus esse, ut accedens ad Sacramentum Pœnitentiæ dolorem de peccato concipiat, Dolendum est (inquit) de peccato, prout est offensa Dei, sic, ut etiamsi nullum incommodum de peccato proveniret, neque esset infernus, aut iudicium, etiam displiceret peccatum, quia Deus est offensus: ac paullo post id maxime advertendum esse declarat. S. Bernardinus Senensis t. 1. ferm. 12. p. Ven. edit. 78. posteaquam demonstravit dolorem pœnitentium esse displicentiam rationis, quæ scilicet nullo pacto, nulloque commodo vel incommodo velit consensisse, Ex his, inquit, aperte elici potest, quod qui conseritur principaliter propter timorem inferni, & non propter amorem Dei, non est in statu salutis; quia non dolet amore Dei, sed amore sui, ut si cessaret damnatio ex perpetrata culpa, cessaret & contritio illa. Sed secundum Scotum in 1v. dist. 20. licet ad veram contritionem concurrat timor humilians, debet tamen concurrere amor inflammanus. Quod Bernardinus explicat comparatione ex Augustino desumpta, acus, dum calceus confuitur, filum sutorium per setam introducentis. Eodem loco ad displicentiam rationis (quæ proculdubio etiam in Sacramento requiritur) ait necessum esse, ut homo diligat Deum super omnia; etiam supra seipsum, ex quo docet nasci, ut pro nullo commodo, vel incommodo offendere Deum velit. In ferm. etiam de Confess. peccatorum tom. 3. pag. 358. exigit in Sacramento amaritudinem illam, de qua Ihuas: Ecce in pace amaritudo mea amarissima, quod ita declarat: In pace namque est amaritudo, cum mens de suis sceleribus in pace conscientie cruciatur, & in doloroso gaudio amaricatur; quæ quidem amara est ex afflictione æterna pœna, amarior de amissione æternæ gloriæ, sed amarissima ex perpetratione divini offense. Interim quid Scotus senserit, non inquiram; sed hæc tamen affectis suis expendenda relinquo. Nec prætermittam Florentinorum Antistitem sanctum Antoninum, qui in Summa tit. xiv. quartæ partis cap. 5. p. 242. de timore servili accuratissime disputans docet hunc bonum esse & a

Spiritu sancto procedere; perutile esse, *quia disponit ad caritatem*: produci hujusmodi timorem *ex fide licet infirmi*: cum hoc timore hominem velle sibi licere, *quod etsi non facit, tamen faceret*, nisi timeret subire pœnam: id expresse traditum ab Augustino, nec ignoratum a Poeta, qui ait, *Oderunt peccare mali formidine pœnae*: atque post multa hujus generis admonendos docet pœnitentes, præsertim in gravi constitutos infirmitate, ne propter timorem servilem principaliter moveantur, *Nam (inquit) inutilis esset tibi talis pœnitentia*. In cujus rei confirmationem non solum ait hanc esse expressam Augustini sententiam: verum & refert quemdam Parisiis vitâ sanctum præceptorî suo post obitum apparuisse, ac testatum se additum esse sempiternis gehennæ suppliciis: quod cum præceptor summo opere miraretur, eo quod ille Ecclesiæ sacramenta cum multis lacrymis suscepisset, *Pœnitentia mea (inquit miserrimus animus) & lacrymæ illæ non fuerunt ex amore Dei, & principaliter propter Dei offensam; sed propter timorem inferni, ne ad illum deputerer, & ideo mihi non valuit*. Postremo S. Franciscus Salesius lib. 2. de Amore Dei cap. 19. concludit: *Pœnitentia, quæ expellit amorem Dei, infernalis est, & pœnitentiæ damnatorum consimilis: pœnitentia vero quæ non excludit Dei amorem, quamvis absque illo interdum sit, est quidem bona & exoptabilis pœnitentia, imperfecta tamen, & quæ salutem conferre nequit, quoadusque ad amorem pertingat, eique sit conjuncta. Quare sicuti magnus inquit Apostolus, nil sibi profuturum si corpus suum igni traderet, omnesque facultates pauperibus distribueret, & non haberet caritatem; ita & nos vere possumus affirmare Pœnitentiam nostram, tamesi adeo esset vehemens, ut præ dolore oculi in lacrymas erumperent, & cor nostrum dolore maceraretur, nisi tamen in nobis sit amor Dei, nullius prorsus adminiculi futuram fore ad vitam æternam consequendam.*., Le repentance (inquit pag. 192. edit Lugd.) qui forceoit l'amour de Dieu, est infernale, pareille à celle des damnés: la repentance qui ne rejette pas l'amour de Dieu, quoiqu'elle soit encor sans iceluy, est une bonne & desirable repentance, mais imparfaicte, & qui ne peut nous donner le salut, jusques à ce qu'elle ayt attrait à l'amour, e qu'elle se soit meslée avec iceluy: Si que comme le grand Apostre a dit, que s'il donnoit son corps a brusler, & tous ces biens aux pauvres, sans avoir la charité, celà luy seroit inutile; aussi pouvons-nous dire en verité, que quand nostre penitence seroit si grande, que sa douleur fit fondre nos yeux en larmes, & fondre nos cœurs de regret, si nous n'avons pas le saint amour de Dieu, tout cela ne nous serviroit de rien pour la vie éternelle.,. Hæc, aliaque plurima, quæ prætermitto, quamvis non omnia Sacramenti mentionem faciant, demonstrent nihilominus odium peccati, quatenus offensâ Dei est, profici-

cisci ex aliquo caritatis amore, timorem servilem non adversari, sub hac saltem ratione, perpetratis sceleribus, & bonum esse utique, sed nunquam ad vitam sempiternam perducere, si divellatur a dilectione; ideoque omni jure etiam tenent de accedentibus ad Sacramentum, siquidem & hi debent admittam culpam odisse prout Deum afficit injuriâ, atque id agere, quod sibi ad salutem comparandam, prodesse queat. Quidam etiam ex laudatis Patribus de ipsomet Sacramento pertractant; idque apertissimum est de Thoma Archiepiscopo Valentino, de Bernardino Senense, & de Antonino Florentinorum Antistite. Ad hæc vero elevanda nil roboris habent ea loca quamplurima, in quibus iidem Ecclesiæ Patres timorem commendant, hunc student incutere, ab hoc repetunt conversionem iniquorum, & huic tribuunt sæpenumero consecutionem salutis: nam præterquamquod solent hæc affirmare de timore filiorum, quem dicimus initialem; nil rectius, & verum magis dici potest, quàm a timore servili concipi spiritum dilectionis, & commoda plurima derivare alibi a nobis commemorata. Quare ex his intelligimus opportune Patres præfocasse nascituram hæresim damnantium sempiterni supplicii formidinem, simulque nobis parasse præsidia, quibus pro sancta dilectione pugnemus, & eos, qui pro timore decertant, non timeamus.

His accedunt argumentationes Theologicæ plures, quarum hoc in loco aliquas proferemus. Ac prior sit, quod teneamur detestari peccatum, quatenus est Dei offensâ; id vero absque initiali amore fieri nequaquam potest. Amor ergo initialis etiam in Sacramento requiritur. Quod debeamus detestari peccatum, *ut offensâ Dei est*, quamquam id negant nonnulli, adeo mihi perspicuum videtur, ut animo quidem meo contraria assertio horrorem quemdam incutiat: nam primùm Tridentini Patres infructuosam pœnitentiam dixerunt, quæ propter pœnam tantum esset, *non propter Dei offensam*, prout superius ostendi. Deinde, etsi Concilium sels. xiv. cap. 4. in definitione contritionis, quam necessariam fuisse *quovis tempore* affirmat, verba hæc *propter Dei offensam* minime apponat, facile tamen illa subintelligenda declarat, dum semel iterumque requirit commissi peccati detestationem: cum enim peccatum sit injuria Deo illata, divinæque legis transgressio, non video, quomodo censendi sint odisse peccatum, qui injuriam ipsam, Deique offensam non execrantur; nec percipio, quomodo formidare supplicium detestatio sit criminis, & non potius pœnæ, qua plectitur criminosus. Præterea Lovanienfes Theologi art. iv. declararunt comprehendi in definitione Tridentini hæc alia, *Contritio est dolor de peccatis propter Dei offensam susceptus*: in quem articulum Ruardus, *Dolor debet esse de peccato, ut peccatum est, hoc est, quia Dei offensivum est*.

*Est enim peccatum hac ratione dolendum, quia est recessus a lege Dei, & per consequens ab ipso Deo, a quo avertimur eo ipso, quod legi ejus non subdimur, sed eam prævaricamur convertendo nos inordinate ad bonum commutabile. Nec silentio prætereundum est xxxi. Lovanienſium articulos jussu Caroli V. fuisse editos anno 1544. ejusque auctoritate vulgatos ad hæreseon extirpationem cum hoc titulo: Axiomata ab omnibus sincere de Catholica fide sentientibus firmiter credenda. Demonstravimus insuper tristitiam pœnitentium debere esse secundum Deum. Clerus denique Gallicanus i. comitiis generalibus celebratis primo hujus sæculi anno hanc propositionem, At-
 tritio ex gehenna metu sufficit etiam sine ulla Dei dilectione, sine ulla ad Deum offensum respectu, quia talis honesta & supernaturalis est; gravi hac censura notavit: Hac propositio, qua a dispositione necessaria ad absolutionem excluditur quilibet ad Deum offensum respectus, temeraria est, scandalosa, & in hæresim inducit. Ergo quod necessaria sit in Sacramento detestatio peccati, in quantum est offensio Dei, res est admodum manifesta. At hujus generis detestationem, proficisci a caritatis amore, id quoque apertissimum existimamus. Enim vero dederunt operam Patres Tridentini, ut capiti 6. sess. vi. aliquis caritatis actus infereretur, hac duntaxat ex causa, ne pœnitentia, si tota esset ex timore, & non propter Dei offensam, infructuosa esset. Putarunt itaque non esse revera dolore propter offensam Dei, qui non oritur ex actu aliquo caritatis. Et quidem sanctus Thomas caritati tribuit, quod homo doleat de offensa in amicis commissa, 3. p. q. 84. art. 5. ad 2. Scribit pertinere ad caritatem, quando peccatum homini displicet propter Dei offensam, q. 85. art. 5. ad 1. Repetit q. 3. supplem. art. 1. ad 4. Malitia in culpa mortali mensuratur ex eo, in quem peccatur, in quantum est ei indigna; & ex eo, qui peccat, in quantum est ei nociva. Et quia homo debet magis Deum, quam seipsum diligere, ideo plus debet odire culpam in quantum est offensa Dei, quam in quantum est nociva sibi. Ex his quis non videt illum detestari peccatum, ut Dei offensa est, qui Deum diligit super omnia? Viderunt id utique Franciscus Vitoria, Petrus Soto, Andreas Vega: quorum testimonia exscripta a Morino p. 117. ideo prætermitto, quia omnium instar esse potest Gabriel Vasquez hoc, quod contendimus, prolixè demonstrans in 3. p. q. 85. art. 2. dub. 1. Eo loci num. 40. affirmat detestationem peccati, ut Dei offensa est, pertinere ad caritatem: num. 41. hoc demonstrat ex quo omnis virtus amat suum objectum, & odit oppositum: num. 42. ait eundem esse actum odium peccati, & amorem Dei; sicut enim, inquit, in actu detestationis de bono Dei, necessario est amor ipsius Dei; sic in odio peccati, ut est Dei offensa, intrinsece, & inseparabiliter includitur amor ipsius Dei; num. denique 45. concludit: Sic ergo odium*

odium peccati, ut est Dei offensa, & quodammodo malum ejus, est amor Dei, ut in ipso complacentia propter suam bonitatem, & fuga peccati, seu displicentia: nollemus enim Deo, quod est summe bonus, peccasse: unde constat, quomodo non imperetur a caritate, sed sit caritatis actus, &c. Ita Vasquez pag. edit. Lugdun. 41. Itaque hæc est nostra, fortasse non contemnenda ratiocinatio: Accedentes ad Sacramentum debent peccata detestari, quatenus sunt offensa Dei. Nemo peccata sub hac ratione detestatur sine actu aliquo caritatis. Ergo accedentibus ad Sacramentum actus aliquis caritatis necessarius est.

Huic argumento firmitatem addunt alia, quæ si rem penitus inspiciamus, in colatent & comprehenduntur: Ac primum illud est, non unam esse in peccato malitiam, sive virtuti contrariam perversitatem, sed plures in illo, ut Scholastici ajunt, inveniri respectus, quorum unus est, quod afficiat Deum injuria, alter quod ab ipso Deo separet, tertius quod damnationem suppliciumque promereatur, postremus quod sit res turpis, inhonesta, & humanæ etiam vitæ perniciofa. Hi autem respectus respondent variis animorum nostrorum affectionibus; primus quidem amor, quo Deum diligimus, ut in se bonum, alter amor, quo diligimus Deum, ut bonum nobis; tertius incusso timori, alii tandem honestatis, vitæ, rerumque humanarum dilectioni. Atque hæc a D. Thoma, nisi iisdem verbis, certo æquivalentibus, traduntur in locis paullo supra productis. Is ergo, qui Deum propter se, sive tanquam in se bonum non diligit, nequit sub ea ratione odio habere peccatum, *quatenus offensa Dei est*. Observabatur profecto menti eorum, qui Catechismum Romanum, jussu SS. Pontificis Pii V. exornarunt, ratio hæc apertissima, dum p. 2. cap. 5. num. 27. scripserunt: *Si uti Deus summum bonum est inter omnia, quæ diligenda sunt, ita etiam peccatum summum est malum inter omnia, quæ odisse homines debent, illud sequitur, ut quam ob causam Deum summe diligendum esse confitemur, ob eandem rursus peccati summum odium capiamus, necesse sit*. Preterea nihil est odium, nisi indignatio quædam, aversio animi, & execratio, tam vehemens, quantum corda adversus amor incendit: unde Augustinus epist. 145. num. 5. ait: *Tantum porro quisque peccatum odit, quantum justitiam diligit, quod non poterit lege terrente per litteram, sed spiritu sanante per gratiam*; & lib. 2. contra adversarium legis c. 7. num. 27. *Prohibitio enim peccati quod est lex, auget profecto desiderium peccandi, quod non extinguitur nisi contrario desiderio recte faciendi, ubi fides per dilectionem operatur*. Si ergo quis justitiam non diligit, nec desiderium habeat recte faciendi, non prosequitur odio, nec aversatur peccatum: & , quoniam facile adversarii admittunt hanc illationem, afferentes discrimen inter dilectionem justitiæ, & Dei amorem benevolam; adde consequentiam alteram, Si er-

go quis non diligit iustitiam, ut est ordo amoris, quo summum & incommutabile bonum præfertur rebus creatis, & bonis omnibus commutabilibus, is non habet odio peccatum, *prout est offensa Dei*, injuria scilicet illata summo Bono, incommutabili, cæterisque omnibus præferendo. Hi præterea, qui timore concussi aliquid agunt, non odio habent id, quod agunt, *ut est in se*, licet non coacte, sed voluntarie illud agant, & agere proponant ut malum vident. Hinc S. Thom. 1.2. q. 6. art. 6. ad 1. ait: *Id quod per metum agitur, fit voluntarium, ideo, quia motus voluntatis fertur in id, licet non propter seipsum, sed propter aliud, scilicet ad repellendum malum*: & proximo articulo ad 2. inquit: *In eo, qui per metum aliquid agit, manet repugnantia ad id, quo agitur, secundum quod in se consideratur*; & paullo infra: *Timidus agit contra id, quod etiam nunc secundum se vult*. Ex hoc loco male, ut reor, Ioannes Morinus 2. p. pag. 35. infert ad sententiam nostram demonstrandam, *voluntatem hominis solo timore pœne a peccato abstinens isto metu non mutari, & ideo involuntarie agere*. Mutatur quidem, & agit voluntarie; at non mutatur detestando peccatum *secundum se*, sed tantummodo prout est causa supplicii; cum qua detestatione stat amor, & voluntas peccati considerati *secundum se*, ut paullo post explicabo. Quamobrem facilius ac verius ex D. Thoma ad hunc modum ratiocinabor: Quisquis solo timore sese abstinere a peccato, licet voluntarie ac libere abstineat, habet tamen peccandi cupidinem, *si peccatum consideretur secundum se*, nimirum illud detestatur, non in quantum peccatum est, sed in quantum est causa sempiterni supplicii. Quomodo ergo qui solo timore ductus a peccato se continet, is odit peccatum, ut peccatum est, ut offensa Dei est, si ad peccatum *secundum se*, non habet in voluntate aversionem, & repugnantiam?

Nuper dicta aditum faciunt argumentationi apud scholæ nostræ Doctores usitatissimæ, dum ajunt attritionem pure servilem non excludere voluntatem peccandi, & consequenter non esse in Sacramento sufficientem dispositionem ad gratiam. Nam convenit nos inter & adversarios, hanc dotem proximæ dispositioni esse necessariam; quandoquidem contritio, quæ pars est Sacramenti, desinente Tridentino, continere debet cessationem a peccato, vitæ novæ propositum & inchoationem, necnon veteris odium. Immo istud adversarii momentum est maximum, quod putant ea Tridentini verba, *Si excludat voluntatem peccandi*, convenire attritioni formidolosæ. Nostrates ergo in id totis viribus incumbunt, ut demonstrent non excludi solo gehennæ timore voluntatem omnem peccandi. Urgent vero ad hanc rem quæ supra produximus ex Augustini Epistola ad Anastasium, ex Gregorio Magno, ex Bernardo, ex Antonino. Et revera quid innuit ea in Epistola S. Pater, dum ait: *Inaniter pu-*

tat

tat vitioſorem eſſe peccati, qui pœnæ timore non peccat, quia etſi non impletur foris negotium malæ cupiditatis, ipſa tamen mala cupiditas intas eſt hoſtis? Quid eo loci, ſubjiciens, Qui gebennas metuit, non peccare metuit, ſed ardere? Quid contra Adverſarium legis hæc repetens, Deſiderium peccati non extinguitur niſi contrario deſiderio recte faciendi? Quid de natura & gratia cap. 57. ſcribens, Qui timore ſupplicii, quod lex minatur, non amore juſtitia ſe ſentit abſtinere ab opere peccati, nondum liber, nec alienus eſt a voluntate peccandi? Quid, inquam, hæc innuunt, niſi forte in iis, qui ſolo timore perciti agunt pœnitentiam, latere adhuc in corde malam cupiditatem, & deſiderium atque voluntatem peccandi? Idem docet S. Pater ſextentis aliis in locis, accurate ab Epifcopo Porphyrieniſi Le-Drou in 2. diſſert. collectis, atque illuſtratis. Auguſtino autem conſentire S. Thomam 1. 2. q. 6. art. 6. & 7. quæſt. 107. art. 1. & 2. 2. q. 19. art. 9. demonſtrat eruditus Thomiſta altero Volum. de Re Sacram. pag. 65.

Uſurus ego hac eadem argumentatione, præmittam latiffimum ſententiæ noſtræ diſcrimen ab erroribus Queſnellianis; ex quo veluti ſponte ſua ſuæ argumentatio ipſa planior, & ab omni animadverſione ſecurior. Novi itaque dogmatiflæ adeo ſupplicii timorem deprimunt, ut aſſerere audeant, illum, quo magis violentus eſt, eo magis ducere ad deſperationem, manum duntaxat cohibere, cor tamdiu addici peccato, quamdiu ab amore juſtitia non ducitur, ſeculus committere in corde ſuo, quiſquis ab eo non abſtinet niſi timore pœnæ, & ſub maledicto legis peccari ſive faciendū malum, ſive illud nonniſi ob timorem evitando. Continentur aſſerta iſtiusmodi ſexageſimâ, & quatuor proximis propoſitionibus, in Conſtitutione Unigenitus ſuprema, & immobili Romani Pontificis auctoritate damnatis. Nemo ſane, niſi ſummopere impudens & procax, dicturus eſt legi ſimilia apud Auguſtinum, & Thomam: quorum unus ſerm. 11. in Pſalmum 118. num. 1. ſcribit: *Qui timore pœnæ, non amore juſtitia opus legis facit, proſecto invitatus facit. Quod autem invitatus facit, ſi poſſet fieri, mallet utique non juberi. Ac per hoc legis, quam vellet non eſſe, non eſt amicus, ſed potius inimicus: nec mundatur opere, qui immundus eſt voluntate.* Alter vero 2. 2. art. 1. q. 107. inquit: *Lex vetus dicitur cohibere manum, non animum; quia qui timore pœnæ ab aliquo peccato abſtinent, non ſimpliciter ejus voluntas a peccato recedit, ſicut recedit voluntas ejus, qui amore juſtitia abſtinet a peccato.*

Quæſo primum, ut advertas, ab Auguſtino, & Thoma non dici *abſolute* pœnitentiam, quam animet ſolus timor ſupplicii, violentam, ac multo minus talem, quæ ad deſperationem impellat, ſed extortam, non ſimpliciter, conditionate tantum, & ſi poſſet fieri, ut a lege ſub tali comminatione non juberetur. Enimvero quæ ſunt ex metu,

reve-

revera voluntaria sunt, in quantum movent voluntatem, ut actus agat ad evitandum supplicium, sed sunt involuntaria sub conditione, quatenus minime voluntas id ageret, nisi percelleret eam timor. *Illud*, inquit S. Thomas 1. 2. q. 6. art. 6. ad 3. *quod per motum agitur, absque conditione est voluntarium, id est, secundum quod actu agitur; sed involuntarium est sub conditione, id est, si talis metus non immineret*. Ex quo aperte sequitur, voluntarie quidem se continere a peccato, qui poenitentiam agit timore ductus; sed motum voluntatis non adversari peccato *propter seipsum*, atque ab illo removeri propter poenam, quam timet, ut docet ibidem Angelicus hisce verbis: *Id, quod per metum agitur, fit voluntarium ideo, quia motus voluntatis fertur in id, licet non propter seipsum, sed propter aliud, scilicet ad repellendum malum, quod timetur*. Hinc etiam consequitur, quod attigi paullo supra, & sanctus Thomas docet proximo articulo 7. in eo, qui per metum aliquid agit, esse quidem motum voluntatis, quatenus id quod agitur liberat a supplicio, sed remanere repugnantiam voluntatis ad id, quod agitur, *secundum quod in se consideratur*. Atque idem prædocuerat magnus Augustinus ferm. xv. de Verbis Apostoli cap. 6. dicens: *Qui timore poenae non concupiscit, puto quod concupiscit*, nimirum, non concupiscit peccatum ut inferat æternum exitium, concupiscit illud tamen quatenus peccatum est: quemadmodum leo, dum ingenti terrore revocatur a præda, hanc utique non rapit, ne telo confodiatur, at non deponit malitiam, qua prædam ipsam, ut præda est, appetebat. Atque hoc etiam exemplum profert eo in loco Augustinus. Hinc vides illud, quod timore agitur, non esse extortum & coactum, sed esse liberum & voluntarium, habere tamen, & compati *secundum se repugnantiam in voluntate*, eo prorsus modo, ne omittam vulgare exemplum, quo mercator, etiamsi velit merces projicere in mare, projiciatque reipsa ut naufragium evadat, merces tamen ipsas in se spectatas amat adhuc, easque servare vellet, modo posset absque vitæ discrimine.

Neque timor, propterea quod conjunctus sit cum hac repugnantia voluntatis, aut malus est, aut ad desperationem trahit, aut cor addicit peccato, aut facit, quod ipsum peccatum committatur in corde, quemadmodum novi autumant dogmatistæ: sed plura affert commoda; & quicquid vitii permanet in timente, ab eodem timore non oritur, nec fovetur, sed frenatur potius atque comprimitur. Enimvero *timor præparat locum caritati*, inquit, S. Pater tract. 9. in Epist. Joan. eamque introducit, *sicut videmus per Jesum introduci linum, quando aliquid suitur*: timor est quidam custos legis, & volentem peccare animum interiorem non finis, ait idem S. Pater ferm. 161. aliàs 18. num. 8. *timor homines salubriter excutit, ut tanquam*
de

de somno lethargico emergant, repetit Ep. 48. nunc 93. nu. 2. ad Vincentium Rogatissimam: timor frenat *veteratissimam consuetudinem*, inquit serm. 28. de Verbis Apostoli cap. 9. nunc 180. num. 10. Vide de multiplici timoris servilis utilitate illustrem Lupum de Contrit. cap. 13. & quæ nos scripsimus lib. 23. cap. 12. Eo sensu S. Thomas docet 2. 2. q. 17. art. 8. hominem, qui timore pœnæ cessat a peccato, *introduci ad amandum Deum*; & Tridentinum sess. vi. cap. 6. peccatores a *divinæ justitiæ timore*, quo utiliter concutiantur, ad considerandam Dei misericordiam se convertendo, in spem erigi. Abeant ergo in malam crucem qui ausi sunt effutire, timorem peccato addicere, reum constituere, & causam esse desperationis. Complura a timore bona derivant, & si non eradicat repugnantiam illam voluntatis, quam supra explicavi, provenit hoc ex prava cupiditate timentis, non ex conditione timoris. Quod etsi exposui præcitato cap. 12. modo tamen repetam verbis Doctoris Angelici 2. 2. q. 18. art. 4. hæc scribens: *Objectum timoris servilis est pœna, cui accidis, quod bonum, cui contrariatur pœna, ametur tanquam finis ultimus, & per consequens pœna timeatur tanquam principale malum; quod contingit in non habente caritatem; vel quod ordinetur in Deum, sicut in finem, & per consequens pœna non timeatur tanquam principale malum, quod contingit in habente caritatem*. Ex quo infert S. Thomas *timorem servilem secundum suam substantiam bonum esse, sed servilitatem ejus esse malam*.

Jam vero his præmissis, argumentum illud petitum ex quo timor servilis non excludat voluntatem peccandi, potest hac ratione proponi: Tametsi timor servilis bonus sit, præparet locum caritati, frenet vetustam consuetudinem, cohibeatque etiam Interioriorem animum ne peccare velit ad gehennam vitandam; attamen non excludit voluntatem peccandi, prout peccatum consideratur in se, sed cum hujuscemodi timore stare potest, quod in voluntate perseveret concupiscentia peccati, & repugnantia ad ipsam pœnitentiam, quam ideo amplectitur, ne damnetur; imo quod voluntas timeat pœnam tanquam principale malum, hominem vero, cui pœna infligitur, amet tanquam finem ultimum: igitur solus ille timor ad consequendam gratiam non sufficit. Requiritur enim, ut attritio excludat voluntatem peccandi per repugnantiam, qua voluntas aversetur efficaciter, & absolute peccatum. *Concilium Tridentinum* (inquit Franciscus Suarez nomen adversariis quoque nostris gratissimum) *expresse requirit attritionem, quæ voluntatem peccandi excludat, non negative tantum per solam cessationem a tali voluntate; hoc enim modo qualibet cogitatio alterius rei voluntatem peccandi excludit: sed positive per formalem aut virtuales repugnantiam, veramque mutationem voluntatis dissentientis peccato, & consentientis gratiæ Dei*. Hæc autem dispositio non habetur sine efficaci detestatione, & absoluto pro-

Tb.VII. A a a a

posi-

posito non peccandi: nam cum sola velleitate, seu simplici affectu non repugnat simul esse voluntatem peccandi. Ita vir doctus in 3. p. disp. 26. scilicet. 2. num. 6. Bene habet. Qui ex sola pœnæ formidine, non ex Dei amore a peccatis retrahitur, is nec simpliciter ab his recedit, nec recedere vellet, si peccare posset impunè; servatque in animo pristinam reluctantiam ad penitentiam quam agit, & concupiscentiam ad peccatum quod fugit, & consequenter non habet veram voluntatis mutationem, neque absolutum non peccandi propositum: sed ut rectè agebat Augustinus, nondum alienus est a voluntate peccandi, nec peccare metuit, sed ardere.

Quæ produxi nuper ex Suarezio, qui ait necessum esse, ut voluntas peccandi excludatur *positive*, idest, per voluntatis repugnantiam, valide corroborant argumentationem præcedentem. Ut enim *positive* aliquid excludatur, opus est, ut inter utrumque, excludens scilicet & exclusum, pugna sit, & infociabilis oppositio. Ita enim fides infidelitatem excludit, spes desperationem; sed fides seipsa non excludit intemperantiam, injustitiam, incontinentiam, propterea quod his non adversatur; unde & sæpe contingit, ut quis credat, sit tamen intemperans, continens, & injustus. Atque id adeo certum est, ut dogma sit fidei, in impio fidem ipsam persistere: quod & de spe eadem ratione affirmatur. Nec inde tamen aut spes, aut fides aliqui habent vitii, quia intemperantiam, injustitiam, & incontinentiam minime excludunt; sed veram virtutem redolent, propterea quod sunt principium credendi, & sperandi, arcenque ex corde hominum infidelitatem atque desperationem, cui opponuntur: excludere autem vitia reliqua, animumque his adhærentem, non fidei, aut spei munus est, sed temperantiæ, continentię, justitię. Ad hunc ergo modum timor fidei, atque spei conjunctus, bonus, rectus, & perutilis est: fertur enim in pœnas a rectissimo iudice statutas, quas Evangelium, omnisque ratio suadet ut timeamus; coercet etiam contumaciam animi imperterriti minas ac tormenta spernentis; nam huic contumacię opponitur semetipso: & præterea adminiculo fidei, & spei longe distat ab infidelitate, atque a desperatione, & ad considerandam divinam misericordiam convertit timentem; quæ omnia recta sunt, plurimumque proficua. Verum quod timor excludat voluntatem peccandi *secundum se*, & in quantum est *Dei offensæ*, id fieri non potest, quoniam peccato secundum hanc rationem non opponitur, nec habet cum eo repugnantiam: & nihilominus hoc non est vitium timoris, quemadmodum non est vitium fidei, vel spei; quia excludere sub hac ratione voluntatem peccandi officium est exercendum ab amore summi Boni, qui amor directe opponitur ejusdem summi Boni odio, & offensę. Agebat propterea Augustinus lib. 2. contra advers. legis cap. 7. num. 27. *Desiderium pec-*

candi

candi non extinguatur nisi contrario desiderio recte facienda, ubi fides per dilectionem operatur.

Accedit ratiocinatio altera. Nemo sanæ mentis negabit ad veram pœnitentiam requiri, ut peccator *avertatur a viis suis pessimis, & convertatur ad Dominum*, quod Ezechiel xviii. 30. Joel. ii. 12. alique sacrorum librorum auctores asserunt quamfrequenter. Id autem sine amore initiali fieri nequit. Si enim attendamus naturam timoris, avertit quidem ab eo, quod timetur; sed non convertit ad illud, quod est amandum. Affectio quippe animi *inhians habere quod amatur, cupiditas est; id autem habens eoquo fruens, latititia est; fugiens quod ei adversatur, timor est; idque si acciderit sentiens, tristitia est.* Proinde mala sunt ista, si malus est amor; bona, si bonus. Verba sunt hæc Augustini de Civ. Dei lib. xiv. cap. 7. num. 2. Dum itaque audio *timorem gebennæ*, percipio motum voluntatis fugientis pœnam, non conversionem cordis quærentis Dominum. *Puga etenim animi timor est*, inquit idem Augustinus tract. 43. in Joan. num. 8. ac similia S. Thomas 2. 2. quæst. 19. art. 11. Ut ergo convertar ad Dominum, amor facit: si amor sit spei, convertor ad Dominum ut est bonum mihi; si caritatis amor sit, convertor ad Dominum ut bonum in se. Cum itaque converti debeam *in toto corde*, Deum super omnia diligens, (qui enim rem aliquam creatam diligit plusquam Deum, clamante Evangelio, non est dignus Deo) sequitur ut converti debeam per caritatem. Præclare Petrus Soto scribens adversus articulos Confess. nomine Ducis Witthembergenfis oblatæ Tridentino Concilio 24. Januar. 1552. *Hic locus* (Ezech. xviii. 30.) *si recte pensetur, & dolorem, & mutationem cordis oppositam peccato, & caritatem Dei docet.* Et Joannes Maldonatus Soc. Jesu Theologus de Pœnit. pag. 4. cap. 2. *Eadem via* (inquit) *necesse est ad Deum convertamur, qua ab eo discessimus. Discessimus autem ab eo, quia illi anteposuimus res creatas. Ergo debemus ad illum redire dolendo, quod ipsum offenderimus, plusquam doleremus propter omnes res creatas.* Nititur hoc argumentum principiis Augustinianæ doctrinæ; juxta quam rationalis creatura fit recta, *dum convertitur ad incommutabile bonum, fit impia dum avertitur*, ut scripsi libro xxi. cap. 4. ubi plura huc pertinentia.

Postremo non licet *in Sacramentis conferendis sequi opinionem probabilem de valore Sacramenti, relicta tutiore*, ex propositione 1. ab Innocen. XI. proscripta 2. Martii anno 1679. Decur autem, quod sententia adversariorum nostrorum sit probabilis, certe nostra tutior est. Igitur non licet a sententia nostra recedere. Hanc tutiorem esse demonstratur primum, quod sufficere contritionem ex amore conceptam, consentiant omnes, at satis esse attritionem servilem negent permulti. Demonstratur ulterius, quod inte-

adversarios clarissimi fateantur sententiam suam non adeo esse veterem, nec certam, nec dignam, cui animarum salus committatur; illorum præcipui concedant tenendam non esse in mortis articulo *ob grave*, ut inquirunt, *damnationis periculum*; nonnulli etiam doceant, prudenter non agere qui illam sectantur in praxi. Lege ex nostratibus Nicolaum Girken in Summa tom. 3. pag. 371. & ex contrariis Franciscum Hennum de Pœnit. disput. 1v. quæst. 6. art. 9. Imponamus finem huic quintæ propositioni verbis Cleri Gallicani in Comitibus Generalibus anni 1700. *Placet etiam caveri a Sacramenti pœnitentia ministris, ne sequantur opinionem probabilem de valore Sacramenti relicta tutiore; neve pœnitentes ipsorum fidei animam suam committentes admonere cessent, ut in pœnitendo inchoata saltem dilectionis Dei viam inquant, que sola secura est; graviter peccaturi in hoc salutis discrimine vel eo solo quod certis incerta præponant.*

PROP. IV. Sententia, quam propugnamus, Theologorum plurimum, ex illorum etiam numero qui ei adversantur, fulcitur auctoritate.

Ac primo diximus prop. 1. sententiam oppositam fuisse ignotam Theologis omnibus, qui præcesserunt Synodum Tridentinam, idque Morinum asserere, fateri Dominicum Soto, & confirmare scriptorem hujus ævi Episcopum Stabiensem. Primum illius sententiæ auctorem citat Morinus lib. v. 111. de Pœnit. cap. 4. facit Melchiorum Canum, & sabobscore paullo ante traditam ait a Dominico Soto, & a Vega. Suarez in 3. p. q. 90. disp. 15. sect. 4. num. 17. scribit opinionem illam, præsertim si attritio cognita sit, *nec valde antiquam esse, nec multum communem*. Christianus Lupus in Epistola ad Norisium cap. 1v. demonstrat testimonio Hugonis Matthoudi viri doctissimi, *hesperum esse commentum*. Carolus Witassius q. 3. art. 6. sect. 3. arg. 3. enumerat quadraginta novem Theologos, qui ante Tridentinum Concilium florere, omnes tradentes necessitatem amoris, & in ea tantum quæstione discrepantes, an sufficiat *actualis* caritas, vel requiratur *habitualis*. Hinc Le-Drou pag. 478. infert non servari ab adversariis nostris præscriptum illud Deuteronomii xxx 11. 7. *Interroga majores tuos, & dicent tibi*, & Lupus urget adversus illos præscriptionem antiquitatis, qua Tertullianus Praxeam, Hermogenem, ceterosque hæreticos refellebat, scribens *esse adultærum quodcumque pœsterius*.

Theologi, qui Tridentino interfuerunt Concilio, majori saltem ex parte adhæsisse sententiæ nostræ, constat ex quo plurimum suffragio decretis scis. v1. *actus caritatis* insertus sit, ut demonstravi præcedenti propositione. Eandem sententiam præ ceteris liquet tradidisse Franciscum Sonnum Tract. 1v. de Pœnit. Ruardum Tapperum ad art. 1v. Lovanienfis Academiæ, Martinum Rythovium in 1v. sect.

sent. dist. 14. Cornelium Jansenium Gandensem Episcopum cap. 55. Concordiæ Evangelicæ, Joannem Hesselium de Sacram. Pœn. cap. 1. & 3. Judocum Ravesteyn p. 1. Apologiæ, quam conscripsit pro defensione decretorum Concilii; quorum omnium testimonia collegit in Appendice ad Quæstionem suam Quodlibeticam §. 3. eruditus Farvacques. Quibus addere possumus Fredericum Nauseam Viennemensem Episcopum, Joannem Medinam, Marianum Victorem, Cafalium nostrum, Richardotum præsulcm Atrebatensem, aliosque a Lamberto Le-Drou productos disert. iv. cap. iv. paragrapho iv. Ex quorum virorum doctrina & celebritate saltim excluditur moralis illa certitudo, quam sententiæ suæ patroni attritionis servilis confidenter adscribunt, eademque sententiâ ad limites opinionum probabilium redigiur, subjecta proinde incommodis omnibus, quibus subiacet sententiâ altera opinionum probabilium propugnatrix.

Quanti vero post Tridentinum sententiam hanc nostram amplexi sint, apparet ex postrema dissertatione ejusdem Le-Drou, qui omnibus singillatim enumeratis, verbisque eorum exscriptis demonstravit auctorem Operis, seu Tractatus de Pœnit. Romæ in lucem editi, dum scripsit comprobari sufficientiam attritionis servilis *praxi, & sensu totius Ecclesiæ*, splendide fuisse mentitum. Invenies ibidem longe ab hoc auctore recedere Petrum Soto, Lodovicum Granatensem, Joannem Viguerium, Maldonatum, Theodorum Macherentinum, Gentianum Hervetum, Ernestum Leodiensem, Joannem Samarinum, aliosque quamplurimos. Inter quos, ne videamur nimium addisti nostratibus, si eorum catalogum conscribamus, aut recentioribus bene multis, quos ut facilius exhibent, per fas, aut nefas appellant quidam Bajanos, Jansenianos, Quesnellianos; referam tantummodo, quæ lib. 1. de Pœnit. cap. 3. scribit Edmundus Angerius Societatis Jesu vir celebris, his plane verbis: *Hoc est in primis omnino certum, ut veniam consequamur necesse esse nosmetipsos condemnare metu enormitatis peccati nostri ductos, tum quia peccatum adversatur summo bono amisso, quod est Deus, cujus offensam debemus metuere, tanquam illius, quem supra omnia diligere debemus, tum etiam propter pœnam, quam incurrimus.* Quapropter haud satis mirari possumus, Joannem Cardinalem de Lugo, virum aliqui doctissimum, facientem verba de Sylvio, qui in Supplem. q. 1. art. 3. sententiam nostram disertissime tradit, ad hunc modum imponere imperito lectori disput. v. de Pœnit. sect. 9. num. 133. *Hæc tamen sententia est contra omnes Theologos, & contra Tridentinum.* Si ceteros a Theologorum gradu adversarii nostri dejiciunt; parcant saltim eximie doctrinæ, nominique celeberrimo Purpuratorum Patrum, Cardinalis Denoff, qui sententiam nostram tradendam præcipit in Instruct. Pastoralis pag. 42. Cardinalis de Lauræa, qui illam indubita-

tam

tam esse scribit tom. 4. in 3. p. disput. xi. art. 1. num. 52. Cardinalis Le-Camus, qui docendam jussit in Theologia morali edita ad usum Seminarii Gratianopolitani tract. vi. cap. 5. Cardinalis Aguirre, qui *probabilissimo* diem dixit, & de præcepto caritatis tom. 3. Theolog. S. Anselmi pag. 614. pertractavit egregie, Cardinalis Moniliani, qui de Pœnit. cap. 35. negat sola attritione servilli veniam impetrari. Addi potest Cardinalis Toletus, qui lib. 3. de Istruēt. Sacerdotum cap. 4. & 10. apertissime nobis adhæret, si consulantur antiquiora exemplaria an. 1599. 1600. 1601. nam quæ postea prodierunt turpiter adulteratas esse conqueruntur viri doctissimi, Farvacques, Queraffius, Witasse, Habert, & Auctor adnotationis ad cap. xvi. Operis Joan. Morini de Contritione, Quamquam dato consentiant autographis in Romano S. J. Collegio servatis editiones posteriores, sunt adhuc in his aperta veritatis vestigia, illudque expressum, ubi legitur cit. cap. 4. attritionem non sufficere ad Sacramentum, *si talis sit, ut cognoscat penitens se non detestari peccatum, ut est Dei offensa*. Subjiciuntur utique nunc ea verba, *Sed tantum ut est alicujus mali temporalis causa, sed desiderari, Et pœna inferni* (ut extat in editionibus antiquioribus) inde colligitur, quod Toletus pertractat de attritione, quam paullo supra ait detestari peccatum, *non quia offensa Dei, verum aut quia est quoddam malum animam sœdans & deturpans, faciensque servam diaboli, aut quia ei debetur pœna aterna, aut quia ex eo sequuntur est malum aliquod temporale*. Cum utrumque hic ponat, malum temporale, & pœnam æternam; quis non videt utrumque pariter in altera periodo fuisse comprehendendum, maxime quod huic conjecturæ accedit priorum editionum auctoritas? De his autem, qui nobis assentiuntur, dictum satis.

Ad adversarios quod attinet, principio multi, qui tales videntur, tales non sunt revera, nam Petrus Binsfeldius in Enchiridio, edito an. 1626. affirmat Theologos complures tradere, *attritionem & contritionem non differre, nisi penes intensum & remissum*, quod & ipse defendit; & Joannes Molanus tract. i. cap. 7. Theologiæ practicæ testatur, idem asserere *Scholasticos saniores*. Plures ergo, qui ajunt, *Sufficit attritio*, loquuntur de attritione, quæ non est absque amore initiali, tametsi concipiatur ex timore pœnarum. Deinde inter adversarios præcipui fatentur sententiam propriam incertam esse. Canus parte v. Relectionis de Penit. inquit: *Quod attritio sufficiat, quamvis verum sit, non est tamen adeo certum, & indubitatum*. Dominicus Soto in iv. dist. 19. ait: *Quod attriti per Sacramentum fiant contriti, non est expressa Evangelica assertio, aut Ecclesiastica definitio*. Immo neque apud Augustinum, aliumve illius classis auctorem reperitur, sed est Scholasticorum collectio, quæ quamquam sit vera, non tamen est digna, cui *balances perpetua nostra aut salutis, aut dam-*

damnationis confidamus . Paulus Comitulus , si velimus hunc adversariis accendere , & ipse lib. 1. Responf. Moralium q. 32. num. 7. scribit : Neque adeo certum est attritionem esse satis . Suarez in 3. p. q. 90. art. 4. disp. 15. sect. 4. num. 17. Licet (inquit) sit opinio probabilis attritionem cognitam cum Sacramento sufficere ad justificationem , tamen non est certa , & potest esse falsa . Ergo qui sciens & videns ita se mori permittit , voluntarie se exponit periculo aeternae damnationis . Sanchez in Summa lib. 1. cap. 9. num. 34. docet Sacerdotem mortaliter peccaturum , si in articulo mortis poenitenti cum sola attritione cognita Sacramentum ministret , propter grave damnationis periculum . Quod denique in mortis discrimine necessum sit , ut poenitens ad Sacramentum disponatur per actum aliquem caritatis , fatentur adversarii fere omnes , ut inquit Tract. v. 111. de Sacram. Poenit. Joannes Dicaftillus , & assentitur Thomista Gonet tr. v. disp. 7. art. 4. §. 3. ea producta ratione , Cum non sit omnino certum ac indubitatum , attritionem solam cum Sacramento justificare , & plures Theologi non contemnenda auctoritatis non solam id esse incertum , sed etiam falsum existiment . Patiantur ergo viri doctissimi , nos tanquam pro aris focisque , pugnare pro ea sententia , quæ in Poenitentiae Sacramento exigit initialem amorem , & quod ipsi damnant in morientibus ob sempiternæ damnationis periculum , reprobetur a nobis tum ob hanc eandem causam , tum ob vitandam Confessionem sacrilegam atque inutilem , quum non minus cavendum sit propriæ salutis detrimentum , quam profanatio Sacramentorum : quorum unum est exitium maximum creaturæ , alterum summa in Creatorem injuria . Illi autem , qui minus docti sunt (sunt autem ceteris audaciores) definiant eam sententiam proscindere , quam fatentur suarum partium scriptores , Becanus quoque tract. 1. cap. 4. quæst. 9. de bonitate , & malit. hum. actuum , & Platellius p. 5. synopsis cap. 6. §. 5. n. 216. tutiorem esse , necnon defendi a Theologis pluribus non contemnenda auctoritatis : singuli denique , donec accedat Sedis Apostolicæ definitio , scribant , doceantque quod sentiunt , atque , ut est in prologo , Dentem dente ne rodant .

PROP. VII. Amor necessarius ad gratiam in Sacramento obtinendam est amor caritatis , non spei tantum , quo diligitur Deus , at bonus nobis .

Manifestam puto sextam hanc propositionem ex quinta præcedenti , nec in ea confirmanda infumerem minimum temporis , nisi recentiores quidam conati fuerint demonstrare necessarium quidem esse in accedentibus ad Sacramentum amorem Dei inchoatum , & initialem , sufficere tamen amorem spei , quem adeo commendant sacre Litteræ , & frustra damnant Lutherani , & Quietistæ . Præstat id inter ceteros eruditus Tournely q. 5. de Poenit. art. 3. concl. 1. & 2.

& 2. ad se pertrahens quæ de necessitate amoris Scriptura divina, Augustinus, S. Thomas, atque ipse historicus Pallavicinus tradiderunt. Sed Tournely adversæ nobis parti undequaque consentit, cum adversariorum nullus spem amoveat a pœnitentibus; dum vero loca persequitur, quæ de caritate intelligenda sunt, atque ab adversariis aliis explicantur aut de caritate *habituali*, cui inest meritum *de condigno*, aut de actuali, quæ opinione suâ absque Sacramento confert justitiam, causam propriam male agit, & adversus illam intorquet calamum. Nullius est operis hoc evincere. Requirit enim *initialem amorem* demonstrat primo Tournely iis Scripturarum testimoniis, quæ commonstrant Deum *ex toto corde*, & *ex tota anima diligendum*, ut legitur Matth. xxii. 37. At quis inficias ibit, tradi eo loci caritatis præceptum? Profert deinde illa Augustini testimonia, quibus præcipitur dilectio justitiæ; sed nimium est in Augustini doctrina hospes, qui ignorat in hoc veram justitiam sitam esse, quod rationalis animus convertatur per caritatem ad bonum incommutabile, istud exquirat in se & propter se, teneatque ordinem amoris, summum bonum rebus ceteris præferentis. Afferit postea declarationem Cleri Gallicani, qui anno 1700. statuit non adimpleri necessarium Sacramentis Baptismi & Pœnitentiæ propositum vitæ novæ inchoandæ, *Si pœnitens primi ac maximi mandati, quo Deus toto corde diligitur, nullam curam gerat*; & quid est, quæso, mandatum illud primum ac maximum, nisi præceptum caritatis? Si hoc in dubium vertat Tournely, cum ea declaratione Cleri Gallicani conferemus nos aliam posteriorem, de qua vide prop. 1. hujus capituli, qua verbis rotundis asseritur amorem justitiæ juxta Tridentinum in Sacramento necessarium, *ferri in Deum, tum ut in se summe bonus est, tum ut est summum bonum nostrum*. Præterea producit Tournely Historiam Eminentiissimi Pallavicini lib. vii. cap. 13. Verum & ex hac Historia compertum est, a Patribus Tridentinis præter fidem & spem insertum capiti 6. sess. vi. *actum caritatis*, atque ejusdem caritatis, *cujus habitus est ipsa forma justitiæ*. Postremo vir doctus demonstrat ex 3. p. D. Thomæ q. 85. necessarium esse dolorem de peccato, *in quantum offensiva Dei est*. At dolor iste, prout habetur in eadem quæstione art. 5. ad 1. *pertinet ad caritatem*. Ex his ergo, quæ propositione præcedenti fuisse sunt pertractata, constat in Sacramento requiri actum inchoatæ caritatis; idque ob illa eadem momenta, quibus præstantissimus iste Theologus necessarium demonstrare nititur amorem spei.

Neque tamen nos excludimus amorem spei, quasi nefas sit servare Deo intuitu sempiternæ mercedis. Vide quæ de spe in libro xxvi. cap. 16. conscripsimus, ubi demonstravimus sedulo bonis operibus studendum esse, ut consequamur æternam vitam, & summo & incommutabili bono fruamur, cujus desiderium, sanctum utique

que & rectum *spem* appellamus. At sententiâ nostrâ hujusmodi desiderium debet dirigi in finem ultimum, ita ut summum bonum, ad quod spes tendit, non tam appetatur gratiâ nostri, quam propter seipsum; illudque gratis amemus, in eo finem ultimum collocantes, & quærentes videre faciem ejus, ut ipsi castis inhæreamus amplexibus. Quod si fiat, spes dirigitur caritate, & gratis amatur Deus: quoniam, etiamsi attenditur merces magna nimis, ea tamen merces est ipsemet qui amatur. Atque ita de spe loquutos Augustinum, Bonaventuram, Franciscum Salesium eodem cap. 16. demonstravimus. Si forte videamur obscure locuti, explanabimus rem totam verbis Doctoris Angelici 1. 2. q. 62. art. 3. *Voluntas ordinatur ad finem, & quantum ad motum intentionis in ipsum tendentem, sicut in id, quod est possibile consequi, quod pertinet ad spem: & quantum ad unionem quandam spiritualem, per quam quodammodo transformamur in illum finem, quod fit per caritatem.* Dolorem ergo, quo detestamur peccatum, ut est offensa Dei, quatenus est objectum nostræ beatitudinis sensu explicato, fateamur esse sufficientem, sed negamus a solâ spe derivare; nam inquit idem S. Thomas proxima quæst. 65. art. 5. *Caritas est amor Dei, quo diligitur ut beatitudinis objectum*, siquidem in tali amore præter motum spei tendentis in finem ultimum, est affectio cordis optantis unionem ejusdem finis. Atque hinc appareret nullam vim habere adversus sententiam, quam teneo, argumenta, quæ urgere solent nonnulli, ut probent efficacem amorem beatitudinis excludere se solo voluntatem peccandi: nam si loquamur de amore beatitudinis nunc explicato, admittam æquo libentique animo quidquid opponent.

Detegunt pariter hæc omnia Quietistarum, qui invexerunt amorem, quem vocant *purum*, dementiam & mentis insanitatem. Si enim quisquis caste Deum amat, exoptat ipsius societatem atque unionem; profectò commentitius est ille amor, a quo divulsus sit motus spei, quando nondum rationalis creatura adhæret Deo inseparabili nexu: nam si adhæreat, succedit cupiditati lætitia, & spei delectatio. Contingit hoc tantum in patria, ubi spe abunde expleta, summò Bono conglutinata manet caritas. Distant propterea toto cœlo a Quietistarum infania castissimæ illæ animæ, quibus præ ceteris summum Bonum in hac vita dulcescit; hæc siquidem, licet Deum diligant *propter se*, quia tamen carent perfecta illius unionem, sperant adhuc, & ingemiscunt. Sed recolite quæ adversus *Quietismum* scripsimus 1v. vol. p. 520. Lege etiam epistolam xi. S. Bernardi ad Carthusienses, in qua n. 7. docet quomodo caritas implet legem servi, ordinatque cupiditatem mercenarii; ac n. 8. gradus spiritualis amoris ornat, ac distribute distinguit. Quod enim proposueram ostendere, veritatem scilicet, & æquitatem susceptæ causæ, videor jam numeris melioribus explevisse.

Tom. VII.

B b b b

CA.

C A P U T VI.

Momenta adversariorum proferuntur, & refutantur.

NULLAM puto, vel nonnisi facillimæ solutionis oppositionem posse illis occurrere, qui se accurata præmissi capitis lectione præmunierint; quamquam & multa & contentione magna urgeant ex adverso innumeri, gravissimique Theologi: quorum luctationes excepturus alacri & prompto animo, tantum abest, ut abjecte declinem, quin potius illorum vires dispersas & paullo supra contrafactas simul colligere, atque instaurare conabor. In quinque autem classibus eas colloco, ut habeant rectum ordinem, & distributionem argumentorum; atque nos undique adoriantur, a fronte, a tergo, a lateribus. Dabo priorem locum iis, quæ innituntur auctoritat! sacrosanctæ Synodi Tridentinæ: tenebunt proximum, quæ petuntur ex vi & efficientia timoris, plurimum, & quidem jure meritoque a sacris litteris, & a Patribus commendati: locabuntur in tertio quæ habent robur a caritatis virtute & præstantia: consequentur ea, quæ fulciuntur Sacramentorum novæ legis amplitudine atque energia; nec prætermittentur deprompta a sententiæ oppositæ celebritate, & applausu. Atque rejectis his omnibus, arbitror non esse ulterius pro necessitate amoris initialis adstruenda, & vindicanda, in hoc Opere adlaborandum.

Ex Tridentino itaque Concilio possunt opponi quæ sequuntur. Initio sessionis xiv. testatur Synodus sacrosancta traditam a se ob publicam utilitatem de iis, quæ spectant ad sacramentum Pœnitentiæ, *exactiorem, & pleniorẽ definitionem*. At in ea sessione de necessitate *initialis amoris* nec verbum quidem. Omisisset ne articulum istum attingere, ubi ait spectari a se fidelium omnium utilitatem, tradique hac de causa uberiorem & absolutam institutionem? Nequaquam. Non agnovit itaque Oecumenica Synodus hujus initialis amoris necessitatem. II. Quid vero dicam, non agnovit, quando exclusit aperte? Enimvero quarto ejusdem sessionis capite declarat primum contritionem, quæ est prior pars Sacramenti, esse *dolorem animi, & detestationem de peccato commisso cum proposito non peccandi de cetero*, ubi sane nullum dilectionis vestigium apparet. Deinde hanc contritionem dividit in eam, quæ perficitur caritate, & in eam, quæ *communiter concipitur* ex turpitudinis peccati consideratione, vel ex gehennæ & pœnarum metu. Utraque ergo contritio, perfecta illa caritati conjuncta, & imperfecta hæc ex metu concepta comprehenditur in communi illa contritionis definitione, & utraque est *pars Sa-*
cramen-

oramenti. III. De hac contritione, quæ concipitur ex metu gehennæ, inquit veneranda Synodus: *Et quamvis sine Sacramento Pœnitentiæ per se ad justificationem perducere peccatorem nequeat; tamen eum ad Dei gratiam in Sacramento Pœnitentiæ impetrandam disponit*. Quibus sane verbis nil magis expressum, magisque perspicuum dici poterat. IV. Alucinantur enim, & fucum faciunt qui eadem verba aut de dispositione quadam distanti, & remota, aut de attritione initiali amore formata explicant inepte & insulse. Accipiendum quippe Concilium de dispositione sufficiente, & cui nihil desit ex parte pœnitentium, primum inde constat, quod in Sacramento tribuitur attritioni virtus & efficientia, quam extra Sacramentum non habet. At attritio servilis etiam extra Sacramentum remote disponit ad gratiam, eo nempe sensu, quod sternit viam dilectioni, utiliter peccatorem concutiendo; ideoque in Sacramento, si habet in illo plus aliquid roboris, disponere debet ultimo & proxime, ac tali ratione, ut accedente Sacramenti virtute impius iustificetur. V. Hæc deinde verba, *Ad Dei gratiam in Sacramento impetrandam disponit*, parum, aut nihil discrepant ab illis, quæ ante reformationem legebantur, videlicet, *Per eam ad Dei gratiam facilius impetrandam disponitur*. Tunc vero de dispositione sufficienti sermonem fuisse institutum, res manifestissima est. Oportet ergo, ut etiamnum Concilii verba de dispositione sufficienti ac proxima interpretemur. VI. Atque nisi id fiat, incaute prolabimur in hæresim Lutheranam. Aiebat enim Lutherus attritionem ex solo metu conceptam reddere hominem magis hypocritam & peccatorem. Quid contra Synodus Oecumenica? Definuit hanc attritionem, *Si voluntatem peccandi excludit, cum spe venia, non solum non facere hominem hypocritam & magis peccatorem, verum etiam donum Dei esse, & Spiritus sancti impulsus*. Attritio autem servilis, quamvis omni dilectione Dei super omnia sit expoliata, est definiente Concilio donum Dei. Excludit ergo voluntatem peccandi, ideoque est ad impetrandam gratiam ultima & proxima dispositio. VII. Revera quid est *hypocrisis*, nisi vitium illorum, qui se externa specie continentes a peccatis, hæc intus fovent in corde, & his voluntate adhærescunt? Igitur si cum attritione tantum servili persisteret voluntas peccandi, redderet illa hominem hypocritam, & magis impium; quod est damnatum & perniciosum assertum hæreticorum. Esset etiam *extorta & coacta, non libera & voluntaria*, quod pariter in Synodo damnatum est; timore enim incusso vellet adhuc voluntas peccare & a peccando retraheretur invita. VIII. Cum his aperte demonstratum sit loqui Concilium de proxima ad gratiam dispositione, facili negotio evincitur in ea attritione, cui dispositionem ipsam attribuit, nullum caritatis, quantumvis minimæ, actum præsupponi: quod suadet primò Concilii scopus, &

proscriptio hæreticorum damnantium, tanquam animorum inquinamentum, timorem gehennæ. IX. Idem præterea confirmant verba Concilii hanc attritionem conceptam ex metu opponentis illi, quæ proficiscitur ex caritate, & quæ hominem Deo reconciliat, priusquam Sacramentum actu suscipiatur. X. Hoc idem tandem eruitur ex Historia ejusdem Concilii, ex qua constat in Decreto, ut prius fuerat delinatum, extitisse hæc verba, *Cum sine aliquo dilectionis in Deum motu vix esse queat*: quorum verborum abrasio, facta ad instantiam Episcopi Tudetani, evidentissime commonstrat sacrosanctum Concilium intelligendum esse de timore servili exspoliato qualicunque dilectione Dei super omnia. Atque hæc sunt, quæ obijci possunt ex Tridentino Concilio.

Quamvis his omnibus abunde satisfactum sit præmissa explanatione Lutherana hæreseos, & examine mentis Patrum Tridentinorum, ad singula tamen ad hunc modum respondeo. Ad primam objectionem dico, in proœmio sessionis xiv. appolite promitti *exaltatorem, & pleniorum definitionem*, comparate ad ea, quæ definita fuerant sess. vi. quoniam præter illic statuta de *justificatione* in genere, & de necessariis ad illam dispositionibus, evellendi erant errores, quos singulatim de Sacramento Pœnitentiæ evulgarant hæretici, negantes Pœnitentiam sacramentum esse a Baptismo diversum, utilem esse conceptum ex metu dolorem, parandam contritionem, per discussionem, collectionem, & detestationem peccatorum, & cetera in eadem sessione saluberrime definita. *Plena* itaque & *exalta* Tridentini definitio supponit quæ generaliter de Justificatione decreta fuerunt sessione sexta; cui cap. 6. illis verbis, *Illumque tanquam omnis justitia fontem diligere incipiant*, insertus est *actus caritatis, ne si pœnitentia esset propter pœnam tantum, & non propter Dei offensam, infructuosa esset*; nec non canone 3. definitum est non posse hominem absque præveniente Spiritus sancti inspiratione *credere, sperare, aut diligere, sicut oportet, ut ei justificationis gratia conferatur*. Igitur Concilium dum promittit definitionem *exaltatorem, & pleniorum*, revocat ad memoriam necessitatem initialis amoris in decreto de Justificatione statutam, ubi *multus fuit de Pœnitentia sacramento, propter locorum cognationem necessaria quadam ratione sermo interpositus*. Atque hinc apparet sententiam nostram firmari, non everti prima adversariorum oppositione. Deinde consulto Tridentinum inquit *definitionem*, non autem *institutionem*, aut *declarationem*, ne quis opinaretur velle Concilium de iis pertractare, quæ salva fide a Scholasticis in utramquam partem discutuntur; a quibus definiendis alienissimum fuit, quippe coactum erat *non ad decidendas opiniones, sed ad errores recidendos*, ut non uno in loco testatur Eminētissimus Pallavicinus. Quare prætermisit etiam, Scholarumque

que concertationibus discutiendam reliquit quæstionem; an in Confessione aperiendæ sint circumstantiæ aggravantes intra eamdem peccati speciem, necnon aliam, num opus sit proposito expresso, seu, ut inquirunt, *formali*, aliasque non attingentes scopum ipsius Concilii ad extirpandas hæreses congregati. Quod sequitur, & istud sententiam confirmat nostram. Quando enim Concilium in generali Contritionis definitione inquit hanc esse *animi dolorem & detestationem de peccato commisso*, subintellexit, *prout est offensa Dei*, quem admodum demonstravi capite præcedenti; detestari autem sub hac ratione peccatum *pertinet*, ut ait S. Thomas, *ad caritatem*. Ideo autem has particulas, *prout offensa Dei est*, veneranda Synodus non apposuit, quia hæretici admittentes duntaxat timores incussos & fidem, prorsus inutilem reputabant amaritudinem animi, & peccati detestationem; ut apparet ex v. canone ejusdem sessionis. Hanc ergo hæresim damnans sancta Synodus, ac supponens detestationem peccatorum spectare *offensam Dei*, dispescens postea contritionem in perfectam, & imperfectam, demonstrat quod utraque, *ut pars sit Sacramenti*, continere debeat detestationem illam, quæ in præmissa definitione comprehenditur. Quare juxta Concilium in hoc contritio *perfecta* distinguitur *ab imperfecta*, quod illa conjuncta est vehementi, & flagrantissimæ caritati, hæc vero *communiter* ex gehennæ metu concipitur; sed, ut contigit in Ninivitis, pertransit ad conversionem cordis, & ad illam detestationem & contritionem, quæ ad remissionem peccatorum fuit quovis tempore necessaria. Præterea, ut gratis concedam Tridentinum Concilium loqui de attritione, quæ non solum ex metu concipitur, sed etiam in metu persistit, nec procedit ad gradum aliquem caritatis; & dato etiam, quod in definitione contritionis minimè subintelligantur ea verba, *Quatenus est offensa Dei*, quæ tamen duo falsissima sunt, & apertissime refutata; his, inquam datis, nihil aliud ex secunda objectione deducitur, nisi attritionem illam locum habere inter bonos actus pœnitentis, non verò inutilem esse atque perniciosam. Non enim in præmissa contritionis definitione inquit Concilium, *Contritio, quæ sufficit ad constitutionem Sacramenti, est animi dolor, &c.* sed ait: *Contritio, quæ primum locum inter pœnitentis actus habet, &c.* Etiam si ergo concedamus comprehendere sub hac definitione attritionem servilem, nihil aliud insertur (ex sophistica etiam & subtiliori dialectica) nisi hanc eamdem attritionem inter actus pœnitentis esse connumerandam. Hinc recte, sapienterque in reformatione decreti abrasa fuerunt ea verba, *Sufficere ad Sacramenti hujus constitutionem*; quamvis nec aperte sermo ibi esset de attritione ab amore divulsa, immo addita essent verba illa, *Cum sine aliquo dilectionis in Deum motu vix esse queat*. Tertium pariter argumentum aut nihil probat, aut probat sententiam nostram. Discre-

pant

pant enim Theologi pro nobis certantes, an ea verba, *Ad Dei gratiam in Sacramento Pœnitentiæ impetrandam disponit*, accipienda sint de *dispositione proxima* ad justificationem, vel de *dispositione remota*. Qui primum tenent, inquit Concilium loqui de attritione quidem ex metu gehennæ concepta, sed quæ procedat ad dilectionem, siquidem exigit, ut hæc attritio excludat voluntatem peccandi; eamdemque attritionem proficuum esse demonstrat exemplo Ninivitarum, quos proculdubio timor ad conversionem, at non ad justitiam ultimum proximæque disposuit; alibi etiam Concilium addidit timori & *spei initialem amorem*, ne pœnitentia propter pœnam tantum foret infructuosa. At qui tenent Concilium loqui de dispositione tantum remota, inquit mentem Concilii fuisse definire tantummodo quod attritio servilis est bona & perutilis, & non est impedimentum ad gratiam, sed dispositio; primum quia id erat adversus hæreticos decernendum; deinde quia ex decreto disposita sunt ea verba, *Sufficere ad Sacramenti hujus constitutionem*; præterea quia Pallaviellus testatur ideo attritionem servilem ad gratiam disponere, quia *ejus ope adjicitur caritatis affectus*; quod ait clare vinci ex ipsa probatione Concilii, & ex producto exemplo Ninivitarum. Tene ex hac duplici sententia illam, quæ magis arrideat. Opinio mea est, noluisse Concilium ferre de præsentis judicium quæstione, ut affirmat ibidem Historicus Eminentiissimus, in sententiam tamen nostram, si omnia expendantur, Patres conspirasse: quod ostendi quarta, & proxima præcedentis capitis positione. Habeto itaque ad pertenuem fractamque objectionem responsum. Si Tridentina Synodus loquitur de attritione concepta ex metu pœnarum, & progrediente ad amorem, pugnat pro nobis argumentatio; si de remota dumtaxat dispositione, pro nobis pariter militat: si denique de sola timoris utilitate, ac dispositione ad gratiam, præscindendo ab ea quæstione, num disponat proxime, vel remote; est ipsamet argumentatio prorsus cassâ, nullaque ratione nos impetit. Ad quartam progredior, ac primo fateor attritionem habere vim in Sacramento proximæ dispositionis, si a timore, ex quo communiter concipitur, ascendat ad amorem initialem, per quem excludat prorsus voluntatem peccandi: hoc autem dato, quid adversus sententiam, quam propugnamus? Deinde nego Tridentinam Synodum opponere attritionem in Sacramento attritioni a Sacramento disjunctæ, illique vim adtribuere proximæ dispositionis: neque enim ait, *Quævis sine Sacramento Pœnitentiæ per se ad justificationem perducere peccatorem nequeat, in Sacramento tamen per se ad justificationem peccatorem perducit*, quæ foret objecta ab adversariis antithesis. Ait, *Tamen eum ad Dei gratiam in Sacramento Pœnitentiæ impetrandam disponit*, caute particulas *per se*, & verbum *perducit* omisiss, & pro vocabulo *justificationis* gratiæ nomi-

ne substituto; ut nempe quisque intelligeret, attritionem non esse qualem impius hæresiarcha delineavit, sed perutilem, & talem, quam licet se sola nequeat justificare, hoc tamen affert commodi, quod disponat ad caritatem initialem, cujus adminiculo gratia in Sacramento impetratur. Hunc utique Tridentini sensum affectuti sunt viri maximi, & præclarissimi. Alphonsus enim Salmeron Concilii Theologus tom. xi. tract. 22. versans vulgatum illud proloquium, *Accedens ad Sacramentum ex attrito fit contritus*, ait id non alia ratione evenire, nisi, *quia accedente nova gratia, & liberi arbitrii conatu perfectum peccati odium & desectatio concipitur*. Franciscus Sonnius, qui pariter Concilio interfuit, tract. iv. de Pœnit. cap. 6. inquit: *Attritio non efficit veram pœnitentiam, sed tamen ad illam præparat. Sicut videmus*, ait Augustinus, *per setam introduci linum, sive filum, quando confuitur corium, seta prius intrat, sed nisi exeat, non succedit linum*. Sic timor primum occupat mentem, non autem ibi manet, quia ideo intravit, ut introduceret caritatem. Concutitur quidem cor timore, sed lenis succedens caritas: timor impellit ad contritionem, ceteram perficit eam caritas: timor medicamentum est, caritas sanitas, timor exordium pœnitentiæ, caritas valor ejusdem. Viguierius quoque in Institutionibus approbatis a sacra Facultate Parisiensis, de Sacram. Pœnit. versu 10. docet in Sacramento attritionem non sufficere per se, sed propter aliud principium, sive objectum superveniens, quod est timor filialis. Legimus pariter in Constitutionibus Bononiensibus Gabriellis Cardinalis Palæoti editis anno 1594. parte 2. serm. de Sacramento Pœnit. *Rursus etiam, quamvis dolor non potissimum ex timore Dei, sed potius ob suppliciorum metum excitetur, & ita veram rationem contritionis non attingat, quo potius attritio dicenda esset, non tamen ideo peccator a spe salutis, & consequendæ veniæ excidit, ut a Tridentino Concilio declaratum est, quoniam iste dolor ad verum Dei timorem & gratiam in Sacramento disponit, &c.* Neque ut alia producere necessum est, cum teste Eminentissimo Pallavicino id clare liqueat ex ipsa probatione Concilii, & ex adducto exemplo Ninivitarum, in quibus formidolosa pœnitentia minime sufficiens fuit seipsa ad peccatum delendum, sed vim tantummodo habuit ad impetrandam novam gratiam, cujus ope adjiceretur caritatis affectus. Quæris ergo quomodo attritio servilis ad impetrandam gratiam disponit? Respondeo breviter, Disponit quia viam parat ad conversionem cordis, ad caritatis affectum, ad timorem Dei filialem, idque præstat uberius in Sacramento, ad quod accedenti facilius ob humilitatem, qua se clavibus Ecclesiæ subjecit, Deus dans gratiam humilibus impertitur sanctæ dilectionis inspirationem: atque hac responsione expeditur quarta objectio. At quintam brevissime refutabo; in priori namque decreto legebatur attritionem sufficere, quod postea dispunctum fuit atque

atque erasum. Breviter etiam sexta diluenda est: nam demonstravi apertissime, Lutherum probasse solam contritionem proficiscentem *ex amore justificante*, nec aliter sentire potuit qui putabat solam in Christum fiduciam justificare impium, hujus vero opera, quæcunque justificationem præcedunt, sive sit metus, sive dilectio, sive peccatorum detestatio, esse inquinamenta & sordes, decipi proinde scholasticos asserentes exigi ad remissionem peccatorum dolorem aliquem, discussionem peccatorum, & præviam dilectionem. Mens ergo Concilii fuit non solam attritionem servilem, sed etiam initialem, nec non motus alios liberi arbitrii se disponentis ad gratiam commendare, atque inter dona Dei recensere adversus hæreticam pravitatem. Unum addam: tametsi Lutherus damnaasset solam attritionem servilem, & de hac sola affirmasset non sufficere ad justificationem in Sacramento; nihil tamen evinceret adversarii: quum Tridentinum definierit quidem attritionem esse bonam, & dispositionem ad gratiam, non autem esse dispositionem sufficientem, & proseripserit primam Lutheri assertionem, non alteram. At enim, inquis, definit Concilium attritionem esse Spiritus sancti impulsam & donum Dei, *si excludat voluntatem peccandi*. Et hinc apparet (reponunt Doctores nostri) Concilium loqui de attritione initiali, quæ sola voluntatem peccandi excludit: hujusque assertionis suæ proferunt rationes plurimas, quas non vacat repetere. Insistens tamen ego iis, quæ superiori capite demonstravi, in eo responsionem longe planiorem: & dico excludi voluntatem peccandi, quatenus peccatum est causa supplicii ac sempiternæ damnationis, per attritionem servilem; quæ utilis est, & ad gratiam impetrandam disponit: *Quum enim illi qui habent timorem*, inquit Augustinus in Psalm. 127. n. 7. *per timorem continent se a peccato, fit consuetudo justitie*, & incipit quod durum erat amari. Excluditur autem voluntas peccandi, in quantum peccatum est offensa Dei summopere diligendi, per amorem caritatis; qui longe utilior est, & ad gratiam obtinendam non disponit tantum, sed in Sacramento etiam sufficit. Ad VII. respondeo sententiâ nostrâ nec attritionem servilem reddere hominem hypocritam, neque penitentiam ex eadem attritione manantem extortam esse, & coactam. Non est in attritione servili hypocrisis; quoniam qui timet, revera timet; hypocrita autem est, qui simulat exterius quod non habet in corde, ut de Phariseis non uno in loco legitur in Evangelio, & docet sanctus Thomas 2. 2. quæst. 114. art. 2. de iis omnibus, *qui videri volunt quod non sunt*, & veluti in theatro agunt partes Agamemnonis. Quod autem sub timore lateat voluntas aliqua mala, id non facit, ut timor reddat hominem hypocritam; quoniam talis voluntas non est a timore, sed proficiscitur a prava cupiditate timentis: alioqui & fides, quæ voluntatem peccandi non excludit se sola, mala esset

efficit, & magis homines inquinaret; cum tamen sit virtus Theologica, & donum Dei. Nos ergo nequaquam hypocritas illos appellamus, qui vere timent, sed eos, qui aut timorem, aut pietatem, aut devotionem, aut virtutem aliam apparenter exercent, ei pares, de quo satyra v. Aulus Persius:

*Pelliculam veterem retines, & fronte politus
Astitam vasro servas sub pectore vulpem.*

Sed neque pœnitentia solo timore animata dici potest extorta & coacta; siquidem licet timor, ut est concussio animi, seu *passio*, non sit cum electione liberi arbitrii, dolor tamen ex timore conceptus est motus liberrimus voluntatis: non enim quæ fiunt ex metu, involuntaria sunt, sed libera & voluntaria, ut docent Scholastici omnes cum D. Thoma 1. 2. q. 6. a. 6. Verùm hinc non inferitur excludi omnino a timore fervili voluntatem peccandi; quoniam ex doctrina ejusdem S. Thomæ citato, & proximo articulo in iis, quæ aguntur ex metu, *remanet voluntatis repugnantia ad id, quod agitur, secundum quod in se consideratur*; & motus voluntatis in illud fertur, *non propter seipsum, sed propter aliud, scilicet ad repellendum malum, quod timetur*. Scio doctum scriptorem de Re Sacrament. to. 2. pag. 69. concedere attritionem ex metu gehennæ conceptam extortam esse, non liberam, *vizio timentis*; negare talem esse *vizio timoris*. Si velit vitium esse timentis, non timoris, quod persistat in voluntate affectus ad peccatum *secundum se*; verum dicit, idemque a nobis supra demonstratum est: si autem velit timentem ob metum pœnarum timere coacte; falsum est, repugnatque communi *de voluntario, aut involuntario* notioni, ac præsertim S. Thomæ 1. 2. q. 6. art. 6. In tribus autem reliquis objectionibus inaniter loquitarer, si fierem prolixior. Nam de scopo Concilii, qui objicitur octavo loco, dictum satis, superque. Quod proxime ponitur de caritate, quæ justificat priusquam Sacramentum suscipiatur, repetendum est paullo infra. Illud denique, quod opponitur de erasis verbis, *Cum sine aliquo dilectionis in Deum motu vix esse queat*, nihil aliud evincit, nisi attritionem servilem, quæ bona est, posse aliquando a caritate divelli, non autem a caritate initiali sejunctam esse dispositionem sufficientem & proximam ad gratiam in Sacramento impetrandam. Potest etiam hæc obiectio ex propositione quarta præcedentis capitis retrorsum flecti in adversarios; quorum priores impetus non sustinimus tantum, sed infregimus quoque, & elusimus.

Excipiendi sunt modo, qui timoris laudibus & efficacia decerant. Hi primum obijciunt, quæ de timore æternarum pœnarum tradunt divinæ litteræ. Ecclesiasticus cap. 1. 27. *Timor Domini, inquit, expellit peccatum: nam qui sine timore est, non poterit justificari*; & cap. xx1. 7. *Qui timet Dominum, convertetur ad cor suum*:

T6.VII.

Cccc

& rur-

& rursus cap. xxv. 15. *Beatus homo, cui donatum est habere timorem Dei*. In Proverbiis pariter legimus cap. xiv. 27. *Timor Domini fons vite, ut declinent a ruina mortis*. Apud Isaiam xxv. 18. *A timore tuo concepimus, & peperimus spiritum*. Christus demum in Evangelio Matt. x. 28. *Timete eum, qui potest animam & corpus perdere in gehennam*. Hæc aliaque nos ipsi produximus tom. iv. pag. 503. demonstrantes timorem servilem esse donum Dei, & asserre plurimum utilitatis. II. Disertissime Patres tradunt homines perculsos gehennæ timore avocari a peccato. Ut mittam Basilium in Psalmum 33. Ambrosium in Psalmum 118. serm. 15. num. 37. & Hieronymum in cap. 1. Malachiæ: sat est unius Augustini loca quædam proferre. Ergo S. P. tract. ix. in Epist. Joan. num. 4. ait: *Timor Dei sic vulnerat, quomodo medici ferramentum; putredinem tollit*. Sermone 161. aliàs 18. de Verbis Apost. num. 8. *Timor, inquit, quo gehennam times, & ideo mala non facis, continet te, & sic volentem peccare animum interiorum non finit*. Item serm. 156. cap. 13. num. 14. scribit: *Ne possideat diabolus cor tuum, præcedat timor in corde tuo*. Quid vero ulterioris dispositionis in Sacramento requiritur, quando abscinditur putredo peccati, interior animus cohibetur, & diabolo janua cordis occluditur? At præstat hæc omnia juxta Augustinum timor servilis. Disponit ergo ad gratiam *suffICIENTER*. Decretoria sunt autem quæ S. P. ait in libro de Catechizandis rudibus cap. 17. ubi distinguit tria genera hominum Christianam religionem amplectentium. Locat in primo genere illos, qui propterea volunt esse Christiani, *ut aut promereantur homines a quibus temporalia commoda expectant, aut offendere nolunt, quos timent*. Hos vero reprobos appellat, & asserit portari ab Ecclesia, sicut area sustinet paleam usque ad tempus ventilationis, in fine separandos, si non se correxerint, & Christiani propter futuram sempiternam requiem esse cæperint. Statuit in altero genere illos, qui *meliori quidem spe, sed tamen non minori periculo, jam Deum timent, & non irrident Christianum nomen, nec simulato corde intrant Ecclesiam Dei, sed in ista vita expectant felicitatem, ut feliciores sint in rebus terrenis, quam illi, qui non colunt Deum*. Atque istos appellat S. P. infirmos in fide, quandoquidem dum vident impios in sæculi prosperitate pollere, perturbantur quasi sine causa Deum colant, & facile deficiunt a fide. In tertia tandem classe constituit eos, qui ad gehennam vitandam, & beatitudinem consequendam Christiani fiunt: atque de his num. 27. ita loquitur: *Qui autem propter beatitudinem sempiternam & perpetuam requiem, qua post hanc vitam sanctis futura promittitur, vult fieri Christianus, ut non eat in ignem æternum cum diabolo, sed in regnum æternum intret cum Christo, verè ipse Christianus est, cau-
tus in omni tentatione, ne prosperis rebus corrumperetur, & in abun-*
dau-

dantia bonorum terrenorum modestas & temperans, & in tribulationibus fortis & patient. Hunc ergo ductum spe sola ac timore iustificatum fuisse in baptismo negabimus? Faceſſat ergo, concedatque dura hæc, & oppoſita Auguſtino ſententia. III. Non poteſt hæc effugere intortum in Queſnellum anathema. Aſſeruit Novator iſte hæreticas, erroneasque propoſitiones illas: *Si ſolus ſupplicii timor animat pœnitentiam, quo hæc eſt magis violenta, eo magis ducit ad deſperationem: Timor nonniſi manum cobibet, cor autem tamdiu peccato ad-dicitur, quamdiu ab amore juſtitia non ducitur: Qui a malo non abſtinet, niſi timore pœna, illud committit in corde ſuo, & jam eſt reus coram Deo: Baptizatus adhuc eſt ſub lege ſicut Jædeus, ſi legem non adimpleat, aut adimpleat ex ſolo timore: Sub maledictio legis numquam fit bonum, quia peccatur, ſive faciendo malum, ſive illud nonniſi ob timorem evitando.* Continentur hæc in Bulla *Unigenitus*, num. 60. & ſequentibus. Quisquis Bullam hanc, uti decet, ſincero animo veneratur, (venerantur autem omnes præter illitos Queſnelli pice) proſiteri debet veras eſſe propoſitiones oppoſitas, ac pœnitentiam ſolo timore animatam eſſe motum voluntatis liberum, cohibere interiorem animum, amovere a peccato, & conſequenter ad gratiam ſufficienter diſponere. IV. Quod ita res ſe habeat, maniſeſta ſuadet ratio: nam certum eſt, timorem ſervilem excludere voluntatem peccandi; primum quia ſi quis velit malum aliquod evitare, vult etiam evitare quidquid pertrahit ad ipſum malum. Sed qui habet attritionem ſervilem vult vitare gehennam. Vult igitur etiam evitare peccatum, quod ad gehennam perducit. Et nota, quod argumentum iſtud non ſolum probat attritionem ſervilem retrahere ab externo actu peccati, ſed etiam evincit amovere ab interiori animi voluntate, ſiquidem & hæc voluntas trahit ad ſempiternum exitium. V. Et quidem ſi metus cohibere poteſt pravam cupiditatem, ſi caritati parare locum, ſi avertere ipſius peccati malitiam & pravitatem; quare intimam voluntatem non poteſt penitus immutare? Nonne magis eſt arduum atque præſtantius ad caritatem diſponere, & reſiſtantem animum coercere, quàm ab illo avertere cupiditatem inhiantem peccato? Timor itaque ſi illud efficit, & hoc poteſt facere. VI. Saltem timor ſpei conjunctus debet quamlibet peccandi cupidinem amovere; nam ſpes, ſi efficaciſ ſit, vult adhibere media ad finem ultimum neceſſaria, omniaque vitare impedimenta, quæ obſtant ejuſdem finis conſecutioni. Hæc enim natura & indoles eſt deſiderii cujuſlibet efficaciſ, ut media ponat, ac tollat impedimenta, ſtudeatque potiri bono quod expetit. VII. Etiam in Republica homines duplici ratione arcantur a malo, & ad virtutem inflammantur: improbi pœnarum intimatione; boni autem patriæ, & honeſtatis amore: quod & innuit Horatii Episto-la xvi. ad Quinctium, alloquens malum civem,

*Oderunt peccare boni virtutis amore ;
Tu nihil admittes in te formidine pœnæ.*

Duplicem hanc viam tenet Deus, impiis indignationem, bonis autem caritatem suam manifestans; ut illi convertantur timore pœnarum, isti autem delectatione iustitiæ. VIII. Quid ratiocinationibus opus est, cum ubique personet obsoletum illud, atque vulgare pronunciatum, *Accedens ad Sacramentum ex attrito sit contritus?*

Respondeo primam hujus classis argumentationem nullum nobis negocium facere, utpote qui timorem Dei bonum, perutilem, & ad gratiam disponentem fateamur. Protegant se ergo, si valent, ab istiusmodi telo, quo & nos strenue illos petimus, affectæ Lutheri, Jansenii, Quesnelli. Præterea dicimus cum Doctore Aquinate 2. 2. q. 19. art. 7. & 8. non alia ratione timorem Domini (si *timorem servilem* intelligamus) esse *initium sapientiæ*, & peccatum expellere, nisi quatenus dilectionis principium est, eamque, *sicut feta linum*, introducit: quam doctrinam lubentius amplectimur, quia traditam novimus ab Augustino. Si autem *de timore initiali* sacras accipias litteras, quatenus per timorem initialem homo Deum reveretur, eique subjicitur, quod est prior veræ sapientiæ effectus, ut eodem art. 7. docet Angelicus, vides, opinor, argumentationem in auctores cassam inanemque redire. Cohærent hæc iisdem, quæ objecta sunt, locis: Nam in primo capite Ecclesiastici vers. 12. legitur: *Timor Domini deletabit cor*, & 14. *Dilectio Dei honorabilis sapientiæ*; & rursus 25. *Radix sapientiæ est timere Deum*: item cap. xxv. 16. *Timor Domini initium dilectionis ejus*. Quid ergo inaniter ludimus, quando tam aperte Scriptura ipsa testatur, ideo timorem esse initium sapientiæ, ideo peccatum expellere, *quia est radix & initium amoris*? Id vero nihil est aliud, quam sæpe inculcata doctrina Augustini, scribentis tract. 9. in Epist. Joan. num. 4. *Ergo incipiat timor, quia initium sapientiæ timor Domini: timor quasi locum preparat caritati*. Nota obiter ea verba, *Timor Domini expellit peccatum*, desiderari in nonnullis Græcis Versionibus, etiam in Sixtina LXX. tom. 2. pag. 303. habentur tamen in vetustioribus, & apud Clementem Alexandrinum lib. 1. Pædagogi cap. 8. sed pro *Expellit*, est ibi, *ἐκδιώκει*, scilicet, *despicit*, sive, *aversatur*. Hunc præterea locum Tridentina Synodus sess. vi. cap. 6. producit ad demonstrandum, quod timor sit dispositio ad gratiam, ibi tamen exigens ulterius *initialem amorem*: ideoque juxta Tridentinum timor expellit peccatum, tanquam dispositio quædam remota, eo pacto, quo ibidem sacrosancta Synodus inter dispositiones ad justificationem necessarias demonstrat connumerandam esse fidem, & spem ex illo loco Matthæi 9. *Confide fili, remittuntur tibi peccata tua*. Merito proinde, ut ad postremum Scripturæ locum deveniam, præcipitur nobis, ut gehennam timeamus.

mus.

mus . Cum Dominus timorem incusserit , & vehementer incusserit , & repetendo verbum comminationem geminaverit , dicturus ego sum , Male times ? Ista non dicam . Plane time , nihil melius times , nihil est quod magis timere debeat . Sed interrogo te , si non te videret Deus , quando facis , nec quisquam te convinceret in iudicio illius , faceres ? Tu te vide . Non enim potes ad omnia verba mea respondere , inspicere teipsum . Si facer es , ergo panem times , castitatem nondum amas , caritatem nondum habes : serviliter times , formido est mali , nondum dilectio boni . Sed time tamen , ut ista formido custodiat te , & perducatur ad dilectionem . Agnosceis , opinor , Augustinum in serm. 161. n. 8. de timore loquentem . Præterire nolo , ipsum Dei timorem nobis præcipi , ut inde assurgamus ad castum ipsius amorem . Quare Deut. xxx. 15. legitur : *Confidera quod hodie proposuerim in conspectu tuo vitam & bonum* , & de contrario mortem & malum ; *ut diligas Dominum Deum tuum* . Eapropter , in ipsa minarum intimatione tacite ostendit Dominus suam in homines benevolentiam , ut ex verbis Amos cap. iv. 12. demonstrat citato libro Pædagogici pag. 117. sanctus Clemens Alexandrinus . Sed de prima objectione dictum satis . Non aliud , ut exfufflemus alteram , docent Patres ; in quos conjiciens oculos miraberis complurium alucinationem . Et quamquam eorumdem Patrum prolixè sensum exposui , juvat tamen brevè objecta loca discutere . Basilii in Psalm. xxxi. 11. timorem , de quo agit , appellat *in timore pium* , timorem perfectum , quod ignoro , num de servili dictum sit . Sed de quocunque loquatur , plurimum illum commendat , propterea quod instituenda vita nostra jacias fundamenta , *transi in iudicium* . Id verò non est aliud , quàm cum Augustino facere timorem legis pædagogum . Ambrosius citato loco docens *clavis configi carnes a timore Dei* , supponit timorem conjunctum amoris ; præmiserat enim : *Quia diligit Domini testimonia , configit clavis carnes suas* : additque num. 39. *Hanc imaginem clavi non solum timoris , sed etiam caritatis affigunt* . Atque id etiam illud idem est , quod Augustinus in eundem Psalmum 118. serm. 25. num. 7. ait , configendas carnes *timore casto* , quo peccare timet caritas , etiamsi sequatur impunitas . Hieronymus item in primùm Malachiæ docet velle Dominum nos habere servos , ut a malis per suppliciorum formidinem recedamus . Sed addit velle primum , *ut filii sumus , & bonum voluntate faciamus* ; scilicet , quod & Augustinus noster monuit quæst. 36. ex lxxxiii. num. 2. *ut caritatis libertas præ servitute timoris emineat* . Ita nimirum Augustinus alique Patres consentiunt ad invicem . At , inquis , Augustinus ipse docet oppositum . Ubinam , quæso ? Primò ais , tract. ix. in Joann. num. 4. *Excute aures , intende melodiam* , prosequitur eo loci Augustinus : *sunt homines , qui propterea timent Deum , ne mittantur in gehennam , ne forte ardeant cum diabolo in igne æterno . Ipse est timor*

timor ille, qui introduct est caritatem; sed sic venit, ut exeat. Si enim adhuc propter pœnas times Deum, nondum amas quem sic times. Non bona desideras, sed mala caves. Sed ex eo quod mala caves, corrigis te, & incipis bona desiderare. Cum bona desiderare cœperis, erit in te amor castus. Hoc ergo præstat per Augustinum timor servilis; intrat, pungit, stimulat, occupat cor, ut introducat caritatem, & sufficit ad tollendam putredinem, non ad sanandum. In ser. 161. post verba, quæ obijciuntur, hæc immediate addit: Est enim quidam castus timor, quasi pædagogus legis, littera est minans, nondum gratia juvans. Custodiat tamen te timor ille, dum non facis timendo, & veniet caritas; intrat in cor tuum, & quantum illa intrat, tantum timor exit. Timor enim id agebat, ne faceres: caritas id agit, ut nolis facere, etiam si impune possis admittere. Ex quo vides ita per timorem servilem cohiberi interiorem animum a peccato, ut nisi superveniat dilectio, maneat conditionata voluntas peccandi, si posset impune; cum hæc peccatum detestetur, ut sepe monui, tanquam causam suppliciorum, non secundum se, & tanquam offensam Dei. Quod autem opponitur ex sermone 156. solutum est, si Augustini verba a præcedenti periodo repetantur. Ita enim ea sonant. Qui adhuc ideo bene agit, quia pœnam timet, Deum non amat, nondum est inter filios: utinam tamen vel pœnam timeat. Timor servus est, caritas libera est; & ut sic dicamus, timor est servus caritatis. Ne possideat diabolus cor tuum, præcedat servus in corde tuo, & servet domina ventura locum. Sic, sic vel timore pœna, si nondum potes amore justitia. Veniet domina, & servus abscedet, &c. Ad postremum Augustini testimonium exscriptum ex libro de Catech. rudibus, manifestum est appellari eo in loco verè Christianum illum, qui spe cœlestis regni & formidine gehennæ proficitur Christi religionem, quoniam motivo verè supernaturali, non timore mundano, aut spe inani, (quemadmodum ii, qui locantur in aliis duobus generibus) ad Baptisum accedit. Ille namque timor, & spes illa nonnisi superna fide excitantur; qua non movetur qui fit Christianus humana commoda cupiens, vel incommoda fugiens, ut legitur eodem libro cap. v. n. 9. An vero hac dispositione ad Christum veniens justificationem adipiscatur, non querit S. Pater hoc in loco, immo requirit, ut si ad æternam requiem pervenire velit, plus amet Deum, quam timeat gehennam, adeo, ut etiam si dicat illi Deus, utere deliciis carnalibus semper tuis, & quantum potes peccata, nec morieris, nec in gehennam mitteris, sed mecum tantummodo non eris, exborrescat, & omnino non peccet, non jam ut in illud, quod timebat, non incidat, sed ne illum, quem sic amat, offendat. Responderi etiam potest, Augustinum in illo desiderio beatitudinis supponere motum aliquem caritatis, cum vera beatitudo sit adhærere Deo summo. Bono, & amor Dei, quo

quo diligitur ut beatitudinis objectum, sit amor caritatis, ut supra diximus cum S. Thoma 1. 2. q. 65. art. 5. De propositionibus Quenelli actum supra. Ad repellendam tamen falsam omnem & iniquam insimulationem, de iis rursus dicam. Quantum spectat ad sexagesimam, falsa illa est, atque hæretica, cum certum sit eum, quem pœnitet ex timore, pœnitere non coacte, sed libere; & fide tenendum sit, Deum timorem incutere, ut convertamur ad Dei misericordiam, & in spem erigamur. Quapropter si timidi aliquando desperent, non ideo desperant quia timent, sed quia sunt fide atque spe destituti. Verum illa voluntas libera, nisi caritas introducatur, nondum odit peccatum secundum se, sed tantum ut causam supplicii, servatque ad ipsam pœnitentiam quam agit, talem reluctantiam, ut non pœniteret, si posset impune. Quemadmodum ergo in timente requiritur spes veniæ ne desperet, ita requiritur motus sanctæ dilectionis ut prorsus amoveatur peccati voluntas; quoniam, ut sæpe diximus, contraria contrariis pelluntur. Merito pariter damnata est proxima Quenelliana propositio, nam timor præter cohibitionem manuum, sive operis exterioris, cohibet effluentem animum, frangit vetustam consuetudinem, & præparat locum caritati: ac tantum abest, ut addicat peccato, quin immo vere ab eo retrahit; & licet seipso ad justificationem non sufficiat, facit tamen ut pœnitens studeat adhibere ea, quæ sufficiunt, inter quæ locum obtinet sententiæ nostræ motus contritionis & amor. Dicam verbo; timor servilis est impulsus Spiritus sancti, ut definivit Synodus Tridentina, non inutilis & perniciosus, ut inquit Novator; sed utrum ad justificationem in Sacramento sufficiat, neque Synodus Tridentina definivit sess. xiv. neque Clemens xi. in Constitutione *Unigenitus*. Timendo autem perpetrari peccatum, observari legem Judaico more, & consequi ea, quæ a Quenello subjiciuntur, nemo nostrum asseruit unquam; neque enim aut timorem saluberrimum inter animi inquinamenta computamus, aut comminationem temporalium malorum, quam formidabant Judæi, comparandam dicimus timori, incusso ab Evangelica quoque lege, æternorum suppliciorum. Ex quibus omnibus constat, quantum ab improbis Dogmatistis dissent Augustinenſes Theologi, & quam immerito illi honestissimo istorum nomine gloriantur. Quod opponitur quarto loco, perspicue solutum est: ex Augustini enim, & S. Thomæ doctrina, necnon ex manifesta ratione, qui vult malum evitare, effugit ea, quæ ad ipsum malum perducunt, quatenus causa illius sunt, non *secundum se* considerata; ideoque pœnitentiam agens ex solo pœnarum metu non odit peccatum quatenus est in se detestabile, & Deo injuriosum, sed peccare vellet, si posset impune: atque, ut inquit Augustinus in Ps. 127. num. 8. *Timore facit quicquid boni facit, non timore amittendi bonum illud, sed timore*

Gebenna comminationem nō legi in Veteri Testamento, adversus Augustinus in Ps. cv. num. 26.

patien-

patiendi illud malum. Non times ne perdat amplexus pulcherrimi sponsi, sed times ne mittatur in gehennam. Nego itaque voluntatem timentis adeo esse efficacem, ut evitare velit quicquid impedit sponſi amplexus, & averſetur pœnam damnatorum præcipuam, privationem ſcilicet ſummi Boni, ſi nullatenus inflammetur amore caſto. Atque, ut liberalis ſim, ſi voluntas non peccandi ſolo metu animata vere ſit efficax, nihil aliud conſequetur, niſi voluntatem hanc niti ad ponenda media, quibus gehenna evitatur, ideoque ad ſervanda præcepta, quorum illud eſt primum, maximumque, Diliges Dominum Deum tuum, &c. Ad quintum reſpondeo, quod cohibere interioreſ animi, & parare locum caritati in Schola Auguſtiniana idem ſunt: cum enim per timorem homines continent ſe a peccato, ſit conſuetudo juſtitiæ, & incipit quod durum erat amari, & dulceſcit Deus, inquit Auguſtinus ſer. nuper laudato n. 7. malitia autem, a qua averſit timor ſervilis, eſt quod peccatum ſit malum nobis, non quod ſit offenſa Dei: atque hoc poſtremum unuſquiſque inquit S. Thomas q. 3. ſupplem. art. 2. plus debet odire, quia debet magis Deum, quam ſeipſum diligere. Quod ſequitur de ſpe, diluitur eadem facilitate: ſiquidem ſi ſpes tendat ad unionem ſpiritualem, per quam adhæreat ſummo Bonò, non eſt abſque caritate initiali, ſi autem habeat intentionem finis non ordinem, non eſt efficax, neque pulcherrimi ſponſi quærit amplexus: atque, ut illud etiam large liberaliterque concedam, ſi efficax eſt, adnitetur ea perficere, quibus finem conſequimur, & memor verborum illorum, Si vis ad vitam ingredi, ſerva mandata, incipiet diligere Deum ſumme bonum, quem timet ſumme juſtum. Ad 7. dicimus rectiſſime Deum uti comminationibus ad convertendos ſceleſtiores; quos enim nondum delectat pulchritudo juſtitiæ, coercet terror ſupplicii. Verum non eſt pœnarum interminatio præcipuum conversionis motivum, ſed occaſio quædam aut inſinuatio conversionis: etenim Deus ſe oſtendit iratum, ut quæramus amantem; atque ut ajebat ſanctiſſimus æque ac ſapientiſſimus Inſtitutor in primo de Doctrina Chriſtiana cap. xv. 14. Magnum timorem incuſit negligentibus, ut ſe ad diligentiam convertant, eumque magis bene agendo deſiderent, quam male agendo formident. In republica autem attenditur magis externum officiũ, quam cordis affectus; non enim eſt rector civitatis, quemadmodum auctor ſæculi, ſcrutator cordium. Ceterum nec in ipſa republica laudantur qui ſervant legem ſola pœnarum formidine, & Horatii ad Quinctium plena ſententia hæc eſt:

*Cautus enim metuit foveam lupus, accipiterque
 Suſpeſſos laqueos, & opertum milvius bannum.
 Oderunt peccare boni virtutis amore:
 Tu nihil admittes in te formidine pœnæ.*

Sit

Sit spes fallendi : miscebis sacra profanis .

De proloquio demum Scholastico dictum supra . In unum constringam quæ fucere dispersa . Non esse illud expressam Evangelii assertionem, aut definitionem Ecclesiasticam , nec inveniri apud Augustinum , vel auctorem alium ejusdem classis , immo dignum non esse , *cui bilances perpetuæ nostræ salutis , aut damnationis confidamus* , fatetur in IV. dist. 18. q. 3. art. 2. & dist. 19. quæst. 2. art. 6. Dominicus Soto . Quid ergo , si pronunciatum illud rejiceremus ? Deinde veteres Scholastici , inter quos S. Thomas quæst. 28. de veritat. art. 8. attritionem a contritione distinguunt *per intensiorem doloris , & per informationem gratiæ* : in quorum proinde sensu ex attritis contriti fiunt , qui accedentes ad Sacramentum cum amore *initiali* recipiunt gratiam *habitua-lem* . Multi præterea , etiam post Tridentinum , in eo sensu interpretantur effectum illud , quod attritioni accedat uberior gratia & motus sanctæ dilectionis , huic vero per Sacramenti efficientiam remissio peccatorum ; ut diximus supra de Viguerio , Sonnio , Pallavicino , aliisque viris doctissimis . In istorum ergo , & in antiquiorum istorum sensu vulgare pronunciatum recipimus , & probamus ; in sensu autem adversariorum (quos jam in secunda argumentationum congerie propellere , & propulsare studuimus) minime , haudquaquam .

Ventum est ad classẽ illam oppositionum , quæ petantur ex caritatis energia atque excellentia . Ed autem collineant , ut demonstrent omnem amorem Dei benevolum justificare *se solo* , & consequenter nihil collaturum fore Sacramentum , si ad ipsum prærequireretur actus aliquis caritatis . Itaque adversantes nobis Theologi caritatem , quantumvis minima sit , non posse cum peccato consistere demonstrant insequentibus argumentis . Id primum caritati adtribuunt divinæ litteræ , quæ ut homo sit justus & Deo acceptus , ad caritatem ipsam hortantur , non requisita ejusdem caritatis magnitudine atque vehementia , neque ullo discrimine facto inter caritatem prævalidam & remissam . Legitur enim Proverb. VII. 17. *Ego diligentes me diligo*. Joannis XIV. 21. *Qui diligit me , diligetur a patre meo , & ego diligam eum , & manifestabo ei meipsum* . In Epistola ad Rom. XII. 10. *Plenitudo legis est dilectio* . In I. Joannis IV. 7. *Et omnis , qui diligit , ex Deo natus est* ; atque in I. Petri IV. 8. *Civitas operis multitudinem peccatorum* . II. Tridentina Synodus expresse id definivit verbis illis sese. XIV. cap. 4. *Et si contritionem hanc aliquando caritate perfectam esse contingat , hominemque Deo reconciliare , priusquam hoc Sacramentum actu suscipiatur* . III. Conspirant hac in re maximi Ecclesiæ Patres : Chrysostomus enim Hom. 7. in 2. Epistolam ad Timotheum ait . *Sicut ignis , ubi sylvam occupaverit , omnia purgare consuevit , ita & caritatis fervor , quocunque inciderit , omnia perimit atque perumpit* . Augustinus Tractatu V. in Epist. Joan. num. 3. *Non*

To. VII.

D d d d

discer-

discernuntur, inquit, filii Dei a filiis diaboli, nisi caritate: in Evangelium Joannis Tract. ix. de caritate scribit, Quam cum habere ceperis homo, Spiritum sanctum habebit; quam si non habuerit, sine Spiritu sancto eris. Et quomodo corpus tuum sine spiritu, quod est anima tua, si fuerit, mortuum est, sic anima tua sine Spiritu sancto, idest, sine caritate si fuerit, mortua deputabitur. Item de natura & gratia cap. ultimo fatetur caritatem, licet sit duntaxat inchoata, esse justitiam, dicens: *Caritas inchoata, inchoata justitia est; caritas perfecta, perfectum justitia est; caritas magna, magna justitia est; caritas perfecta, perfecta justitia est.* S. Gregorius Magnus in cap. 3. libri primi regum hæc habet: *Ex vi conversionis magnitudo deletur criminis: vis autem conversionis est affectio caritatis cordi infusa visitatione sancti Spiritus. Et scriptum est de eodem Spiritu, Quia ipse peccatorum remissio est.* IV. Qui asserit caritatem posse consistere cum reatu peccati, assentitur propositionibus in Bajo proscriptis. 31. *Caritas perfecta & sincera, quæ est ex corde puro, & conscientia bona, & fide non ficta, tam in Catechumenis, quam in penitentibus, potest esse sine remissione peccatorum.* 32. *Caritas illa, quæ est plenitudo legis, non est semper conjuncta cum remissione peccatorum.* 70. *Homo existens in peccato mortali, sive in reatu æternæ damnationis, potest habere veram caritatem, & caritas etiam perfecta potest consistere cum reatu æternæ damnationis.* Sunt aliæ apud Bajum hujus farinae propositiones ab Apostolica Sede confixæ pariter, ac reprobatae. V. Sanctus Thomas in 3. p. quæst. 70. art. 4. ait: *Minima gratia potest resistere cuilibet concupiscentiæ, & vitare omne peccatum mortale, quod committitur in transgressionem mandatorum legis; minima enim caritas plus diligit Deum, quam cupiditas millia auri & argenti;* atque in Supplem. q. v. art. 1. & 3. scribit peccatum solvi per dolorem ex amore caritatis ordinato causatum, quantumcumque parvus sit dolor, dummodo ad contritionis rationem sufficiat. VI. Hoc postremo demonstratur rationibus Theologicis; quarum prima est, quod caritas etiam initialis est caritas perfecta, atque, ut docet Bellarminus lib. 2. de Justificat. cap. 16. etiam si actualis sit, non habitualis, contrarie opponitur peccato, ideoque illud efficienter expellit, saltem per modum ultimæ dispositionis, quam ex natura rei, & infallibili quodam nexu consequitur infusio gratiæ. VI. Sequitur ratio altera: Amor, quo diligitur creatura plusquam Deus, reddit hominem impium, quamvis amor ille tenuis sit ac remissus: igitur amor, quo Deus diligitur super omnia, quantumvis remissus ac minimus, reddit hominem justum. VII. Accedit proxima ratio: Intensa & remissa caritas actualis specie, ut ajunt Scholæ, non differunt; si ergo illa justificat, id præstat & ista. VIII. Argumentari etiam possunt: Si per intensionem contritio imperfecta distinguatur a contritione perfecta

fecta, eodenuque pacto distinguatur caritas a caritate; nemo discernere poterit, an contritionem perfectam habeat: ex quo necessum est oriatnr magna animi anxietas ac perturbatio. IX. Urgent & illud: Quod præstat habitus *habitualiter*, id facit *actualiter* actus. Igitur si caritas habitualis iustificat *habitualiter*, caritas actualis *actualiter* iustificabit. X. Tandem, si sola actualis & imperfecta caritas naturæ suæ non traheret formam iustitiæ, & Dei amicitiam, il, qui morte proximi eliciunt contritionis actum, etiam cum voto Sacramenti, in æternum perirent: atque ita damnarentur qui Deum diligunt: quod nimis absurdum est, & horrendum.

Priusquam hæc argumenta diluam, ad memoriam revoco fuisse complurium antiquorum opinionem, necessariam esse in Sacramento penitentiae contritionem caritate perfectam, atque apud Deum hominem iustificantem, nec tamen opinionem illam fuisse expressa damnatione proscriptam. Illam quippe propugnarunt præclari viri, Thomas Illyricus, Alphonsus Tostatus, Rupertus Abbas, Innocentius Tertius, S. Raymundus, S. Bonaventura, alique permulti; a quorum testimoniis colligendis eximunt nos Joannes Launojus, Morinus, Farvaquius, Le-Drou, Witassius, atque posteriores Theologi accuratissimi. Visum quoque prælaudato Morino pag. 41. prioris partis de *Contrit.* in eandem sententiam conspirasse aliquando Doctorem Angelicum, cujus art. 2. q. 2. dist. 21. in 1v. hæc sunt verba, *Confessio operatur præsupposita contritione, qua culpam delet.* Movebat autem Theologos illos, quod Sacerdos neminem debeat solvere, quem prius Deus in gratiam suam non receperit: idque S. Raymundus in Summa lib. 3. de Pœnit. paragrapho 11. explicavit exemplo Lazari, quem prius suscitavit Dominus, quam a discipulis solveretur, & eorum, qui lepra contaminati a Christo mandati sunt, priusquam accederent ad sacerdotes. Nec tamen, ut dixi, hæc sententia reprobata est ab Ecclesia; sed illam in Tridentino Concilio a censura immunem ostendit Tudetanus Episcopus ea ratione, quod *etsi Sacramentum Penitentiae inveniat remissa peccata præcænis contritionis efficacitate, id tamen præstat virtute Sacramenti, cujus votum in ea continetur.* Atque hanc Tudetani Episcopi assertionem explicat illustri exemplo deprompto a passione Christi, cujus intuitu iustificati sunt sancti veteris fœderis, Leonardus Vanroy cap. 1v. de Pœnit. q. 3. Est tamen inter causam meritoriam, qualis est passio Christi, & causam instrumentalem, cujus generis sunt Sacramenta, discrimen aliquod. Verum quicquid sit de ea Tudetani ratione, & de allati exempli convenientia; post Tridentinum Concilium Andreas Vega lib. xiii. Comment. ejusdem Conc. cap. 33. eadem recitata sententia, quam agnoscit esse Magistri sent. Okami, S. Bonaventuræ, Alensis, aliorumque, *Neque tamen, inquit, quod ita docuerint,*

Dddd 2

cum

cum illis sensisse existendi sunt, qui absolutionem Sacerdotum inane crediderunt: nam & ad augmentum gratiæ, & ad remissionem debiti pænæ pro peccatis, omnibus rite sua peccata confessis utilem eam esse tradiderunt, quod quidem stare potest, etiamsi nunquam prima gratia per eam conferretur; & hac ratione tueri eos possumus, ne videantur adversari citatis supra Ecclesiæ definitionibus, quod *Sacramenta novæ legis causent gratiam*. Ex quibus apparet plurimum illos alucinari, qui censent antiquiorum illorum sententiam rejectam à Tridentino. Eo etiam nomine a censuris intortis in Bajanas propositiones immunis est, quod illi veteres remissionem peccatorum & gratiam *habitualement* a caritate perfecta minime segregabant; eamque, aut saltem augmentum illius adscribebant Sacramento, cujus in perfecta contritione (etiam juxta Tridentini definitiones) votum includitur. Hæc autem ideo commemorata sunt, ut opinionem illam antiquorum vindicaremus, atque ut percipiant adversarii, non proinde nos futuros fore devictos, si fateremur necessariam in Sacramento contritionem & caritatem, quæ iustificet apud Deum.

Ceterum nos & a sententia illa recedimus, & negamus contritionem, & dilectionem Dei *propter se*, nisi vehemens sit atque accensa, peccata semper dimitti. Recedimus ab illa sententia ob eas rationes, quæ nobis, & nobiscum pugnantibus communes sunt. Arbitramur enim consultum magis dignitati, & efficientiæ Sacramentorum novæ legis, si horum quædam etiam primam gratiam producant; cujus productionis causa dici solent *Sacramenta mortuorum*. Facilius etiam refutantur hoc pacto propositiones Michaelis Baji, & præsertim quinquagesima septima, affirmans *peccatorem penitentem non vivificari ministerio Sacerdotis*. Salvatur quoque melius judiciaria potestas collata Sacerdotibus remittendi peccata, quam potestatem exercent Pœnitentiæ Sacramentum administrantes. Expressa insuper est doctrina Synodi Tridentinæ sess. xiv. cap. 4. & Catechismi Romani P. 2. cap. v. num. 36. caritate perfecta, & contritione acri & vehementi deleri peccata, *priusquam Sacramentum actus suscipiatur*: nec probabile admodum est, in Sacramento talem contritionem requiri, quæ citra ipsum, & cum solo ipsius voto iustificet. Insuper proximo num. 37. præfati Catechismi asseritur *ex fidei Catholica doctrina* credendum, & constanter affirmandum esse, remitti vi clavium in Confessione scelera omnia, *Etiam si penitens hujusmodi dolore non afficiatur, qui ad impetrandam veniam satis esse possit*: quæ tamen verba non significant id esse *dogma fidei*, ut interpretantur nonnulli, sed quod *ex fidei doctrina* inferatur necessaria consecutione; nisi asserere velimus Compilatores catechismi ignorasse, quæ in Tridentino Concilio gesta sunt, & quæ nos paullo supra produximus. Denique etiam Clerus Gallicanus in sæpe laudata

decla-

declaratione anni 1700. in qua tamen requirit inchoatam Dei dilectionem, ait putandum non esse, ut necessaria sit prævia contritio, *quæ sit caritate perfecta, hominemque Deo reconciliet, antequam Sacramentum ætæ suscipiatur*. In hoc ergo cum adversariis consentimus, non esse in Confessione Sacramentali necessariam contritionem caritate perfectam, quæ prius justificet, & peccata dimittat.

At negamus hujus generis esse contritionem *initiali* duntaxat caritate animatam. Etenim inchoatæ dilectioni Tridentinos Patres ascribere rationem solius dispositionis ad justificationem, hanc vero tribuere, tanquam *causæ formali*, caritati quæ diffunditur in cordibus nostris per Spiritum sanctum inhabitantem, & quam scholæ appellant *habitualementem*, dictum supra, nec opus est, ut iterum demonstretur. Catechismus autem Romanus cit. num. 36. tribuit utique vim justificandi contritioni perfectæ, sed quanam hæc sit hisce verbis describit: *Ut enim hoc concedamus contritione peccata deleri, quis ignorat illam adeo vehementem, acrem, & intensam esse oportere, ut doloris acerbitas cum scelorum magnitudine æquari conferrique possit?* Insuper Doctores nostri afferunt exemplum Magdalene, quæ etsi ex amore casto detestaretur peccata, priusquam tamen Salvatoris præsentia, & impensis amoris operibus augetur illius caritas, inquinata erat & sordida, scribente Augustino Sermone 99. num. 2. olim 23. ex 50. *Accessit autem ad Dominum immunda, ut rediret munda: accessit agra, ut rediret sana; & Magno Gregorio Hom. 33. in Evangelia, Nondum lota, sed lavanda, ad fontem misericordie cucurrit. Proferunt & exemplum ipsiusmet Augustini, qui libro 1x. Confessionum, cap. 2. suam ante Baptismum caritatem describit; & nihilominus peccata sua horrenda & funerea dimissa fuisse scribit in Aqua sancta. Addunt Augustinum apertissime exigere dilectionem Dei a catechumenis, tum de Catechizandis rudibus cap. 4. ubi ait, diligenter curandum, ut catechumenus priusquam regeneretur sacro fonte baptismatis, audiendo credat, credendo speret, sperando amet, & cap. 10. ubi inquit, præceptum illud, Diliges Dominum Deum tuum ex toto corde tuo, pertinere ad baptizandum: tum Tract. 13. & 96. in Joannem, ubi affirmat catechumenum, antequam ad baptismum veniat, etiamsi credat & diligat, portare adhuc sarcinam iniquitatis suæ. Neque hoc postremum pronuntiat Augustinus de catechumenis baptismum designantibus (quod audio respondere nullos;) non enim est vera caritas, ubi est contemptus Sacramentorum: sed contra id scribit, ne quis dedignetur baptizari, baptismi contemptum non supponens, sed ne subrepat inde admonens, quod catechumeno credenti, speranti, & diligenti, peccatum non dimittitur, nisi cum venerit ad Baptismum. Itaque sententia nostra est, ad hunc modum, sese invicem complecti caritatem, atque justitiam; ut si caritas sit*

habi-

habitualis, quæ diffunditur per Spiritum sanctum inhabitantem, habeat iustitia *habitualis* & inhaerens: si caritas sit adeo flagrans, ut pariat acerbitatem doloris acris atque vehemens, sit ad iustitiam inhaerentem ultima dispositio, cui statim subsequatur *forma* ipsa iustitiæ; si autem sit caritas initialis, inchoata, & remissa, nequeat ad gratiam habitualement perducere, nisi augeatur & flammescat, aut suppleatur defectus ipsius per efficacitatem Sacramenti: ad eum ferè modum, quo si ignis lignum pervadat, illudque, ut ajunt, *informet*, lignum sit ignis; si lignum summo afficiatur calore, confestim ignescit; at si paululum calefiat, sitque viride aut humidum, nequit vi illius caloris incendi. Quamobrem non sequitur, Caritas iustificat, igitur qui habet amorem initialem, est iustus; sicuti non recte concluditur, ignis inflamat, ergo lignum mediocriter calefactum flammam concepit, & est ignitum. Hæc autem pro ampliori explicatione Augustinianæ sententiæ hætenus producta decem illas argumentationes unico ictu subvertunt.

Respondeamus nihilotamenminus ad singulas. Quod caritas debeat, operiatque multitudinem peccatorum, bene sacra litteræ affirmant: nam si caritas est *habitualis*, confert inhaerentem iustitiam; si actualis intensa, cum iustitia ipsa connectitur; si initialis & inchoata, ad eandem iustitiam disponit; atque talis est iustitia, qualis est caritas; ut in libro de Natura & gratia inquit splendidissimum Ecclesiæ lumen Augustinum. Præterea caritas nos Dei amicos constituit, si cetera adhibeantur: etenim de timore etiam dictum est, *Timor Domini expellit peccatum*, Eccli. 1. 27. Inde tamen nihil aliud inferunt adversarii, nisi timorem esse dispositionem ad gratiam, & iustificare, modò accedat virtus Sacramenti. Idem nos affirmamus de amore inchoato, si de isto accipiantur loca scripturæ: nam si dicta velis de caritate diffusa per Spiritum sanctum inhabitantem, admitimus totum quantum est argumentum. Et quod de timore dixi, affirmo de fide, de qua ait Apostolus ad Romanos 111. 28. *Arbitramur iustificari hominem per fidem*: necnon de spe, de qua in eadem Epistola 111. 24. legitur, *Spe salvi facti sumus*. Deinde ex quo Deus diligit diligentes se, ad eos veniat, in ipsis permaneat, illis peccata dimittat, qua, peto, illatione deducitur hæc omnia concedi non diligentibus? Si objecta demum testimonia inspicias, cognosces agi in Proverbiis de sapientia, ad quam non perveniunt inertes, sed qui ejus desiderio inflammantur. Joannis XIV. 21. iustis in dilectione manentibus promittitur manifestatio gloriæ, ut constat ex textu, demonstratque Augustinus Tract. LXXV. num. 5. Apostolus ad Rom. 111. 9. & 10. docet ad caritatem referri omnia legis præcepta. Joannes & Petrus in locis productis hortantur ad caritatem proximi, quoniam caritas est filiorum Dei character & nota, & qui dili-

diligit, habet in se vitam & spiritum Dei; moventem quidem, si actu diligit, inhabitantem vero, si exornatus sit habitu caritatis. Hæc ad primam objectionem. Quod sequitur, est facillimæ expeditionis: nam Tridentinum appellat *contritionem caritate perfectam*, quæ est acris, & vehemens; hæc enim tantum remitti absque Sacramento peccata, tanquam rem omnibus manifestam affirmat Catechismus Romanus; ac potest id erui ex ipso Concilio, a quo amor initialis requiritur, *ne penitentia sit infructuosa*, prout docet Historicus præstantissimus. Est insuper sententia Suarez 3. p. q. 85. disput. 4. sect. 2. non oportere, ut quæ a Tridentino dicuntur de contritione caritati perfectæ conjuncta, intelligantur *de actu*; cum accipi possint *de infusione gratiæ, & caritatis*. Ad testimonia Patrum, quæ objecta sunt tertio loco, primum respondeo non solum ab his commendari caritatem, verum etiam inculcari caritatis præceptum, quo non obstringi penitentes, dum veniam a Deo petunt, affirmare quidem possunt adversarii, persuadere non possunt. Deinde Chrysostomus loquitur de caritate fervida & vehementi, qua iusti adversa omnia propellunt; quod vel satis commonstrant duo illa verba *vis æquæ dignitæ, fervor caritatis*. At S. Gregorius in caput 3. 1. Regum pertractat quæstionem, an salvetur qui penitentiam agit morti proximus, & respondet salvari, si visitetur a Spiritu sancto, qui *ut se menti infunderit, eam protinus in peccatorum & visiorum odia, & in virtutum amorem ineffabiliter excitat*: immo in ea conversione exigit tantum amoris ignem, qui consumere in anima possit omnem congestam peccati rubiginem. Vide edit. Vatic. pag. 72. Nihil ergo adversus nos isti faciunt, cum Gregorius nec Pœnitentiæ Sacramentum excludat, nec loquatur de quocunque genere conversionis; & solum pertractet de exitu mortis: in quo reperiri potest, ut dicam infra, ratio aliqua peculiaris. Augustini autem verba, tum produta, cum alia plurima, sunt omnia recte sapienterque prolata, quippe quæ in caritate agnoscunt spiritalem vitam, ac Spiritum sanctum, eo modo, quo habetur ipsamet caritas, idest, inhabitantem, si caritas sit inhærens; moventem ad perfectam contritionem, si caritas sit actualis intensa; disponentem ad gratiam, si caritas sit initialis & inchoata. Sunt enim in vita spiritali, atque in ipsa iustitia distinguendi motus & actus hominis se disponentis ad gratiam, qui excitantur auxilio gratiæ actualis, a forma iustitiæ, quæ infunditur per gratiam habitalem: unde in Bajo proscriptæ fuere propositiones 62. & 63. negantes hanc distinctionem duplicis iustitiæ, & duplicis vivificationis, ut dicam modò. Quod ergo ad Bajum spectat, cujus propositiones 31. 32. & 70. nobis objiciuntur; quis crederet sententiam nostram in urbe Roma, magistra veritatis, & coram Apostolica Sede potuisse hætenus propugnari, si vel minima Bajanae la-

bis

bis fuligine foret adpersa? At propugnatur, atque approbantibus viris doctissimis libri illam tenacissime defendentes prodeunt in lucem, summis quoque Pontificibus consecrati, ut testantur Theologica opera Francisci Genetti, Friderici Gavardi, Lamberti Le-Drou, Francisci Mariæ Campioni, ut mittam alios sexcentos alibi excusos. Immunis est ergo, ut ostendi prop. 1. capitis præced. hæc sententia ab omni Bajani erroris suspicione. Et revera hujus positiones non de caritate *initiali*, sed de caritate *habituali*, quam Bajus ab actuali non secernebat, prolatae sunt; ut fateatur Franciscus Suarez cit. disput. 4. sect. 7. quamquam Bellarminus lib. 2. de Pœnit. cap. 13. scribat loquutum Bajum de caritate flagranti & perfecta: quod pariter nobis non adversatur. Apparet mens Baji ex prop. 43. *In hominibus penitentibus ante Sacramentum absolutionis, & in catechumenis ante baptismum est vera justificatio, separata tamen a remissione peccatorum*: ex 62. *Illam distinctionem duplicis justitiæ, alterius, quæ fit per Spiritum caritatis inhabitantem; alterius quæ fit ex inspiratione quidem Spiritus sancti cor ad penitentiam excitantis, sed nondum cor inhabitantis, & in eo caritatem diffundentis, quæ divina legis justificatio impleatur, ut odiosissima & pertinacissima rejicitur*: atque ex proxima 63. *Denique & illa distinctio duplicis vivificationis, alterius quæ vivificatur peccator, dum ei penitentia, & vita nova propositum & inchoatio per Dei gratiam inspiratur, alterius, quæ vivificatur qui vere justificatur, & palmes vivus in vite Christo efficitur, commentitia judicatur, & scriptoris minime congruens.* In hoc ergo situs est error Baji, quod non secernat *habitualement* ab actuali justitia; ideoque toto cælo distant a Bajo qui docent per caritatem habitualement impium justificari, & per actualem disponi ad justificationem, discrimen duplicis justitiæ, & duplicis vivificationis a Bajo sublatum apertissime tradentes & propugnantes. Plura sunt alia ad Baji propositiones spectantia, quæ legi possunt apud memoratum Le-Drou disert. 1v. cap. 1. & in Confut. discussionis Augustini Micheli, cap. xi. §. 4. necnon apud Vitalium pag. 214. edit. Venetæ, & Le Drint tom. 2. pag. 105. quæ exscribere non oportet. Circa doctrinam D. Thomæ respondet auctor nuper laudatus, accipendum esse de gratia habituali, & de contritione per eandem gratiam formata: quod utique perspicuum erit legenti eundem sanctum Thomam, sese manifestius, quàm faciant singuli Commentatores, explanantem. Subjectæ ratiocinationes paucis exfussantur: ad priorem quippe dicimus, amorem initialem esse caritatem *perfectam* comparate ad objectum, non respectu conversionis cordis, & motus animi. Insuper fateamur eundem amorem opponi amori noxio *contrarie*: at etiam contraria se invicem patiuntur, nisi intensa sint; & præsertim simul consistunt dispositio duntaxat inchoata & forma oppo-

opposita, prout explicavi rerum naturalium comparatione. Objectionis, quæ sequitur, ob duplicem causam nulla est; primum quia datur aliqua ad creaturam conversio, quæ tamen non infert maculam læthalis culpæ, ut contingit in veniali peccato: deinde quia conversio actualis ad Deum non inducit naturæ suæ gratiam sanctificationem, sed ex Dei promissione, & ministerio Sacramentorum; ut diximus differentes de Justificatione libro xix. cap. 6. & 7. Proxima oppositio nullius est roboris; non enim omnia, quæ sunt ejusdem speciei, pollent eadem energia, uti constat ex calore remisso, atque intenso. Ad octavam dico, hæc de causa confugiendum ad Sacramenta, quæ gratiam supra dispositionem suscipientium producant, ut quiescat anxietas & perturbatio animorum. Si vero Sacramenta nequeant ministrari, adnitendum ut doloris acerbitas æquari possit cum magnitudine scelerum: quod ait Catechismus Romanus, ac tradiderunt Cyprianus de lapsis, Augustinus cap. 65. Enchiridii, aliique Patres. Nona, quæ est cavillatio cujusdam Augustiniani a patria institutione degeneris, extruditur hac veteri urbanitate: Igitur caritas actualis justificat actualiter *justitia actus*, concedo; *justitia habitus*, nego. Ad postremam respondemus cum Christiano Lupo in hac dissertat. pag. 544. Opusc. veteris editionis, in *mortis* casu votum Sacramenti eundem ac Sacramentum ipsum conferre effectum; tunc enim Sacramenti susceptionem, ut inquit Innocentius III. lib. 3. decret. tit. 43. cap. 2. *non contemptus Religionis, sed terminus necessitatis excludit*, quæ verba deprompta sunt ex Augustino lib. iv. de Baptismo cap. 22. num. 29. Amplectimur hanc sententiam, quod videatur consona Patribus, & Ecclesiæ definitionibus ibidem productis a Lupo; ex quibus apparet commendandam in orationibus atque oblationibus memoriam Catechumenorum, qui morte præventi non potuerunt sacro lavacro regenerari. Ad memoriam tamen revoco, quæ idem sapientissimus Auctor subjicit pag. 548. ex Epistola nonagesima prima sancti Leonis Magni: *Non necesse est nos eorum, qui sibi obierint, merita actusque discutere, cum Dominus Deus noster cujus judicia nequeunt comprehendere, quod Sacerdotale ministerium implere non potuit, suæ justitiæ reservaverit, ita potestatem suam timere volens, ut hic error omnibus profuit, & quod quibusdam tepidis aut negligentibus accidit, nemo non metuat. Multum autem utile ac necessarium est, ut peccatorum reus ante ultimum diem Sacerdotali supplicatione solvatur. Utilissimo hoc monito extrema persequor.*

Adversus tandem sententiam nostram quædam minoris momenti obijciuntur, quorum aliqua petuntur ex efficacia Sacramenti, aliqua vero ex oppositæ sententiæ celebritate. Quorum primum est, Penitentiam esse sacramentum *mortuorum*, ideoque produci vi illius

20/VII.

E e e e

lius

lius gratiam sanctificantem in pœnitentibus, quamvis nullo caritatis actu vivificentur. Cum insuper Sacramenta novæ legis gratiam conferant efficientia sua, & *ex opere operato*, dummodo non inveniant obicem in subiecto; dicendum est efficacitate Pœnitentiæ gratiam tribui accedentibus cum timore servili, quoniam idem timor non est impedimentum ad gratiam, sed dispositio. Insuper si amor Dei propter se necessarius esset ad justificationem in lege nova, nullam haberet hæc lex dignitatem supra legem veterem, in qua non erat reconciliationis Sacramentum, & nihilominus impij se ad Deum toto animo convertentes contrahebant pristinam cum illo amicitiam: Præter hæc autem sententia, quæ defendit sufficientiam attritionis servilis, habet patronos innumeros cujuscumque ordinis, doctissimos ac celeberrimos: est autem in moralibus validum argumentum plurimum consensus. Deinde Alexander VII. in decreto suo anni 1667. de sententia negante necessitatem aliqualis dilectionis in attritione ex metu gehennæ concepta, *Quæ hodie* (inquit) *inter Scholasticos communior videtur*. Conformatur denique eadem sententia communi praxi, & multum confert ad animarum tranquillitatem, fovendamque spem veniæ; cum opposita pauciorum sit, asperior, & altrix pavoris atque anxietudinis. Atque hæc sunt argumenta, quæ adversarii postrema incurfione naviter intentant.

Respondent ad 1. nonnulli cum Juein in Comment. de Sacr. pag. edit. Lugdun. 550. Pœnitentiam dici *Sacramentum mortuorum*, etiam si administretur iustis, aut impiis caritate flagrantibus, affectuque dolore acerbissimo; necnon tali nomine fore Sacramentum hoc designandum, quamvis esset vera antiquiorum quorundam opinio adstruentium necessitatem caritatis *habitualis*: de qua opinione dictum supra. Verum hisce in casibus Pœnitentia eâ nomenclaturâ potiretur, non quod actu *mortuum* vivificaret, sed quia vivificare posset, aut vivificasset reipsa præcedens in voto; nec responsio ista locum habet in communiiori, & a nobis etiam recepta sententia, propugnante Sacramentum istud vere nondum justificatis vitam spiritalem, remissionem peccatorum, & gratiam primam conferre. Dicendum ergo Pœnitentiam esse Sacramentum mortuorum, quia confertur non habentibus *vivificationem* & gratiam inhærentem, quæ diffunditur per Spiritum sanctum inhabitantem, licet habeant *vivificationem illam* & gratiam actualem, quæ excitatur per Spiritum sanctum moventem; qua si destituti essent, non solum non possent diligere, ut oportet, ad hoc ut justificationis gratiam consequantur, verum etiam nec credere, nec sperare, nec agere pœnitentiam, ut docet fides Catholica, & definit Synodus Tridentina. In altero autem argumento immorandum non est, cum ex dictis appareat timorem servilem non esse quidem impedimentum ad gratiam, posse tamen cum impe-

dimen-

dimento ad gratiam simul consistere, scilicet cum voluntate peccandi, quatenus peccatum est Dei offensa. Ad tertium abunde sufficiunt quæ volumine iv. pag. 107. scripsi de suavitate legis Evangelicæ, & quæ ad consimilem objectionem respondi eodem volumine pag. 297. Ibi enim ostendi nullum esse facilius & dulcius præceptum illo, quo nobis præcipitur dilectio Dei; dilectionem ipsam Christianæ legis esse notam & characterem; nonnisi iis, qui non diligunt, difficultia esse mandata Dei; atque, ut ait Augustinus in locis ibidem laudatis, laborem non esse ubi est caritas, caritate omnia reddi facilia, atque duo caritatis præcepta non esse pondus onerati, sed alas geminas volaturi. Innumera etiam nos ad Dei amorem invitant, atque illud maximum divinæ erga nos caritatis argumentum, quod cum inimici essemus, Unigenitum suum pro nobis tradidit hominem factum, & crucifixum. Nunc vero cum a nobis veniam petentibus amorem exigat, atque ipse amore præveniat, amorem inspiret, ad amorem provocet, grave id, atque asperum existimabimus? At *jugum suave, & onus leve* appellat Dominus amantissimus. Hæc cum ita sint, recens quidam Theologus (Witassium dico pag. 217.) recte existimavit objectionem, in qua versamur, admiratione dignam esse, non responsione. „Hoc, inquit, piis auribus intolerandum est, quod Theologi reperti fuerint in eo novæ legis supra veterem excellentiam collocantes: quod adeo nostræ religionis decus non est, ut etiam hominis opprobrium sit. Non ita profecto a majoribus instituti sumus. Ita ne vero quanto majoribus a Deo cumulati sumus beneficiis, tanto minus cum diligere tenebimur? Absit a nobis tam turpe privilegium; commentitiam illam de non amando Deo prærogativam abdicemus. „At ne vidcar eludere oppositum argumentum oratoria declamatione; respondeo insuper contritionem, quæ sine Sacramento dimittit peccata, esse vehementem, & acrem, atque tam intensam, ut doloris acerbitas conferri possit cum scelerum magnitudine, ut docet nos Catechismus Romanus de Pœnit. n. 36. Talis ergo contritio necessaria erat in lege veteri, in qua pœnitentium unus agebat, *Rugiebam a gemitu cordis mei, Cinerem tanquam panem manducabam, Lavabo per singulas noctes lectum meum*, atque alia plura vehementissime dolentis indicia. At hoc præstat nobis institutum a Christo Sacramentum, ut etiamsi non maceremur tanta acerbitate doloris, justificemur tamen, atque de hoc etiam certiores reddamur sacrorum ministrorum absolutione. Quamobrem Catechismus magna illa contritione descripta, *At quoniam*, inquit, *pauci admodum ad hunc gradum cum pervenirent, fiebat etiam ut a paucissimis hac via peccatorum venia speranda esset; quare necesse fuit, ut clementissimus Dominus faciliiori ratione communi hominum salutis consuleret: quod quidem admirabili consilio effecit, cum claves*

regni caelorum Ecclesiae tradidit. Hoc itaque est nostrum in Lege Evangelica commodum, atque emolumentum.

Auctores ac patroni sententiæ oppositæ, quamquam sunt innumeri, fatentur sententiam suam non esse indubitam, & nonnulli scribunt ignotam fuisse majoribus, plurimi tenendam negant in mortis articulo, quidam etiam monent in praxi abjiciendam; ideoque frustra nobis illorum auctorum opponitur multitudo. Audiamus unum ex recentioribus, Franciscum Hennum, qui posteaquam pro attritione servili pugnavit acerrime, disput. xiv. de Pœnit. art. 9. fatetur, quod non videatur prudenter agere qui sententiam illam teneat in praxi: „Primò ob numerum & gravitatem contradicentium. Secundò ob eorum rationes non spernendas, tum ex Augustino, tum ex aliis Patribus, tum ex antiquis Theologis, tum etiam ex Tridentino desumptas. Tertiò quia auctoritati, quam ex Tridentino desumpserat sententia nostra, non parum detraxit Tridentina Pallavicini Historia ex Actis originalibus ejusdem Concilii desumpta, ubi asserit per expulsionem harum particularum, *Verum etiam sufficere*, nempe attritionem, *ad hujus Sacramenti constitutionem*, nihil voluisse circa materiam hic agitatam decidere. Quartò quia ante Tridentinum vix, aut ne vix reperiebantur auctores, qui in terminis dicebant sufficere attritionem sine aliquo Dei amore benevolò. Quintò quia etiam præcipui sententiæ nostræ patroni nolunt eam saltem in articulo mortis practicandam, *ob grave*, ut ajunt, *damnationis periculum*: si grave periculum; ergo non tanta certitudo. Hæc ille tom. 2. pag. edit. Vnetæ 425. Ita adversarii suamet evertunt machinamenta. Quod addunt ex Alexandro VII. nihil optamus magis, quam ut ejus decretum sancte ac religiose servetur: ceterum Pontifex dum *communioem* dixit sententiam de sufficientia attritionis servilis, consultò addidit adverbium temporis *Hodie*, ne quis existimaret in illa extitisse majores nostros: appositè quoque usus est verbo *Videtur*, non enim omnes, qui tenent attritionis sufficientiam, de *servili* loquuntur; sed plures illam a contritione distinguunt ratione graduum: complures alii de *servili* pertractantes eo sensu ajunt sufficere, quatenus accedentibus ad Sacramentum supervenit timori actus aliquis caritatis. Hi autem *videntur* utique tradere attritionis servilis sufficientiam: sed non tradunt. Nec aliquid modo asserimus, quod non fuerit in hac dissertatione evidentissime comprobatum. Praxim deinde nobis objiciunt: at quam praxim? Pœnitentium ne? Puto neminem esse adeo ingratum offerenti Deo veniam, qui non curet excitare in se scintillulam caritatis: atque si hujus generis sit aliquis, cum justificari nimium confidenter asseritur. Intelligis vero praxim Confessariorum? Et hos arbitror dare operam, ut penitentem hortentur ad Deum diligendum: siquidem

dem Dominicus Soto, quamvis pugnaret pro attritione, in iv. tamen dist. 18. art. 2. *Revera, inquit, cum, qui mihi diceret non se penitere propter Deum, absolvere non auderem.* Ceteri si audeant, *timendum*, ait Hieronymus Harts pag. 77. *ne in illis verissimum sit axioma, Sacramentum conferimus, non securitatem.* Quæ demum dicta sunt de sententiæ nostræ asperitate, ultro fatebimur talem videri non habentibus caritatem; siquidem rectissime agebat Augustinus Tract. 1x. in Epist. Joan. num. 1. *Ubi caritas non est, amarus exactor est.* Utrum vero sententiæ hæc nostræ pariat animorum anxietatem, an pacem experiri quisque poterit, modò, ut ipsius Augustini utar phrasi, ambulare studeat *in latitudine amoris, non in timoris angustiis.* Vide S. P. serm. xi: in Psalmum 118. num. 1. Sed jam ad amplissimam hujus quæstionis, & ad septimi voluminis finem perveni: nec aliud addam, nisi quæ dulcissimus Parens scribit Tract. viii. in Epist. Joan. num. 11. *Hæc dixi, Fratres, & longiuscule: tamen quia vehementius commendanda fuit caritati vestræ caritas ipsa, ideo commendanda sic erat. Si enim caritas nulla est in vobis, nihil diximus. Si autem est in vobis, tanquam oleum in flammis adjecimus: & in quo non erat, forte verbis accensa est.*

Explicit Volumen septimum.



SEPTIMI VOLUMINIS

PROPOSITIONES.

- I.** Confirmationem, quamvis hoc, aliisque vocabulis, quibus explicari solet a rerum divinarum Traditoribus, non semper eadem res designetur. 5
- II.** Esse verum, propriumque Sacramentum novae legis demonstratur divinarum Scripturarum auctoritate, 11
- III.** Atque perpetua, & exploratissima Traditione. 17
- IV.** Institutum fuisse idem Sacramentum a Christo Domino certissima fide tenendum est: 29
- V.** Et quamquam tempus hujus institutionis non sit omnino compertum, probabilis existimatur id contigisse post Domini resurrectionem. 31
- VI.** Materia autem essentialis sacrosancti hujus mysterii non solum est impositio manuum sacerdotum Antistitem, 35
- VII.** Verum etiam Christum unctio; 38
- VIII.** Adeo, ut in utroque, impositione scilicet manuum & Christum, constitui debeat materia adequata Confirmationis. 40
- IX.** Utrum vero fidei sit dogma, quod unctio pertineat ad Sacramentum hujus essentialiam, relinquatur Sebolasticorum dispositioni. 50
- X.** Quod attinet ad Christum; ad hoc sciendum necessario primum requiritur oleum ex olivis expressum; 52
- XI.** Deinde permixtio balsami, 53
- XII.** Non tamen necessaria sunt omnes illae fragrantium rerum species, quas adhibent Graeci. 54
- XIII.** Mixtionem illam balsami quidam necessariam putant necessitate praecepti, quidam necessitate etiam Sacramenti: istis autem arbitramur esse adhaerendum. 56
- XIV.** Præterea debet Christum consecrari ab Episcopo, ad quem duntaxat, jure saltem ordinario, pertinet hæc consecratio; sed utrum consecratio ipsa necessaria sit ad Sacramenti essentialiam, nos inter discrepantia Theologorum placita nolumus definire. 59
- XV.** Ut nunc dicamus de forma; hæc non est, ut consent permulti, oratio Episcopi præcedens unctionem Christum; 64
- XVI.** Sed sunt verba inunctionem illam comitantia, videlicet, Signo te, &c. 68
- XVII.** Quæ utique verba apud Latinos varias subierunt mutationes; sed accidentarias duntaxat, nec immutantes significationis substantiam. 69
- XVIII.** At Graeci utuntur hac formula, Ζηταῖς διπλῆς πρὸς τὸν ὁῦνον, valida itidem & perantiqua. 71

- XIX. *Soli Episcopi sunt sacramenti Confirmationis ordinarii Ministri:* 74
 XX. *Tametsi ex dispensatione, sive extraordinaria facultate, possit a simplici Sacerdote conferri.* 83
 XXI. *Verum ut simplex presbyter valide confirmet, requiritur in Ecclesia Occidentali delegatio summi Pontificis; & in Orientalis consuetudo universim recepta, quam idem Romanus Pontifex aut approbet, aut saltem permittat.* 95
 XXII. *Illosi sunt ad hoc Sacramentum suscipiendum quicumque sunt initiati baptismate;* 100
 XXIII. *Homines etiam infantilis aetatis, ac parvuli:* 101
 XXIV. *Licet consultius expectetur in confirmandis usus rationis:* 102
 XXV. *Ceterum etiam aegroti, amentes, & emergenti, dummodo quadam regula ferventur, sunt ab Episcopis consignandi.* Ibid.
 XXVI. *Adulti, qui sibi met conscii sint mortalis culpa, debent Confirmationi praemittere Confessionem Sacramentalem.* 103
 XXVII. *Oportet insuper, ut insistant orationibus, ac sint jejuni.* 105
 XXVIII. *Quamvis autem hoc Sacramentum non sit necessarium necessitate medii ad salutem;* 108
 XXIX. *Necessarium est tamen necessitate praecepti, sive in re, sive in voto, iis omnibus, qui vel coram tyranno fidem profiteri debent, vel adversus eandem fidem crebris gravibusque tentationibus exagitantur.* 109
 XXX. *Reliqui pariter, qui hoc saluberrimum Sacramentum contemnant, peccant mortaliter.* 111
 XXXI. *At quinam contempsisse dicendi sunt? Arbitror non eos tantum, qui illud spernunt tanquam inutilem ceremoniam, quod redolet crimen haereseis & sacrilegii, sed etiam qui nullo legitime impedimento detenti, Episcopo praesente & hortante, negligunt consignari.* 112
 XXXII. *Debent igitur ad Confirmationem accedere qui provocantur ad negandam Christianam fidem: qui commorantur inter haereticos: qui tentationibus fidei deferenda percelluntur: qui primis consueva sunt initiandi, & fortasse etiam qui religiosam professionem emittunt; & denique omnes, qui parato Episcopo possunt ab eo confirmari.* 113
 XXXIII. *Prior ejusdem Confirmationis effectus est gratia sanctificans,* 116
 XXXIV. *Quae baptizatis confert gratiae perfectionem, robur ac firmitatem:* 117
 XXXV. *Atque haec gratia differt a gratia per baptismum collita, eaque perfectior est, non absolute, sed tantum comparative.* 119
 XXXVI. *Haereticis resipiscitibus Sacramentum Confirmationis non confert absque poenitentia, vel contritione, primam gratiam; quicquid affirmet Morinus.* 120
 XXXVII.

xxxvii. Effectus alter hujus Sacramenti est character, ideoque Confirmatio iterari non potest.	122
xxxviii. Ritus itaque, quo haeretici olim recipiebantur in Ecclesiam, non erat repetitio sacramenti Confirmationis:	124
xxxix. Neque Cyprianus, aut Augustinus ullibi affirmare, recipiendos esse repetito hoc Sacramento venientes ab haeresi.	131
xl. Statuenda est inter characterem Baptismi, & characterem Confirmationis aliqua connotativa distinctio.	135
xli. In Chrismatis consecratione recte observantur ritus omnes a Romana Ecclesia praescripti.	136
xlii. Recte quoque in Confirmatione adhibentur patrum:	139
xliii. Item inunctio frontis,	141
xliv. Quae ex vetusta consuetudine liganda est linea vitæ.	142
xlv. Probanda postremo ceremonia, qua confirmandus leviter ceditur alapa.	143
xlvi. Sequitur Sacramentum Eucharistiae; quod situm est in visibili specie elementorum, & invisibili Domini nostri carne, & sanguine, non autem in sola symbolorum consecratione, aut sumptione.	147
xlvii. De hujus Sacramenti institutione differentes principio ostendimus immolatum olim fuisse Pascha Judaicum in mense Nisan luna xiv. exeunte.	152
xlviii. Affirmamus deinde tempore Christi Domini non fuisse in usu apud Judaeos duplicem Neomeniam.	158
xlix. Illud etiam statuimus Christum pridie, quam pateretur, Legale Pascha cum Discipulis suis manducasse.	160
l. Præterea asserimus celebratum eadem die Pascha typicum a Judæis,	165
li. Nullumque istorum anno Christi emortuali solemnitate azymorum in diem proximam distulisse.	167
lii. Cum his assertionibus minime pugnat textus aliquis Evangelicæ Historiæ,	171
liii. Nec quod Scaliger, alique objiciant de Fæsto Pentecostes; de quo examinantur varia Scriptorum placita.	178
liv. Ad hæc demonstramus Dominum Jesum in suprema Cæna observasse legalis Paschatis ceremonias.	182
lv. Ex quibus omnibus inferimus, Eucharistiam fuisse institutam in Azymo, idque a Græcis perperam denegari.	187
lvi. Viguit autem in Romana Ecclesia ab Apostolorum ætate ad hanc usque perpetuus azymi usus;	191
lvii. Eratque Eucharistia in pane azymo consecrata Fermentum illud, quod olim in Ecclesia Romana dirigebatur ad Titulos.	195
	Lviii.

<u>LXVIII. Panes azymi in Eucharistiam consecrandi debent esse exiles, & figura rotundi.</u>	<u>198</u>
<u>LXIX. Eutemur quidem usum Fermentati obtinuisse apud Græcos ante exortum Schisma Photianum,</u>	<u>200</u>
<u>LX. Atque tam in azymo pane, quam in fermentato valide confici Eucharistiam;</u>	<u>202</u>
<u>LXI. Est enim sacramenti Eucharistia materia panis triticeus,</u>	<u>204</u>
<u>Cujus loco nequis materia alia substitui,</u>	<u>205</u>
<u>LXII. Quamvis idem triticeus panis valide consecratur, ejusvis quantitatis sit, modò sit præsens atque sensibilis.</u>	<u>207</u>
<u>LXIII. Verùm imperite quidam Græcorum vitio vertunt Romanæ Ecclesiæ quod consecret azymum;</u>	<u>209</u>
<u>LXIV. Nam si ratione pugnandum foret, facile Latini demonstrare possent majorem sui ritus convenientiam.</u>	<u>210</u>
<u>LXV. Falluntur qui censent Græcis apud Latinos commemorantibus, aut peregrinantibus fas esse consecrare azymum, & è contra Latinis apud Græcos fermentatum.</u>	<u>212</u>
<u>LXVI. Est præter panem materia divina Eucharistia vinum, nec hujus loco substitui potest aqua, siue alius liquor, etiamsi communis usus deferuiat ad potum.</u>	<u>213</u>
<u>LXVII. Vino consecrando modicum naturalis aqua ex perantiqua traditione, & Ecclesiæ præcepto debet infundi:</u>	<u>215</u>
<u>LXVIII. Hujusmodi tamen commixtio non est de necessitate Sacramenti.</u>	<u>220</u>
<u>LXIX. Aqua ipsa vino permixta convertitur in Christi sanguinem,</u>	<u>224</u>
<u>LXX. Immediatè, ut probabilius existimamus.</u>	<u>225</u>
<u>LXXI. Devenientes ad pertractandum de forma Eucharistia, dicimus Christum in illius institutione usum fuisse verbis:</u>	<u>232</u>
<u>LXXII. Hoc tamen nullo Ecclesiæ decreto esse apertissime desinitum.</u>	<u>233</u>
<u>LXXIII. Sanè verbis consecrant Sacerdotes, & quidem Dominicis, non precibus, quæ ante, vel post in Liturgiis recitantur.</u>	<u>234</u>
<u>LXXIV. Eadem consecrationis verba sunt hæc duntaxat, Hoc est corpus meum, & Hic est calix sanguinis mei, aut, Hic est sanguis meus; quamvis omne studium sit adhibendum, ne cetera prætermittantur.</u>	<u>243</u>
<u>LXXV. Melius est proferre hæc verba submissâ voce, quam elatâ.</u>	<u>249</u>
<u>LXXVI. Vere in Eucharistia contineri corpus, & sanguinem Domini N. J. C. præstentur Catholici, innixi sacrarum litterarum autoritati.</u>	<u>253</u>
<u>LXXVII. Confirmant eandem veritatem sacrosancta Concilia,</u>	<u>258</u>
<u>LXXVIII. Perpetua sanctorum Patrum traditio,</u>	<u>259</u>
<u>LXXIX. Momenta, quibus ab iisdem Patribus confutata sunt plures hæreses.</u>	<u>263</u>
<u>To. II.</u>	<u>FFFF</u>
	<u>LXXX</u>

LXXX.	<i>Exempla, quibus Majores nostri fidem huic mysterio concilia- runt,</i>	265
LXXXI.	<i>Miracula a Deo patrata in hujus veritatis confirmationem,</i>	267
LXXXII.	<i>Ipsi denique Catholica fidei adversarii.</i>	268
LXXXIII.	<i>Facillimum est refutare omnes hereticorum objectiones, si attendantur decem regulae a nobis traditae & explicatae.</i>	277
LXXXIV.	<i>Singulas nihilominus objectiones ipsas expendimus.</i>	288
LXXXV.	<i>Impugnatur quoque evidentissime assertus ab haeticis Confu- stantiatio, sive Impanatio.</i>	306
LXXXVI.	<i>Haud invicte probatur extitisse haesim Stercoranistarum: qua tamen, si fuit aliquando, facile refellitur & confutatur.</i>	321
LXXXVII.	<i>Ex reali corporis & sanguinis Domini J. C. praesentia sub symbolis Eucharisticis, insertar primum ipsi Domino in Euebari- stia existenti Latvia cultum esse exhibendum,</i>	326
LXXXVIII.	<i>In templis itidem religiose ac diligenter ipsam Eucharistiam observandam,</i>	329
LXXXIX.	<i>Optimo consilio solemne festum sacratissimi Corporis Christi fuisse institutum,</i>	333
XC.	<i>Et cum eodem solemni festo Processionem, in qua sacratissima Eucharistia circumfertur,</i>	335
XCI.	<i>Rursus hanc religiosissime exponi, & circumgestari aliis quoque temporibus, modo praecipiones quadam servantur.</i>	338
XCII.	<i>At nulli fas est deferre in itineribus Eucharistiam appensam collo, tametsi Romanis Pontificibus iter agentibus praeferi queat pompa, & comitatu decenti.</i>	340
XCIII.	<i>Eucharistiam consecrare & conficere ad solos attinet Sacerdo- tes:</i>	342
XCIV.	<i>At aliquando illam dispensarunt etiam Diaconi, praesertim sub specie vini, Antistitum tamen jussu, & delegatione.</i>	348
XCV.	<i>Non est Eucharistia ita ad salutem omnibus necessaria, ut nemo prorsus possit sine ipsa salutem consequi;</i>	349
XCVI.	<i>Licet manducare corpus Christi mystico sensu, quatenus idem est, ac Ecclesiae copulari, sit omnino aut in re, aut saltem in voto, de necessitate salutis:</i>	353
XCVII.	<i>Atque de communione hac mystica, non de sacramentali, ser- monem instituebat Augustinus, quando etiam parvulis necessa- riam assererat corporis & sanguinis Domini communionem.</i>	354
XCVIII.	<i>Tementur tamen precepto divino ad communionem sacramenta- lem adulti,</i>	355
XCIX.	<i>Et precepto Ecclesiastico semel saltem in anno, recurrente so- lemnitate Paschali:</i>	356
c.	<i>Quod Ecclesia preceptum adimpleri nequit communione sacrile- ga.</i>	358

- ci. Neque divinum præceptum, neque salutis necessitas exigit, ut laici
 sub utraque specie communicent; 364
 cii. In Ecclesia enim Occidentali, etiam ante xii. sæculum, Eucha-
 ristia frequentissimè sumebatur sub unica specie panis, 366
 ciii. Obtinuitque aliquando in Orientali Ecclesia idem usus. 368
 civ. Revera sub utraque specie continetur totus, & integer Cbri-
 stus; 369
 cv. Eademque gratia confertur communicanti sub unica tantum specie,
 ac conferatur utramque speciem sumenti. 370
 cvi. Quapropter, id posteriorum temporum conditione exigente, usus
 calicis jure optimo non Sacerdotibus sublati est: 371
 cvii. Nec expedit, ut iterum permittatur. 372
 cviii. Deneganda est Sacramentalis communio publicis peccatori-
 bus, 378
 cix. Pueris itidem, & iis, qui nunquam habuerunt usum ratio-
 nis. 381
 cx. Quibusdam pariter, at non omnibus Energumenis: 382
 cx. Non autem supplicio afficiendis extremo; 383
 cxii. Sive pœnitentibus in mortis articulo constitutis. 385
 cxiii. Nulla autem ratione ori defunctorum est ingerenda. 386
 cxiv. Inter dispositiones, quæ requiruntur ad communionem sacra-
 mentalem, connumerantur ex parte corporis jejunium, carnis
 mundities, cultusque præferens honestatem: 388
 cxv. Ex parte autem animi status gratia, & fidei, spei, caritatis,
 aliarumque virtutum exereitatio. 392
 cxvi. Commendamus frequentem communionem, si circa illam Pa-
 trum, & probatissimorum virorum documenta servantur. 393
 cxvii. Adnotatione denique digna sunt quæ attinent ad ritus com-
 munionis Sacramentalis, videlicet, fractio panis, distributio, ver-
 borum formula, aliæque id genus: 397
 cxviii. Et quantum spectat ad tempus, etiam post missam, & in
 Agenda defunctorum, potest Eucharistia Sacramentum admini-
 strari 401
 cxix. Non caret mystica significatione peculiaris ille ritus, quo com-
 munionem percipit Romanus Pontifex, quando Divinis solemni-
 ter operatur. 403
 cxx. Ut modo in iis, quæ ad Sacrificium pertinent, refutemus hæ-
 reticos; affirmamus Christum, quando Eucharistiam instituit,
 obtulisse in ea verum sacrificium, atque præcipisse etiam Aposto-
 lis, ut illud in sui commemorationem offerrent. 404
 cxxi. Sacrificium autem istud, quod Christus instituit, & in Ecclesia
 offerendum præcepit, non est sacrificium improprie acceptum, at-
 que ut contendunt hæretici, sola Domini corporis distributio,

& communio, sed vera oblatio habens proprii sacrificii rationem. 408

cxxii. Neque est tantummodo sacrificium Eucharisticum & Latreuticum, verum etiam est sacrificium Propitiatorium, atque Impetratorium: 422

cxxiii. Ideoque jure, meritoque offertur tam pro viventibus, quam pro iis, qui cum pietate defuncti sunt: 424

cxxiv. Pro damnatis verò, aut pro sanctis in celo regnantibus nequib hoc sacrificium offerri tanquam propitiatorium; pro his tamen, nempe Sanctis, ob alias causas vite peragitur. 426

cxxv. Missæ, quæ dicuntur privata, nullo Theologico argumento demonstrari possunt illicitæ: 429

cxxvi. Quare impie, & sacrilege hæretici unam tantum Missam, communem, reprobatis ceteris, commendant & prædicant, 432

cxxvii. Errostra, audacterque calumniantes multitudinem Missarum fuisse pravo sine introductam. 433

cxxviii. De questione nuper nata, an Sacerdos privatim celebrans teneatur Eucharistiam laicis petentibus distribuere, observanda sunt Apostolica littera S. D. N. BENEDICTI XIV. 437

cxxix. Plura sunt vocabula, quibus Latini, & Græci sacrificium, Missæ designant. 439

cxxx. Varia sunt etiam Missarum genera, de quibus singulis nonnulla differimus, 442

cxxxi. Sienti & de loco ad celebrandum idoneo. 446

cxxxii. Multiplex ratio suadet, ut loca pro sacrificio peragendo, & pro fidelium conventibus erecta, Deo Episcopali consecratione dicantur, 447

cxxxiii. Et si aliquando polluta sint, purgentur juxta præscriptionem sacrorum canonum. 449

cxxxiv. Attinent præterea ad Missæ sacrificium altaria, horumque consecratio, & ornatus. 453

cxxxv. Sacris insuper indumentis peragentes sacrum uti debent, 457

cxxxvi. Necnon paratis hujus rei causâ instrumentis. 460

cxxxvii. Opportunum deinde Sacrificii tempus attendendum est: 462

cxxxviii. Itemque cavendum ne plures Missæ ab eodem Sacerdote eadem die celebrentur. 463


cxxxix. Denique congruum est, ut explicetur quid in præcipuis Liturgiæ partibus lateat mysteriis. 464

cxl. Ut jam de Sacramento Pœnitentiæ incipiamus disserere; plura sunt ipsius Pœnitentiæ vocabula, quibus perperam contendunt hæretici significari solam resipiscenciam, seu melioris vitæ propositum. 471

cxli.



- CXL I. Duobus igitur modis accipitur nomen hoc, Pœnitentia; & juxta priorem est virtus vera, divinitus inspirata, & distincta a Sacramento, de quo pertractamus: 473
 CXL II. Considerata autem juxta rationem alteram Pœnitentia est verum, ac proprium novæ legis Sacramentum, 478
 CXL III. Et quidem diverſum a Sacramento Baptismi. 484
 CXL IV. Institutum fuit a Christo Domino; 490
 CXL V. Atque poſt baptiſmum lapſi neceſſarium eſt ad ſalutem. 491
 CXL VI. Nullum, quantumvis grave, datur peccatum, quod nequeat per Pœnitentiam expiari, & ab Eccleſia remitti. 493
 CXL VII. Partes Pœnitentiæ non ſunt terrores incuſſi, & fides, ut volunt hæretici; ſed Contritio, Confefſio, & Satisfactio, quemadmodum docent Catholici. 509
 CXL VIII. Ad Contritionem requiritur odium, & deſectatio peccati, melioris vitæ propoſita, necnon at interna ſit, vera, ſupernaturalis, atque ut ad omnia patrata ſcelera ſeſe extendat. 513
 CXL IX. Sententia propugnans neceſſitatem amoris initialis ad gratiam in Sacramento Pœnitentiæ obtinendam, nullæ poteſt cenſuræ notari; 519
 CL. Etenim è diametro opponitur doctrinæ hæreticorum a ſacroſancto Tridentino Concilio proſcriptæ: 522
 CL I. Quicquid etiam reponere poſſunt patroni attritionis ſervilis obſcipientibus illorum ſententiam in ipſa Tridentina Synodo anathema ſubiiſſe, id ſententiam quoque noſtram catholicam, & directè hæreticis oppoſitam aſſe declarat. 525
 CL II. Cæterum Tridentinum Concilium nequaquam definiit attritionem ab amore initiali ſejunctam ad gratiam in Sacramento Pœnitentiæ obtinendam ſufficienter diſponere; 527
 CL III. Sed videtur potius noſtra de neceſſitate amoris initialis ſententia ejusdem Tridentini Concilii definitionibus omnino conſormis. 532
 CL IV. Eſt præterea ſententia ipſa litterarum ſanctarum auctoritati, 537
 CL V. Necnon Patrum doctrinæ, atque traditioni coherens. 542
 CL VI. Validè inſuper propugnetur argumentationibus Theologicis: 547
 CL VII. Neque evertitur, ſed corroboratur magno illo numero Theologorum, quorum permulti ſententiam oppoſitam tradiderunt. 556
 CL VIII. Amor autem ille, de quo diſputatum eſt, eſſe debet amor caritatis, non autem ſolius ſpei. 559
 CL IX. Hac tandem noſtra ſententia nullo contrario argumento, (ſive petatur ex Tridentina Synodo, ſive ex virtute timoris, ſive ex caritatis præſtantia, ſive ex efficacia Sacramenti, ſive ex numero contradicentium) ſubvertitur, aut infirmatur. 562



[

]

